









Digitized by the Internet Archive  
in 2011 with funding from  
University of Toronto

Henry Bradshaw  
from E. S. Dewick  
Hon. Treas.  
July 1890

# HENRY BRADSHAW SOCIETY

Founded in the Year of Our Lord 1890

for the editing of Rare Liturgical Texts.



VOL. XVII.

*ISSUED TO MEMBERS FOR THE YEAR 1899*

AND

PRINTED FOR THE SOCIETY

BY

HARRISON AND SONS, ST. MARTIN'S LANE,

PRINTERS IN ORDINARY TO HER MAJESTY.



# MISSALE ROMANUM

MEDIOLANI, 1474.

EDITED BY

ROBERT LIPPE, LL.D.

*Chaplain of the Royal Asylum and Royal Infirmary at Aberdeen.*

VOL. I. TEXT.

London.

---

1899.



NOV 15 1934

7333

LONDON:  
HARRISON AND SONS, PRINTERS IN ORDINARY TO HER MAJESTY,  
ST. MARTIN'S LANE.

## PREFACE.

IN bringing out the Reprint of what is believed to be the first printed edition of the Roman Missal, the aim of the Henry Bradshaw Society has been to reproduce exactly the text of the copy of the Milanese edition of 1474, now preserved in the Ambrosian Library at Milan.

The circumstances which led the Society to this undertaking, as well as a description of the unique copy in the Ambrosian Library at Milan, are fitly and fully given by the Chairman of the Council of the Society, Dr. Wickham Legg, in the following introductory note kindly furnished to the Editor.

It is intended to issue a second volume containing a full collation of upwards of a dozen editions of the Pre-Pian Missal, together with the additional masses and other matter, and a full Index of all the liturgical forms given in the published reprint. It is hoped that thus a fair conspectus will be afforded of the printed text of the Pre-Tridentine Roman Missal.

The editor takes this opportunity of tendering his thanks to Dr. Wickham Legg not only for the interest he has taken in the progress of the work through the press but also for sparing no labour to render the work as correct as possible. Thanks are also due to Mr. Dewick and Mr. Wilson for help in revising the proofs, and to Dr. Ceriani for facilities given to the work in the Ambrosian Library at Milan, facilities which, it need not be said, have been especially valuable and important.





## INTRODUCTORY NOTE

BY J. WICKHAM LEGG, F.R.C.P., F.S.A.

AS it chances that I have been acquainted with the first steps taken by the Henry Bradshaw Society to bring out the present edition of the first printed Roman Missal known to us, steps that could not be known to the editor of the book, it has been thought well that I should write a few notes on the history of the reprint and of the various hands through which the work has passed.

When the Henry Bradshaw Society first began to be spoken of, Mr. F. H. Dickinson, of Kingsweston, the well-known editor of the Burntisland edition of the Sarum Missal, took much interest in the formation of the Society and gave it a sum of money that had arisen from the sale of the Burntisland edition. Mr. Dickinson hoped that this sum would help this Society to bring out an edition of the Pre-Tridentine Roman Missal. This was a project dear to Mr. Dickinson's heart.

But some time before this, Dr. Ceriani had shown me in the Ambrosian Library at Milan a copy of what is thought to be the first edition of the Roman Missal, printed at Milan in 1474; and which is spoken of by Brunet.<sup>1</sup> The idea of reprinting this edition then occurred to me, but circumstances were unfavourable. With the foundation of the Henry Bradshaw Society, and Mr. Dickinson's gift, it became possible again to consider this scheme, and steps were taken to carry it out. Mr. Procter, our venerable Vice-President, undertook to copy out the whole of the Roman Missal from two editions printed at Venice in 1485 and 1490. At the request of the President, the epistles and gospels were copied out in full. This copy of the early

<sup>1</sup> J. C. Brunet, *Manuel du Libraire*, Paris, 1862, s.v. *Missel*.

editions was then sent to Milan, where, with the kind assistance of Dr. Ceriani, it was brought into agreement with the edition of 1474 in the Ambrosian Library by Signor G. Gallarati. The revised copy was then sent to Aberdeen, where it was prepared for the press by Dr. Lippe, who had undertaken the duties of editor; and on being sent to press, the proofs were revised at Milan by Dr. Domenico Bonomini, being compared with the original, after being printed, once while still in the "slip" stage, and again, when in the form of sheets, after having been corrected in "slip."

In reproducing this text, the following scheme has been adopted. The collects, epistles, and gospels have been printed, as in the original, in a larger type, while the introits, grails, offertories, and communions, are in a smaller fount. With the exception of the first page, the rubrics in the original are printed in black, but in the same fount as the introits and other anthems; it has been thought well in this edition to distinguish the rubrics by printing them in italics, although there is no such distinction in the original. In like manner, for the convenience of the reader, the title of each mass has been printed in capitals, without regard to the character of the original title, which is very often added by hand in red. But whether added by hand, or printed in small black type in the original, the title of the mass has been printed in capitals throughout this book.

In the use of brackets, two plans have been followed: the square brackets enclose all additions made to the text by the editor, whether letters, words, or references to Holy Scripture, or pages of the edition: the round brackets enclose additions made by hand, usually in red, to the printed text soon after, it would seem, that the book itself was printed. These additions in red are mainly the titles to the mass itself, or to the parts of the mass, introits, gospels, and the like. The greater part of the larger capitals are also added by hand in the original; but this has not been indicated by the use of round brackets in this edition.

The obelus has been used to point out that the original has been strictly followed. Where a faulty spelling can be easily interpreted, no footnote has been added; but in cases where the meaning is not at once plain, a footnote giving the word from one of the later editions has been added. Some words are spelt repeatedly in the book in the same manner, and in these cases the obelus has not been always used; nor where a letter is reduplicated or the ordinary reduplication omitted.

The contractions have been expanded in the edition without pointing out the letters supplied. The original has been exactly followed as to the use of *i* and *u*.

Two collotypes of the original have been added to the reprint; one of a full page of the canon; the other of the column containing the colophon.

A few notes upon bibliographical matters may now be added.

The press mark of this book in the Ambrosian Library is S.Q.N. III. 14. It is bound in green morocco. At its back is printed in gold letters: *Missale Romanum Mediolani mccccclxxiv*.

The text, including the canon, is printed throughout in double columns in gothic letter. The rubrics are not printed in red but in black, in a smaller type, the same as the introits, grails, offertories and communions. But the first column of the first page which gives the mass for Advent Sunday is printed in black and red. Apparently this is the only part of the book printed in red and black. In the rest of the book the names of liturgical parts, such as *introitus* and *offertorium*, and of the great majority of the large capital letters of the collects and other liturgical forms, represented in this edition by letters which take up two lines, are added by hand in red. The other large letters are in print. The only stops are full points and colons. The number of lines in each column is 41. The printed surface of each page is 225 by 155 millimetres.

The book is printed on paper, and is of folio size. The wire lines are perpendicular and the watermark (a flower, rounded, eight petals about a circle, 52 millimetres in diameter) is in the middle of the pages on which it occurs.

There is no title-page; nor are there printed signatures, numbers to leaves, or catchwords.

The book begins with the calendar followed immediately by the *Ordo ad faciendam aquam benedictam*. The first leaf of the calendar, on which were printed the months of January and February, has been torn in a vertical direction. The leaf containing the end of the *Sanctorale* and the beginning of the *Commune sanctorum* has been lost.

It may be here noted that these losses have been supplied in this reprint by borrowing from a later edition that appears to follow the edition of 1474. Its press mark in the British Museum is C. 52. e. 4. The colophon is *Missale completum secundum consuetudinem romane curie summa cum diligentia Mediolani impressum opificio & impensa Leonardi pachel & Ulderici scinczen-celler de Alamagnia sociorum. Anno domini. M·CCCC·LXXX. pridie kalendas Augustas*. The verses on the Egyptian days are however wanting in the edition of 1480; so the words missing in the verses for January and February have been happily supplied from a Franciscan breviary written about 1240 that has been shown me by Mr. Robert Steele. The symbol 80 has been used in the footnotes to indicate this edition of 1480 while 74 is used for the edition of 1474 now printed.

There is no printed musical notation in the book though the lines of the prefaces and of the *Pater noster* after the Canon are widely separated from each other, about 14 millimetres being left between the top of one letter in the lower line and the bottom of another in the upper line. Evidently the musical notes and lines were to have been filled up by hand as the titles of the parts of the mass have been treated. There are no blank leaves. A leaf has been inserted before the canon; this is blank on its recto, but the verso has a painting of the crucifixion.

# MISSALE ROMANUM

MEDIOLANI, 1474.



/Annus habet menses xii s[e]ptimanas lii.] [p. i.  
et diem unum et habet die[s ccc]lxvi.† et horas  
sex :]

Prima dies iani timor est [et septima uani.]

Ianuarius habet dies xx[xi. Luna uero xxx.]

Nox habet horas xvi. d[ies viii.]

(A) Ianuarii. Circumcisio domini [et s. basilii epi. et confessoris.]

b iiii. nō. Octaua sancti steph[ani martiris.]

c iii. nō. Octaua sancti ioha[nnis.]

d ii. nō. Octaua innocentum.

e nonas. Uigilia Epyphani[e].

f viii. idus. Epyphania domin[i].

g vii. idus. A festo stelle numer[ando per]fice lunam. Post xl.]

(a) vi. idus. dies et septuaginta† fie[t : et si bisestus fuerit superadditur unus.]

b v. idus. Si cadit in lucem d[omini] suppone sequentem.]

c iiii. idus. Sancti pauli primi [heremite.]

d iii. idus. Sancti ygini pape [et martiris.]

e ii. idus. Sancti iohannis p[ape].

f Idus. Octaua epyphanie.

g xiv† kl. Februarii. sancti feli[cis. in]pincis.]

(a) xviii. kl. Sancti mauri abbatis. [Sol in aquario]

b xvii. kl. Sancti marcelli pape e[t martiris.]

c xvi. kl. Sancti antonii abbatis.

d xv. kl. Sancte prisce uirginis e[t martiris.]

e xiiii. kl. Sanctorum martirum marii [marte audifax et abacum.]

f xiii. kl. Sanctorum fabiani et seb[astiani martirum.]

g xii. kl. Sancte agnetis uirginis [et martiris.]

(a) xi. kl. Sanctorum uincentii et a[nastasii martirum.]

b x. kl. Sancte emerentiane uir[ginis et martiris.]

c ix. kl. Sancti thimotei episcop[i et martiris.]

d viii. kl. Conuersio sancti pauli.

e vii. kl. Sancti policarpi episcopi et m[artiris.]

f vi. kl. Sancti iuliani episcopi et confe[ssoris.]

g v. kl. Sancte agnetis secundo.

(a) iiii. kl. Sancti ypoliti martiris :

b iii. kl. Sancte sauine.

c ii. kl. Sanctorum ciri et ichann[is.]

Prima parit bellum sed quinta d[at hora flagellum.]

**[KL]**

[Februarius apud hebreos] /dicitur sceboth apud [p. ii. grecos endicos.

[Alterius mensis. post qu]artum tertius ensis.


[Februarius habet dies] xxviii. luna xxix. quando est bis.

[sextus habet dies xxix.] luna xxx. Nox habet horas. [xiiii. dies uero x.]

- [d] Februarii. Sancti ygnatii] episcopi et martiris.  
 [e] iiii. nō. Purificatio san]cte marie uirginis.  
 [f] iii. nō. Sancti blasii epischopi] et† martiris.  
 [g] ii. nō. Sancti gilberti] confessoris.  
 [a] Nonas. Sancte agathe] uirginis et martiris.  
 [b] viii. id'. Sancti Amandi epischopi et c]onfessoris.  
 [c] vii. id'. Sancti apolinari]s episcopi.  
 [d] vi. id'. Sancti inuentii] episcopi et confessoris.  
 [e] v. id'. Sancte apoloni]e uirginis et martiris.  
 [f] iiii. id'. Sancte scolastic]e uirginis.  
 [g] iii. id'. Sancti saturini] martiris.  
 [a] ii. id'. Sancti iuliani co]nfessoris.  
 [b] Idus. Sancti Fulgentii epischopi et] martiris.  
 [c] xvi. kl. Martii. sancti ualenti]ni martiris.  
 [d] xv. kl. Sanctorum Faustini et io]uite martirum.  
 [e] xiiii. kl. Sancte iulian]e uirginis et martiris.  
 [f] xiii. kl. Sancti polic]rimii episcopi et martiris.  
 [g] xii. kl. Sancti sime]onis episcopi et martiris.  
 [x] xi. kl. Sancti gabi]ani episcopi.  
 [b] x. kl. Sancti fuga]rii episcopi.  
 [c] ix. kl. Sancti ambr]osii de uictoria.  
 [d] viii. kl. Cathedra sa]ncti petri.  
 [e] vii. kl. Sancti polic]arpi martiris.  
 [f] vi. kl. Sancti mathi]e apostoli.  
 [g] v. kl. Sancti uiala]nti martiris.  
 [a] iiii. kl. Sancti fortu]nati episcopi.  
 [b] iii. kl. Sancti rom]ani abbatis.  
 [c] ii. kl. Translatio] sancti augustini episcopi.

[Nullus ut octaue u]el dene dixerit aue.





/Martius apud ebreos dicitur adar apud [p. iii.  
grecos drstoa.


Martius in prima cum quarta diuidit adima.

Martius habet dies xxxi. luna xxx.

Nox habet horas xii. dies uero xii.

d	Martii.	Sancti albini episcopi et confessoris.
e	vi.	nō. Sancti lucii martiris.
f	v.	nō. Sancti felicitis martiris.
g	iiii.	nō. Sancti adriani martiris.
(a)	iii.	nō. Sancti fridolini martiris.
b	ii.	nō. Sancti uictoris martiris.
c	nonas.	Sanctarum perpetue et felicitatis.
d	viii.	idus. Sancti cirilli episcopi.
e	vii.	idus. Sanctorum quadraginta martirum.
f	vi.	idus. Sancte agape uirginis.
g	v.	idus. Claues pasce.
(a)	iiii.	idus. Sancti gregorii pape.
b	iii.	idus. Sancti macedonii presbiteri.
c	ii.	idus. Sancti leonis episcopi.
d	Idibus.	Quadragintaseptem militum.
e	xvii.	kl. aprilis Sancte eugenie uirginis.
f	xvi.	kl. Sancti gerundi martiris.
g	xv.	kl. Sancti alexandri episcopi et martiris.
(a)	xiiii.	kl. Sancti archiepiscopi.
b	xiii.	kl. Sancti gutiberti episcopi et martiris.
c	xii.	kl. Sancti benedicti abbatis. Equinoctium.
d	xi.	kl. Sancti paulini episcopi.
e	x.	kl. Sancti theodori episcopi
f	ix.	kl. Sancti pigmerii episcopi.
g	viii.	kl. Annuntiatio beate marie uirginis.
(a)	vii.	kl. Sancti castuli martiris.
b	vi.	kl. Sancti martiani martiris.
c	v.	kl. Sancti malchi martiris.
d	iiii.	kl. Sancti eustaxii confessoris.
e	iii.	kl. Sancti quirini martiris.
f	ii.	kl. Sancte balbine uirginis.

Prima nocet multum nullum dabit altera cultum.



/Aprilis apud hebreos dicitur ar. apud [p. iv.  
grecos sandicos.


Aprilis habet dies xxx. luna xxix.

Nox habet horas x. dies uero xiiii.

Cui decimus cedit undenus aprilis obedit.

g	Aprilis.	Sancte theodore uirginis.
(a)	iiii. nō.	Sancti uialarici confessoris.
b	iii. nō.	Sancti appolonii martiris.
c	ii. nō.	
d	Nonas.	Sancte herene uirginis.
e	viii. idus.	Celestini pape.
f	vii. idus.	Thimotei martiris.
g	vi. idus.	Sancti dometrii† martiris.
(a)	v. idus.	Sanctarum septem uirginum.
b	iiii. idus.	Sancti successi martiris.
c	iii. idus.	Sancti leonis pape.
d	ii. idus.	Sancti iulii episcopi.
e	Idus.	Sancti carpi episcopi.
f	xviii. kl.	Maii Sanctorum tiburcii et ualeriani. martirum.
g	xvii. kl.	Sancti quiriaci martiris.
(a)	xvi. kl.	Sancti uassii episcopi.
b	xv. kl.	Sancti innocentii episcopi.
c	xiiii. kl.	Sancti aniceti pape et martiris
d	xiii. kl.	Translatio naboris et felcis martirum.
e	xii. kl.	Sancti uictoris episcopi.
f	xi. kl.	Sancti maximiani martiris.
g	x. kl.	Sanctorum sotheris pape et martiris. et gatii pape et martiris.
(a)	ix. kl.	Sancti georgii martiris.
b	viii. kl.	Extrema pasce tua decet passio marce.
c	vii. kl.	Sancti marci euangeliste. et letanie maiores. ultinium pa[sca].
d	vi. kl.	Sancti cleti pape et martiris. et marcelini pape et martiris.
e	v. kl.	Sancti anastasii pape et martiris.
f	iiii. kl.	Sancti uitalis martiris.
g	iii. kl.	Sancti petri martiris.
(a)	ii. kl.	Sancti quintini mart[ir]is.

Prima petit tellis quem nona requirit aprilis.



/Madius apud ebreos dicitur scriban apud [p. v.  
grecos antinoscos.†


Tertius hic aptat. madii. quod septimus aptat.

Madius habet dies xxxi. luna xxx.

Nox habet horas viii. dies uero xvi.

b	Madii.	Sanctorum apostolorum philipi et iacobi.
c	vi. nō.	Sancti athanaxii† episcopi et confessoris.
d	v. nō.	Inuentio sancte crucis. et sanctorum martirum alexandri euentii theodonis† et iuue[nalis.]
e	iiii. nō.	Quirici episcopi et martiris.
f	iii. nō.	Sancti fortunati martiris.
g	ii. nō.	Iohannis ante portam latinam.
(a)	Nonas.	Sancti placidi episcopi.
b	viii. idus.	Sancti uictoris martiris.
c	vii. idus.	Beati presbiteri martiris.
d	vi. idus.	Sanctorum gordiani et epimachi martirum.
e	v. idus.	Sancti maioli abbatis.
f	iiii. idus.	Sanctorum martirum nereii achilei atque pancracii.
g	iii. idus.	Sancti geruacii confessoris.
(a)	ii. idus.	Sancti bonifacii martiris.
b	Idus.	Sancti torquati confessoris.
c	xvii. kl. Iunii	Aquilini et uictoriani martirum.
d	xvi. kl.	Translatio sancti syri episcopi.
e	xv. kl.	Sancte basilie uirginis. Sol in geminis.
f	xiiii. kl.	Sancte potentiane uirginis. et sancti petri celestini pape et confessoris.
g	xiii. kl.	Sancte bassille uirginis et martiris.
(a)	xii. kl.	Sancti ualentis martiris.
b	xi. kl.	Castri† et [e]mili[i] mart[irum.]
c	x. kl.	Sancti saluatoris martiris.
d	ix. kl.	Sancti ragaciani† martiris.
e	viii. kl.	Sancti urbani pape et martiris.
f	vii. kl.	Sancti eleutherii pape et martiris.
g	vi. kl.	Sancti iohannis pape et martiris.
(a)	v. kl.	Sancti germani episcopi.
b	iiii. kl.	Sancti maximini episcopi.
c	iii. kl.	Sancti felicis pape et martiris.
d	ii. kl.	Sancte petronille uirginis.

Sexta minus sordet cum uulnera dena remordet.



/Iunius apud hebreos dicitur tebath apud [p. vi.  
greccos deseos.


Cui nil dena dabit iunii quindena negabit

Iunius habet dies. xxx. luna xxix.

Nox habet horas vi. dies uero xviii.

e	Iunii.	Sancti nichomedis. martiris.	
f	iiii.	nō. Sanctorum martirum marcelini et petri atque erasmi	
g	iii.	nō.	
(a)	ii.	nō. Quirini episcopi et martiris	
b	nonas.	Sancti bonifacii martiris.	
c	viii.	idus. Sancte ualerie uirginis.	
d	vii.	idus. Sancti luciani martiris.	
e	vi.	idus. Sancti medardi et gildardi episcoporum.	
f	iii.	idus. Sanctorum martirum primi et feliciani.	
g	iiii.	idus. Sancti basilidis cum sociis omnes martirum.	
(a)	v.	idus. Sancti barnabe apostoli.	
b	ii.	idus. Sanctorum basilidis cirini naboris et nazarii martirum.	
c	Idus.	Sancte felicule uirginis.	
d	xviii.	kl. [Iulii] Sancti basili episcopi et martiris.	
e	xvii.	kl. Sanctorum martirum uiti et modesti atque cresentie.	
f	xvi.	kl. Sanctorum cirici et iulite martirum.	
g	xv.	kl. Sancti iuliani episcopi et martiris.	
(a)	xiiii.	kl. Sanctorum martirum marci et marceliani.	
b	xiii.	kl. Sanctorum martirum geruasii et protasii.	
c	xii.	kl. Sancti siluerii pape et martiris.	
d	xi.	kl. Sancti rufini martiris.	
e	x.	kl. Sancti paulini episcopi confessoris.	
f	vii.	kl. Sancti felicis presbiteri et martiris.	Uigilia.
g	viii.	kl. Natiuitas sancti iohannis baptiste.	
(a)	vii.	kl. Sancti prosperi confessoris.	
b	vi.	kl. Sanctorum martirum iobannis† et pauli.	
c	v.	kl. Sancte simphorose uirginis.	
d	iiii.	kl. Sancti leonis pape et confessoris.	Uigilia.
e	iii.	kl. Sanctorum apostolorum petri et pauli.	
f	ii.	kl. Commemoratio sancti pauli.	

Ledit quinta cute nullam dat quarta salute



/Iulius apud ebreos dicitur thamul. apud [p. vii.  
grecos panemos

Terdecimus fortis. iulii sedecim uia mortis.


Iulius habet dies xxxi. luna xxx.

Nox habet horas viii. dies uero xvi.

g	Iulii.	Octaua sancti iohannis baptiste.
(a)	vi.	nō. Sanctorum martirum processii et martiniani.
b	v.	nō. Translatio sancti thome apostoli.
c	iiii.	nō. Translatio sancti martini.
d	iii.	nō. Sancti domicii martiris.
e	ii.	nō. Octaua apostolorum petri et pauli.
f	Nonas.	Translatio sancti thome archiepiscopi.
g	viii.	idus. Sancti nicostrati et claudii martirum.
(a)	vii.	idus. Sancti zenonis martiris.
b	vi.	idus. Sanctorum martirum septem fratrum.
c	v.	idus. Sancti pii pape et martiris.
d	iiii.	idus. Sanctorum martirum naboris et felcis.
e	iii.	idus. Sancti anacleti pape et martiris.
f	ii.	idus. Sancti felcis episcopi et confessoris.
g	Idus.	Sanctorum martirum quirici et iulite.
(a)	xvii.	kl. Augusti. Sancti alexii confessoris.
b	xvi.	kl. Sancte marceline uirginis.
c	xv.	kl. Sancte simphorose cum septem filiis suis martiribus. et sancti materni episcopi et confessoris.
d	xiiii.	kl. Sancte rufine uirginis.
e	xiii.	kl. Sancte margarite uirginis.
f	xii.	kl. Sancte praxedis uirginis.
g	xi.	kl. Sancte marie magdalene.
(a)	x.	kl. Sancti apolenaris episcopi et martiris.
b	ix.	kl. Sancte crestine† uirginis et martiris.
c	viii.	kl. Iacobi apostoli. et christofori martiris.
d	vii.	kl. Sancte anne matris sancte marie.
e	vi.	kl. Sancti pantaleonis martiris.
f	v.	kl. Sanctorum martirum nazari celsi. uictoris pape et martiris.
g	iiii.	kl. Sanctorum martirum simplici faustini. et beatricis.
(a)	iii.	kl. Sanctorum martirum abdon et senem†.
b	ii.	kl. Sancti germani episcopi et confessoris.

Uigilia.

Est lopus indenaf pariter quoque nouaf leena.



/Augustus apud hebreos dicitur ebal. apud [p. viii.  
grecos ior.


Sexti prima furit a fine secunda perurit.

Augustus habet dies xxxi. luna xxx.

Nox habet horas x. dies uero xiiii.

c	Augusti.	Sancti petri ad uincula. et sanctorum machabeorum	<b>martirum.</b>
d	iiii. nō.	Sancti stephani pape et martiris.	
e	iii. nō.	Inuentio corporis sancti stephani prothomartiris.	
f	ii. nō.	Sancti iustini presbiteri et martiris.	
g	Nonas.	Sancti dominici confessoris de ordine predicatorum.	
(a)	viii. idus.	Sancti sexti pape et martiris. et sanctorum felicissimi et agapiti.	
b	vii. idus.	Sancti donati episcopi et martiris. Autumnus oritur.	
c	vi. idus.	Sanctorum martirum ciriaci largi et smaragdi.	
d	v. idus.	Sancti romani martiris.	
e	iiii. idus.	Sancti laurentii martiris.	
f	iii. idus.	Sanctorum martirum tiburtii et susane uirginis et martiris.	
g	ii. idus.	Sancte clare uirginis.	
(a)	Idus.	Sancti ypoliti et sociorum eius martirum.	
b	xix. kl. septembris.	sancti eusebii presbiteri et confessoris.	Uigilia.
c	xviii. kl.	Assumptio beate marie uirginis.	
d	xvii. kl.	Sancti rochi.	
e	xvi. kl.	Octaua sancti laurentii.	
f	xv. kl.	Sancti agapiti martiris. Sol in uirgine.	
g	xiiii. kl.	Sancti ludouici episcopi et confessoris.	
(a)	xiii. kl.	Sancti bernardi abbatis.	
b	xii. kl.	Sancti anastasii martiris.	
c	xi. kl.	Sanctorum martirum tymothei ypoliti et symphoriani.	
d	x. kl.	Regnat in autumnno festum clementis adusque.	
e	ix. kl.	Sancti bartholomei apostoli.	
f	viii. kl.	Sancti zeferini pape et martiris.	
g	vii. kl.	Sancti alexandri martiris.	
(a)	vi. kl.	Sancti ruffi martiris.	
b	v. kl.	Sancti augustini episcopi et confessoris. et sancti hermetis martiris.	
c	iiii. kl.	Decolatio sancti iohannis baptiste. et sancte sabine uirginis.	
d	iii. kl.	Sanctorum martirum felcis et audacti.	
e	ii. kl.	Sancti paulini episcopi et confessoris.	

Cuspide prima ferit quam septima perdere querit.



/September apud hebreos dicitur traxi. [p. ix.  
apud grecos coreos.


Tertia turbatur september dena minatur.

September habet dies xxx. luna xxix.

Nox habet horas xii. dies uero xii.

f	Septembris	Sanctorum xii fratrum. et sancti egidii abbatis.	
g	iiii. nō.	Sancti antonini martiris.	
(a)	iii. nō.	Sancti marini heremite.	
b	ii. nō.	Sancti marcelli pape et martiris.	
c	Nonas.	Uictorini episcopi et martiris.	
d	viii. idus.	Domiciani† et mansueti martirum.	
e	vii. idus.	Sancti iohannis episcopi et martiris.	
f	vi. idus.	Natiuitas beate marie uirginis.	
g	v. idus.	Sancti gorgonii martiris.	
(a)	iiii. idus.	Sancti nicholai de tolentino.	
b	iii. idus.	Sanctorum martirum proti et iacinti.	
c	ii. idus.	Sancti syri et inuentii† martirum.	
d	Idus.	Sancti maurilii episcopi et confessoris.	
e	xviii. kl.	Octobris Exaltatio sancte crucis. et sanctorum cornelii et cipriani.	
f	xvii. kl.	Sancti nichomedis martiris.	
g	xvi. kl.	Sancte eufemie lucie et geminiani martirum.	
(a)	xv. kl.	Sancti lanberti episcopi et martiris.	
b	xiiii. kl.	Sancti trofini† martiris.	
c	xiii. kl.	Sancti ianuari martiris.	
d	xii. kl.	Sancti eustacii et sociorum eius martirum.	Uigilia.
e	xi. kl.	Sancti mathei apostoli et euangeliste.	
f	x. kl.	Sancti mauritii cum sociis suis.	
g	ix. kl.	Sancti lini pape et martiris.	
(a)	viii. kl.	Sancte tegle uirginis et martiris.	
b	vii. kl.	Santci† cleophe discipuli domini martiris.	
c	vi. kl.	Sancti cipriani episcopi et martiris. et sancte iustine uirginis et martiris.	
d	v. kl.	Sanctorum martirum cosme et damiani. sancti elziarii confessoris.	
e	iiii. kl.	Sancti fausti martiris.	
f	iii. kl.	Dedicatio basilice sancti michaelis archangeli.	
g	ii. kl.	Sancti yeronimi presbiteri et confessoris.	

Tertia septembris et quarta dabunt mala membris.



/October apud hebreos dicitur marisan [p. x.  
apud grecos iperbecos.

Tertius octubris nulli decimusque salubris.


October habet dies xxxi. luna xxx.

Nox habet horas xiiii. dies vero x.

- |     |             |   |          |
|-----|-------------|---|----------|
| (a) | Octubris    | Sancti remigii episcopi et confessoris.   |          |
| b   | vi. nō.     | Sancti leodogarii† episcopi et martiris.  |          |
| c   | v. nō.      | Sancti dionisii confessoris.  |          |
| d   | iiii. nō.   | Sancti francisci confessoris.   |          |
| e   | iii. nō.    | Placidi et aliorum xxx. martirum.   |          |
| f   | ii. nō.     | Abraam ysaac et iacob patriarcharum.  |          |
| g   | Nonas.      | Sancti marci pape et confessoris et sanctorum martirum sergi et<br>bachii marcelli et apulei. |          |
| (a) | viii. idus. | Pelagie uirginis.   |          |
| b   | vii. idus.  | Sanctorum martirum dionisii rustici et eleutherii.  |          |
| c   | vi. idus.   | Sancti cerboni episcopi et confessoris.   |          |
| d   | v. idus.    | Sanctorum martirum probi et andronici.  |          |
| e   | iiii. idus. | Cipriani et felicis episcoporum.  |          |
| f   | iii. idus.  | Teophili episcopi et martiris.  |          |
| g   | ii. idus.   | Calisti pape et martiris.   |          |
| (a) | Idus.       | Sancti anthioci episcopi et confessoris.  |          |
| b   | xvii. kl.   | Nouembris sancti galli abbatis.   |          |
| c   | xvi. kl.    | Heronis episcopi et martiris. Sol in scorpione.   |          |
| d   | xv. kl.     | Sancti luce euangeliste.  |          |
| e   | xiiii. kl.  | Sancti tolomei et luci martirum.  |          |
| f   | xiii. kl.   | Sancti capraxii martiris.   |          |
| g   | xii. kl.    | Yllarionis abbatis.   |          |
| (a) | xi. kl.     | Sancti marci episcopi et martiris   |          |
| b   | x. kl.      | Sancti seruandi et germani martirum.  |          |
| c   | ix. kl.     | Sancti zanarii† confessoris.  |          |
| d   | viii. kl.   | Sanctorum martirum grisanti et darie.   |          |
| e   | vii. kl.    | Sancti euaristi pape et martiris.†  |          |
| f   | vi. kl.     | Sancti euaristi pape et martiris.†  | Uigilia. |
| g   | v. kl.      | Sanctorum apostolorum symonis et iude.  |          |
| (a) | iiii. kl.   | Sancti narcisci episcopi et confessoris.  |          |
| b   | iii. kl.    | Sancti marcelli et potenciani pape et martiris.   |          |
| c   | ii. kl.     | Sancti quintini martiris.   | Uigilia. |

Quinta dat octubris que uoua† uenena colubris.





/Nouember apud hebreos dicitur casleu [p. xi.  
apud grecos dios.

Quinta nouembris obest. nulli lux tertius obest.


Nouembris habet dies xxx. luna xxix.

Nox habet horas xvi. dies uero viii.

- d Nouembris Festiuitas omnium sanctorum. et sancti cesarii martiris.  
e iiii. nō. Officium pro omnibus fidelibus defunctis.  
f iii. nō.  
g ii. nō. Sanctorum martirum uitalis et agricole.  
(a) Nonas.  
b viii. idus. Sancti leonardi confessoris.  
c vii. idus. Sancti herculiani martiris.  
d vi. idus. Sanctorum quatuor coronatorum et lodouici confessoris.  
e v. idus. Dedicatio basilice saluatoris. et theodori martiris.  
f iiii. idus. Sanctorum martirum triphonis et respicii. et ninphe† uirginis.  
g iii. idus. Sancti martini episcopi et confessoris. et sancti menne martiris.  
(a) ii. idus. Sancti martini pape et martiris.  
b Idus. Sancti bricii episcopi et confessoris.  
c xviii. kl. Decembris. sancti serapionis martiris.  
d xvii. kl. Sancti eugenii martiris.  
e xvi. kl. Sancti edomundi† canturium.†  
f xv. kl. Sancti gregorii episcopi ct† confessoris. Sol in sagitario.  
g xiiii. kl. Dedicatio basilicarum petri et pauli.  
(a) xiii. kl. Pontiani pape et martiris. et helisabet filia regis ungarie.  
b xii. kl. Sancti eadmundi regis et martiris.  
c xi. kl. Sancti mauti† martiris.  
d x. kl. Sancte cecilie uirginis et martiris.  
e ix. kl. Clementis pape et martiris. et sancte felicitatis.  
Festum clementis iemis caput est orientis.  
f viii. kl. Grisogoni martiris.  
g vii. kl. Sancte katerine uirginis et martiris.  
(a) vi. kl. Sancti petri alexandrini episcopi et martiris.  
b v. kl. Lini pape et martiris.  
c iiii. kl. Iacobi intercisci.†  
d iii. kl. Sancti saturnini martiris.  
e ii. kl. Sancti andree apostoli.

Uigilia.

Est octaua canis forte quarta uidetnr† in anis.



/December apud hebreos dicitur thebath [p. xii.  
apud greccos apibeos.

Hoc dat bissena decimi quod septima dena.

December habet dies xxxi. luna xxx.

Nox habet horas xvi. dies uero viii.

f	Decembris	Sancte usuiane† uirginis.	
g	iiii. nō.	Sancte bibiane uirginis et martiris.	
(a)	iii. nō.	Sancti cassiani martiris.	
b	ii. nō.	Barbare uirginis et martiris.	
c	Nonas.	Sancti sabbe abbatis et confessoris.	
d	viii. idus.	Sancti nicholai episcopi et confessoris.	
e	vii. idus.	Ordinatio sancti ambrosii archiepiscopi et confessoris.	
f	vi. idus.	Conceptio beate marie uirginis.	
g	v. idus.	Sancti syri episcopi et confessoris.	
(a)	iiii. idus.	Sancte eulalie uirginis.	
b	iii. idus.	Damasci† pape et martiris	
c	ii. idus.	Melchiadis pape.	
d	Idus. kl.	Ianuarii. Sancte lucie. uirginis et martiris.	
e	xix. kl.	Sanctorum isidori et dioscori martirum.	
f	xviii. kl.	Sancti ualerii episcopi et martiris.	
g	xvii. kl.	Sanctorum floriani et xl martirum.	
(a)	xvi. kl.	Sancti lazari episcopi et confessoris.	
b	xv. kl.	Sancti ruffi et zosimi martirum.	
c	xiiii. kl.	Sancti nemesii martiris.	
d	xiii. kl.	Sancti amonis et zenonis martirum.	Uigilia.
e	xii. kl.	Sancti thome apostli.†	
f	xi. kl.	Sancti ceremonis episcopi.	
g	x. kl.	Sancti uictorii martiris.	
(a)	ix. kl.	Uigilia.	
b	viii. kl.	Natiuitas domini nostri iesu christi et sancte anastaxie.†	
c	vii. kl.	Sancti stephani protomartiris.	
d	vi. kl.	Sancti iohannis euangeliste.	
e	v. kl.	Sanctorum martirum in nocentum.	
f	iiii. kl.	Sancti thome archiepiscopi et martiris.	
g	iii. kl.		
(a)	ii. kl.	Sancti siluestri pape et confessoris.	

Prima parit luctum nullum dat septima fructum.

[(Incipit ordo ad faciendam aquam Benedictam.) [p. xiii.

*Dominica prima aduentus et in omnibus dominicis per annum pulsato signo ad tertiam ebdomadarius intret sacristiam. et dum ministri preparant se stollam apponens circa*  
5 *collum faciat aquam benedictam dicendo.*

(V.) Adiutorium nostrum in nomine domini.

(R.) Qui fecit celum et terram.

*Deinde accipiat exorcismum salis<sup>1</sup> absolute.*

(Exorcismus.)

10 **E**Xorcizo te creatura salis. per deum (✠) uiuum. per deum uerum. per deum (✠) sanctum. per deum qui te per helyseum prophetam in aquam mitti iussit. ut sanaretur sterilitas aque. ut efficiaris sal exorcizatum in salutem credentium et sis omnibus te sumentibus sanitas anime et  
15 corporis ut effugiat atque discedat ab eo loco in quo aspersum fueris. omnis fantasma et nequitia. uel uersutia diabolice fraudis. omnisque spiritus immundus ab iuratus per eum qui uenturus est iudicare uiuos et mortuos et seculum per ignem.  
(R.) Amen.

20 (Oremus. Oratio.)

**I**mmensam clementiam tuam omnipotens eterne deus humiliter imploramus ut hanc creaturam salis quam in usum generis humani tribuisti bene(✠)dicere. et sancti(✠)ficare tua pietate digneris. ut sit omnibus sumentibus salus mentis et corporis. et  
25 quicquid ex eo tactum uel respersum fuerit careat omni immundicia omnique impugnatione spiritualis nequitiæ. Per dominum nostrum iesum christum filium tuum. qui tecum uiuit et regnat in unitate spiritus sancti deus. Per omnia secula seculorum. (R.) Amen.

30 *Exorcismus aque et dicatur absolute.*

(Exorcismus.)

**E**Xorcizo te creatura aque in nomine (✠) dei patris omnipotentis. et in nomine (✠) iesu christi filii eius domini nostri. et in uirtute spiritus (✠) sancti. ut fias aqua exorcizata  
35 ad effugandam omnem potestatem inimici et ipsum inimicum eradicare et explantare ualeas cum angelis suis apostatis per uirtutem eiusdem domini nostri iesu christi qui uenturus est iudicare uiuos et mortuos et seculum per ignem. (R.) Amen.

<sup>1</sup> Vacant space.

(Oremus. Oratio.)

DEUS qui ad salutem humani generis maxima queque sacramenta in aquarum substantia condidisti adesto propitius inuocationibus nostris et elemento huic multimodis  
 5 purificationibus preparato uirtutem tue bene(✠)dictionis infunde. ut creatura tua misteriis tuis seruiens ad abiciendos demones. morbosque pellendos diuine gratie sumat effectum. ut quicquid in domibus uel in locis fidelium hec unda resper-  
 10 resideat spiritus pestilens. non aura corrumpens. discedant insidie omnes latentis inimici. et si quid est quod aut incolumitati habitantium inuidet aut quieti aspersione huius aque effugiat ut salubritas per inuocationem sancti tui nominis. expetita ab omnibus sit impugnationibus defensa.  
 15 Per dominum nostrum iesum christum filium tuum qui tecum uiuit et regnat in unitate spiritus /sancti deus. per [p. xiv. omnia secula seculorum. (R.) Amen.

*Hic mitatur sal in aquam in modum crucis dicendo semel.*

COMIXTIO salis et aque pariter. fiat in nomine (✠) patris et  
 20 (✠) filii et spiritus (✠) sancti. (R.) Amen.  
 (N.) Dominus uobiscum.  
 (R.) Et cum spiritu tuo.

(Oremus.)

DEUS inuicte uirtutis auctor et insuperabilis imperii rex ac  
 25 semper magnificus triumphator qui aduerse dominationis uires reprimis. qui inimici rugientis seuiciam superas. qui hostiles nequitias potenter expugnas te domine trementes et supplices deprecamur ac petimus. ut hanc creaturam salis et aque dignanter aspicias: benignus illustres. pietatis tue more  
 30 sanctifices. ut ubicunque fuerit aspersa: per inuocationem sancti tui nominis omnis infestatio immundi spiritus abiciatur. terrorque uenenosi serpentis procul pellatur. et presentia sancti spiritus nobis misericordiam tuam poscentibus ubique adesse dignetur. Per dominum nostrum iesum christum  
 35 filium tuum qui tecum uiuit et regnat in unitate eiusdem spiritus sancti deus. Per omnia secula seculorum. (R.) Amen.

*Finita tertia a sacerdote celebraturo missam aspergatur aqua benedicta altare maius tantum. genibus† coram altari flexis genibus et statim a cantore incipiat.*

(Antiphona.)

Asperges me domine ysopo et mundabor  
lauabis me et super niuem dealbabor.

(Ps.) Miserere mei deus secundum magnam misericordiam  
5 tuam.

[V.] Gloria patri et filio et spiritui sancto. Sicut erat in principio et nunc et semper et in secula seculorum Amen.

Et cantatur. (Antiphona.)

Asperges me domine.

10 *Supradicta antiphona predicto modo dicatur in aspersione aque benedictae in dominicis per totum annum. Excepto quod in dominica in passione et dominica palmarum non dicatur. Gloria patri. sed post psalmum. Miserere. Repetatur immediate. (Antiphona.) Asperges me domine. Excepto tempore paschali*  
15 *scilicet a dominica pasce usque ad pentecosten quo tempore cantetur communiter.*

(Antiphona.)

Uidi aquam egredientem de templo altare dextro alleluia. et  
omnes ad quos peruenit aqua ista salui facti sunt et dicunt  
20 alleluia. alleluia. (Ps.) Confitemini domino quoniam bonus. quoniam in seculum misericordia eius. (V.) Gloria patri et filio et spiritui sancto. sicut erat in principio et nunc et semper et in secula seculorum. Amen.

Et repetatur. (Antiphona.) Uidi aquam egredientem et cetera.

25 *In octaua uero pentecostes resumitur [Antiphona]. Asperges me domine ysopo et mundabor et cetera.*

*Finitis antiphonis supradicto modo sacerdos qui aspersit aquam. ante gradus altaris stans dicat.*

(V.) Ostende nobis domine misericordiam tuam.

30 (R.) Et salutare tuum da nobis.

(V.) Domine exaudi orationem meam.


(R.) Et clamor meus ad te ueniat.

(V.) Dominus uobiscum.

(R.) Et cum spiritu tuo.

35 (Oremus. Oratio.)

E Xaudi nos domine sancte pater omnipotens eterne deus. et  
mittere digneris sanctum angelum tuum de celis qui  
custodiat foueat protegat uisitet et defendat. omnes habitantes  
in hoc habitaculo. Per cristum dominum nostrum. (R.)  
40 Amen.



[INCIPIT ORDO MISSALIS SECUNDUM [fo. 1.  
CONSUETUDINEM ROMANE CURIE.

DOMINICA PRIMA DE ADVENTU.

*Statio ad sanctam mariam maiorem.*

*Introitus.*

AD te leuavi animam meam deus meus in te confido non erubescam. neque irrideant me inimici mei. et enim uniuersi qui te expectant non confundentur.

*Ps.* Uias tuas domine demonstra michi. / et semitas tuas edoce me.

*Sequitur immediate.* Gloria patri *Quo finito repetitur.*  
*Introitus* Ad te leuavi animam meam.

*Et iste modus repetendi introitum seruatur per totum annum.*  
*cum dicitur gloria patri post introitum etiam in festis duplicibus.*

*Oratio.*

EXcita domine quesumus potentiam tuam et ueni ut ab imminentibus peccatorum nostrorum periculis te mereamur protegente eripi. te liberante saluari. Qui uiuis.

*ab hac die usque ad uigiliam natiuitatis domini post orationem diei dicitur oratio de sancta maria. scilicet Deus qui de beate marie.*

*Infra ebdomadam si fuerit festum. prima oratio de festo secunda de dominica. tertia de sancta maria.*

*Epistola ad romanos [Rom. xiii. 11-14].*

Fratres. scientes quia hora est iam nos de somno surgere. Nunc autem propior est nostra salus quam cum credidimus. Nox precessit. dies autem aporinquauit. Abiciamus ergo opera tenebrarum. et induamur arma lucis: sic ut in die honeste ambulemus. Non in comensationibus et ebrietatibus. Non in cubilibus et impudiciis. Non in contentione et emulatione. Sed induimini dominum nostrum yhesum christum.

*(Graduale.)* Uniuersi qui te expectant non confundentur domine.  
*(V.)* Uias tuas domine notas fac michi. et semitas tuas edoce me alleluia. *(V.)* Ostende nobis domine misericordiam tuam et salutare tuum da nobis.

(*Secundum lucam*) [Luc. xxi. 25-33].

IN illo tempore. Dixit yhesus discipulis suis. Erunt signa  
in sole et luna et stellis : et in terris pressura gentium.  
pre confusione sonitus maris et fluctuum arescentibus homini-  
bus. pre timore et expectatione que superuenient uniuerso  
orbi. Nam uirtutes celorum mouebuntur. Et tunc uidebunt  
filium hominis uenientem in nube cum potestate magna et  
maiestate. His autem fieri incipientibus respicite et leuate  
capita uestra. quoniam aporpinquat redemptio uestra. Et  
dixit illis similitudinem. Uidete ficulneam et omnes arbores.  
Cum producunt iam ex se fructum scitis quoniam prope est  
estas. Ita et uos cum uideritis hec fieri : scitote quoniam prope  
est regnum dei. Amen dico uobis : quia non preteribit  
generatio hec. donec omnia fiant. Celum et terra transibunt  
uerba autem mea non transibunt.

(*Offertorium.*) Ad te domine leuaui animam meam. deus meus  
in te confido non erubescam. neque irrideant me inimici mei. et enim  
uniuersi qui expectant te non confundentur.

(*Secreta.*)

HEC sacra nos domine potenti uirtute mundatos ad/ [fo. 1b.  
suum faciant puriores uenire principium. Per dominum.

(*Communio.*) Dominus dabit benignitatem et terra nostra dabit  
fructum suum.

(*Post communio.*)

USCIPIAMUS domine misericordiam tuam in medio templi  
tui : et reparationis nostre uentura sollemnia. congruis  
honoribus precedamus. Per dominum.

*Notandum quod a prima dominica de aduentu usque post  
festum purificationis sancte marie et a septuagesima usque post  
octauam pentecostes. non dicimus missam conuentualem in die  
lune pro mortuis. neque de cruce. feria sexta. neque de sancta  
maria in die sabbati. Sed si sunt plures sacerdotes in loco. plane  
possunt dicere uel etiam cantare quandoque missam quam  
uoluerint.*

35

(DOMINICA SECUNDA DE ADVENTU

*Statio ad sanctam crucem*

*Introitus.)*

POPULUS syon ecce dominus ueniet ad saluandas gentes et auditam  
faciet dominus gloriam uocis sue in letitia cordis nostri.  
(*Ps.*) Qui regis ysrael intende. qui deducis uelut ouem ioseph.  
(*V.*) Gloria.



(Oratio.)

**E**Xcita domine corda nostra ad preparandas unigeniti tui uias. ut per eius aduentum purificatis tibi mentibus seruire mereamur. Qui tecum.

(Ad Romanos) [Rom. xv. 4-13].

**F**Ratres. Quecunque scripta sunt ad nostram doctrinam scripta sunt. ut per patientiam et consolationem scripturarum spem habeamus. Deus autem patientie et solatii. det uobis id ipsum in alterutrum secundum yhesum christum sapere. ut unanimes uno ore honorificetis deum et patrem domini nostri yhesu christi propter quod suscipite inuicem sicut et christus suscepit uos in honorem dei. Dico enim christum yhesum ministrum fuisse circumcisionis propter ueritatem dei ad confirmandas promissiones patrum. Gentes autem super misericordiam honorare deum. Sicut scriptum est. Propterea confitebor tibi in gentibus. et nomini tuo cantabo. Et iterum dicit letamini gentes cum plebe eius. Et iterum laudate omnes gentes dominum : et magnificate eum omnes populi. Et rursum ysayas ait. Erit radix yesse : et qui exurget regere gentes. in eum gentes sperabunt. Deus autem spei repleat uos omni gaudio et pace in credendo : ut abundetis in spe : et uirtute spiritus sancti.

(Graduale.) Ex syon species decoris eius. deus noster manifeste ueniet. (V.) Congregate illi sanctos eius qui ordinauerunt testamentum eius super sacrificia. alleluia. (N.) Letatus sum in his que dicta sunt michi in domum domini ibimus.

(Secundum matheum) [Mat. xi. 2-10].

**I**N illo tempore. Cum audisset iohannes in uinculis opera christi. mittens duos de discipulis suis. ait illi. Tu es qui uenturus es : an alium expectamus ? Et respondens iesus. ait illis. Euntes renunciate iohanni : que audistis et uidistis. Ceci uident. claudi ambulant : leprosi mundantur. Surdi audiunt. mortui resurgunt pauperes euangelizantur. Et beatus est. qui non fuerit scandalizatus in me. Illis autem abeuntibus. cepit iesus dicere ad turbas de iohanne. Quid existis in desertum uidere ? Arundinem uento agitatam / Sed quid existis uidere ? hominem mollibus [fo. 2. uestitum ? Ecce qui mollibus uestiuntur : in domibus regum sunt. Sed quid existis uidere ? prophetam. Etiam dico uobis : et plus quam prophetam. Hic est enim de quo scriptum est. Ecce ego mitto angelum meum ante faciem tuam. qui preparabit uiam tuam ante te.

(*Offertorium.*) Deus tu conuertens uiuificabis nos et plebs tua letabitur in te. ostende nobis domine misericordiam tuam et salutare tuum da nobis.

(*Secreta.*)

5 **P**Lacare quesumus domine humilitatis nostre precibus et hostiis et ubi nulla suppetunt suffragia meritorum : tuis nobis succurre presidiis. Per.

(*Communio.*) Ierusalem surge et sta in excelso et uide iocunditatem que ueniet tibi a deo tuo.

10 (Post *communio.*)

**R**Epleti cibo spiritalis alimonie supplices te domine deprecamur : ut huius participatione misterii. doceas nos terrena despicere. et amare celestia. per.

(DOMINICA TERTIA DE ADVENTU

15 *Statio ad sanctum petrum.*

*Introitus.*)

**G**Audete in domino semper. iterum dico gaudete. modestia uestra nota sit omnibus hominibus dominus prope est. nichil solliciti sitis sed in omni oratione petitiones uestre inotescant apud deum.

20 (*Ps.*) Et pax dei que exuperat omnem sensum. custodiat corda uestra et intelligentias uestras. (*V.*) Gloria patri.

(*Oratio.*)

**A**Urem tuam quesumus domine precibus nostris accomoda. et mentis nostre tenebras gratia tue uisitationis illustra.  
25 Qui uiuis.

(*Ad phylippenses*) [Phil. iv. 4-7].

**F**Ratres. gaudete in domino semper. iterum dico gaudete. Modestia uestra nota sit omnibus hominibus. dominus enim prope est. Nichil solliciti sitis : sed in omni oratione et  
30 obsecratione cum gratiarum actione. petitiones uestre inotescant apud deum. Et pax dei que exuperat omnem sensum : custodiat corda uestra et intelligentias uestras. In christo iesu domino nostro.

(*Graduale.*) Qui sedes domine super cherubim excita potentiam  
35 tuam et ueni. (*V.*) Qui regis israel intende qui deducis uelut ouem ioseph. alleluia. (*V.*) Excita domine potentiam tuam et ueni. ut saluos facias nos.

(*Secundum Iohannem*) [Ioan. i. 19–28].

**I**N illo tempore : Miserunt iudei ab ierosolimis sacerdotes et leuitas ad iohannem. ut interrogarent eum. Tu quis es? Et confessus est : et non negauit. Et confessus est : quia non sum ego christus. Et interrogauerunt eum. Quid ergo? helyas es tu? et dixit. non sum. propheta es tu? Et respondit. non. Dixerunt ergo ei. Quis es. ut responsum demus his qui miserunt nos? quid dicis de te ipso? ait. Ego uox clamantis in deserto : dirigite uiam domini. sicut dixit ysaïas propheta. Et qui missi fuerant. erant ex phariseis. Et interrogauerunt eum : et dixerunt ei. Quid ergo baptizas si tu non es christus neque helyas neque propheta? Respondit eis iohannes dicens. Ego baptizo in aqua. medius autem uestrum stetit quem uos nescitis. Ipse est qui post me uenturus est. qui ante me factus est. cuius ego non sum dignus/ ut soluam eius corrigiam calciamenti. Hec in [fo. 2b. betania facta sunt trans iordanem. ubi erat iohannes baptizans.

(*Offertorium.*) Benedixisti domine terram tuam auertisti captiuitatem iacob. remisisti iniquitatem plebi tue.

(*Secreta.*)

**D**euotionis nostre tibi quesumus domine hostia iugiter immoletur. que et sacri peragat instituta misterii : et salutare tuum nobis mirabiliter operetur. Per.

(*Communio.*) Dicite pusilanimes confortamini et nolite timere. ecce deus noster ueniet et saluabit nos.

(*Post communio.*)

**I**mploramus domine clementiam tuam : ut hec diuina subsidia a uitiiis expiatis ad festa uentura nos preparent. Per.

(FERIA QUARTA QUATUOR TEMPORUM.

*Statio ad sanctam mariam maiorem.*

(*Introitus.*)

**R**orate celi desuper et nubes pluant iustum. aperiatur terra et germinet saluatorem.

(*Ps.*) Et iusticia oriatur simul ego dominus creauï eum. (V.) Gloria patri.

*Quandocumque una prophetia uel plures dicuntur ante epistolam ad orationem cuiuslibet prophetie absolute dicit sacerdos. oremus. et diaconus si in officio diaconatus seruiat. Flectamus genua Leuate. Alioquin ipse sacerdos excepto quod in sabbato sancto ad orationem post prophetiam. Nabu-*

chodonosor. et in uigilia pentecostes. et in quattuor temporibus pentecostes non dicitur. Flectamus genua leuate. excepto etiam quod ad orationem que proximo sequitur ultimam prophetiam dicitur. Dominus uobiscum. sine flectamus genua. Qua oratione  
 5 finita fiunt debite commemorationes. leguntur autem prophetie sine titulo tribus diebus tantum scilicet in parascene. Sabbato sancto. et sabbato in uigilia pentecostes.

Oremus. Flectamus genua. Leuate.

(Oratio.)

10 **P**Resta quesumus omnipotens deus. ut redemptionis nostre uentura sollemnitas : et presentis nobis uite subsidia conferat et eterne beatitudinis premia largiatur. Per

(lectio ysaye prophete) [Isa. ii. 2-5].

15 **I**N diebus illis. Dixit ysayas propheta. Erit in nouissimis diebus preparatus mons domus domini in uertice montium : et eleuabitur super colles et fluent ad eum omnes gentes. et ibunt populi multi. et dicent. uenite ascendamus ad montem domini. et ad domum dei iacob. et docebit nos uias suas et ambulabimus in semitis eius : quia de syon exhibit lex.  
 20 et uerbum domini de ierusalem. Et iudicabit gentes : et arguet populos multos. Et conflabunt gladios suos in uomeres : et lanceas suas in falces. Non leuabit gens contra gentem gladium : nec exercebuntur ultra ad prelium. Domus iacob uenite et ambulemus in lumine domini dei nostri.

25 (Graduale.) Tollite portas principes uestras et eleuamini porte eternales. et introibit rex glorie. (V.) Quis ascendet in montem domini aut quis stabit in loco sancto eius. innocens manibus et mundo corde.

Hic dicitur. (V.) Dominus. uobiscum siue. † flectamus  
 30 genua. Leuate.

(Oratio.)

**F**estina quesumus domine ne tardaueris : et auxilium nobis superne uirtutis impende ut aduentus tui consolationibus subleuentur. qui in tua pietate/ confidunt. Qui uiuis. [fo. 3.

35 (lectio ysaye prophete) [Isa. vii. 10-15].

**I**N diebus illis. Locutus est dominus ad achaz dicens Pete tibi signum a domino deo tuo : in profundum inferni siue in excelsum supra. Et dixit achaz Non petam. et non temptabo dominum. Et dixit. Audite ergo domus dauid.  
 40 Nunquid parum uobis est molestos esse hominibus : quia molesti estis et deo meo : propter hoc dabit dominus ipse

uobis signum. Ecce uirgo concipiet et pariet filium : et uocabitur nomen eius emanuel. Butirum et mel comedet ut sciat reprobare malum. et eligere bonum.

(*Graduale.*) Prope est dominus omnibus inuocantibus eum  
5 omnibus qui inuocant eum in ueritate. (*V.*) Laudem domini loquetur os meum et benedicat omnis caro nomen sanctum eius.

(*Secundum lucam*) [Luc. i. 26–38].

IN illo tempore : Missus est angelus gabriel a deo in ciuitatem galilee cui nomen nazareth ad uirginem desponsatam  
10 uiro cui nomen erat ioseph de domo dauid. et nomen uirginis maria. Et ingressus angelus ad eam dixit. Aue gratia plena dominus tecum. Benedicta tu in mulieribus. Que cum audisset turbata est in sermone eius : et cogitabat qualis esset ista salutatio. Et ait angelus ei. Ne timeas maria : inuenisti  
15 enim gratiam apud deum Ecce concipies in utero : et paries filium : et uocabis nomen eius iesum. Hic erit magnus et filius altissimi uocabitur. et dabit illi dominus deus sedem dauid patris eius : et regnabit in domo iacob in eternum : et regni eius non erit finis. Dixit autem maria ad angelum.  
20 Quomodo fiet istud : quoniam uirum non cognosco. Et respondens angelus dixit ei. Spiritus sanctus superueniet in te : et uirtus altissimi obumbrabit tibi. Ideoque et quod nascetur ex te sanctum uocabitur filius dei. Et ecce helysabeth cognata tua et ipsa concepit filium in senectute sua. Et  
25 hic mensis est sextus illi que uocatur stirilis. quia non erit impossibile apud deum omne uerbum. Dixit autem maria. Ecce ancilla domini. fiat michi secundum uerbum tuum.

(*Offertorium.*) Confortamini et iam nolite timere. ecce enim deus noster retribuet iudicium. ipse ueniet ut saluos nos faciat.

30 (*Secreta.*)

ACCEPTA tibi sint quesumus domine nostra ieiunia : que expiando nos tua gratia dignos efficiant : et ad sempiterna promissa perducant. Per.

(*Communio.*) Ecce uirgo concipiet et pariet filium et uocabitur  
35 nomen eius hemanuel.

(*Post communio.*)

Salutaris tui domine munere satiati. supplices deprecamur : ut cuius letamur gustu. renouemur effectu. Per dominum.

(FERIA SEXTA [QUATUOR] TEMPORUM.

*Statio ad sanctos duodecim apostolos.*

*Introitus.)*

5 **P**Rope esto domine et omnes uie tue ueritas. initio cognoui de testimoniis tuis quia in eternum tu es.

(Ps.) Beati immaculati in uia qui ambulant in lege domini.  
(V.) Gloria patri.

*(Oratio.)*

10 **E**Xcita quesumus domine potentiam tuam et ueni: ut hi qui in tua pietate confidunt. ab omni citius [fo. 3b. aduersitate liberentur. Qui uiuis.

*(lectio ysaye prophete) [Isa. xi. 1-5].*

**H**Ec dicit dominus deus. Egredietur uirga de radice yesse. et flos de radice eius ascendet. Et requiescet  
15 super eum spiritus domini: spiritus sapientie et intellectus. spiritus consilii et fortitudinis. spiritus scientie et pietatis et replebit eum spiritus timoris domini. Non secundum uisionem oculorum iudicabit. neque secundum auditum aurium arguet. sed iudicabit in iustitia pauperes. et arguet  
20 in equitate pro mansuetis terre. Et percutiet terram uirga oris sui. et spiritu labiorum suorum interficiet impium. Et erit iustitia cingulum lumborum eius: et fides cinctorium renum eius.

(Graduale.) Ostende nobis domine misericordiam tuam et salutare tuum da nobis. (V.) Benedixisti domine terram tuam auertisti captiuitatem iacob.

*(Secundum lucam) [Luc. i. 39-47].*

**I**N illo tempore: Exurgens maria abiit in montana cum festinatione in ciuitatem iuda. et intrauit in domum  
30 zacharie et salutauit helisabeth. Et factum est ut audiuit salutationem marie helisabeth. exultauit infans in utero eius. Et repleta est spiritu sancto helisabeth: et exclamauit uoce magna et dixit. Benedicta tu inter mulieres: et benedictus fructus uentris tui. Et unde hoc michi ut ueniat mater  
35 domini mei ad me? Ecce enim ut facta est uox salutationis tue in auribus meis: exultauit in gaudio infans in utero meo. Et beata que credidisti: quoniam perficientur in te ea que dicta sunt tibi a domino. Et ait maria. Magnificat anima mea dominum. Et exultauit spiritus meus in deo salutari  
40 meo.

(Offertorium.) Deus tu conuertens uiuificabis nos et plebs tua letabitur in te. ostende nobis domine misericordiam tuam et salutare tuum da nobis.

(Secreta.)

Muneribus nostris quesumus domine precibusque susceptis et celestibus nos munda misteriis: et clementer exaudi. Per.

5 (Communio.) Ecce dominus ueniet et omnes sancti eius cum eo. et erit in die illa lux magna.

(Post communio.)

Tui nos domine sacramenti libatio sancta restauret: et a uetustate purgatos. in misterii salutaris faciat transire  
10 consortium. Per dominum.

(SABBATO [QUATUOR] TEMPORUM.

*Statio ad sanctum petrum.**Introitus.)*

15 Ueni et ostende nobis faciem tuam domine qui sedes super cherubini et salui erimus.

(Ps.) Qui regis ysrael intende. qui deducis uelut ouem ioseph.

(V.) Gloria patri.

Oremus. Flectamus genua. leuate.

(Oratio.)

20 DEus qui conspicias quia ex nostra prauitate affligimur concede propitius ut ex tua uisitatione consolemur. Qui.

(Lectio ysaye prophete) [Isa. xix. 20-22].

25 IN diebus illis: Clamabunt ad dominum a facie tribulantis. et mittet eis saluatorem et propugnatorem qui liberet eos. Et cognoscetur dominus ab egipto: et cognoscent egiptii dominum. in die illa. Et colent eum in hostiis et muneribus. et uota uoueunt domino. et soluent. Et percutiet dominus egiptium plaga et sanabit/ eos. et reuertentur ad [fo. 4.  
30 dominum. et placabitur eis. Et sanabit eos dominus deus noster.

(Graduale.) Assummo† celo egressio eius et occursus eius usque ad summum eius. (V.) Celi enarrant gloriam dei et opera manuum eius annuntiat firmamentum.

35 Oremus. Flectamus genua. leuate.

(Oratio.)

CONcede quesumus omnipotens deus. ut qui sub peccati iugo ex uetusta seruitute deprimimur. expectata unigeniti filii tui noua natiuitate liberemur. Per eundem.

(*Lectio ysaye prophete*) [Isa. xxxv. 1-7].

**H**Ec dicit dominus. Letabitur deserta et in uia et exultabit solitudo et florebit quasi lilium. Germinans germinabit: et exultabit letabunda et laudans. Gloria libani data est ei. decor carmeli et saron. Ipsi uidebunt gloriam domini. et decorem dei nostri. Confortate manus dissolutas. et genua debilia roborate. Dicite pusilanimis confortamini: et nolite timere. Ecce deus noster ultionem adducet retributionis. deus ipse ueniet et saluabit nos. Tunc aperientur oculi cecorum: et aures surdorum patebunt. Tunc saliet sicut ceruus claudus. et aperta erit lingua mutorum. Quia sicce sunt in deserto aque et torrentes in solitudine. Et que erat arida in stagnum. et sitiens in fontes aquarum. Ait dominus omnipotens.

15 (*Graduale.*) In sole posuit tabernaculum suum et ipse tanquam sponsus procedens de thalamo suo. (*V.*) A summo† celo egressio eius et occursum eius usque ad summum eius.

Oremus. Flectamus genua. leuate.

(*Oratio.*)

20 **I**ndignos nos quesumus domine famulos tuos quos actionis proprie culpa contristat: unigeniti filii tui aduentu letifica. Per eundem.

(*Lectio ysaye prophete*) [Isa. xl. 9-11].

25 **H**Ec dicit dominus. Super montem excelsum ascende tu. qui euangelizas syon. Exalta in fortitudine uocem tuam: qui euangelizas ierusalem. Exalta noli timere. Dic ciuitatibus iude. Ecce deus noster. Ecce dominus deus in fortitudine ueniet: et brachium eius dominabitur: Ecce merces eius cum eo: et opus illius coram ipso. Sicut pastor gregem suum pascet. et in brachio suo congregabit agnos. et in sinu suo leuabit eos dominus deus noster.

(*Graduale.*) Domine deus uirtutum conuerte nos et ostende faciem tuam et salui erimus. (*V.*) Excita domine potentiam tuam et ueni. ut saluos facias nos.

35 Oremus. Flectamus genua. Leuate.

(*Oratio.*)

**P**Resta quesumus omnipotens deus ut filii tui uentura solemnitatis et presentis nobis uite remedia conferat: et premia eterna concedat. Per eundem.

40 (*Lectio ysaye prophete*) [Isa. xlv. 1-8].

**H**Ec dicit dominus. christo meo cyro. cuius apprehendi dexteram ut subiciam ante faciem eius gentes. et



dorsa regum uertam. Et aperiam coram eo ianuas : et porte  
 ei non claudentur. Ego ante te ibo. et gloriosos terre  
 humiliabo. portas hereas conteram : et uectes ferreos con-  
 fringam. Et dabo tibi thesauros absconditos et archana  
 5 secretorum reuelabo : ut scias quia/ ego dominus qui [fo. 4b.  
 inuoco nomen tuum deus ysrael propter iacob seruum meum.  
 et ysrael electum meum. Et uocaui te nomine tuo : assi-  
 milaui te. et non cognouisti me. Ego/ dominus et non est  
 amplius. extra me non est deus. Accinxi te et non cognouisti  
 10 me. Ut sciant hi qui ab ortu solis et qui ab occidente :  
 quoniam absque me non est deus. Ego dominus et non est  
 alter : Formans lucem et creans tenebras. faciens pacem et  
 creans malum. Ego dominus faciens omnia hec. Rorate  
 celi desuper. et nubes pluant iustum. Aperiatur terra et  
 15 germinet saluatorem. Et iusticia oriatur simul. ego dominus  
 creauit eum.

(*Graduale.*) Excita domine potentiam tuam et ueni. ut saluos  
 facias nos. (*V.*) Qui regis ysrael intende qui deducis uelut ouem  
 yoseph. qui sedes super cherubim appare coram effraym beniamin  
 20 et manasse.

Oremus. Flectamus genua. Leuate.

(*Oratio.*)

**P**Reces populi tui quesumus domine clementer exaudi. ut  
 qui iuste pro peccatis nostris affligimur. pietatis tue  
 25 uisitatione consolemur. Qui uiuis.

(*Lectio danielis prophete*) [Dan. iii. 49, 50, 47, 48, 51].

**I**N diebus illis. Angelus domini descendit cum azaria et  
 sociis eius in fornacem. et excussit flammam ignis de  
 fornace : et fecit medium fornacis quasi uentum roris flantem.  
 30 Flamma autem diffusa est super fornacem cubitis quadraginta  
 nouem : et incendit quos reperit iuxta fornacem de caldeis  
 ministros regis qui eam incendebant. Illos autem non tetigit  
 omnino ignis neque contristauit nec quicquam molestie eis  
 intulit. Tunc hi tres quasi ex uno ore laudabant et glori-  
 35 ficabant et benedicebant deum in fornace dicentes.

(*Hymnus.*)

(*V.*) **B**enedictus es domine deus patrum nostrorum. (*R.*) Et  
 laudabilis et gloriosus in secula.

(*V.*) Et benedictum nomen glorie tue quod est sanctum. (*R.*)  
 40 Et laudabile et gloriosum in secula.

(*V.*) Benedictus es in templo sancto glorie tue. (*R.*) Et  
 laudabilis.

(*V.*) Benedictus es super thronum sanctum regni tui. (*R.*) Et  
 laudabilis.

(*V.*) Benedictus es super sceptrum diuinitatis tue. (*R.*) Et laudabilis.

(*V.*) Benedictus es qui sedes super cherubin intuens abissos. (*R.*) Et laudabilis.

5 (*V.*) Benedictus es qui ambulas super pennas uentorum et super undas maris. (*R.*) Et laudabilis.

(*V.*) Benedicant te omnes angeli et sancti tui. (*R.*) Et laudent te et glorificent in secula.

10 (*V.*) Benedicant te celi terra mare et omnia que in eis sunt. (*R.*) Et laudent te et glorificent in secula.

(*V.*) Gloria patri et filio et spiritui sancto. (*R.*) Et laudabili et glorioso in secula.

(*V.*) Sicut erat in principio et nunc et semper et in secula seculorum amen. (*R.*) Et laudabili et glorioso in secula.

15 *Reincipitur uersus.* (*V.*) Benedictus es domine deus patrum nostrorum. (*R.*) Et laudabilis et gloriosus in secula.

*Hic dicitur.* Dominus uobiscum *sine* flectamus genua.

(*Oratio.*)

20 **D**Eus qui tribus pueris mitigasti flammam ignium. concede propitius: ut nos famulos tuos non exurat flamma uiciorum. Per.

(*Ad thesalonicenses*) [II. Thess. ii. 1-8].

**F**Ratres. rogamus uos per aduentum domini nostri iesu christi: et nostre congregationis in id ipsum. ut non  
25 cito moueamini/ a nostro sensu. neque terreamini. neque [fo. 5. per spiritum. neque per sermonem. neque per epistolam tanquam per nos missam. quasi instet dies domini. Ne quis uos seducat ullo modo. Quoniam nisi uenerit discessio primum. et reuelatus fuerit homo peccati. filius perditionis  
30 qui aduersatur et extollitur supra omne quod dicitur deus aut quod colitur. ita ut in templo dei sedeat. ostendens se tanquam sit deus. Non retinetis quod cum adhuc essem apud uos. hec dicebam uobis? Et nunc quid detineat scitis ut reueletur in suo tempore. Nam misterium iam operatur  
35 iniquitatis tantum ut qui tenet nunc teneat donec de medio fiat. Et tunc reuelabitur ille iniquus quem dominus iesus interficiet spiritu oris sui et destruet illustratione aduentus sui.

(*Tractus.*) Qui regis ysrael intende qui deducis uelut ouem ioseph. (*V.*) Qui sedes super cherubim appare coram effraym beniamin et manasse. (*V.*) Excita domine potentiam tuam et ueni  
40 ut saluos facias nos.

(*Secundum lucam*) [Luc. iii. 1-6].

**A**Nno quintodecimo imperii tiberii cesaris procurante pontio pillato iudeam. tetrarca autem galilee herode:

philippo autem fratre eius. tetrarca yturee et traconitidis regionis et lisania abiline tetrarcha. sub principibus sacerdotum anna et caypha: factum est uerbum domini super iohannem zacharie filium in deserto. Et uenit in omnem  
 5 regionem iordanis predicans baptismum penitentie in remissionem peccatorum: sicut scriptum est in libro sermonum ysaye prophete. Uox clamantis in deserto. parate uiam domini rectas facite semitas eius. Omnis uallis implebitur: et omnis mons et collis humiliabitur: et erunt praua in  
 10 directa. et aspera in uias planas. Et uidetbit omnis caro: salutare dei.

(*Offertorium.*) Exulta satis filia syon predica filia ierusalem. ecce rex tuus uenit tibi sanctus et saluator.

(*Secreta.*)

15 **S**acrificiis presentibus quesumus domine placatus intende. ut et deuotioni nostre proficiant et saluti. Per.

(*Communio.*) Exultauit ut gigas ad currendam uiam: a summo celo egressio eius. et occursus eius usque ad summum eius.

(*Post communio.*)

20 **Q**uesumus domine deus noster. ut sacrosancta misteria que pro reparationis nostre munimine contulisti. et presens nobis remedium esse facias et futurum. Per.

(DOMINICA IIII. DE ADVENTU.

*Statio ad sanctos xij apostolos.*

25 *Introitus.*)

**R**orate celi desuper et nubes pluant iustum aperiatur terra et germinet saluatorem.

(*Ps.*) Et iustitia oriatur simul ego dominus creauit eum.  
 (*V.*) Gloria patri.

30 (*Oratio.*)

**E**xcita quesumus domine potentiam tuam et ueni: et magna nobis uirtute succurre: ut per auxilium gratie tue quod nostra peccata prepediunt. indulgentia tue propitiationis acceleret. Qui uiuis.

35 (*Ad corinthios*) [1 Cor. iv. 1-5].

**F**ratres. Sic nos existimet homo: ut ministros cristi et dispensatores ministeriorum dei hic iam queritur inter dispensatores. ut fidelis quis inueniatur. Michi/ autem [fo. 5b. pro minimo est ut a uobis iudicer. aut ab humano die: sed  
 40 neque me ipsum iudico. Nichil enim michi conscius sum:

sed non in hoc iustificatus sum. Qui autem me iudicat dominus est. Itaque nolite ante tempus iudicare. quo adusque ueniat dominus. qui et illuminabit abscondita tenebrarum. et manifestabit consilia cordium. Et tunc laus erit unicuique  
5 a deo.

(*Graduale.*) Prope est dominus omnibus inuocantibus eum omnibus qui inuocant eum in ueritate. (*V.*) Laudem domini loquetur os meum. et benedicat omnis caro nomen sanctum eius. alleluia. (*V.*) Ueni domine et noli tardare relaxa facinora plebi tue  
10 ysrael.

*Euangelium.* Anno quinto decimo *Require in sabbato pcedenti.* [p. 12.]

(*Offertorium.*) Ave maria gratia plena dominus tecum benedicta tu in mulieribus et benedictus fructus uentris tui.

15 (*Secreta.*)

SACRIFICIIS presentibus quesumus domine placatus intende: ut et deuotioni nostre proficiant et saluti. Per.

(*Communio.*) Ecce uirgo concipiet et pariet filium et uocabitur nomen eius emanuel.

20 (*Post communio.*)

SUMPTIS muneribus quesumus domine ut cum frequentatione misterii crescat nostre salutis effectus. Per.

Notandum quod si uigilia natiuitatis domini uenerit in dominica. totum officium misse fit de uigilia cum commemoratione dominice. Item si festum natiuitatis domini uenerit in dominica quatuor tempora celebrantur in penultima ebdomada. quia tunc sabbato proximo ante natiuitatem agitur officium de uigilia.  
25

(IN UIGILIA NATIUITATIS DOMINI)

30 *Statio ad sanctam mariam maiorem*

*Introitus.*)

Hodie sciētis quia ueniet dominus et saluabit nos et mane uidebitis gloriam eius.

(*Ps.*) Domini est terra et plenitudo eius. orbis terrarum et universi  
35 qui habitant in eo. (*V.*) Gloria patri.

(*Oratio.*)

DEUS qui nos redemptionis nostre annua expectatione letificas. presta. ut unigenitum tuum quem redemptorem leti suscipimus. uenientem quoque iudicem securi uideamus.  
40 dominum nostrum iesum cristum filium tuum. Qui tecum.

*Hec oratio tantum dicitur. nisi uigilia uenerit in dominica.*

(*Ad romanos*) [Rom. i. 1-6].

**F**Ratres. Paulus seruus iesu cristi uocatus apostolus. segregatus in euangelium dei quod ante promiserat per prophetas suos in scripturis sanctis de filio suo: qui factus est  
 5 ei ex semine dauid. secundum carnem† Qui predestinatus est filius dei in uirtute secundum spiritum sanctificationis ex resurrectione mortuorum iesu cristi domini nostri. Per quem accepimus gratiam et apostolatam ad obediendum fidei in omnibus gentibus pro nomine eius. in quibus estis et uos  
 0 uocati iesu christi domini nostri.

(*Graduale.*) Hodie scietis quia ueniet dominus. et saluabit nos. et mane uidebitis gloriam eius. (*V.*) Qui regis ysrael intende qui deducis uelut ouem ioseph. qui sedes super cherubim. appare coram effraym beniamin et manasse. alleluia. (*V.*) Crastina die delebitur  
 5 iniquitas terre. et regnabit super nos saluator mundi.

*Sed non dicitur alleluia nisi uigilia uenerit in dominica.*

(*Secundum matheum*) [Mat. i. 18-21].

**C**Um esset desponsata mater iesu maria ioseph: antequam/ conuenirent inuenta est in utero habens de [fo. 6.  
 20 spiritu sancto. Ioseph autem uir eius cum esset iustus et nollet eam traducere: uoluit occulte dimittere eam. Hec autem eo cogitante. ecce angelus domini in somnis apparuit ei dicens. Ioseph fili dauid. noli timere accipere mariam coniugem tuam. Quod enim in ea natum est. de spiritu sancto  
 25 est Pariet autem filium et uocabis nomen eius iesum. Ipse enim saluum faciet populum suum a peccatis eorum.

(*Offertorium.*) Tollite portas principes uestras et eleuamini porte eternales et introibit rex glorie.

(*Secreta.*)

**D**A nobis quesumus omnipotens deus ut sicut adoranda filii tui natalitia preuenimus: sic eius munera capiamus sempiterna gaudentes. Per.

(*Communio.*) Reuelabitur gloria domini et uidebit omnis caro salutare dei nostri.

(*Post communio.*)

**D**A nobis quesumus domine unigeniti filii tui recensita natiuitate respirare. cuius celesti misterio pascimur et potamur. Per eundem.



IN NATIUITATE DOMINI. IN PRIMA MISSA.

(*In natiuitate domini in prima missa.*<sup>1</sup>)

*Statio ad sanctam mariam maiorem.*

*Introitus.*)

5 **D**ominus dixit ad me filius meus es tu : ego hodie genui te.

(*Ps.*) Quare fremuerunt gentes : et populi meditati sunt inania.  
(*V.*) Gloria patri et filio et spiritui sancto.

(*Oratio.*)

10 **D**eus qui hanc sacratissimam noctem ueri luminis fecisti  
illustratione clarescere. da quesumus : ut cuius lucis  
misteria in terra cognouimus : eius quoque gaudiis in celo  
perfruamur. qui tecum.

(*Ad titum*) [Tit. ii. 11-15].

15 **C**arissime : Apparuit gratia dei saluatoris nostri omnibus  
hominibus erudiens nos : ut abnegantes impietatem et  
secularia desideria. sobrie. et iuste et pie uiuamus in hoc  
seculo. Expectantes beatam spem. et aduentum glorie magni  
dei. et saluatoris nostri iesu cristi. Qui dedit semetipsum  
pro nobis. ut nos redimeret ab omni iniquitate. et mundaret  
20 sibi populum acceptabilem sectatorem bonorum operum. hec  
loquere et exortare. In christo iesu domino nostro.

(*Graduale.*) Tecum principium in die uirtutis tue in splendoribus  
sanctorum ex utero ante luciferum genui te. (*V.*) Dixit dominus  
domino meo sede a dextris meis : Donec ponam inimicos tuos  
25 scabellum pedum tuorum. alleluia. (*V.*) Dominus dixit ad me filius  
meus es tu. ego hodie genui te.

(*Secundum lucam*) [Luc. ii. 1-14].

**I**N illo tempore. Exiit edictum a cesare augusto ut descri-  
beretur uniuersus orbis. Hec autem descriptio. prima  
30 facta est a preside syrie cyrino. Et ibant omnes ut profite-  
rentur singuli in suam ciuitatem. Ascendit autem et ioseph  
a galilea de ciuitate nazareth in iudeam ciuitatem dauid que  
uocatur bethleem eo quod esset de domo et familia dauid :  
ut profiteretur cum maria desponsata sibi uxore pregnante.  
35 Factum est autem cum essent ibi. impleti sunt dies ut pareret.  
Et peperit filium suum primogenitum. et pannis eum inuoluit† :  
et reclinauit/ eum in presepio. quia non erat ei [fo. 6b.  
locus in diuersorio. Et pastores erant in regione eadem :

<sup>1</sup> In 74. *In natiuitate Domini in prima missa* appears twice ; once printed in black, and once written in red.

uigilantes et custodientes uigilias noctis supra gregem suam. Et ecce angelus domini stetit iuxta illos et claritas dei circumfulsit illos : et timuerunt timore magno. Et dixit illis angelus. Nolite timere. Ecce enim euangelizo uobis gaudium magnum quod erit omni populo. quia natus est nobis hodie saluator. qui est christus dominus in ciuitate dauid. Et hoc uobis signum. Inuenietis infantem pannis inuolutum. et positum in presepio. Et subito facta est cum angelo multitudo militie celestis exercitus : laudantium et dicentium. Gloria in altissimis deo : et in terra pax hominibus bone uoluntatis.

*(Et dicitur credo.)*

*(Offertorium.)* Letentur celi et exultet terra ante faciem domini quoniam uenit.

*(Secreta.)*

**A**Ccepta sit tibi domine quesumus hodiernae festiuitatis oblatio. ut tua gratia largiente. per hec sacrosancta misteria. in illius inueniamur forma. in quo tecum est nostra substantia. Qui tecum.

*Prefatio.* Eterne deus. quia per incarnati uerbi.

*(Et dicitur quotidie usque ad epyphaniam.)*

*Infra actionem.* Comunicantes. et noctem sacratissimam celebrantes. *Et dicitur usque ad octauam natiuitatis tantum inclusiue. In hac missa tantum dicitur noctem. deinceps uero dicitur [diem].*

*(Communio.)* In splendoribus sanctorum ex utero ante luciferum genui te.

*(Post communionem.)*

**D**A nobis quesumus domine deus noster ut qui natiuitatem domini nostri iesu christi. misteriis nos frequentare gaudemus dignis conuersationibus ad eius mereamur peruenire consortium. Qui te[cum.]

## IN SECUNDA MISSA.

*(Statio ad sanctam anastasiam.)*

*(Introitus.)*

**L**ux fulgebit hodie super nos quia natus est nobis dominus. et uocabitur admirabilis deus. princeps pacis pater futuri seculi. cuius regni non erit finis.

*(Ps.)* Dominus regnauit [decorem induit. induit dominus fortitudinem et precinxit se uirtute. *(V.)* Gloria patri.

(Oratio.)

**D**A quesumus omnipotens deus ut qui noua incarnati uerbi tui luce perfundimur. hoc in nostro resplendeat opere quod per fidem fulget in mente. Per eundem.

5

*Deinde pro sancta anastasia.*

(Oratio.)

**D**A quesumus omnipotens deus. ut qui beate anastasiae martiris tue sollemnia colimus. eius apud te patrocinia sentiamus. Per dominum.

10

(Ad titum) [Tit. iii. 4-7].

**C**Arissime: Apparuit benignitas et humanitas saluatoris nostri dei. Non ex operibus iustitiae quae fecimus nos sed secundum suam misericordiam saluos nos fecit. per lauacrum regenerationis et renouationis spiritus sancti. quem effudit in nobis abunde per iesum cristum saluatorem nostrum. Ut iustificati gratia ipsius heredes simus. secundum spem uitae eterne. in cristo iesu domino nostro.

(Graduale.) Benedictus qui uenit in nomine domini deus dominus et illuxit nobis. (V.) A domino factum est istud et est mirabile in oculis nostris. Alleluia. (V.) / Dominus regnauit decorem [fo. 7. induit. induit dominus fortitudinem et precinxit se uirtute.

20

(Secundum lucam) [Luc. ii. 15-20].

**I**N illo tempore. Pastores loquebantur ad inuicem. Trans-eamus usque bethleem et uideamus hoc uerbum quod factum est. quod fecit dominus et ostendit nobis. Et uenerunt festinantes et inuenerunt mariam et ioseph et infantem positum in presepio. Uidentes autem cognouerunt de uerbo quod dictum erat illis de puero hoc. Et omnes qui audierunt mirati sunt: et de his quae dicta erant a pastoribus ad ipsos Maria autem conseruabat omnia uerba haec conferens in corde suo. Et reuersi sunt pastores laudantes et glorificantes deum in omnibus quae audierant et uiderant sicut dictum est ad illos.

30

(Offertorium.) Deus enim firmavit orbem terre qui non commouebitur. parata sedes tua deus ex tunc a seculo tu es.

35

(Secreta.)

**M**Unera nostra quesumus domine natiuitatis hodiernae misteriis apta proueniant. et pacem nobis semper infundant. ut sicut homo genitus idem refulsit deus. sic nobis haec terrena substantia conferat quod diuinum est. Per eundem.

40



(*Alia secreta.*)

Accipe quesumus domine munera dignanter oblata. et beate anastasiae suffragantibus meritis. ad nostre salutis auxilium prouenire concede. Per.

5 *Prefatio* et communicantes. *ut supra.* [p. 17.]

(*Communio.*) Exulta filia sion. lauda filia yerusalem ecce rex tuus uenit sanctus et saluator mundi.

(*Post communio.*)

10 Huius nos domine sacramenti semper nouitas natalis instauret. cuius natiuitas singularis humanam repulit uetustatem. Per eundem.

(*Alia post communio.*)

15 Satiasti domine familiam tuam muneribus sacris: eius quesumus semper interuentione nos refoue cuius solennia celebramus.

AD MISSAM MAIOREM.

(*Statio ad sanctam mariam maiorem.*)

(*Introitus.*)

20 Puer natus est nobis et filius datus est nobis. cuius imperium super humerum eius et uocabitur nomen eius magni consilii angelus.

(*Ps.*) Cantate domino canticum nouum quia mirabilia fecit. (*V.*) Gloria.

(*Oratio.*)

25 Concede quesumus omnipotens deus ut nos unigeniti tui noua per carnem natiuitas liberet. quos sub peccati iugo uetusta seruitus tenet. Per eundem.

(*Ad ebreos*) [Heb. i. 1-12].

30 FRatres. Multifariam multisque modis olim deus loquens patribus in prophetis. nouissime diebus istis locutus est nobis in filio: quem constituit heredem uniuersorum: per quem fecit et secula. Qui cum sit splendor glorie et figura substantie eius. portansque omnia uerbo uirtutis sue purgationem peccatorum faciens. sedet ad dexteram maiestatis in excelsis. 35 Tanto melior angelis effectus. quanto differentius pre illis nomen hereditauit. Cui enim dixit aliquando angelorum filius meus es tu. ego hodie genui te? Et rursum. ego ero illi in patrem/ et ipse erit michi in filium. Et cum [fo. 7b. iterum introducit primogenitum in orbem terre. dicit: Et 40 adorent eum omnes angeli dei. Et ad angelos quidem dicit.

Qui facit angelos suos spiritus. et ministros suos flammam ignis. Ad filium autem. Thronus tuus deus in seculum seculi uirga equitatis. uirga regni tui. Dilexisti iustitiam. et odisti iniquitatem. propterea unxit te deus deus tuus oleo  
 5 exultationis pre participibus: tuis. Et tu in principio domine terram fundasti. et opera manuum tuarum sunt celi. Ipsi peribunt. tu autem permanebis. et omnes ut uestimentum ueterascent. Et uelut amictum mutabis cos et mutabuntur. Tu autem idem ipse es. et anni tui non deficient.

10 (*Graduale.*) Uiderunt omnes fines terre salutare dei nostri iubilate deo omnis terra. (*V.*) Notum fecit dominus salutare suum ante conspectum gentium reuelauit iustitiam suam. Alleluia. (*V.*) Dies sanctificatus illuxit nobis uenite gentes. et adorate dominum. quia hodie descendit lux magna super terram.

15 (*Initium sancti euangelii secundum Iohannem*) [Ioan. i. 1-14].

**I**N principio erat uerbum. et uerbum erat apud deum. et deus erat uerbum hoc erat in principio apud deum. Omnia per ipsum facta sunt. et sine ipso factum est nichil. Quod factum est in ipso uita erat et uita erat lux hominum.  
 20 Et lux in tenebris lucet. et tenebre eam non comprehenderunt. Fuit homo missus a deo. cui nomen erat iohannes. Hic uenit in testimonium ut testimonium perhiberet de lumine ut omnes crederent per illum. Non erat ille lux. sed ut testimonium perhiberet de lumine. Erat lux uera: que illuminat omnem  
 25 hominem uenientem in hunc mundum. In mundo erat. et mundus per ipsum factus est. et mundus eum non cognouit. In propria uenit et sui eum non receperunt. Quotquot autem receperunt eum. dedit eis potestatem filios dei fieri his qui credunt in nomine eius. Qui non ex sanguinibus: neque ex  
 30 uoluntate carnis: neque ex uoluntate uiri. sed ex deo nati sunt. Et uerbum caro factum est. et habitauit in nobis. Et uidimus gloriam eius gloriam quasi unigeniti a patre. plenum gratie et ueritatis.

*Et dicitur credo cottidie usque ad octauam.*

35 (*Offertorium.*) Tui sunt celi et tua est terra orbem terrarum et plenitudinem eius tu fundasti iusticiam et iudicium preparatio sedis tue.

(*Secreta.*)

40 **O**blata domine munera noua unigeniti tui natiuitate sanctifica. nosque a peccatorum nostrorum maculis emunda Per eundem.

*Prephatio.* Et communicantes *ut supra.*

(*Communio.*) Uiderunt omnes fines terre salutare dei nostri.

(Post communio.)

PREsta quesumus omnipotens deus ut natus hodie saluator mundi. sicut diuine nobis generationis est auctor. ita et immortalitatis sit ipse largitor. Qui tecum.

IN SANCTI STEPHANI PROTHOMARTIRIS.

(In sancti stefani prothomartiris.<sup>1</sup> Statio ad sanctum stefanum. Introitus.)

ET enim sederunt principes et aduersum me loquebantur et iniqui persecuti sunt me adiuua me domine deus meus  
 10 quia seruus tuus exercebatur in tuis iustificationibus. [fo. 8.  
 (Ps.) Beati immaculati in uia qui ambulant in lege domini. (N.)  
 Gloria.

(Oratio.)

DA nobis quesumus domine imitari quod colimus. ut discamus et inimicos diligere. quia eius natalitia celebramus.  
 15 qui nouit etiam pro persecutoribus exorare. dominum nostrum iesum christum filium tuum. Qui tecum.

Et fit commemoratio de natiuitate.

(Oratio.)

20 Concede quesumus.

(Lectio actuum apostolorum) [Act. vi. 8-10. vii. 54-59].

IN diebus illis. Stephanus autem plenus gratia et fortitudine. faciebat prodigia et signa magna in populo. Surrexerunt autem quidam de synagoga que appellabatur libertinorum  
 25 et cyrenensium et alexandrinorum. et eorum qui erant a cilitia et asya disputantes cum stephano. et non poterant resistere sapientie et spiritui qui loquebatur. Audientes autem hec dissecabantur cordibus suis. et stridebant dentibus in eum. Cum autem esset stephanus plenus spiritu sancto. intendens  
 30 in celum uidit gloriam dei. et iesum stantem a dextris dei et ait. Ecce uideo celos apertos et filium hominis stantem a dextris uirtutis dei. Exclamantes autem uoce magna continuerunt aures suas. et impetum fecerunt unanimiter in eum. Et eicientes eum extra ciuitatem lapidabant. Et testes  
 35 deposuerunt uestimenta sua. secus pedes adolescentis qui uocabatur saulus. Et lapidabant stephanum inuocantem et dicentem. Domine iesu accipe spiritum meum. Positis autem genibus. clamauit uoce magna dicens. Domine. ne statuas illis hoc peccatum. Et cum hoc dixisset obdormiuit in  
 40 domino.

<sup>1</sup> Here the title is again repeated, as on Christmas Day (see above, p. 16).

(*Graduale.*) Sederunt principes et aduersum me loquebantur et iniqui persecuti sunt me. (*V.*) Adiuua me domine deus meus. saluum me fac propter misericordiam tuam. Alleluia. (*V.*) Uideo celos apertos et iesum stantem a dextris uirtutis dei.

5 (*Secundum matheum*) [Mat. xxiii. 34-39].

**I**N illo tempore: Dicebat iesus turbis iudeorum et principibus sacerdotum. Ecce ego mitto ad uos prophetas. et sapientes et scribas: et ex illis occiditis. et crucifigitis. et ex  
10 cis flagellabitis in synagogis uestris. Et persequemini de ciuitate in ciuitatem. ut ueniat super uos omnis sanguis iustus qui effusus est super terram a sanguine abel iusti. usque ad sanguinem zacharie filii barachie. quem occidistis inter templum et altare. Amen dico uobis: uenient hec  
15 omnia super generationem istam. Ierusalem ierusalem que occidis prophetas. et lapidas eos qui ad te missi sunt. Quotiens uolui congregare filios tuos quemadmodum galina congregat pullos suos sub allas†: et noluisti. Ecce relinquetur uobis domus uestra deserta. Dico enim uobis non me uidebitis  
20 amodo donec dicatis. Benedictus qui uenit in nomine domini.

(*Offertorium.*) Elegerunt apostoli stephanum leuitam plenum fide et spiritu sancto. quem lapidauerunt iudei orantem et dicentem. domine iesu accipe spiritum meum alleluia.

(*Secreta.*)

25 **S**Uscipe domine munera pro tuorum commemoratione sanctorum ut sicut illos passio gloriosos effecit. [fo. 8b. ita nos deuotio reddat innocuos. Per.

(*Communio.*) Uideo celos apertos et iesum stantem a dextris uirtutis dei. domine iesu accipe spiritum meum et ne statuas illis  
30 hoc peccatum. quia nesciunt quid faciunt.

(*Post communio.*)

**A**UXilientur nobis domine sumpta misteria. et intercedente beato stephano martire tuo sempiterna protectione confirmant. Per.

35

IN OCTAUA SANCTI STEPHANI.

(*Oratio.*)

**O**Mnipotens sempiterne deus qui primitias martirum in beati leuite stephani sanguine dedicasti. tribue quesumus: ut pro nobis intercessor existat qui pro suis etiam  
40 persecutoribus exorauit. dominum nostrum iesum christum filium tuum. Qui tecum.

(Secreta.)

Suscipe domine munera. *Require ut supra.* [p. 22.]

(Post communio.)

Auxilietur† nobis domine.

IN SANCTI IOHANNIS APOSTOLI ET EUANGELISTE.

(In sancti Iohannis statio ad sanctam mariam maiorem.

Introitus.)

IN medio ecclesie aperuit os eius et impleuit eum dominus spiritu sapientie et intellectus. stollam glorie induit eum.

(Ps.) Bonum est confiteri domino. (V.) Gloria patri et filio.

(Oratio.)

Ecclesiam tuam domine benignus illustra. ut beati iohannis apostoli tui et euangeliste illuminata doctrinis. ad dona perueniat sempiterna. Per.

Et fit commemoratio de natiuitate. et de sancto stephano.

(Lectio libri sapientie) [Ecclesiasticus xv. 1-6].

QUI timet deum faciet bona. et qui continens est iustitie apprehendet illam. et obuiabit illi quasi mater honorificata. Cibabit illum pane uite et intellectus. et aqua sapientie salutaris potabit illum. Et firmabitur in illo et non flectetur et continebit illum et non confundetur et exaltabit illum apud proximos suos. In medio ecclesie aperuit os eius. et impleuit eum dominus spiritu sapientie et intellectus. et stollam glorie induit eum. Iocunditatem et exultationem thesaurizabit super eum. Et nomine eterno hereditabit illum dominus deus noster.

(Graduale.) Exiit sermo inter fratres quod discipulus ille non moritur. (V.) Sed sic eum uolo manere donec ueniam. tu me sequere. Alleluia. (V.) Hic est discipulus ille qui testimonium perhibet de his. et scimus quia uerum est testimonium eius.

(Secundum Iohannem) [Ioan. xxi. 19-24].

IN illo tempore. Dixit iesus petro. Sequere me. Conuersus petrus. uidit illum discipulum quem diligebat iesus sequentem qui et recubuit in cena super pectus eius. et dixit. Domine quis est qui tradet te? Hunc ergo cum uidisset petrus. dicit iesu. Domine hic autem quid? Dicit ei iesus. sic eum uolo manere donec ueniam. Quid ad te? Tu me sequere. Exiit ergo sermo iste inter fratres quod discipulus ille non moritur. et non dixit ei iesus quia non moritur. sed sic eum uolo manere donec ueniam quid ad te. Hic est

discipulus ille qui testimonium perhibet de his. et scripsit hec.  
Et scimus quia uerum est testimonium eius.

(*Offertorium.*) Iustus ut palma florebit sicut cedrus que in  
libano est multiplicabitur.

5

(*Secreta.*)/

[fo. 9.]

**S**uscipe munera domine que in eius tibi solemnitate deferi-  
mus. cuius nos confidimus patrocínio liberari. Per.

(*Communio.*) Exiit sermo inter fratres quod discipulus ille non  
moritur. et non dixit iesus non moritur. sed sic eum uolo manere  
10 donec ueniam.

(*Post communio.*)

**R**efecti cibo potuque celesti deus noster te supplices depre-  
camur. ut in cuius hec commemoratione percepimus.  
eius muniamur et precibus. Per.

15

IN FESTO SANCTORUM INNOCENTII.

(*Statio ad sanctum paulum.*

*Introitus.*)

**E**X ore infantium deus et lactentium perfecisti laudem propter  
inimicos tuos.

20

(*Ps.*) Domine dominus noster. (X.†)

Gloria in excelsis. *non dicitur nec Alleluia. nec Ite missa est.*  
*Nisi hoc festum uenerit in dominica. sed in octaua semper*  
*dicuntur.*

(*Oratio.*)

25

**D**eus cuius hodierna die preconium innocentes martires  
non loquendo sed moriendo confessi sunt. omnia in  
nobis uiciorum mala mortifica. ut fidem tuam quam lingua  
nostra loquitur. etiam moribus uita fateatur. Per.

*Deinde fit. commemoratio de natiuitate et sancto stephano et*  
30 *sancto iohanne.*

(*Lectio libri apochalipsis. beati Iohannis apostoli*) [Apoc. xiv.  
1-5].

35

**I**N diebus illis. Uidi supra montem syon agnum stantem  
et cum eo centum quadraginta quattuor milia habentes  
nomen eius. et nomen patris eius scriptum in frontibus suis.  
Et audiui uocem de celo tanquam uocem aquarum multarum :  
et tanquam uocem tonitruui magni. Et uocem quam audiui  
tanquam uocem cytharedorum cytharizantium in cytharis  
suis. Et cantabant quasi canticum nouum ante sedem dei et  
40 agni. et ante quattuor animalia et seniores. Et nemo poterat

dicere canticum nisi illa centum quadraginta quattuor milia. qui empti sunt de terra. Hi sunt qui cum mulieribus non sunt coinquinati: uirgines enim sunt. Hi sequuntur agnum quocumque ierit. Hi empti sunt. ex omnibus primitie deo et agno et in ore non est inuentum mendacium. Sine macula enim sunt. ante thronum dei.

(*Graduale.*) Anima nostra sicut passer erepta est de laqueo uenantium. (*V.*) Laqueus contritus est et nos liberati sumus. Adiutorium nostrum in nomine domini qui fecit celum et terram. Alleluia. (*V.*) Laudate pueri dominum. laudate nomen domini.

*Tractus subscriptus semper dicitur nisi hoc festum uenerit in dominica. In octaua uero nunquam dicitur.*

(*Tractus.*) Fuderunt sanguinem sanctorum uelut aquam in circuitu ierusalem. (*V.*) Et non erat qui sepeliret. (*V.*) Uindica domine sanguinem sanctorum tuorum qui effusus est super terram.

(*Secundum matheum*) [Mat. ii. 13-18].

IN illo tempore: Angelus domini apparuit in somnis ioseph dicens. Surge et accipe puerum et matrem eius. et fuge in egyptum. et esto ibi usque dum dicam tibi. futurum est enim. ut herodes querat puerum ad perdendum eum. Qui con-surgens accepit puerum et matrem eius nocte et secessit in egyptum. et erat ibi usque ad obitum herodis. ut adimpleretur quod dictum est a domino per prophetam dicentem. Ex egypto uocaui filium meum/ Tunc herodes uidens [fo. 9b. quoniam illusus esset a magis. iratus est ualde. Et mittens occidit omnes pueros qui erant in bethlehem. et in omnibus finibus eius ab imatu et infra. secundum tempus quod exquisierat a magis. Tunc adimpletum est quod dictum est per yeremiam prophetam dicentem Uox in rama audita est ploratus et ululatus multus. rachel plorans filios suos et noluit consolari. quia non sunt.

(*Offertorium.*) Anima nostra sicut passer erepta est de laqueo uenantium. laqueus contritus est et nos liberati sumus.

(*Secreta.*)

SANCTORUM tuorum nobis domine. pia non desit oratio. que et munera nostra conciliet et tuam nobis indulgentiam semper obtineat. Per.

(*Communio.*) Uox in rama audita est ploratus et ululatus multus rachel plorans filios suos: et noluit consolari quia non sunt.

(*Post communio.*)

UOTIUA domine dona percepimus que sanctorum nobis precibus et presentis quesumus uite pariter. et eterne tribue conferre subsidium. Per.

## IN SANCTI THOME EPISCOPI ET MARTIRIS.

(Introitus.)

G Audeamus omnes in domino diem festum celebrantes sub  
honore beati thome martiris. de cuius passione gaudent angeli  
5 et collaudant filium dei.

(Ps.) Exultate iusti in domino. (V.) Gloria.

(Oratio.)

D Eus pro cuius ecclesia gloriosus pontifex thomas gladiis  
impiorum occubuit. presta quesumus : ut omnes qui eius  
10 implorant auxilium. petitionis sue salutarem consequantur  
effectum. Per.

Et [fit] commemoratio de octauis.

(Ad hebreos) [Heb. v. 1-6].

O Mnis namque pontifex ex hominibus assumptus pro omni-  
15 bus† constituitur. in his que sunt ad deum. ut offerat  
dona et sacrificia pro peccatis. Qui condolare possit his qui  
ignorant et errant. quia et ipse circumdatus est infirmitate. Et  
propterea debet quemadmodum et pro populo. ita etiam pro  
semetipso offerre pro peccatis. Nec quisquam sibi sumit  
20 honorem. sed qui uocatur a deo tanquam aaron. Sicut  
scriptum est. tu es sacerdos in eternum secundum ordinem  
melchisedech.

(Graduale.) Ecce sacerdos magnus qui in diebus suis placuit  
deo. (V.) Non est inuentus similis illi qui conseruaret legem  
25 excelsi. Alleluia. (V.) Ego sum pastor bonus et cognosco oues  
meas et cognoscunt me mee.

*Euangelium.* Ego sum pastor bonus. *Require in dominica  
prima post octauam pasce.* [p. 226.]

(Offertorium.) Posuisti domine super caput eius coronam de  
30 lapide pretioso. uitam petiit a te et tribuisti ei. alleluia.

(Secreta.)

M Unera tibi domine dicata sanctifica. et intercedente beato  
thoma martire tuo atque pontifice. per eadem nos  
placatus intende. Per.

35 (Communio.) Ego sum pastor bonus et cognosco oues meas et  
cognoscunt me mee. Alleluia alleluia.

(Post communio.)

H Ec' nos comunio domine purget a crimine. et intercedente  
beato thoma martire tuo atque pontifice. celestis  
40 remedii faciat esse consortes. Per.



*Si festum natiuitatis domini sancti stephani sancti iohannis euangeliste sanctorum innocentium uel sancti thome martiris uenerit in dominica. ipsa die nichil fit de dominica. | Sed die proximo post festum sancti thome martiris fit officium [fo. 10. dominice. De dominica uero que tunc uenerit in octaua festi nichil penitus agitur.*

## DOMINICA INFRA OCTAVAM NATIUITATIS DOMINI.

(Introitus.)

**D**Um medium silentium tenerent omnia. et nox in suo cursu medium iter haberet. omnipotens sermo tuus domine de celis a regalibus sedibus uenit.

(Ps.) Dominus regnauit decorem indutus est indutus est dominus fortitudinem et precinxit se. (V.) Gloria.

(Oratio.)

**O**Mnipotens sempiterne deus dirige actus nostros in beneplacito tuo : ut in nomine dilecti filii tui mereamur bonis operibus abundare. Per eundem.

*Et fit commemoratio de octauis.*

(Ad gallatas) [Gal. iv. 1-7].

**F**Ratres. Quanto tempore heres paruulus est. nichil differt a seruo cum sit dominus omnium sed sub tutoribus et actoribus est usque ad prefinitum tempus a patre. Ita et nos cum essemus paruuli sub elementis mundi huius eramus seruiantes. At ubi uenit plenitudo temporis. misit deus filium suum natum ex muliere. factum sub lege. ut eos qui sub lege erant redimeret. ut adoptionem filiorum reciperemus. Quoniam autem estis filii dei. misit deus spiritum filii sui in corda uestra clamantem abba pater. Itaque iam non est seruus sed filius. Quod si filius et heres per deum.

(Graduale.) Spetiosus forma pre filiis hominum diffusa est gratia in labiis tuis. (V.) Eructauit cor meum uerbum bonum dico ego opera mea regi. lingua mea calamus scribe uelociter scribentis. Alleluia. (V.) Dominus regnauit decorem induit induit dominus fortitudinem et precinxit se uirtute.

(Secundum lucam) [Luc. ii. 33-40].

**I**N illo tempore. Erat ioseph et maria mater iesu. mirantes super his que dicebantur de illo Et benedixit illis symeon. et dixit ad mariam matrem eius. Ecce positus est hic in ruinam et in resurrectionem multorum in israel et in signum cui contradicetur. Et tuam ipsius animam pertransibit gladius. ut reuelentur ex multis cordibus cogitationes. Et erat anna profetissa filia phanuel de tribu asser. hec

processerat in diebus multis : et uixerat cum uiro suo annis septem a uirginitate sua. Et hec uidua erat usque ad annos octuaginta quattuor : que non discedebat de templo iciuniis et orationibus seruiens deo die ac nocte. Et hec ipsa hora  
 5 superueniens confitebatur domino : et loquebatur de illo omnibus qui expectabant redemptionem israel. Et ut perfecerunt omnia secundum legem domini. reuersi sunt in galileam in ciuitatem suam nazareth. Puer autem crescebat et confortabatur : plenus sapientia. Et gratia dei erat in  
 10 illo.

(*Offertorium.*) Deus enim firmavit orbem terre. qui non commouebitur. parata sedes tua deus ex tunc a seculo tu es.

(*Secreta.*)

15 **C**Oncede quesumus omnipotens deus ut oculis tue maiestatis munus oblatum. et gratiam nobis pie deuotionis obtineat : et effectum beate perennitatis acquirat. Per.

(*Communio.*) Tolle puerum et matrem eius et uade in terram iuda. defuncti sunt enim qui querebant animam pueri.

(*Post communio.*)/ [fo. 10b.]

20 **P**Er huius domine operationem misterii. et uicia nostra purgentur. et iusta desideria compleantur. Per.

IN SANCTI SYLVESTRI PAPE ET CONFESSORIS.

(*Introitus.*)

25 **S**Acerdotes tui domine induant iustitiam et sancti tui exultent propter dauid seruum tuum non auertas faciem christi tui.

(*Ps.*) Memento domine dauid et omnis mansuetudinis eius.  
 (*V.*) Gloria.

(*Oratio.*)

30 **D**A quesumus omnipotens deus. ut beati siluestri confessoris tui atque pontificis ueneranda solemnitas. et deuotionem nobis augeat et salutem. Per.

*Et fit commemoratio de octauis.*

*Epistola.* Testificor coram deo. *Require in comuni unius confessoris pontificis.*

35 (*Graduale.*) Ecce sacerdos magnus qui in diebus suis placuit deo (*V.*) Non est inuentus similis illi qui conseruaret legem excelsi. Alleluia. (*V.*) Inueni dauid seruum meum oleo sancto meo unxi eum.

40 *Euangelium.* Sint lumbi uestri precincti. *Require ubi epistola.*

(*Offertorium.*) Inueni dauit seruum meum oleo sancto meo unxi eum manus enim mea auxiliabitur ei et brachium meum confortabit eum.

(*Secreta.*)

SAncti tui quesumus domine nos ubique letificent. ut dum eorum merita recolimus patrocinia sentiamus. Per.

(*Communio.*) Beatus seruus quem cum inuenerit† dominus inuenerit uigilantem. amen dico uobis super omnia bona sua constituet eum.

(*Post communio.*)

PResta quesumus omnipotens deus ut de preceptis† muneribus gratias exhibentes. intercedente beato siluestro confessore tuo atque pontifice beneficia potiora sumamus. Per.

*Si festum sancti siluestri in dominica uenerit officium fit de eo et commemoratio de dominica et de octauis.*

IN OCTAUA NATIUITATIS DOMINI.

(*Statio ad sanctam mariam trans tyberim.*

*Introitus.*)

Puer natus est nobis. *Require in maiori missa natiuitatis domini* [p. 19.]

(*Oratio.*)

DEus qui salutis eterne beate marie uirginitate fecunda. humano generi premia prestitisti. tribue quesumus. ut ipsam pro nobis intercedere sentiamus. per quam meruimus auctorem uite suscipere dominum nostrum iesum christum filium tuum. Qui tecum.

*Et non fit aliqua commemoratio.*

*Epistola.* Apparuit gratia dei saluatoris nostri. *Require in prima missa natiuitatis domini* [p. 16].

(*Graduale.*) Uiderunt omnes fines terre. *Require ubi introitus.* Alleluia. (*V.*) Multipharie olim deus loquens patribus in prophetis. nouissime diebus istis locutus est nobis in filio suo.

(*Secundum lucam*) [Luc. ii. 21].

IN illo tempore. Postquam consumati sunt dies octo ut circuncideretur puer. uocatum est nomen eius iesus. Quod uocatum est ab angelo : priusquam in utero conciperetur.

*Et dicitur.* Credo.

(*Offertorium.*) Tui sunt celi et tua est terra orbem terrarum et plenitudinem tu fundasti iusticia et iudicium preparatio sedis tue.

(Secreta.)

Muneribus nostris domine quesumus precibusque susceptis.  
et celestibus nos munda misteriis et clementer exaudi.  
Per.

5

*Prephatio de natiuitate.*

(Communio.) Uiderunt omnes fines terre salutare dei nostri.

(Post communio.)

Hec nos comunio domine purget a crimine. et intercedente beata dei genitrice maria. celestis remedii faciat  
10 esse consortes. Per eundem.

*In octaua sancti stephani totum officium misse [fo. 11. dicitur sicut in die preter orationem que dicitur. Omnipotens sempiterne deus qui primitias. quam require post officium sancti stephani. et fit commemoratio de sancto iohanne et de*  
15 *innocentibus. In octaua sancti iohannis officium misse dicitur sicut in festo eius. prima oratio de die. secunda de innocentibus. tertia Deus qui salutis eterne.*

*In octaua sanctorum innocentium officium misse dicitur sicut in die excepto quod Gloria in excelsis deo et Alleluia et ite*  
20 *missa est dicuntur. prima oratio de die. secunda. Deus qui salutis eterne. tertia Ecclesie tue.*

## IN VIGILIA EPIPHANIE.

*Fit totum officium misse de dominica preter euangelium quod dicitur de uigilia scilicet Defuncto herode.*

25

(Introitus.) Dum medium silentium. *Require supra per ordinem in dominica precedenti. [p. 27.] prima oratio de dominica. secunda. Deus qui salutis eterne. tertia Ecclesie tue.*

(Secundum matheum) [Mat. ii. 19-23].

30

I[n illo tempore. Defuncto herode ecce angelus domini  
apparuit in somnis ioseph in egipto dicens. Surge et accipe puerum et matrem eius et uade in terram ysrael. Defuncti sunt enim qui querebant animam pueri. Qui consurgens accepit puerum et matrem eius et uenit in terram ysrael. Audiens autem quod archelaus regnaret in iudea pro  
35 herode patre suo: timuit illo ire. Et admonitus in somnis secessit in partes galilce. Et ueniens habitauit in ciuitate que uocatur nazareth: ut adimpleretur quod dictum est per prophetas: quoniam nazareus uocabitur.

## IN EPIPHANIA DOMINI.

*(In Epiphania domini.<sup>1</sup> Statio ad sanctum petrum.**Introitus.)*

E Cce aduenit dominator dominus et regnum in manu eius et potestas et imperium.

(*Ps.*) Deus iudicium tuum regi da et iustitiam tuam filio regis.  
(*V.*) Gloria.

*(Oratio.)*

D Eus qui hodierna die unigenitum tuum gentibus stella duce reuelasti: concede propitius ut qui iam te ex fide cognouimus usque ad contemplandam speciem tue celsitudinis perducamur. Per eundem.

*(Lectio ysaye prophete)* [Is. lx. 1-6].

S URge illuminare ierusalem quia uenit lumen tuum: et gloria domini super te orta est. Quia ecce tenebre operient terram et caligo populos. Super te autem orietur dominus et gloria eius in te uidebitur. Et ambulabunt gentes in lumine tuo: et reges in splendore ortus tui. leua in circuitu oculos tuos et uide. omnes isti congregati sunt uenerunt tibi Filii tui de longe uenient. et filie tue de latere surgent. Tunc uidebis et afflues et mirabitur et dilatabitur cor tuum. quando conuersa fuerit ad te multitudo maris fortitudo gentium uenerit tibi. Inundatio camelorum operiet te dromedarii madian et effa. Omnes de sabba uenient. aurum et thus deferentes et laudem domino annuntiantes.

(*Graduale.*) Omnes de sabba uenient. aurum et thus deferentes et laudem domino annuntiantes. (*V.*) Surge et illuminare ierusalem quia gloria domini super te orta est alleluia. (*V.*) Uidimus stellam eius in oriente et uenimus adorare dominum.

*(Secundum matheum)* [Mat. ii. 1-12].

/ C UM natus esset iesus in bethleem iude in die- [fo. 11b. bus herodis regis: ecce magi ab oriente uenerunt yerosolimam dicentes Ubi est qui natus est rex iudeorum? Uidimus enim stellam eius in oriente: et uenimus adorare eum. Audiens autem herodes rex turbatus est: et omnis yerosolima cum illo. Et congregans omnes principes sacerdotum et scribas populi. sciscitabatur ab eis ubi christus nasceretur. At illi dixerunt ei. In bethleem iude. Sic enim scriptum est per prophetam. Et tu bethleem terra iuda. nequaquam minima es in principibus iuda. Ex te enim exiet dux qui regat populum meum israel. Tunc herodes

<sup>1</sup> Thus repeated as on Christmas Day and elsewhere. (See above, pp. 16, 21).

clam uocatis magis. diligenter didicit ab eis tempus stelle  
que apparuit eis. et mittens illos in bethleem: dixit. Ite. et  
interrogate diligenter de puero. Et cum inuenieritis renun-  
tiate michi ut et ego ueniens adorem eum. Qui cum audis-  
5 sent regem: abierunt. Et ecce stella quam uiderant in  
oriente antecedeat eos: usque dum ueniens staret supra  
ubi erat puer. Uidentes autem stellam gauisi sunt gaudio  
magno ualde. Et intrantes domum. inuenerunt puerum cum  
maria matre eius. Et procidentes adorauerunt eum. Et  
10 apertis thesauris suis: obtulerunt ei munera. aurum thus. et  
mirram. Et responso accepto in somnis ne redirent ad  
herodem: per aliam uiam reuersi sunt in regionem suam.

(*Offertorium.*) Reges tharsis et insule munera offerent. reges  
arabum et sabba dona adducent. et adorabunt eum omnes reges  
15 terre. omnes gentes seruiant ei.

(*Secreta.*)

Ecclesie tue quesumus domine dona propitius intueri,  
quibus non iam aurum thus et mirra profertur: sed quod  
eisdem muneribus declaratur. immolatur et sumitur. Per.

20 *Prephatio.* Eterne deus. Quia cum unigenitus tuus.

*In fractionem.*† Communicantes et diem sacratissimum  
celebrantes. *Et dicuntur per octauam.*

(*Communio.*) Uidimus stellam eius in oriente. et uenimus cum  
muneribus adorare dominum.

25 (*Post communio.*)

PResta quesumus omnipotens deus ut que solemniter cele-  
bramus officio: purificate mentis intelligentiam conse-  
quamur. Per.

30 *Infra octauam epiphaniae fit idem officium quod in die et  
post orationem diei dicuntur orationes.* Deus qui salutis eterne.  
et Ecclesie tue.

*De festiuitatibus uero que infra octauam ueniunt nichil tunc  
agitur sed peracta octaua celebrantur.*

(DOMINICA INFRA OCTAUIAM EPIPHANIAE)

35 (*Introitus.*)

IN excelso throno uidi sedere uirum quem adorat multitudo  
angelorum psalentes in unum. Ecce cuius imperii nomen est  
in eternum.

(*Ps.*) Iubilare deo omnis terra seruite domino in leticia. (*V.*)  
40 Gloria patri et filio.

(Oratio.)

UOtā quesumus domine supplicantis populi celesti pietate  
prosequere ut et que agenda sunt uideant: et ad im-  
plenda que uiderint conualescant. Per.

5 (Ad romanos) [Rom. xii. 1-5].

F Ratres obsecro uos per misericordiam dei. ut exhibeatis  
corpora uestra hostiam uiuentem sanctam deo placen-  
tem. rationabile /obsequium uestrum. Et nolite [fo. 12.  
confirmari† huic seculo. Sed reformamini in nouitate sensus  
10 uestri ut probetis que sit uoluntas dei bona et beneplacens et  
perfecta. Dico enim per gratiam dei que data est michi.  
omnibus qui sunt inter uos. Non plus sapere quam oportet  
sapere. sed sapere ad sobrietatem. Et unicuique sicut deus  
diuisit mensuram fidei. Sicut enim in uno corpore multa  
15 membra habemus. omnia autem membra non eundem actum  
habent: ita multi unum corpus sumus in christo. Singuli  
autem alter alterius membra. In christo iesu domino nostro.

(Graduale.) Benedictus dominus deus israel qui facit mirabilia  
magna solus a seculo. (V.) Suscipiant montes pacem populo [tuo] et  
20 colles iustitiam. alleluia. (V.) Iubilare deo omnis terra seruite  
domino in letitia.

(Secundum lucam) [Luc. ii. 42-52].

C Um factus esset iesus annorum duodecim. ascendentibus  
illis yerosolimam secundum consuetudinem diei festi  
25 consumatisque diebus cum redirent. remansit puer iesus in  
ierusalem. et non cognouerunt parentes eius. Existimantes  
autem illum esse in comitatu: uenerunt iter diei et require-  
bant eum inter cognatos et notos. Et non inuenientes regressi  
sunt in ierusalem requirentes eum. Et factum est post  
30 triduum inuenerunt illum in templo sedentem in medio  
doctorum: audientem illos et interrogantem. Stupebant  
autem omnes qui eum audiebant. super prudentia et re-  
sponsis eius. Et uidentes admirati sunt. Et dixit mater  
eius ad illum. Fili quid fecisti nobis sic? Ecce pater tuus  
35 et ego dolentes querebamus te. Et ait ad illos. Quid est  
quod me querebatis? Nesciebatis quia in his que patris mei  
sunt oportet me esse? Et ipsi non intellexerunt uerbum  
quod locutus est ad illos. Et descendit cum eis. et uenit  
nazareth et erat subditus illis Et mater eius conseruabat  
40 omnia uerba hec. conferens in corde suo. Et iesus proficiebat  
sapientia et etate et gratia: apud deum et homines.

(Offertorium.) Iubilare deo omnis terra iubilare deo omnis terra  
seruite domino in leticia. intrate in conspectu eius in exultatione  
quia dominus ipse est deus.

(Secreta.)

O Blatum tibi domine sacrificium. uiuifcet nos semper et muniat. Per dominum.

(Communio.) Fili. quid fecisti nobis sic. ego et pater tuus dolentes  
5 querebamus te. et quid est quod me querebatis. nesciebatis quia in  
his que patris mei sunt oportet me esse.

(Post communio.)

S Upplices te rogamus omnipotens deus : ut quos tuis reficis  
sacramentis. tibi etiam placitis moribus dignanter de-  
10 seruire concedas. Per.

*Si festiuitas epiphanie in dominica uenerit suprascriptum  
officium dominice fit sabbato infra octauam.*

[IN OCTAUA EPIPHANIE.]

*In octaua epiphanie fit officium misse.*

15 (Introitus.)

E Cce aduenit dominator. *per ordinem. Require in die epiphanie.*  
[p. 31.]

(Oratio.)

D Eus cuius unigenitus in substantia nostre carnis apparuit.  
presta quesumus : ut per eum quem similem nobis foris  
20 agnouimus intus reformari mereamur Qui tecum.

*Epistola. Surge illu/minare. Require in die* [fo. 12b.  
*epiphanie.* [p. 31.]

(Graduale.) Omnes de sabba alleluia. *V. Uidimus stellam. ut  
supra in die.* [p. 31.]

25 (Secundum Iohannem) [Ioan. i. 29-34].

I N illo tempore : Uidit iohannes iesum uenientem ad se et  
ait. Ecce agnus dei : ecce qui tollit peccata mundi. hic  
est de quo dixi. post me uenit uir qui ante me factus est : qui  
prior me erat et ego nesciebam eum. Sed ut manifestaretur  
30 in ysrael : propterea ueni ego in aqua baptizans. Et testi-  
monium perhibuit iohannes dicens. Quia uidi spiritum  
descendentem quasi columbam de celo et mansit super eum.  
Et ego nesciebam eum. Sed qui misit me baptizare in aqua :  
ille michi dixit. Super quem uideris spiritum descendentem  
35 et manentem super eum hic est qui baptizat in spiritu sancto.  
Et ego uidi. et testimonium perhibui : quia hic est filius dei.

(Offertorium.) Reges tharsis.



(Secreta.)

H Ostias tibi domine pro nati filii tui apparitione deferimus  
 suppliciter exorantes. ut sicut nostrorum ipse est auctor  
 munerum. ita sit ipse misericors et susceptor. iesus christus  
 5 dominus noster. Qui tecum.

(Communio.) Uidimus stellam.

(Post communio.)

C Elesti lumine quesumus domine semper et ubique nos  
 preueni: ut misterium cuius nos participes esse  
 10 uoluisti: et puro cernamus intuitu: et digno percipiamus  
 effectum. Per.

*Ab octaua epiphaniae usque ad purificationem post orationem  
 diei dicuntur iste orationes. Deus qui salutis eterne. Ecclesie  
 tue. uel Deus omnium fidelium.*

15 *Si tempus breue fuerit a dominica prima post octauam epi-  
 phaniae usque ad septuagesimam ita quod officia dominicalia  
 non possint expleri suis diebus officia residuarum dominicarum  
 distribuuntur per ebdomadam si festum non impediat. Simi-  
 liter fit de dominicis post octauam pentecosten usque ad  
 20 aduentum.*

## DOMINICA SECUNDA POST EPIPHANIAM.

(Introitus.)

O Mnis terra adoret te deus et psallat tibi psalmum dicat nomini  
 tuo altissime.

25 (Ps.) Iubilare deo omnis terra psalmum dicite nomini eius date  
 gloriam laudi eius. (V.) Gloria.

(Oratio.)

O Mnipotens sempiternus deus qui celestia simul et terrena  
 moderaris supplicationes populi tui clementer exaudi:  
 30 et pacem tuam nostris concede temporibus. Per.

(Ad Romanos) [Rom. xii. 6-16].

F Ratres habentes donationes: secundum gratiam que  
 data est nobis differentes. siue prophetiam secundum  
 rationem fidei. siue ministerium in ministrando. siue qui  
 35 docet in doctrina. Qui exortatur in exortando. Qui tribuit  
 in simplicitate. Qui preest in sollicitudine. Qui miseretur  
 in hylaritate. Dilectio sine simulatione odientes malum:  
 adherentes bono. Caritatem fraternitatis inuicem diligentes.  
 honorem inuicem preuenientes. Sollicitudine non pigri.  
 40 Spiritu feruentes. domino seruientes. Spe gaudentes. in  
 tribulatione patientes. Orationi instantes. necessitatibus

sanctorum comunicantes. hospitalitatem sectantes. Benedicite persequentibus uos. benedicite et nolite maledicere. Gaudere cum gaudentibus. / flere cum flentibus. Idip- [fo. 13. sum inuicem sentientes. Non alta sapientes. sed humilibus  
5 consentientes.

(*Graduale.*) Misit dominus uerbum suum et sanauit eos et eripuit eos de interitu eorum. (*V.*) Confiteantur domino misericordie eius et mirabilia eius filiis hominum. Alleluia. (*V.*) Laudate dominum omnes angeli eius laudate eum omnes uirtutes eius.

10 (*Secundum Iohannem*) [Ioan. ii. I-II].

**I**N illo tempore: Nuptie facte sunt in cana galilee: et erat mater iesu ibi. Uocatus est autem iesus et discipuli eius. ad nuptias. Et deficiente uino: dicit mater iesu ad eum. Unum non habent. et dicit ei iesus: Quid michi et tibi est  
15 mulier? Nondum uenit hora mea. dicit mater eius ministris. Quodcumque dixerit uobis: facite. Erant autem ibi lapidee ydrye sex. posite secundum purificationem iudaeorum: capientes singule metretas binas uel ternas. Dicit eis iesus: implete ydrias aqua. et impleuerunt eas usque ad summum.  
20 Et dicit eis iesus: Haurite nunc et ferte architriclino. Et tulerunt. Ut autem gustauit architriclinus aquam uinum factum.† et non sciebat unde esset. ministri autem sciebant qui hauserant aquam. Uocat sponsum architriclinus et dicit ei. Omnis homo primum bonum uinum ponit. et cum  
25 inebriati fuerint. tunc id quod deterius est. Tu autem seruasti uinum bonum usque adhuc. hoc autem fecit initium signorum iesus in cana galilee: et manifestauit gloriam suam. et crediderunt in eum. discipuli eius.

(*Offertorium.*) Iubilate deo in† uniuersa terra. iubilate deo uni-  
30 uersa terra. psalmum dicite nomini eius uenite et audite et narrabo uobis omnes qui timetis deum quanta fecit dominus anime mee. alleluia.

(*Secreta.*)

**O**blata domine munera sanctifica. nosque a peccatorum  
35 nostrorum maculis emunda. Per.

(*Communio.*) Dixit dominus implete ydrias aqua et ferte architriclino. dum gustasset architriclinus aquam uinum factum dicit sponso. seruasti bonum uinum usque adhuc hoc signum fecit yesus primum coram discipulis suis.

40 (*Post communio.*)

**A**ugeatur in nobis domine quesumus tue uirtutis operatio. ut diuinis uegetati sacramentis. ad eorum promissa capienda tuo munere preparemur. Per.

## DOMINICA TERTIA POST EPIPHANIAM.

(Introitus.)

**A**Dorate deum omnes angeli eius audiuit et letata est syon : et exaltauerunt filie iude.

5 (Ps.) Dominus regnauit exultet terra letentur insule multe. (V.) Gloria patri et filio.

(Oratio.)

**O**Mnipotens sempiterne deus infirmitatem nostram propitius respice. atque ad protegendum nos dexteram tue  
10 maiestatis extende. Per.

(Ad Romanos) [Rom. xii. 16-21].

**F**Ratres: Nolite esse prudentes apud uosmetipsos nulli malum pro malo reddentes. prouidentes bona non tantum coram deo. sed etiam coram omnibus hominibus. Si  
15 fieri potest quod ex uobis est cum omnibus hominibus pacem habentes. Non uosmetipsos defendentes karissimi sed date locum ire. Scriptum est enim. Michi uindictam. et ego /retribuam dicit dominus. Sed si esurierit inimicus [fo. 13b. tuus. ciba illum. Si sitit potum da illi. Hoc enim faciens car-  
20 bones ignis congeres super caput eius. Noli uinci a malo : sed uince in bono malum.

(Graduale.) Timebunt gentes nomen tuum domine et omnes reges terre gloriam tuam. (V.) Quoniam edificauit dominus syon et uidebitur in maiestate sua. Alleluia. (V.) Dominus regnauit exultet  
25 terra letentur insule multe.

(Secundum matheum) [Matt. viii. 1-13].

**I**N illo tempore: Cum descendisset iesus de monte. secute sunt eum turbe multe. Et ecce leprosus ueniens adorabat eum dicens. Domine: si uis potes me mundare. Et ex-  
30 tendens manum iesus: tetigit eum dicens. Uolo mundare. Et confestim mundata est lepra eius. Et ait illi iesus Uide nemini dixeris: sed uade ostende te sacerdoti. et offer munus quod precepit moyses in testimonium illis. Cum autem introisset capharnaum accessit ad eum centurio rogans eum.  
35 et dicens. Domine puer meus iacet in domo paraliticus: et male torquetur Et ait illi iesus. Ego ueniam: et curabo eum. Et respondens centurio. ait: Domine non sum dignus ut intres sub tectum meum Sed tantum dic uerbo. et sanabitur puer meus. Nam et ego homo sum sub potestate  
40 constitutus. habens sub me milites. Et dico huic uade et uadit. et alio ueni et uenit. et seruo meo fac hoc et facit. Audiens autem iesus miratus est et sequentibus se dixit. Amen dico uobis: non inueni tantam fidem in ysrael. Dico

autem uobis quod multi ab oriente et occidente uenient et recumbent cum abraham. ysaac. et iacob in regno celorum. Filii autem regni cicientur in tenebras exteriores. Ibi erit fletus: et stridor dentium. Et dixit iesus centurioni. Uade: et sicut credidisti fiat tibi. Et sanatus est puer in illa hora.

(*Offertorium.*) Dexteram domini fecit uirtutem. dextera domini exaltauit me. non moriar sed uiuam et narrabo opera domini.

(*Secreta.*)

10 **H**Ec hostia quesumus domine emundet nostra delicta. et ad sacrificium celebrandum. subditorum tibi corpora mentesque sanctificet. Per.

(*Communio.*) Mirabantur omnes de his que procedebant de ore dei.

(*Post communio.*)

15 **Q**uos tantis domine largiris uti misteriis: quesumus ut effectibus nos eorum ueraciter. aptare digneris. Per.

#### DOMINICA QUARTA. POST EPIPHANIAM.

(*Introitus.*)

20 **A**Dorate deum omnes angeli eius audiuit et letata est syon. et exaltauerunt filie iude.

(*Ps.*) Dominus regnauit exultet terra. letentur insule multe. (*V.*) Gloria.

*Hoc officium dicitur per omnes dominicas usque ad septuagesimam. Require in dominica precedenti.*

25 (Oratio.)

**D**Eus qui nos in tantis periculis constitutos. pro humana scis fragilitate non posse subsistere. da nobis salutem mentis et corporis. ut ea que pro peccatis nostris patimur. te adiuuante uincamus. Per.

30 (*Ad Romanos*) [Rom. xiii. 8-10].

**F**Ratres: Nemini quicquam debeatis nisi ut inuicem diligatis. Qui enim diligit proximum legem [fo. 14. impleuit. Nam non adulterabis. non occides. non furaberis. non falsum testimonium dices non concupisces rem proximi tui. et si quod est aliud mandatum in hoc uerbo restauratur. Diliges proximum tuum. sicut te ipsum. Dilectio proximi malum non operatur. Plenitudo ergo legis est dilectio.

(*Graduale.*) Timebunt gentes alleluia. (*V.*) Dominus regnauit exultet.

(*Secundum matheum*) [Matt. viii. 23-27].

**I**N illo tempore. Ascendente iesu in nauiculam. secuti sunt eum discipuli eius. Et ecce motus magnus factus est in mari. ita ut nauicula operiretur fluctibus. Erat autem illis  
 5 uentus contrarius. Ipse uero dormiebat. Et accesserunt discipuli et suscitauerunt eum dicentes. Domine salua nos : perimus. Et dicit eis. Quid timidi estis modice fidei? Tunc surgens imperauit uentis et mari : et facta est tranquillitas magna. Porro homines illi mirati sunt dicentes. Qualis est  
 10 hic? Quia uenti et mare obediunt ei.

(*Offertorium.*) Dexteram domini.

(*Secreta.*)

**C**Oncede quesumus omnipotens deus. ut huius sacrificii munus oblatum. fragilitatem nostram ab omni malo  
 15 purget semper et muniat. Per.

(*Communio.*) Mirabantur omnes.

(*Post communio.*)

**M**Unera tua nos deus a delectationibus terrenis expediant. et celestibus semper instruant alimentis. Per.

20

DOMINICA QUINTA POST EPIPHANIAM.

(*Introitus.*)

**A**Dorate deum omnes.

(*Oratio.*)

**F**amiliam tuam quesumus domine continua pietate custodi  
 25 ut que in sola spe gratie celestis innititur. tua semper protectione muniatur. Per.

(*Ad collosenses*) [Col. iii. 12-17].

**F**Ratres. Induite uos sicut electi dei. sancti et dilecti uiscera misericordie. benignitatem humilitatem. modes-  
 30 tiam. patientiam. supportantes inuicem. et donantes uobismetipsis. si quis aduersus aliquem habet querelam. Sicut et dominus donauit uobis ita et uos. Super omnia autem hec caritatem habentes. quod est uinculum perfectionis. Et pax christi exultet in cordibus uestris. in qua et uocati estis in  
 35 uno corpore. et grati estote. Uerbum christi habitet in uobis abundanter in omni sapientia. Docentes et commonentes uosmetipsos in psalmis ymnis et canticis spiritualibus in gratia cantantes in cordibus uestris domino. Omne autem quodcunque facitis in uerbo aut in opere omnia in nomine

domini nostri iesu christi facite. gratias agentes deo et patri :  
per iesum christum dominum nostrum.

(*Graduale.*) Timebunt gentes alleluia. (*V.*) Dominus regnauit,  
exultet.

5 (*Secundum matheum*) [Matt. xiii. 24-30].

**I**N illo tempore: Dixit iesus discipulis suis parabolam hanc.  
Simile factum est regnum celorum homini qui seminauit  
bonum semen in agro suo. Cum autem dormirent homines.  
uenit inimicus eius et superseminauit zizania. in medio tritici  
10 et abiit. Cum autem creuisset herba et fructum fecisset. tunc  
apparuerunt et zizania. Ac cedentes autem serui [fo. 14b.  
patrisfamilias. Dixerunt ei. Domine nonne bonum semen  
seminasti in agro tuo? Unde ergo habet zizania? Et ait  
illis. Inimicus homo hoc fecit. Serui autem dixerunt ei:  
15 Uis imus et colimus† ea? Et ait. Non: ne forte colligentes  
zizania. eradicetis cum eis simul et triticum. Sinite utraque  
crescere usque ad messem. et in temporibus messis dicam  
messoribus: Colligite primum zizania: et alligate ea in  
fasciculos ad comburendum. Triticum autem congregate in  
20 horreum meum.

(*Offertorium.*) Dexterâ domini.

(*Secreta.*)

**H**OSTIAS tibi domine nostre placationis offerimus ut et  
delicta nostra miseratus absoluas et nutantia corda tu  
25 dirigas. [Per.]

(*Communio.*) Mirabantur omnes.

(*Post communio.*)

**Q**UESUMUS omnipotens deus: ut illius salutaris capiamus  
effectum. cuius per hec misteria pignus accepimus.  
30 Per.


# DOMINICA IN SEPTUAGESIMA.

(*Statio ad sanctum laurentium extra murum.*

*Introitus.*)

**C**IRCUNDEDERUNT me gemitus mortis dolores inferni circundederunt  
35 me. et in tribulatione mea inuocaui dominum et exaudiuit de  
templo sancto suo uocem meam.

(*Ps.*) Diligam te domine fortitudo mea dominus firmamentum  
meum et refugium meum et liberator meus. (*V.*) Gloria patri.



(Oratio.)

Preces populi tui quesumus domine clementer exaudi: ut qui iuste pro peccatis nostris affligimur: pro tui nominis gloria misericorditer liberemur. Per dominum.

5 (Ad corinthios) [1 Cor. ix. 24—x. 4].

Fratres: Nescitis quod hi qui in stadio currunt: omnes quidem currunt: sed unus accipit brauium. Sic currite ut comprehendatis. Omnis enim qui in agone contendit. ab omnibus se abstinere. Et illi quidem ut corruptibilem coronam accipiant. nos autem incorruptam. Ego igitur sic curro non  
10 quasi in incertum. sic pugno non quasi aerem uerberans. sed castigo corpus meum et in seruitutem redigo. ne forte cum aliis predicauerim ipse reprobus efficiar. Nolo enim uos ignorare fratres quoniam patres nostri omnes sub nube  
15 fuerunt. et omnes mare transierunt. et omnes in moyse baptizati sunt in nube et in mari. Et omnes eandem escam spiritualem manducauerunt. et omnes eundem potum spiritualem biberunt. Bibebant autem de spirituali. consequenti eos petra. petra autem erat christus.

20 (Graduale.) Adiutor in opportunitatibus in tribulatione. sperent in te qui nouerunt te. quoniam non derelinquis querentes te domine. (V.) Quoniam non in finem obliuio erit pauperis. patientia pauperum non peribit in eternum. exurge domine non preualeat homo.

(Tractus.) De profundis clamaui ad te domine. domine exaudi uocem meam. (V.) Fiant aures tue intendentes in orationem serui tui. (V.) Si iniquitates obseruaueris domine. domine quis sustinebit. (V.) Quia apud te propitiatio est et propter legem tuam sustinui te domine.

(Secundum matheum) [Mat. xx. 1—16].

30 I In illo tempore. Dixit iesus discipulis suis parabolam hanc. Simile est regnum celorum homini patrifamilias qui exiit primo mane conducere operarios in uineam suam. [fo. 15. Conuentione autem facta cum operariis ex denario diurno. misit eos in uineam suam. Et egressus circa horam tertiam. uidit  
35 alios stantes in foro ociosos. et illis dixit. Ite et uos in uineam meam. et quod iustum fuerit dabo uobis. Illi autem abierunt. Iterum autem exiit circa sextam et nonam horam: et fecit similiter. Circa undecimam uero horam exiit. et inuenit alios stantes et dixit illis. Quid hic statis tota die ociosi.  
40 Dicunt ei. Quia nemo nos conduxit. Dixit illis Ite et uos in uineam meam. Cum sero autem factum esset. Dixit dominus uinee procuratori suo. Uoca operarios et redde illis mercedem. incipiens a nouissimis usque ad primos. Cum uenissent ergo qui circa undecimam horam uenerant. accepe-

runt singulos denarios. Venientes autem et primi arbitrati sunt. quod plus essent accepturi. Acceperunt autem et ipsi singulos denarios. Et accipientes murmurabant aduersus patremfamilias dicentes. Hii nouissimi una hora fecerunt. et  
 5 pares illos nobis fecisti. qui portauimus pondus diei et estus? At ille respondens uni eorum dixit. Amice. non facio tibi iniuriam. Nonne ex denario conuenisti mecum? Tolle quod tuum est. et uade. Uolo autem et huic nouissimo dare sicut et tibi. Aut non licet michi quod uolo facere? An oculus  
 10 tuus nequam est. quia ego bonus sum? Sic erunt nouissimi primi. et primi nouissimi. Multi enim sunt uocati: pauci uero electi.

(*Offertorium.*) Bonum est confiteri domino et psalere nomini tuo altissime.

15 (Secreta.)

Muneribus nostris quesumus domine precibusque susceptis. et celestibus nos. munda misteriis. et clementer exaudi. Per.

(*Communio.*) Illumina faciem tuam super seruum tuum. et  
 20 saluum me fac in tua misericordia. domine non confundar quoniam inuocaui te.

(*Post communio.*)

Fideles tui deus per tua dona firmentur. ut eandem et percipiendo requirant. et querendo sine fine percipiant.  
 25 Per.

*A septuagesima usque ad feriam quartam cinerum non cantantur tractus. nisi in dominicis et diebus festis.*

## DOMINICA IN SEXAGESIMA.

(*Statio ad sanctum paulum.*)

30 (*Introitus.*)

Exurge quare obdormis domine. exurge et ne repellas in finem. quare faciem tuam auertis. obliuisceris tribulationem nostram adhesit in terra uenter noster. exurge domine adiua nos et libera nos.

35 (*Ps.*) Deus auribus nostris audiuius. patres nostri annuntiauerunt nobis. (*V.*) Gloria.

(*Oratio.*)

Deus qui conspicias quia ex nulla nostra actione confidimus. concede propitius: ut contra aduersa omnia. doctoris  
 40 gentium protectione muniamur. Per.



(*Ad corinthios*) [II. Cor. xi. 19–xii. 9].

**F**Ratres: Libenter suffertis insipientes: cum sitis ipsi sapientes. Sustinetis enim si quis uos in seruitutem redigit. si quis deuorat. si quis accipit. si quis extollitur. si quis in faciem uos cedit. Secundum ignobilitatem dico. quasi nos infirmi fuerimus in hac parte. In quo quis audet. In insipientia dico: audeo et/ego. Hebrei sunt. et ego. [fo. 15b. Israelite sunt: et ego. Semen habrae sunt: et ego. Ministri christi sunt: et ego. Ut minus sapiens dico: plus ego In laboribus plurimis: in carceribus habundantius: in plagis supra modum. In mortibus frequenter. A iudeis quinquies quadragenas una minus accepi. Ter uirgis cesus sum. semel lapidatus sum. ter naufragium feci. Nocte et die in profundum maris fui. In itineribus sepe. periculis fluminum. periculis latronum. periculis ex genere. periculis ex gentibus. periculis in ciuitate. periculis in solitudine. periculis in mari. periculis in falsis fratribus. In labore et erumna. in uigiliis multis. In fame et siti. in ieiuniis multis. In frigore et nuditate. preter illa que extrinsecus sunt. instantia mea quotidiana. sollicitudo omnium ecclesiarum. Quis infirmatur et ego non infirmor? Quis scandalizatur et ego non uror? Si gloriari oportet. que infirmitatis mee sunt gloriabor. Deus et pater domini nostri iesu christi scit qui est benedictus in secula. quod non mentior. Damasci prepositus gentis arethe regis custodiebat ciuitatem damascenorum. ut me comprehenderet. Et per fenestram in sporta dimissus sum per murum. et sic effugi manus eius. Si gloriari oportet. non expedit quidem. Ueniam autem ad uisiones et reuelationes domini. Scio hominem in christo ante annos quatuordecim siue in corpore. siue extra corpus nescio deus scit raptum huiuscemodi usque ad tertium celum. Et scio huiusmodi hominem siue in corpore siue extra corpus nescio deus scit. quoniam raptus est in paradisum et audiuit archana uerba que non licet homini loqui. Pro huiusmodi gloriabor. pro me autem nichil gloriabor. nisi in infirmitatibus meis. Nam et si uoluero gloriari non ero insipiens. Ueritatem enim dicam. Parco autem. ne quis me existimet supra id quod uidet in me. aut audit aliquid ex me. Et ne magnitudo reuelationum extollat me. datus est michi stimulus carnis mee. angelus sathane qui me colaphizet. Propter quod ter dominum rogaui ut discederet a me: et dixit michi. Sufficit tibi gratia mea. Nam uirtus in infirmitate perficitur. Libenter igitur gloriabor in infirmitatibus meis. ut inhabitet in me uirtus christi.

(*Graduale.*) Sciant gentes quoniam nomen tibi deus tu solus

altissimus super omnem terram. (*N.*) Deus meus pone illos ut rotam. et sicut stipulam ante faciem uenti.

(*Tractus.*) Commouisti domine terram et conturbasti eam. (*N.*) Sana contritiones† eius quia commota est. (*N.*) Ut fugiant a facie  
5 arcus, ut liberentur dilecti tui.

[*Secundum*] (*Lucam*)<sup>1</sup> [Luc. viii. 4--15].

**I**N illo tempore. Cum turba plurima conuenirent et de ciuitatibus properarent ad iesum: dixit per similitudinem. Exiit qui seminat. seminare semen suum. Et dum seminat.  
10 aliud cecidit secus uiam. et conculcatum est. et uolucres celi comederunt illud. Et aliud/ cecidit supra petram. [fo. 16. et natum aruit. quia non habebat humorem. Et aliud cecidit inter spinas. et simul exorte spine suffocauerunt illud. Et aliud cecidit in terram bonam. et ortum fecit fructum  
15 centuplum. Hec dicens clamabat. Qui habet aures audiendi audiat. Interrogabant autem eum discipuli eius: que esset hec parabola. Quibus ipse dixit: uobis datum est nosce† misterium regni dei: ceteris autem in parabolis ut uidentes non uideant. Et audientes non intelligant. Est autem hec  
20 parabola. Semen est uerbum dei. Qui autem secus uiam hii sunt qui audiunt. deinde uenit diabolus et tollit uerbum de corde eorum. ne credentes salui fiant Nam qui supra petram. hii sunt. qui cum audierint. cum gaudio suscipiunt uerbum. Et hii radices non habent. quia ad tempus credunt  
25 et in tempore temptationis recedunt. Quod autem in spinis cecidit. hii sunt qui audierunt: et a sollicitudinibus et diuitiis et uoluptatibus uite euntes suffocantur. et non referunt fructum. Quod autem cecidit in terram bonam. hii sunt qui in corde bono et optimo audientes uerbum retinent. Et  
30 fructum afferunt. in patientia.

(*Offertorium.*) Perfice gressus meos in semitis tuis ut non moueantur uestigia mea. inclina aurem tuam et exaudi uerba mea. mirifica misericordias tuas qui saluos facis sperantes in te domine.

(*Secreta.*)

35 **O**Blatum tibi domine sacrificium uiuificet nos semper et muniat. Per.

(*Communio.*) Introibo ad altare dei ad deum qui letificat iuuentutem meam.

(*Post communio.*)

40 **S**upplices te rogamus omnipotens deus. ut quos tuis reficis sacramentis tibi etiam placitis moribus dignanter deseruire concedas. Per.

<sup>1</sup> *Lucam* is written in black.

## DOMINICA IN QUINQUAGESIMA

*(Statio ad sanctum petrum.**Introitus.)*

5 **E**Sto michi in deum protectorem et in locum refugii ut saluum  
me facias quoniam firmamentum meum et refugium meum es  
tu. et propter nomen tuum dux michi eris et enutries me.

(*Ps.*) In te domine speravi non confundar in eternum in iustitia  
tua libera me. (*V.*) Gloria.

*(Oratio.)*

10 **P**Reces nostras quesumus domine clementer exaudi: atque  
a peccatorum nostrorum uinculis absolutos. ab omni nos  
aduersitate custodi. Per.

*(Ad corinthios) [I Cor. xiii. 1-13].*

5 **F**Ratres: Si linguis hominum loquar et angelorum caritatem  
autem non habeam factus sum uelut es sonans aut  
cymbalum tinniens. Et si habuero prophetiam et nouerim  
misteria omnia et omnem scientiam et si habuero omnem  
fidem. ita ut montes transferam. caritatem autem non habuero  
nichil sum. Et si distribuero in cibos pauperum omnes  
10 facultates meas. et si tradidero corpus meum ita ut ardeam  
caritatem autem non habuero nichil michi prodest. Caritas  
patiens est: benigna est. caritas non emulatur. non agit  
perperam non inflatur. non est ambitiosa. non querit que sua  
sunt. Non/ irritatur. non cogitat malum. non gaudet [fo. 16b.  
5 super iniquitatem: congaudet autem ueritati. Omnia suffert  
omnia credit. omnia sperat. omnia sustinet. Caritas nunquam  
excidit. Siue prophetie euacuabuntur. siue lingue cessabunt.  
siue scientia destruetur. Ex parte enim cognoscimus: et ex  
parte prophetamus. Cum autem uenerit quod perfectum  
0 est. euacuabitur quod ex parte est. Cum essem paruulus  
loquebar ut paruulus sapiebam ut paruulus cogitabam ut  
paruulus. Quando autem factus sum uir. euacuaui que erant  
paruuli. Uidemus enim nunc per speculum in enigmate tunc  
autem facie ad faciem. Nunc cognosco ex parte. tunc  
5 autem cognoscam sicut et cognitus sum. Nunc autem  
manent fides. spes. caritas. tria hec. Maior autem horum est  
caritas.

(*Graduale.*) Tu es deus qui facis mirabilia solus notam fecisti in  
gentibus uirtutem tuam. (*V.*) Liberasti in brachio tuo populum tuum  
0 filios israel. et ioseph.

(*Tractus.*) Iubilare deo omnis terra seruite domino in letitia.  
(*V.*) Intrate in conspectu eius in exultatione. (*V.*) Scitote quoniam  
dominus ipse est deus. (*V.*) Ipse fecit nos et non ipsi nos. (*V.*) Nos  
autem populus eius. et oues pascue eius.

(*Secundum lucam*) [Luc. xviii. 31-43].

**I**N illo tempore: Assumpsit iesus duodecim discipulos suos: et ait illis. Ecce ascendimus ierosolimam. et consummabuntur omnia que scripta sunt per prophetas de filio  
 5 hominis. Tradetur enim gentibus. et illudetur. et flagellabitur. et conspuetur. Et postquam flagellauerint occident eum. et die tertia resurget. Et ipsi nichil horum intellexerunt. Erat autem uerbum istud absconditum ab eis. et non intelligebant que dicebantur. Factum est autem cum appropinquaret  
 10 yerico. cecus quidam sedebat secus uiam mendicans. Et cum audiret turbam pretereuntem. interrogabat quid hoc esset. Dixerunt autem ei: quod iesus nazarenus transiret. Et clamauit dicens. Iesu fili dauid. miserere mei. Et qui preibant increpabant eum ut taceret. Ipse uero multo magis  
 15 clamabat. fili dauid miserere mei. Stans autem iesus: iussit illum adduci ad se. et cum appropinquasset: interrogauit illum dicens Quid tibi uis faciam? At ille dixit. Domine. ut uideam. Et iesus dixit illi. Respice. fides tua te saluum fecit. Et confestim uidit. et sequebatur illum. magnificans  
 20 deum. Et omnis plebs ut uidit dedit laudem deo.

(*Offertorium.*) Benedictus es domine doce me iustificationes tuas. benedictus es domine doce me iustificationes tuas. in labiis meis pronuntiaui omnia iudicia oris tui.

(*Secreta.*)

25 **H**Ec hostia quesumus domine emundet nostra delicta. et ad sacrificium celebrandum. subditorum tibi corpora mentesque sanctificet. Per.

(*Communio.*) Manducauerunt et saturati sunt nimis et desiderium eorum attulit eis dominus. non sunt fraudati a desiderio suo

30 (*Post communio.*)

**Q**uesumus omnipotens deus: ut qui celestia alimenta percepimus per hec contra omnia aduersa/ [fo. 17. muniamur. Per.

FERIA QUARTA. CINERUM.

35 *Ante missam benedicuntur cineres. facti de ramis benedictis preteriti anni. si habentur in medio choro ante altare. hoc modo Primo cantatur. antiphona.*

(*Introitus.*)

40 **E**Xaudi nos domine quoniam benigna est misericordia tua secundum multitudinem miserationum tuarum respice nos domine.

(Ps.) Saluum me fac deus. quoniam intrauerunt aque usque animam meam. | Gloria.

*Et repetitur antiphona.* Exaudi nos.

*Deinde dicitur.* Dominus uobiscum.

(Oratio.)

5 **O**Mnipotens sempiterne deus parce metuentibus propitiare supplicantibus et mittere digneris sanctum angelum tuum de celis qui bene(✠)dicat et sancti(✠)ficet hos cineres : ut sint remedium salubre omnibus nomen sanctum tuum  
0 humiliter implorantibus. ac semetipos pro conscientia delictorum suorum accusantibus. atque ante conspectum diuine clementie tue. facinora sua deplorantibus. uel serenissimam maiestatem tuam suppliciter obnixequae flagitantibus. et presta  
5 per inuocationem sanctissimi nominis tui. ut quicumque eos super se asperserint. pro redemptione peccatorum suorum corporis sanitatem et anime tutelam percipiant. Per christum dominum nostrum. (R.) Amen.

(Oremus.

Oratio.)

0 **D**Eus qui non mortem sed penitentiam desideras peccatorum. fragilitatem condicionis humane benignissime respice. et hos cineres quos causa proferende humilitatis atque promerende uenie capitibus nostris imponi decreuimus. bene(✠)dicere pro tua pietate dignare. ut qui nos cinerem esse  
5 et ob prauitatis nostre meritum in puluerem reuersuros cognoscimus : peccatorum omnium ueniam. et premia penitentibus repromissa misericorditer consequi mereamur. Per christum dominum nostrum. (R.) Amen.

(Oratio.)

0 **D**Eus qui humiliatione flecteris satisfactione placaris aurem tue pietatis inclina precibus nostris. et capitibus seruorum tuorum horum cinerum aspersione attactis effunde propitius gratiam tue bene(✠)dictionis ut eos et spiritu compunctionis repleas. et que iuste postulauerint efficaciter tribuas et concessa perpetua stabilitate intactos manere decernas. Per christum dominum nostrum. (R.) Amen.

(Oratio.)

0 **O**Mnipotens sempiterne deus qui niniuitis in cinere et cilicio penitentibus. indulgentie tue remedia prestitisti : concede propitius : ut sic eos imitemur habitu. quatenus uenie prosequamur obtentu. Per dominum nostrum iesum christum filium tuum. Qui tecum uiuit et regnat in unitate spiritus sancti deus. per omnia secula seculorum. (R.) Amen.

*Expleta benedictione. primo imponitur cinis sacerdoti celebraturo missam. ab alio sacerdote si adest. Alioquin ipse sacerdos. genibus flexis coram altari sibi ipsi cineres imponit. et cantatur statim in choro.*

- 5 (Antiphona.) Immutemur habitu in cinere et cilicio et ieiunemus et ploremus ante dominum. quia multum misericors est dimittere peccata nostra deus noster.

(Antiphona.)

- 10 Iuxta /uestibulum et altare plorabant sacerdotes et [fo. 17b. leuite ministri domini dicentes. parce domine parce populo tuo. et ne dissipes ora canentium ad te domine.

*Sequitur (Responsorium cum uersu.) Gloria patri.*

- (V.) Emendemus in melius que ignoranter peccauimus. ne subito preoccupati diem† mortis queramus spatium penitentie : et inuenire  
15 non possimus. Attende domine et miserere quia peccauimus tibi. (V.) Adiuua nos deus salutaris noster et propter honorem nominis tui domine libera nos. Attende. Gloria patri. Attende.

*Sacerdos uero dum cantantur antiphone. et responsoria primo ministris stantibus genibus flexis coram altare imponit  
20 cinerem dicens.*

Memento homo quia puluis es. et in puluerem reuerteris.

*Postea ueniunt fratres bini et bini et flexis genibus ante altare recipiunt cineres a sacerdote ut dictum est de ministris. Completa cinerum datione dicitur. Dominus uobiscum.*

- 25 (Oratio.)

COncede nobis domine presidia militie christiane sanctis inchoare ieiuniis. ut contra spirituales nequitias pugnaturi continentie muniamur auxiliis. Per christum dominum nostrum. (R.) Amen.

- 30 *Deinde dicitur missa.*

(Statio ad sanctam sabinam.

*Introitus.)*

- Misereris omnium domine. et nichil odisti eorum que fecisti  
35 dissimulans peccata hominum propter penitentiam et parcens illis quia tu es dominus deus noster.

(Ps.) Miserere mei deus. miserere mei quoniam in te confidit anima mea. (V.) Gloria patri.

(Oratio.)

- 40 PResta domine fidelibus tuis ut ieiuniorum ueneranda solemnia. et congrua pietate suscipiant. et segura deuotione percurrant. Per.

*Ab hac die usque ad dominicam de passione post orationem diei dicuntur orationes. A cunctis et omnipotens sempiterne deus qui uiuorum.*

(*Lectio Iohelis prophete*) [Ioel ii. 12-19].

5 **H**Ec dicit dominus. Conuertimini ad me in toto corde uestro. in ieiunio et fletu et planctu et scindite corda uestra et non uestimenta uestra. Et conuertimini ad dominum deum uestrum. quia benignus et misericors est: patiens et multe misericordie. et prestabilis super malitia. Quis scit si  
10 conuertatur et ignoscat deus et relinquat post se benedictionem? Sacrificium et libamen: domino deo nostro. Canite tuba in syon sanctificate ieiunium uocate cetum congregate populum sanctificate ecclesiam. coadunate senes. congregate paruulos. et suggestes ubera. Egrediatur sponsus  
15 de cubili suo. et sponsa de thalamo suo. Inter uestibulum et altare. plorabunt sacerdotes ministri domini et dicent. Parce domine. parce populo tuo: et ne des hereditatem tuam in obprobrium. ut dominantur eis nationes. Quare dicunt in populis ubi est deus eorum? zelatus est dominus terram  
20 suam. et pepercit populo suo. Et respondit dominus. et dixit populo suo. Ecce ego mittam uobis frumentum. et uinum et oleum et replebimini in eis: et non dabo uos ultra obprobrium in gentibus. Dicit dominus omnipotens.

(*Graduale.*) Miersere† mei deus miserere mei quoniam in te  
25 confidit anima mea. (V.) Misit de celo et liberauit me. dedit in obprobrium conculcantes me.

(*Tractus.*) Domine non secundum /peccata nostra que [fo. 18. fecimus nos. neque secundum iniquitates nostras retribuas nobis. (V.) Domine ne memineris iniquitatum nostrarum antiquarum. cito  
30 anticipent nos misericordie tue quia pauperes facti sumus nimis. (V.) Adiua nos deus salutaris noster et propter gloriam nominis tui domine libera nos et propitius esto peccatis nostris. propter nomen tuum.

35 *Suprascriptus tractus ab hac die dicitur. secunda et quarta et sexta. feria usque ad quartam feriam maioris ebdomade nisi prius assignetur. etiam si plura gradualia cantata fuerint.*

(*Secundum matheum*) [Mat. vi. 16-21].

40 **I**N illo tempore. Dixit iesus discipulis suis. Cum ieiunatis. nolite fieri sicut ypocrite tristes. Exterminant enim facies suas. ut appareant hominibus ieiunantes. Amen dico uobis receperunt mercedem suam. Tu autem cum ieiunas. unge caput tuum et faciem tuam laua. ne uidearis hominibus ieiunans. sed patri tuo qui est in abscondito. Et pater tuus qui

uidet in abscondito: reddet tibi. Nolite thesaurizare uobis thesauros in terra ubi erugo et tinea demolitur. et ubi fures effodiunt et furantur. Thesaurizate autem uobis thesauros in celo. ubi neque erugo neque tinea demolitur. et ubi fures  
 5 non effodiunt nec furantur. Ubi enim est thesaurus tuus: ibi est et cor tuum.

(*Offertorium.*) Exaltabo te domine quoniam suscepisti me nec delectasti inimicos meos super me. domine clamaui ad te et sanasti me.

10 (Secreta.)

FAC nos quesumus domine his muneribus offerendis conuenienter aptari. quibus ipsius uenerabilis sacramenti celebramus exordium. Per.

*Prephatio.*

15 Qui corporali ieiunio.

*et dicitur quottidie usque ad dominicam palmarum nisi in missa de festo si occurret.*

(*Communio.*) Qui meditabitur in lege domini die ac nocte dabit fructum suum in tempore suo.

20 (*Post communio.*)

PERcepta nobis domine prebeant sacramenta subsidium. ut et tibi grata sint nostra ieiunia et nobis proficiant ad medelam. Per.

*Oratio proxima precedens orationem super populum finitur.*

25 Per omnia secula seculorum. (R.) Amen. *Deinde absolute dicit sacerdos Oremus. postea diaconus si in officio diaconatus seruiat. humiliat capita uestra deo. Alioquin ipse sacerdos. sequitur oratio super populum. et hic modus seruatur usque ad quartam feriam maioris ebdomade.*

30 *Super populum.*

(*Oratio.*)

INclinantes se domine maiestati tue propitiatus intende: ut qui diuino munere sunt refectionibus semper nutriantur auxiliis. Per.

35 FERIA QUINTA.

(*Statio ad sanctum gregorium.*

*Introitus.*)

DUM clamarem ad dominum exaudiuit uocem meam ab his qui appropinquant michi. et humiliauit eos qui est ante secula.



et manet in eternum. iacta cogitatum tuum in domino et ipse te enutriet.

(Ps.) Exaudi deus orationem meam. et ne despexeris deprecationem meam. intende michi et exaudi me. (V.) Gloria.

5

(Oratio.)

**D**Eus qui culpa offenderis. penitentia placaris. preces populi tui supplicantis propitius respice : et flagella tue iracundie que pro peccatis nostris mereamur auerte. Per.

(Lectio ysaye prophete) [Isa. xxxviii. 1-6].

10 / **I**N diebus illis : Egrotauit ezechias usque ad [fo. 18b. mortem et introiuit ad eum ysaïas filius amos propheta. et dixit ei. Hec dicit dominus. Dispone domui tue. quia morieris tu. et non uiues Et conuertit ezechias faciem suam ad parietem. et orauit ad dominum et dixit. Obsecro  
15 domine. memento queso quomodo ambulauerim coram te. in ueritate et in corde perfecto. et quod bonum est in oculis tuis fecerim. Et fleuit ezechias fletu magno. Et factum est uerbum domini ad ysaïam dicens. Uade et dic ezechie : Hec dicit dominus deus dauid patris tui. Audiui orationem  
20 tuam : et uidi lacrymas tuas. Ecce ego adiciam super dies tuos quindecim annos. et de manu regis assyriorum eruam te. et ciuitatem istam protegam. Ait dominus omnipotens.

(Graduale.) Iacta cogitatum tuum in domino et ipse te enutriet.

(V.) Dum clamarem ad dominum exaudiuit uocem meam ab his qui  
25 appropinquant michi.

(Secundum matheum) [Mat. viii. 5-13].

**I**N illo tempore : Cum introisset iesus capharnaum : accessit ad eum centurio rogans eum et dicens. Domine : puer meus iacet in domo paraliticus : et male torquetur. Et ait  
30 illi iesus. Ego ueniam et curabo eum. Et respondens centurio ait. Domine non sum dignus. ut intres sub tectum meum : sed tantum dic uerbo. et sanabitur puer meus. Nam et ego homo sum sub potestate constitutus. habens sub me milites. et dico huic uade et uadit. et alio ueni. et uenit.  
35 et seruo meo fac hoc. et facit. Audiens autem iesus. miratus est : et sequentibus se dixit. Amen dico uobis. non inueni tantam fidem in ysrael. Dico autem uobis : quod multi ab oriente et occidente uenient. et recumbent cum habraam. ysaac et iacob. in regno celorum. Filii autem regni. eicientur  
40 in tenebras exteriores. Ibi erit fletus et stridor dentium. Et dixit iesus centurioni : Uade et sicut credidisti fiat tibi. Et sanatus est puer in illa hora.

(Offertorium.) Ad te domine leuaui animam meam deus meus

in te confido non erubescam. neque irrideant me inimici mei. etenim uniuersi qui te expectant non confundentur.

(*Secreta.*)

5 SACrificiis presentibus domine quesumus intende placatus. ut et deuotioni nostre proficiant et saluti. Per.

(*Communio.*) Acceptabis sacrificium iusticie oblationes et holocausta super altare tuum domine.

(*Post communio.*)

10 CElestis doni benedictione percepta. supplices te deus omnipotens deprecamur. ut hoc idem nobis et sacramenti causa sit et salutis. Per

*Super populum.*

(*Oratio.*)

15 PARce domine parce populo tuo: ut dignis flagellationibus castigatus in tua miseratione respiret. Per.

FERIA SEXTA.

(*Statio ad sanctos Iohannem et paulum.*

*Introitus.*)

20 AUDiuit dominus et misertus est michi. dominus factus est adiutor meus.

(*Ps.*) Exaltabo te domine quoniam suscepisti me nec delectasti inimicos meos super me. (*V.*) Gloria patri et filio.

(*Oratio.*)

25 INchoata ieiunia quesumus/ domine benigno fauore [fo. 19. prosequere ut obseruantiam quam corporaliter exhibemus. mentibus etiam sinceris exercere ualeamus. Per.

(*Lectio ysaye prophete*) [Isa. lviii. 1-9].

30 HEc dicit dominus deus. Clama ne cesses: quasi tuba exalta uocem tuam. et annuntia populo meo scelera eorum. et domui iacob peccata eorum. Me etenim de die in diem querunt. et scire uias meas nolunt. quasi gens que iustitiam fecerit. et que iudicium dei sui non dereliquerit. Rogant me iudicia iustitie et appropinquare deo uolunt. Quare ieiunauimus et non aspexisti: humiliauimus animas  
35 nostras et nescisti? Ecce in die ieiunii uestri inuenitur uoluntas uestra: et omnes debitores uestros repetitis. Ecce ad lites et contentiones ieiunatis et percutitis pugno impie. Nolite ieiunare sicut usque ad hanc diem ut audiatur in excelso clamor uester. Nunquid tale est ieiunium quod

elegi. per diem affligere hominem animam suam? Nunquid contorquere quasi circulum caput suum: et saccum et cinerem sternere? Nunquid istud uocaui ieiunium et diem acceptabilem domino? Non ne hoc est magis ieiunium quod  
 5 elegi. Dissolve colligationes impietatis: solue fasciculos deprimentes. Dimitte eos qui confracti sunt liberos. et omne onus disrumpe. Frange exurienti<sup>†</sup> panem tuum. et egenos uagosque induc in domum tuam. Cum uideris nudum. operi eum. et carnem tuam ne despexeris. Tunc erumpet quasi  
 10 mane lumen tuum: et sanitas tua citius orietur. Et ante ibit faciem tuam iusticia tua. et gloria domini colliget te. Tunc inuocabis et dominus exaudiet. clamabis et dicet ecce adsum. Quia misericors sum. dominus deus tuus.

(*Graduale.*) Unam petii a domino hanc requiram ut inhabitem  
 15 in domo domini. (*N.*) Ut uideam uoluntatem domini et protegar a templo sancto eius.

(*Secundum matheum*) [Mat. v. 43–vi. 4].

**I**N illo tempore. Dixit iesus discipulis suis. Audistis quia dictum est antiquis. Diliges proximum tuum: et odio  
 20 habebis inimicum tuum. Ego autem dico uobis. Diligite inimicos uestros benefacite his qui oderunt uos. et orate pro persequentibus et calumniantibus uos. ut sitis filii patris uestri qui in celis est. qui solem suum oriri facit super bonos et malos. et pluit super iustos et iniustos. Si enim diligitis eos  
 25 qui uos diligunt. quam mercedem habebitis? Nonne et publicani hoc faciunt? Et si salutaueritis fratres uestros tantum: quid amplius facietis? Nonne et ethnici hoc faciunt? Estote ergo uos perfecti. sicut et pater uester celestis perfectus est. Attendite ne iustitiam uestram faciatis  
 30 coram hominibus. ut uideamini ab eis. Alioquin: mercedem non habebitis apud patrem uestrum qui in celis est. Cum ergo facis helemosinam noli tuba canere ante te. sicut ypocrite faciunt in synagogis et in uicis ut honorificentur ab hominibus/ Amen dico uobis: receperunt mercedem [fo. 196.  
 35 suam. Te autem faciente helemosinam nesciat sinistra tua quid faciat dextera tua. ut sit helemosina tua in abscondito. Et pater tuus qui uidet in abscondito. reddet tibi. Et cum oratis. non eritis sicut ypocrite qui amant in synagogis et in angulis platearum stantes orare ut uideantur ab hominibus.  
 40 Amen dico uobis. receperunt mercedem suam. Tu autem cum orabis intra in cubiculum tuum. et clauso hostio ora patrem tuum in abscondito. Et pater tuus qui uidet te in abscondito. reddet tibi.

(*Offertorium.*) Domine uiuifica me secundum eloquium tuum ut  
 45 sciam testimonia tua.

(Secreta.)

**S**Acrificium domine obseruatione† pascalis offerimus. presta quesumus. ut tibi et mentes nostras reddat acceptas. et continentiae promptioris. nobis tribuat facultatem. Per.

5 (Communio.) Seruite domino in timore et exultate ei cum tremore. apprehendite disciplinam ne pereatis de uia iusta.

(Post communio.)

**S**Piritum nobis domine tue caritatis infunde: ut quos uno celesti pane satiasti. tua facias pietate concordēs. Per  
10 In unitate eiusdem.

*Super populum.*

(Oratio.)

**T**Uere domine populum tuum et ab omnibus peccatis clementer emunda. quia ei nulla nocebit aduersitas. si  
15 nulla ei dominetur iniquitas. Per.

SABBATO.

(Statio ad sanctum triphonem.)

*Et resumitur officium hesternum. scilicet.*

Audiuit dominus et misericors. [Introitus] et cetera.

20

(Oratio.)

**A**Desto domine supplicationibus nostris et concede. ut hoc solemne ieiunium quod animis corporibusque curandis salubriter institutum est. deuoto seruitio celebremus. Per.

(Lectio ysaye prophete) [Isa. lviii. 9-14].

25 **H**EC dicit dominus deus. Si abstuleris de medio tui cathenam. et desieris digitum tuum extendere et loqui quod non prodest. cum effuderis esurienti animam tuam. et animam afflictam repleueris: orietur in tenebris lux tua et tenebre tue erunt sicut meridies. Et requiem tibi dabit  
30 dominus deus tuus semper: et implebit splendoribus animam tuam. et ossa tua liberabit. Et eris quasi ortus irriguus. et sicut fons aquarum cuius non deficient aque. Et edificabuntur in te deserta seculorum: fundamenta generationis et generationis suscitabis. Et uocaberis edificator sepium:  
35 auertens semitas iniquitatum. Si auerteris a sabbato pedem tuum. facere uoluntatem tuam in die sancto meo. et uocaberis sabbatum delicatum. et sanctum domini gloriosum. Et glorificaueris eum dum non facis uias tuas: et non inuenitur uoluntas tua. ut loquaris sermonem: tunc delectaberis super  
40 domino. et substollam te super altitudinem terre. et cibabo te hereditate iacob patris tui. Os enim domini locutum est.

(*Secundum marcum*) [Marc. vi. 47-56].

IN illo tempore. Cum sero esset factum. erat nauis in medio mari. et iesus solus in terra Et uidit discipulos suos laboran/tes in remigando : erat enim uentus contrarius [fo. 20. 5 eis. Et circa quartam uigiliam noctis. uenit ad eos. ambulans supra mare : et uolebat preterire eos. At illi ut uiderunt eum ambulantem supra mare. putauerunt fantasma esse. et exclamauerunt. Omnes enim eum uiderunt et conturbati sunt. Et statim locutus est cum eis : et dixit illis. Confidite : Ego 10 sum. nolite timere. Et ascendit ad illos in nauim : et cessauit uentus. Et plus magis intra se stupebant. Non enim intellexerant de panibus. Erat enim cor eorum obcecatum. Et cum transfretassent. peruenerunt in terram genesareth. et applicuerunt. Cumque egressi essent de nauis : continuo 15 cognouerunt eum. Et percurrentes uniuersam regionem illam. ceperunt in grabatis eos qui se male habebant circumferre. ubi audiebant eum esse. Et quocumque introibat in uicos uel in uillas aut in ciuitates† : in plateis ponebant infirmos. et deprecabantur eum. ut uel fimbriam 20 uestimenti eius tangerent. Et quotquot tangebant eum. salui fiebant.

(*Secreta.*)

SUscipe domine sacrificium cuius te uoluisti dignanter immolatione placari. presta quesumus. ut huius operatione mundati : beneplacitum tibi nostre mentis offeramus effectum. Per.

(*Post communio.*)

Celestis uite munere uegetati. quesumus domine. ut quod est nobis in presenti uita misterium. fiat eternitatis 30 auxilium. Per.

*Super populum.*

(*Oratio.*)

Fideles tui deus per tua dona firmentur : ut eadem et percipiendo requirant et querendo sine fine percipiant. Per.

35

DOMINICA PRIMA IN QUADRAGESIMA.

(*Statio ad sanctum Iohannem in laterano.*

*Introitus.*)

INuocabit me et ego exaudiam eum eripiam eum et glorificabo eum. longitudine dierum adimplebo eum. 40 (Ps.) Qui habitat in adiutorio altissimi. in protectione dei celi commorabitur. (V.) Gloria patri et filio.

(Oratio.)

**D**Eus qui ecclesiam tuam annua quadragesimali obseruatione purificas. presta familie tue : ut quod a te obtinere abstinendo nititur. hoc bonis operibus exequatur.

5 (Ad corinthios) [II. Cor. vi. 1-10].

**F**Ratres : Hortamur uos ne in uacuum gratiam dei recipiatis. Ait enim. tempore accepto exaudiui te. et in die salutis adiuui te. Ecce nunc tempus acceptabile. ecce nunc dies salutis. Nemini dantes ullam offensionem. ut non uituperetur  
 10 ministerium nostrum. Sed in omnibus exhibeamus nosmetipsos: sicut dei ministros. in multa patientia. in tribulationibus. in necessitatibus. in angustiis. in plagis. in carceribus. in seditionibus. in laboribus in uigiis. in ieiuniis. in castitate. in scientia. in longanimitate. in suauitate. in spiritu sancto. In caritate  
 15 non ficta. in uerbo ueritatis in uirtute dei. per arma iusticie. a dextris et a sinistris. per gloriam et ignobilitatem. per infamiam et bonam famam. Ut seductores et/ ueraces. Sicut [fo. 20b. qui ignoti. et cogniti. Quasi morientes : et ecce uiuimus. Ut castigati et non mortificati. Quasi tristes : semper gaudentes.  
 20 Sicut egentes. multos autem locupletantes. Tanquam nichil habentes et omnia possidentes.

(Graduale.) Angelis suis mandauit de te ut custodiant te in omnibus uis tuis. (V.) In manibus portabunt te. ne unquam offendas ad lapidem pedem tuum.

25 (Tractus.) Qui habitat in adiutorio altissimi in protectione dei celi commorabitur. (V.) Dicit domino susceptor meus es tu. et refugium meum deus meus sperabo in eum. (V.) Quoniam ipse liberauit me de laqueo uenantium et a uerbo aspero. (V.) Scapulis suis obumbrabit tibi et sub penis eius sperabis. (V.) Scuto circumdabit te ueritas eius. non timebis a timore nocturno. (V.) A sagitta  
 30 uolante per diem. a negotio perambulante in tenebris. a ruina et demonio meridiano. (V.) Cadent a latere tuo mille et decemmillia a dexteris tuis. tibi autem non appropinquabit. (V.) Quoniam angelis suis mandauit de te. ut custodiant te in omnibus uis tuis.  
 35 (V.) In manibus portabunt te. ne unquam offendas ad lapidem pedem tuum. (V.) Super aspidem et basiliscum ambulabis. et conculcabis leonem et draconem. (V.) Quoniam in me sperauit liberabo eum. protegam eum quoniam cognouit nomen meum. (V.) Inuocabit me et ego exaudiam eum. cum ipso sum in tribu-  
 40 latione. (V.) Eripiam eum et glorificabo eum. longitudine dierum adimplebo eum. et ostendam illi salutare meum.

(Secundum matheum) [Mat. iv. 1-11].

**I**N illo tempore. Ductus est iesus in desertum a spiritu ut temptaretur a diabolo. Et cum ieiunasset quadraginta

diebus et quadraginta noctibus. postea esuriit: Et accedens temptator dixit ei. Si filius dei es. dic ut lapides isti panes fiant. Qui respondens: dixit. Scriptum est Non in solo pane uiuit homo: sed in omni uerbo quod procedit de ore dei.

5 Tunc assumpsit eum diabolus in sanctam ciuitatem: et statuit eum supra pinaculum templi et dixit ei. Si filius dei es: mitte te deorsum. Scriptum est enim. quia angelis suis mandauit de te. et in manibus tollent te. ne forte offendas ad lapidem pedem tuum. Ait illi iesus rursum. Scriptum est.  
10 Non temptabis dominum deum tuum. Iterum assumpsit eum diabolus in montem excelsum ualde. et ostendit ei omnia regna mundi. et gloriam eorum. et dixit illi. Hec omnia tibi dabo: si cadens adoraueris me. Tunc dixit ei iesus. Uade sathana. Scriptum est enim. Dominum deum tuum adorabis.  
15 et illi soli seruies. Tunc reliquit eum diabolus. et ecce angeli accesserunt. et ministrabant ei.

(*Offertorium.*) Scapulis suis obumbrabit tibi dominus et sub pennis eius sperabis. scuto circumdabit te ueritas eius.

(*Secreta.*)

20 SACRIFICIUM quadregesimalis initii solemniter immolamus te domine deprecantes: ut cum epularum restrictione carnalium. a noxiis quoque uoluptatibus temperemur. Per.

(*Communio.*) Scapulis suis obumbrabit tibi. et sub pennis eius sperabis. scuto circundabit te ueritas eius. non timebis a [fo. 21.  
25 timore nocturno.

(*Post communio.*)

TUI nos domine sacramenti libatio sancta restauret: et a uetustate purgatos in misterii salutaris faciat transire consortium. Per.

30 FERIA SECUNDA.

(*Statio ad sanctum petrum ad uincula.*)


(*Introitus.*)

Sicut oculi seruorum in manibus dominorum suorum ita oculi nostri ad dominum deum nostrum. donec misereatur nobis.  
35 miserere nobis domine. miserere nobis.

(*Ps.*) Ad te leuaui oculos meos qui habitas in celis. (V.) Gloria.

(*Oratio.*)

CONUERTE nos deus salutaris noster: et ut nobis ieiunium quadregesimale proficiat: mentes nostras celestibus  
40 instrue disciplinis. Per.



(*lectio ezechielis prophete*) [Ezec. xxxiv. 11-16].

**H**Ec dicit dominus deus. Ecce ego ipse requiram oves meas : et uisitabo illas sicut uisitavit pastor gregem suum in die quando fuerit in medio ouium suarum dissipatarum. Sic uisitabo oves meas : et liberabo eas de omnibus locis in quibus disperse fuerant in die nubis et caliginis. Et educam eas de populis : et congregabo eas de terris. Et inducam eas in terram suam. et pascam eas in montibus ysrael : in riuibus et in cunctis sedibus terre. In pascuis uberrimis pascam eas. et in montibus excelsis ysrael. erunt pascua earum. Ibi requiescent in herbis uirentibus. et in pascuis pinguibus pascentur. super montes ysrael. Ego pascam oves meas et accubare eas faciam dicit dominus deus. Quod perierat requiram. et quod abiectum fuerat reducam et quod confractum fuerat alligabo. et quod infirmum fuerat consolidabo. et quod pingue et forte custodiam. Et pascam illas in iudicio et iustitia. Dicit dominus omnipotens.

(*Graduale.*) Protector noster aspice deus et respice super seruos tuos. (V.) Domine deus uirtutum exaudi preces seruorum tuorum.

(*Secundum matheum*) [Mat. xxv. 31-46].

**I**N illo tempore. Dixit iesus discipulis suis. Cum uenerit filius hominis in maiestate sua et omnes angeli cum eo. tunc sedebit super sedem maiestatis sue. Et congregabuntur ante eum omnes gentes : et separabit eos ab inuicem. sicut pastor segregat oves ab edis : Et statuet oves quidem a dextris suis. edos autem a sinistris. Tunc dicet rex his qui a dextris eius erunt. Uenite benedicti patris mei : possidete paratum uobis regnum a constitutione mundi. Esuriui enim : et dedistis michi manducare. Sitiui : et dedistis michi bibere. Hospes eram : et collegistis me : Nudus eram : et cooperuistis me. Infirmus et uisitastis me. In carcere eram : et uenistis ad me. Tunc respondebunt ei iusti dicentes. Domine : quando te uidimus esurgentem et pauimus te. sitientem et dedimus tibi potum ? Quando autem te uidimus hospitem : et collegimus te. aut nudum et cooperuimus te ? Aut quando te uidimus infirmum. aut in carcerem. et uenimus ad te ? Et respondens rex dicet illis. Amen dico uobis : quam diu fecistis uni de his fratribus meis minimis. michi fecistis. Tunc dicet et his qui a sinistris eius erunt. Discedite a me maledicti in ignem eternum. qui paratus est diabolo et angelis eius. Esuriui enim : et non dedistis michi manducare. Sitiui et non dedistis michi potum. Hospes eram : et non collegistis me. Nudus : et non cooperuistis me. Infirmus et in carcere : et non uisitastis me. Tunc respondebunt ei et ipsi : dicentes.



Domine quando te uidimus esurientem aut sitientem aut hospitem. aut nudum. aut infirmum uel in carcere: et non ministrauimus tibi? Tunc respondebit illis dicens. Amen dico uobis: quam diu non fecistis uni de minoribus his: nec  
5 michi fecistis. Et ibunt hi in supplicium eternum: iusti autem in uitam eternam.

(*Offertorium.*) Leuabo oculos meos et considerabo mirabilia de lege tua domine. ut doceas me iustitias tuas. da michi intellectum ut discam mandata tua.

(*Secreta.*)

10 **M**Unera tibi domine oblata sanctifica nosque a peccatorum nostrorum maculis emunda. Per.

(*Communio.*) Amen dico uobis quod uni ex minimis meis fecistis. michi fecistis. uenite benedicti patris mei possidete preparatum  
15 uobis regnum ab initio seculi.

(*Post communio.*)

**S**Alutaris tui domine munere satiati supplices exoramus. ut cuius letamur gustu: renouemur effectum. Per.

*Super populum.*

(*Oratio.*)

20 **A**bsolue quesumus domine nostrorum uincula peccatorum et quicquid pro eis meremur. propitiatus auerte. Per.

FERIA TERTIA.

(*Statio ad sanctam anastasiam.*

*Introitus.*)

25 **D**omine refugium factus est† a generatione et progenie a seculo et in seculum tu es.

(*Ps.*) Prius quam montes† fierent aut formaretur terra et orbis a seculo et usque in seculum tu es deus. (*V.*) Gloria patri et filio.

(*Oratio.*)

30 **R**espice domine familiam tuam et presta. ut apud te mens nostra tuo desiderio fulgeat: que se carnis maceratione castigat. Per.

(*lectio ysaye prophete*) [Isa. lv. 6–11].

35 **I**N diebus illis: Locutus est ysaias propheta dicens Querite dominum. dum inueniri potest: inuocate eum dum prope est Derelinquat impius uiam suam. et uir iniquus cogitationes suas et reuertatur ad dominum et miserebitur eius. et ad deum nostrum quoniam multus est ad ignoscendum.

Non enim cogitationes mee cogitationes uestre. neque uie mee  
 uie uestre : dicit dominus. Quia sicut exaltantur celi a terra.  
 sic exaltate sunt uie mee a uiis uestris. et cogitationes mee a  
 cogitationibus uestris. et quomodo descendit ymber et nix de  
 5 cciot. et illuc ultra non reuertitur. sed inebriat terram et  
 infundit eam. et germinare eam facit. et dat semen serenti et  
 panem comedenti. sic erit uerbum meum quod egredietur de  
 ore meo. Non reuertetur ad me uacuum. sed faciet quecun-  
 que uolui. et prosperabitur in his ad que misi illud. Ait  
 10 dominus/ omnipotens. [fo. 23.<sup>1</sup>

(*Graduale.*) Dirigatur oratio mea sicut incensum in conspectu  
 tuo domine. (*N.*) Eleuatio manuum mearum sacrificium uesper-  
 tinum.

(*Secundum matheum*) [Mat. xxi. 10-17].

15 **I**N illo tempore. Cum intrasset iesus ierosolimam : commota  
 est uniuersa ciuitas dicens. Quis est hic ? Populi autem  
 dicebant hic est iesus propheta a nazareth galilee. Et intrauit  
 iesus in templum dei : et eiciebat omnes uendentes et ementes  
 in templo. et mensam numulariorum. et cathedras uendentium  
 20 columbas euertit. Et dixit eis Scriptum est. Domus mea  
 domus orationis uocabitur. Uos autem fecistis illam : spelun-  
 cam latronum. Et accesserunt ad eum ceci et claudi in templo.  
 et sanauit eos. Uidentes autem principes sacerdotum et  
 scribe mirabilia que fecit. et pueros clamantes in templo et  
 25 dicentes. Osanna filio dauid : indignati sunt et dixerunt ei.  
 Audis quid isti dicunt ? Iesus autem dixit eis. Utique.  
 Nunquam legistis quia ex ore infantium et lactentium perfecisti  
 laudem ? Et relictis illis : abiit foras extra ciuitatem in  
 bethaniam. Ibiq; mansit et docebat eos : de regno dei.

30 (*Offertorium.*) In te domine speraui. dixi tu es deus meus. in  
 manibus tuis tempora mea.

(*Secreta.*)

**O**blatis quesumus domine placare muneribus. et a cunctis  
 nos defende periculis. Per.

35 (*Communio.*) Cum inuocarem te exaudisti me deus iustitie mee.  
 in tribulatione dilatasti me. miserere michi domine et exaudi oratio-  
 nem meam.

(*Post communio.*)

40 **P**Resta quesumus omnipotens deus ut illius salutaris capia-  
 mus effectum : cuius per hec misteria pignus accepimus.  
 Per.

<sup>1</sup> The numbering of the leaves passes from 21 to 23, omitting 22 in the counting.

*Super populum.*

*(Oratio.)*

ASCendant ad te domine preces nostre. et ab ecclesia tua cunctam repelle nequitiam. Per.

FERIA QUARTA QUATUOR TEMPORUM.

*(Feria. Statio ad sanctam mariam maiorem.*

*Introitus.)*

REminiscere miserationum tuarum domine. et misericordie tue que a seculo sunt. ne unquam dominantur nobis inimici nostri. Libera nos deus israel. ex omnibus angustiis nostris.

*(Ps.)* Ad te domine leuavi animam meam. deus meus in te confido non erubescam. *(V.)* Gloria.

Oremus. Flectamus genua. Leuate.

*(Oratio.)*

PREces nostras quesumus domine clementer exaudi. et contra cuncta nobis aduersantia. dexteram tue maiestatis extende. Per.

*(lectio libri exodi)* [Exod. xxiv. 12-18].

IN diebus illis. Dixit dominus ad moysen. Ascende ad me in montem et esto ibi. Daboque tibi duas tabulas lapideas. et legem et mandata que scripsi. ut doceas filios israel. Surrexerunt autem moyses et iosue minister eius. ascendensque moyses in montem dei. senioribus ait. Expectate hic donec reuertamur ad uos. Habetis aaron et hur uobiscum: si quid natum fuerit questionis referetis ad eos. Cumque ascendisset moyses. operuit nubes montem. et habitauit gloria domini super synay. tegens illum nube sex diebus. Septimo autem die: [fo. 23b. uocauit eum dominus de medio caliginis. Erat autem species glorie domini: quasi ignis ardens super uerticem montis. in conspectu filiorum israel. Ingressusque moyses medium nebule. ascendit in montem. Et fuit ibi quadraginta diebus et quadraginta noctibus.

*(Graduale.)* Tribulationes cordis mei dilatate sunt. de necessitatibus meis eripe me domine. *(V.)* Uide humilitatem meam et laborem meum. et dimitte omnia peccata mea.

*Hic dicitur.* Dominus uobiscum *sine* Flectamus genua.

*(Oratio.)*

DEuotionem populi tui quesumus domine benignus intende. ut qui per abstinentiam macerantur in corpore. per fructum boni operis reficiantur in mente. Per.

(*Lectio libri regum*) [iii. Regum xix. 3-8].

**I**N diebus illis. Uenit helias in bersabee iuda. et dimisit ibi  
puerum suum. et perrexit in desertum uiam unius diei.  
Cumque uenisset et sederet subter unam iuniperum petiuit  
5 anime sue ut moreretur. et ait. Sufficit michi domine queso  
tolle animam meam. Neque melior sum : quam patres mei.  
proiecitque se. et obdormiuit in umbra iuniperi. Et ecce  
angelus domini tetigit eum : dixitque illi. Surge comede. Et  
respexit. et ecce ad caput suum subcineritius panis. et uas  
10 aque. Comedit ergo et bibit. et rursum obdormiuit. Reuer-  
susque est angelus domini secundo. et tetigit eum dixitque  
illi. Surge comede. grandis enim tibi restat uia. Qui cum  
surrexisset : comedit et bibit. Et ambulauit in fortitudine  
cibi illius quadraginta diebus. et quadraginta noctibus. usque  
15 ad montem dei oreb.

(*Tractus.*) De necessitatibus meis eripe me domine. uide humili-  
tatem meam et laborem meum. et dimitte omnia peccata mea. (*V.*)  
Ad te domine leuau i animam meam deus meus in te confido non  
erubescam. neque irrideant me inimici mei. (*V.*) Et enim uniuersi  
20 qui te expectant non confundentur. confundantur omnes facientes  
mala.

(*Secundum matheum*) [Mat. xii. 38-50].

**I**N illo tempore : Accesserunt ad iesum scribe et pharisei  
dicentes. Magister uolumus a te signum uidere. Qui  
25 respondens ait illis. Generatio mala et adultera signum  
querit. et signum non dabitur ei nisi signum ione prophete.  
Sicut enim fuit ionas in uentre cethi tribus diebus et tribus  
noctibus. sic erit filius hominis in corde terre. tribus diebus et  
tribus noctibus. Uiri niniuite surgent in iudicio cum genera-  
30 tione ista. et condemnabunt eam quia penitentiam egerunt  
in predicatione ione. Et ecce plusquam ionas hic. Regina  
austri surget in iudicio cum generatione ista. et condemnabit  
eam quia uenit a finibus terre. audire sapientiam salamonis.  
Et ecce plusquam salamon hic. Cum autem imundus spiritus  
35 exierit ab homine. ambulat per loca arida et inaquosa querens  
requiem. et non inuenit. Tunc dicit. reuertar in domum  
meam. unde exiui. Et ueniens inuenit eam uacantem. scopis  
mundatam et ornatam. Tunc uadit et assumit/ secum [fo. 24.  
septem alios spiritus nequiores se : et intrantes habitant ibi.  
40 Et fiunt nouissima hominis illius : priora† prioribus. Sic erit  
et generationi huic pessime. Adhuc eo loquente ad turbas.  
ecce mater eius et fratres stabant foris. querentes loqui ei.  
Dixit autem quidam ei. Ecce mater tua et fratres tui foris  
stant. querentes te At ipse respondens. dicenti sibi ait. Que  
45 est mater mea. et qui sunt fratres mei? Et extendens manum

in discipulos suos. dixit. Ecce mater mea: et fratres mei. Quicumque enim fecerit uoluntatem patris mei qui in celis est. ipse meus frater et soror et mater est.

(*Offertorium.*) Meditabor in mandatis tuis que dilexi ualde. et  
5 leuabo manus meas ad mandata tua que dilexi.

(*Secreta.*)

H Ostias tibi domine placcationis offerimus. ut et delicta  
nostra miseratus absoluas. et nutantia corda tu dirigas.  
Per.

(*Communio.*) Intellige clamorem meum intende uoci orationis  
mee. rex meus et deus meus quoniam ad te orabo domine.

(*Post communio.*)

T Ui domine perceptione sacramenti et a nostris mundemur  
occultis. et ab hostium liberemur insidiis. Per.

*Super populum.*

(*Oratio.*)

M Entes nostras quesumus domine lumine tue claritatis  
illustra. ut uidere possimus que agenda sunt: et que  
recta sunt agere ualeamus. Per.

FERIA QUINTA.

(*Statio ad sanctum laurentium.*

*Introitus.*)

C Onfessio et pulcritudo in conspectu eius sanctitas et magnificentia  
in sanctificatione eius.

(*Ps.*) Cantate domino canticum nouum. cantate domino omnis  
terra. (*V.*) Gloria.

(*Oratio.*)

D Euotionem populi tui quesumus domine benignus in-  
tende. ut qui per abstinentiam macerantur in corpore:  
0 per fructum boni operis reficiantur in mente. Per.

(*lectio ezechielis prophete*) [Ezec. xviii. 1-9].

I N diebus illis. Factus est sermo domini ad me dicens  
Quid est quod inter uos parabolam uertitis in prouerbum  
istud in terra ysrael dicentes: patres nostri comederunt  
5 uuam acerbam et dentes filiorum obstupescunt? Ui uo ego  
dicit dominus deus. si erit uobis ultra parabola hec in pro-  
uerbium in ysrael. Ecce omnes anime mee sunt. Ut anima  
patris: ita et anima filii mea est. Anima que peccauerit  
ipsa morietur. Et uir si fuerit iustus. et fecerit iudicium et

iustitiam. in montibus non comederit. et oculos suos non leua-  
uerit ad ydola domus ysrael. et uxorem proximi sui non uiola-  
uerit. et ad mulierem mestruatam non accesserit. et hominem  
non contristauerit. pignus debitori suo reddiderit. per uim nichil  
5 rapuerit. panem suum esurienti dederit. et nudum operuerit  
uestimento. ad usuram non commodauerit. et amplius non  
acceperit. ab iniquitate auerterit manum suam. iudicium  
uerum fecerit inter uirum et uirum. et in preceptis meis ambu-  
lauerit. et iudicia mea custodierit ut faciat ueritatem. Hic  
10 iustus est. Uita/ uiuet et non morietur. Ait dominus [fo. 24b.  
omnipotens.

(*Graduale.*) Custodi me domine ut pupilam oculi sub umbra  
alarum tuarum protege me. (*N.*) De uultu tuo iudicium meum pro-  
deat. oculi tui uideant equitatem.

15 (*Secundum matheum*) [Mat. xv. 21–28].

**I**N illo tempore: Egressus iesus. secessit in partes tyri et  
sydonis. Et ecce mulier chananea a finibus illis egressa:  
clamauit dicens ei. Miserere mei domine fili dauid. filia mea  
male a demonio uexatur. Qui non respondit ei uerbum. Et  
20 accedentes discipuli eius. rogabant eum dicentes. Dimitte  
eam. quia clamat post nos. Ipse autem respondens ait. Non  
sum missus nisi ad oues que perierunt domus ysrael. At illa  
uenit et adorauit eum dicens. Domine adiuua me. Qui  
respondens ait. Non est bonum sumere panem filiorum: et  
25 mittere canibus. At illa dixit. Etiam domine. Nam et  
catelli edunt de micis que cadunt de mensa dominorum  
suorum. Tunc respondens iesus. ait illi. O mulier magna  
est fides tua. fiat tibi sicut uis. Et sanata est filia eius: ex  
illa hora.

30 (*Offertorium.*) Immittet angelus domini in circuitu timentium  
eum. et eripiet eos. gustate et uidete quoniam suauis est dominus.

(*Secreta.*)

**S**Acrificia domine quesumus propitius ista nos saluent.  
que medicinalibus sunt instituta ieiuniis. Per.

35 (*Communio.*) Panis quem ego dedero. caro mea est pro seculi  
uita.

(*Post communio.*)

**T**Uorum nos domine largitate donorum. et temporalibus  
attolle presidiis: et renoua sempiternis. Per.

40 *Super populum.*

[*Oratio.*]

**D**A quesumus domine populis christianis: et que profiten-  
tur agnoscere. et celeste munus diligere quod frequen-  
tant. Per.

## FERIA SEXTA.

*(Statio ad sanctos xij apostolos.**Introitus.)*

DE necessitatibus meis eripe me domine. uide humilitatem  
 5 meam et laborem meum. et dimitte omnia peccata mea.

*(Ps.)* Ad te domine leuavi animam meam deus meus in te confido  
 non erubescam. *(V.)* Gloria patri et filio.

*(Oratio.)*

10 E Sto domine propitius plebi tue : et quam tibi facis esse  
 deuotam : benigno refoue miseratus auxilio. Per.

*(Lectio ezechielis prophete)* [Ezec. xviii. 20–28].

H Ec dicit dominus deus. Anima que peccauerit. ipsa  
 morietur. filius non portabit iniquitatem patris. et pater  
 non portabit iniquitatem filii. Iustitia iusti super eum erit.  
 15 et impietas impii erit super eum. Si autem impius egerit  
 penitentiam ab omnibus peccatis suis que operatus est. et  
 custodierit uniuersa precepta mea. et fecerit iudicium et iusti-  
 tiam uita uiuet et non morietur. Omnium iniquitatum eius  
 quas operatus est. non recordabor. In iustitia sua. quam  
 20 operatus est. uiuet. Nunquid uoluntatis mee est mors impii  
 dicit dominus deus. et non ut conuertatur a uiis suis et uiuat?  
 Si autem auerterit se iustus a iustitia sua. et fecerit iniqui-  
 tatem secundum omnes abominationes quas operari solet  
 impius nunquid uiuet? Omnes iustitie eius quas fecerat. non  
 25 recordabuntur. In preuaricatione qua preuaricatus/ [fo. 25.  
 est. et in peccato suo quod peccauit : in ipsis morietur. Et  
 dixistis. Non est equa uia domini. Audite ergo domus  
 ysrael. Nunquid uia mea non est equa. et non magis uiæ  
 uestre prauæ sunt? Cum enim auerterit se iustus a iustitia  
 30 sua. et fecerit iniquitatem : morietur in eis. In inustitia sua  
 quam operatus est. morietur. Et cum auerterit se impius ab  
 impietate sua quam operatus est. et fecerit iudicium et iustitiam.  
 ipse animam suam uiuificabit. Considerans enim et auertens  
 se ab omnibus iniquitatibus suis quas operatus est : uita uiuet  
 5 et non morietur. Ait dominus omnipotens.

*(Graduale.)* Saluum fac seruum tuum deus meus sperantem in  
 te. *(V.)* Auribus percipe domine orationem meam.

*(Secundum iohannem)* [Ioan. v. 1–15].

10 I N illo tempore. Erat dies festus iudeorum : et ascendit  
 iesus ierosolimam. Est autem ierosolimis probatica  
 piscina. que cognominatur ebrayce bethsayda : quinque por-  
 ROMAN. F

- ticus habens. In his iacebat multitudo magna languentium. cecorum. claudorum aridorum. expectantium aque motum. Angelus autem domini secundum tempus descendebat in piscinam. et mouebatur aqua. Et qui prior descendebat in  
 5 piscinam post motionem aque. sanus fiebat a quacunque detinebatur infirmitate. Erat autem quidam homo ibi: triginta et octo annos habens in infirmitate sua. Hunc ergo cum uidisset iesus iacentem: et cognouisset quia iam multum tempus haberet. dicit ei Uis sanus fieri? Respondit ei languidus.  
 10 Domine hominem non habeo. ut cum turbata fuerit aqua mittat me in piscinam. Dum uenio enim ego: alius ante me descendit. Dicit ei iesus. Surge: tolle grabatum tuum. et ambula. Et statim sanus factus est homo. et sustulit grabatum suum et ambulabat. Erat autem sabbatum in illa  
 15 die. Dicebant ergo iudei illi qui sanus factus fuerat. Sabbatum est. non licet tibi tollere grabatum tuum. Respondit eis. Qui me sanum fecit. ille michi dixit. Tolle grabatum tuum. et ambula. Interrogauerunt ergo eum. Quis est ille homo. qui dixit tibi. tolle grabatum tuum et ambula? Is autem qui  
 20 sanus fuerat effectus. nesciebat quis esset. Iesus autem declinauit a turba constituta in loco. Postea inuenit eum iesus in templo. et dixit illi Ecce sanus factus es. iam noli peccare. ne deterius tibi aliquid contingat. Abiit ille homo et nuntiavit iudeis quia iesus esset. qui fecit eum sanum.  
 25 (*Offertorium.*) Benedic anima mea dominum. et noli obliuisci omnes retributiones eius. Et renouabitur sicut aquila iuuentus tua.

(*Secreta.*)

- 30 **S**uscipe quesumus domine. munera nostris oblata seruitiis. et tua propitius dona sanctifica. Per.

(*Communio.*) Erubescant et conturbentur omnes inimici mei. auertantur retrorsum et erubescant ualde uelociter.

(*Post communio.*)

- 35 **P**ER huius domine operationem misterii. et/ uitia [fo. 25b.] nostra purgentur. et iusta desideria compleantur. Per.

*Super populum*

(*Oratio.*)

**E**Xaudi nos misericors deus et mentibus nostris gratie tue lumen ostende. Per.



## SABBATO.

*(Statio ad sanctum petrum.**Introitus.)*

5 **I**Ntret oratio mea in conspectu tuo inclina aurem tuam ad precem  
meam domine.

(*Ps.*) Domine deus salutis mee in die clamaui et nocte coram te.  
(*V.*) Gloria.

Oremus. Flec[t]amus genua. Leuate.

*(Oratio.)*

10 **P**Opulum tuum quesumus domine propitius respice. atque  
ab eo flagella tue iracundie clementer auerte. Per.

*(lectio libri deuteronomij)* [Deut. xxvi. 15–19].

**I**N diebus illis. Orauit moyses ad dominum dicens. Respice  
domine de sanctuario tuo. et de excelso celorum habita-  
15 culo. et benedic populo tuo ysrael: et terram quam dedisti  
nobis. sicut iurasti patribus nostris dare terram lacte et melle  
manantem. Audi ysrael. Hodie dominus deus tuus precepit  
tibi. ut facias mandata eius. atque iudicia. et custodias et  
impleas cerimonias eius ex toto corde tuo. et ex tota anima  
20 tua. Dominum elegisti hodie: ut sit tibi deus. et ambules in  
uiis eius. et custodias. cerimonias illius. et mandata atque  
iudicia. et obedias eius imperio. Et dominus elegit te hodie.  
ut scis† ei populus peculiaris. sicut locutus est tibi. et cus-  
todias omnia precepta eius. et faciat te excelsiorem cunctis  
25 gentibus quas creauit in laudem et nomen et gloriam suam ut  
sis populus sanctus domini dei tui sicut locutus est tibi.

(*Graduale.*) Propitius esto domine peccatis nostris. ne quando  
dicant gentes ubi est deus eorum. (*V.*) Adiua nos deus salutaris  
noster. et propter honorem nominis tui domine libera nos.

30 Oremus. Flectamus. genua. Leuate.

*( ratio.)*

**P**Rotector noster aspice deus. ut qui malorum nostrorum  
pondere premimur. percepta misericordia tua libera tibi  
mente famulemur. Per.

35 *(lectio libri deuteronomij)* [Deut. xi. 22–25].

**I**N diebus illis. Dixit moyses filiis ysrael. Si custodieritis  
mandata que ego precipio uobis. et feceritis ea. ut diligatis  
dominum deum uestrum. et ambuletis in omnibus uiis eius  
adherentes ei. disperdet dominus omnes gentes istas ante  
40 faciem uestram. et possidebitis eas que maiores et fortiores  
uobis sunt. Omnis locus quem calcauerit pes uester. uester

erit. A deserto et libano et flumine magno eufratem† usque  
ad mare occidentale erunt termini uestri. nullusque stabit  
contra uos. Terrorem uestrum. et formidinem dabit dominus  
deus uester. super omnem terram quam calcaturi estis. sicut  
5 locutus est dominus deus uester.

(*Graduale.*) Protector noster aspice deus et respice super seruos  
tuos. (℟.) Domine deus uirtutum exaudi preces seruorum tuorum.

Oremus. Flectamus genua. Leuate.

(*Oratio.*)

10 **A** Desto quesumus domine supplicationibus nostris. ut esse  
te largiente mereamur et/ inter prospera humiles. [fo. 26.  
et inter aduersa securi. Per.

(*lectio libri deuteronomij†*) [II. Machab. i. 23].

15 **I**N diebus illis. Orationem faciebant sacerdotes dum  
offerrent sacrificium pro populo ysrael : ionatha inchoante.  
ceteris autem respondentibus et dicentibus. Benefaciat uobis  
deus : et meminerit testamenti sui quod locutus est ad abraam  
et ysaac et iacob. seruorum suorum fidelium. Et det uobis cor  
omnibus ut colatis eum : et faciat eius uoluntatem. Adaperiat  
20 cor uestrum in lege sua. et in preceptis suis : et faciat pacem.  
Exaudiat orationes uestras : et reconcilietur uobis. Nec uos  
deserat in tempore malo : dominus deus noster.

(*Graduale.*) Conuertere domine aliquantulum et deprecare super  
seruos tuos. (℟.) Domine refugium factus es nobis a generatione et  
25 progenie.

Oremus. Flectamus genua. Leuate.

(*Oratio.*)

**P**Reces populi tui quesumus domine clementer exaudi. ut  
qui iuste pro peccatis nostris affligimur pro tui nominis  
30 gloria misericorditer liberemur. Per.

(*lectio libri sapientie*) [Ecclesiasticus xxxvi. 1-10].

**M**iserere nostri deus omnium et respice nos : et ostende  
nobis lucem miserationum tuarum et immitte timorem  
tuum super gentes que non exquisierunt te : et cognoscant  
35 quia non est deus nisi tu : ut enarrent magnalia tua. Alleua  
manum tuam super gentes alienas ut uideant potentiam tuam.  
Sicut enim in conspectu eorum sanctificatus es in nobis. sic in  
conspectu nostro magnificaberis in illis. ut cognoscant te sicut  
et nos cognouimus. quoniam non est deus preter te domine.  
40 Innoua signa et immuta mirabilia. Glorifica manum et  
brachium dextrum. Excita furorem et effunde iram. Extolle

aduersarium. et afflige inimicum. Festina tempus et memento finis. ut enarrent mirabilia tua. domine deus noster.

(*Graduale.*) Dirigatur oratio mea sicut incensum in conspectu tuo domine. (V.) Eleuatio manuum mearum sacrificium uespertinum.

Oremus. Flectamus genua Leuate.

(*Oratio.*)

Actiones nostras quesumus domine aspirando preueni et adiuuando proseguere. ut cuncta nostra operatio. et a te  
10 semper incipiat. et per te cepta finiatur. Per.

(*lectio danielis prophete.*)

Angelus domini descendit. *Require retro in sabbato quattuor temporum de aduentu.*

Ymnus. Benedictus es domine deus patrum nostrorum. Et  
15 laudabilis. *Cum ceteris Require retro in sabbato quattuor temporum de aduentu.* [p. II.]

*Hic dicitur.* Dominus uobiscum *sine* Flectamus genua.

(*Oratio.*)

Deus qui tribus pueris mitigasti flammam ignium. concede  
20 propitius: ut nos famulos tuos non exurat flamma uitiorum. Per.

(*Ad thesalonicenses*) [I Thess. v. 14–23].

Fratres. Rogamus uos. corripite inquietos: consolamini  
pusilanimos: suscipite infirmos. patientes estote ad  
25 omnes. Uidete ne quis alicui malum pro malo reddat. sed semper/ quod bonum est sectamini inuicem et in [fo. 26b. omnes. Semper gaudete: sine intermissione orate. in omnibus gratias agite. Hec est enim uoluntas dei in christo iesu in omnibus uobis. Spiritum nolite extinguere: prophet[i]as nolite spernere. Omnia autem probate quod bonum est tenete. Ab omni specie mala abstinete uos. Ipse autem deus pacis sanctificet uos per omnia: ut integer spiritus uester. et anima et corpus sine querela in die aduentus domini nostri ihesu cristi seruetur.

35 (*Tractus.*) Laudate dominum omnes gentes et collaudate† eum omnes populi. (V.) Quoniam confirmata est super nos misericordia eius. et ueritas domini manet in eternum.

(*Secundum matheum*) [Mat. xvii. 1–9].

40 I N illo tempore. Assumpsit iesus petrum et iacobum. et ioannem fratrem eius. et duxit illos in montem excelsum seorsum et transfiguratus est ante eos. Et

resplenduit facies eius sicut sol. Uestimenta autem eius facta sunt alba sicut nix. Et ecce apparuerunt illis moyses et elyas cum eo loquentes. Respondens autem petrus: dicit ad iesum. Domine bonum est nos hic esse. Si uis: faciamus  
 5 hic tria tabernacula. tibi unum. moysi unum. et helye unum. Adhuc eo loquente: ecce nubes lucida obumbravit eos. Et ecce uox de nube dicens. Hic est filius meus dilectus in quo michi bene complacui: ipsum audite. Et audientes discipuli ceciderunt in faciem suam. et timuerunt ualde. Et  
 10 accessit iesus et tetigit eos. dixitque eis. Surgite nolite timere. Leuantes autem oculos suos: neminem uiderunt nisi solum iesum Et descendantibus illis de monte: precepit eis iesus dicens. Nemini dixeritis uisionem: donec filius hominis a mortuis resurgat.

15 (*Offertorium.*) Domine deus salutis mee. in die clamaui et nocte coram te intret oratio mea in conspectu tuo domine.

(*Secreta.*)

Presentibus sacrificiis quesumus domine. ieiunia nostra sanctifica: ut quod obseruantia nostra profitetur extrin-  
 20 secus: interius operetur. Per.

(*Communio.*) Domine deus meus in te speraui. libera me ab omnibus persequentibus me et eripe me.

(*Post communio.*)

Sanctificationibus tuis omnipotens deus: et uicia nostra  
 25 curentur. et remedia nobis eterna proueniant. Per.

*Super populum.*

(*Oratio.*)

Fideles tuos deus benedictio desiderata confirmet. que eos et a tua uoluntate nunquam faciat discrepare. et tuis  
 30 semper indulgeat beneficiis gratulari. Per.

DOMINICA SECUNDA IN QUADRAGESIMA.

(*Statio ad sanctam mariam dominicam.*)

(*Introitus.*)

Remiscere miserationum tuarum domine. et misericordie tue  
 35 que a seculo sunt. ne unquam dominantur nobis inimici nostri. libera nos deus ysrael. ex omnibus angustiis nostris.

(*Ps.*) Ad te domine leuaui animam meam deus meus in te confido non erubescam. (*V.*) Gloria patri et filio.

(Oratio.)

DEus qui conspicias omni nos uirtute destitui. interius  
 exteriusque custodi: ut ab omnibus/ aduersi- [fo. 27.  
 tatibus muniamur in corpore et a prauis cogitationibus mun-  
 5 demur in mente. Per.

(Ad thesalonicenses) [1. Thess. iv. 1-7].

FRatres. Rogamus uos. et obsecramus in domino iesu: ut  
 quemadmodum accepistis a nobis quomodo uos oport-  
 teat ambulare et placere deo sic et ambuletis. ut abundetis  
 10 magis. Scitis enim que precepta dederim uobis: per domi-  
 num iesum. Hec est enim uoluntas dei sanctificatio uestra:  
 ut abstineatis uos a fornicatione. ut sciat unusquisque uestrum  
 suum uas possidere in sanctificatione et honore. non in pas-  
 sione desiderii: sicut et gentes que ignorant deum. Et  
 15 ne quis supergrediatur. neque circumueniat in negotio fratrem  
 suum quoniam iudex est dominus de his omnibus sicut pre-  
 diximus uobis et testificati sumus. Non enim uocauit nos  
 deus in immunditiam: sed in sanctificationem. In christo  
 iesu domino nostro.

20 (Graduale.) Tribulationes cordis mei dilatate sunt. de necessi-  
 tatibus meis eripe me domine. (V.) Uide humilitatem meam et  
 laborem meum et dimitte omnia peccata mea.

(Tractus.) Confitemini domino quoniam bonus. quoniam in  
 seculum misericordia eius. (V.) Quis loquetur potentias domini  
 25 auditas faciet omnes laudes eius. (V.) Beati qui custodiunt iudicium  
 et faciunt iustitiam in omni tempore. (V.) Memento nostri domine  
 in beneplacito populi tui. uisita nos in salutari tuo.

*Euangelium.* Assumpsit iesus petrum. *Require in  
 sabbato precedenti.* [p. 69.]

30 (Offertorium.) Meditabor in mandatis tuis que dilexi ualde. et  
 leuabo manus meas ad mandata tua que dilexi.

(Secreta.)

SACrificiis presentibus domine quesumus intende placatus.  
 ut et deuotioni nostre proficiant et saluti. Per.

35 (Communio.) Intellige clamorem meum. intende uoci orationis  
 mee rex meus et deus meus. quoniam ad te orabo domine.

(Post communio.)

SUPplices te rogamus omnipotens deus: ut quos tuis reficis  
 sacramentis. tibi etiam placitis moribus dignanter deser-  
 40 uire concedas. Per.

## FERIA SECUNDA.

*(Statio ad sanctum clementem.)**(Introitus.)*

5 **R**edime me domine. et miserere mei pes enim meus stetit in  
uia recta in ecclesiis benedicam dominum.

(*Ps.*) Iudica me domine quoniam ego in innocentia mea ingressus  
sum et in domino sperans non infirmabor. (*V.*) Gloria.

*(Oratio.)*

10 **P**resta quesumus omnipotens deus ut familia tua que se  
affligendo carnem ab alimentis abstinet sectando iustitiam  
a culpa ieiunet. Per.

*(lectio danielis prophete)* [Dan. ix. 15-19].

**I**N diebus illis. Orauit daniel dicens. Domine deus noster  
qui eduxisti populum tuum de terra egypti in manu forti  
15 et fecisti tibi nomen secundum diem hanc peccauimus. iniqui-  
tatem fecimus domine in omnem iustitiam tuam. Auertatur  
obsecro ira tua et furor tuus a ciuitate tua ierusalem: et a  
monte sancto tuo. propter peccata enim nostra: et iniquitates  
patrum nostrorum: ierusalem et populus tuus in obprobrium  
20 sunt omnibus per circuitum nostrum Nunc ergo deus  
noster exaudi orationem serui tui et preces eius et [fo. 27b.  
ostende faciem tuam super sanctuarium tuum. quod desertum  
est. Propter temetipsum inclina deus meus aurem tuam et  
audi. aperi oculos tuos et uide desolationem nostram et  
25 ciuitatem super quam inuocatum est nomen tuum Neque  
enim in iniustificationibus nostris prosternimus preces ante  
faciem tuam. sed in miserationibus tuis multis. Exaudi  
domine: placare domine: attende et fac. Ne moreris  
propter temetipsum deus meus. quia nomen tuum inuocatum  
30 est super ciuitatem hanc et super populum tuum: domine  
deus noster.

(*Graduale.*) Adiutor meus et liberator meus esto domine ne  
tardaueris. (*V.*) Confundantur et reuereantur inimici mei qui  
querunt animam meam.

35 *(Secundum Ioannem)* [Ioan. viii. 21-29].

**I**N illo tempore. Dixit iesus turbis iudeorum. Ego uado  
et queritis me: et in peccato uestro moriemini: et quo  
ego uado uos non potestis uenire. Dicebant ergo iudei.  
Nunquid interficiet semetipsum quia dicit: quo ego uado uos  
40 non potestis uenire. Et dicebat eis. Uos deorsum estis.  
Ego de superius sum. Uos de mundo hoc estis. ego non  
sum de hoc mundo. Dixi ergo uobis. quia moriemini in

peccatis uestris. Si enim non credideritis quia ego sum moriemini in peccato uestro. Dicebant ergo ei. Tu quis es? Dixit eis iesus. Principium qui et loquor uobis. Multa quidem habeo de uobis loqui et iudicare sed qui misit me  
 5 uerax est. Et ego que audiui ab eo hec loquor in mundo. Et non cognouerunt: quia patrem eius dicebat deum. Dixit ergo eis iesus. Cum exaltaueritis filium hominis tunc cognoscetis quia ego sum. et a me ipso facio nichil. sed sicut docuit me pater. hec loquor. Et qui me misit mecum est.  
 10 Et non reliquit me solum. quia ego que placita sunt ei. facio semper.

(*Offertorium.*) Benedicam dominum qui michi tribuit intellectum. prouidebam deum in conspectu meo semper. quoniam a dextris est michi ne commouear.

15 (Secreta.)

H Ec hostia domine placationis et laudis: tua nos propitiatione dignos efficiat. Per.

(*Communio.*) Domine dominus noster quam admirabile est nomen tuum in uniuersa terra.

20 (*Post communio.*)

H Ec nos communio domine purget a crimine: et celestis remedii faciat esse consortes. Per.

*Super populum.*

(*Oratio.*)

25 A Desto supplicationibus nostris omnipotens deus: et quibus fiduciam sperande pietatis indulges: consuete misericordie. tribue benignus effectum. Per.

FERIA TERTIA.

(*Statio ad sanctam sabinam.*)

30 (*Introitus.*)

T Ibi dixit cor meum. quesui uultum tuum uultum tuum domine requiram. ne auertas faciem tuam a me.

(*Ps.*) Dominus illuminatio mea et salus mea. (*V.*) Gloria.

(*Oratio.*)

35 P Erfice quesumus domine benignus in nobis obseruantie sancte subsidium: ut que te auctore facienda cognouimus. te operante impleamus. Per.

(*lectio libri regum*) [III. Reg. xvii. 8-16].

40 I N diebus illis. Factus est sermo domini ad helyam/ [fo. 28. thesbitem dicens. Surge et uade in sareptam sydoni-

orum et manebis ibi. precepi enim ibi mulieri uidue : ut  
 pascat te. Surrexit et abiit in sareptam. Cumque uenisset  
 ad portam ciuitatis : apparuit ei mulier uidua colligans ligna.  
 Et uocauit eam dixitque ei. Da michi paululum aque in  
 5 uase : ut bibam. Cumque illa pergeret ut afferret : clamauit  
 post tergum eius dicens. Affer michi obsecro et bucellam  
 panis in manu tua. Que respondit. Uiuit dominus deus  
 tuus. quia non habeo panem. nisi quantum pugillus capere  
 potest farine in ydria et paululum olei in lechito. En colligo  
 10 duo ligna ut ingrediar et faciam illud michi et filio meo ut  
 comedamus et moriamur. Ad quam helyas ait. Noli timere.  
 Sed uade et fac sicut dixisti. Uerumtamen michi primum  
 fac de ipsa farinula subcinericium panem paruulum. et affer  
 ad me tibi autem et filio tuo facies postea. Hec autem dicit  
 15 dominus deus israel ydria farine non deficiet. nec lechitus olei  
 minuetur : usque in diem in qua dominus daturus est pluuiam  
 super faciem terre. Que abiit et fecit iuxta uerbum helye.  
 Et comedit ipse et illa et domus eius. Ex illa die ydria  
 farine non defecit. et lechitus olei non est imminutus. iuxta  
 20 uerbum domini quod locutus est in manu helye.

(*Graduale.*) Iacta cogitatum tuum in domino. et ipse te enutriet.  
 (N.) Dum clamarem ad dominum exaudiuit uocem meam. ab his qui  
 appropinquant michi.

(*Secundum matheum*) [Mat. xxiii. 1-12].

25 **I**N illo tempore. Locutus est iesus ad turbas et ad disci-  
 pulos suos dicens. Super cathedram moysi : sederunt  
 scribe et pharisey†. Omnia ergo quecunque dixerint uobis.  
 seruate et facite. secundum uero opera eorum nolite facere  
 Dicunt enim : et non faciunt. Alligant enim onera grauia  
 30 et importabilia. et imponunt in humeros hominum digito  
 autem suo nolunt ea mouere. Omnia uero opera sua faciunt :  
 ut uideantur ab hominibus. Dilatant enim philateria† sua : et  
 magnificant fimbrias. Amant autem primos recubitus in  
 cenis : et primas cathedras in synagogis. et salutationes in  
 35 foro. et uocari ab hominibus rabi. Uos autem nolite uocari  
 rabi. Unus est enim magister uester. Omnes autem uos  
 fratres estis. Et patrem nolite uocare uobis super terram :  
 Unus est enim pater uester. qui in celis est. Nec uocemini  
 magistri. quia magister uester unus est christus. Qui maior  
 40 est uestrum : erit minister uester. Qui autem se exaltauerit  
 humiliabitur : et qui se humiliauerit exaltabitur.

(*Offertorium.*) Miserere michi domine secundum magnam  
 misericordiam tuam. dele domine iniquitatem meam.



(Secreta.)

SANctificationem tuam nobis domine his misteriis placatus operare. que nos et a terrenis purget uiciis. et ad celestia dona perducatur. Per.

(Communio.) Narrabo omnia mirabilia tua. domine letabor et exultabo in te. psalam nomini tuo altissime. [fo. 28b.

(Post communio.)

UT sacris domine reddamur digni muneribus. fac nos quesumus. tuis semper obedire mandatis: Per.

Super populum.

(Oratio.)

PROPitiare domine supplicationibus nostris: et animarum nostrarum medere langoribus: ut remissione percepta. in tua semper benedictione letemur. Per.

FERIA QUARTA.

(Statio ad sanctam ceciliam.

Introitus.)

NE derelinquas me domine deus meus. ne discedas a me. intende in adiutorium meum domine uirtus salutis mee.

(Ps.) Domine ne in furore tuo arguas me neque in ira tua corripas me. (V.) Gloria patri et filio.

(Oratio.)

POPulum tuum domine propitius respice: et quos ab escis carnalibus precipis abstinere: a noxiis quoque uiciis cessare concede. Per.

(lectio libri hester) [Esther xiii. 9-11. 15-17].

IN diebus illis. Orauit hester ad dominum dicens. Domine deus rex omnipotens. in dicione tua cuncta sunt posita. et non est qui possit tue resistere uoluntati. Si decreueris saluare nos: continuo liberabimur. Tu enim domine fecisti celum et terram et quicquid celi ambitu continetur. Tu es dominus omnium. et non est qui resistat maiestati tue. Et nunc domine rex regum. deus abraam. miserere populo tuo. quia uolunt nos inimici nostri perdere. et hereditatem tuam delere. Ne despicias partem tuam quam redemisti tibi. Sed exaudi deprecationem nostram. et propitius esto sorti et funiculo hereditatis tue. Et conuerte luctum nostrum in gaudium: ut uiuentes laudemus nomen tuum. et ne claudas ora canentium te domine deus noster.

(Graduale.) Saluum fac populum tuum domine et benedic hereditati tue. (V.) Ad te domine clamaui deus meus ne sileas a me et ero similis descendentibus in lacum.

(*Secundum matheum*) [Mat. xx. 17-28].

IN illo tempore. Ascendens iesus ierosolimam assumpsit  
 duodecim discipulos suos secreto. et ait illis. Ecce ascen-  
 dimus ierosolimam : et filius hominis tradetur principibus sacer-  
 5 dotum et scribis. et condemnabunt eum morte. Et tradent  
 eum gentibus ad illudendum et flagellandum et crucifigendum.  
 et tertia die resurget. Tunc accessit ad eum mater filiorum  
 zebedei cum filiis suis : adorans et petens aliquid ab eo. Qui  
 dixit ei. Quid uis? Ait illi. Dic ut sedeant hii duo filii  
 10 mei. unus ad dexteram tuam. et unus ad sinistram tuam in  
 regno tuo. Respondens autem iesus. Dixit. Nescitis quid  
 petatis. Potestis bibere calicem quem ego bibiturus sum?  
 Dicunt ei. Possumus. Ait illis. Calicem quidem meum  
 bibetis. sedere autem ad dexteram meam uel ad sinistram non  
 15 est meum dare uobis. sed quibus paratum est a patre meo.  
 Et audientes decem. indignati sunt de duobus fratribus.  
 Iesus autem uocauit eos ad se et ait : Scitis quia principes  
 gentium dominantur eorum et qui maiores sunt potesta-  
 tem/ exercent in eos. Non ita erit inter uos. Sed [fo. 29.  
 20 quicumque uoluerit inter uos maior fieri : sit uester minister.  
 Et qui uoluerit inter uos esse primus : erit uester seruus.  
 Sicut filius hominis non uenit ministrari. sed ministrare et  
 dare animam suam : redemptionem pro multis.

(*Offertorium.*) Ad te domine leuauim animam meam deus meus in  
 25 te confido non erubescam. neque irrideant me inimici mei. et enim  
 uniuerſi qui te expectant non confundentur.

(*Secreta.*)

HOSTIAS domine quesumus quas tibi offerimus propitius  
 respice. et per hec sancta commertia. uincula pecca-  
 30 torum nostrorum absolue. Per.

(*Communio.*) Iustus dominus et iustitiam dilexit equitatem uidit  
 uultus eius.

(*Post communio.*)

SUMPTIS domine sacramentis. ad redemptionis eterne que-  
 35 sumus proficiamus augmentum. Per.

*Super populum.*

(*Oratio.*)

DEUS innocentie restitutor et amator. dirige ad te tuorum  
 corda seruorum : ut spiritus tui feruore concepto : et  
 40 in fide inueniantur stabiles et in opere efficaces. Per. in  
 unitate eiusdem.

## FERIA QUINTA.

*(Statio ad sanctam mariam trans tiberim.**Introitus.)*

5 **D**Eus in adiutorium meum intende domine ad adiuuandum me  
festina confundantur et reuerentur inimici mei qui querunt  
animam meam.

(Ps.) Auertantur retrorsum et erubescant qui uolunt michi mala.  
(V.) Gloria.

*(Oratio.)*

0 **P**Resta nobis quesumus domine auxilium gratie tue. ut  
ieiuniis et orationibus conuenienter intenti. liberemur ab  
hostibus mentis et corporis. Per.

*(lectio Ieremie prophete)* [Ier. xvii. 5-10].

5 **H**Ec dicit dominus deus : Maledictus homo qui confidit in  
homine. et ponit carnem brachium suum. et a domino  
recedit cor eius. Erit enim quasi mirice in deserto. et non  
uidebit cum uenerit bonum. sed habitabit in siccitate in  
deserto in terra salsuginis et inhabitabili. Benedictus uir  
0 qui confidit in domino : et erit dominus fiducia eius. Et  
erit quasi lignum quod transplantatur super aquas quod ad  
humorem mittit radices suas. et non timebit cum uenerit  
estus. Et erit folium eius uiride : et in tempore siccitatis  
non erit sollicitum. nec aliquando desinet facere fructum.  
Prauum est cor hominis : et inscrutabile. quis cognoscet illud ?  
5 Ego dominus scrutans corda : et probans renes : qui do uni-  
cuique iuxta uiam suam. et iuxta fructum adinventionum  
suarum. Dicit dominus omnipotens.

(Graduale.) Propitius esto peccatis nostris ne quando dicant  
gentes ubi est deus eorum. (V.) Adiuua nos deus salutaris noster et  
0 propter honorem nominis tui domine libera nos.

*(Secundum lucam)* [Luc. xvi. 19-31].

**I**N illo tempore. Dixit iesus discipulis suis parabolam  
hanc. Homo quidam erat diues. et induebatur purpura  
et bysso. et epulabatur quotidie splendide : Et erat quidam  
5 mendicus nomine lazarus : qui iacebat ad ianuam eius ulceri-  
bus plenus. cupiens saturari de micis/ que cadebant de [fo. 29b.  
mensa diuitis. et nemo illi dabat. Sed et canes ueniebant et  
lingeabant ulcera eius. Factum est autem ut moriretur† men-  
dicus et portaretur ab angelis in sinu abrae. Mortuus est  
0 autem et diues : et sepultus est in inferno. Eleuans autem  
oculos suos cum esset in tormentis : uidit abraam a longe. et  
lazarum in sinu eius. Et ipse clamans dixit. Pater abraam  
miserere mei. et mitte lazarus ut intingat extremum digiti

sui in aqua. ut refrigeret linguam meam. quia crucior in hac flamma. Et dixit ei abraam. Fili recordare quia recepisti bona in uita tua: et lazarus similiter mala. Nunc autem hic consolatur tu uero cruciaris. Et in his omnibus. inter nos et  
 5 uos chaos magnum firmatum est: ut hi qui uolunt hinc transire ad uos non possint. neque inde huc transmeare. Et ait. Rogo ergo te pater ut mittas eum in domum patris mei. Habeo enim quinque fratres ut testetur illis. ne et ipsi ueniant in locum hunc tormentorum. Et ait illi abraam.  
 10 Habent moysen et prophetas: audiant illos. At ille dixit. Non pater abraam: sed si quis ex mortuis ierit ad eos penitentiam agent. Ait autem illi. Si moysen et prophetas non audiunt: neque si quis ex mortuis resurrexerit credent.

(*Offertorium.*) Precatus est moyses in conspectu domini dei sui  
 15 et dixit. precatus est moyses in conspectu domini dei sui et dixit. quare irasceris domine in populo tuo. parce ire anime tue. memento abraam ysaac et iacob. quibus iurasti dare terram fluentem lac et mel. et placatus factus est dominus de malignitate quam dixit facere populo suo.

20 (Secreta.)  
 PResenti sacrificio nomini tuo nos domine ieiunia dicata sanctificent. ut quod obseruantia nostra profitetur exterius. interius operetur effectum. Per.

(*Communio.*) Qui manducat carnem meam. et bibit sanguinem  
 25 meum in me manet et ego in eo dicit dominus.

(*Post communio.*)

GRatio tua nos quesumus domine non derelinquat. que et sacre nos deditos faciat seruituti. et tuam nobis opem semper acquirat. Per.

30 (*Super populum.*)

(*Oratio.*)

Adesto domine famulis tuis et perpetuam benignitatem largire poscentibus. ut his qui te auctore et gubernatore gloriantur: et congregata restaures. et restaurata conserues.  
 35 Per.

FERIA SEXTA.

(*Statio ad sanctum uitalem.*)

(*Introitus.*)

40 EGo autem cum iustitia apparebo in conspectu tuo. satiabor dum manifestabitur gloria tua.

(*Ps.*) Exaudi domine iustitiam meam. intende deprecationem meam. (*V.*) Gloria.

(Oratio.)

DA quesumus omnipotens deus. ut sacro nos purificante  
ieiunio. sinceris mentibus ad sancta uentura facias  
peruenire. Per.

(Lectio libri genesis) [Gen. xxxvii. 6–22].

IN diebus illis : Dixit ioseph fratribus suis. Audite som-  
nium meum quod uidi. Putabam nos ligare manipulos  
in agro. et quasi consurgere manipulum meum et stare.  
uestrosque manipulos/ circumstantes. adorare manipu- [fo. 30.  
lum meum. Responderunt fratres eius. Nunquid rex noster  
eris. aut subiciemur dicioni tue? Hec ergo causa som-  
niorum atque inuidie et odii fomitem ministravit. Aliud  
quoque uidit somnium : quod narrans fratribus ait. Uidi  
per somnium : quasi solem et lunam et stellas undecim.  
adorare me. Quod cum patri suo et fratribus retulisset :  
increpauit eum pater et dixit Quid sibi uult hoc somnium  
quod uidisti? Nunquid ego : et mater tua et fratres tui  
adorabimus te super terram? Inuidebant igitur ei fratres  
sui. pater uero rem tacitus considerabat. Cumque fratres  
illius in pascendis gregibus patris morarentur in sichem : dixit  
ad eum ysrael : Fratres tui pascunt oues in sichimis. ueni  
mittam te ad eos. Quo respondente. presto sum : ait. uade  
et uide si cuncta prospera sint erga fratres tuos et pecora :  
et renuncia michi quid agatur. Missus de ualle ebron uenit  
in sychem. Inuenitque eum uir errantem in agro. et inter-  
rogauit quid quereretur. At ille respo[n]dit. Fratres meos  
quero. Indica michi ubi pascunt gregem. Dixitque ei uir.  
Recesserunt de loco isto. Audiui autem eos dicentes  
eamus in dothaim. Perrexit ergo ioseph post fratres suos :  
et inuenit eos in dothaym. Qui cum uidissent eum procul  
ante quam accederet ad eos. cogitauerunt eum occidere. et  
mutuo loquebantur. Ecce somniator uenit. Uenite occi-  
damus eum. et mittamus eum in cisternam ueterem : dicem-  
usque fera pessima deuorauit eum. Et tunc apparebit :  
quid prosint illi somnia sua. Audiens autem hec ruben.  
nitebatur liberare eum de manibus eorum et dicebat. Non  
interficiamus animam eius nec effundamus sanguinem. sed  
proicite eum in cisternam hanc : que est in solitudine.  
manusque uestras seruate innoxias. Hoc autem dicebat  
uolens eripere eum de manibus eorum : et reddere patri suo.

(Graduale.) Ad dominum cum tribularer clamaui. et exaudiuit  
me. (V.) Domine libera animam meam a labiis iniquis. et a lingua  
dolosa.

(*Secundum matheum*) [Mat. xxi. 33-46].

IN illo tempore. Dixit iesus discipulis suis et turbis  
iudeorum. parabolam hanc. Homo quidam erat pater-  
familias : qui plantauit uineam. et sepem circundedit ei. Et  
5 fodit in ea torcular : et hedificauit turrim in medio eius : et  
locauit eam agricolis : et peregre profectus est. Cum autem  
tempus fructuum appropinquasset : misit seruos suos ad  
agricolas. ut acciperent fructus eius. Et agricole apprehensis  
seruis eius : alium ceciderunt alium occiderunt. alium uero  
10 lapidauerunt. Iterum misit alios seruos plures prioribus. et  
fecerunt illis similiter. Nouissime autem misit ad eos filium  
suum dicens. Uerebuntur filium meum. Agricole autem.  
uidentes filium : dixerunt intra se. Hic est heres. Uenite  
occidamus eum. et habebimus/ hereditatem eius. Et [fo. 30b.  
15 apprehensum eum. eiecerunt extra uineam. et occiderunt.  
Cum ergo uenerit dominus uinee. quid faciet agricolis illis ?  
Aiunt illi. Malos male perdet : et uineam suam locabit aliis  
agricolis : qui reddent ei fructum temporibus suis. Dicit  
illis iesus. Nunquam legistis in scripturis. lapidem quem  
20 reprobauerunt edificantes. Hic factus est in caput anguli.  
a domino factum est istud. et est mirabile in oculis nostris ?  
Ideo dico uobis : quia auferetur a uobis regnum dei. et  
dabitur genti facienti fructus eius. Et qui ceciderit super  
lapidem istum : confringetur. Super quem uero ceciderit :  
25 conteret eum. Et cum audissent principes sacerdotum et  
pharisei parabolas eius cognouerunt quod de ipsis diceret.  
Et querentes eum tenere. timuerunt turbas : quoniam sicut  
prophetam eum habebant.

(*Offertorium.*) Domine in auxilium meum respice. confundantur  
30 et reuereantur qui querunt animam meam. ut auferant eam. domine  
in auxilium meum respice.

(*Secreta.*)

HEC in nobis sacrificia deus et actione permaneant et  
operatione firmentur. Per.

35 (*Communio.*) Tu domine seruabis nos et custodies nos. a gener-  
atione hac in eternum.

(*Post communio.*)

FAC nos domine quesumus accepto pignore salutis eterne  
sic tendere congruenter ut ad eam peruenire possimus.  
40 Per.

*Super populum.**(Oratio.)*

DA quesumus domine populo tuo salutem mentis et corporis. ut bonis operibus in herendo. tue semper  
5 uirtutis mereatur protectione defendi. Per.

SABBATO.

*(Statio ad sanctos marcelum† et petrum.**Introitus.)*

LEx domini irreprehensibilis conuertens animas. testimonium  
10 domini fidele. sapientiam prestans paruulis.

(Ps.) Celi enarrant gloriam dei et opera manuum eius. annuntiat  
firmamentum. (V.) Gloria patri.

*(Oratio.)*

DA quesumus domine nostris effectum ieiuniis salutarem :  
15 ut castigatio carnis assumpta. ad nostrarum uegeta-  
tionem transeat animarum. Per.

*(lectio libri genesis) [Gen. xxvii. 6–39].*

IN diebus illis. Dixit rebecca filio suo iacob. Audiui  
patrem tuum loquentem cum esau fratre tuo. et dicentem  
20 ei. Affer michi de uenatione tua. et fac cibos ut comedam :  
et benedicam tibi coram domino antequam moriar. Nunc  
ergo fili mi. acquiesce consiliis meis. et pergens ad gregem  
affer michi duos hedos optimos. ut faciam ex eis escas  
patri tuo quibus libenter uescitur. Quas cum attuleris et  
30 comederit : benedicat tibi priusquam moriatur. Cui ille  
respondit. Nosti quod esau frater meus pilosus sit. et ego  
lenis. Si attractauerit me pater meus et senserit. timeo  
ne putet me sibi uoluisse illudere. et inducat super me  
maledictionem pro benedictione. Ad quem mater in me  
sit ait ista maledictio fili mi. tantum audi uocem meam.  
et pergens affer que dixi. Abiit et attulit. deditque matri  
sue. Parauit illa/ cibos sicut nouerat uelle patrem [fo. 31.  
illius. et uestibus esau ualde bonis quas apud se habebat  
domi induit eum. Pelliculasque hedorum circumdedit manibus  
35 et colli nuda protexit. Deditque pulmentum : et panes quos  
coxerat tradidit Quibus illatis. Dixit. Pater mi ? At ille  
respondit. audio. Quis es tu fili mi ? Dixitque iacob. ego  
sum esau primogenitus tuus. feci sicut precepisti michi. Surge  
sede et comede de uenatione mea : ut benedicat michi anima  
40 tua. Rursumque ysaac ad filium suum. quomodo inquit tam  
cito inuenire potuisti fili mi ? Qui respondit. Uoluntas dei

fuit. ut cito michi occurreret quod uolebam. Dixitque ysaac. Accede huc ut tangam te fili mi? et probem utrum tu sis filius meus esau an non. Accessit ille ad patrem et palpato eo dixit isaac. Uox quidem uox iacob est: sed manus: 5 manus sunt esau. Et non cognouit eum quia pilose manus similitudinem maioris expresserant. Benedicens ergo illi ait. Tu es filius meus esau? Respondit. Ego sum. At ille. Affer michi inquit cibos de uenatione tua fili mi? ut benedicat tibi anima mea. Quos cum oblatos comedisset. obtulit ei 10 etiam uinum. Quo hausto: Dixit ad eum. Accede ad me. et da michi osculum fili mi. Et accessit. et osculatus est cum. Statimque ut sensit uestimentorum illius flagrantiam.† benedicens illi. ait. Ecce odor filii mei: sicut odor agri pleni cui benedixit dominus. Det tibi deus de rore celi. et de 15 pinguedine terre. habundantiam frumenti uini et olei. et seruiant tibi populi. et adorent te tribus. Esto dominus fratrum tuorum et incuruentur ante te filii matris tue. Qui maledixerit tibi sit ille maledictus. et qui benedixerit tibi benedictionibus repleatur. Uix isaac sermonem impleuerat. 20 et egresso iacob foras uenit esau. coctosque de uenatione cibos intulit patri dicens. Surge pater mi. et comede de uenatione filii tui. ut benedicat michi anima tua. Dixit quoque illi isaac. Quis enim es tu? Qui respondit. Ego sum filius tuus primogenitus esau. Expauit isaac stupore 25 uehementi et ultra quam credi potest admirans ait: Quis igitur ille est qui dudum captam uenationem attulit michi. et comedi ex omnibus priusquam tu uenires? Benedixique ei: et erit benedictus. Auditis esau sermonibus patris: irrugiit clamore magno. et consternatus ait. Benedic etiam 30 et michi pater mi. Qui ait. Uenit germanus tuus fraudulenter. et accepit benedictionem tuam. At ille subiunxit. Iuste uocatum est nomen eius iacob supplantauit enim me en altera uice. Primogenita mea ante tulit: et nunc secundo subripuit benedictionem meam. Rursumque ad patrem. 35 Nunquid non reseruasti ait et michi benedictionem? Respondit ysaac. dominum tuum illum constitui: et omnes fratres/ tuos seruituti illius subiugauit. Frumento [fo. 31b. et uino et oleo stabiliui eum: et tibi post hec fili mi ultra quid faciam? Cui esau ait. Num unam inquit tantum 40 benedictionem habes pater? Michi quoque obsecro ut benedicas. Cumque ululatu magno fleret. motus isaac. dixit ad eum. In pinguedine terre et in rore celi desuper erit benedictio tua.

(*Graduale.*) Bonum est confiteri domino et psallere nomini tuo altissime. (*V.*) Ad annuntiandum mane misericordiam tuam et ueritatem tuam per noctem.



(Secundum lucam) [Luc. xv. 11-32].

IN illo tempore. Dixit iesus discipulis suis parabolam hanc. Homo quidam habuit duos filios: et dixit adolescentior ex illis patri. Pater da michi portionem substantie que me contingit. Et diuisit illis substantiam. Et non post multos dies. congregatis omnibus adolescentior filius peregre profectus est in regionem longinquam. et ibi dissipauit substantiam suam uiuendo luxuriose. Et postquam omnia consumasset. facta est fames ualida in regione illa et ipse cepit egere. Et abiit et adhesit uni ciuium regionis illius: et misit illum in uillam suam ut pasceret porcos. Et cupiebat implere uentrem suum de siliquis quas porci manducabant. et nemo illi dabat. In se autem reuersus dixit. Quanti mercenarii in domo patris mei habundant panibus. ego autem hic fame pereor? Surgam et ibo ad patrem meum. et dicam illi. Pater. peccaui in celum et coram te. iam non sum dignus uocari filius tuus. Fac me sicut unum de mercenariis tuis. Et surgens uenit ad patrem suum. Cum autem adhuc longe esset. uidit illum pater ipsius et misericordia motus est. Et accurrens. cecidit super collum eius. et osculatus est eum. Dixitque ei filius. Pater. peccaui in celum et coram te: iam non sum dignus uocari filius tuus. Dixit autem pater ad seruos suos. Cito proferte stolam primam: et induite illum: et date anulum in manu eius. et calciamenta in pedes eius. Et adducite uitulum saginatum et occidite et manducemus et epulemur. Quia hic filius meus mortuus erat. et reuixit: perierat et inuentus est. Et ceperunt epulari. Erat autem filius eius senior in agro. Et cum ueniret et appropinquaret domui. audiuit symphoniam et chorum. Et uocauit unum de seruis. et interrogauit que hec essent. Isque dixit illi. Frater tuus uenit. et occidit pater tuus uitulum saginatum. quia saluum illum recepit. Indignatus est autem et nolebat introire. Pater ergo illius egressus. cepit rogare eum. At ille respondens: dixit patri suo. Ecce tot annis seruius tibi. et mandatum tuum nunquam preteriui. et nunquam dedisti michi edum ut cum amicis meis epularer. Sed postquam filius tuus hic. qui deuorauit substantiam suam cum meretricibus uenit. occidisti illi uitulum saginatum. At ipse dixit illi. /Fili. tu semper mecum es. et omnia mea tua sunt. [fo. 32. Epulari autem et gaudere oportebat. quia frater tuus hic mortuus erat et reuixit. perierat et inuentus est.

(Offertorium.) Illumina oculos meos ne unquam obdormiam in morte ne quando dicat inimicus meus preualui aduersus eum.

(Secreta.)

**H**is sacrificiis domine concede placatus ut qui propriis  
oramus absolui delictis non grauemur externis. Per.

(Communio.) Oportet te fili gaudere. quia frater tuus mortuus  
5 fuerat et reuixit. perierat et inuentus est.

(Post communio.)

**S**acramenti tui domine diuina libatio. penetralia nostri  
cordis infundat. et sui participes potenter efficiat. Per.

Super populum.

10

(Oratio.)

**F**amiliam tuam quesumus domine continua pietate custodi.  
ut que in sola spe gratie celestis innititur. celesti etiam  
protectione muniatur. Per.

DOMINICA TERTIA IN QUADRAGESIMA.

15

(Statio ad sanctum laurentium extra murum.

Introitus.)

**O**culi mei semper ad dominum quoniam ipse euellet de laqueo  
pedes meos. respice in me et miserere mei quoniam unicus  
et pauper sum ego.

20

(Ps.) Ad te domine leuavi animam meam. deus meus in te  
confido non erubescam. (V.) Gloria.

(Oratio.)

**Q**uesumus omnipotens deus. uota humilium respice. atque  
ad defensionem nostram dexteram tue maiestatis  
25 extende. Per.

(Ad ephesios) [Ephes. v. 1-9].

**F**ratres. Estote imitatores dei sicut filii karissimi : et ambu-  
late in dilectione sicut et christus dilexit nos. et tradidit  
semetipsum pro nobis oblationem et hostiam deo in odorem  
30 suauitatis. Fornicatio autem et omnis immundicia aut  
auaritia. nec nominetur in uobis. sicut decet sanctos. aut  
turpitudine. aut stultiloquium. aut scurilitas. que ad rem non  
pertinet. sed magis gratiarum actio. Hoc autem scitote  
intelligentes. quia omnis fornicator. aut immundus. aut auarus  
35 quod est ydolorum seruitus. non habet hereditatem in regno  
christi et dei. Nemo uos seducat inanibus uerbis. Propter  
hec enim : uenit ira dei in filios diffidentie. Nolite ergo effici  
participes eorum. Eratis enim aliquando tenebre : nunc  
autem lux in domino ut filii lucis ambulate : fructus enim  
40 lucis. est in omni bonitate et iustitia et ueritate.

(*Graduale.*) Exurge domine non preualeat homo. iudicentur gentes in conspectu tuo. (V.) In conuertendo inimicum meum retrorsum infirmabuntur. et peribunt a facie tua.

(*Tractus.*) Ad te leuauit oculos meos qui habitas in celis. (V.)  
 5 Ecce sicut oculi seruorum in manibus dominorum suorum. (V.) Et sicut oculi ancile in manibus domine sue. (V.) Ita oculi nostri ad dominum deum nostrum. donec misereatur nobis. (V.) Miserere nobis domine miserere nobis.

(*Secundum lucam*) [Luc. xi. 14-28.]

10 **I**N illo tempore. Erat iesus eiciens demonium. et illud erat mutum: Et cum eiecisset demonium. locutus est mutus: et admirentur sunt turbe. Quidam autem ex eis dixerunt. In belzeub principe demoniorum: eicit demonia. Et alii temptantes: signum de celo querebant ab eo. Ipse  
 15 autem ut uidit cogitationes/ eorum. dixit eis: Omne [fo. 32b. regnum in seipsum diuisum desolabitur: et domus supra domum cadet. Si autem et sathanas in seipsum diuisus est. quomodo stabit regnum ipsius: quia dicitis in belzeub† eicere me demonia? Si autem ego in belzeub eicio demonia. filii  
 20 uestri in quo eiciunt? Ideo ipsi iudices uestri erunt. Porro si in digito dei eicio demonia: profecto peruenit in uos regnum dei. Cum fortis armatus custodit atrium suum: in pace sunt omnia que possidet. Si autem fortior illo superueniens uicerit eum. uniuersa arma eius aufert in quibus confidebat.  
 25 et spolia eius distribuet. Qui non est mecum. aduersus me est. Et qui non colligit mecum: dispergit. Cum immundus spiritus exierit ab homine. ambulat per loca inaquosa querens requiem. et non inueniens. dicit. Reuertar in domum meam unde exiui. Et cum uenerit. inuenit scopis mundatam et  
 30 ornatam. Et tunc uadit et assumit septem alios spiritus secum nequiores se. et ingressi habitant ibi. Et sunt nouissima hominis illius peiora prioribus. Factum est autem cum hec diceret. extollens uocem quedam mulier de turba dixit illi. Beatus uenter qui te portauit. et ubera que suxisti.  
 35 At ille dixit. Quin ymo. beati qui audiunt uerbum dei: et custodiunt illud.

(*Offertorium.*) Iustitie domini recte letificantes corda et dulciora super mel et fauum. nam et seruus tuus custodiet ea.

(*Secreta.*)

10 **H**Ec hostia domine quesumus emundet nostra delicta. et ad sacrificium celebrandum subditorum tibi corpora mentesque sanctificet. Per.

(*Communio.*) Passer inuenit sibi domum et turtur nidum ubi reponat pullos suos. altaria tua domine uirtutum rex meus et deus

meus. beati qui habitant in domo tua domine. in seculum seculi laudabunt te.

(*Post communio.*)

5 **A** Cunctis nos quesumus domine reatibus et periculis propitiatus absolue. quos tanti misterii tribu(i)s esse participes. Per.

FERIA SECUNDA.

(*Statio ad sanctum marcum.*

*Introitus.*)

10 **I**N deo laudabo uerbum. in domino laudabo sermonem uideof sperabo. non timebo quid faciat michi homo.

(*Ps.*) Miserere mei deus quoniam conculcauit me homo : tota die impugnans tribulauit me. (*V.*) Gloria patri et filio.

(*Oratio.*)

15 **C**Ordibus nostris quesumus domine gratiam tuam benignus infunde. ut sicut ab escis carnalibus abstinemus. ita sensus quoque nostros a noxiis retrahamus excessibus. Per.

(*lectio libri regum*) [IV. Regum v. 1-15].

20 **I**N diebus illis. Naaman princeps militie regis syrie erat uir magnus apud dominum suum et honoratus. Per illum enim dedit dominus salutem syrie. Erat autem uir fortis et diues. sed leprosus. Porro de syria egressi fuerant latrunculi : et captiuam duxerant de terra ysrael puellam paruulam : que erat in obsequio uxoris naaman. Que ait ad dominam suam.

25 **U**tinam/ fuisset dominus meus ad prophetam qui est [fo. 33. in samaria. profecto curasset eum a lepra quam habet. Ingressus est itaque naaman ad dominum suum. et nuntiauit ei dicens. Sic et sic locuta est puella de terra ysrael. Dixitque ei rex syrie. Uade et mittam literas ad regem ysrael. Qui

30 **c**um profectus esset : et tulisset secum decem talenta argenti : et sexmillia aureos. et decem mutatoria uestimentorum detulit litteras ad regem ysrael. in hec uerba. Cum acceperis epistolam hanc. scito quod miserim ad te naaman seruum meum : ut cures eum a lepra sua. Cumque legisset rex

35 **y**srael litteras scidit uestimenta sua : et ait. Nunquid deus ego sum. ut occidere possim et uiui[fi]care. quia iste misit ad me ut curem hominem a lepra sua? Animaduertite et uidete quia occasiones querat aduersum me. Quod cum audisset helyseus uir dei. scidisce scilicet regem ysrael uestimenta sua :

40 **m**isit ad eum dicens. Cur scidisti uestimenta tua? Ueniat ad me : et sciat prophetam esse in ysrael. Uenit ergo

naaman cum equis et curribus. et stetit ad hostium domus  
 helysei. Misitque ad eum helyseus nuntium dicens. Uade et  
 lauare septies in iordane: et recipiet sanitatem caro tua  
 atque mundaberis. Iratus naaman. recedebat dicens. Puta-  
 5 bam quod egrederetur ad me et stans inuocaret nomen  
 domini dei sui. et tangeret manu sua locum lepre. et curaret  
 me. Nunquid non meliores sunt abana et pharphar fluuii  
 damasci omnibus aquis ysrael. ut lauer in eis et munder?  
 Cum ergo uertisset se et abiret indignans. accesserunt ad eum  
 10 serui sui. et locuti sunt ei. Pater et si rem grandem dixisset  
 tibi propheta. certe facere debueras quanto magis quia nunc  
 dixit tibi. lauare et mundaberis? Descendit et lauit in  
 iordane septies iuxta sermonem uiri dei: et restituta est caro  
 eius sicut caro pueri paruuli et mundatus est. Reuersusque  
 15 ad uirum dei cum uniuerso comitatu suo. uenit et stetit coram  
 eo: et ait. Uere scio quod non sit alius deus in uniuersa  
 terra. nisi tantum dominus deus ysrael.

(*Graduale.*) Deus uitam meam annuntiaui tibi. posuisti lacrimas  
 meas in conspectu tuo. (*V.*) Miserere michi domine. quoniam con-  
 20 culcauit me homo tota die bellans tribulauit me.

(*Secundum lucam*) [Luc. iv. 23-30].

IN illo tempore. Dixerunt pharisei ad iesum. Quanta  
 audiuius facta in capharnaum fac et hic in patria tua.  
 Ait autem. Amen dico uobis. quia nemo propheta acceptus  
 25 est in patria sua. In ueritate dico uobis: multe uidue erant  
 in diebus helye in ysrael. quando clausum est celum annis  
 tribus et mensibus sex. cum facta esset fames ualida in omni  
 terra. et ad nullam illarum missus est helyas nisi in sareptam  
 sydonie ad mulierem uiduam. Et multi leprosi erant in  
 30 ysrael sub helyseo propheta. et nemo eorum mundatus est  
 nisi naaman/ syrus. Et repleti sunt omnes in sinagoga [fo. 33b.  
 ira. hec audientes. Et surrexerunt et eiecerunt illum extra  
 ciuitatem. et duxerunt illum usque ad supercilium montis  
 super quem ciuitas eorum erat edificata. ut precipitarent eum.  
 35 Ipse autem transiens per medium illorum ibat.

(*Offertorium.*) Exaudi deus orationem meam et ne despexeris  
 deprecationem meam intende in me et exaudi me.

(*Secreta.*)

40 MUnus quod tibi domine nostre seruitutis offerimus. tu  
 salutare nobis perface sacramentum. Per.

(*Communio.*) Quis dabit ex syon salutare ysrael. cum auerterit  
 dominus captiuitatem plebis sue exultabit iacob et letabitur ysrael.

(*Post communio.*)

PResta quesumus omnipotens et misericors deus: ut que ore contingimus. pura mente capiamus Per.

*Super populum.*

5 (Oratio.)

SUbueniat nobis domine misericordia tua ut ab imminentibus peccatorum nostrorum periculis te mereamur protegente eripi te liberante saluari. Per.

FERIA TERTIA.

10 (*Statio ad sanctam potentianam.*

*Introitus.*)

EGO clamaui quoniam exaudisti me deus. inclina aurem tuam et exaudi uerba mea. custodi me domine ut pupillam oculi sub umbra allarum tuarum protege me.

15 (Ps.) Exaudi domine iustitiam meam. intende deprecationem meam. (V.) Gloria patri.

(Oratio.)

EXaudi nos omnipotens et misericors deus. et continentie salutaris propitius nobis dona concede. Per.

20 (*lectio libri regum*) [IV. Regum. iv. 1-7].

IN diebus illis: Mulier quedam clamabat ad heliseum prophetam dicens. Seruus tuus uir meus mortuus est: et tu nosti quia seruus tuus fuit timens deum. Et ecce creditor uenit ut tollat duos filios meos ad seruiendum sibi. Cui dixit helyseus. Quid uis ut faciam tibi? Dic michi quid habes in domo tua? At illa respondit. Non habeo ancilla tua quicquam in domo mea nisi parum olei quo ungar. Cui ait. Uade et pete ab omnibus uicinis tuis mutuo uasa uacua non pauca: et ingredere et claude hostium. Et cum intrinsecus fueris tu et filii tui. mitte inde in omnia uasa hec. et cum plena fuerint tolles. Iuit itaque mulier: et clausit hostium super se. et super filios suos. Illi offerebant uasa: et illa infundebat. Cumque plena fuissent uasa: dixit ad filium suum. Affer michi adhuc uas. Et ille respondit. non habeo. Stetitque oleum. Uenit autem illa: et indicauit homini dei. Et ille. Uade inquit. uende oleum et redde creditori tuo. Tu autem et filii tui: uiuite de reliquo.

(Graduale.) Ab occultis meis munda me domine. et ab alienis parce seruo tuo. (V.) Si mei non fuerint dominati tunc immaculatus ero et emundabor a delicto maximo.

(*Secundum matheum*) [Mat. xviii. 15–22].

**I**N illo tempore. Respiens iesus in discipulos suos: dixit symoni petro. Si peccauerit in te frater tuus: uade et corripe eum inter te et ipsum solum. Si te audierit lucratus eris  
 5 fratrem tuum. Si autem te non audierit adhibe tecum adhuc unum uel /duos. ut in ore duorum uel trium testium [fo. 34. stet omne uerbum. Quod si non audierit eos dic ecclesie. Si autem ecclesiam non audierit. sit tibi sicut ethnicus et publicanus Amen dico uobis: quecumque alligaueritis super  
 10 terram. erunt ligata et in celo. Et quecumque solueritis super terram: erunt soluta et in celo. Iterum dico uobis quia si duo ex uobis consenserint super terram de omni re quamcunque petierint fiet illis a patre meo qui in celis est. Ubi enim sunt duo uel tres congregati in nomine meo. ibi sum in  
 15 medio eorum. Tunc accedens ad eum petrus dixit: Domine quoties peccauerit in me frater meus dimittam ei usque septies? Dixit illi iesus. Non dico tibi septies: sed usque septuagesies septies.

(*Offertorium.*) Dexteram domini fecit uirtutem. dextera domini  
 20 exaltauit me. non moriar sed uiuam et narrabo opera domini.

(*Secreta.*)

**P**ER hec ueniat quesumus domine sacramenta nostre redemptionis effectus. qui nos et ab humanis retrahat semper excessibus. et ad salutaria dona perducatur. Per.

25 (*Communio.*) Domine quis habitabit in tabernaculo tuo. aut quis requiescet in monte sancto tuo. qui ingreditur sine macula et operatur iustitiam.

(*Post communio.*)

30 **S**ACRIS domine misteriis expiati et ueniam consequamur et gratiam. Per.

*Super populum.*

(*Oratio.*)

**T**UA nos domine protectione defende: et ab omni semper iniquitate custodi. Per.

35 FERIA QUARTA.

(*Statio ad sanctum systum.*

*Introitus.*)

**E**GO autem in domino sperabo exultabo et letabor in tua misericordia. quia respexisti humilitatem meam.

40 (*Ps.*) In te domine speraui non confundar in eternum in iustitia tua libera me et eripe me. (*V.*) Gloria patri.

[Oratio.]

PREsta nobis quesumus domine. ut salutaribus ieiuniis eruditi. a noxiis quoque uitiis abstinentes. propitiationem tuam facilius impetremus. Per.

5 (Lectio libri exodi) [Exod. xx. 12-24].

HEc dicit dominus deus. honora patrem tuum et matrem tuam: ut sis longeuus super terram. quam dominus deus tuus dabit tibi. Non occides. Non mechaberis. Non furtum facies. Non loqueris contra proximum tuum falsum  
10 testimonium. Non concupisces domum proximi tui. nec desiderabis uxorem eius non seruum. non ancillam. non bouem. non asinum. nec omnia que illius sunt. Cunctus autem populus uidebat uoces et lampades et sonitum bucinę montemque fumigantem. Et perterriti ac stupore concussi.  
15 steterunt procul dicentes moysi loquere tu nobis. et audiemus. Non loquatur nobis dominus: ne forte moriamur. Et ait moyses ad populum. Nolite timere. Ut enim probaret uos uenit deus. et ut terror illius esset in uobis: et non peccaretis. Stetitque populus de longe moyses autem accessit ad  
20 caliginem in qua erat deus. Dixitque preterea dominus ad moysem. hec dices filiis ysrael. Uos uidistis quod de celo locutus sum uobis. Non facietis deos argenteos./ nec [fo. 34b. deos aureos facietis uobis. Altare de terra facietis michi. et offeretis super illud holocausta et pacifica uestra. oues  
25 uestras et boues. in omni loco in quo fuerit memoria nominis mei.

(Graduale.) Miserere michi domine quoniam infirmus sum. sana me domine. (V.) Conturbata sunt omnia ossa mea. et anima mea turbata est ualde.

30 (Secundum mattheum) [Mat. xv. 1-20].

IN illo tempore. Accesserunt ad iesum ab yerosolimis scribe et pharisei dicentes. Quare discipuli tui transgrediuntur traditionem seniorum? Non enim lauant manus suas cum panem manducant. Ipse autem respondens ait  
35 illis. Quare et uos transgredimini mandatum dei propter traditionem uestram? Nam deus dixit. Honora tuum patrem et matrem tuam. et qui maledixerit patri uel matri: morte moriatur. Uos autem dicitis. Quicumque dixerit patri uel matri. munus quodcunque est ex me tibi proderit. et non  
40 honorificabit patrem suum aut matrem suam. et irritum fecistis mandatum dei propter traditionem uestram. ypocrite: bene prophetauit de uobis ysayas dicens. Populus hic labiis me honorat. cor autem eorum longe est a me. Sine causa autem colunt me: docentes doctrinas et mandata hominum.



Et conuocatis ad se turbis dixit eis. Audite et intelligite. Non quod intrat in os coinquinat hominem. Sed quod procedit ex ore hoc coinquinat hominem. Tunc accedentes discipuli eius: dixerunt ei. Scis quia pharisey audito hoc  
 5 uerbo scandalizati sunt? At ille respondens ait. Omnis plantatio quam non plantauit pater meus celestis: eradicabitur. Sinite illos. ceci sunt. duces cecorum. Cecus autem si ceco ducatum prestet. ambo in foueam cadunt? Respondens autem petrus dixit ei. Ediscere nobis parabolam istam.  
 10 At ille dixit. Adhuc et uos sine intellectu estis? Non intelligitis quia omne quod in os intrat in uentrem uadit. et in secessum emittitur? Que autem procedunt de ore: de corde exeunt: et ea coinquinant hominem. De corde enim exeunt cogitationes male. homicidia. adulteria. fornicationes. furta.  
 15 falsa testimonia blasphemie. Hec sunt que coinquinant hominem. Non lotis autem manibus manducare: non coinquinat hominem.

(*Offertorium.*) Domine fac mecum misericordiam tuam propter nomen tuum quia suavis est misericordia tua.

(*Secreta.*)

20 **S**uscipe quesumus domine preces populi tui cum oblationibus hostiarum. et tua misteria celebrantes. ab omnibus nos defende periculis. Per.

(*Communio.*) Notas michi fecisti uias uite. adimplebis me letitia  
 25 cum uultu tuo domine.

(*Post communio.*)

**S**anctificet nos domine. qua pasti sumus mensa celestis: et a cunctis erroribus expiatis. supernis promissionibus reddat acceptos. Per.

30 *Super populum.*

(*Oratio.*)

**C**oncede quesumus omnipotens deus. ut qui protectionis tue gratiam querimus. liberati /a malis omnibus [fo. 35. segura tibi mente seruiamus. Per.

35 FERIA QUINTA.

(*Statio ad sanctos cosmam et damianum.*

*Introitus.*)

**S**alus populi ego sum. dicit dominus de quacunque tribulatione clamauerint ad me. exaudiam eos. et ero illorum dominus in  
 40 perpetuum.

(*Ps.*) Attendite popule meus legem meam. inclinate aurem uestram in uerba oris mei. (*V.*) Gloria.

(Oratio.)

Magnificat te domine sanctorum tuorum gosme† et damiani beata solempnitas: qua et illis gloriam sempiternam: et opem nobis inefabili prouidentia contulisti. Per.

5 (lectio Ieremie prophete) [Ier. vii. 1-7].

IN diebus illis: Factum est uerbum domini ad me dicens  
Sta in porta domus domini. et predica ibi uerbum istud  
et dic. Audite uerbum domini omnis iuda. qui ingredimini  
per portas has ut adoretis dominum. Hec dicit dominus  
10 exercituum. deus ysrael. Bonas facite uias uestras et studia  
uestra. et habitabo uobiscum in loco isto. Nolite confidere  
in uerbis mendacibus dicentes templum domini. templum  
domini templum domini dei est. Quoniam si benedixeritis  
uias uestras et studia uestra. si feceritis iudicium inter uirum  
15 et proximum eius. aduene et pupilo et uidue non feceritis  
calumpniam. nec sanguinem innocentem effuderitis in loco  
isto. et post deos alienos non ambulaueritis in malum uobis-  
metipsis habitabo uobiscum in loco isto. in terra quam dedi  
patribus uestris. a seculo. et usque in seculum. Ait dominus  
20 omnipotens.

(Graduale.) Oculi omnium in te sperant domine. et tu das escam  
illis in tempore opportuno. (V.) Aperis tu manum tuam et imple  
omne animal benedictione.

(Secundum lucam) [Luc. iv. 38-44].

25 IN illo tempore. Surgens iesus de synagoga. introiuit in  
domum symonis. Socrus autem symonis. tenebatur  
magnis febribus. Et rogauerunt illum pro ea. Et stans  
super illam imperauit febre: et dimisit illam. Et continuo  
surgens. ministrabat illis. Cum sol autem occidisset: omnes  
30 qui habebant infirmos uariis languoribus. ducebant illos ad  
iesum At ille singulis manus imponens curabat eos. Exi-  
bant autem demonia a multis clamantia et dicentia: quia  
tu es filius dei: Et increpans non sinebat ea loqui: quia  
sciebant ipsum esse christum. Facta autem die. egressus  
35 ibat in desertum locum: et turbe requirebant eum. Et  
uenerunt usque ad ipsum. et detinebant illum. ne dis-  
cederet ab eis: Quibus ille ait. Quia et aliis ciuitatibus  
opor[t]et me euangelizare regnum dei. quia ad hoc missus sum.  
Et erat predicans in synagoga galilee.

40 (Offertorium.) Si ambulauero in medio tribulationis uiuificabis  
me domine et super iram inimicorum meorum extends manum  
tuam. et saluum me fecit dextera tua.

(Secreta.)

IN tuorum domine pretiosa morte iustorum sacrificium illud offerimus. de quo martirii sumpsit omne principium.  
Per.

5 (Communio.) Tu mandasti mandata tua custodiri nimis. utinam dirigantur uie mee ad custodiendas iustificationes tuas.

(Post communio.)

SIt nobis domine sacramenti/ tui certa saluatione.† [fo. 35b.  
que cum beatorum martirum tuorum cosme et damiani  
10 meritis imploratur. Per.

Super populum.

(Oratio.)

SUbiectum tibi populum quesumus domine propitiatio celestis amplifcet : et tuis semper faciat seruire mandatis.  
15 Per.

FERIA SEXTA.

(Statio ad sanctum laurentium in lucina.

Introitus.)

20 FAc mecum domine signum in bonum. ut uideant qui me oderunt et confundantur. quoniam tu domine adiuuisti me. et consolatus es me.

(Ps.) Inclina domine aurem tuam et exaudi me. quoniam inops et pauper sum ego. (V.) Gloria patri et filio.

(Oratio.)

25 IEiunia nostra quesumus domine benigno fauore prosequere : ut sicut ab alimentis abstinemus in corpore. ita a uitiiis ieiunemus in mente. Per.

(lectio libri numeri) [Num. xx. 2-3. 6-13].

30 IN diebus illis : Conuenerunt filii ysrael ad moysen et aaron : et uersi in seditionem dixerunt. Da† nobis aquam ut bibamus. Ingressique moyses et aaron. dimissa multitudine ante tabernaculum federis : corruerunt proni in terram. clamaueruntque ad dominum atque dixerunt. Domine deus exaudi clamorem populi huius. et aperi eis thesaurum tuum fontem aque uiue : ut satiati cesset murmuratio  
35 eorum. Et apparuit gloria domini super eos. locutusque est dominus ad moysen dicens. Tolle uirgam et congrega populum tu et aaron frater tuus et loquimini ad petram coram eis et illa dabit aquas. Cumque eduxeris aquam de petra. bibet omnis multitudo et iumenta eius. Tulit igitur

moyses uirgam que erat in conspectu domini. sicut preceperat ei congregata multitudo ante petram dixitque eis. Audite rebelles et increduli. Num de petra hac uobis aquam poterimus eicere? Cumque eleuasset moyses manum percutiens uirga bis silicem. egressæ sunt aquæ largissime. ita ut populus biberet et iumenta. Dixitque dominus ad moysen et aaron. Quia non credidistis michi ut sanctificaretis me coram filiis ysrael. non introducetis hos populos in terram quam dabo eis. Hec est enim aqua contradictionis. ubi iurgati sunt filii ysrael contra dominum. et sanctificatus est in eis.

(*Graduale.*) In deo sperauit cor meum et adiutus sum et reffloruit caro mea. et ex uoluntate mea confitebor illi. (V.) Ad te domine clamaui. deus meus ne sileas neque discedas a me.

15 (Secundum Iohannem) [Ioan. iv. 5-42].

IN illo tempore: Uenit iesus in ciuitatem samarie que dicitur siccar: iuxta predium quod dedit iacob ioseph filio suo. Erat autem ibi fons iacob. Iesus ergo fatigatus ex itinere: sedebat sic super fontem. hora erat quasi sexta.

20 Uenit mulier de samaria haurire aquam. Dicit iesus ei: Da michi bibere. Discipuli autem eius abierant in ciuitatem: ut cibos emerent. Dicit ergo ei mulier illa samaritana. Quomodo tu iudeus cum sis bibere a me poscis. que sum mulier samaritana? Non enim coutuntur iudei samaritanis Respondit iesus et dixit ei. Si scires donum dei. et quis est qui /dicit tibi. da michi bibere: tu forsitan petisses [fo. 36. ab eo. et dedisset tibi aquam uiuam. Dicit ei mulier. Domine: neque in quo haurias habes. et puteus altus est. Unde ergo habes aquam uiuam? Nunquid tu maior es

25 patre nostro iacob. qui dedit nobis hunc puteum et ipse ex eo bibit. et filii eius et pecora eius? Respondit iesus et dixit ei: Omnis qui biberit ex aqua hac sitiet iterum. Qui autem biberit ex aqua quam ego dabo ei non sitiet in eternum. Sed aqua quam ego dabo ei. fiet in eo fons aque salientis in uitam eternam. Dicit ad eum mulier. Domine da michi hanc aquam ut non sitiam neque ueniam huc haurire. Dicit ei iesus. uade uoca uirum tuum: et ueni huc. Respondit mulier et dixit. Non habeo uirum. Dicit ei iesus. Bene dixisti: quia non habeo uirum. Quinque enim uiros habuisti: et hunc quem habes. non est tuus uir. hoc uere dixisti. Dicit ei mulier. Domine ut uideo propheta es tu. Patres nostri in monte hoc adorauerunt et uos dicitis quia yerosolimis est locus ubi adorare oportet. Dicit ei iesus. Mulier crede michi. quia uenit hora quando neque in monte hoc. neque in ierosolimis adorabitis patrem.

30  
35  
40

Uos autem adoratis quod nescitis : nos adoramus quod scimus. quia salus ex iudeis est. Sed uenit hora et nunc est. quando ueri adoratores adorabunt patrem in spiritu et ueritate. Nam et pater tales querit qui adorent eum. Spiritus est deus. et  
 5 eos qui adorant eum in spiritu et ueritate oportet adorare. Dicit ei mulier. Scio quia messias uenit qui dicitur christus. Cum ergo uenerit ille nobis annuntiabit omnia. Dicit ei iesus. Ego sum qui loquor tecum. Et continuo uenerunt discipuli eius et mirabantur quia cum muliere loquebatur.  
 10 Nemo tamen dixit. quid queris aut quid loqueris cum ea. Reliquid† ergo ydriam suam mulier. et abiit in ciuitatem. et dixit illis hominibus. Uenite et uidete hominem. qui dixit michi omnia quecumque feci. Nunquid ipse est christus? Exierunt ergo de ciuitate Et ueniebant ad eum.  
 15 Interea rogabant eum discipuli eius dicentes. Rabi. manduca. Ille autem dixit eis. Ego cibum habeo manducare. quem uos nescitis. Dicebant ergo discipuli eius ad inuicem. Nunquid aliquis attulit ei manducare? Dicit ei iesus: Meus cibus est: ut faciam uoluntatem eius qui misit me. ut per-  
 20 fitiam opus eius. Non ne uos dicitis. quod adhuc quattuor menses sunt. et messis uenit? Ecce dico uobis leuate oculos uestros. et uidete regiones quia albe sunt iam ad messem. Et qui mettit mercedem accipit et congregat fructum in uitam eternam. ut et qui seminat simul gaudeat et qui mettit.  
 25 In hoc enim est uerbum uerum. Quia alius est qui seminat. et alius est qui metit. Ego misi uos metere quod uos non laborastis. Alii autem/ laborauerunt: et uos in [fo. 36b. labores eorum introistis? Ex ciuitate autem illa multi crediderunt in eum samaritanorum: propter uerbum mulieris  
 30 testimonium perhibentis: quia dixit michi omnia quecumque feci. Cum uenissent ergo ad illum samaritani. rogauerunt eum ut ibi maneret. Et mansit ibi duos dies. Et multo plures crediderunt propter sermonem eius: et mulieri dicebant. quia iam non propter tuam loquellam credimus. Ipsi enim  
 35 audiuius et scimus: quia hic est uere saluator mundi.

(*Offertorium.*) Intende uoci orationis mee. rex meus et deus meus. quoniam ad te orabo domine.

(*Secreta.*)

40 **R**espice domine propitius ad munera que sacramus. ut et tibi grata sint. et nobis salutaria semper existant.  
 Per.

(*Communio.*) Qui biberit aquam quam ego dabo ei. dicit dominus. fiet in eo fons aque salientis in uitam eternam.

(Post communio.)

Huius nos domine perceptio sacramenti mundet a crimine  
et ad celestia regna perducatur. Per.

Super populum.

5 (Oratio.)

Presta quesumus omnipotens deus ut qui in tua protectione  
confidimus cuncta nobis aduersantia te adiuvante uincamus. Per.

SABBATO.

10 (Statio ad sanctam susaniam.

Introitus.)

Verba mea auribus percipe domine intellige clamorem meum.  
intende uoci orationis mee.

(Ps.) Rex meus et deus meus. } (V.) Gloria.

15 (Oratio.)

Presta quesumus omnipotens deus. ut qui se affligendo carnem  
ab alimentis abstinet† sectando iustitiam a culpa  
ieiunet†. Per.

(lectio danielis prophete) [Dan. xiii. 1-62].

20 IN diebus illis. Erat uir in babilone et nomen eius ioachim.  
Et accepit uxorem nomine susaniam filiam elchie pulchram  
nimis et timentem dominum Parentes enim illius cum essent  
iusti: erudierant filiam suam secundum legem moysi. Erat  
autem ioachim diues ualde. et erat ei pomerium uicinum  
25 domui sue. Et ad ipsum confluebant iudei eo quod esset  
honorabilior omnium. Et constituti sunt duo senes iudices in  
anno illo: de quibus locutus est dominus. quia egressa est  
iniquitas de babilone a senioribus iudicibus. qui uidebantur  
regere populum. Isti frequentabant domum ioachim et uenie-  
30 bant ad eos omnes qui habebant iudicia. Cum autem populus  
reuertisset post meridiem ingrediebatur susanna: et deambulabat  
in pomerio uiri sui Et uidebant eam senes quottidie  
ingredientem et deambulantem. et exarserunt in concupiscentiam  
ipsius Et auerterunt sensum suum. et declinauerunt  
35 oculos suos. ut non uiderent celum neque recordarentur  
iudiciorum iustorum. Factum est autem cum obseruarent  
diem aptum. quando eam possent inuenire solam. ingressa est  
aliquando. sicut heri: et nudius tertius cum duabus solis  
puellis uoluitque lauari in pomerio. Estus quippe erat. Et  
40 non erat ibi quisquam preter duos senes absconditos / [fo. 37.  
contemplantes eam. Dixit ergo puellis. Afferte michi

oleum et smigmata : et ostia pomerii claudite ut lauer. Cum autem egresse essent puelle surrexerunt duo senes. et accurrerunt ad eam et dixerunt : Ecce hostia pomerii clausa sunt. et nemo nos uidet. Quamobrem assentire nobis : et  
5 commiscere nobiscum. Quod si nolueris : dicemus testimonium contra te. quod fuerit tecum iuuenis. et ob hanc causam emiseris puellas a te. Ingemuit susanna et ait. Angustie sunt michi undique. Si enim hoc egero mors michi est. si autem non egero non effugiam manus uestras. Sed  
10 melius est michi absque opere incidere in manus uestras. quam peccare in conspectu domini. Et clamauit uoce magna susanna. Exclamauerunt autem et senes aduersus eam. Et cucurrit unus et aperuit hostia pomerii. Cum autem audissent clamorem in pomerio famuli domus irruerunt per posticum. ut uiderent quid nam esset. Postquam autem senes locuti sunt. erubuerunt serui uehementer. quia nunquam dictus fuerat sermo huiusmodi de susanna. Et facta est dies crastina. Cumque uenisset populus ad uirum eius ioachim uenerunt et duo presbyteri pleni iniqua cogitatione  
20 aduersus susannam. ut interficerent eam. Et dixerunt coram populo. Mittite ad susannam filiam elchie uxorem ioachim. Et statim miserunt. Et uenit cum parentibus et filiis et uniuersis cognatis suis. Flebant igitur sui et omnes qui nouerant eam. Consurgentes autem duo presbyteri in medio  
25 populi posuerunt manus suas super caput eius. Que flens suspexit ad celum. erat enim cor eius fiduciam habens in domino. Et dixerunt presbyteri. Cum deambularem in pomerio soli ingressa est hec cum duabus solis puellis : et clausit hostia pomerii. et dimisit puellas a se. Uenitque ad  
30 eam adolescens qui erat absconditus. et concubuit cum ea. Porro nos cum essemus in angulo pomerii uidentes iniquitatem concurrimus ad eos. et uidimus eos pariter commisceri. Et illum quidem nequiuius comprehendere. quia fortior nobis erat : et aperto hostio exiliuit. Hanc autem cum  
35 apprehendissemus interrogauimus quis nam esset adolescens et noluit indicare nobis. Huius rei testes sumus. Credidit eis omnis multitudo quasi senioribus populi et iudicibus. et condemnauerunt eam ad mortem. Exclamauit autem uoce magna susanna et dixit. Deus eterne qui absconditorum es  
40 cognitor : qui nosti omnia ante quam fiant : tu scis quoniam falsum testimonium contra me tulerunt. Et ecce morior. cum nichil horum fecerim que isti malitiose composuerunt aduersum me. Exaudiuit autem dominus. uocem eius. Cumque duceretur ad mortem. suscitauit dominus spiritum  
45 pueri iunioris. cui nomen daniel et exclamauit uoce magna : et dixit mundus ego sum a sanguine huius. Et [fo. 37b.

conuersus est omnis populus ad eum et dixit. Quis est iste sermo quem locutus es? Qui cum staret in medio eorum: ait. Sic fatui filii ysrael non iudicantes. neque quod uerum est cognoscentes condemnastis filiam ysrael. Reuertimini ad  
 5 iudicium: quia falsum testimonium locuti sunt aduersus eam. Reuersus est ergo populus cum festinatione. Et dixit ad eos daniel. Seperate† eos ab inuicem. procul et diuidicabo eos. Cum ergo diuisi essent alter ab altero. uocauit unum de eis et dixit ad eum: Inueterate dierum malorum nunc uenerunt  
 10 peccata tua. que operaberis prius iudicans iudicia iniusta innocentes opprimens et dimittens noxios dicente domino. Innocentem et iustum non interficies. Nunc ergo si uidisti eam dic sub qua arbore uideris eos colloquentes sibi. Qui ait: Sub cino. Dicit autem daniel. Recte mentitus es in  
 15 caput tuum. Ecce enim angelus domini accepta sententia ab eo. scindet te medium. Et amoto eo iussit uenire alium. et dixit ei. Semen chanaan et non iuda: species decepit te. et concupiscentia subuertit cor tuum. Sic faciebatis filiabus ysrael. et ille timentes loquebantur uobis. Sed non filia iuda  
 20 sustinuit iniquitatem uestram. Nunc ergo si uidisti eam: dic michi sub qua arbore comprehenderis eos loquentes sibi. Qui ait. Sub prino Dixit autem ei daniel. Recte mentitus es et tu in caput tuum. Manet enim angelus domini gladium habens: ut secet te medium. et interficiat uos. Exclamauit  
 25 itaque omnis cetus uoce magna. et benedixerunt deum. qui saluat sperantes in se. Et consurrexerunt aduersus duos presbiteros. conuincerat † enim eos daniel ex ore suo falsum dixisse testimonium. Feceruntque eis sicuti male egerant aduersus proximum. interfecerunt eos. Et saluatus est  
 30 sanguis innoxius in illa die.

(*Graduale.*) Si ambulem in medio umbre mortis. non timebo mala. quoniam tu mecum es domine. (V.) Uirga tua et baculus tuus. ipsa me consolata sunt.

(*Secundum Iohannem*) [Ioan. viii. I–II].

35 **I**N illo tempore. Perrexit iesus in montem oliueti. et diluculo iterum uenit in templum Et omnis populus uenit ad eum et sedens docebat eos. Adducunt autem scribe et pharisei mulierem in adulterio deprehensam et statuerunt eam in medio. et dixerunt ei. Magister. hec mulier modo  
 40 deprehensa est in adulterio In lege autem moyses mandauit nobis huiusmodi lapidare. Tu ergo quid dicis? Hec autem dicebant temptantes eum. ut possent accusare eum. Iesus autem inclinans se deorsum digito scribebat in terra. Cum autem perseuerarent interrogantes eum: erexit se: et dixit  
 45 eis. Qui sine peccato est uestrum. primus in illam lapidem



mittat. Et iterum se inclinans. scribebat in terra. Audientes autem hoc unus post unum exhibant incipientes /a senioribus. Et remansit iesus solus: et mulier in medio stans. [fo. 38. Erigens autem se iesus. dixit ei mulier. Ubi sunt qui te  
5 accusabant? Nemo te // condemnauit? Que dixit. nemo domine. Dixit autem iesus. Nec ego te condemnabo. Uade et amplius noli peccare.

(*Offertorium.*) Gressus meos dirige domine secundum eloquium tuum. ut non dominetur mei omnis iniustitia domine.

10 (Secreta.)

COncede quesumus omnipotens deus. ut huius sacrificii munus oblatum. fragilitatem nostram ab omni malo purget semper et muniat. Per.

(*Communio.*) Nemo te condemnauit mulier. nemo domine. nec  
15 ego te condemnabo. iam amplius noli peccare.

(*Post communio.*)

Quesumus omnipotens deus: ut inter eius membra numeremur cuius corpori communicauimus et sanguini. Qui tecum.

20 *Super populum.*

(*Oratio.*)

PRetende domine fidelibus tuis dexteram celestis auxilii ut te toto corde perquirant. et que digne postulant consequi mereantur. Per.

25 DOMINICA QUARTA IN QUADRAGESIMA.

(*Statio ad sanctam crucem in ierusalem.*)

(*Introitus.*)

L Etare ierusalem et conuentum facite omnes qui diligitis eam gaudete cum letitia qui in tristitia fuistis. et exultetis et  
30 satiemi ab uberibus consolationis uestre.

(*Ps.*) Letatus sum in hiis que dicta sunt michi in domum domini ibimus. (*V.*) Gloria.

(*Oratio.*)

COncede quesumus omnipotens deus: ut qui ex merito  
35 nostre actionis affligimur. tue gratie consolatione respiremus. Per.

(*Ad gallatas*) [Gal. iv. 22-31].

F Ratre: Scriptum est. quoniam abraam duos filios habuit unum de ancilla et unum de libera. Sed qui de ancilla  
40 secundum carnem natus est: qui autem de libera per repro-

missionem : que sunt per alegoriam dicta. Hec enim sunt duo testamenta. Unum quidem in montem syna in seruitutem generans que est agar. Syna enim mons est in arabia. qui coniunctus est ei que nunc est yerusalem : et seruit cum filiis  
 5 suis. Illa autem que sursum est yerusalem. libera est. que est mater nostra. Scriptum est enim. Letare sterilis que non paris : erumpe : et clama que non parturis. quia multi filii deserte. magis quam eius que habet uirum Nos autem fratres : secundum ysaac promissionis filii sumus. Sed quomodo tunc  
 10 is qui secundum carnem natus fuerat. persequabatur eum qui secundum spiritum : ita et nunc. Sed quid dicit scriptura ? Eice ancillam et filiam eius. Non enim erit heres filius ancille cum filio libere. Itaque fratres non sumus ancille filii. Sed libere. Qua libertate. christus nos liberauit.

15 (*Graduale.*) Letatus sum in his que dicta sunt michi in domum domini ibimus. (*V.*) Fiat pax in uirtute tua. et abundantia in turribus tuis.

(*Tractus.*) Qui confidunt in domino sicut mons syon non commouebitur in eternum qui habitat in ierusalem. (*V.*) Montes in  
 20 circuitu eius. et dominus in circuitu populi sui. ex hoc nunc et usque in seculum.

(*Secundum Iohannem*) [Ioan. vi. 1-14].

IN illo tempore. Abiit iesus trans mare galilee quod est tyberiadis : et sequebatur eum /multitudo magna : [fo. 386.  
 25 quia uidebant signa que faciebat super his qui infirmabantur. Subiit ergo in montem iesus : et ibi sedebat cum discipulis suis. Erat autem proximum pasce dies festus iudeorum. Cum subleuasset ergo oculos iesus. et uidisset quia multitudo maxima uenit ad eum : dixit ad philipum. Unde ememus  
 30 panes ut manducent hii ? Hoc autem dicebat temptans eum. Ipse enim sciebat quid esset facturus. Respondit ei philipus. Ducentorum denariorum panes non sufficiunt eis. ut unusquisque modicum quid accipiat. Dicit ei unus ex discipulis eius. andreas frater symonis petri est puer unus hic. qui habet  
 35 quinque panes ordeaceos et duos pisces. Sed hec quid sunt inter tantos ? Dixit ergo iesus. Facite homines discumbere Erat autem fenum multum in loco. Discubuerunt ergo uiri : numero quasi quinque milia. Accepit ergo iesus panes : et cum gratias egisset. distribuit discumbentibus. Similiter et  
 40 ex piscibus : quantum uolebant. Ut autem impleti sunt dixit discipulis suis. Colligite que superauerunt fragmenta : ne pereant. Collegerunt ergo. et impleuerunt duodecim cophinos fragmentorum : ex quinque panibus ordeaceis. que super-  
 fuerunt his qui manducauerant. Illi ergo homines cum

uidissent quod fecerat signum dicebant. Quia hic est uere propheta : qui uenturus est in mundum.

(*Offertorium.*) Laudate dominum quoniam benignus est. psallite nomini eius quoniam suavis est. omnia quecunque uoluit fecit in  
5 celo et in terra.

(*S[e]creta.*)

**S**Acrificiis presentibus domine quesumus intende placatus. ut et deuotioni nostre proficiant et saluti. Per.

(*Communio.*) Ierusalem que hedificatur ut ciuitas. cuius partici-  
10 patio eius in idipsum. illuc enim ascenderunt tribus tribus domini testimonium ysrael ad confitendum nomini tuo domine.

(*Post communio.*)

**D**A nobis misericors deus. ut sancta tua quibus incessanter explemur sinceris tractemus obsequiis : et fideli mente  
15 semper sumamus. Per.

## FERIA SECUNDA.

(*Statio ad sanctos iiij<sup>or</sup> coronatos.*)

(*Introitus.*)

**D**EUS in nomine tuo saluum me fac et in uirtute tua iudica me.  
20 deus exaudi orationem meam.

(*Ps.*) Auribus percipe uerba oris mei. (*V.*) Gloria.

(*Oratio.*)

**P**Resta quesumus omnipotens deus ut obseruationes sacras annua deuotione recolentes. et corpore tibi placeamus et  
25 mente. Per.

(*lectio libri regum*) [III. Regum. iii. 16–28].

**I**N diebus illis. Uenerunt due mulieres meretrices ad regem salomonem. steterunt coram eo. Quarum una ait. Obsecro mi domine : ego et mulier hec habitabamus in domo  
30 una : et peperim apud eam in cubiculo. Tertia uero die postquam ego peperim peperit et hec. Et eramus simul : nullusque alius in domo nobiscum exceptis nobis duabus. Mortuus est autem filius mulieris huius nocte. dormiens quippe oppressit eum. Et consurgens in tempeste noctis silentio. tulit filium  
35 meum de latere meo ancille tue dormientis. et collocauit in sinu suo. Suum autem filium qui erat mortuus : posuit in sinu meo. Cumque surrexissem mane ut darem lac filio meo : apparuit mortuus. Quem diligentius intuens clara luce deprehendi non esse meum quem genueram. Responditque altera mulier. Non est ita. sed filius tuus mortuus est:  
40

meus autem uiuit. E contrario illa dicebat. mentiris. Filius quippe meus uiuit. et filius tuus mortuus est. Atque in hunc modum contendebant coram rege. Tunc rex ait. Hec dicit filius meus uiuit. et filius tuus mortuus est: et ista respondit  
 5 non. sed filius tuus mortuus est et filius meus uiuit. Dixit ergo rex. Afferte michi gladium. Cumque attulissent gladium coram rege ait. Diuidite inquit infantem uiuum in duas partes: et date dimidiam partem uni: et dimidiam partem alteri. Dixit autem mulier cuius filius erat uiuus ad  
 10 regem. commota sunt quippe uiscera eius super filio suo. Obsecro domine. date illi infantem uiuum: et nolite interficere eum. E contrario illa dicebat. Nec michi nec tibi sit. sed diuidatur. Respondit rex et ait. Date huic infantem uiuum et non occidatur. hec est enim mater eius. Audiuit itaque  
 15 omnis israel iudicium quod iudicasset rex et timuerunt regem. uidentes sapientiam dei esse in eo ad faciendum iudicium.

(*Graduale.*) Esto michi in deum protectorem et in locum refugii. ut saluum me facias. (*V.*) Deus in te speraui domine non confundar in eternum.

20 (*Secundum Iohannem*) [Ioan. ii. 13-25].

**I**N illo tempore. Prope erat pascha iudeorum et ascendit iesus yerosolimam. Et inuenit in templo uendentes oues et boues et columbas. et numularios sedentes. Et cum fecisset quasi flagellum de funiculis: omnes eiecit de templo:  
 25 oues quoque et boues. Et numulariorum effudit es et mensas subuertit. Et his qui columbas uendebant. dixit. Auferte ista hinc: et nolite facere domum patris mei. domum negotiationis. Recordati uero sunt discipuli eius quia scriptum est. zelus domus tue comedit me. Responderunt ergo iudei. et  
 30 dixerunt ei. Quod signum ostendis nobis. quia hec facis. Respondit iesus. et dixit eis. Soluite templum hoc: et in tribus diebus excitabo illud. Dixerunt ergo iudei. Quadraginta et sex annis edificatum est templum hoc. et tu in tribus diebus excitabis illud. Ipse autem dicebat. de templo  
 35 corporis sui. Cum ergo resurrexisset a mortuis. recordati sunt discipuli eius. quia de hoc dicebat. Et crediderunt scripture. et sermoni quam† dixit iesus Cum autem esset ierosolimis. in pascha in die festo: multi crediderunt in nomine eius. uidentes signa eius que faciebat. Ipse autem iesus non  
 40 credebat semetipsum eis eo quod ipse nosset omnes. et quia opus ei non erat ut quis testimonium perhiberet de homine. Ipse enim sciebat quod esset in homine.

(*Offertorium.*) Iubilate deo omnis terra. iubilate/ deo [fo. 39b. omnis terra. seruite domino in letitia intrate in conspectu eius in  
 45 exultatione quia dominus ipse est deus.

(Secreta.)

O Blatum tibi domine sacrificium uiuificet nos semper et muniat. Per.

(Communio.) Ab occultis meis munda me domine. et ab alienis  
5 parce seruo tuo.

(Post communio.)

S Umpis domine salutaribus sacramentis ad redemptionis eterne. quesumus proficiamus augmentum†. Per.

Super populum.

10 (Oratio.)

D Eprecationem nostram quesumus domine benignus exaudi: et quibus supplicandi prestas affectum: tribue defensionis auxilium. Per.

FERIA TERTIA.

15 (Statio ad sanctum laurentium in damascum†.

Introitus.)

E Xaudi deus orationem meam et ne despexeris deprecationem meam. intende in me et exaudi me.

(Ps.) Contristatus sum in exercitatione mea et conturbatus sum  
20 a uoce inimici. et a tribulatione peccatoris. (N.) Gloria patri.

(Oratio.)

S Acre nobis quesumus domine obseruationis ieiunia et pie conuersationis augmentum et tue propitiationis continuum prestent auxilium. Per.

25 (lectio libri exodi) [Exod. xxxii. 7-14].

I N diebus illis. Locutus est dominus ad moysen dicens. Descende de monte quia peccauit populus tuus quem eduxisti de terra egypti. Recesserunt cito de uia quam ostendisti eis. Feceruntque sibi uitulum conflatilem. et  
30 adorauerunt atque immolantes ei hostias dixerunt. Isti sunt dii tui ysrael. qui te eduxerunt de terra egypti. Rursumque ait dominus ad moysen. Cerno quod populus iste dure ceruicis sit. dimitte me. ut irascatur furor meus contra eos. et deleam eos faciamque te in gentem magnam Moyses autem  
35 orabat dominum deum suum dicens. Cur domine irascitur furor tuus contra populum tuum. quem eduxisti de terra egypti. in fortitudine magna et in manu robusta? Ne queso dicant egyptii. calide eduxit eos ut interficeret in montibus: et deleret de terra. Quiescat ira tua: et esto placabilis super  
40 nequitiam populi tui. Recordare abraam ysaac et ysrael

seruorum tuorum quibus iurasti per teipsum dicens. Multiplicabo semen uestrum sicut stellas celi. et uniuersam terram hanc. de qua locutus sum. dabo semini uestro et possidebitis eam semper. Placatusque est dominus. ne  
 5 faceret malum quod locutus fuerat aduersus populum suum. Et misertus est populo suo. dominus deus noster.

(*Graduale.*) Exurge domine fer opem nobis et libera nos propter nomen tuum. (V.) Deus auribus nostris audiuius et patres nostri annuntiauerunt nobis opus quod operatus es in diebus eorum. et in  
 10 diebus antiquis.

(*Secundum Iohannem*) [Ioan. vii. 14-31].

IN illo tempore. Iam die festo mediante ascendit iesus in templum. et docebat. Et mirabantur iudei dicentes. Quomodo hic literas scit cum non didicerit? Respondit  
 15 eis iesus et dixit. Mea doctrina non est mea. sed eius qui misit me. Si quis uoluerit uoluntatem eius facere. cognoscet de doctrina mea/ utrum ex deo sit. an ego a meipso [fo. 40. loquar. Qui a semetipso loquitur gloriam propriam querit. Qui autem querit gloriam eius qui misit illum hic uerax est.  
 20 iniustitia in illo non est. Nonne moyses dedit uobis legem. et nemo ex uobis facit legem? Quid me queritis interficere? Respondit turba: et dixit. Demonium habes. Quis te querit interficere. Respondit iesus. et dixit eis. Unum opus feci: et omnes miramini. Propterea moyses dedit uobis  
 25 circuncisionem. non quia ex moyse est. sed ex patribus. Et in sabbato circunciditis hominem: Si circuncisionem accipit homo in sabbato. ut non soluatur lex moysi: michi indignamini quia totum hominem sanum feci in sabbato? Nolite iudicare secundum faciem sed iustum iudicium iudicate.  
 30 Dicebant ergo quidam ex yerosolimis. nonne hic est. quem querunt iudei interficere? Ecce palam loquitur: et nichil ei dicunt. Nunquid uere cognouerunt principes: quia hic est christus? Sed hunc scimus unde sit. Christus autem cum uenerit: nemo scit unde sit. Clamabat ergo docens in  
 35 templo iesus. et dicens. Et me scitis et unde sim scitis. Et a meipso non ueni: sed est uerus qui misit me. quem uos nescitis. Ego scio eum. Et si dixero quia nescio eum. ero similis uobis mendax. Sed scio eum. quia ab ipso sum. et ipse me misit. Querebant ergo eum apprehendere. et nemo  
 40 misit in illum manus. quia nondum uenerat hora eius. De turba autem. multi crediderunt in eum.

(*Offertorium.*) Expectans expectaui dominum et respexit me. et exaudiuit deprecationem meam. et immisit in os meum canticum nouum ymnum deo nostro.

(Secreta.)

**H**Ec hostia domine quesumus emundet nostra delicta: et ad sacrificium celebrandum subditorum tibi corpora mentesque sanctificet. Per.

5 (*Communio.*) Letabimur in salutari tuo. et in nomine dei nostri magnificabimur.

(Post communio.)

**H**uius nos domine perceptio sacramenti mundet a crimine: et ad celestia regna perducat. Per.

10 *Super populum.*

(Oratio.)

**M**iserere domine populo tuo. et continuis tribulationibus laborantem. propitius respirare concede. Per.

FERIA QUARTA.

15 (*Statio ad sanctum paulum.*

*Introitus.*)

**C**Um sanctificatus fuero in uobis. congregabo uos de uniuersis terris. et effundam super uos aquam mundam. et mundabimini ab omnibus inquinamentis uestris. et dabo uobis spiritum nouum.

20 (*Ps.*) Benedicam dominum in omni tempore. semper laus eius in ore meo. (*V.*) Gloria.

Oremus. Flectamus genua. Leuate.

(Oratio.)

25 **D**eus qui et iustis premia meritorum. et peccatoribus per ieiunium ueniam prebes: miserere supplicibus tuis. ut reatus nostri confessio. indulgentiam ualeat percipere delictorum. Per.

(lectio ezechielis prophete) [Ezech. xxxvi. 23-28].

30 **H**Ec dicit dominus deus. Sanctificabo nomen meum magnum. ut sciant gentes quia ego dominus. cum sanctificatus fuero/ in uobis coram eis. Tollam quippe uos [fo. 40b. de gentibus. et congregabo uos de uniuersis terris. et adducam uos in terram uestram. Et effundam super uos aquam mundam. et mundabimini ab omnibus inquinamentis uestris. 35 ab uniuersis ydolis uestris. mundabo uos. Et dabo uobis cor nouum: et spiritum nouum ponam in medio uestri. Et auferam cor lapideum: de carne uestra: et dabo uobis cor carneum. et spiritum meum ponam in medio uestri. Et faciam ut in preceptis meis ambuletis. et iudicia mea custodiatis. et operemini. Et habitabitis in terra quam dedi 40

patribus uestris. et eritis michi in populum. et ego ero uobis in deum. Dicit dominus omnipotens.

(*Graduale.*) Uenite filii audite me timorem domini docebo uos.

(*V.*) Accedite ad eum et illuminamini. et facies uestre non confundentur.

*Hic dicitur.* Dominus uobiscum. *sine* Flectamus genua.

(*Oratio.*)

**P**RESTA quesumus omnipotens deus ut quos ieiunia uotiuu castigant. ipsa quoque deuotio sancta letificet. ut  
10 terrenis affectibus mitigatis. facilius celestia capiamus. Per.

(*lectio ysaye prophete*) [Isa. i. 16–19].

**H**EC dicit dominus. Lauamini. mundi estote. auferte  
malum cogitationum uestrarum ab oculis meis.  
Quiescite agere peruerse: discite benefacere. Querite iudi-  
15 cium. subuenite oppresso. iudicate pupillo. defendite uiduam  
et uenite et arguite me dicit dominus. Si fuerint peccata  
uestra ut coccinum: quasi uir<sup>1</sup> dealbabuntur. Et si fuerint  
rubra quasi uermiculus: uelut lana alba erunt. Si uolueritis  
et audierit[i]s me: bona terre comedetis. Dicit dominus  
20 omnipotens.

(*Graduale.*) Beata gens cuius est dominus deus eorum. populus quem elegit dominus in hereditatem sibi. (*V.*) Uerbo domini celi firmati sunt et spiritu oris eius omnis uirtus eorum.

(*Secundum Iohannem*) [Ioan. ix. 1–38].

**I**N illo tempore. Preteriens iesus uidit hominem cecum  
a natiuitate. Et interrogauerunt eum discipuli sui. Rabi  
quis peccauit. hic. aut parentes eius: ut cecus nasceretur?  
Respondit iesus. Neque hic peccauit. neque parentes eius. sed  
ut manifestentur opera dei in illo. Me oportet operari opera  
30 eius qui misit me: donec dies est. Uenit nox: quando nemo  
potest operari. Quamdiu in mundo sum. lux sum mundi.  
Hec cum dixisset. expuit in terram et fecit lutum ex [s]puto.  
et liniuit lutum super oculos eius. et dixit ei: Uade et lauare  
in natatoria syloe: quod interpretatur missus. Abiit ergo et  
35 lauit. et uenit uidens. Itaque uicini et qui uiderant eum prius  
quia mendicus erat: dicebant. Nonne hic est qui sedebat et  
mendicabat? Alii dicebant. quia hic est. Alii autem nequa-  
quam. sed similis eius est. Ille uero dicebat. quia ego sum.  
Dicebant ergo ei. Quomodo aperti sunt tibi oculi? Re-  
40 spondit. Ille homo. qui dicitur iesus: lutum fecit. et unxit  
oculos meos. et dixit michi. Uade ad natatoria syloe. et

<sup>1</sup> *uir* has been printed and then altered by hand into *nix*, the last letter of which resembles *z*.



laua. Et abii./ et laui. et uidi. Dixerunt ergo ei. Ubi [fo. 41.  
est ille? Ait nescio. Adducunt eum ad phariseos: qui cecus  
fuerat. Erat autem sabbatum. quando lutum fecit iesus. et  
aperuit oculos eius. Iterum interrogabant eum pharisei.  
5 quomodo uidisset. Ille autem dixit eis. lutum posuit michi  
super oculos. et laui. et uideo. Dicebant ergo ex phariseis  
quidam Non est hic homo a deo: qui sabbatum non  
custodit. Alii autem dicebant. Quomodo potest homo  
peccator hec signa facere? Et scisma erat inter eos. Dicunt  
o ergo ceco iterum. Tu quid dicis de eo qui aperuit oculos  
tuos? Ille autem dixit quia propheta est. Non crediderunt  
ergo iudei de illo quod cecus fuisset et uidisset. donec  
uocauerunt parentes eius. qui uiderat. et interrogauerunt  
eos dicentes. Hic est filius uester quem uos dicitis quia cecus  
5 natus est? Quomodo ergo nunc uidet? Responderunt eis  
parentes eius: et dixerunt. Scimus quia hic est filius noster.  
et quia cecus natus est. Quomodo autem nunc uideat  
nescimus. aut quis eius aperuit oculos nos nescimus. Ipsum  
interrogate. etatem habet. Ipse de se loquatur. Hec  
o dixerunt parentes eius. quia timebant iudeos. Iam enim  
conspirauerant iudei: ut si quis eum confiteretur christum  
extra synagogam fieret. Propterea parentes eius dixerunt.  
quia etatem habet. ipsum interrogate. Uocauerunt ergo  
rursum hominem qui cecus fuerat. et dixerunt ei. Da  
5 gloriam deo. Nos scimus. quia hic homo peccator est.  
Dixit ergo ille. Si peccator est nescio: unum scio. quia  
cum essem cecus modo uideo. Dixerunt ergo illi. Quid  
fecit tibi? Quomodo aperuit tibi oculos? Respondit eis.  
Dixi uobis iam. et audistis. Quid iterum uultis audire?  
o Nunquid et uos uultis discipuli eius fieri? Maledixerunt  
ei. et dixerunt: Tu discipulus illius sis. nos autem moysi  
discipuli sumus. Nos scimus. quia moysi locutus est deus.  
Hunc autem nescimus. unde sit. Respondit ille homo et  
dixit eis. In hoc enim mirabile est. quia uos nescitis  
; unde sit. et aperuit oculos meos. Scimus autem. quia  
peccatores deus non audit. sed si quis dei cultor est. et  
uoluntatem eius facit. Hunc exaudit. A seculo non est  
auditum. quia aperuit quis oculos ceci nati. Nisi esset hic  
a deo. non poterat facere quicquam. Responderunt. et  
dixerunt ei. In peccatis natus es totus. et tu doces nos?  
Et eiecerunt eum foras. Audiuit iesus. quia eiecerunt eum  
foras. et cum inuenisset eum. dixit ei. Tu credis in filium dei?  
Respondit ille. et dixit. Quis est domine ut credam in eum?  
Et dixit ei iesus Et uidisti eum: et qui loquitur tecum ipse est.  
At ille ait. Credo domine. Et procidens adorauit eum.

(*Offertorium.*) Benedicite gentes dominum deum nostrum. et obaudite uocem laudis eius. qui posuit animam meam ad uitam. et non dedit commoueri pedes meos. benedictus deus qui non amouit deprecationem meam. et misericordiam/ suam a me. [fo. 41b.]

5 (Secreta.)

Supplices te rogamus omnipotens deus. ut his sacrificiis peccata nostra mudentur. quia tunc ueram nobis tribuis et mentis et corporis sanitatem. Per.

(*Communio.*) Lutum fecit ex sputo dominus. et liniuit oculos  
10 meos. et abii et laui et uidi et credidi deo.

(*Post communio.*)

Sacramenta que sumpsimus domine deus noster: et spiritualibus nos repleant alimentis. et corporalibus tueantur auxiliis. Per.

15 *Super populum.*

(*Oratio.*)

Pateant aures misericordie tue domine precibus supplicantium. et ut petentibus desiderata concedas fac eos que tibi sunt placita postulare. Per.

20 FERIA QUINTA.

(*Statio ad sanctum siluestrum.*

*Introitus.*)

Letetur cor querentium dominum querite dominum et confirmamini. querite faciem eius semper.

25 (*Ps.*) Confitemini domino et inuocate nomen eius. annuntiate inter gentes opera eius. (*V.*) Gloria.

(*Oratio.*)

Presta quesumus omnipotens deus. ut quos ieiunia uotiuacastigant. ipsa quoque deuotio sancta letificet. ut terrenis  
30 affectibus mitigatis: facilius celestia capiamus. Per.

(*lectio libri regum*) [IV. Regum iv. 25–38].

IN diebus illis. Uenit mulier sunamitis ad helyseum. in montem carmeli. Cumque uidisset eam uir dei de contra ait ad giezi puerum suum. Ecce sunamitis illa Uade ergo  
35 in occursum eius. et dic ei. Recte ne agitur. circa te. et circa uirum tuum et circa filium tuum? Que respondit. Recte. Cumque uenisset ad uirum dei in montem. apprehendit pedes eius. Et accessit giezi. ut amoueret eam. Et ait homo dei. dimitte illam. Anima enim eius in amaritudine est. et  
40 dominus celauit hoc a me. et non indicauit michi. Que dixit

illi. Nunquid petiui filium a domino meo? Numquid non dixi tibi. ne illudas me? Et ille ait ad giezi. Accinge lumbos tuos. et tolle baculum meum in manu tua. et uade. Si occurrerit tibi homo. non salutes eum. et si salutauerit te quispiam. non respondeas illi. et pones baculum meum super faciem pueri. Porro mater pueri ait. Uiuu dominus et uiuuit anima tua. non dimittam te. Surrexit ergo. et secutus est eam. Giezi autem precesserat ante eos. et posu[e]rat baculum super faciem pueri. et non erat uox neque sensus. Reuersusque est giezi in occursum eius. et nuntiauit ei dicens. Non surrexit puer. Ingressus est ergo. heliseus domum. et ecce puer iacebat mortuus in lectulo eius. Ingressusque clausit hostium super se. et super puerum. et orauit ad dominum. Et ascendit et incubuit super puerum posuitque os suum super os eius. et oculos suos super oculos eius. et manus suas super manus eius. et incuruauit se super eum. et calefacta est caro pueri. At ille reuersus deambulauit in domo semel. huc atque illuc. Et ascendit et incubuit super eum. et oscitauit puer septies aperuitque oculos suos. At ille uocauit giezi. et dixit ei. Uoca sunamitem hanc. Que uocata. ingressa est ad eum. Cui ait: Tolle filium [fo. 42. tuum. Uenit autem illa. et corruit ad pedes eius. et adorauit super terram. tulitque filium suum et egressa est. Helyseus uero reuersus est in galgala.

(*Graduale.*) Respice domine in testamentum tuum. et animas pauperum tuorum ne obliuiscaris in finem. (*V.*) Exurge domine. et iudica causam tuam memor esto obprobrii seruorum tuorum.

(*Secundum lucam*) [Luc. vii. 11-16].

**I**N illo tempore. Ibat iesus in ciuitatem que uocatur naym et ibant cum illo discipuli eius: et turba copiosa. Cum autem appropinquaret porte ciuitatis. ecce defunctus efferebatur. filius unicus matris sue. Et hec uidua erat. et turba ciuitatis multa cum illa. Quam cum uidisset iesus. misericordia motus super eam. dixit illi. Noli flere. Et accessit et tetigit loculum. Hi autem qui portabant steterunt. Et ait. Adolescens tibi dico surge. Et resedit qui erat mortuus. et cepit loqui. Et dedit illum matri sue. Accepit autem omnes timor et magnificabant deum dicentes. Quia propheta magnus surrexit in nobis: et quia deus uisitauit plebem suam.

(*Offertorium.*) Domine ad adiuuandum me festina. confundantur omnes aduersum me. qui cogitant seruis tuis mala.

(Secreta.)

PURifica nos misericors deus ut ecclesie tue preces que tibi grate sunt pia munera deferentes. fiant expiatis mentibus gratiores. Per.

5 (Communio.) Domine memorabor iustitie tue solius. deus docuisti me a iuuentute mea et usque in senectam et senium deus ne derelinquas me.

(Post communio.)

10 CElestia dona capientibus quesumus domine. non ad iudicium prouenire patiaris : que fidelibus tuis ad remedium prouidisti. Per.

Super populum.

(Oratio.)

15 POPuli tui deus institutor et rector. peccata quibus impugnatur expelle : ut semper tibi placitus : et tuo munimine sit securus. Per.

FERIA SEXTA.

(Statio ad sanctum eusebium.

Introitus.)

20 MEDITatio cordis mei in conspectu tuo semper. domine adiutor meus et redemptor meus.

(Ps.) Celi enarrant gloriam dei. et opera manuum eius annuntiat firmamentum. (V.) Gloria.

(Oratio.)

25 DEUS qui ineffabilibus mundum renouas sacramentis : presta quesumus : ut ecclesia tua. et eternis proficiat institutis et temporalibus non destituatur auxiliis. Per.

(lectio libri regum) [III. Regum. xvii. 17-24].

30 IN diebus illis : Egrotauit filius mulieris matris familias. et erat languor fortissimus. ita ut non remaneret in eo alitus. Dixit ergo ad helyam. Quid michi et tibi uir dei? Ingressus es ad me ut rememorarentur iniquitates mee. et interficeres filium meum. Et ait ad eam helyas. Da michi filium tuum. Tulitque eum de sinu illius. et portauit in cenaculum ubi ipse  
35 manebat. et posuit super lectum suum. et clamauit ad dominum. et dixit. Domine deus meus. etiamne uiduam apud quam ego utcumque sustentor afflixisti. ut interficeres filium eius? Et expandit se atque mensus est super puerum tribus/  
uicibus. clamauitque ad dominum et dixit. Domine [fo. 42b.  
40 deus meus. reuertatur obsecro anima pueri huius in uiscera eius.

Exaudiuit autem dominus uocem helye. et reuersa est anima pueri intra eum et reuixit. Tullitque helyas puerum. et deposuit eum de cenaculo in inferiorem domum. et tradidit matri sue. et ait illi. En uiuit filius tuus. Dixitque mulier ad  
 5 helyam. Nunc in isto cognoui quoniam uir dei es tu. et uerbum domini in ore tuo uerum est.

(*Graduale.*) Bonum est confidere in domino quam confidere in homine. (*V.*) Bonum est sperare in domino. quam sperare in principibus.

(*Secundum Iohannem*) [Ioan. xi. 1-45].

10 **I**N illo tempore. Erat quidam languens lazarus a bethania. de castello marie et marthe sororum eius. Maria autem erat que unxit dominum unguento. et extersit pedes eius capillis suis. cuius frater lazarus infirmabatur. Miserunt ergo  
 15 sorores eius ad eum dicentes. Domine ecce quem amas infirmatur. Audiens autem iesus dixit eis. Infirmitas hec non est ad mortem. sed pro gloria dei : ut glorificetur filius dei per eam. Diligebat autem iesus martham et sororem eius mariam. et lazarus. Ut ergo audiuit quia infirmabatur. tunc  
 20 quidem mansit in eodem loco duobus diebus. Deinde post hec. dicit discipulis suis. Eamus in iudeam iterum. Dicunt ei discipuli. Rabi. nunc querebant te iudei lapidare. et iterum uadis illuc? Respondit iesus. Nonne duodecim hore sunt diei? Si quis ambulauerit in die non offendit. quia  
 25 lucem huius mundi uidet Si autem ambulauerit in nocte offendit. quia lux non est in eo. Hec ait. et post hec dicit eis. Lazarus amicus noster dormit. sed uado ut a somno excitem eum. Dixerunt ergo discipuli eius. Domine si dormit saluus erit. Dixerat autem iesus de morte eius. Illi  
 30 autem putauerunt. quia de dormitione somni diceret. Tunc ergo dixit eis iesus manifeste. Lazarus mortuus est. et gaudeo propter uos. ut credatis quoniam non eram ibi. Sed eamus ad eum. Dixit ergo thomas qui dicitur didimus. ad condiscipulos. Eamus et nos et moriamur cum eo. Uenit  
 35 itaque iesus. et inuenit eum quatuor dies iam in monumento habentem. Erat autem bethania iuxta yerosolimam. quasi stadiis quindecim. Multi autem ex iudeis uenerant ad martham et mariam ut consolarentur eas de fratre suo. Martha ergo ut audiuit quia iesus uenit. occurrit illi. Maria  
 40 autem domi sedebat. Dixit ergo martha ad iesum. Domine si fuisses hic frater meus non fuisset mortuus. Sed et nunc scio. quia quecumque poposceris a deo. dabit tibi deus. Dicit illi iesus. Resurget frater tuus. Dicit ei martha. Scio quia resurget in resurrectione in nouissimo die. Dicit ei iesus.  
 45 Ego sum resurrectio et uita. Qui credit in me. etiam si mor-

tuus fuerit uiuet. Et omnis qui uiuit. et credit in me. non morietur in eternum./ Credis hoc? Ait illi. Utique domine. [fo. 43. Ego credidi. quia tu es christus filius dei uiui qui in hunc mundum uenisti. Et cum hec dixisset abiit et uocauit  
5 mariam sororem suam silentio dicens. Magister adest. et uocat te. Illa autem ut audiuit surrexit cito et uenit ad eum. Nondum enim uenerat iesus in castellum. sed erat adhuc in loco illo. ubi occurrerat ei martha Iudei igitur qui erant cum ea in domo et consolabantur eam. cum uidissent  
10 mariam quia cito surrexit et exiit. secuti sunt eam dicentes. Quia uadit ad monumentum ut deploret ibi. Maria ergo cum uenisset ubi erat iesus. uidens eum cecidit ad pedes eius. et dixit ei. Domine si fuisses hic frater meus non esset mortuus. iesus ergo ut uidit eam plorantem. et iudeos qui  
15 uenerant cum ea plorantes: infremuit spiritu et turbauit semetipsum. et dixit. Ubi posuistis eum? Dicunt ei. Domine ueni et uide. Et lacrymatus est iesus. Dixerunt ergo iudei. Ecce quomodo amabat eum. Quidam autem ex ipsis dixerunt. Non poterat hic qui aperuit oculos ceci nati facere ut  
20 et hic non moriretur†? Iesus ergo rursum fremens in semetipso. uenit ad monumentum. Erat autem spelunca. et lapis superpositus erat ei. Ait iesus. Tollite lapidem. Dicit ei martha. soror eius qui fuerat mortuus. Domine iam fetet quatruiduanus enim est. Dicit ei iesus Nonne dixi tibi  
25 quoniam si credideris uidebis gloriam dei? Tulerunt ergo lapidem. Iesus autem eleuatis oculis sursum dixit. Pater gratias tibi ago. quoniam audisti me. Ego autem sciebam. quoniam semper me audis. Sed propter populum qui circumstat dixi. ut credant quia tu me misisti. Hec cum dixisset.  
30 uoce magna clamauit. Lazare ueni foras Et statim prodiit qui fuerat mortuus: ligatus pedes et manus institis et facies illius sudario erat ligata. Dicit eis iesus. Soluite eum: et sinite abire. Multi ergo ex iudeis qui uenerant ad mariam et martham. et uiderant que fecit iesus. crediderunt in eum.

35 (*Offertorium.*) Populum humilem saluum facies domine. et oculos superborum humiliabis. quoniam quis deus preter te domine.

(*Secreta.*)

40 **M**Unera nos domine quesumus oblata purificent. et te nobis iugiter faciant esse placatum. Per.

(*Communio.*) Uidens dominus flentes sorores lazari ad monumentum lacrimatus est coram iudeis. et clamabat lazare ueni foras. et prodiit ligatis manibus et pedibus qui fuerat quatruiduanus mortuus.

(Post communio.)

Hec nos quesumus domine participatio sacramenti : et a propriis reatibus indesinenter expediat. et ab omnibus tueatur aduersis. Per.

5 *Super populum.*

(Oratio.)

DA quesumus omnipotens deus. ut qui infirmitatis nostre conscii de tua uirtute confidimus. sub tua semper pietate gaudeamus. Per.

10

SABBATO.

(Statio ad sanctum nycholaum.

Introitus.)

Sitientes uenite ad aquas dicit dominus. et qui non/ [fo. 43b. habetis pretium uenite et bibite cum letitia.

15 (Ps.) Attendite popule meus legem meam inclinate aurem uestram in uerba oris mei. (V.) Gloria patri et filio.

(Oratio.)

Fiat domine quesumus per gratiam tuam fructuosus nostre deuotionis affectus : quia tunc nobis proderunt suscepta  
20 ieiunia si tue sint placita pietati. Per.

(lectio ysaye prophete) [Isa. xlix. 8-15].

Hec dicit dominus : In tempore placito exaudiui te. et in die salutis auxiliatus sum tui. Et seruauui te. et dedi te. in fedus populi. ut suscitares terram. et possideres hereditates  
25 dissipatas : ut diceres his qui ui[n]cti sunt exite. et his qui in tenebris sunt reuelamini. Super uias pascentur. et in omnibus planis pascua eorum. Non esurient neque sitient. et non percutiet eos estus et sol. quia miserator eorum reget eos. et ad fontes aquarum potabit eos Et ponam omnes montes  
30 meos in uiam. et semite mee exaltabuntur. Ecce isti de longe uenient. et ecce illi ab aquilone et mari. et isti de terra australi. Laudate celi et exultet terra. iubilate montes laudem quia consolatus est dominus populum suum. et pauperum suorum miserebitur. Et dixit syon. Dereliquit me dominus.  
35 et dominus oblitus est mei. Numquid obliuisci potest mulier infantem suum. ut non misereatur filio uteri sui? Et si illa oblita fuerit. ego tamen non obliuiscar tui. Dicit dominus omnipotens.

(Graduale.) Tibi domine derelictus est pauper. pupillo tu eris adiutor. (V.) Ut quid domine recessisti longe. despicias in opportunitatibus in tribulatione dum superbit impius incenditur pauper.

ROMAN.

I

(*Secundum Iohannem*) [Ioan. viii. 12–20].

IN illo tempore. Dicebat iesus turbis iudeorum. Ego sum  
lux mundi. Qui sequitur me non ambulat in tenebris.  
sed habebit lumen uite. Dixerunt ergo ei pharisei. Tu de  
5 te ipso testimonium perhibes. testimonium tuum non est  
uerum. Respondit iesus. et dixit eis. Et si ego testimonium  
perhibeo de me ipso. uerum est testimonium meum. quia  
scio unde ueni. et quo uado. Uos autem nescitis unde uenio.  
aut quo uado. Uos autem secundum carnem iudicatis. ego  
10 non iudico quemquam. Et si ego iudico. iudicium meum  
uerum est: quia solus non sum. sed ego et qui misit me  
pater. Et in lege uestra scriptum est. quia duorum hominum  
testimonium uerum est. Ego sum qui testimonium perhibeo  
de me ipso: et testimonium perhibet de me. qui misit me  
15 pater. Dicebant ergo ei. Ubi est pater tuus? Respondit  
iesus. Neque me scitis. neque patrem meum. Si me sciretis.  
forsitan et patrem meum sciretis. Hec uerba locutus est iesus  
in gazophilatio docens in templo. Et nemo apprehendit eum.  
quia nondum uenerat hora eius.

20 (*Offertorium.*) Factus est dominus firmamentum meum et refu-  
gium meum. et liberator meus sperabo in eum

(*Secreta.*)

O Blationibus quesumus domine placare susceptis. et ad te  
nostras etiam rebelles compelle propitius uoluntates.

25 Per.

(*Communio.*) / Dominus regit me et nichil michi deerit [fo. 44.  
in loco pascue ibi me collocauit super aquam refectionis educauit  
me.

(*Post communio.*)

30 T Ua nos domine quesumus sancta purificent. et operationis  
sue remedio tibi faciant esse placatos. Per.

*Super populum.*

(*Oratio.*)

35 D Eus qui sperantibus in te misereri potius eligis quam  
irasci. da nobis digne flere mala que fecimus: ut tue  
consolationis gratiam inuenire ualeamus. Per.

DOMINICA DE PASSIONE.

(*Statio ad sanctum petrum.*

*Introitus.*)

40 I UDICA me deus et discerne causam meam de gente non sancta  
ab homine iniquo et doloso eripe me quia tu es deus meus et  
fortitudo mea.



(Ps.) Emitte lucem tuam et ueritatem tuam. ipsa me deduxerunt et adduxerunt in montem sanctum tuum et in tabernacula tua. (V.) Gloria. *Non dicitur ad introitum usque ad pascha nisi in missa de festo si occurrerit. sed finito psalmo absolute reincipitur.*  
 5 *introitus.*

(Oratio.)

Quesumus omnipotens deus. familiam tuam propitius respice. ut te largiente regatur in corpore. et te seruante custodiatur in mente. Per.

10 *Ab hac die usque ad feriam quintam cene domini post orationem diei dicitur. (oratio.)* Ecclesie tue. uel Deus omnium fidelium.

(Ad hebreos) [Heb. ix. 11-15].

15 FRatres. Christus assistens pontifex futurorum bonorum per amplius et perfectius. tabernaculum non manufactum idest non huius creationis. Neque per sanguinem hyrcorum aut uitulorum: sed per proprium sanguinem introiuit semel in sancta. eterna redemptione inuenta. Si enim sanguis hyrcorum aut thaurorum et cinis uitule aspersus inquinatos sanctificat ad emundationem carnis: quanto magis  
 20 sanguis christi. qui per spiritum sanctum semetipsum obtulit immaculatum deo. emundabit conscientiam nostram ab operibus mortuis. ad seruiendum deo uiuenti. Et ideo noui testamenti mediator est. ut morte intercedente in redemptionem earum preuaricationum que erant sub priori testamento repromissionem accipiant qui uocati sunt eterne hereditatis. In christo iesu domino nostro.

(Graduale.) Eripe me domine de inimicis meis doce me facere uoluntatem tuam. (V.) Liberator meus domine de gentibus iracundis. ab insurgentibus in me exaltabis me. a uiro iniquo eripies me.

(Tractus.) Sepe expugnauerunt me a iuuentute mea. (V.) Dicat nunc ysrael. sepe expugnauerunt me a iuuentute mea. (V.) Et enim non potuerunt michi. supra dorsum meum fabricauerunt peccatores.  
 35 (V.) Prolungauerunt† iniquitatem sibi dominus iustus concidet ceruices peccatorum.

(Secundum Iohannem) [Ioan. viii. 46-59].

IN illo tempore. Dicebat iesus turbis iudeorum. et principibus sacerdotum. Quis ex uobis arguet me de peccato?  
 40 Si ueritatem dico uobis. quare non creditis michi? Qui est ex deo. uerba dei audit. Propterea uos non auditis. quia ex deo non estis. Responderunt ergo iudei. et dixerunt ei. Nonne bene dicimus nos quia samaritanus es tu. et demonium

habes? Respondit iesus. Ego demonium non habeo sed honorifico patrem meum: et/ uos inhonorastis me. [fo. 44b. Ego autem non quero gloriam meam. est qui querat et iudicet. Amen amen dico uobis: si quis sermonem meum  
 5 seruauerit. mortem non uidebit in eternum. Dixerunt ergo ei iudei. Nunc cognouimus quia demonium habes. Abraam mortuus est et prophete. et tu dicis. si quis sermonem meum seruauerit mortem non gustabit in eternum? Nunquid tu maior es patre nostro abraam qui mortuus est? et prophete  
 10 mortui sunt. Quem te ipsum facis? Respondit iesus. Si ego glorifico me ipsum: gloria mea nichil est. Est pater meus qui glorificat me. quem uos dicitis quia deus uester est. et non cognouistis eum. Ego autem noui eum. Et si dixero quia nescio eum: ero similis uobis mendax. Sed scio eum.  
 15 et sermonem eius seruo. Abraam pater uester exultauit ut uideret diem meum. uidit et gauisus est. Dixerunt ergo iudei ad eum. Quinquaginta annos nondum habes et abraam uidistis? Dixit eis iesus. Amen amen dico uobis antequam abraam fieret ego sum. Tulerunt ergo lapides  
 20 iudei ut iacerent in eum. Iesus autem abscondit se. et exiuit de templo.

(*Offertorium.*) Confitebor tibi domine in toto corde meo. retribue seruo tuo ut uiuam et custodiam sermones tuos. uiuifica me secundum uerbum tuum domine.

25 (Secreta.)

**H**Ec munera quesumus domine. et uincula nostre prauitatis absoluant. et tue nobis misericordie dona concilient.  
 Per.

(*Communio.*) Hoc corpus quod pro nobis tradetur hic calix  
 30 noui testamenti est in meo sanguine dicit dominus. hoc facite quotienscunque sumitis in meam commemorationem.

(*Post communio.*)

**A**Desto nobis domine deus noster. et quos tuis misteriis recreasti. perpetuis defende presidiis. Per.

35 FERIA SECUNDA.

(*Statio ad sanctum grisogonum.*)

(*Introitus.*)

**M**Iserere mei deus quoniam conculcauit me homo. tota die bellans tribulauit me.  
 40 (Ps.) Conculcauerunt me inimici mei tota die. quoniam multi bellantes aduersum me.

(Oratio.)

**S**anctifica quesumus domine. nostra ieiunia. et cunctarum nobis indulgentiam propitius largire culparum. Per.

(lectio Ione prophete) [Ionae iii. 1-10].

5 **I**N diebus illis. Factum est uerbum domini ad ionam prophetam secundo dicens. Surge et uade in niniuem ciuitatem magnam. et predica in ea predicationem quam ego loquar ad te. Et surrexit ionas. et abiit in niniuem ciuitatem iuxta uerbum domini. Et niniue erat ciuitas magna itinere  
10 dierum trium. Et cepit ionas introire in ciuitatem. itinere diei unius Et clamauit et dixit. Adhuc quadraginta dies: et niniue subuertetur. Et crediderunt uiri niniuite domino: et predicauerunt ieiunium et uestiti sunt saccis a maiore usque ad minorem. Et peruenit uerbum ad regem niniue: et surrexit  
15 de solio suo. et abiecit uestimentum suum a se. et indutus est sacco. et sedit in cinere. et clamauit et dixit In niniue ex ore regis et principum dicens. homines. et iumenta/ [fo. 45. et boues. et pecora. non gustent quicquam nec pascantur. et aquam non bibant. Et operiantur saccis homines et  
20 iumenta. clament ad dominum in fortitudine. Et conuertatur uir a uia sua mala. et ab iniquitate que est in manibus eorum. Quis scit si conuertatur et ignoscat deus et reuertatur a furore ire sue et non peribimus? Et uidit deus opera eorum quia conuersi sunt de uia sua mala: et misertus est populo suo  
25 dominus deus noster.

(Graduale.) Deus exaudi orationem meam. auribus percipe uerba oris me. (V.) Deus in nomine tuo saluum me fac. et in uirtute tua iudica me.

(Secundum Iohannem) [Ioan. vii. 32-39].

30 **I**N illo tempore. Miserunt principes et pharisei ministros ut apprehenderent iesum. Dixit ergo eis iesus. Adhuc modicum tempus uobiscum sum. et uado ad eum qui misit me. Queretis me et non inuenietis. et ubi sum ego. uos non potestis uenire. Dixerunt ergo iudei ad semetipsos. Quo  
35 hic iturus est quia non inueniemus eum? Nunquid in dispersionem gentium iturus est. et docturus gentes? Quis est hic sermo quem dixit. queretis me et non inuenietis. et ubi sum ego. uos non potestis uenire? In nouissimo autem die magno festiuitatis. stabat iesus. et clamabat. dicens. Si quis  
40 sitit. ueniat ad me. et bibat. Qui credit in me sicut dicit scriptura. flumina de uentre eius fluent aque uiue. Hec autem dixit de spiritu quem accepturi erant credentes in eum.

(*Offertorium.*) Domine conuertere et eripe animam meam. saluum me fac propter misericordiam tuam.

(*Secreta.*)

5 **C**Oncede nobis domine deus noster. ut hec hostia salutaris. et nostrorum fiat purgatio peccatorum. et tue propitiatio maiestatis. Per.

(*Communio.*) Dominus uirtutum ipse est rex glorie.

(*Post communio.*)

10 **S**acramenti tui quesumus domine propitiatio salutaris: et purificationem nobis tribuat et medellam. Per.

*Super populum.*

(*Oratio.*)

**D**A quesumus domine populo tuo salutem mentis et corporis. ut bonis operibus inherendo tua semper mereatur protectione defendi. Per.

FERIA TERTIA.

(*Statio ad sanctum cyriacum.*

*Introitus.*)

20 **E**Xpecta dominum uiriliter age et confortetur cor tuum. et sustine dominum.

(*Ps.*) Dominus illuminatio mea. et salus mea quem timebo.

(*Oratio.*)

**N**Ostra tibi quesumus domine sint accepta ieiunia que nos expiando gratia tua dignos efficiant. et ad remedia perducant eterna. Per.

(*lectio danielis prophete*) [Dan. xiv. 28-42].

**I**N diebus illis. Congregati sunt babiloni ad regem. et dixerunt ei. Trade nobis danielem: qui bel destruxit. et draconem interfecit. Alioquin interficiemus te et domum  
30 tuam. Uidit ergo rex. quod irruerent in eum uehementer et necessitate compulsus tradidit eis danielem. Qui miserunt eum in lacum leonum. et erat ibi sex diebus. Porro in lacu erant leones septem: et dabantur eis quottidie duo corpora et due/oues. Et tunc non data sunt eis ut deuorarent [fo. 45b.  
35 danielem. Erat autem abacuch propheta in iudea et ipse coxerat pulmentum et intriuerat panes in alueolo. et ibat in campum ut ferret messoribus. Dixitque angelus domini ad ababuch. Fer prandium quod habes in babilonem danieli. qui est in lacu leonum. Et dixit abacuch. Domine babilonem

non uidi: et lacum nescio. Et apprehendit eum angelus domini in uertice eius et portauit eum capillo capitis sui. Posuitque eum in babilone super lacum in impetu spiritus sui. Et clamauit abacuch dicens: Daniel serue dei: tolle prandium  
 5 quod misit tibi deus. Et ait daniel. Recordatus enim es mei domine deus meus. et non dereliquisti diligentes te. Surgensque daniel. comedit. Porro angelus domini. restituit abacuch confestim in locum suum. Uenit ergo rex die septima. ut lugeret danielem. et uenit ad lacum. et introspectit.  
 10 Et ecce daniel sedens in medio leonum. Et exclamauit rex uoce magna dicens. Magnus es domine deus danielis. Et extraxit eum de lacu. Illos autem qui perditionis eius causa fuerant. intromisit in lacum. et deuorati sunt in momento coram eo. Tunc rex ait. Paeant omnes habitantes in  
 15 uniuersa terra deum danielis: quia ipse est liberator et saluator: faciens signa et mirabilia in celo et in terra. qui liberauit danielem de lacu leonum.

(*Graduale.*) Discerne causam meam domine. ab homine iniquo et doloso eripe me. (V.) Emitte lucem tuam et ueritatem tuam ipsa  
 20 me deduxerunt et adduxerunt in monte sancto tuo.

(*Secundum Iohannem*) [Ioan. vii. 1-13].

**I**N illo tempore. Ambulabat iesus in galileam. Non enim uolebat in iudeam ambulare. quia querebant eum iudei interficere. Erat autem in proximo dies festus iudeorum.  
 25 scenophegia. Dixerunt autem ad eum fratres eius. Transi hinc et uade in iudeam. ut et discipuli tui uideant opera tua que tu facis. Nemo quippe in occulto quicquam facit: et querit ipse in palam esse. Si hec facis manifesta teipsum mundo. Neque enim fratres eius. credebant in eum. Dixit  
 30 ergo eis iesus. Tempus meum nondum aduenit tempus autem uestrum semper est paratum. Non potest mundus odisse uos: me autem odit. quia ego testimonium perhibeo de illo. quia opera illius mala sunt. Uos ascendite ad diem festum hunc. ego autem non ascendam ad diem festum istum.  
 35 quia tempus meum nondum impletum est. Hec cum dixisset ipse mansit in galilea. Ut autem ascenderunt fratres eius. tunc et ipse ascendit ad diem festum non manifeste. sed quasi in occulto. Iudei ergo querebant eum in die festo. et dicebant. Ubi est ille? Et murmur multum erat de eo in turba.  
 40 Quidam enim dicebant. quia bonus est. Alii autem dicebant non. sed seducit turbas. Nemo tamen palam loquebatur de illo. propter metum iudeorum.

(*Offertorium.*) Sperent in te omnes qui nouerunt nomen [fo. 46. tuum domine. quoniam non derelinquis querentes te. psallite

domino qui habitat in syon quoniam non est oblitus orationes pauperum.

(*Secreta.*)

5 **H** Ostias tibi domine deferimus immolandas. que temporalem consolationem significant. ut promissa certius non desperemus eterna. Per.

(*Communio.*) Redime me deus ysrael. ex omnibus angustiis meis.

(*Post communio.*)

10 **D**A quesumus omnipotens deus : ut que diuina sunt iugiter exequentes. donis mereamur celestibus propinquare. Per.

*Super populum.*

(*Oratio.*)

15 **D**A nobis quesumus domine perseuerantem in tua uoluntate famulatum : ut in diebus nostris : et merito et numero populus tibi seruiens augeatur. Per.

FERIA QUARTA.

(*Statio ad sanctum marcellum.*)

20 *Introitus.*)

**L**iberator meus de gentibus iracundis. ab insurgentibus in me exaltabis me. a uiro iniquo eripies me domine deus meus.

(*Ps.*) Diligam te domine fortitudo mea. dominus firmamentum meum et refugium meum et liberator meus.

25 (*Oratio.*)

**S**anctificato hoc iciunio deus tuorum corda fidelium miserator illustra. et quibus deuotionis prestas effectum : prebe supplicantibus pium benignus auditum. Per.

(*lectio libri leuitici*) [Leuit. xix. i. 2. 11-19].

30 **I**N diebus illis. Locutus est dominus ad moysen dicens. Loquere ad uniuersum ceterum filiorum ysrael. et dices ad eos. Ego dominus deus uester. Non facietis furtum. Non mentiemini. nec decipiat unusquisque proximum suum. Non periurabis in nomine meo. nec pollues nomen dei tui. ego  
35 dominus. Non facies calumniam proximo tuo : nec ui opprimes eum. Non morabitur opus mercenarii tui apud te : usque mane. Non maledices surdo : nec coram ceco pones offendiculum. sed timebis dominum deum tuum. quia ego sum dominus. Non facies quod iniquum est : nec iniuste

iudicabis. Non consideres personam pauperis. nec honores uultum potentis. Iuste iudica proximo tuo. Non eris criminator nec susurro in populis. Non stabis contra sanguinem proximi tui: ego dominus. Non oderis fratrem tuum in corde tuo. sed publice argue eum. ne habeas super illo peccatum. Non queres ultionem. nec memor eris iniurie ciuium tuorum. Diliges amicum tuum. sicut te ipsum. Ego dominus leges meas custodite. Ego enim sum dominus deus uester.

(*Graduale.*) Exaltabo te domine quoniam suscepisti me. nec delectasti inimicos meos super me. (*V.*) Domine deus meus clamaui ad te et sanasti me domine. abstraxisti ab inferis animam meam saluasti me a descendentibus in lacum.


(*Secundum Iohannem*) [Ioan. x. 22-38].

**I**N illo tempore. Facta sunt encenia in ierosolimis. et hyems erat. Et ambulabat iesus in templo in porticu salomonis. Circunderunt ergo eum iudei. et dicebant ei. Quousque animam nostram tollis? Si tu es christus. dic nobis palam. Respondit eis iesus. Loquor uobis: et non creditis. Opera que ego facio in nomine/ patris mei. hec testimonium perhibent [fo. 46b. de me. Sed uos non creditis: quia non estis ex ouibus meis. Oues mee uocem meam audiunt: et ego cognosco eas. et secuntur me. et ego uitam eternam do eis: et non peribunt in eternum et non rapiet eas quisquam de manu mea. Pater meus quod dedit michi maius est omnibus. et nemo potest rapere de manu patris mei. Ego et pater unum sumus. Sustulerunt ergo lapides iudei ut lapidarent eum. Respondit eis iesus. multa bona opera ostendi uobis ex patre meo. propter quod horum opus me lapidatis. Responderunt ei iudei. De bono opere non lapidamus te. sed de blasphemia. et quia tu homo cum sis. facis te ipsum deum. Respondit eis iesus. Nonne scriptum est in lege uestra. quia ego dixi dii estis? Et si illos dixit deos ad quos sermo dei factus est. et non potest solui scriptura. quem pater sanctificauit et misit. in mundum. uos dicitis quia blasphemias quia dixi filius dei sum? Si non facio opera patris mei: nolite credere michi. Si autem facio: et si michi non uultis credere operibus credite. Ut cognoscatis et credatis quia in me est pater. et ego in patre.

(*Offertorium.*) Eripe me de inimicis meis deus meus et ab insurgentibus in me libera me domine.

(*Secreta.*)

**A**Nnue misericors deus: ut hostias placationis et laudis sincero tibi deferamus obsequio. Per.



(*Communio.*) Lauabo inter innocentes manus meas. et circumdabo altare tuum domine. ut audiam uocem laudis tue et enarrem uniuersa mirabilia tua.

(*Post communio.*)

5 **C** Elestis doni benedictione percepta supplices te deus omnipotens deprecamur. ut hoc idem nobis et sacramenti causa sit et salutis. Per.

*Super populum.*

(*Oratio.*)

10 **A** Desto supplicationibus nostris omnipotens deus. et quibus fiduciam sperande pietatis indulges consuete misericordie tribue benignus effectum. Per.

FERIA QUINTA.

(*Statio ad sanctum apolinarem.*

15 *Introitus.*)

**O**Mnia que fecisti nobis domine in uero iudicio fecisti quia peccauimus tibi et mandatis tuis non obediuius. sed da gloriam nomini tuo et fac nobiscum secundum multitudinem misericordie tue.

20 ✠ (*Ps.*) Beati immaculati in uia qui ambulant in lege domini.

(*Oratio.*)

**P**Resta quesumus omnipotens deus ut dignitas conditionis humane per immoderantiam sautiata medicinalis parsimonie studio reformetur. Per.

25 (*lectio danielis prophete*) [Dan. iii. 34-45].

**I**N diebus illis. Orauit daniel ad dominum dicens. Domine deus ne despicias populum tuum propter nomen tuum. et ne dissipes testamentum tuum. neque auferas misericordiam tuam a nobis propter abraam dilectum tuum. et ysaac seruum  
30 tuum. et ysrael sanctum tuum. quibus locutus es pollicens. quod multiplicares semen eorum sicut stellas celi. et sicut arenam que est in littore maris. Quia domine imminuti sumus plus quam omnes gentes. sumusque humiles in uniuersa terra  
hodie propter peccata nostra. et non est in tempore [fo. 47.  
35 hoc princeps et propheta. et dux neque holocaustum. neque sacrificium. neque oblatio. neque incensum. neque locus primitiarum coram te. ut possimus inuenire misericordiam. sed in animo contrito et spiritu humilitatis suscipiamur. sicut in holocausto arietum et thaurorum. et sicut in milibus agnorum  
40 pinguium : sic fiat sacrificium nostrum in conspectu tuo hodie. ut placeat tibi. quoniam non est confusio confidentibus in te.



Et nunc sequimur in toto corde. et timemus te. et querimus faciem tuam ne confundas nos. sed fac nobiscum iuxta mansuetudinem tuam. et secundum multitudinem misericordie tue. Erue nos in mirabilibus tuis. et da gloriam nomini tuo domine. Et confundantur omnes. qui ostendunt seruis tuis mala. Confundantur in omnipotentia tua : et robur eorum conteratur. Et sciant quia tu es dominus deus solus et gloriosus super omnem terram. domine deus noster.

(*Graduale.*) Tollite hostias et introite in atria eius adorate dominum in aula sancta eius. (*V.*) Reuelabit dominus condensa. et in templo eius omnes dicent gloriam.

(*Secundum lucam*) [Luc. vii. 36-50].

**I**N illo tempore. Rogabat iesum quidam phariseus. ut manducaret cum illo. Et ingressus domum pharisei discubuit. Et ecce mulier que erat in ciuitate peccatrix : ut cognouit quod iesus accubuit in domo pharisei. attulit alabastrum unguenti. et stans retro secus pedes eius. lacrimis cepit rigare pedes eius. et capillis capitis sui tergebat. et osculabatur pedes eius. et unguento ungebat. Uidens autem phariseus qui uocauerat eum. ait intra se dicens. Hic si esset propheta : sciret utique que et qualis esset mulier que tangit eum. quia peccatrix est. Et respondens iesus : dixit ad illum. Symon habeo tibi aliquid dicere. At ille ait. Magister dic. Et respondens iesus dixit. Duo debitores erant cuidam feneratori. unus debebat denarios quingentos. alius quinquaginta. Non habentibus illis unde redderent. donauit utrisque. Quis ergo eum plus diligit? Respondens symon dixit. Extimof quia is cui plus donauit. At ille dixit ei. Recte iudicasti. Et conuersus ad mulierem dixit symoni. Uides hanc mulierem? Intraui in domum tuam : aquam pedibus meis non dedisti. hec autem lacrimis rigauit pedes meos. et capillis suis tersit. Osculum michi non dedisti : hec autem ex quo intrauit. non cessauit osculari pedes meos. Oleo caput meum non unxisti. Hec autem unguento unxit pedes meos. Propter quod dico tibi remittuntur ei peccata multa : quoniam dilexit multum. cui autem minus dimittitur : minus diligit. Dixit autem iesus ad illam. Remittuntur tibi peccata tua. Et ceperunt qui simul discumbebant : dicere intra se. Quis est hic. qui etiam peccata dimittit? Dixit autem ad mulierem : Fides /tua te saluam fecit : uade in pace. [fo. 47b.

(*Offertorium.*) Super flumina babilonis illic sedimus et fleuimus dum recordaremur tui symon.

(Secreta.)

Domine deus noster qui in his potius creaturis quas ad fragilitatis nostre subsidium condidisti. tuo quoque nomini munera iussisti dicanda constitui. tribue quesumus. ut  
 5 et uite nobis presentis auxilium. et eternitatis efficiant sacramentum. Per.

(Communio.) Memento uerbi tui seruo tuo domine. in quo michi spem dedisti. hec me consolata est in humilitate mea.

(Post communio.)

10 Quid ore sumpsimus domine pura mente capiamus. et de munere temporali fiat nobis remedium sempiternum.  
 Per.

Super populum.

(Oratio.)

15 Esto quesumus domine propitius plebi tue : ut que tibi non placent respuentes : tuorum potius repleantur delectationibus mandatorum. Per.

FERIA SEXTA.

(Statio ad sanctum stephanum.

20 Introitus.)

Miserere mei deus quoniam tribulor libera me et eripe me de manibus inimicorum meorum et a persequentibus me domine non confundar quoniam inuocaui te.

(Ps.) In te domine speraui non confundar in eternum. in iustitia  
 25 tua libera me.

(Oratio.)

30 Cordibus nostris quesumus domine gratiam tuam benignus infunde : ut peccata nostra castigatione uoluntaria cohibentes : temporaliter potius maceremur : quam supplitiis deputemur eternis. Per.

(lectio Ieremie prophete) [Ier. xvii. 13-18].

IN diebus illis. Dixit yeremias. Domine omnes qui te derelinquunt confundentur : recedentes a te in terra scribentur. quoniam dereliquerunt ueniam† aquarum uiuentium  
 35 dominum. Sana me domine et sanabor. saluum me fac et saluus ero quoniam salus mea tu es. Ecce ipsi dicunt ad me Ubi est uerbum domini? Ueniat. Et ego non sum turbatus te pastorem sequens et diem hominis non desiderauit tu scis. Quod egressum est de labiis meis : rectum in conspectu tuo

fuit. Non sis michi tu formidini spes mea tu in die afflictionis. Confundantur qui me persequuntur. et non confundar ego : paueant illi et non paueam ego. Indue super eos diem afflictionis. et duplici contritione contere eos : domine deus noster.

(*Graduale.*) Pacifice loquebantur michi inimici mei et in ira molesti erant michi. (*V.*) Uidisti domine ne sileas et ne discedas a me.

(*Secundum Iohannem*) [Ioan. xi. 47-54].

**I**N illo tempore. Colligerunt pontifices et pharisei concilium aduersus iesum : et dicebant. Quid facimus. quia hic homo multa signa facit? Si dimittimus eum sic. omnes credent in eum. Et uenient romani et tollent nostrum locum et gentem. Unus autem ex ipsis cayphas nomine cum esset pontifex anni illius : dixit eis. Uos nescitis quicquam nec cogitatis. quia expedit uobis ut unus moriatur homo pro populo. et non tota gens pereat. Hoc autem a semetipso non dixit. sed cum esset pontifex anni illius prophetauit. quia iesus moriturus erat/ pro gente. et non tantum pro gente. sed [fo. 48. ut filios dei qui erant dispersi congregaret in unum. Ab illo ergo die cogitauerunt ut interficerent eum. Iesus ergo iam non in palam ambulabat apud iudeos. sed abiit in regionem iuxta desertum in ciuitatem que dicitur effrem. et ibi morabatur cum discipulis suis.

(*Offertorium.*) Benedictus es domine doce me iustificationes tuas. et non tradas calumniantibus me superbis. et respondebo exprobrantibus michi uerbum.

(*Secreta.*

**P**Resta nobis misericors deus ut digne tuis seruire semper altaribus mereamur : et eorum perpetua participatione saluari. Per.

(*Communio.*) Ne tradideris me domine in animas persequentium me quoniam insurrexerunt in me testes iniqui et mentita est iniquitas sibi.

(*Post communio.*)

**S**umpti sacramenti domine perpetua nos tuitio non derelinquat : et noxia semper a nobis cuncta depellat. Per.

*Super populum.*

(*Oratio.*)

**C**Oncede quesumus omnipotens deus ut qui protectionis tue gratiam querimus liberati a malis omnibus : segura tibi mente seruiamus. Per.

## SABBATO.

*(Statio ad sanctum Iohannem ante portam latinam.**Introitus.)**Resumitur officium hesternum scilicet. Miserere mei domine.*

5

*(Oratio.)*

**P**ROficiat quesumus domine plebs tibi dicata pie deuotionis affectu. ut sacris actionibus erudita. quanto maiestati tue fit gratior : tanto donis potioribus augeatur. Per.

*(lectio Ieremie prophete)* [Ier. xviii. 18–23].

10

**I**N diebus illis. Dixerunt impii iudei ad inuicem. Uenite : cogitemus contra iustum cogitationes. Non enim peribit lex a sacerdote : neque consilium† a sapiente. nec sermo a propheta. Uenite percutiamus eum lingua. et non attendamus ad uniuersos sermones eius. Attende domine ad me : et audi uocem aduersariorum meorum. Nunquid redditur pro bono malum. quia foderunt foueam anime mee ? Recordare quod steterim in conspectu tuo ut loquerer pro eis bonum : et auerterem indignationem tuam ab eis. Propterea da filios eorum in famem. et deduc eos in manu gladii. Fiant uxores eorum absque liberis et uidue. et uiri earum interficiantur morte. Iuuenes eorum confodiantur gladio in prelio : audiat clamor de domibus eorum. Adduces enim super eos latrones repente : quia foderunt foueam ut caperent me et laqueos absconderunt pedibus meis. Tu autem domine scis omne consilium† eorum aduersum me in mortem : Ne propitieris iniquitati eorum : et peccatum eorum a facie tua non deleatur. Fiant corruentes in conspectu tuo : in tempore furoris tui. domine deus noster.

*(Graduale.)* Pacifice :

30

*(Secundum Iohannem)* [Ioan. xii. 10–36].

**I**N illo tempore. Cogitauerunt autem principes sacerdotum. ut lazarus interficerent. quia multi propter illum abibant ex iudeis et credebant in iesum. In crastinum autem turba multa que conuenerat ad diem festum. cum audissent quia uenit iesus/ ierosolimam. acceperunt ramos palmarum. [fo. 48b. et processerunt obuiam ei. et clamabant. Osanna. benedictus qui uenit in nomine domini rex ysrael. Et inuenit iesus asellum et sedit super eum sicut scriptum est. Noli timere filia syon. ecce rex tuus uenit. sedens super pullum asine. Hec non cognouerunt discipuli eius primum. sed quando glorificatus est iesus. Tunc recordati sunt : quia hec erant

scripta de eo: et hec fecerunt ei. Testimonium ergo perhibebat turba que erat cum eo. quando lazarus uocauit de monumento. et suscitauit eum a mortuis. Propterea et obuiam uenit ei turba: quia audierunt eum fecisse hoc signum. Pharisei ergo dixerunt ad semetipsos. Uidetis quia nichil proficimus? Ecce mundus totus post eum abiit. Erant autem gentiles quidam: ex his qui ascenderant ut adorarent in die festo. Hi ergo accesserunt ad philipum qui erat a bethsaida galilee: et rogabant eum dicentes. Domine uolumus iesum uidere. Uenit philipus et dixit andree. Andreas rursum et philipus. dixerunt iesu. Iesus autem respondit eis dicens. Uenit hora ut clarificetur filius hominis. Amen amen dico uobis. nisi granum frumenti cadens in terram mortuum fuerit. ipsum solum manet. Si autem mortuum fuerit. multum fructum affert. Qui amat animam suam. perdet eam. Et qui odit animam suam in hoc mundo. in uitam eternam custodit eam. Si quis michi ministrat: me sequatur. Et ubi sum ego. illic et minister meus erit. Si quis michi ministrauerit: honorificabit eum pater meus. Nunc anima mea turbata est. et quid dicam? Pater: saluifica me ex hac hora. Sed propterea ueni in horam hanc. Pater clarifica nomen tuum. Uenit ergo uox de celo dicens. Et clarificaui: et iterum clarificabo. Turba ergo que stabat et audierat. dicebat tonitruum factum esse. Alii dicebant. Angelus ei locutus est. Respondit iesus et dixit. Non propter me uenit. hec uox. sed propter uos. Nunc iudicium est mundi. nunc princeps huius mundi eicietur foras. Et ego si exaltatus fuero a terra. omnia traham ad meipsum. Hoc autem dicebat significans qua morte esset moriturus. Respondit ei turba. Nos audiuius ex lege: quia christus manet in eternum. Et quomodo tu dicis. oportet exaltari filium hominis? Quis est iste filius hominis? Dixit ergo eis iesus. Adhuc modicum lumen in uobis est. Ambulate dum lucem habetis. ut non tenebre uos comprehendant. Et qui ambulat in tenebris: nescit quo uadat. Dum lucem habetis† credite in lucem ut filii lucis sitis. Hec locutus est iesus. et abiit. et abscondit se ab eis.

(*Offertorium.*) Benedictus es domine.

(*Secreta.*)

A Cunctis nos quesumus domine reatibus et periculis propitiatus absolue: quos tanti misterii tribuis esse consortes/. Per.

[fo. 49.

(*Communio.*) Ne tradideris.

(*Post communio.*)

**D**Iuini muneris largitate satiati quesumus domine deus noster: ut huius semper participatione uiuamus. Per.

*Super populum.*

5

(*Oratio.*)

**T**Ueatur quesumus domine dextera tua populum deprecantem: et purificatum dignanter erudiat: ut consolatione presenti ad futura bona proficiat. Per.

[BENEDICTIO PALMARUM.]

10 *In die palmarum completa tertia et aspersione aque more solito facta sacerdos procedit indutus sine casula cum ministris indutis. et ramis in medio ante altare positis. A choro cantantur antiphone.*

Osanna filio dauid. benedictus qui uenit in nomine domini.

15 O rex ysrael osanna in excelsis.

*Deinde dicit sacerdos. (V.) Dominus uobiscum.*

(*R.*) Et cum spiritu tuo.

*In tono orationis missc. (Oratio.)*

20 **D**EUS quem diligere et amare iustitia est. ineffabilis gratie tue dona in nobis multiplica: et qui fecisti nos morte filii tui sperare que credimus: fac nos eodem resurgente peruenire quo tendimus. Qui tecum et.

*Subscripta lectio legitur in tono epistole.*

(*lectio libri exodi*) [Exod. xv. 27-xvi. 7].

25 **I**N diebus illis. Uenerunt filii ysrael in helym. ubi erant duodecim fontes aquarum: et septuaginta palme. et castrametati sunt iuxta aquas. Profectique sunt de helym et uenit omnis multitudo filiorum ysrael in desertum syn. quod est inter helym et synay quintodecimo die mensis  
30 secundi. postquam egressi sunt de terra egypti. Et murmurauit omnis congregatio filiorum ysrael contra moysen et aaron: in solitudine. Dixeruntque ad eos filii ysrael. Utinam essemus mortui per manum domini in terra egypti. quando sedebamus super ollas carnum et comedebamus  
35 panem in saturitate. Cur induxistis nos in desertum istud. ut occideretis omnem multitudinem fame? Dixitque autem dominus ad moysen. Ecce ego pluam uobis panem de celo. Egrediatur populus et colligat que sufficiunt per singulos dies: ut temptem eum utrum ambulet in lege mea an non. Die  
40 autem sexto parent quod inferant et sit duplum quam colligere solebant per singulos dies. Dixeruntque moyses

et aaron: ad omnes filios ysrael. Uespere scietis quod dominus eduxerit uos de terra egypti: et mane uidebitis gloriam eius.

*Deinde cantatur pro graduali.*

(*R.*) Collegerunt pontifices et pharisei consilium. et dicebant quid facimus. quia hic homo multa signa facit. si dimittimus eum sic. omnes credent in eum. Ne forte ueniant romani et tollant nostrum locum et gentem. (*V.*) Unus autem ex illis cayphas nomine. cum esset pontifex anni illius prophetauit. dicens expedit uobis ut unus moriatur homo pro populo et non tota gens pereat. ab illo ergo die cogitauerunt interficere eum dicentes. Ne forte. *Uel aliud.*

(*R.*) In monte oliueti orauit ad patrem. pater si fieri potest transeat a me calix iste. Spiritus quidem promptus est. caro autem infirma. fiat uoluntas tua. (*V.*) Uigilate et orate. ut non intretis in temptationem. Spiritus quidem.

*Postea legitur euangelium.*

(*Secundum matheum*) [Mat. xxi. 1-9].

**I**N illo tempore. Cum/ appropinquasset iesus yeroso- [fo. 49b. limis et uenisset bethfage ad montem oliueti. tunc misit duos discipulos suos dicens eis. Ite in castellum quod contra uos est. et statim inuenietis asinam alligatam et pullum cum ea. Soluite: et adducite michi. Et si quis uobis aliquid dixerit: dicite quia dominus his opus habet. et confestim dimittet eos. Hoc autem totum factum est. ut adimpleretur quod dictum est per prophetam dicentem. Dicite filie syon: ecce rex tuus uenit tibi mansuetus. sedens super asinam et pullum filium subiugalis. Euntes autem discipuli. fecerunt sicut preceperat illis iesus. Et adduxerunt asinam et pullum. et posuerunt super eos uestimenta sua: et cum desuper sedere fecerunt. Plurima autem turba strauerunt uestimenta sua in uia. Alii autem cedebant ramos de arboribus. et sternebant in uia. Turbe autem que precedebant et que sequebantur clamabant dicentes. Osanna filio dauid: benedictus qui uenit in nomine domini.

*Post hec benedicuntur rami. et tunc sacerdos dicit.*

Dominus uobiscum.

(*Oratio.*)

**A**Uge fidem in te sperantium deus et supplicum preces clementer exaudi. et ueniat super nos multiplex misericordia tua. Bene(✠)dicantur et hi rami palmites oliuarum: et sicut in figura ecclesie multiplicasti noe egredientem de archa. et moysen exeuntem de egypto. cum filiis ysrael. ita nos portantes palmas et ramos oliuarum. bonis actibus

occurramus obuiam christo. et per ipsum in gaudium intro-  
eamus eternum. Qui tecum uiuit et regnat in unitate spiritus  
sancti deus.

**P**Er omnia secula seculorum. (R.) Amen.

- 5 (V.) Dominus uobiscum. (R.) Et cum spiritu tuo.  
(V.) Sursum corda. (R.) Habemus ad dominum.  
(V.) Gratias agamus domino deo nostro.  
(R.) Dignum et iustum est.

*Prephatio.*

- 10 **U**Ere dignum et iustum est: equum et salutare. Nos tibi  
semper et ubique gratias agere. domine sancte pater  
omnipotens eterne deus. Qui gloriaris in consilio sanctorum  
tuorum. tibi enim seruiunt creature tue. quia te solum  
auctorem et deum cognoscunt: et omnis factura tua te  
15 collaudat et benedicunt te sancti tui. Quia illud magnum  
unigeniti tui nomen coram regibus et potestatibus huius  
seculi. libera uoce confitentur. Cui assistunt angeli et  
archangeli: throni et dominationes. cumque omni militia  
celestis exercitus. ymnum glorie tue concinunt sine fine  
25 dicentes.

*Hic cantatur in thono feriali a choro.*

Sanctus. Sanctus. Sanctus. dominus deus sabaoth. pleni  
sunt celi et terra gloria tua osanna in excelsis. benedictus qui  
uenit in nomine domini. osanna in excelsis.

- 25 *Sequitur.* Dominus uobiscum.

*(Oratio.)*

- P**Etimus domine sancte pater omnipotens eterne deus: ut  
hanc creaturam oliue quam ex ligni materia prodire  
iussisti. quamque columba rediens ad archam/ proprio [fo. 50.  
30 pertulit ore. bene<sup>1</sup>[✠]dicere. et sancti<sup>1</sup>[✠]ficare digneris.  
ut quicunque ex ea acceperint accipiant sibi ad protectionem  
anime et corporis: fiatque domine nostre salutis remedium.  
tueque gratie sacramentum. Per christum dominum nostrum.  
(R.) Amen.

- 35 *(Oratio.)*

- D**Eus qui dispersa congregas et congregata conseruas qui  
populis obuiam iesu ramos portantibus benedixisti.  
bene<sup>1</sup>[✠]dic etiam et hos ramos palme et oliue. quos tui  
famuli ad honorem nominis tui fideliter suscipiunt. ut in  
40 quencunque locum introducti fuerint. tuam benedictionem

<sup>1</sup> In text vacant space for cross.



habitatores loci illius consequantur. et omni aduersitate effugata: dextera tua protegat quos redemit. iesus christus filius tuus dominus noster. Qui tecum uiuit et regnat in unitate spiritus sancti deus. per omnia secula seculorum.  
5 (R.) Amen.

(Oratio.)

**D**Eus qui miro ordine dispositionis ex rebus etiam insensibilibus dispensationem nostre salutis ostendere uoluisti. da quesumus. ut deuota tuorum turma fidelium: salubriter  
10 intelligat. quicquid mystice designatur in facto. quod hodie celesti lumine afflata. redemptori obuiam procedens: palmarum atque oliuarum ramos uestigiis eius substrauit. Palmarum igitur rami de mortis principe triumphos expectant: surculi uero oliuarum. spiritualem unctionem  
15 aduenisse quodammodo clamant. Intellexit enim iam tunc illa hominum beata multitudo prefigurari. quia redemptor noster humanis condolens miseriis pro totius mundi uita. cum mortis principe esset pugnaturus ac moriendo triumphaturus. Et ideo talia obsequens administrauit. que in illo  
20 et triumphos uictorie et misericordie. pinguedinem declararent. Quod nos quoque plena fide et factum et significatum retinentes. te domine sancte pater omnipotens eterne deus. Per eundem dominum nostrum iesum christum suppliciter exoramus ut in ipso atque per ipsum cuius nos membra fieri  
5 uoluisti. de mortis imperio uictoriam reportantes. ipsi gloriose resurrectionis participes esse mereamur. Qui tecum uiuit et regnat in unitate spiritus sancti deus. Per omnia secula seculorum. (R.) Amen.

(Oratio.)

**D**Eus qui per oliue ramum. pacem terris columbam nuntiare iussisti: presta quesumus ut hos oliue  
ceterarumque arborum ramos. celesti bene<sup>1</sup>[✠]dictione sanctifices. ut cuncto populo tuo proficiant ad salutem. Per christum dominum nostrum. (R.) Amen.

(Oratio.)

**B**ENE(✠)dic quesumus domine hos palmarum seu oliuarum ramos. et presta ut quod populus tuus tua ueneratione hodierna die corporaliter agit. hoc spiritualiter summa deuotione perficiat. de hoste uictoriam reportando. et opus misericordie summopere diligendo. Per dominum nostrum  
iesum christum filium tuum. Qui tecum uiuit et regnat: In unitate spiritus sancti deus. / Per omnia secula [fo. 50b. seculorum. (R.) Amen.

<sup>1</sup> In text vacant space for cross.

*Hic asperguntur rami aqua benedicta. cum antiphona*  
*Asperges me. Sine cantu et sine psalmo et incensantur. deinde*  
*dicit sacerdos. (V.) Dominus uobiscum. (R.) Et cum.*

(Oratio.)

5 **D**Eus qui filium tuum dominum nostrum iesum christum  
 pro salute nostra in hunc mundum misisti: ut se  
 humiliaret ad nos. et nos reuocaret ad te: cui etiam dum  
 yerusalem ueniret ut adimpleret scripturas. credentium popu-  
 10 lorum turba fidelissima deuotione uestimenta sua cum ramis  
 palmarum in uia sternebant. presta quesumus. ut illi fidei  
 uiam preparemus. de qua remoto lapide offensionis et petra  
 scandali. frondeant apud te opera nostra iustitie ramis. ut eius  
 uestigia sequi mereamur. Qui tecum uiuit et regnat in  
 unitate spiritus sancti deus. Per omnia secula seculorum.  
 15 (R.) Amen.

*Postea duo fratres ramos fratribus in locis suis manentibus*  
*distribuunt et interim a choro. cantantur antiphone.*

(Antiphona.) Pueri hebreorum portantes ramos oliuarum obui-  
 auerunt domino clamantes et dicentes. osanna in excelsis.

20 *Alia antiphona.* Pueri hebreorum uestimenta prosternebant in  
 uia. et clamabant dicentes. osanna filio dauid benedictus qui uenit  
 in nomine domini.

*Que si non sufficiant repetantur quousque ramorum distri-*  
*butio finiatur. deinde dicit sacerdos. (V.) Dominus uobiscum.*

25 (Oratio.)

**O**Mnipotens sempiterne deus qui dominum nostrum iesum  
 christum. die azimorum super pullum asine sedere  
 fecisti: et turbas populorum uestimenta uel ramos arborum  
 in uia sternere. et osanna decantare in laudem ipsius docuisti:  
 30 da quesumus. ut illorum innocentiam imitari possimus. et  
 eorum meritum consequi mereamur. Per eundem christum  
 dominum nostrum. (R.) Amen.

*Postea fit processio et cantantur antiphone subscripte. uel*  
*omnes uel aliquae pro dispositione cantorum.*

35 *Antiphona.* Cum appropinquaret dominus yerosolimam misit  
 duos ex discipulis suis dicens. Ite in castellum quod est contra uos.  
 et inuenietis pullum asine alligatum super quem nullus hominum  
 sedit. Soluite et adducite michi. si quis uos interrogauerit. dicite  
 opus domini est. soluente adduxerunt ad iesum et imposuerunt  
 40 illi uestimenta et sedit super eum. Alii expandebant uestimenta  
 sua in uia. Alii ramos de arboribus externebant. et qui sequebantur  
 clamabant osanna. benedictus qui uenit in nomine domini bene-  
 dictum regnum patris nostri dauid. osanna in excelsis miserere nobis  
 fili dauid.

*Alia antiphona.*

Cum audisset populus, quia iesus uenit yerosolimam, acceperunt ramos palmarum et exierunt ei obuiam, et clamabant pueri dicentes. Hic est qui uenturus est in salutem populi. Hic est salus nostra et redemptio ysrael. quantus est iste cui throni et dominationes occurrunt? Noli timere filia syon ecce rex tuus uenit tibi sedens super pullum asine sicut scriptum est. Salue rex fabricator mundi. qui uenisti redimere nos.

*Alia antiphona.*

Ante sex dies sollemnis pasce quando uenit dominus in ciuitatem yerusalem occurrerunt ei pueri, et in manibus portabant ramos palmarum et clamabant uoce magna dicentes. osanna in excelsis. benedictus qui uenisti in multitudine misericordie tue. osanna in excelsis.

*[Alia antiphona.*

[fo. 51.

Occurrerunt turbe cum floribus et palmis redemptori obuiam, et uictori triumphanti digna dant obsequia. filium dei ore gentes predicant, et in laudem christi uoces tonant per nubila osanna.

*Alia antiphona.*

Cum angelis et pueris fideles inueniamur triumphatori mortis clamantes. osanna in excelsis.

*Alia antiphona.*

Turba multa que conuenerat ad diem festum clamabat domino. benedictus qui uenit in nomine domini. osanna in excelsis.

*In reuersione processionis ad ecclesiam aliqui fratres intrant duo ad minus. uel quatuor ad plus. et clauso hostio stantes uersa facie ad processionem incipiunt. Gloria laus. et totum decantatur usque. Israel es tu rex. Sacerdos uero cum reliquis stantibus extra. repetit illud idem. deinde stantes intus cantant uersus sequentes. uel omnes. uel partem pro dispositione cantoris. et stantes extra. respondent post quoslibet duos uersus. Gloria laus. Sicut a principio.*

*Uersus.* Gloria laus et honor tibi sit rex christe redemptor. cui puerile decus prompsit osanna pium.

(V.) Israel es tu rex dauidis et inclita proles.

(V.) Nomine qui in domini rex benedicte uenis.

(R.) Gloria laus.

(V.) Cetus in excelsis te laudat celitus omnis.

(V.) Et mortalis homo cuncta creata simul.

(R.) Gloria laus.

(V.) Plebs hebrea tibi cum palmis obuia uenit.

(V.) Cum prece uoto ymnis assumus ecce tibi.

(R.) Gloria laus.

- (V.) Hi tibi passuro soluebant munia laudis.  
 (V.) Nos tibi regnanti pangimus ecce melos.  
 (R.) Gloria laus.  
 (V.) Hi placuere tibi placeat deuotio nostra.  
 5 (V.) Rex bone rex clemens cui bona cuncta placent.  
 (R.) Gloria laus.  
 (V.) Fecerat hebreos hos gloria sanguinis almi.  
 (V.) Nos facit hebreos transitus ecce pius.  
 (R.) Gloria laus.  
 10 (V.) Sis pius assesor tu et nos simus asellus.  
 (V.) Tecum nos capiat urbs ueneranda dei.  
 (R.) Gloria laus.  
 (V.) Uestis apostolice rutilo fulgore tegamur.  
 (V.) Te bene docta ut ea nostra caterua uehat.  
 15 (R.) Gloria laus.  
 (V.) Tegmine sic anime sternamus corpora nostra.  
 (V.) Quo per nos semper sit uia tuta tibi.  
 (R.) Gloria laus.  
 (V.) Sit pia pro palme nobis uictoria ramis.  
 20 (V.) Ut tibi uictrici sorte canamus ita.  
 (R.) Gloria.

*Postea intrat processio ecclesiam cantando. Antiphonam.* Ingre-  
 diente domino. *cum uersu.* Ingre diente domino in sanctam ciuitatem.  
 hebreorum pueri resurrectionem uite pronuntiantes. Cum ramis  
 25 palmarum osanna clamabant in excelsis.

*Antiphona.*

Cumque audissent quod iesus ueniret yerosolimam exierunt  
 obuiam ei. cum ramis. *et non dicitur.* (V.) Gloria patri.

DOMINICA IN PALMIS.

30

*Ad missam.*

(*Statio ad sanctum iohannem in laterano.*

*Introitus.)*

D Omine ne longe facias auxilium tuum a me ad defensionem  
 meam aspice libera me de ore leonis. et a cornibus uni-  
 35 corniorum humilitatem meam.

(Ps.) Deus deus meus respice in me. quare me dereliquisti. longe  
 a salute mea uerba delictorum meorum.

(*Oratio.*)

O Mnipotens sempiterne deus. qui humano generi ad imi-  
 40 tandum humilitatis exemplum. saluatorem nostrum  
 carnem sumere. et crucem subire fecisti. concede propitius: ut  
 et patientie ipsius habere documenta. et resurrectionis con-  
 sortia mereamur. Per eundem.

*Et hec oratio tantum dicitur.*

(*Ad philipenses*) [Phil. ii. 5-11].

**F**Ratres. hoc enim sentite in uobis quod et in christo iesu. Qui cum in forma dei esset. non rapinam arbitratus est. esse se equalem deo. sed semetipsum exinaniuit/ [fo. 51b.  
 5 formam serui. accipiens in similitudinem hominum factus et habitu inuentus ut homo. Humiliauit semetipsum factus obediens usque ad mortem: mortem autem crucis. Propter quod et deus exaltauit illum. et donauit illi nomen quod est super omne nomen: ut in nomine iesu omne genu flectatur.  
 10 celestium. terrestrium. et infernorum. Et omnis lingua confiteatur. quia dominus noster iesus christus. in gloria est dei patris.

(*Graduale.*) Tenuisti manum dexteram meam. et in uoluntate tua deduxisti me. et cum gloria assumpsisti me. (*V.*) Quam bonus ysrael  
 15 deus rectis corde. mei autem pene moti sunt pedes. pene effusi sunt gressus mei quia zelaui in peccatoribus pacem peccatorum uidens.

(*Tractus.*) Deus deus meus respice in me quare me dereliquisti.

(*V.*) Longe a salute mea uerba delictorum meorum.

20 (*V.*) Deus meus clamabo per diem nec exaudies. in nocte et non ad insipientiam michi.

(*V.*) Tu autem in sancto habitas laus ysrael.

(*V.*) In te sperauerunt patres nostri. sperauerunt et liberasti eos.

25 (*V.*) Ad te clamauerunt et salui facti sunt. in te sperauerunt et non sunt confusi.

(*V.*) Ego autem sum uermis et non homo. obprobrium hominum et abiectio plebis.

(*V.*) Omnes qui uidebant me. aspernabantur me. locuti sunt labiis et mouerunt caput.

30 (*V.*) Sperauit in domino eripiat eum. saluum faciat eum quoniam uult eum.

(*V.*) Ipsi uero consideraauerunt et conspexerunt me. diuiserunt sibi uestimenta mea. et super uestem meam miserunt sortem.

35 (*V.*) Libera me de ore leonis. et a cornibus unicornium humilitatem meam.

(*V.*) Qui timetis dominum laudate eum. uniuersum semen iacob. magnificate eum.

(*V.*) Annuntiabitur domino generatio uentura. et annuntiabunt celi iustitiam eius.

40 (*V.*) Populo qui nascetur quem fecit dominus.

(*V.†*) *Passio domini absque benedictione dicitur et sine (V.†) Dominus uobiscum. et luminaribus et incenso. sed absolute incipitur. nec respondetur. Gloria tibi domine. Peruenio autem ad partem illam que in tono euangelii legitur. benedictio petitur.*

*et incensum portatur sicut consuetum est fieri ad euangelium.  
Similiter fit aliis diebus quando legitur passio.*

*(Passio domini nostri iesu christi.)*

*(Secundum matheum)* [Mat. xxvi. I-xxvii. I-61].

- 5 **I**N illo tempore. Dixit iesus discipulis suis [✠].<sup>1</sup> Scitis  
quia post biduum pascha fiet. et filius hominis tradetur  
ut crucifigatur? [c] Tunc congregati sunt principes sacer-  
dotum et seniores populi in atrium principis sacerdotum qui  
dicebatur cayphas et consilium fecerunt ut iesum dolo tenerent  
10 et occiderent. Dicebant autem. [s] Non in die festo. Ne  
forte tumultus fieret in populo. [c] Cum autem esset iesus  
in bethania in domo simonis leprosi. accessit ad eum mulier  
habens alabastrum unguenti preciosi. et effudit super caput  
ipsius recumbentis. Uidentes autem discipuli indignati sunt  
15 dicentes. [s] Ut quid perditio hec? Potuit enim unguentum  
istud uenundari multo et dari pauperibus. [c] Sciens autem  
iesus : ait illis. [✠] Quid molesti estis huic mulieri? Opus  
enim bonum operata est in me. Nam semper pauperes  
habebitis uobiscum : me autem non semper habebitis. Mittens  
20 enim hec unguentum/ hoc. in corpus meum : ad sepe- [fo. 52.  
liendum me fecit. Amen dico uobis ubicunque predicatum  
fuerit hoc euangelium in toto mundo. dicetur et quod hec  
fecit in memoriam eius. [c] Tunc abiit unus de duodecim  
qui dicitur iudas scarioth ad principes sacerdotum : et ait  
25 illis. [s] Quid uultis michi dare. et ego eum uobis tradam?  
[c] At illi constituerunt ei triginta argenteos. Et exinde  
querebat oportunitatem. ut cum traderet. Prima autem die  
azimorum : accesserunt discipuli ad iesum dicentes. [s] Ubi  
uis paremus tibi comedere pasca? [c] At iesus dixit [✠] ite  
30 in ciuitatem ad quendam. et dicite ei. Magister dicit. Tempus  
meum prope est : apud te facio pasca cum discipulis meis.  
[c] Et fecerunt discipuli sicut constituit eis iesus† : et  
parauerunt pasca. Uespere autem facto discumbebat cum  
duodecim discipulis suis. Et edentibus illis dixit. [✠] Amen  
35 dico uobis : quia unus uestrum me traditurus est. [c] Et  
contristati ualde ceperunt singuli dicere. [s] Nunquid ego  
sum domine? [c] At ipse respondens ait. [✠] Qui intingit  
mecum manum in parapside : hic me tradet. Filius quidem  
hominis uadit : sicut scriptum est de illo. Ue autem homini  
40 illi : per quem filius hominis tradetur. Bonum erat ei. si  
natus non fuisset homo ille. [c] Respondens autem iudas qui  
tradidit eum. dixit. [s] Nunquid ego sum rabi? [c] Ait

<sup>1</sup> The symbols [✠]. [c], [s], which are inserted in this and following pages are not found in the printed text, the space where these are now inserted being left vacant in the original.

illi. [✠] Tu dixisti. [c] Cenantibus autem illis: accepit  
 iesus panem. et benedixit. ac fregit. deditque discipulis suis.  
 et ait. [✠] Accipite et comedite. hoc est corpus meum.  
 [c] Et accipiens calicem: gratias egit: et dedit illis dicens.  
 5 [✠] Bibite ex hoc omnes. Hic est sanguis meus noui  
 testamenti. qui pro multis effundetur in remissionem pecca-  
 torum. Dico autem uobis: non bibam amodo de hoc  
 genimine uitis. usque in diem illum. cum illud bibam uobis-  
 cum nouum in regno patris mei. [c] Et ymno dicto: exierunt  
 10 in montem oliueti. Tunc dixit illis iesus. [✠] Omnes uos  
 scandalum patiemini in me: in ista nocte. Scriptum est  
 enim. Percutiam pastorem: et dispergentur oues gregis.  
 Postquam autem resurrexero. Precedam uos in galileam.  
 [c] Respondens autem petrus ait illi. [s] Et si omnes scan-  
 15 dalizati fuerint in te: ego nunquam scandalizabor. [c] Ait  
 illi iesus. [✠] Amen dico tibi quia in hac nocte ante quam  
 gallus cantet. ter me negabis. [c] Ait illi petrus. [s] Etiam si  
 oportuerit me mori tecum: non te negabo. [c] Similiter et  
 omnes discipuli dixerunt. Tunc uenit iesus cum illis in  
 20 uillam que dicitur gethsemani: et dixit discipulis suis. [✠]  
 Sedete hic: donec uadam illuc et orem. [c] Et assumpto  
 petro et duobus filiis zebedei: cepit contristari: et mestus  
 esse. [c] Tunc ait illis. [✠] Tristis est anima mea usque  
 ad mortem. Sustinete hic et uigilate mecum. [c] Et [fo. 52b.  
 25 progressus pusillum procidit in faciem suam orans et dicens.  
 [✠] Mi pater: si possibile est. transeat a me calix iste.  
 Uerumtamen non sicut ego uolo. sed sicut tu. [c] Et uenit  
 ad discipulos suos et inuenit eos dormientes. Et dicit petro.  
 [✠] Sic. Non potuistis una hora uigilare mecum? Uigilate  
 30 et orate ut non intretis in temptationem. Spiritus quidem  
 promptus est: caro autem infirma. [c] Iterum secundo  
 abiit: et orauit dicens. [✠] Pater mi si non potest hic calix  
 transire nisi bibam illum fiat uoluntas tua. [c] Et uenit  
 iterum et inuenit eos dormientes. Erant autem oculi eorum  
 35 grauati. Et relictis illis iterum abiit et orauit tertio eundem  
 sermonem dicens. Tunc uenit ad discipulos suos. et dixit  
 illis. [✠] Dormite iam et requiescite. Ecce appropin-  
 quabit hora: et filius hominis tradetur in manus peccatorum.  
 Surgite eamus. Ecce appropinquabit: qui me tradet. [c]  
 40 Adhuc eo loquente: ecce iudas unus de duodecim uenit.  
 et cum eo turba multa cum gladiis et fustibus missi a  
 principibus sacerdotum et senioribus populi. Qui autem  
 tradidit eum dedit illis signum dicens. [s] Quemcumque  
 osculatus fuero ipse est. tenete eum. [c] Et confestim acce-  
 45 dens ad iesum. dixit. [s] Aue rabi. [c] Et osculatus est  
 eum. dixitque illi iesus. [✠] Amice ad quid uenisti? [c]

Tunc accesserunt: et manus iniecerunt in iesum. et tenuerunt eum. Et ecce unus ex his qui erant cum iesu. extendens manum exemit gladium: et percutiens seruum principis sacerdotum amputauit auriculam eius. Tunc ait illi iesus.

5 [✠] Conuerte gladium tuum in locum suum. Omnes enim qui acceperint gladium gladio peribunt. An putas quia non possum rogare patrem meum et exhibebit michi modo plus quam duodecim legiones angelorum? Quomodo ergo implebuntur scripture? Quia sic oportet fieri. [c] In illa hora:

10 dixit iesus turbis. [✠] Tanquam ad latronem existis cum gladiis et fustibus comprehendere me? Quotidie apud uos sedebam docens in templo: et non me tenuistis. [c] Hoc autem totum factum est. ut adimplerentur scripture prophetarum. Tunc discipuli omnes: relicto eo fugerunt. At illi tenentes

15 iesum. duxerunt eum ad caypham. principem sacerdotum. ubi scribe et seniores conuenerant. Petrus autem sequebatur eum a longe: usque in atrium principis sacerdotum. Et ingressus intro sedebat cum ministris ut uideret finem. Principes autem sacerdotum et omne concilium querebant

20 falsum testimonium contra iesum ut eum morti traderent. Et non inuenerunt cum multi falsi testes accessissent. Nouissime autem uenerunt duo falsi testes. et dixerunt. [s] Hic dixit. Possum destruere templum dei et post /triduum rehedificare illud. [c] Et surgens princeps [fo. 53.

25 sacerdotum ait illi. [s] Nichil respondes ad ea que isti aduersum te testificantur. [c] Iesus autem tacebat. Et princeps sacerdotum ait illi. [s] Adiuro te per deum uiuum. ut dicas nobis si tu es christus filius dei. [c] Dixit illi iesus. [✠] Tu dixisti. Uerumtatem dico uobis: amodo uide-

30 bitis filium hominis sedentem a dextris uirtutis dei. et uenientem in nubibus celi. [c] Tunc princeps sacerdotum scidit uestimenta sua dicens. [s] Blasphemauit. Quid adhuc egemus testibus? Ecce nunc audistis blasphemiam. Quid uobis uidetur? [c] At illi respondentes dixerunt. [s] Reus

35 est mortis. [c] Tunc expuerunt in faciem eius. et colaphis eum cederunt: alii autem palmas in faciem eius dederunt dicentes. [s] Prophetiza nobis christe. Quis est qui te percussit? [c] Petrus uero sedebat foris in atrio. Et accessit ad eum una ancilla dicens. [s] Et tu cum iesu galileo cras.

40 [c] At ille negauit coram omnibus: dicens: [s] Nescio quid dicis. [c] Exeunte autem illo ianuam: uidit eum alia ancilla. et ait his qui erant ibi. [s] Et hic erat cum iesu nazareno. [c] Et iterum negauit cum iuramento: quia non noui hominem. Et post pusillum accesserunt qui astabant. et

45 dixerunt petro. [s] Uere et tu ex illis es: nam et loquella tua manifestum te facit. [c] Tunc cepit detestari et iurare.



quia non nouisset hominem. Et continuo gallus cantauit.  
 Et recordatus est petrus uerbi iesu quod dixerat : priusquam  
 gallus cantet. ter me negabis. Et egressus foras fleuit amare.  
 Mane autem facto : consilium inierunt omnes principes sacer-  
 5 dotum et seniores aduersus iesum : ut eum morti traderent.  
 Et uinctum adduxerunt eum : et tradiderunt pontio pillato  
 presidi. Tunc uidens iudas qui eum tradidit quod damnatus  
 esset : penitentia ductus : rettulit triginta argenteos principibus  
 sacerdotum et senioribus dicens. [s] Peccaui : tradens san-  
 10 guinem iustum. [c] At illi dixerunt. [s] Quid ad nos ? tu  
 uideris. [c] Et proiectis argenteis in templo : recessit. et abiens  
 laqueo se suspendit. Principes autem sacerdotum acceptis  
 argenteis dixerunt. [s] Non licet mittere eos in corbonam  
 quia pretium sanguinis est. [c] Consilio autem inito :  
 15 emerunt ex illis agrum figuli in sepulturam peregrinorum.  
 Propter hoc uocatus est ager ille acheldemach. Hoc est ager  
 sanguinis : usque in hodiernum diem. Tunc adimpletum est :  
 quod dictum. est per yeremiam prophetam dicentem. Et  
 acceperunt triginta argenteos pretium appretiati quem  
 20 appretiauerunt a filiis ysrael : et dederunt eos in agrum  
 figuli sicut constituit michi dominus. Iesus autem stetit ante  
 presidem. Et interrogauit eum preses dicens. [s] Tu es  
 /rex iudeorum ? [c] Dicit ei iesus : [✠] Tu dicis. [c] [fo. 53b.  
 Et cum accusaretur a principibus sacerdotum et senioribus.  
 25 nichil respondit. Tunc dicit illi pillatus. [s] Non audis quanta  
 aduersum te dicunt testimonia ? [c] Et non respondit ei ad  
 ullum uerbum. ita ut miraretur preses uehementer. Per diem  
 autem solemnem consueuerat preses dimittere populo unum  
 uinctum quem uoluissent. Habebat autem tunc unum uinctum  
 30 insignem qui dicebatur barabas. qui propter seditionem missus  
 fuerat in carcerem. Congregatis autem illis : dixit pillatus. [s]  
 Quem uultis dimittam uobis. baraban an iesum qui dicitur  
 christus ? [c] Sciebat enim quod per inuidiam tradidissent  
 eum. Sedente autem illo pro tribunali : misit ad illum uxor  
 35 eius dicens. [s] Nichil tibi et iusto illi. Multa enim passa  
 sum hodie per uisum propter eum. [c] Principes autem  
 sacerdotum et seniores persuaserunt populis ut peterent  
 baraban : iesum uero perderent. Respondens autem preses  
 ait illis. [s] Quem uultis uobis de duobus dimitti ? [c] At  
 40 illi dixerunt. [s] Baraban. [c] Dicit illis pillatus. [s] Quid  
 igitur faciam de iesu qui dicitur christus ? [c] Dicunt omnes.  
 [s] Crucifigatur. [c] Ait illis preses. [s] Quid enim mali  
 fecit ? [c] At illi magis clamabant dicentes. [s] Crucifigatur.  
 [c] Uidens autem pillatus quia nichil proficeret : sed magis  
 45 tumultus fieret. accepta aqua lauit manus coram populo  
 dicens. [s] Innocens ego sum a sanguine iusti huius : uos

uideritis. [c] Et respondens uniuersus populus: dixit.  
 [s] Sanguis eius super nos et super filios nostros. [c] Tunc  
 dimisit illis baraban iesum autem flagellatum tradidit eis ut  
 crucifigeretur. Tunc milites presidis suscipientes iesum in  
 5 pretorio: congregauerunt ad eum uniuersam cohortem. Et  
 exeuntes † cum clamidem coccineam circundederunt ei. Et  
 plectentes coronam de spinis: posuerunt super caput eius. et  
 arundinem in dextera eius. Et genu flexo ante eum: illude-  
 bant ei dicentes. [s] Aue rex iudeorum. [c] Et expuentes  
 10 in eum: acceperunt arundinem et percutiebant caput eius.  
 Et postquam illuserunt ei: exuerunt eum clamide: et in-  
 duerunt eum uestimentis eius. et duxerunt eum ut cruci-  
 figerent. Exeuntes autem inuenerunt hominem cyreneum  
 uenientem obuiam sibi. nomine symonem. hunc angariauerunt:  
 15 ut tolleretur crucem eius. Et uenerunt in locum qui dicitur  
 golgotha: quod est caluarie locus. Et dederunt ei uinum  
 bibere. cum felle mixtum. Et cum gustasset: noluit bibere.  
 Postquam autem crucifixerunt eum. diuiserunt uestimenta  
 eius sortem mittentes. ut impleretur quod dictum est. per  
 20 prophetam dicentem. Diuiserunt sibi uestimenta mea: et  
 super uestem meam miserunt sortem. Et sedentes/ [fo. 54.  
 seruabant eum. Et imposuerunt super caput eius causam  
 ipsius scriptam. hic est iesus nazarenus rex iudeorum. Tunc  
 crucifixi sunt cum eo duo latrones: unus a dextris. et unus a  
 25 sinistris. Pretereuntes autem blasphemabant eum: mouentes  
 capita sua et dicentes: [s] Uath qui destruit templum dei. et  
 in triduo illud rehedificat? Salua te ipsum. Si filius dei  
 es: descende de cruce. [c] Similiter et principes sacerdotum  
 illudentes eum scribis et senioribus dicebant. [s] Alios saluos  
 30 fecit. seipsum non potest saluum facere? Si rex ysrael est:  
 descendat nunc de cruce. et credimus ei. Confidit in deo:  
 liberet eum nunc si uult. Dixit enim: quia filius dei sum.  
 [c] Id ipsum autem: et latrones qui crucifixi erant cum eo.  
 improperebant ei. A sexta autem autem† hora: tenebre facte  
 35 sunt super uniuersam terram: usque ad horam nonam. Et circa  
 horam nonam. clamauit iesus. uoce magna dicens. [✠] Hely.  
 Hely. lamazabathani. [c] Hoc est. [✠] Deus meus. Deus  
 meus ut quid dereliquisti me? [c] Quidam autem illic stantes et  
 audientes: dicebant. [s] Helyam uocat iste. [c] Et continuo  
 40 currens unus ex eis: acceptam spongiam impleuit aceto. et im-  
 posuit arundini. et dabat ei bibere. Ceteri uero dicebant. [s] Sine  
 uideamus: an ueniat helyas: liberans eum. [c] Iesus autem  
 iterum clamans uoce magna: emisit spiritum. Et ecce uellum  
 templi scissum est in duas partes: a summo usque deorsum.  
 45 Et terra mota est. et petre scisse sunt. et monumenta aperta  
 sunt: et multa corpora sanctorum. qui dormierant surrex-

erunt. Et exeuntes de monumentis post resurrectionem eius: uenerunt in sanctam ciuitatem. et apparuerunt multis. Centurio autem et qui cum eo erant custodientes iesum uiso terremotu et his que fiebant timuerunt ualde dicentes. [s]  
 5 Uere filius dei erat iste. [c] Erant autem ibi mulieres multe a longe. que secute erant iesum a galilea ministrantes ei inter quas erat maria magdalene et maria iacobi. et yoseph mater et mater filiorum zebedei. Cum sero autem factum esset: uenit quidam homo diues ab arimathia nomine yoseph qui et  
 10 ipse discipulus erat iesu. hic accessit ad pillatum: et petiit corpus iesu. Tunc pillatus iussit reddi corpus. Et accepto corpore yoseph inuoluit illud in syndone munda. et posuit illud in monumento suo nouo. quod exciderat in petra. Et aduoluit saxum magnum ad hostium monumenti: et abiit.  
 15 Erant autem ibi maria magdalene. et altera maria sedentes contra sepulcrum.

*Hic legitur in tono euangelii [Mat. xxvii. 62-66].*

**A**Ltera autem die que est post parasceuem: conuenerunt principes sacerdotum et pharisei ad pillatum dicentes.  
 20 Domine recordati sumus quia seductor ille dixit adhuc uiuens. Post tres/ dies resurgam. Iube ergo custodiri sepul- [fo. 54b. crum usque in diem tertium: ne forte ueniant discipuli eius. et furentur eum. et dicant plebi surrexit a mortuis. Et erit nouissimus error peior priore. Ait illis pillatus. Habetis  
 25 custodiam. Ite custodite sicut scitis. Illi autem abeuntes: munierunt sepulcrum. signantes lapidem: cum custodibus.

(*Offertorium.*) Improperium expectauit cor meum et miseriam et sustinui qui simul contristaretur et non fuit consolantem me quesui et non inueni. et dederunt in escam meam fel et in siti mea potauerunt me aceto.

(*Secreta.*)

**C**Oncede quesumus domine. ut oculis tue maiestatis munus oblatum et gratiam nobis deuotionis obtineat. et effectum beate peremnitatis† acquirat Per dominum.

35 *Prephatio.* Eterne deus. Qui salutem humani generis in ligno crucis constituisti.

*Et dicitur quotidie usque ad feriam sextam. nisi in missa de festo occurrerit.*

(*Communio.*) Pater si non potest hic calix transire nisi bibam  
 40 illum fiat uoluntas tua.

(*Post communio.*)

**P**ER huius domine operationem misterii et uitia nostra purgentur. et iusta desideria compleantur. Per.

## FERIA SECUNDA.

*(Statio ad sanctam praxedem.**Introitus.)*

5 **I**udica domine nocentes me. et expugna impugnantes me. apprehende arma et scutum et exurge in adiutorium meum domine uirtus salutis mee.

*(Ps.)* Effunde frameam et conclude aduersus eos qui persequuntur me. dic anime mee salus tua ego sum.

*(Oratio.)*

10 **D**A quesumus omnipotens deus: ut qui in tot aduersis ex nostra infirmitate deficimus. intercedente unigeniti filii tui passione respiremus. Per eundem dominum.

*(lectio ysaye prophete)* [Isa. I. 5-10].

15 **I**N diebus illis. Dixit ysaias. Dominus deus aperuit michi aurem: ego autem non contradico. retrorsum non abii. Corpus meum dedi percutientibus et genas meas uellentibus faciem meam non auerti ab increpantibus. et conspuentibus in me. Domine† deus auxiliator meus. ideo non sum confusus. Imo posui faciem meam ut petram durissimam et  
20 scio quoniam non confundar. Iuxta est qui iustificat me: quis contradicet michi? Stemus simul. Quis est aduersarius meus? Accedat ad me. Ecce dominus deus auxiliator meus. quis est qui condemnet me? Ecce omnes quasi uestimentum conterentur. tinea comedet eos. Quis ex uobis  
25 timens deum. audiens uocem serui eius? Quis ambulauit in tenebris et non est lumen ei? Speret in nomine domini et innitatur. super dominum deum suum.

*(Graduale.)* Exurge domine et intende iudicium meum. deus meus et dominus meus in causam meam. *(V.)* Effunde frameam et  
30 conclude aduersus eos qui me persequuntur.

*(Secundum Iohannem)* [Ioan. xii. 1-9].

**I**N illo tempore. Ante sex dies pasce uenit iesus bethaniam: ubi lazarus fuerat mortuus quem suscitauit iesus. fecerunt autem ei cenam ibi: et martha ministrabat. Lazarus uero  
35 unus erat: ex discumbentibus cum eo. Maria ergo accepit libram unguenti nardi/ pistici pretiosi. et unxit pedes [fo. 55. iesu. et extersit capillis suis pedes eius: et domus impleta est ex odore unguenti. Dixit ergo unus ex discipulis eius iudas scariotis qui erat eum traditurus. Quare hoc unguentum  
40 non uenit trecentis denariis. et datum est egenis? Dixit autem hec: non quia de egenis pertinebat ad eum. sed quia fur erat. et loculos habens. ea que mittebantur portabat.

Dixit ergo iesus. Sine illam: ut in die sepulture mee seruet illud. Pauperes enim semper habetis uobiscum. me autem non semper habebitis. Cognouit ergo turba multa ex iudeis quia illic esset. et uenerunt non propter iesum tantum:  
 5 sed ut lazarus uiderent: quem suscitauit a mortuis.

(*Offertorium.*) Eripe me de inimicis meis domine ad te confugi doce me facere uoluntatem tuam quia deus meus tu es.

(*Secreta.*)

10 **H**Ec sacrificia nos omnipotens deus potenti uirtute mundatos: ad suum faciant puriores uenire principium.  
 Per.

(*Communio.*) Erubescant et reuereantur simul qui gratulantur malis meis. induantur pudore et reuerentia. qui maligna loquuntur aduersum me.

15 (*Post communio.*)

**P**Rebeant nobis domine diuinum tua sancta feruorem quo eorum pariter et actu delectemur et fructu. Per dominum.

*Super populum.*

20 (*Oratio.*)

**A**Diua nos deus salutaris noster: et ad beneficia recolenda quibus nos instaurare dignatus es. tribue uenire gaudentes: Per.

FERIA TERTIA.

25 (*Statio ad sanctam priscam.*

*Introitus.*)

**N**Os autem gloriari oportet in cruce domini nostri iesu christi in quo est salus uita et resurrectio nostra. per quem saluati et liberati sumus.

30 (*Ps.*) Deus misereatur nostri et benedicat nobis. illuminet uultum suum super nos et misereatur nobis.

(*Oratio.*)

**O**Mnipotens sempiterne deus: da nobis ita dominice passionis sacramenta peragere: ut indulgentiam percipere  
 35 mereamur. Per.

(*lectio Ieremie prophete*) [Ier. xi. 18–20].

**I**N diebus illis. Dixit ieremias. Domine demonstrasti michi et cognoui: tu ostendisti michi studia eorum. Et ego quasi agnus mansuetus qui portatur ad uictimam: et

non cognoui quia cogitauerunt super me consilia dicentes. Uenite mittamus lignum in panem eius et eradamus eum de terra uiuentium. et nomen eius non memoretur amplius. Tu autem domine sabaoth qui iudicas iuste. et probas renes et  
 5 corda. uideam ultionem tuam ex eis. Tibi enim reuelaui causam meam. domine deus meus.

(*Graduale.*) Ego autem dum michi molesti essent induebam me cilitio et humiliabam in ieiunio animam meam. et oratio mea in sinu meo conuertetur. (V.) Iudica domine nocentes me expugna  
 10 impugnantes me apprehende arma et scutum et exurge in adiutorium michi.

(*Passio domini nostri yhesu christi.*


*Secundum marcum*) [Mar. xiv. i-xv. 46].

IN illo tempore. Erat autem pascha et azima post biduum.  
 15 Et querebant summi sacerdotes et scribe : quomodo iesum dolo tenerent et occiderent. Dicebant enim. [s]<sup>1</sup> [fo. 55b. Non in die festo. Ne forte tumultus fieret in populo. Et cum esset iesus bethanie in domo symonis leprosi et recumberet : uenit mulier habens alabastrum unguenti nardi pistici pretiosi.  
 20 Et fracto alabastro : effudit super caput eius. Erant autem quidam indigne ferentes intra semetipsos : et dicentes. [s] Ut quid perditio ista. unguenti facta est. Poterat enim unguentum istud uenundari plus quam trecentis denariis : et dari pauperibus. [c] Et fremebant in eam. Iesus autem dixit.  
 25 [✠] Sinite eam. Quid illi molesti estis? Bonum opus operata est in me. Semper enim pauperes habetis uobiscum. et cum uolueritis potestis illis benefacere : me autem non semper habebitis. Quod habuit hec fecit preuenit ungere corpus meum in sepulturam. Amen dico uobis : Ubicunque predica-  
 30 tum fuerit euangelium istud in uniuerso mundo : et quod fecit hec narrabitur in memoriam eius. [c] Et iudas scariotis unus de duodecim : abiit ad summos sacerdotes ut proderet eum illis. Qui audientes gauisi sunt : et promiserunt ei pecuniam se daturos. Et querebat quomodo illum oportune traderet.  
 35 Et primo die azimorum quando pasca immolabant. Dicunt ei discipuli. [s] Quo uis eamus. et paremus tibi ut manduces pasca? [c] Et mittit duos ex discipulis suis : et dicit eis. [✠] Ite in ciuitatem : et occurret uobis homo lagenam aque baiulans. Sequimini eum. Et quocunque introierit. dicite  
 40 domino domus quia magister dicit. Ubi est refectio mea : ubi pasca cum discipulis meis manducem? Et ipse uobis demonstrabit cenaculum grande stratum : et illic parate nobis. [c] Et abierunt discipuli eius. et uenerunt in ciuitatem. et inuen-  
 erunt sicut dixerat illis. et parauerunt pasca. Uespere autem

<sup>1</sup> See note on p. 136.

facto : uenit cum duodecim. Et discumbentibus eis : et manducantibus. ait iesus. [✠] Amen dico uobis. quia unus ex uobis tradet me. qui manducat mecum. [c] At illi ceperunt contristari : et dicere ei singulatim. [s] Nunquid ego ?  
 5 [c] Qui ait illis. [✠] Unus ex duodecim : qui intingit mecum manum in catino. Et filius quidem hominis uadit sicut scriptum est de eo. Ue autem homini illi : per quem filius hominis tradetur. Bonum erat ei : si non esset natus homo ille. [c] Et manducantibus illis : accepit iesus panem. et benedicens  
 10 fregit. et dedit eis. et ait. [✠] Sumite. hoc est corpus meum. [c] Et accepto calice gratias agens dedit eis. Et biberunt ex illo omnes. Et ait illis. [✠] Hic est sanguis meus noui testamenti : qui pro multis effundetur. Amen dico uobis. quod iam non bibam de genimine uitis : usque in diem illum cum illud  
 15 bibam uobiscum nouum in regno dei. [c] Et ymno dicto : exierunt in montem oliuarum. Et ait illis iesus. [✠] Omnes uos scandalizabimini in me in/ nocte ista : quia scriptum [fo. 56. est. Percutiam pastorem. et dispergentur oues. Sed postquam resurrexero precedam uos in galileam. [c] Petrus autem ait  
 20 illi. [s] Et si omnes scandalizati fuerint : sed non ego. [c] Et ait illi iesus. [✠] Amen dico tibi. quia tu hodie in nocte hac priusquam his gallus uocem dederit. ter me es negaturus. [c] At ille amplius loquebatur. [s] Et si oportuerit me simul commori tibi : non te negabo. [c] Similiter autem et omnes  
 25 dicebant. Et ueniunt in predium. cui nomen gethsemani : et ait discipulis suis. [✠] Sedete hic donec orem. [c] Et assumit petrum et iacobum et ioannem secum : et cepit pauere et tedere. Et ait illis. [✠] Tristis est anima mea usque ad mortem. Sustinete hic : et uigilate. [c] Et cum processisset  
 30 paululum. procidit super terram. et orabat ut si fieri posset : transiret ab eo hora. Et dixit. [✠] Abba pater. omnia tibi possibilis sunt. transfer calicem hunc a me. Sed non quod ego uolo : sed quod tu. [c] Et uenit et inuenit eos dormientes. Et ait petro. [✠] Symon dormis ? Non potuisti una  
 35 hora uigilare mecum. Uigilate et orate : ut non intretis in temptationem. Spiritus quidem promptus est : caro uero infirma. [c] Et iterum abiens : orauit eundem sermonem dicens. Et reuersus denuo inuenit eos dormientes. Erant enim oculi eorum grauati : et ignorabant quid responderent ei.  
 40 Et uenit tertio : et ait illis. [✠] Dormite iam : et requiescite. Sufficit. Uenit hora : ecce tradetur filius hominis in manus peccatorum. Surgite eamus : ecce qui me tradet prope est. [c] Et adhuc eo loquente : uenit iudas scarioth. unus ex  
 45 duodecim. et cum eo turba multa cum gladiis et lignis missi a summis sacerdotibus. et scribis et senioribus. Dederat autem traditor eis signum dicens. [s] Quemcunque osculatus fuero :

ROMAN.



ipse est tenete eum : et ducite caute. [c] Et cum uenisset  
 statim accedens ad eum ait. [s] Rabi. [c] Et osculatus est  
 eum. At illi manus iniecerunt in eum. et  
 tenuerunt eum. Unus autem de circumstantibus educens  
 5 gladium. percussit seruum summi sacerdotis : et amputauit  
 illi auriculam. Et respondens iesus. ait illis. [✠] Tanquam  
 ad latronem existis. cum gladiis et lignis comprehendere me ?  
 Quotidie eram apud uos in templo docens : et non me  
 tenuistis. Sed ut adimpleantur scripture. [c] Tunc discipuli  
 10 eius relinquentes eum : omnes fugerunt. Adolescens autem  
 quidam sequebatur eum amictus syndone super nudo. et  
 tenuerunt eum. At ille reiecta syndone† : nudus profugit ab  
 eis. Et adduxerunt iesum ad summum sacerdotem. et conue-  
 nerunt in unum omnes sacerdotes et scribe. et seniores. Petrus  
 15 autem a longe secutus est eum. usque intro in atrium summi  
 sacerdotis et sedebat cum ministris. et calefaciebat/ [fo. 56b.  
 se ad ignem. Summi uero sacerdotes. et omne concilium  
 querebant aduersum iesum testimonium uteum morti traderent :  
 nec inueniebant. Multi enim testimonium falsum dicebant.  
 20 aduersus eum : et conuenientia testimonia non erant. Et  
 quidam surgentes : falsum testimonium ferebant aduersus  
 eum dicentes. [s] Quoniam nos audiuius eum dicentem.  
 Ego dissoluam templum hoc manu factum. et post triduum  
 aliud non manu factum edificabo. [c] Et non erat conueniens  
 25 testimonium illorum. Et exurgens summus sacerdos in  
 medium interrogabat iesum dicens. [s] Non respondes quic-  
 quam ad ea que tibi obiciuntur ab his ? [c] Ille autem tace-  
 bat. et nichil respondit. Rurfus† summus sacerdos interro-  
 gabat eum et dixit ei. [s] Tu es christus filius dei benedicti.  
 30 [c] Iesus autem dixit illi. [✠] Ego sum. Et uidebitis  
 filium hominis sedentem a dextris uirtutis dei. et uenientem  
 cum nubibus celi. [c] Summus autem sacerdos scindens  
 uestimenta sua : ait. [s] Quid adhuc desideramus testes ?  
 Audistis blasphemiam ? Quid uobis uidetur ? [c] Qui omnes  
 35 condemnauerunt eum esse reum mortis. Et ceperunt quidam  
 conspuere eum : et uellare faciem eius : et colaphis eum  
 cedere : et dicere ei. [s] Propetiza : [c] Et ministri alapis  
 eum cedebant. Et cum esset petrus in atrio deorsum : uenit  
 una ex ancillis summi sacerdotis. et cum uidisset petrum  
 40 calefacientem se. aspiciens illum ait. [s] Et tu cum iesu  
 nazareno eras. [c] At ille negauit dicens. [s] Neque scio.  
 neque noui quid dicas. [c] Et exiit foras ante atrium : et  
 gallus cantauit. Rursus autem cum uidisset illum alia ancilla :  
 cepit dicere circumstantibus. [s] Quia hic ex illis est. [c]  
 45 At ille iterum negauit. Et post pusillum : rursus qui astabant  
 dicebant petro. [s] Uere ex illis es : nam et galileus es. [c]



Ille autem cepit anathematizare et iurare : quia nescio hominem istum quem dicitis. Et statim iterum gallus cantauit. Et recordatus est petrus uerbi quod dixerat ei iesus : priusquam gallus cantet. bis. ter me negabis. Et cepit flere. Et confestim mane consilium facientes summi sacerdotes cum senioribus scribis. et uniuerso concilio : uincientes iesum duxerunt et tradiderunt pillato. Et interrogauit eum pillatus. [s] Tu es rex iudeorum? [c] At ille respondens ait illi. [✠] Tu dicis. [c] Et accusabant eum summi sacerdotes in multis. Pillatus autem : rursum interrogauit eum dicens. [s] Non respondes quicquam : Uides in quantis te accusant. [c] Iesus autem amplius nichil respondit : ita ut miraretur pillatus. Per diem autem festum solebat illis dimittere unum ex uinctis quemcunque petissent. Erat autem unus qui dicebatur barabas. qui cum seditiosis erat uinctus : qui in seditione/ fecerat homicidium. Et cum ascendisset turba : [fo. 57. cepit rogare sicut semper faciebat illis. Pillatus autem respondit eis : et dixit. [s] Uultis dimittam uobis regem iudeorum? [c] Sciebat enim quod per inuidiam tradidissent eum summi sacerdotes. Pontifices autem concitauerunt turbam : ut magis baraban dimitteret eis. Pillatus autem iterum respondens. ait illis. [s] Quid ergo uultis faciam regi iudeorum? [c] At illi iterum clamauerunt. [s] Crucifige eum. [c] Pillatus uero dicebat eis. [s] Quid enim mali fecit? [c] At illi magis clamabant. [s] Crucifige eum. [c] Pillatus autem uolens populo satisfacere dimisit illis baraban. et tradidit iesum flagellis cesum ut crucifigetur. Milites autem duxerunt eum intro in atrium pretorii : et conuocant totam cohortem. Et induunt eum purpura. et imponunt ei plectentes spineam coronam : et ceperunt salutare eum. [c] Aue rex iudeorum. [s] Et percutiebant caput eius arundine : et conspuebant eum. et ponentes genua adorabant eum. Et postquam illuxerunt ei. exuerunt illum purpura : et induerunt eum uestimentis suis et educunt illum ut crucifigerent eum. Et angariauerunt pretereuntem quempiam symonem cyreneum. uenientem de uilla. patrem alexandri et rufi : ut tolleret crucem eius. Et perducunt illum in golgota locum quod est interpretatum caluarie locus. Et dabant ei bibere mirratum uinum : et non accepit. Et crucifigentes eum : diuiserunt uestimenta eius. mittentes sortem super eis. ut quis quid tolleret. Erat autem hora tertia : et crucifixerunt eum. Et erat titulus cause eius scriptus rex iudeorum. Et cum eo crucifigunt duos latrones : unum a dextris eius. et alium a sinistris. Et adimpleta est scriptura que dicit. Et cum iniquis reputatus est. Et pretereuntes blasphemabant eum mouentes capita sua. et dicentes. [s] Uath qui destruis tem-

plum dei : et in tribus diebus reedificas. Saluum fac temetipsum : descendens de cruce. [c] Similiter et summi sacerdotes illudentes ad alterutrum cum scribis dicebant. [s] Alios saluos fecit : seipsum non potest saluum facere. Christus rex  
 5 ysrael descendat nunc de cruce : ut uideamus et credamus. [c] Et qui cum eo crucifixi erant : conuitiabantur ei. Et facta hora sexta : tenebre facte sunt super totam terram usque in horam nonam. Et hora nona : exclamauit iesus uoce magna dicens. [✠] Heloy. Heloy : lamazabatani? [c]  
 10 Quod est interpretatum. [✠] Deus meus : deus meus ut quid dereliquisti me? [c] Et quidam de circumstantibus audientes : dicebant. [s] Ecce helyam uocat. [c] Currens autem unus et implens spongiam aceto. circumponesquef calamo : potum dabat ei dicens. [s] Sinite uideamus si  
 15 ueniat helyas ad deponendum eum. [c] Iesus autem emissa /uoce magna : expirauit Et uelum templi scissum [fo. 57b. est in duo. a summo usque deorsum. Uidens autem centurio qui ex aduerso stabat. quia sic clamans expirasset. ait. [s] Uere : homo hic filius dei erat. [c] Erant autem ibi mulieres  
 20 de longe aspicientes : inter quas erat maria magdalene. et maria iacobi minoris. et yoseph mater. et salome. Et cum essent in galilea sequebantur eum. et ministrabant ei : et alie multe simul cum eo ascenderant yerosolimam.

*Hic legitur in tono euangelii.*

25 **E**T cum iam sero esset factum. quia erat parasceue quod est ante sabbatum : uenit yoseph ab arimathia nobilis decurio. qui et ipse erat expectans regnum dei. Et audacter introiuit ad pillatum. et petiit corpus iesu. Pillatus autem mirabatur si iam obisset. Et accersito centurione : interro-  
 30 gauit eum si iam mortuus esset. Et cum cognouisset a centurione : donauit corpus yoseph. Ioseph autem mercatus syndonem. et deponens cum inuoluit syndone : et posuit eum in monumento quod erat excisum de petra. Et aduoluit lapidem ad hostium monumenti.

35 (*Offertorium.*) Custodi me domine de manu peccatoris et ab hominibus iniquis eripe me domine.

*(Secreta.)*

**S**Acrificia nos quesumus domine propensius ista restaurent. que medicinalibus sunt instituta ieiuniis. Per.

40 (*Communio.*) Aduersum me exercebantur qui sedebant in porta. et in me psalebant qui bibebant uinum. ego uero orationem meam ad te domine. tempus beneplaciti deus in multitudine misericordie tue.

*(Post communio.)*

**S**Anctificationibus tuis omnipotens deus. et uitia nostra curentur: et remedia nobis sempiterna proueniant.  
Per.

*Super populum.**(Oratio.)*

**T**ua nos misericordia deus. et ab omni subreptione uetustatis expurget: et capaces sancte nouitatis efficiat.  
Per.

FERIA QUARTA.

*(Statio ad sanctam mariam maiorem.**Introitus.)*

**I**N nomine domini omne genu flectatur celestium. terrestrium et infernorum. quia dominus factus obediens usque ad mortem. mortem autem crucis. ideo dominus iesus christus in gloria est dei patris.

*(Ps.)* Domine exaudi orationem meam/et clamor meus ad te ueniat.

Oremus. Flectamus genua. Leuate.

*(Oratio.)*

**P**Resta quesumus omnipotens deus ut qui nostris excessibus incessanter affligimur per unigeniti tui passionem libermur. Qui tecum.

*(lectio ysaie prophete)* [Isa. lxii. 11–lxiii. 1–6].

**H**Ec dicit dominus deus. Dicite filie syon. Ecce saluator tuus uenit. Ecce merces eius cum eo. Quis est iste qui uenit de edom. tinctis uestibus de bosra? Iste formosus in stolla sua: gradiens in multitudine fortitudinis sue. Ego qui loquor iustitiam: et propugnator sum ad saluandum. Quare ergo rubrum est indumentum tuum. et uestimenta tua sicut calcantium in torculari? Torcular calcaui solus: et de gentibus non est uir mecum. Calcaui eos in furore meo: et conculcaui eos in ira mea. Et aspersus est/ sanguis [fo. 58. eorum super uestimenta mea: et omnia indumenta mea inquinavi. Dies enim ultionis in corde meo. Annus retributionis mee uenit. Circumspexi. et non erat auxiliator: quesui. et non fuit qui adiuuaret. Et saluauit michi brachium meum: et indignatio mea ipsa auxiliata est michi. Et conculcaui populos in furore meo et inebriaui eos in indignatione mea et detraxi uirtutem eorum in terram.

Miserationum domini recordabor. Laudem domini super omnibus que reddidit nobis. dominus deus noster.

(*Graduale.*) Ne auertas faciam tuam a puero tuo. quoniam tribulor uelociter exaudi me. (*V.*) Saluum me fac deus quoniam  
 5 intrauerunt aque usque ad animam meam. infixus sum in limo profundi. et non est substantia.

*Hic dicitur.* Dominus uobiscum. *sine.* Flectamus genua.

(*Oratio.*)

10 **D**Eus qui pro nobis filium tuum crucis patibulum subire uoluisti: ut inimici a nobis expelles potestatem. concede nobis famulis tuis: ut resurrectionis gratiam consequamur. Per eundem.

(*lectio ysaye prophete*) [Isa. liii. 1-10, 12].

15 **I**N diebus illis. Dixit ysaias. Domine quis credidit auditui nostro. et brachium domini cui reuelatum est? Et ascendet sicut uirgultum coram eo: et sicut radix de terra sitienti. Et non est species ei: neque decor. Et uidimus eum: et non erat aspectus: et desiderauimus eum despectum.  
 20 et nouissimum uirorum uirum dolorum et scientem infirmitatem. Et quasi absconditus uultus eius. et despectus: unde nec reputauimus eum. Uere langores nostros ipse tulit et dolores nostros ipse portauit. Et nos putauimus eum quasi leprosum: et percussum a deo et humiliatum. Ipse autem  
 25 uulneratus est propter iniquitates nostras. attritus est propter scelera nostra Disciplina pacis nostre super eum et liuore eius sanati sumus. Omnes nos quasi oues errauimus: unus quisque in uiam suam declinauit. et dominus posuit in eo iniquitatem omnium nostrum. Oblatus est quia ipse uoluit: et non aperuit os suum. Sicut ouis ad occisionem ducetur. et  
 30 quasi agnus coram tondente se obmutescet: et non aperiet os suum. De angustia et de iudicio sublatus est. Generationem eius quis enarrabit? Quia abscisus est de terra uiuentium. Propter scelus populi mei percussi eum: et dabit impios pro sepultura: et diuites pro morte sua: eo quod iniquitatem non  
 35 fecerit: neque dolus inuentus fuerit in ore eius. Et dominus uoluit conterere eum: in infirmitate. Si posuerit pro peccato animam suam: uidebit semen longeuum. et uoluntas domini in manu eius dirigetur pro eo quod tradidit in mortem animam suam: et cum sceleratis reputatus est. Et ipse  
 40 peccatum multorum tulit: et pro transgressoribus orauit. ut non perirent.

(*Tractus.*) Domine exaudi orationem meam et clamor meus ad te ueniat. (*V.*) Ne auertas faciem tuam a me in quacunque die tri-

bulor/ inclina ad me aurem tuam. (V.) In quacunque die [fo. 58b. inuocauero te uelociter exaudi me. (V.) Quia defecerunt sicut fumus dies mei. et ossa mea sicut in frixorio confrixa sunt. (V.) Percussus sum sicut fenum. et aruit cor meum. quia oblitus sum manducare panem meum. (V.) Tu exurgens domine misereberis syon. quia uenit tempus miserendi eius.

(*Passio domini nostri yhesu christi.*

*Secundum lucam*) [Luc. xxii. 1–xxiii. 49].

**I**N illo tempore.<sup>1</sup> Appropinquabat autem dies festus azimorum qui dicitur pasca. Et querebant principes sacerdotum et scribe. quomodo iesum interficerent. Timebant uero plebem. Intrauit autem sathanas in iudam qui cognominabatur scarioth unum de duodecim: et abiit et iocutus est cum principibus sacerdotum et magistratibus quemadmodum illum traderet eis. Et gauisi sunt et pacti sunt pecuniam illi dare. Et spopondit. Et querebat opportunitatem. ut traderet eum sine turbis. Uenit autem dies azimorum. in qua necesse erat occidi pasca. et misit petrum et iohannem dicens. [✠] Euntes parate nobis pasca. ut manducemus. [c] At illi dixerunt. [s] Ubi uis paremus? [c] Et dixit ad eos. [✠] Ecce introeuntibus uobis in ciuitatem occurret uobis homo amphoram aque portans. Sequimini eum in domum in quam intrat: et dicetis patrifamilias domus. Dicit tibi magister. Ubi est diuersorium. ubi pasca cum discipulis meis manducem? Et ipse uobis ostendet cenaculum magnum stratum: et ibi parate. [c] Euntes autem inuenerunt sicut dixit illis iesus: et parauerunt pasca. Et cum facta esset hora discubuit et duodecim apostoli cum eo. Et ait illis. [✠] Desiderio desiderauí hoc pasca manducare uobiscum antequam patiar. Dico enim uobis. quia ex hoc non manducabo illud. donec impleatur in regno dei. [c] Et accepto calice. gratias egit et dixit. [✠] Accipite: et diuidite inter uos. Dico enim uobis: quia non bibam de generatione uitis. donec regnum dei ueniat. [c] Et accepto pane: gratias egit et fregit. et dedit eis dicens. [✠] Hoc est corpus meum. quod pro uobis datur. Hoc facite in meam commemorationem. Similiter et calicem postquam cenauit dicens. [✠] Hic est calix nouum testamentum in sanguine meo: qui pro uobis effundetur. Verumtamen ecce manus tradentis me mecum est in mensa. Et quidem filius hominis secundum quod diffinitum est uadit. Verumtamen ue homini illi: per quem tradetur. [c] Et ipsi ceperunt querere inter se quis esset ex eis qui hoc factururus esset. Facta est autem contentio inter eos: quis eorum uideretur esse maior? Dixit autem eis.

<sup>1</sup> A vacant space. See note on p. 130.

[✠] Reges gentium dominantur eorum : et qui potestatem habent super eos benefici uocantur. Uos autem non sic. Sed qui maior est in uobis. fiat sicut iunior. Et qui precessor est. sicut ministrator. Nam quis maior est. qui recumbit. an qui ministrat? Nonne/ qui recumbit? Ego autem in [fo. 59. medio uestrum sum : sicut qui ministrat. Uos autem estis : qui permansistis mecum in temptationibus meis. Et ego dispono uobis sicut disposuit michi pater meus regnum. ut edatis et bibatis super mensam meam in regno meo. et sedeatis super thronos iudicantes duodecim tribus ysrael. [c] Ait autem dominus symoni. [✠] Symon ecce sathanas expetiuit uos : ut cribraret sicut triticum. Ego autem rogavi pro te. ut non deficiat fides tua. Et tu aliquando conuersus confirma fratres tuos. [c] Qui dixit ei. [s] Domine tecum paratus sum. et in carcerem et in mortem ire. [c] Et ille dixit. [✠] Dico tibi petre non cantabit hodie gallus. donec ter abneges nosce† me. [c] Et dixit eis. [✠] Quando misi uos sine sacculo et pera et calciamentis. nunquid aliquid defuit uobis? [c] At illi dixerunt. Nichil. [c] Dixit ergo eis. [✠] Sed nunc qui habet sacculum : tollat. similiter et peram. Et qui non habet : uendat tunicam suam. et emat gladium. Dico enim uobis : quoniam adhuc hoc quod scriptum est oportet impleri in me. et cum iniquis deputatus est. Et enim ea que sunt de me finem habent. [c] At illi dixerunt. [s] Domine ecce gladii duo hic. [c] At ille dixit eis. [✠] Satis est. [c] Et egressus ibat secundum consuetudinem in montem oliuarum. Secuti sunt autem illum. et discipuli eius. Et cum peruenissent ad locum : dixit illis. [✠] Orate : ne intretis in temptationem. [c] Et ipse auulsus est ab eis : quantum iactus est lapidis. Et positis genibus : orabat dicens. [✠] Pater si uis transfer calicem istum a me. Uerumtamen : non mea uoluntas. sed tua fiat. [c] Apparuit autem illi angelus de celo : confortans eum. Et factus in agonia prolixius orabat. Et factus est sudor eius : sicut gutte sanguinis decurrentis in terram. Et cum surrexisset ab oratione et uenisset ad discipulos suos : inuenit eos dormientes pre tristitia. Et ait illis. [✠] Quid dormitis? Surgite et orate. ne intretis in temptationem. [c] Adhuc eo loquente : ecce turba. et qui uocabatur iudas unus de duodecim antecedebat eos. Et appropinquauit iesu. ut oscularetur eum. Iesus autem dixit illi. [✠] Iuda osculo : filium hominis tradis? [c] Uidentes autem hi. qui circa ipsum erant. quod futurum erat. dixerunt ei. [s] Domine si percutimus in gladio? [c] Et percussit unus ex illis seruum principis sacerdotum : et amputauit auriculam eius dexteram. Respondens autem iesus ait. [✠] Sinite usque huc : [c] Et cum tetigisset

auriculam eius sanauit eum. Dixit autem iesus: ad eos. qui uenerant ad se. principes sacerdotum. et magistratus templi et seniores. [✠] Quasi ad latronem existis cum gladiis et fustibus: cum quotidie uobiscum fuerim in templo. / et non extendistis manus in me. Sed hec [fo. 59b. 5 est hora uestra: et potestas tenebrarum. [c] Comprehendentes autem eum duxerunt ad domum principis sacerdotum. Petrus uero sequebatur eum a longe. Accenso autem igni in medio atrio. et circumsedentibus illis: erat petrus in medio eorum. Quem cum uidisset ancilla quedam sedentem ad limen. et eum fuisset intuita dixit. [s] Et hic cum illo erat. [c] At ille negauit eum: dicens. [s] Mulier: non noui illum. [c] Et post pusillum: alius uidens eum dixit. [s] Et tu de illis es. [c] Petrus uero ait. [s] O homo non sum. [c] Et interuallo facto quasi hore unius. alius quidam affirmabat dicens. [s] Uere et hic cum illo erat. Nam et galileus est. [c] Et ait petrus. [s] Homo: nescio quid dicis. [c] Et continuo adhuc illo loquente: cantauit gallus. Et conuersus dominus respexit petrum. Et recordatus est petrus uerbi domini sicut dixerat. quia priusquam gallus cantet. ter me negabis. Et egressus foras petrus fleuit amare. Et uiri qui tenebant iesum illudebant ei cedentes eum. Et uellauerunt eum: et percutiebant faciem eius: et interrogabant eum dicentes. [s] Prophetiza quis est qui te percussit. 25 [c] Et alia multa blasphemantes. dicebant in eum. Et ut factus est dies: conuenerunt seniores plebis et principes sacerdotum et scribe et duxerunt illum in consilium suum dicentes. [s] Si tu es christus: dic nobis? [c] Et ait illis. [✠] Si uobis dixerero. non creditis michi. Si autem et 30 interrogauero. non respondebitis michi. neque dimittetis. Ex hoc autem erit filius hominis sedens a dextris uirtutis dei. [c] Dixerunt autem omnes. [s] Tu ergo es filius dei? [c] Qui ait. [✠] Uos dicitis. quia ego sum. [c] At illi dixerunt. [s] Quid adhuc desideramus testimonium? Ipsi 35 enim audiuius de ore eius. [c] Et surgens omnis multitudo eorum. duxerunt illum ad pillatum. Ceperunt autem illum accusare dicentes. [s] Hunc inuenimus subuertentem gentem nostram. et prohibentem tributa dare cesari: et dicentem se christum regem esse. [c] Pillatus autem interrogauit eum dicens. [s] Tu es rex iudeorum. [c] At ille respondens ait. [✠] Tu dicis. [c] Ait autem pillatus: ad principes sacerdotum et turbas. [s] Nichil inuenio cause in hoc homine. [c] At illi inualescebant dicentes. [s] Commouit populum docens per uniuersam iudeam. incipiens a galilea usque huc. 40 [c] Pillatus autem audiens galileam interrogauit si homo galileus esset. Et ut cognouit quod de herodis potestate

esset : remisit eum ad herodem. qui et ipse yerosolimis erat illis diebus. Herodes autem uiso iesu. gaudisus est ualde. Erat enim cupiens ex multo tempore uidere eum : eo quod audierat multa de illo : et sperabat signum aliquod uidere  
5 ab eo/ fieri. Interrogabat autem illum : multis sermon- [fo. 60. ibus : at ipse nichil illi respondebat. Stabant autem principes sacerdotum et scribe constanter accusantes eum. Spreuit autem illum herodes cum exercitu suo : et illusit indutum ueste alba. et remisit ad pillatum. Et facti sunt amici  
10 herodes et pillatus in ipsa die : nam antea inimici erant ad inuicem. Pillatus conuocatis principibus sacerdotum et magistratibus et plebe : dixit ad illos. [s] Obtulistis michi hunc hominem quasi auertentem populum : et ecce ego coram uobis interrogans. nullam causam inueni in homine isto ex  
15 his in quibus eum accusatis. Sed neque herodes. Nam remisit illum ad nos : et ecce nichil dignum morte actum est ei. Emendatum ergo illum dimittam. [c] Necesse autem habebat dimittere eis per diem festum unum uinctum quem uoluissent. Exclamauit autem simul uniuersa turba dicens.  
20 [s] Tolle hunc et dimitte nobis baraban. [c] Qui erat propter seditionem quandam factam in ciuitate. et homicidium : missus in carcerem. Iterum autem pillatus locutus est ad illos : uolens dimittere iesum. At illi subclamabant dicentes. [s] Crucifige : crucifige illum. [c] Ille autem :  
25 tertio dixit ad illos. [s] Quid enim mali fecit iste? Nullam causam mortis inuenio in eo. Corripiam ergo illum et dimittam? [c] At illi instabant uocibus magnis : postulantes ut crucifigeretur. Et inualescebant uoces eorum. Et pillatus adiudicauit fieri petitionem eorum. Dimisit autem illis eum  
30 qui propter homicidium et seditionem missus fuerat in carcerem quem petebant : iesum uero tradidit uoluntati eorum. Et cum ducerent eum : apprehenderunt symonem quendam cyrenensem uenientem de uilla. Et imposuerunt illi crucem portare : post iesum. Sequebatur autem illum  
35 multa turba populi et mulierum : que plangebant eum. et lamentabantur. Conuersus autem ad illas iesus dixit. [✠] Filie yerusalem. nolite flere super me : sed super uos ipsas flete. et super filios uestros. Quoniam ecce uenient dies. in quibus dicent. Beate steriles : et uentres qui non  
40 genuerunt. et ubera que non lactauerunt. Tunc incipient dicere montibus cadite super nos : et collibus operite nos. Quia si in uiridi ligno hoc faciunt : in arido quod fiet. [c] Ducebantur autem et alii duo nequam cum eo : ut interficerentur. Et postquam uenerunt in locum qui uocatur  
45 caluarie. ibi crucifixerunt eum. Et latrones : unum a dextris. et alium a sinistris. Iesus autem dicebat. [✠] Pater :



dimitte illis: non enim sciunt quid faciunt. [c] Diuidentes uero uestimenta eius: miserunt sortes. Et stabat populus expectans et deridebant eum principes cum eis. dicentes. [s] Alios saluos fecit. seipsum saluum faciat. si hic est christus dei electus. [c] Illudebant autem ei et milites accedentes et acetum/ offerentes. dicentes illi. [s] Si tu es rex [fo. 60b. iudeorum saluum te fac. [c] Erat autem et superscriptio scripta super illum literis grecis. et latinis et hebraicis. hic est rex iudeorum. Unus autem de his qui pendebant latronibus: blasphemabat eum dicens. [s] Si tu es christus: saluum fac temetipsum et nos. [c] Respondens autem alter: increpabat illum dicens. [s] Neque tu times deum. qui in eadem damnatione es. Et nos quidem iuste. nam digna factis recipimus. Hic uero nichil mali gessit. [c] Et dicebat ad iesum. [s] Domine memento mei. cum ueneris in regnum tuum. [c] Et dixit illi iesus. [✠] Amen dico tibi. Hodie mecum eris in paradiso. [c] Erat autem fere hora sexta. et tenebre facte sunt in uniuersa terra. usque in horam nonam. Et obscuratus est sol. et uelum templi scissum est medium. Et clamans iesus uoce magna ait. [✠] Pater in manus tuas commendo spiritum meum. [c] Et hec dicens. expirauit. Uidens autem centurio quod factum fuerat glorificauit deum dicens. [s] Uere hic homo iustus erat. [c] Et omnis turba eorum qui simul aderant ad spectaculum istud. et uidebant que fiebant: percutientes pectora sua reuertebantur. Stabant autem omnes noti eius a longe. et mulieres que secute erant eum a galilea. Hec uidentes.

*Hic legitur in tono euangelii [Luc. xxiii. 50-53].*

**E**T ecce uir nomine yoseph qui erat decurio. uir bonus et iustus. Hic non consenserat consilio et actibus eorum. ab arimathia ciuitate iudee: qui expectabat et ipse regnum dei. Hic accessit ad pillatum: et petiit corpus iesu. Et depositum inuoluit syndone: et posuit eum in monumento exciso. in quo nondum quisquam. positus fuerat.

*(Offertorium.)* Domine exaudi orationem meam. et clamor meus ad te perueniat.

*(Secreta.)*

**P**urifica nos misericors deus: ut ecclesie tue preces que tibi grate sunt. pia munera deferentes: fiant expiatis mentibus gratiores. Per.

*(Communio.)* Potum meum cum fletu temperabam quia eleuans allisisti me et ego sicut fenum arui. tu autem domine in eternum permanes. tu exurgens misereberis syon. quia uenit tempus miserendi eius.

(Post communio.)

L Argire sensibus nostris omnipotens deus : ut per temporalem filii tui mortem quam misteria ueneranda testantur : uitam nobis te dedisse perpetuam confidamus. Per  
5 eundem.

*Super populum.*

(Oratio.)

R Espice quesumus domine super hanc familiam tuam : pro qua dominus noster iesus christus non dubitauit manibus tradi nocentium : et crucis subire tormentum. Qui  
10 tecum.

FERIA QUINTA IN CENA DOMINI.

*(Statio ad sanctum Iohannem in laterano.**Introitus.)*

15 N Os autem gloriari oportet in cruce domini nostri iesu christi in quo est salus uita et resurrectio nostra. per quem saluati et liberati sumus.

(Ps.) Deus misereatur nostri. (V.) Gloria in excelsis deo.  
dicitur.

20

(Oratio.)

/ D Eus a quo et iudas reatus sui penam. et confessi- [fo. 61.  
onis sue latro premium sumpsit : concede nobis tue propitiationis effectum. ut sicut in passione sua iesus christus dominus noster. diuersa utrisque intulit stipendia meritorum :  
25 ita nobis ablato uetustatis errore resurrectionis sue gratiam largiatur. Qui tecum.

*(Ad corinthios) [I Cor. xi. 20-32].*

F Ratres. Conuenientibus uobis in unum : iam non est dominicam cenam manducare. Unusquisque enim : suam  
30 cenam presumit ad manducandum. Et alius quidem esurit : alius autem ebrius est. Nunquid domos non habetis ad manducandum et bibendum : aut ecclesiam dei contemnitis. et confunditis eos qui non habent? Quid dicam uobis? Laudo uos : in hoc non laudo. Ego enim accepi a domino  
35 quod et tradidi uobis : quoniam dominus iesus in qua nocte tradebatur : accepit panem. et gratias agens : fregit et dixit. Accipite : et manducate. Hoc est corpus meum : quod pro uobis tradetur. Hoc facite in meam commemorationem. Similiter et calicem postquam cenauit dicens. Hic calix :  
40 nouum testamentum est in meo sanguine. Hoc facite quotienscumque bibetis in meam commemorationem : quotiens-

cunque enim manducabitis panem hunc. et calicem bibetis : domini mortem annuntiabitis donec ueniat. Itaque quicumque manducauerit panem hunc. uel biberit calicem domini indigne : reus erit corporis et sanguinis domini. Probet autem seipsum  
 5 homo : et sic de pane illo edat : et de calice bibat. Qui enim manducat et bibit indigne : iudicium sibi manducat et bibit. non diiudicans corpus domini. Ideo inter uos multi infirmi et imbecilles : et dormiunt multi. Quod si nosmetipsos diiudicaremus : non utique iudicaremur. Dum iudicamur  
 10 autem a domino corripimur : ut non cum hoc mundo damnemur.

(*Graduale.*) Christus factus est pro nobis obediens usque ad mortem. mortem autem crucis. (*V.*) Propter quod et deus exaltauit illum. et dedit illi nomen quod est super omne nomen.

15 (*Secundum Iohannem*) [Ioan. xiii. 1-15].

**A**Nte diem festum pasce sciens iesus quia uenit eius hora : ut transeat ex hoc mundo ad patrem : cum dilexisset suos qui erant in mundo. in finem dilexit eos. Et cena facta. cum diabolus iam misisset in cor. ut traderet eum iudas  
 20 symonis scariotis. sciens quia omnia dedit ei pater in manus. et quia a deo exiuit. et ad deum uadit. surgit a cena. et ponit uestimenta sua. Et cum accepisset lintheum : precinxit se. Deinde misit aquam ad peluim. et cepit lauare pedes discipulorum suorum et extergere lintheo quo erat precinctus.  
 25 Uenit ergo ad symonem petrum : et dicit ei petrus. Domine tu michi lauas pedes? Respondit iesus. et dixit ei. Quod ego facio tu nescis modo : scies autem postea. Dicit ei petrus. Non lauabis michi pedes in eternum. Respondit ei iesus si non/ lauero te. non habebis partem mecum. [fo. 61b.  
 30 Dicit ei symon petrus. Domine : non tantum pedes meos. sed et manus et caput. Dicit ei iesus. Qui lotus est : non indiget nisi ut pedes lauet : sed est mundus totus. Et uos mundi estis sed non omnes. Sciebat enim quisnam esset qui traderet eum. Propterea dixit : non estis mundi omnes.  
 35 Postquam ergo lauit pedes eorum. accepit uestimenta sua : cum recubisset. iterum dixit eis. Scitis quid fecerim uobis? Uos uocatis me magister et domine. et benedicitis. Sum et enim. Si ergo ego laui pedes uestros dominus et magister : et uos debetis alter alterius lauare pedes. Exem-  
 40 plum enim dedi uobis. ut quemadmodum ego feci uobis. ita et uos faciatis.

(*Offertorium.*) Dexter a domini fecit uirtutem. dextera domini exaltauit me. non moriar sed uiuam. et narrabo opera domini.

(Secreta.)

**I**Pse tibi quesumus domine sancte pater omnipotens eterne deus sacrificium nostrum reddat acceptum : qui discipulis suis in sui commemorationem hoc fieri hodierna traditione monstrauit. iesus christus filius tuus dominus noster. Qui tecum.

(Infra canonem.)

**C**ommunicantes et diem sacratissimum celebrantes. quo dominus noster iesus christus pro nobis est traditus et memoriam.

(Alia infra canonem.)

**H**Anc igitur oblationem seruitutis nostre. sed et cuncte familie tue quam tibi offerimus ob diem in qua dominus noster iesus christus tradidit discipulis suis corporis et sanguinis sui misteria celebranda : quesumus domine ut placatus accipias. diesque nostros *et cetera*.

**Q**ui pridie quam pro nostra omniumque salute pateretur. hoc est hodie : accepit panem in sanctas ac uenerabiles manus suas *et cetera*.

**20** Agnus dei dicitur. sed pax non datur hodie reseruat sacerdos in loco honesto et conuenienti unam hostiam consecratam pro sequenti die. in quo non conficitur uel etiam plures si necesse fuerit pro infirmis sanguinem uero totum sumit. Deinde fratres immediate communicant. et postea  
**25** *completur missa.*

(Communio.) Dominus iesus postquam cenauit cum discipulis suis lauit pedes eorum. et ait illis. scitis quid fecerim uobis. ego dominus et magister exemplum dedi uobis. ut et uos ita faciatis.

(Post communio.)

**30** **R**Efecti uitalibus alimoniis. quesumus domine deus noster ut quod [tempore] nostre mortalitatis cultu exequimur immortalitatis tue munere consequamur. Qui uiuis.  
*Et dicitur* Ite missa

*Post refectionem sacerdos cum acolyto denudat altaria legendo.***35** *Antiphona.*

Diuiserunt uestimenta mea et super uestem meam miserunt sortem. (*cum toto psalmo.*) Deus deus meus respice in me.

*Post nudationem altarium hora competenti facto signo cum*  
**40** *tabula. conueniunt fratres ad faciendum mandatum maiores abluunt pedes et osculantur et interim hec subscripta cantantur uel omnia uel in parte pro dispositione cantoris.*

(Antiphona.)

Mandatum nouum do uobis ut diligatis inuicem sicut dilexi uos. dicit dominus

(Ps.) Beati immaculati.

5 *Et repetitur immediate antiphona. Mandatum/ [fo. 62. nouum. Et sic alie antiphone cum psalmis uel uersus repetuntur. Et nota quod de quolibet psalmo non dicitur nisi unus uersus.*

(Antiphona.)

10 **P**ostquam surrexit dominus a cena misit aquam in peluim. et cepit lauare pedes discipulorum suorum. hoc exemplum reliquit eis.

(Ps.) Magnus dominus et laudabilis nimis in ciuitate dei nostri in monte sancto eius.

15 (Antiphona.)

Dominus iesus postquam cenauit cum discipulis suis. lauit pedes eorum. et ait illis. scitis quid fecerim uobis. ego dominus et magister. exemplum dedi uobis. ut et uos ita faciatis.

20 (Ps.†) In diebus illis mulier que erat in ciuitate peccatrix. ut cognouit quod iesus accubuit in domo simonis leprosi. attulit alabastrum unguenti. et stans retro secus pedes domini iesu. lacrimis cepit rigare pedes eius et capillis capitis sui tergebat. et osculabatur pedes eius. et unguento ungebat.

(Antiphona.)

25 Benedixisti domine terram tuam. auertisti captiuitatem Iacob.

(Ps.†) Maria ergo unxit pedes iesu et extersit capillis suis. et domus impleta est ex odore unguenti.

(Ps.) Domine ne in furore tuo arguas me. neque in ira tua corripas me. (V.) Uos uocatis me magister et domine et bene dicitis. 30 sum et enim. si ego laui pedes uestros dominus et magister. et uos debetis alter alterius lauare pedes.

(Antiphona.)

Exemplum enim dedi uobis ut et uos ita faciatis.

(Ps.†) Diligamus nos inuicem. quia caritas ex deo est. et qui 35 diligit fratrem suum ex deo natus est. et uidet deum.

(Antiphona.)

Quam dilecta tabernacula tua domine uirtutum. concupiscit et deficit anima mea in atria domini.

(Ps.†) Ubi est caritas et dilectio. ibi sanctorum est congregatio. 40 ibi nec ira est nec indignatio. sed firma caritas in perpetuum. christus descendit mundum redimere. ut liberaret a morte hominem exemplum dedit suis discipulis ut sibi inuicem pedes abluerent.

(Antiphona.)

Deus miseriatur† nostri et benedicat nobis. illuminet uultum suum super nos et misereatur nostri.

(Antiphona.)

5 Congregauit nos christus ad glorificandum se ipsum reple domine animas nostras sancto spiritu. (V.) A solis ortu et occasu ab aquilone et mari.

(Antiphona.)

10 Mulier que erat in ciuitate peccatrix attulit alabastrum unguenti. et stans retro secus pedes domini iesu lacrimis cepit rigare pedes eius. et capillis capitis sui tergebat. (V.) Dum esset rex in accubitu suo. nardus mea dedit odorem suauitatis.

(Antiphona.)

15 Domine tu michi lauas pedes. respondit iesus et dixit ei si non lauero tibi pedes. non habebis partem mecum. (V.) Uenit ergo ad simonem petrum. et dixit ei petrus. et repetitur (V.) Domine tu michi.

(Antiphona.)

20 Quod ego facio tu nescis modo. scies autem postea. Et repetitur (Antiphona) Domine tu michi. Domine non tantum pedes meos. sed et manus et caput. (Antiphona) Et repetitur (V.) Domine tu michi.

(Antiphona.)

25 Si ego dominus et magister uester laui uobis pedes quanto magis debetis alter alterius lauare pedes. (V.) Audite hec omnes gentes. auribus percipite omnes qui habitatis orbem.

(Antiphona.)

30 In hoc cognoscent omnes quia mei estis discipuli si dilectionem habueritis ad inuicem. (V.) Maneant in uobis fides. spes. caritas. tria hec. maior autem horum est caritas. (V.) Nunc autem manent fides. spes. caritas. tria hec.

(Antiphona.)

35 Benedicta sit sancta. trinitas atque indiuisa unitas. confitebimur ei quia fecit nobiscum misericordiam suam. (V.) Benedicamus patrem et filium cum sancto spiritu.

(Antiphona.)

Ubi caritas et amor deus ibi est. (V.) Congregauit nos in unum christi amor.

(Antiphona.)

Exultemus et in ipso iocundemur. (V.) Timeamus et amemus deum uiuum. Et ex corde diligamus nos sincero.

Et repetitur (Antiphona.) Ubi caritas et amor. (V.) Qui non  
5 habet caritatem nichil habet.

(Antiphona.)

Et in tenebris et umbra mortis manet. (V.) Nos alterutrum/ amemus et in die. (V.) Sicut decet ambulemus lucis [fo. 62b. proles.

10 Et repetitur (Antiphona.) Ubi caritas et amor. (V.) Clamat dominus et dicit clara uoce. (V.) Ubi fuerint in unum congregati. (V.) Meum propter nomen simul tres uel duo. (V.) Et in medio eorum ego ero.

15 Et repetitur (Antiphona.) Ubi caritas. (V.) Simul ergo cum in unum congregamur. (V.) Ne nos mente diuidamur caueamus. (V.) Cessent iurgia maligna. cessent lites. (V.) Et in medio nostri sit christus deus.

Et repetitur. (Antiphona.) Ubi caritas. (V.) Caritas est summum bonum amplum donum. (V.) In qua pendet totus ordo  
20 preceptorum. (V.) Per quam uetus atque noua lex impletur. (V.) Que ad celsa celi mittit se repletos.

Et repetitur. (Antiphona.) Ubi caritas. (V.) Nam ut caritas coniungit et absentes. (V.) Sic discordia disiungit et presentes. (V.) Quia caritas preceptis in duobus. (V.) Constat quibus deus  
25 atque omnis homo.

Et repetitur (Antiphona.) Ubi caritas. (V.) Et per coccum prisca lege figuratur. (V.) Qui colore tingi rubro bis iubetur. (V.) Uere memor dat fraternus amor uitam. (V.) Et perpetuam malignis dabit penam.

0 Et repetitur (Antiphona.) Ubi caritas.

(Antiphona.)

Unanimiter excelsum imploremus. (V.) Ut det pacem clemens nostris in diebus. (V.) Iungat fidei speique opus bonum. (V.) Et consortium captemus supernorum.

5 repetitur (antiphona.) Ubi caritas. (V.) Similes quoque cum beatis uideamus. (V.) Gloriantur uultum tuum christe deus. (V.) Gaudium quod est immensum atque probum. (V.) Secula per infinita seculorum. Amen.

[FERIA SEXTA IN PARASCEUE]

0 Feria sexta in parasceue hora sexta fratres conuenientes ad ecclesiam. Dicunt nonam et interius sacerdos et ministri induti missalibus indumentis completa nona sine luminaribus et incenso procedunt. et ante altare prostrati aliquamdiu orent. Accoliti uero interim unam tantum toualiam extendunt super

*altare. et sacerdos finita oratione sua deosculatur altare. et in loco suo cum ministris sedet. unus uero subdiaconus procedit ad legendum et sine titulo incipit prophetiam.*

*(prophetia prima osce†) [Osee. vi. 1-6].*

- 5 **H**Ec dicit dominus. In tribulatione sua. mane consurgent ad me. Uenite reuertamur ad dominum. quia ipse cepit et sanabit nos. Percutiet et curabit nos. uiuificabit nos post duos dies. et in die tertio suscitabit nos et uiuemus in conspectu eius. sciemus. sequemurque ut cognoscamus domi-  
 10 num. Quasi diluculum preparatus est egressus eius. et ueniet quasi ymber nobis temporaneus et serotinus terre. Quid faciam tibi effraym? Quid faciam tibi iuda? Misericordia uestra quasi nubes matutina. et quasi ros mane pertransiens Propter hoc dolui in prophetis. et occidi eos in uerbis oris mei  
 15 et iudicia mea quasi lux egredientur. Quia misericordiam. uolui. et non sacrificium et scientiam dei plusquam holocaustum.

*(Tractus.)* Domine audiui auditum tuum. et timui. consideraui opera tua et expaui. *(V.)* In medio duorum animalium innotesceris. dum aporinquauerint anni cognosceris dum aduenerit tempus ostenderis. *(V.)* In eo dum conturbata fuerit anima mea in ira misericordie memor eris. *(V.)* Deus a libano ueniet. et sanctus de monte umbroso et condenso. *(V.)* Operuit celos maiestas eius. et laudis eius plena est terra.

- 25 *Finito tractu dicit sacerdos. Oremus et dyaconus dicit.* Flectamus genua. Leuate.

*(Oratio.)*

- D**Eus a quo et iudas reatus sui penam. et confessionis sue/latro premium sumpsit. concede nobis tue pro- [fo. 63.  
 30 pitiationis effectum. ut sicut in passione sua iesus christus dominus noster diuersa utrisque intulit stipendia meritorum: ita nobis ablato uetustatis errore: resurrectionis sue gratiam largiatur. Qui tecum uinit† et regnat.

*(Prophetia secunda. et legitur sine titulo) [Exod. xii. 1-11].*

- 35 **I**N diebus illis: Dixit dominus ad moysen et aaron in terra egypti. Mensis iste. uobis principium mensium: primus erit in mensibus anni. Loquimini ad uniuersum cetum filiorum ysrael: et dicite eis. Decima die mensis huius: tollat unusquisque agnum per familias et domos suas.  
 40 Sin autem minor est numerus. ut sufficere possit ad uescendum agnum: assumat uicinum suum qui iunctus est domui sue. iuxta numerum animarum que sufficere possint ad esum agni. Erit autem agnus absque macula: masculus anniculus.



Iuxta quem ritum tolletis et edum. et seruabitis eum usque ad quartam decimam diem mensis huius. Immolabitque eum uniuersa multitudo filiorum ysrael. usque ad uesperum: et sument de sanguine eius ac ponent super† utrumque postem.  
 5 et insuper luminaribus domorum in quibus comedent illum. Et edent carnes nocte illa assas igni. et azimos panes cum lactucis agrestibus. Non comedetis ex eo crudum quid. nec coctum aqua sed assum tantum igni. Caput cum pedibus eius et intestinis uorabitis. et os eius non confringetis. nec remanebit ex eo quicquam usque mane. Si quid residuum fuerit igni† comburetis. Sic autem comedetis illum. Renes uestros accingetis. calciamenta habebitis in pedibus. tenentes baculos in manibus. et comedetis festinanter. Est enim pasce†: idest transitus domini.

15 (Tractus.) Eripe me domine ab homine malo. a uiro iniquo libera me. (V.) Qui cogitauerunt malitias in corde. tota die constituebant prelia. (V.) Acuerunt linguas suas. sicut serpentes. uenenum aspidum sub labiis eorum. (V.) Custodi me domine de manu peccatoris. et ab hominibus iniquis libera me.

20 (Tractus.) Qui cogitauerunt supplantare gressus meos. absconderunt superbi laqueum michi. (V.) Et funes extenderunt in laqueum pedibus meis et iuxta iter scandalum posuerunt michi. (V.) Dixi domino deus meus es tu. exaudi domine uocem orationis mee. (V.) Domine domine uirtus salutis mee. obumbrasti caput meum in die belli.

5 (Tractus.) Ne tradas me a desiderio meo peccatori. cogitauerunt aduersum me. ne derelinquas me ne unquam exaltentur. (V.) Caput circuitus eorum labor labiorum ipsorum operiet eos. (V.) Uerumtamen iusti confitebuntur nomini tuo. et habitabunt  
 0 recti cum uultu tuo.

*Finito tractu Passio super nudum pulpitem dicitur.*

*(Passio domini nostri ihesu christi.*

*Secundum Iohannem) [Ioan. xviii-xix. 37].*

**I**N illo tempore: Egressus est iesus cum discipulis suis. trans torrentem cedron ubi erat ortus: in quem introiuit ipse et discipuli eius: Sciebat autem et iudas qui tradebat eum locum quia frequenter iesus conuenerat illuc cum discipulis suis. Iudas ergo cum accepisset cohortem. et/ a [fo. 63b. pontificibus et phariseis ministros. uenit illuc cum laterniste<sup>1</sup> facibus et armis. iesus itaque sciens omnia que uentura erant super eum. processit et dixit eis. [✠]<sup>2</sup> Quem queritis? [c] Responderunt ei. [s] Iesum nazarenum. [c] Dixit eis iesus. [✠] Ego sum. [c] Stabat autem et iudas qui tradebat eum. cum ipsis. Ut ergo dixit eis ego sum. abierunt

<sup>1</sup> Thus, for *et*.

<sup>2</sup> See note on p. 130.

retrorsum et ceciderunt in terram. Iterum ergo eos interrogavit. [✠] Quem queritis? [c] Illi autem dixerunt. [s] Iesum nazarenum. [c] Respondit iesus. [✠] Dixi uobis. quia ego sum. Si ergo me queritis. sinite hos abire. [c] Ut  
5 impleretur sermo quem dixit quia quos dedisti michi. non perdidisti ex eis quemquam. Simon ergo petrus. habens gladium eduxit eum. et percussit seruum pontificis et abscidit auriculam eius dextram. Erat autem nomen seruo malchus. Dixit ergo iesus petro. [✠] Mitte gladium tuum in uaginanam. Calicem quem dedit michi pater. non uis ut bibam illum? [c] Cohors ergo et tribunus et ministri iudeorum. comprehenderunt iesum. et ligauerunt eum. et adduxerunt eum ad annam primum. Erat autem anna. socer cayphe. qui erat pontifex anni illius. Erat autem cayphas qui consilium  
10 dederat iudeis. quia expedit unum hominem mori pro populo. Sequebatur autem iesum simon petrus et alius discipulus. Discipulus autem ille erat notus pontifici. et introiuit cum iesu in atrium pontificis. Petrus autem stabat ad ostium foris. Exiuit ergo discipulus alius qui erat notus pontifici et  
20 dixit hostiarie. et introduxit petrum. Dixit ergo petro. ancilla hostiaria. [s] Nunquid et tu ex discipulis es hominis istius? [c] Dixit ille. [s] Non sum. [s] Stabant autem serui et ministri ad prunas quia frigus erat. et calefaciebant se. Erat autem cum eis et petrus. stans et calefaciens se.  
25 Pontifex ergo. interrogauit iesum de discipulis suis. et de doctrina eius. Respondit ei iesus. [✠] Ego palam locutus sum mundo. Ego semper docui in synagoga. et in templo. quo omnes iudei conueniunt. et in occulto locutus sum nichil. Quid me interrogas? Interroga eos qui audierunt. quid  
30 locutus sum eis. Ecce hi sciunt que dixerim ego. [s] Hec autem cum dixisset. unus assistens ministrorum. dedit alapam iesu dicens. [s] Sic respondes pontifici? [c] Respondit ei iesus. [✠] Si male locutus sum. testimonium perhibe de malo. Si autem bene. quid me cedis? [c] Et misit eum  
35 annas ligatum. ad caypham pontificem. Erat autem simon petrus stans et calefaciens se. Dixerunt ergo ei. [s] Nunquid et tu ex discipulis eius es? [c] Negauit ille. et dixit. [s] Non sum. [c] Dixit unus ex seruis pontificis: cognatus eius cuius abscidit petrus auriculam. Non ne ego te uidi in  
40 horto cum illo? [c] Iterum ergo negauit petrus. et [fo. 64. statim gallus cantauit. Adducunt ergo iesum. a caypha in pretorium. Erat autem mane. Et ipsi non introierunt in pretorium. ut non contaminarentur. sed manducarent pasca. Exiuit ergo pillatus ad eos foras et dixit. [s] Quam accusationem affertis. aduersus hominem hunc? [c] Responderunt  
45 et dixerunt ei. [s] Si non esset hic malefactor. non tibi

tradidissemus eum. [c] Dixit ergo eis pillatus. [s] Accipite eum uos. et secundum legem uestram iudicate eum. [c] Dixerunt ergo ei iudei. [s] Nobis non licet interficere quemquam. [c] Ut sermo iesu impleretur quem dixit. significans  
5 qua morte esset moriturus. Introiuit ergo iterum pillatus in pretorium et uocauit iesum et dixit ei. [s] Tu es rex iudeorum? [c] Et respondit iesus. [✠] A temetipso hoc dicis. an alii tibi dixerunt de me? [c] Respondit pillatus. [s] Numquid ego iudeus sum? Gens tua et pontifices tui. tradiderunt te michi. Quid fecisti? [c] Respondit iesus. [✠] Regnum meum non est de hoc mundo. Si ex hoc mundo  
10 esset regnum meum. ministri mei utique decertarent. ut non traderer iudeis. Nunc autem regnum meum non est hic. [c] Dixit itaque ei pillatus. [s] Ergo rex es tu. [c] Respondit iesus. [✠] Tu dicis. quia rex ego sum. Ego in hoc natus sum. et ad hoc ueni in mundum. ut testimonium perhibeam ueritati. Omnis enim qui est ex ueritate. audit meam uocem. [c] Dicit ei pillatus. [s] Quid est ueritas? Et cum hoc dixisset.† iterum exiuit ad iudeos. et dixit eis. [s]  
0 Ego nullam inuenio in eo causam. Est autem consuetudo uobis. ut unum dimittam uobis in pasca. Uultis ergo dimittam uobis regem iudeorum? [c] Clamauerunt omnes rursum. dicentes. [s] Non hunc: sed baraban. [c] Erat autem barabas latro. Tunc ergo apprehendit pillatus iesum. et  
5 flagellauit. Et milites plectentes coronam de spinis. imposuerunt capiti eius et ueste purpurea circumdederunt eum. Et ueniebant ad eum. et dicebant. [s] Aue rex iudeorum. [c] Et dabant ei alapas. Exiuit iterum foras pillatus et dixit eis. [s] Ecce adduco eum uobis foras. ut cognoscatis quia in  
0 eo nullam causam inuenio. [c] Exiuit ergo iesus portans coronam spineam et purpureum uestimentum. et dicit eis pillatus. [s] Ecce homo. [c] Cum ergo uidisset† eum pontifices et ministri. clamabant dicentes. [s] Crucifige: crucifige eum. [c] Dicit eis pillatus. [s] Accipite eum uos et crucifigite.  
5 Ego enim non inuenio in eo causam. [c] Responderunt ei iudei. [s] Nos legem habemus. et secundum legem debet mori. quia filium dei se fecit. [c] Cum ergo audisset pillatus hunc sermonem. magis timuit. Et ingressus est in pretorium iterum. et dicit ad iesum. [s] Unde es tu?/ [c] Iesus autem [fo. 64b.  
0 responsum non dedit ei. Dicit ergo ei pillatus. [s] Michi non loqueris? Nescis quia potestatem habeo crucifigere te. et potestatem habeo dimittere te. [c] Respondit iesus. [✠] Non haberes potestatem aduersum me ullam. nisi tibi datum esset desuper. Propterea qui tradidit me tibi. maius peccatum habet. [c] Et exinde querebat pillatus. dimittere eum. Iudei autem clamabant. dicentes. [s] Si hunc dimittis non es

- amicus cesaris. Omnis enim qui se regem facit. contradicit cesari. [c] Pillatus ergo cum audisset hos sermones: adduxit foras iesum et sedit pro tribunali in loco qui dicitur licostratos. hebraice autem gabata. Erat autem parasceue pasce hora
- 5 quasi sexta. et dicit iudeis. [s] Ecce rex uester. [c] Illi autem clamabant: [s] Tolle tolle. crucifige eum. [c] Dicit illis pillatus. [s] Regem uestrum crucifigam? [c] Responderunt pontifices. [s] Non habemus regem nisi cesarem. [c] Tunc ergo tradidit eis illum: ut crucifigeretur. Susceperunt
- 10 autem iesum. et eduxerunt. Et baiulans sibi crucem exiuit in eum qui dicitur caluarie locum ebrayce autem golgota. ubi eum crucifixerunt. Et cum eo alios duos. hinc et hinc. medium autem iesum. Scripsit autem et titulum pillatus. et posuit super crucem Erat autem scriptum. Iesus nazarenus rex
- 15 iudeorum. Hunc ergo titulum multi legerunt iudeorum. quia prope ciuitatem locus erat. ubi crucifixus est iesus. Erat autem scriptus hebraice. grece. et latine. Dicebant ergo pillato. pontifices iudeorum. [s] Noli scribere rex iudeorum. sed quia ipse dixit rex sum iudeorum. [c] Respondit pillatus.
- 20 [s] Quod scripsi. scripsi. [c] Milites autem cum crucifixissent eum. acceperunt uestimenta eius. et fecerunt quatuor partes. unicuique militi partem et tunicam. Erat autem tunica inconsutilis desuper contexta per totum. Dixerunt ergo ad inuicem. [s] Non scindamus eam. sed sortiamur de illa cuius
- 25 sit. [c] Ut scriptura impleretur dicens. Partiti sunt uestimenta mea sibi. et super uestem meam miserunt sortem. Et milites quidem hec fecerunt. Stabat autem iuxta crucem iesu. mater eius. et soror matris eius. maria cleophe et maria magdalene. Cum uidisset ergo iesus matrem. et discipulum
- 30 stantem quem diligebat. dicit matri sue. [✠] Mulier ecce filium tuum. [c] Deinde dicit discipulo. [✠] Ecce mater tua. [c] Et ex illa hora. accepit eam discipulus in suam. Postea sciens iesus quia iam omnia consumata sunt: ut consumaretur scriptura dicit. [✠] Sitio. [c] Uas ergo positum erat
- 35 aceto plenum. Illi autem spongiam plenam aceto ysopo circumponentes. obtulerunt ori eius. Cum ergo accepisset iesus acetum. dixit [✠] Consumatum est. [c] Et inclinato capite tradidit spiritum. Iudei ergo quoniam parasceue/erat. ut non remanerent in cruce corpora sabbato. [fo. 65.
- 40 Erat enim magnus dies ille sabbati. rogauerunt pillatum ut frangerentur eorum crura. et tollerentur. Uenerunt ergo milites. et primi quidem fregerunt crura. et alterius qui crucifixus est cum eo. ad iesum autem cum uenissent. ut uiderunt eum iam mortuum. non fregerunt eius crura. sed unus militum
- 45 lancea latus eius aperuit: et continuo exiuit sanguis et aqua. Et qui uidit testimonium perhibuit. et uerum est testimonium

eius. Et ille scit quia uera dicit: ut et uos credatis. Facta sunt enim hec: ut scriptura impleretur. Os non comminuetis ex eo. Et i[t]erum alia scriptura dicit. Uiderunt in quem transfixerunt.

(*Hic legitur in tono euangelij.*) [Ioan. xix. 38-42.]

5 **P**ost hec autem rogauit pillatum ioseph abarimathia†. eo quod esset discipulus iesu. occultus autem propter metum iudeorum ut tolleret corpus iesu. Et permisit pillatus. Uenit ergo et tulit corpus iesu. <sup>1</sup>Et permisit pillatus. 10 Uenit ergo et tulit corpus iesu.<sup>1</sup> Uenit autem et nicodemus qui uenerat ad iesum nocte primum. ferens mixturam mirre et aloes. quasi libras centum. Acceperunt ergo corpus iesu. et ligauerunt eum linteis cum aromatibus. sicut mos est iudeis sepelire. Erat autem in loco ubi crucifixus est. ortus. et in 15 orto monumentum nouum. in quo nondum quisquam positus fuerat Ibi ergo propter parasceuen iudeorum. [quia] iuxta erat monumentum. posuerunt iesum.

*Deinde sacerdos dicit subscriptas solemnes orationes. incipiens absolute. (cum cantu.)*

(*Oratio.*)

0 **O** Remus dilectissimi nobis pro ecclesia sancta dei: ut eam deus et dominus noster pacificare adunare et custodire dignetur. toto orbe terrarum. subitiens ei principatus et potestates detque nobis quietam et tranquilam uitam de gentibus†. 5 glorificare deum patrem omnipotentem.

Oremus. *et diaconus.* Flectamus genua. Leuate.

(*Oratio.*)

0 **O**mnipotens sempiterne deus qui gloriam tuam omnibus in christo gentibus reuelasti. custodi opera misericordie tue: ut ecclesia tua toto orbe diffusa stabili fide. in confessione tui nominis perseueret. Per eundem. *Respondetur.* Amen.

(*Oratio.*)

5 **O** Remus et pro beatissimo papa nostro. N. ut deus et dominus noster qui elegit eum in ordine episcopatus. saluum atque incolumem custodiat ecclesie sue sancte. ad regendum populum sanctum dei.

Oremus. Flectamus genua. Leuate.

(*Oratio.*)

0 **O**mnipotens sempiterne deus. cuius iudicio uniuersa fundantur. respice propitius ad preces nostras. et electum

<sup>1—1</sup> repeated.

nobis antistitem tua pietate conserua. ut christiana plebs que tali gubernatur auctore sub tanto pontifice credulitatis sue meritis augeatur. Per. (*R.*) Amen.

(*Oratio.*)

5 **O** Remus et pro omnibus episcopis presbiteris. dia-/[fo. 65*b*.  
conibus et subdiaconibus. accolitis. et exorcistis.  
lectoribus hostiariis. confessoribus. uirginibus uiduis. et pro  
omni populo sancto dei.

Oremus. Flectamus genua. Leuate.

10 (*Oratio.*)

**O** Mnipotens sempiterne deus cuius spiritu totum corpus  
ecclesie sanctificatur et regitur. exaudi nos pro  
uniuersis ordinibus supplicantes: ut gratie tue munere ab  
omnibus tibi gradibus fideliter seruiatur. Per. (*R.*) Amen.

15 (*Oremus.*)

**O** Remus et pro christianissimo imperatore nostro. N. ut  
deus et dominus noster subditas illi faciat omnes barbaras  
nationes ad nostram perpetuam pacem.

Oremus. Flectamus genua. Leua[te].

20 (*Oratio.*)

**O** Mnipotens sempiterne deus. in cuius manu sunt omnium  
potestates et omnium iura regnorum. respice. ad  
romanum benignus imperium: ut gentes que in sua feritate  
confidunt. potentie tue dextera comprimantur. Per. (*R.*)

25 Amen.

(*Oremus.*)

**O** Remus et pro cathecuminis nostris. ut deus et dominus  
noster adaperiat aures precordiorum ipsorum. ianuam-  
que misericordie sue: ut per lauacrum regenerationis accepta  
30 remissione omnium peccatorum. et ipsi inueniantur in christo  
iesu domino nostro. Per.

Oremus. Flec[tamus]. gen[ua]. Le[uate].

(*Oratio.*)

35 **O** Mnipotens sempiterne deus. qui ecclesiam tuam noua  
semper prole fecundas. auge fidem et intellectum  
cathecuminis nostris. ut renati fonte baptis[matis] adoptionis  
tue filiis aggregentur. Per. (*R.*) Amen.

(*Oremus.*)

**O** Remus dilectissimi nobis deum patrem omnipotentem:  
40 ut cunctis mundum purget erroribus. morbos auferat.



famem depellat. aperiat carceres uincula dissoluat. peregrinantibus redditum. infirmantibus sanitatem nauigantibus portum salutis indulgeat.

Oremus. Flectamus genua. Leuate.

(*Oratio.*)

5 **O**Mnipotens sempiterne deus mestorum consolatio. laborantium fortitudo perueniant ad te preces de quacunque tribulatione clamantium : ut omnes sibi in neccessitatibus suis. misericordiam tuam gaudeant affuisse. Per dominum nostrum.  
10 (*R.*) Amen.

(*Oremus.*)

5 **O**Remus et pro hereticis et scismaticis : ut deus et dominus noster eruat eos ab eroribus uniuersis. et ad sanctam matrem ecclesiam catholicam. atque apostolicam reuocare dignetur.

Oremus. Flectamus genua. Leuate.

(*Oratio.*)

0 **O**Mnipotens sempiterne deus qui saluas omnes et neminem uis perire. respice ad animas chatolica† fraude deceptas. ut omni heretica prauitate deposita. errantium corda resipiscant. et ad ueritatis tue re deant† unitatem per dominum.  
(*R.*) Amen.

(*Oremus.*)

5 **O**Remus et pro perfidis iudeis ut deus et dominus noster auferat uelamen de cordibus eorum : ut et ipsi agnoscant iesum christum dominum nostrum. *Et non respondetur.* Amen. *Nec dicitur.* Flectamus genua.

(*Oratio.*)

0 **O**Mnipotens sempiterne deus. qui etiam iudaicam [fo. 66. perfidiam a tua misericordia non repellis exaudi preces nostras. quas pro illius populi obcecatione deferimus : ut agnita ueritatis tue luce que christus est. a suis tenebris eruantur. Per eundem dominum nostrum iesum christum filium tuum.  
(*R.*) Amen.

(*Oratio.*)

5 **O**Remus et pro paganis : ut deus omnipotens auferat iniquitatem a cordibus eorum ut relictis ydolis suis conuertantur ad deum uiuum et uerum et unicum filium eius iesum christum. deum et dominum nostrum : cum quo uiuit et regnat cum spiritu sancto deus. Per omnia secula seculorum.  
*Et non respondetur.* Amen.

Oremus. Flectamus genua. Leuate.

(Oratio.)

Omnipotens sempiterne deus qui non mortem peccatorum  
sed uitam semper inquiris. suscipe propitius orationem  
5 nostram et libera eos ab ydolorum cultura. et aggrega. ecclesie  
tue sancte ad laudem et gloriam nominis tui. Per. (R.)  
Amen.

Completis<sup>1</sup> orationibus sacerdos deposita tantum casula  
procedit ad posterius cornu altaris dextrum. et ibi accipit  
10 crucem a ministris sibi preparatam. quam uersa facie ad chorum  
a summate parum discooperit incipiens solus. (Antiphona)  
✓ Ecce lignum crucis. Et ab illo loco in antea iuuatur in cantu a  
ministris usque uenite adoremus choro uero cantante. Uenite  
adoremus. Omnes se prosternunt. Postea procedit sacerdos ad  
15 reliquum dextrum cornu altaris. et discooperiens amplius crucem.  
eleuans eam paulisper altius quam primo incipit. Ecce lignum  
crucis in quo salus mundi pependit. Uenite adoremus. Aliis  
cantantibus et adorantibus ut supra. Deinde sacerdos procedit  
ad medium altaris et discooperiens crucem totaliter ac eleuando  
20 eam. tertio altius incipit. Ecce† lignum crucis. Aliis can-  
tantibus et adorantibus ut supra. Postea sacerdos deponit  
crucem in loco ad hoc preparato ante altare. Deinde deponit  
calciamenta et accedit ad adorandum ter genua flectens ante  
deosculacionem crucis. hoc facto reuertitur ad sedem suam et ibi  
25 recipit deposita calciamenta et casulam. Postmodum ministri  
altaris. deinde alii. ter genibus flexis ut dictum est crucem  
adorant. Et interim cantantur impropéria et alia que secuntur  
totaliter uel in parte prout multitudo adorantium uel paucitas  
requirit hoc modo. Duo fratres ex parte ebdomadarii cantant  
30 in medio chori.

(Antiphona.) Popule meus usque agyos.

(Antiphona.) Popule meus. quid feci tibi. aut in quo contristaui  
te responde michi. [V.] Quia eduxi te de terra egipti parasti  
crucem saluatori tuo. Chorus ex parte ebdomadarii cantat.

35 Agyos otheos. Alius chorus respondet. Sanctus deus.

Item primus chorus. Agyos ischiros.

Secundus chorus. Sanctus fortis.

Item primus chorus. Agyos athamatos.† eleyson. ymas.

Secundus chorus. Sanctus et immortalis miserere nobis.

40 Postea duo fratres. de secundo choro cantant. (V.) Quia eduxi  
te per desertum quadraginta annis et manna cibaui te. et introduxi  
te in terram satis optimam.

<sup>1</sup> From *completis orationibus* to *oratio oremus*, page 173, the text is printed continuously without being broken up into paragraphs as above.



*Et chori respondent alternatim. Agyos otheos. et cetera. Sanctus et immortalis. et cetera.*

*Ita tamen quod primus| chorus. semper reincipit. [fo. 66b. Agyos.*

15 *Deinde duos† fratres de primo choro cantant. (V.)* Quid ultra debui facere tibi et non feci? Ego quidem plantaui te uineam meam speciosissimam et tu facta es michi nimis amara aceto namque sitim meam potasti et lancea perforasti latus saluatori tuo.

10 *Item chori alternatim respondent Agyos o theos. et cetera. ut dictum est.*

*Uersus sequentis impropertii a binis alternatim cantantur utroque choro simul repetente post quemlibet uersum. Popule meus. usque quia eduxi te de terra egipti.*

15 *Incipiunt impropertia duo de secundo choro cantant. (V.)* Ego propter te flagellaui egyptum cum primogenitis suis. et tu me flagellatum tradidisti.

*Chorus repetit. Popule meus.*

*Duo de primo choro. (V.)* Ego eduxi te de egypto demerso† pharaone in mare rubrum et tu me tradidisti principibus sacerdotum.

20 *Chorus. Popule meus.*

*Duo de secundo choro. (V.)* Ego ante te aperui mare. et tu aperuisti lancea latus meum.

*Chorus. Popule meus.*

25 *Duo de primo choro. (V.)* Ego ante te preiui in columna nubis et tu me duxisti ad pretorium pillati.

*Chorus. Popule meus.*

*Duo de secundo choro. (V.)* Ego te paui manna per desertum et tu me cedisti alapis et flagellis.

*Chorus. Popule meus.*

30 *Duo de primo choro. (V.)* Ego te potaui aqua salutis de petra. et tu me potasti felle et aceto.

*Chorus. Popule meus.*

*Duo de secundo [choro]. (V.)* Ego propter te cananeorum. reges percussi et tu percussisti arundine caput meum.

35 *Chorus. Popule meus.*

*Duo de primo [choro]. (V.)* Ego dedi tibi sceptrum regale. et tu dedisti capiti meo spineam coronam.

*Chorus. Popule meus.*

40 *Duo de secundo [choro]. (R.)* Ego te exaltaui magna uirtute et tu me suspendisti in patibulo crucis.

*Chorus. Popule meus.*

*Hec antiphona Crucem tuam. cum psalmo. Deus misereatur nostri. cantatur communiter et repetitur immediate antiphona post uersum.*

45 *(Antiphona.)* Crucem tuam adoramus domine et sanctam resurrectionem tuam laudamus et glorificamus. Ecce enim propter lignum uenit gaudium in uniuerso mundo.

(Ps.) Deus misereatur nostri et benedicat nobis. illuminet uultum suum super nos et misereatur nostri.

*Deinde ymnus.* Crux fidelis inter omnes. *cum uersibus ymnorum sequentium.*

5 (Hymnus) Pange lingua. Lustris sex qui iam peractis.

*Et cum repetitionibus secundum quod inferius determinatum est communiter cantatur. uel sicut cantor disposuerit.*

(Hymnus.) Crux fidelis inter omnes arbor una nobilis. nulla silua talem profert fronde flore germine. dulce lignum dulces clauos dulce  
10 pondus sustinet.

(Hymnus.) Pange lingua gloriosi prelium certaminis et super crucis tropheum dic triumphum nobilem qualiter redemptor orbis. immolatus uicerit.

*Repetitur.* Crux fidelis. *usque.* Dulce lignum *et sic fit*  
15 *quotiens repetitur.* Crux fidelis.

(Hymnus.) De parentis prothoplausti fraude facta condolens. quando pomi noxialis morte morsu corrui. ipse lignum tunc notauit. damna ligni ut solueret. *repetitur* / Dulce lignum. [fo. 67.

(Hymnus.) Hoc opus nostre salutis ordo depoposcerat multi-  
20 formis proditoris ars ut artem falleret. et medellam ferret inde hostis. unde leserat.

*Repetitur.* Crux fidelis.

(Hymnus.) Quando uenit ergo sacri plenitudo temporis. missus est ab arce patris natus orbis conditor. atque uentre uirginali caro  
25 factus prodiit.

*Repetitur.* Dulce lignum.

(Hymnus.) Uagit infans inter arta conditus presepia. membra pannis inuoluta uirgo mater alligat et manus pedesque crura stricta cinxit fascia.

30 *Repetitur.* Crux fidelis.

(Hymnus.) Lustris sex qui iam peractis tempus implens corporis. se uolente natus ad hoc passioni deditus. agnus in cruce leuatum<sup>1</sup> immolandus stipite.

*Repetitur.* (N.) Dulce lignum.

35 (Hymnus.) Hic acetum fel arundo sputa. clauis lancea mte<sup>11</sup> corpus perforatur. sanguis unda profluit. terra pontus astra mundus quo lauantur flumine.

*Repetitur.* Crux fidelis.

(Hymnus.) Flecte ramos arbor alta tensa laxa uiscera. et rigor  
40 lentescat ille quem dedit natiuitas. ut superni membra regis miti tendas stipite.

*Repetitur.* Dulce lignum.

(Hymnus.) Quesumus salua damnatos agmina lugentium et<sup>2</sup> prophete cecinerunt redemptorem omnium. tropheumque mortis. gustans dans. uexilum omnibus.

45 *Repetitur.* Crux fidelis.

<sup>1</sup> Thus, for *mitē*

<sup>2</sup> Thus, for *te*.

(*Hymnus.*) Quem totus mundus non capit uno saxo clauditur. atque morte iam perempta inferni claustra abigit. sic deus trinus et unus die surgit tertia.

*Repetitur.* Crux fidelis.

(*Hymnus.*) Gloriam deo canamus. ymnis concentibus que[m]  
5 simul magna nobiscum tota mundi machina uoce consona celebret in sempiterna secula amen.†

<sup>1</sup>*Dum supradicta cantantur† palla super toaleam extenditur et corporale a diacono super pallam ponitur. Sacerdos*  
10 *uero corpus domini quod pridie fuerat reservatum in loco conuenienti reuerenter ponit super patenam et corporali paruo plicato cohoperit. Finita uero crucis adoratione. sacrista uel alius ad hec assignatus reponit crucem in loco suo super altare et accendit luminaria circa altare. Postea omissa confessione*  
15 *consueta. sacerdos cum ministris ad altare accedit. deinde diaconus abiens cum ministris ad locum dominici corporis. ibidem preparat calicem cum uino puro. cui taliter preparato patenam cum corpore domini cohoperto diligenter superponit. Tunc ad altare hoc ordine procedunt. Primo procedit unus cum turribulo fumigante quem sequuntur duo portantes luminaria deinde*  
20 *subdiaconus portans ampullam aque. Post hos uenit dyaconus deferens calicem cum corpore domini. Cum autem ad altare uentum fuerit dyaconus tradit calicem subdyacono. accipiensque patenam cum corpore domini offert sacerdoti qui ipsum nichil*  
25 *dicendo collocat super corporale. Cumque dyaconus resumpserit calicem sacerdos accepta ampula de manu subdyaconi. aquam uino puro commiscet in calice nichil dicens. deinde dyaconus calicem collocat in altari et corporali cohoperit. neutro eorum aliquid dicente. Quo completo more consueto fit incensatio a*  
30 *sacerdote dicente. Incensum† istud et cetera. Postea lotis manibus inclinatur ante altare dicens. In spiritu humilitatis et in animo contrito suscipiamur domine a te. et sic fiat sacrificium nostrum in conspectu/ tuo. hodie ut placeat tibi domine [fo. 67b. deus.*

35 *Deinde erectus uertit se ad populum dicens Orate pro me fratres.*

*Consequenter dicit in nota consueta absolute.*

(*Oratio.*)

40 *O* Remus preceptis salutaribus moniti. et diuina institutione formati audemus dicere Pater noster. qui es in celis.

*Chorus respondet. Sed libera nos a malo. sacerdos uero sub silentio dicto. amen.*

*In eadem uoce qua dicit. Pater noster. absolute sine oremus. In tono orationis misse dicit. Libera nos quesumus*

<sup>1</sup> Vacant space here.

domine ab omnibus malis. *et cetera.* Per eundem dominum nostrum. *et responso a choro amen. Frangit hostiam more consueto in tres partes. Pax domini. non dicitur Agnus dei non cantatur neque pacis osculum datur sed immediate post*  
*fractionem unam partem hostie mittit in calice nichil dicens.*  
*Post modum uero antequam reliquas duas partes recipiat. dicit omnia que dicere diebus aliis consuevit. pretermissa oratione.*  
 Domine iesu christe fili dei uiui qui ex uoluntate patris. *Quia facit de sanguine mentionem. quibus receptis et omissis omnibus que*  
*dici solent ante sumptionem calicis. immediate particulam hostie cum uino et aqua de calice recipit reuerenter. facta communione ut dictum est. Post communio non dicitur. sed sacerdos more solito ablutis manibus reuertitur ad medium altaris et coram*  
*ipso inclinatus dicit. Quod ore sumpsimus domine pura mente*  
 capiamus. *pretermissis. Corpus tuum domine. et placeat tibi sancta trinitas. ac deinde ipso cum ministris in uestiarium reuertentibus dicunt[ur] uespera† sine cantu. Postea crux deponitur et denudantur altaria.*

## [SABBATO SANCTO.]

*S*abbato sancto hora competenti cooperiuntur altaria. dicta uero sexta. ignis excutitur de lapide et accenditur in claustro Postea fratres in ecclesia dicunt nonam. et interim sacerdos indutus sine casula. dicta nona stat in medio ante altare. et astantibus sibi ministris cum cruce et aqua benedicta  
 et incenso carbonibusque accensis igne excusso de lapide in aliquo uase a sacrista eidem preparatis. benedicit nouum ignem dicendo.  
 (V.) Dominus uobiscum. (R.) Et cum spiritu tuo.

(Oremus.)

(Oratio.)

*D*Eus qui per filium tuum angularem scilicet lapidem claritatis tue fidelibus ignem contulisti productum ex silice nostris profuturum usibus. nouum hunc ignem sancti  
 [✠]<sup>1</sup>fica et concede nobis ita per hec festa paschalia celestibus desideriis inflammari ut ad perpetue claritatis. puris  
 mentibus ualeamus festa pertingere. Per eundem. (R.)  
 Amen.

(Oratio.)

*D*omine deus pater omnipotens lumen indeficiens et sancte conditor omnium luminum bene(✠)dic hoc  
 lumen quod a te sanctificatum atque benedictum est. qui illuminasti omnem mundum ut ab eo lumine accendamus

<sup>1</sup> Vacant space here.

atque illuminemur igne claritatis tue. ut sicut ignem illuminasti moysi. ita illumines corda et sensus nostros ut ad uitam eternam mereamur peruenire. Per christum dominum nostrum. (℞.) Amen.

5

(Oratio.)

**D**omine sancte pater omnipotens eterne deus. benedictibus nobis hunc ignem in nomine tuo et in nomine unigeniti filii tui dei ac domini nostri iesu christi et spiritus /sancti. cooperari digneris et adiuua nos. Qui uiuis [fo. 68. et regnas cum eodem unigenito tuo et spiritu sancto deus. Per omnia secula seculorum. (℞.) Amen.

*Deinde benedicit incensum ponendum in cereo absolute dicent. (hanc orationem.)*

(Oratio.)

**U**Eniat quesumus omnipotens deus super hoc incensum larga tue bene(✠)dictionis infusio. et hunc nocturnum splendorem inuisibilis regeneratur accende. ut non solum sacrificium quod hac nocte litatum est. arcana luminis tui admixtione refulgeat: sed in quocumque loco ex huius sanctificationis misterio fuerit. deportatum. expulsa diaboli fraudis nequitia. uirtutis tue maiestatis assistat. Per christum. (℞.) Amen.

**E**T dum benedicit incensum. acolitus assumens de carbonibus predictis. ponit in turribulo. finita uero benedictione incensi. sacerdos ignem benedictum aspergit aqua benedicta. et posito incenso in turribulo idem adolet dictum ignem. Interim omnia luminaria ecclesie extinguuntur ut de igne benedicto postmodum accendantur. Deinde diaconus dalmatica indutus. recepta benedictione a sacerdote. cum subdiacono portante in arundine uel baculo trium cubitorum et dimidii triplicem candelam nouo igne illuminatam. una cum quinque granis incensi benedicti. uadit ad ornatum pulpitem et incensato libro absolute incipiat. Exultet iam angelica turba. astante ad dexteram eius dicto subdiacono peruento autem ad. In huius igitur noctis gratia. Quinque grana incensi benedicti a diacono infigantur in cereo in modum crucis. in loco antiphone<sup>1</sup> Qui licet sit diuisus in partes. accenditur cereus a predicto subdiacono. et cum dicitur. O uere beata nox. accendantur lampades.

<sup>1</sup> Ant. is the reading.<sup>2</sup> Thus, for et.

*Incipit benedictio cerei.*

(Oratio.)

EXultet iam angelica turba celorum exultent diuina  
 misteria et pro tanti regis uictoria. tuba intonet  
 5 salutaris. Gaudeat se tellus tantis irradiata fulgoribus. et  
 eterni regis splendore illustrata. totius orbis se sentiat  
 amisisse caliginem. Letetur et mater ecclesia. tanti luminis  
 adornata fulgoribus. et magnis populorum uocibus. hec aula  
 resultet. Qua propter astantibus uobis fratres karissimi ad  
 10 tam miram huius sancti luminis claritatem. una mecum queso  
 dei omnipotentis misericordiam inuocate. Ut qui me non  
 meis meritis intra leuitarum numerum dignatus est aggregare.  
 luminis sui claritatem infundendo. cerei huius laudem implere  
 perficiat. Per dominum nostrum iesum christum filium suum.  
 15 Cum quo uiuit et regnat in unitate spiritus sancti deus. per  
 omnia secula seculorum. (R.) Amen.

(V.) Dominus uobiscum. (R.) Et cum spiritu tuo.

(V.) Sursum corda. (R.) Habemus ad dominum.

(V.) Gratias agamus domino deo nostro. (R.) Dignum et  
 20 iustum est.

(V.) UERE quia dignum et iustum est. inuisibilem deum  
 patrem omnipotentem filiumque eins<sup>1</sup> unigeni-  
 tum iesum christum dominum nostrum toto cordis ac mentis  
 affectu. et uocis ministerio personare. Qui pro nobis eterno  
 25 patri/ ade debitum soluit et ueteris piaculi cautionem [fo. 68b.  
 pio cruore deterisit. Hec sunt enim festa paschalia in quibus  
 uerus ille agnus occiditur. cuius sanguine postes fidelium con-  
 secrantur. Hec nox est in qua primum patres nostros filios  
 israel eductos de egypto mare rubrum sicco uestigio transire  
 30 fecisti. Hec igitur nox est. que peccatorum tenebras columnae  
 illuminatione purgauit. Hec nox est que hodie per uniuersum  
 mundum in christo credentes a uitii seculi et caligine  
 peccatorum segregatos reddit gratie. sociat sanctitati. Hec  
 nox est in qua destructis uinculis mortis. christus ab inferis  
 35 uictor ascendit. Nichil enim nobis nasci profuit. nisi redimi  
 profuisset. O mira circa nos tue pietatis dignatio. O  
 inextimabilis dilectio caritatis. ut seruum redimeres filium  
 tradidisti. O certe necessarium ade peccatum. quod christi  
 morte deletum est. O felix culpa que talem ac tantum  
 40 meruit habere redemptorem. O uere beata/ nox que sola  
 meruit scire tempus et horam. iu<sup>2</sup> qua christus ab inferis  
 resurrexit. Hec nox est de qua scriptum est. et nox sicut  
 dies illuminabitur. et nox illuminatio mea in delitiis meis.

<sup>1</sup> Thus, for eius.<sup>2</sup> Thus, for in.

Huius igitur sanctificatio noctis. fugat scelera culpas lauat et reddit innocentiam lapsis. et mestis letitiam. Fugat odia concordiam parat et curuat imperia.

*Hic infinguntur quinque grana incensi predicti cereo a diacono in modum crucis.* In huius igitur noctis gratia suscipe sancte pater incensi huius sacrificium uespertinum quod tibi in hac cerei oblatione solemni. per ministrorum manus de operibus apum sacrosancta reddit ecclesia. Sed iam colonne huius preconia nouimus quam in honorem dei rutilans ignis accendit.

*Hic accenditur cereus.* Qui licet sit diuisus in partes mutuati tamen luminis detrimenta non nouit. Alitur enim liquantibus cereis quas in substantiam pretiose huius lampadis. apis mater eduxit.

*Hic accenditur lampas ante altare.*

O uere beata nox que expoliauit egiptios. ditauit hebreos. Nox in qua terrenis celestia. humanis diuina iunguntur. Oramus ergo te domine. ut cereus iste in honorem tui nominis consecratus. ad noctis huius caliginem destruendam indeficiens perseueret. Et in odorem suauitatis acceptus supernis luminaribus misceatur. flammis eius lucifer matutinus inueniat. Ille inquam lucifer. qui nescit occasum. Ille qui regressus ab inferis humano generi serenus illuxit. Precamur ergo te domine ut nos famulos tuos omnemque clerum et deuotissimum populum. una cum beatissimo papa nostro. N. quiete temporum concessa in his pascalibus gaudiis. assidua protectione regres gubernare et conseruare digneris. Respice etiam ad deuotissimum Imperatorem nostrum. cuius tu deus desiderii uota prenoscens. ineffabili pietatis et misericordie tue munere tranquillum perpetue pacis accomoda. et celestem uictoriam cum omni populo [fo. 69. suo. Per dominum nostrum iesum christum filium tuum. qui tecum uiuit et regnat in unitate spiritus sancti deus. Per omnia secula seculorum. Amen.

*Completa benedictione cerei sacerdos et ministri more solito ante altare procedunt. et facta reuerentia in locis suis sedent. postea leguntur prophetie sine titulo. et in fine prophetiarum dicuntur orationes more subscripto.*

*(prophetia prima genesis) [Gen. i.-ii. 2].*

IN principio creauit deus celum et terram. Terra autem erat inanis et uacua et tenebre erant super faciem abyssi. et spiritus domini ferebatur super aquas. Dixitque deus. fiat lux. Et facta est lux. Et uidit deus lucem quod esset bona: et diuisit lucem a tenebris. Appellauitque lucem

diem : et tenebras noctem. Factumque est uespere et mane.  
dies unus. Dixit quoque deus. fiat firmamentum in medio  
aquarum. et diuidat aquas ab aquis. Et fecit deus firma-  
mentum. diuisitque aquas que erant sub firmamento ab his  
5 que crant super firmamentum. Et factum est ita. Uocauit-  
que deus firmamentum celum. Et factum est uespere et  
mane dies secundus. Dixit uero deus. Congregentur aque  
que sub celo sunt in locum unum. et appareat arida. factumque  
est ita. Et uocauit deus aridam terram. Congregationesque  
10 aquarum appellauit maria. Et uidit deus quod esset bonum  
et ait. Germinet terra herbam uirentem et facientem semen.  
et lignum pomiferum faciens fructum iuxta genus suum cuius  
semen in semetipso sit super terram et factum est ita. Et  
protulit terra herbam uirentem et afferentem semen iuxta  
15 genus suum. lignumque faciens fructum. et habens unum  
quodque sementem secundum speciem suam. Et uidit deus  
quod esset bonum. factumque est uespere et mane dies tertius.  
Dixit autem deus : fiant luminaria in firmamento celi. et  
diuidant diem ac noctem : et sint in signa et tempora. et dies.  
20 et annos. ut luceant in firmamento celi : et illuminent terram.  
Et factum est ita. Fecitque deus duo magna luminaria.  
luminare maius. ut preesset diei : et luminare minus ut  
preesset nocti et stellas. Et posuit eas in firmamento celi :  
ut lucerent super terram et preessent diei ac nocti : et  
25 diuiderent lucem ac tenebras. Et uidit deus quod esset  
bonum. et factum est uespere et mane dies quartus. Dixit  
etiam deus. Producant aque reptile anime uiuentis : et  
uolatile super terram. sub firmamento celi. Creauitque deus  
cethe grandia. et omnem animam uiuentem atque motabilem  
30 quam produxerant aque in species suas : et omne uolatile  
secundum genus suum. Et uidit deus quod esset bonum :  
benedixitque eis dicens. Crescite et multiplicamini. et replete  
aquas maris : auesque multiplicentur super terram. Et factum  
est uespere et mane dies quintus. Dixit quoque deus. Pro-  
35 ducat terra animam uiuentem in genere suo. iumenta et  
reptilia. et bestias terre secundum species/ suas. [fo. 69b.  
factumque est ita. Et fecit deus bestias terre iuxta species  
suas et iumenta et omne reptile terre in genere suo. Et  
uidit deus quod esset bonum. et ait. Faciamus hominem  
40 ad imaginem et similitudinem nostram : et presit piscibus  
maris. et uolatibus† celi. et bestiis uniuerseque terre : omni-  
que reptili quod mouetur in terra. Et creauit deus hominem ad  
imaginem et similitudinem suam : ad imaginem dei creauit  
illum : masculum et feminam creauit eos. Benedixitque illis  
45 deus : et ait. Crescite et multiplicamini et replete terram.  
et subicite eam et dominamini piscibus maris et uolatilibus



celi. et uniuersis animantibus que mouentur super terram  
 Dixitque deus. Ecce dedi uobis omnem herbam afferentem  
 semen super terram. et uniuersa ligna que habent in  
 semetipsis sementem generis sui: ut sint uobis in escam  
 5 et cunctis animantibus terre. omnique uolucris celi. et  
 uniuersis que mouentur in terra. in quibus est anima uiuens:  
 ut habeant ad uescendum Et factum est ita. Uiditque  
 deus cuncta que fecerat. et erant ualde bona. Et factum  
 est uespere et mane dies sextus. Igitur perfecti sunt celi et  
 0 terra: et omnis ornatus eorum. Compleuitque deus die  
 septimo opus suum quod fecerat. et requieuit die septimo ab  
 uniuerso opere quod patrarat.

*Qua completa sacerdos dicit. Oremus. et diaconus Flectamus genua. Leuate.*

(Oratio.)

5 **D**Eus qui mirabiliter creasti hominem. et mirabilius redemisti da nobis quesumus. contra oblectamenta peccati mentis ratione persistere. ut mereamur ad eterna gaudia peruenire. Per dominum nostrum.

0 (*prophetia secunda genesis*) [Gen. v. 31. vi. 1-7, 13-22. vii. 6, 11-14, 18-24. viii. 1-3, 6-12, 15-21].

**N**Oe uero cum quingentorum esset annorum. genuit. sem. cham. et iaphet. Cumque cepissent homines multiplicari super terram et filias procreassent uidentes filii dei. filias  
 5 hominum quod essent pulchre. acceperunt sibi uxores ex omnibus quas elegerant. Dixit quoque deus. Non permanebit spiritus meus in homine in eternum quia caro est. Eruntque dies illius centum uiginti annorum. Gigantes autem erant super terram. in diebus illis. postquam autem  
 0 ingressi sunt filii dei ad filias hominum. illeque genuerunt. isti sunt potentes a seculo. uiri famosi. Uidens autem deus quod multa malitia hominum esset in terra. et cuncta cogitatio cordis humani intenta esset ad malum omni tempore. penituit eum quod hominem fecisset in terra. Et precauens in futurum.  
 5 et tactus dolore cordis intrinsecus. Delebo inquit hominem quem creauit a facie terre. ab homine usque ad animantia. a reptili usque ad uolucres celi. penitet enim me fecisse eos. Dixitque deus ad noe. Finis uniuerse carnis uenit coram me. repleta est terra iniquitate a facie eorum. et ego disperdam eos cum terra. Fac tibi archam de lignis leuigatis mansiunculas in archa facies. et bithumine linies intrinsecus et extrinsecus. et sic facies/ eam. Trecentorum cubitorum erit longitudo [fo. 70. arche. quinquaginta cubitorum latitudo. et triginta cubitorum altitudo eius. Fenestram in archa facies. et in cubito consuma-

- bis sumitatem eius. Hostium autem arche. pone ex latere  
 deorsum. Cenacula et tristega facies in ea. Ecce ego  
 adducam diluuii aquas super terram. ut interficiam omnem  
 carnem in qua spiritus uite est subter celum. et uniuersa que  
 5 in terra sunt consumentur. Ponamque fedus meum tecum.  
 Et ingredieris archam. tu et filii tui uxor tua et uxores filiorum  
 tuorum tecum. Et ex cunctis animantibus uniuerse carnis.  
 bina et bina induces in archam. ut uiuant tecum. masculini  
 10 iumentis in genere suo. et ex omni reptili terre secundum  
 genus suum bina de omnibus ingredientur tecum ut possint  
 uiuere. Tolles igitur tecum ex omnibus escis que mandi  
 possunt et comportabis apud te. et erunt tam tibi quam illis in  
 cibum. Fecit ergo noe omnia que preceperat illi deus.  
 15 Eratque sexcentorum annorum: quando diluuii aque inunda-  
 uerunt super terram. Rupti sunt omnes fontes abissy magne.  
 et catharacte celi aperte sunt. et facta est pluuiam super terram  
 quadraginta diebus et quadraginta noctibus.† In articulo  
 20 diei illius ingressus est noe. sem. cham. et iaphet. filii eius.  
 uxor illius. et uxores filiorum eius cum eo. in archam. ipsi et  
 omne animal secundum genus suum. uniuersaque iumenta in  
 genere suo et omne quod mouetur super terram in genere  
 suo. cunctumque uolatile secundum genus suum. Porro  
 25 archa ferebatur super aquas. et aque preualuerunt nimis  
 super terram. Opertique sunt omnes montes excelsi sub  
 uniuerso celo. Quindecim cubitis altior fuit aqua super  
 montes quos operuerat. Consumptaque est omnis caro que  
 mouebatur super terram: uolucrum animantium. bestiarum.  
 omniumque reptilium. que reptant super terram. Remansit  
 30 autem solus noe. et qui cum eo erant in archa. Obtinueruntque  
 aque terras centum quadraginta diebus. Recordatus autem  
 dominus noe. cunctorumque animantium et omnium iumen-  
 torum que erant cum eo in archa: adduxit spiritum super  
 terram et imminute sunt aque. et clausi sunt fontes abyssi. et  
 35 eatharactef celi. et prohibite sunt pluuiæ de celo. Reuerseque  
 sunt aque de terra euntes et redeuntes. et ceperunt minui:  
 post centum quinquaginta dies. Cumque transissent quadra-  
 ginta dies aperiens noe fenestram arche quam fecerat dimisit  
 coruum. Qui egrediebatur. et non reuertebatur donec sicca-  
 40 rentur aque super terram. Emisit quoque columbam post  
 eum: ut uideret si iam cessassent aque super faciem terre.  
 Que cum non inuenisset ubi requiesceret pes eius. reuersa est  
 ad eum in archam. Aque enim erant super uniuersam terram.  
 Extenditque manum: et apprehensam intulit in archam.  
 45 Expectans autem ultra septem diebus aliis. Rur/sum [fo. 70b.  
 dimisit columbam: ex archa. At illa uenit ad eum ad ues-

peram : portans ramum oliue uirentibus foliis in ore suo. Intellexit ergo noe quod cessassent aque super terram. Expectauitque nichilominus septem diebus aliis. et emisit columbam. Que non est ultra reuersa ad eum. Locutus est  
 5 autem dominus ad noe dicens. Egredere de archa tu et uxor tua. et filii tui. et uxores filiorum tuorum tecum. Cunctaque animantia que sunt apud te ex omni carne. tam in uolatilibus quam in bestiis. et uniuersis reptilibus que reptant super terram educ tecum : et ingredimini super terram. Crescite et multiplicamini super eam. Egressus est ergo noe et filii eius et uxor illius. et uxores filiorum eius cum eo. Sed et animantia omnia iumenta et reptilia que reptant super terram secundum genus suum de archa egressa sunt. Edificauit autem noe altare domino. et tollens de cunctis pecoribus. et uolucris mundis. obtulit holocausta super altare domino. Odoratusque est dominus : odorem suauitatis.

Oremus. Flectamus genua. Leua[te].

(Oratio.)

**D**Eus incommutabilis uirtus et lumen eternum. Respice  
 0 propitius ad totius ecclesie tue mirabile sacramentum. et opus salutis humane perpetue dispositionis effectum tranquillius operare. totusque mundus experiatur et uideat deiecta erigi. inueterata renouari. et per ipsum redire omnia in integrum. a quo sumpserunt principium. Per.

(*prophetia iij<sup>a</sup> genesis*) [Gen. xxii. 1-19].

**I**N diebus illis temptauit deus abraam. et dixit ad eum. Abraam abraam. Et ille respondit adsum. At ille. Tolle filium tuum unigenitum quem diligis ysaac. et uade in terram uisionis et offeres eum ibi in holocaustum super unum montium quem monstraui tibi. Igitur abraam de nocte consurgens : strauit asinum suum ducens secum duos iuuenes. et ysaac filium suum. Cumque concidisset ligna in holocaustum. abiit ad locum quem preceperat ei deus. Die autem tertio. eleuatis oculis. uidit locum procul. Dixitque ad pueros suos. Expectate hic cum asino : ego et puer illuc usque properantes. postquam adorauerimus reuertemur ad uos. Tulit quoque ligna holocausti : et imposuit super ysaac filium suum. Ipse uero portabat in manibus suis ignem et gladium. Cumque duo pergerent simul : dixit ysaac patri suo. Pater mi ? At ille respondit. Quid uis fili ? Ecce inquit. ignis et ligna. ubi est uictima holocausti ? Dixit abraam. Deus prouidebit sibi uictimam holocausti fili mi. Pergebant ergo pariter. ueneruntque ad locum quem ostenderat ei deus. In quo edificauit altare et desuper ligna composuit. Cumque colli-

gasset ysaac filium suum. posuit eum in altare super struem lignorum. Extenditque manum. et arripuit gladium. ut immolaret filium suum. Et ecce angelus domini: de celo clamauit dicens. Abraam abraam. Qui respondit. adsum.  
 5 Dixit/que ei. Ne extendas manum tuam super puerum. [fo. 71. neque facias illi quicquam Nunc cognoui quod timeas deum. et non pepercisti filio tuo unigenito propter me. Leuauit abraam oculos uiditque post tergum arietem inter uepres herentem cornibus. Quem assumens. obtulit holocaustum pro  
 10 filio. Appellauitque nomen loci illius. dominus uidet. Unde usque hodie dicitur. in monte dominus uidebit. Uocauit autem angelus domini abraam secundo de celo. dicens: Per me metipsum iuraui dicit dominus: quia fecisti rem hanc et non pepercisti unigenito filio tuo propter me. benedicens bene-  
 15 dicam tibi. et multiplicabo semen tuum sicut stelas celi. et uelut arenam que est in litore maris. Possidebit semen tuum portas inimicorum suorum: et benedicentur in semine tuo omnes gentes terre. quia obedisti uoci mee. Reuersusque est abraam ad pueros suos. abieruntque bersabee simul et  
 20 habitauit ibi.

Oremus. Flectamus genua. Leuate.

(Oratio.)

**D**Eus fidelium pater summe qui in toto orbe terrarum promissionis tue filios diffusa adoptionis gratia multi-  
 25 plicas. et per pascale sacramentum abraam puerum tuum uniuersarum sicut iurasti gentium efficis patrem: da populis tuis digne ad gratiam tue uocationis introire.

(*prophetia quarta exodi*) [Exod. xiv. 24-xv. 1].

**I**N diebus illis. Factum est <sup>in</sup> uigilia matutina: et ecce  
 30 respiciens dominus super castra <sup>in</sup> egyptiorum per columnam ignis et nubis interfecit exercitum eorum. et subuertit rotas curruum: ferebanturque in profundum. Dixerunt ergo egyptii Fugiamus israelem: dominus enim pugnat pro eis contra nos. Et ait dominus ad moysen. Extende manum  
 35 tuam super mare. ut reuertantur aque ad egyptios. super currus et equites eorum. Cumque extendisset moyses manum contra mare. reuersum est primo diluculo ad priorem locum. Fugientibusque egyptiis occurrerunt aque. et inuoluit eos dominus† in mediis fluctibus. Reuerseque sunt aque. et co-  
 40 hoperuerunt currus et equites cuncti exercitus pharaonis qui sequentes ingressi fuerant mare. nec unus quidem superfuit ex eis: Filii autem ysrael perrexerunt per medium sicci maris. et aque eis erant quasi pro muro a dextris et a sinistris. Liberauitque dominus in die illo ysrael de manu egyptiorum:

et uiderunt egyptios mortuos super litus maris. et manum  
 magnam quam exercuerat dominus contra eos. Timuitque  
 populus dominum: et crediderunt domino et moysi seruo  
 eius. Tunc cecinit moyses et filii ysrael carmen hoc domino  
 5 et dixerunt.

(*Tractus.*) Cantemus domino gloriose enim honorificatus est  
 equum et ascensorem proiecit in mare. adiutor et protector factus  
 est michi in salutem. (*V.*) Hic deus meus et honorificabo eum: deus  
 patris mei et exal[t]abo eum. (*V.*) Dominus conterens bella.  
 10 dominus nomen est illi.

Oremus. Flectamus genua. Leuate.

(*Oratio.*)

**D**EUS cuius antiqua miracula etiam nostris seculis corrus-  
 /care sentimus: dum quod uni populo a perse- [fo. 71b.  
 15 cutione egiptiaca liberando. dextere tue potentie† contulisti:  
 id in salutem gentium per aquam regenerationis operaris.  
 presta. ut in habrae filios. et in israeliticam dignitatem totius  
 mundi transeat plenitudo.

(*prophetia v<sup>a</sup> ysaie*) [Isa. liv. 17-lv. 1-11].

**H**EC est hereditas seruorum domini et iustitia eorum apud  
 me. dicit dominus. Omnes sitientes uenite ad aquas. et  
 qui non habetis argentum properate. emite. et comedite. Uenite  
 emite absque argento. et absque ulla commutatione uinum  
 et lac. Quare appenditis argentum non in panibus. et laborem  
 25 uestrum non in saturitate? Audite audientes me. et comedite  
 bonum. et delectabitur in crassitudine anima uestra. Inclinate  
 aurem uestram et uenite ad me. audite et uiuet anima uestra  
 Et feriam uobiscum pactum sempiternum. misericordias dauid  
 fidelis. Ecce testem populis dedi eum: ducem ac precep-  
 30 torem gentibus. Ecce gentes quas nesciebas uocabis. et gentes  
 que non cognouerunt te ad te current propter dominum deum  
 tuum. et sanctum israel quia glorificauit te. Querite dominum  
 dum inueniri potest: inuocate eum dum prope est. Derelin-  
 quat impius uiam suam et uir iniquus cogitationes suas. et  
 35 reuertatur ad dominum et miserebitur eius. et ad deum nos-  
 trum quoniam multus est ad ignoscendum. Non enim cogita-  
 tiones mee. cogitationes uestre. neque uie mee uie uestre dicit  
 dominus. Quia sicut exaltantur celi a terra: sic exaltate  
 sunt uie mee a uis uestris. et cogitationes mee a cogitationi-  
 40 bus uestris. Et quomodo descendit imber et nix de celo. et  
 illuc ultra non reuertitur: sed inebriat terram et infundit eam  
 et germinare eam facit. et dat semen serenti. et panem come-

denti: sic erit uerbum meum quod egredietur de ore meo. Dicit dominus omnipotens.

Oremus. flectamus genua. Leuate.

(Oratio.)

5 **O**Mnipotens sempiterne deus. multiplica in honorem nominis tui quod patrum fidei spopondidisti: et promissionis filios sacra adoptione dilata: ut quod priores sancti non dubitauerunt futurum ecclesia tua iam ex parte cognoscat impletum. Per.

10 (prophetia *iiij<sup>a</sup>* [sexta] *exodi*) [Baruch iii. 9-38].

**A**Udi israel mandata uite: auribus percipe ut scias prudentiam. Quid est israel quod in terra inimicorum es: Inueterasti in terra aliena? coinquinatus es cum mortuis. deputatus es cum hiis qui sunt in inferno. Dereliquisti  
15 fontem sapientie. Nam etsi in uia dei ambulasses. habitasses utique in pace super terram. Disce ubi sit sapientia. ubi sit uirtus. ubi sit prudentia. ubi sit intellectus. ut scias simul ubi sit longiturnitas uite. et uirtus. ubi sit lumen oculorum et pax. Quis inuenit locum eius. et quis introit in thesauros eius?  
20 Ubi sint principes gentium. et qui dominantur super bestias que sunt super terram? Qui in auiibus celi ludunt. qui argentum thesaurizant? et aurum in quo confidunt homines./ et non est finis possessionis eorum. Qui argentum [fo. 72. fabricant et solliciti sunt nec est inuentio operum illorum.  
25 Et tamen exterminati sunt. et ad inferos descenderunt. et alii in loco eorum surrexerunt. Iuuenes uiderunt lumen: et habitauerunt super terram. Uiam autem discipline nescierunt. neque intellexerunt semitas eius. neque susceperunt eam filii eorum. A facie eorum longe facta est.  
30 Non est audita in chanaan. neque uisa est in theman. Filii quoque agar. qui exquisierunt prudentiam que de terra est. negotiatores terre et theman. et fabulatores et exquisitores prudentie. et intelligentie uiam autem sapientie nescierunt. neque meminerunt semitarum eius. O israel quam magna  
35 est domus dei. et ingens locus possessionis eius. Magnus et non habet consumptionem: excelsus et immensus Ibi fuerunt gigantes nominati: illi qui ab initio fuerunt statura magna scientes bellum. Non hos eligit dominus. neque uiam discipline inuenerunt propterea perierunt. Et quoniam  
40 non habuerunt sapientiam interierunt propter suam insipientiam. Quis ascendit in celum et accepit eam. et eduxit eam de nubibus. Quis transfretauit mare et inuenit eam. et attulit eam super aurum electum. Non est qui sciat uiam eius neque qui excogitet semitas eius. Sed qui scit uniuersa

nouit illam et adinuenit eam prudentia sua. Qui perfecit terram in sempiterno tempore et adimpleuit eam pecudibus. Uocauitque eam. et obaudiuit eum in tremore. Stelle autem dederunt lumen in custodiis suis: et letate sunt. Uocate  
 5 sunt. et dixerunt. Adsumus. Et luxerunt ei cum iucunditate: qui fecit illas. Hic est deus noster. et non extimabitur<sup>†</sup> alius ad eum. Hic adinuenit omnem uiam discipline: et dedit illam iacob puero suo. et israel dilecto suo. Post hec super terram uisus est. et cum hominibus conuersatus est.

10

Oremus. Flectamus genua. Le[uate].

(Oratio.)

**D**Eus qui ecclesiam tuam semper gentium uocatione multiplicas concede propitius: ut quos aqua baptismatis abluis: continua protectione tuearis. Per.

15

(*prophetia vij<sup>a</sup> esechielis*) [Ezech. xxxvii. 1-14].

**I**N diebus illis. Facta est super me manus domini: et eduxit me in spiritu domini: et dimisit me in medio campi. qui erat plenus ossibus: et circumduxit me per ea in girum. Erant autem multa ualde super faciem campi:  
 20 siccaque uehementer. Et dixit ad me fili hominis: putas ne uiuent ossa ista. Et dixi. Domine deus tu nosti. Et dixit ad me. Uaticinare de ossibus istis et dices eis. Ossa arida audite uerbum domini hec dicit dominus deus ossibus hiis. Ecce ego intromittam in uos spiritum et uiuetis. et dabo  
 25 super uos neruos et succrescere faciam super uos carnem. et super extendam in uobis cutem. et dabo uobis spiritum. et uiuetis. et scietis quia ego dominus Et prophetaui sicut preceperat michi. Factus est autem sonitus prophetante me: et ecce commotio. Et accesserunt ossa ad ossa. unumquodque/ ad iuncturam suam. Et uidi. et ecce [fo. 72<sup>b</sup>.  
 super ea nerui et carnes ascenderunt: et extensa est in eis cutis desuper et spiritum non habebant. Et dixit ad me. Uaticinare ad spiritum. Uaticinare fili hominis. et dices ad spiritum. Hec dicit dominus deus. A quatuor uentis ueni  
 35 spiritus. et infla super interfectos istos. et reuiuiscant. Et prophetaui sicut preceperat michi. Et ingressus est in ea spiritus. et reuixerunt et steterunt super pedes suos: exercitus grandis nimis ualde. Et dixit ad me fili hominis ossa hec uniuersa. domus israel est. Ipsi dicunt aruerunt ossa nostra:  
 40 prout spes nostra et abscissi sumus. propterea uaticinare: et dices ad eos. Hec dicit dominus deus. Ecce ego aperiam tumulos uestros: et educam uos de sepulcris uestris populus meus. et inducam uos in terram israel. Et scietis quia ego dominus cum aperuero sepulcra uestra et eduxero uos de

tumulis uestris populus meus. et dederō spiritum meum in uobis et uixeritis et requiescere uos faciam. Dicit dominus omnipotens.

Oremus. Flectamus genua. Leuate.

5 (Oratio.)

**D**Eus qui nos ad celebrandum pascale sacramentum utriusque testamenti paginis instruis. da nobis intelligere misericordiam tuam : ut ex perceptione presentium munerum. firma sit expectatio futurorum. Per.

10 (*prophetia viij<sup>a</sup> ysaie*) [Isa. iv. 1-6].

**A**pprehendent septem mulieres uirum unum in die illa. dicentes. Panem nostrum comedemus : et uestimentis nostris operiemur : tantummodo inuocetur nomen tuum super nos : aufer obprobrium nostrum. In die illa erit germen  
15 domini in magnificentia : et gloria et fructus terre sublimis : et exultatio hiis qui saluati fuerint de israel. Et erit omnis qui relictus fuerit in syon. et residuus in yerusalem. Sanctus uocabitur omnis qui scriptus est : in uita in ierusalem. Si  
20 abluerit dominus sordes filiarum syon : et sanguinem ierusalem lauerit de medio eius : in spiritu iudicii et spiritu ardoris. Et creauit dominus deus : super omnem locum montis syon : et ubi inuocatus est nubem per diem : et  
fumum et splendorem ignis flammantis in nocte. Super omnem enim gloriam protectio et tabernaculum erit in  
25 umbraculum diei ab estu : et in securitatem et absconsionem a turbine et a pluuiā.

(*Graduale.*) Uinea facta est dilecto meo in cornu in loco uberi. (V.) Et maceriam circundedit et circumfodit et plantauit uineam soreth et hedificauit turrin in medio eius. (V.) Et  
30 torcular fodit in ea. Uinea enim domini sabaoth dominus† israel est.

Oremus. Flectamus genua. Le[uate].

(Oratio.)

**D**Eus qui in omnibus ecclesie tue filiis sanctorum prophetarum uoce manifestasti in omni loco dominationis tue  
35 satorem te bonorum seminum. et electorum palmitum esse cultorem. tribue quesumus populis tuis qui et uinearum apud te nomine censentur et segetum. ut spinarum et tribulorum squalore resecato : digna efficiantur fruge secundi. Per.

(*prophetia viiij<sup>a</sup> exodi*) [Exod. xii. 1-11].

40 / **I**N diebus illis dixit dominus ad moysen et aaron : [fo. 73- in terra egypti Mensis iste. *Require retro in parascene.* [p. 162.]



Oremus. Flectamus genua. Leuate.

(*Oratio.*)

OMnipotens sempiterne deus qui in omnium operum  
 5 tuorum dispensatione mirabilis es. intelligant redempti  
 tui non fuisse excellentius quod initio factus est mundus  
 quam quod in fine seculorum pasca nostrum immolatus est  
 christus. Qui tecum.

(*prophetia x<sup>a</sup>. Ione prophete*) [Ionae iii. 1-10].

IN diebus illis factum est uerbum domini ad ionam pro-  
 10 phetam secundo dicens. Surge uade in niniuem ciuitatem.  
*Require in feria secunda post dominicam de passione.* [p. 117.]

Oremus. Flectamus genua. Leuate.

(*Oratio.*)

DEus qui diuersitatem gentium in confessione tui nominis  
 15 adunasti: da nobis et uelle et posse que precipis: ut  
 populo ad eternitatem uocato. una sit fides mentium et pietas  
 actionum. Per.

(*prophetia xj deuteronomij*) [Deut. xxxi. 22-30].

IN diebus illis. scripsit moyses canticum et docuit filios  
 20 israel. Precepitque dominus iosue filio nun. et ait.  
 Confortare et esto robustus tu enim introduces filios israel in  
 terram quam pollicitus sum eis: et ego ero tecum. Postquam  
 ergo scripsit moyses uerba legis huius in uolumine. atque  
 compleuit: precepit leuitis qui portabant archam federis  
 25 domini. dicens Tollite librum istum et ponite illum in latere  
 arche federis domini dei nostri ut sit tibi contra te in testi-  
 monium. Ego enim scio contentionem tuam: et ceruicem  
 tuam durissimam. Adhuc uiuente me. et ingrediente uobis-  
 cum: semper contentiose egistis contra dominum. quanto  
 30 magis cum mortuus fuero? Congregate ad me omnes  
 maiores natu per tribus uestras et doctores: et loquar  
 audientibus illis sermones istos. et inuocabo contra eos celum  
 et terram. Noui enim quod post mortem meam iniquè  
 agetis. et declinabitis cito de uia quam precepi uobis. Et  
 35 occurrent uobis mala in extremo tempore: quando feceritis  
 malum in conspectu domini ut irridetis eum per opera  
 manuum uestrarum. Locutus est ergo moyses audiente  
 uniuerso cetu filiorum israel uerba carminis huius. et ad finem  
 usque compleuit.

40 (*Tractus.*) Attende celum et loquar. et audiat terra uerba ex ore  
 meo. (*V.*) Expectetur sicut pluuia eloquium meum et descendant  
 sicut ros uerba mea (*V.*) Sicut ymber super germen. et sicut nix

super fenum quia nomen domini inuocabo. (V.) Date magnitudinem deo nostro deus uera opera eius. et omnes uie eius iudicia. (V.) Deus fidelis in quo non est iniquitas iustus et sanctus dominus.

5 Oremus. Flectamus genua. Leuate.

(Oratio.)

DEus celsitudo humilium et fortitudo rectorum qui per sanctum moysen puerum tuum. ita erudire populum tuum sacri carminis tui decantatione uoluisti. ut illa legis  
10 iteratio fieret etiam nostra directio. excita in omnem iustificarum† gentium plenitudinem potentiam tuam. et da leticiam mittigando terrorem ut omnium peccatis tua remissione deletis quod de/ nuntiaturum est in ultionem. transeat in salutem. [fo. 73b. Per.

15 (prophetia xij<sup>a</sup> danielis) [Dan. iii. 1-24].

IN diebus illis. Nabuchodonosor rex fecit statuam auream altitudine cubitorum sexaginta. latitudine cubitorum sex. Et statuit eam in campo duran prouincie babilonis. Itaque Nabuchodonosor rex misit ad congregandos satrapas magistratus duces et iudices. et tyrannos. et perfectos omnesque  
20 principes regionum. ut conuenirent ad dedicationem statue quam crexerat nabuchodonosor rex. Tunc congregati sunt. satrape. magistratus. et iudices duces. et tyranni. et optimates. qui erant in potestatibus constituti. et uniuersi principes  
25 regionum. ut conuenirent ad dedicationem statue. quam crexerat nabuchodonosor rex. Stabant autem in conspectu statue quam posuerat Nabuchodonosor rex: et preco clamabat ualenter uobis dicitur populis tribubus et linguis. In hora qua audieritis sonitum tube et fistule. et cythare et sambuce.  
30 et psalterii et symphonie. et uniuersi generis musicorum. cadentes adorate statuam auream quam constituit nabuchodonosor rex. Si quis autem non prostratus adorauerit. eadem hora mittetur in fornacem ignis ardentis Post hec igitur statim ut audierunt omnes populi sonitum tube. fistule  
35 et cythare sambuce et psalterii. et symphonie. et omnis generis musicorum. cadentes omnes populi. tribus et lingue. adorauerunt statuam auream. quam constituerat nabuchodonosor rex. Statimque in ipso tempore accedentes uiri chaldei accusauerunt iudeos. dixeruntque nabuchodonosor regi. Rex in eternum uiue. Tu rex posuisti decretum: ut  
40 omnis homo qui audierit sonitum tube fistule. et cythare. sambuce. et psalterii. et symphonie. et omnis generis musicorum prosternant se et adorent statuam auream. Si quis autem non procidens adorauerit. mittatur in fornacem ignis ardentis. Sunt ergo uiri iudei quos constituisti super opera  
45

regionis babilonis. sydrach. misach et abdenago. Uiri isti contemnunt rex decretum tuum. Deos tuos non colunt. et statuam auream quam erexisti non adorant. Tunc nabuchodonosor in furore et in ira precepit ut adducerentur sydrach. misach et abdenago. Qui confestim adducti sunt in conspectu regis. Pronuntiansque nabuchodonosor rex. ait eis. Uere ne sydrach. misach et abdenago deos meos non colitis et statuam auream quam constitui non adoratis. Nunc ergo si estis parati. quacunque hora audieritis sonitum tube. fistule et cythare. sambuce. et psalterii. et symphonie. omnisque generis musicorum. prosternite uos et adorate statuam auream quam feci. Quod si non adoraueritis: eadem hora mittemini in fornacem ignis ardentis. Et quis est deus qui eripiat uos de manu mea? Respondentes sydrach. misach. et abdenago. dixerunt nabuchodonosor regi. Non oportet nos de hac respondere tibi. Ecce enim deus noster quem colimus: potest/ nos eripere de camino [fo. 74. ignis ardentis: et de nanibus† tuis o rex liberare. Quod si noluerint. notum sit tibi rex quia deos tuos non colimus. et statuam auream quam erexisti non adoramus. Tunc nabuchodonosor repletus est furore. et aspectus faciei illius immutatus est. super sydrach. misach. et abdenago. et precepit ut succenderetur fornax septuplum quam succendi consueuerat. Et uiris fortissimis de exercitu suo iussit: ut ligatis pedibus et manibus sydrach. misach. et abdenago. mitterent eos in fornacem ignis ardentis. Et confestim uiri illi uincti cum brachiis suis. et thiaris et calciamentis. et uestibus: missi sunt. in medium fornacis ignis ardentis. Nam iussio regis urgebat. Fornax autem succensa erat nimis. Porro uiros illos qui miserant sydrach. misach et abdenago. interfecit flamma ignis. Uiri autem hii tres. id est sydrach misach. et abdenago ceciderunt in medio camini ignis ardentis colligati. Et ambulabant in medio flamme laudantes et benedicentes deum.

35 *Hic non dicitur flectamus genua.*

(*Oremus. Oratio.*)

**O**Mnipotens sempiterne deus spes unica mundi. qui prophetarum tuorum preconio presentium temporum declarasti misteria auge populi tui uota placatus: quia in nullo fidelium. nisi in tua inspiratione proueniunt: quarumlibet incrementa uirtutum. Per.

*Hiis finitis descendendo ad fontes cantatur.*

(*Tractus.*) Sicut ceruus desiderat ad fontes aquarum. ita desiderat anima mea ad te deus. (V.) Sitiuit anima mea ad deum fontem uiuum quando ueniam et apparebo ante faciem dei mei. (V.)

Fuerunt michi lacrimae mee panes die ac nocte. dum dicitur michi per singulos dies ubi est deus tuus.

*Deinde ad fontes.* Dominus uobiscum.

(*Oratio.*)

5 **O**Mnipotens sempiterne deus respice propitius ad deuotionem populi tui renascentis. qui sicut ceruus aquarum expetit fontem et concede propitius. ut fidei ipsius sitis baptismatis misterio animam corpusque letificet. Per.

*Postea proceditur ad benedictionem fontium*

10 *ubi uero non fuerint fontes.*

(*Tractus.*) Sicut ceruus. *et oratio sequens et fontium benedictio pretermittuntur*

*sed finita oratione* Omnipotens sempiterne deus. spes unica mundi.

15 *Sacerdos casula deposita cum ministris ante altare procumbit. et alii fratres stant erecti. et cantatur letania in medio chori a duobus fratribus utroque choro idem simul respondente. Peruenito autem ad peccatores te rogamus audi nos. Sacerdos et ministri ad uestiarium reuertentes solemniter induuntur et*  
20 *accenduntur luminaria circa altare de igne benedicto et peruenito ad kirieleyson.*

*Letanie.* kirieleison. *Pro missa incipitur a cantoribus solemniter.*

(*Hic solemniter cantatur.*)

25 **K**Yrieleyson.

**C**Risteleyson

**C**Riste audi nos.

**C**Riste exaudi nos.

**P**Ater de celis deus mis[erere] nobis.

30 **F**Ili redemptor mundi deus mis[erere] n[obis]

**S**Piritus sancte deus miserere nobis.

**S**Ancta trinitas deus mis[erere] nobis.

**S**Ancta maria ora pro nobis.

**S**Ancta dei genetrix ora.

SAncta uirgo uirginum ora.

SAncte michael ora./

[fo. 74<sup>b</sup>.

SAncte gabriel ora.

SAncte raphael ora.

5 OMnes sancti beatorum spirituum ordines. orate.

SAncte iohannes baptista ora.

OMnes sancti patriarche et prophete orate.

SAncte petre ora.

SAncte paule ora.

10 SAncte iohannes ora.

OMnes sancti apostoli et euangeliste orate.

SAncte stephane ora.

SAncte laurenti ora.

SAncte uincenti ora.

15 OMnes sancti martires orate.

SAncte georgiꝝ ora.

SAncte agustine ora.

SAncte ieronime ora.

SAncte ambrosi ora.

20 SAncte martine ora.

SAncte francisce ora.

SAncte antoni ora.

SAncte dominice ora.

O Mnes sancti confessores orate.

S Ancta maria magdalena ora.

S Ancta agnes ora.

S Ancta agatha ora.

5 S Ancta clara ora.

O Mnes sancti et sancte dei orate.

P Ropitius esto parce nobis domine.

P Ropitius esto exaudi nos do[mine].

A B omni malo libera nos domine.

10 A B omni peccato libera nos do[mine].

A Morte perpetua libera.

P Er misterium sancte incarnationis tue. li[bera.]

P Er aduentum tuum li[bera.]

P Er natiuitatem tuam li[bera.]

15 P Er baptismum et sanctum ieiunium tuum li[bera.]

P Er crucem et passionem tuam li[bera.]

P Er mortem et sepulturam tuam li[bera.]

P Er sanctam resurrectionem tuam li[bera.]

P Er admirabilem ascensionem tuam libera.

20 P Er aduentum sancti spiritus paracliti li[bera.]

I N die iudicii li[bera.]

P Eccatores te rogamus audi n[os].

U T nobis indulgeas te ro[gamus].

U<sup>T</sup> ecclesiam tuam sanctam regere et conseruare digneris te ro[gamus.]

U<sup>T</sup> domnum apostolicum et omnes ecclesiasticos ordines in sancta religione conseruare digneris te r[ogamus.]

5 U<sup>T</sup> nos metipsos in tuo sancto seruitio confortare et conseruare digneris te ro[gamus.]

U<sup>T</sup> omnibus benefactoribus nostris sempiterna bona retribuas te ro[gamus]

U<sup>T</sup> fructus terre dare et conseruare digneris te ro[gamus.]

10 U<sup>T</sup> omnibus fidelibus defunctis requiem eternam donare digneris te ro[gamus]

U<sup>T</sup> nos exaudire digneris te [rogamus]

A<sup>G</sup>nus dei qui tollis peccata mundi parce nobis domine.

A<sup>G</sup>nus dei qui tollis peccata mundi exaudi nos domine.

15 A<sup>G</sup>nus dei qui tollis peccata mundi miserere nobis.

*(hic solemniter cantatur)*

C<sup>H</sup>riste audi nos.

C<sup>H</sup>riste exaudi nos.

K<sup>I</sup>rieleyson.

20 C<sup>H</sup>risteleyson.

K<sup>I</sup>rieleison.

*Quo incepto sacerdos de uestiario cum ministris rediens. facit confessionem debitam in loco consueto. et ascendens postmodum ad altare finito. kirieleyson. sacerdos incipit solemniter. Gloria*  
 25 *in excelsis deo. et campana pulsatur finito Gloria in excelsis/ deo. dicit Dominus uobiscum.* [fo. 75.]

*(Oratio.)*

30 D<sup>E</sup>us qui hanc sacratissimam noctem. gloria dominice resurrectionis illustras: conserua in noua familie tue progenie adoptionis spiritum quem dedisti ut corpore et mente renouati. puram tibi exhibeant seruitutem. Per eundem.

*hec oratio. tantum dicitur*

ROMAN.



(*Ad collosenses*) [Col. iii. 1-4].

**F**Ratres si consurrexistis cum christo que sursum sunt querite ubi christus est in dextera dei sedens. que sursum sunt sapite. non que super terram. Mortui enim estis.  
 5 et uita uestra abscondita est cum christo in deo cum enim christus apparuerit uita uestra. tunc et uos apparebitis cum ipso in gloria.

*Finita epistola. sacerdos qui cantat missam incipit. Alleluia. Et totum decantat ter. exaltando uocem suam gradatim et*  
 10 *chorus post quamlibet uicem in eadem uoce repetit illud idem. postea (V.) Confitemini domino quoniam bonus quoniam in seculum misericordia eius. Cantatur comuniter uel sicut cantor disposuerit. deinde.*

(*Tractus.*) Laudate dominum omnes gentes. et collaudate eum  
 15 omnes populi. (V.) Quoniam confirmata est super nos misericordia eius. et ueritatis domini manet in eternum.

*Ad euangelium non portantur luminaria. sed incensum tantum.*

(*Secundum matheum*) [Mat. xxviii. 1-7].

20 **U**Esperare autem sabbati que lucessit in prima sabbati. uenit maria magdalene et altera maria uidere sepulcrum. Et ecce terremotus factus est magnus. Angelus enim domini descendit de celo. et accedens reuoluit lapidem. et sedebat super eum. erat autem aspectus eius sicut fulgur. et  
 25 uestimenta eius sicut nix. pre timore autem eius exterriti sunt custodes: et facti sunt uelut mortui. Respondens autem angelus. dixit mulieribus. Nolite timere uos. Scio enim quod iesum qui crucifixus est queritis. Non est hic. Surrexit enim. sicut dixit. Uenite et uidete locum: ubi positus  
 30 erat dominus. Et cito euntes dicite discipulis eius. quia surrexit et ecce precedet uos in galileam. Ibi eum uidebitis: ecce predixi uobis.

*Finito euangelio dicat sacerdos dominus uobiscum et oremus et non dicitur Credo in unum deum nec offertorium.*

35 (S[e]creta.)

**S**Uscipe domine quesumus preces populi tui cum oblationibus hostiarum ut pascalibus initiata misteriis. ad eternitatis nobis medelam te operante proficiant. Per.

(*prefatio.*) Equum et salutref. Te quidem domine  
 40 omni tempore.

*Et dicitur quotidie usque ad ascensionem nisi alia assig-*



netur. In hac tamen missa tantum dicitur nocte et post octavam non dicitur die. sed. In hoc potissimum gloriosus predicare.

(*Infra canonem.*)

Communicantes et noctem sacratissimam celebrantes resurrectionis domini nostri iesu christi.

*Sicut in pasca sed dicitur hodie tantum noctem aliis autem diebus dicitur diem.*

(*Infra canonem.*)

**H**Anc igitur oblationem seruitutis nostre.

*Et dicitur tantum usque ad sabbatum inclusive.*

Pax domini dicitur. Agnus dei non dicitur. pacis osculum non datur nec post communio cantatur. Sumpto sacramento a sacerdote. statim pro uesperis incipitur in choro antiphona alleluia.

*Qua cantata. cantatur psalmus* Laudate dominum omnes gentes et collaudate eum omnes populi. totum cum/ [fo. 75b. Gloria patri et sicut erat in *Et reitera antiphona alleluia.*

*Capitulum ymnus et uersus non dicuntur ad magnificat.*

(*Antiphona.*) Uespere autem sabbati que lucescit in prima sabbati uenit maria magdalene et altera maria uidere sepulcrum alleluia.

*psalmus* Magnificat totum cum Gloria patri et sicut erat et repetitur antiphona Uespere autem.

*Post hec sacerdos dicit.* Dominus uobiscum.

(*Oratio.*)

**S**Piritum nobis domine tue caritatis infunde. ut quos sacramentis pascalibus satiasti. tua facias pietate concordēs. Per in unitate.

*deinde* Dominus uobiscum.

*postea diaconus dicit* Ite missa est *Cum duplici alleluia* (R.) Deo gratias *Cum duplici alleluia et sic dicitur usque ad sabbatum in albis inclusive. Sed nullo alio tempore iungitur alleluia cum* Ite missa est.

*Aduentus domini celebratur ubicunque dominicus dies uenerit. inter quinto kallendas decembris et tertio nonas eiusdem mensis.*

*Notandum est quod feria quarta proxima post dies sancte lucie. cinerum diei pentecostes. et exaltationis sancte crucis*  
5 *semper quatuor tempora celebrantur.*

*Quandocunque festo deest aliquid proprium. pro illo recuratur ad commune sanctorum.*

*Si festum habens uigiliam ueniat die lune. officium uigilie*  
10 *fiat. sabbato precedenti. In uigiliis in quibus ieiunium celebramus. missa fit de uigilia. Et si festum sit fit commemoratio de festo nisi esset festum solemne. tunc enim dicitur prima missa de festo secunda de uigilia.*

*Notandum quod quandocunque in matutinis fit de aliquo*  
15 *festi aliqua commemoratio specialis† de eodem fit commemoratio in missa nisi de ipso specialis missa celebretur.*

*Quandocunque Te deum laudamus. dicitur in matutinis. Gloria in excelsis deo. et Ite missa est. dicuntur ad missam illius officii tantum unde facte sunt matutine. et non alias nisi*  
20 *in cena domini et sabbato sancto.*

*tres orationes tantum dicuntur in missa conuentuali nisi aliqua die occurrerent plures necessario dicende. In duplici uero festo dicitur una oratio tantum nisi ubi uitari non potest. quando occurrunt proprie dicende. oratio. A cunctis nos*  
25 *quesumus. dicitur in missa conuentuali tam ferialibus diebus quam dominicis et festiuis. A festo purificationis usque ad dominicam de passione. et ab octaua pentecostes usque ad aduentum. exceptis festis duplicibus in quibus non dicitur. nec per aliquas octauas. nec in uigiliis que ieiunantur nec in diebus*  
30 *in quibus suffitiunt proprie commemorationes nec in festis beati petri apostoli. nec in missis beate marie uirginis.*

*Alleluia. non cantatur ad missam a septuagesima. usque ad sabbatum sanctum. nec in uigiliis preter uigilias pasce et pentecostes et natiuitatis domini si uenerit in dominica nec*  
35 *cantatur in festo innocentium nisi uenerit in dominica nec in quatuor temporibus aduentus. et mensis septembris. Aliis autem temporibus semper cantatur. Alleluia.*

*Credo in unum deum. dicitur omnibus diebus dominicis totius anni etiam si de festo fiat missa. ad primam missam*  
40 *de nocte natiuitatis domini. et ad omnes alias missas illius diei et deinceps per totam octauam. Et in octaua beati iohannis euangeliste. In epiphania et per totam octauam. in conuersione sancti pauli. in purificatione beate marie. in annuntiatione eiusdem. in cathedra sancti petri. feria quinta in cena domini. in*

resurrectione domini et per octauam. in festo ascensionis et per octauam. in pent[ecoste] et per octauam. in festo corporis christi et per octauam. in festo sancti iohannis ante portam latinam. in festo apostolorum petri et pauli et per octauam. In octaua beati iohannis baptiste pro eo quod est infra octauam apo[sto]- [fo. 76. lorum. in festo uisitationis beate marie et per octauam. in festo sancti petri ad uincula. In assumptione beate uirginis et per octauam. in octaua sancti laurentii pro eo quod uenit infra octauam beate uirginis. in natiuitate beate uirginis et per octauam. in festiuitatibus sancte crucis. in festiuitatibus angelorum. In festo omnium sanctorum. in omnibus solemnitatibus duodecim apostolorum. et euangelistarum. et sancti barnabe. in omnibus consecrationibus ecclesiarum et altarium.

## [ORDINARIUM MISSE]

*P*aratus sacerdos cum intrat ad altare dicat.

(*V.*) Introibo ad altare dei.

(*R.*) ad deum qui letificat iuventutem meam.

5 (*V.*) Iudica me deus *totum*.

*deinde repetitur uersus.* (*V.*) Introibo ad altare dei.

(*R.*) ad deum qui letificat iuventutem meam.

(*V.*) Adiutorium nostrum in nomine domini.

(*R.*) Qui fecit celum et terram.

10 *Deinde facit confessionem et absolutionem ex hinc dicit uersus.*

(*V.*) Deus tu conuersus uiuificabis nos.

(*R.*) Et plebs tua letabitur in te.

(*V.*) Ostende nobis domine misericordiam tuam.

15 (*R.*) Et salutare tuum da nobis.

(*V.*) Domine exaudi orationem meam.

(*R.*) Et clamor meus ad te ueniat.

(*V.*) Dominus uobiscum.

(*R.*) Et cum spiritu tuo.

20

(*Oratio.*)

**A**Ufer a nobis quesumus domine cunctas iniquitates nostras. ut ad sancta sanctorum puris mereamur mentibus introire. Per christum dominum nostrum. (*R.*) Amen.

*Postea inclinatus dicit secreto hanc orationem.*

25

(*Oratio.*)

**O**Ramus te domine per merita sanctorum tuorum quorum reliquie hic sunt. et omnium sanctorum ut indulgere digneris omnia peccata mea amen.

30 *Qua completa ascendit ad altare. et deosculans illud accipiensque turribulum a diacono incensat altare. et redito turribulo diacono perlegit introitum cum ministris. deinde dicit quando dicendum est.*

Gloria in excelsis deo. Et in terra pax hominibus bone uoluntatis Laudamus te. Benedicimus te Adoramus te.  
35 Glorificamus te. Gratias agimus tibi propter magnam gloriam tuam. Domine deus rex celestis deus pater omnipotens. Domine fili unigenite iesu christe. Domine deus agnus dei filius patris. Qui tollis peccata mundi miserere nobis. Qui tollis peccata mundi suscipe deprecationem

nostram. Qui sedes ad dexteram patris miserere nobis  
Quoniam tu solus sanctus. Tu solus dominus. Tu solus  
altissimus iesu christe. Cum sancto spiritu in gloria dei  
patris amen.

5 *Quo finito antequam dicat. Dominus uobiscum Oscu-*  
*latur altare in medio.*

*in fine gradualis aut alleluia aut tractus inclinatur se dia-*  
*conus coram altari. et dicit hanc orationem.*

(Oratio.)

10 **M**unda cor meum ac labia mea omnipotens deus. qui  
labia ysaie prophete calculo mundasti ignito. ita me  
tua grata miseratione dignare mundare. ut sanctum euange-  
lium tuum digne ualeam nuntiare. Per christum dominum  
nostrum. amen.

15 *Dicta oratione et accepto testu† inclinatur se sacerdoti cele-*  
*braturo. et petit benedictionem dicendo. Iube domne bene-*  
*dicere.*

*Tunc dicit sacerdos.*

(Oratio.)

20 **D**ominus sit in corde tuo. et in labiis tuis. ut digne et  
competenter annunties euangelium suum.

*|Completo euangelio dicit sacerdos. [fo. 76b.*

**C**redo in unum deum. Patrem omnipotentem factorem  
celi et terre uisibilium omnium et inuisibilium. Et in  
25 unum dominum iesum christum filium dei unigenitum Et ex  
patre natum ante omnia secula. Deum de deo lumen de  
lumine. deum uerum de deo uero. Genitum non factum  
comsubstantialem† patri per quem omnia facta sunt. Qui  
propter nos homines. et propter nostram salutem descendit de  
30 celis. Et incarnatus est de spiritu sancto ex maria uirgine et  
homo factus est. Crucifixus etiam pro nobis sub pontio  
pillato passus et sepultus est. Et resurrexit tertia die secun-  
dum scripturas. Et ascendit in celum sedet ad dexteram  
patris. Et iterum uenturus est cum gloria iudicare uiuos et  
35 mortuos cuius regni non erit finis. Et in spiritum sanctum  
dominum et uiuificantem qui ex patre filioque procedit. Qui  
cum patre et filio simul adoratur et conglorificatur. qui locutus  
es[t] per prophetas. Et unam sanctam catholicam et apostoli-  
cam ecclesiam Confiteor unum baptisma in remissionem  
40 peccatorum. Et expecto resurrectionem mortuorum. Et  
uitam uenturi seculi amen.

*Quando sacerdos offert hostiam super altare dicat  
hanc orationem.*

*(Oratio.)*

5 **S**uscipe. sancte pater omnipotens eterne deus hanc  
immaculatam hostiam. quam ego indignus famulus tuus  
offero tibi deo meo uiuo et uero. pro innumerabilibus† peccatis  
et offensionibus et negligentis meis. et pro omnibus circum  
astantibus. sed et pro omnibus fidelibus christianis uiuis atque  
defunctis. ut michi et illis proficiat ad salutem in uitam  
10 eternam amen.

*Quando mittit aquam in calicem dicit orationem.*

*(Oratio.)*

**D**eus qui humane substantie dignitatem mirabiliter con-  
didisti et mirabilius reformasti. da nobis per huius aque  
15 et uini misterium. eius diuinitatis esse consortes qui humani-  
tatis nostre fieri dignatus est particeps. iesus christus filius  
tuus dominus noster. Qui tecum uiuit et regnat in unitate  
spiritus sancti deus. Per omnia secula seculorum amen.

*Quando offert calicem super altare dicit hanc orationem.*

20 *(Oratio.)*

**O**fferimus tibi domine calicem salutaris. tuam deprecantes  
clementiam. ut in conspectu diuine maiestatis tue. pro  
nostra. et pro totius mundi salute cum odore suauitatis ascen-  
dat. amen.

25 *Deinde dicit.*

*(Oratio.)*

**I**N spiritu humilitatis et in animo contrito suscipiamur a te  
domine. et sic fiat sacrificium nostrum in conspectu tuo  
hodie. ut placeat tibi domine deus.

30 *Sequitur oratio super hostiam et calicem cum signo crucis.*

*(Oratio.)*

**U**eni sanctificator omnipotens eterne deus. bene(✠)dic  
hoc sacrificium tuo sancto nomini preparatum.

*Cum ponit incensum in turribulum dicit hanc orationem.*

35 *(Oratio.)*

**P**er intercessionem beati michaelis archangeli stantis a  
dextris altaris incensi: et omnium electorum suorum  
incensum istud dignetur dominus bene(✠)dicere. et in [fo. 77.  
odorem suauitatis accipere. Per christum dominum nostrum.  
40 amen.

*Cum incensat oblata dicit.*

[*Oratio.*]

INCensum istud a te bene(✠)dictum. ascendat ad te domine et descendat super nos misericordia tua.

*Cum incensat altare dicit.*

(*Oratio.*)

DIRigatur domine oratio mea sicut incensum in conspectu tuo eleuatio manuum mearum sacrificium uestertinum. Pone domine† custodiam ori meo: et hostium circumstantie labiis meis. ut non declinet cor meum in uerba malitie ad excusandas excusationes in peccatis.

*Quando reddit turribulum diacono dicit.*

(*Oratio.*)

ACCendat in nobis dominus ignem sui amoris et flamma[m] eterne caritatis. amen.

*Quando sacerdos lauat manus dicit.*

Lauabo inter innocentes manus meas. usque in finem cum gloria patri.

*Tunc inclinatur se ante altare et dicit hanc orationem.*

(*Oratio.*)

SUScipe sancta trinitas hanc oblationem quam tibi offerimus ob memoriam passionis resurrectionis et ascensionis iesu christi domini nostri. et in honore beate marie semper uirginis. et beati iohannis baptiste. et sanctorum apostolorum petri et pauli. et istorum et omnium sanctorum†. ut illis proficiat ad honorem. nobis autem ad salutem. et illi pro nobis intercedere dignentur in celis quorum memoriam facimus in terris. Per christum dominum nostrum. amen.

*Erigens se deosculatur altare et uertens se ad populum dicat.*

[*Oratio.*]

ORate pro me fratres. ut meum ac uestrum sacrificium acceptabile fiat apud deum omnipotentem.

*Circonstantes uero respondent.*

(*Oratio.*)

SUScipiat dominus sacrificium de manibus tuis ad laudem et gloriam nominis sui. ad utilitatem quoque nostram totiusque ecclesie sue sancte amen.

(*prephatio.*)

*Sequens prephatio cum suo cantu. dicitur quotidie a uigilia natiuitatis domini usque ad epyphaniam. et in purificatione uirginis marie. et in missa de corpore christi.*

- 5 (⊕) <sup>1</sup>Eterne deus. Quia per incarnati uerbi misterium noua mentis nostre oculis lux tue claritatis. infulsit. Ut dum uisibiliter deum cognoscimus. per hunc/ in inuisibilium [fo. 77b. amorem rapiamur. Et ideo cum angelis et archangelis cum tronis et dominationibus. Cumque omni militia celestis exer-  
10 citus hymnum glorie tue canimus sine fine dicentes.<sup>1</sup> Sanctus sanctus sanctus dominus deus sabaoth. Pleni sunt celi et terra. gloria tua osana in excelsis. Benedictus qui uenit in nomine domini. osana in excelsis.

(*Infra canonem.*)

- 15 C Ommunicantes et noctem *uel* diem sacratissimam celebrantes qua *uel* quo. beate marie intemerata uirginitas huic mundo edidit saluatorem. Sed et memoriam uenerantes. In primis eiusdem gloriose semperque uirginis marie genitricis eiusdem dei et domini nostri iesu christi. sed et beatorum  
20 apostolorum. *et cetera.*

*Sequens prephatio cum suo cantu dicitur in epyphania domini et per totam octauam.*

- (⊕) <sup>2</sup>Eterne deus. Quia cum unigenitus tuus in substantia nostre mortalitatis apparuit. noua nos immortalitatis  
25 sue luce reparauit. Et ideo.<sup>2</sup>

(*Infra canonem.*)

- C Ommunicantes et diem sacratissimum celebrantes. Quo unigenitus tuus in tua tecum gloria coeternus in ueritate carnis nostre uisibiliter corporalis apparuit. Sed et memoriam  
30 uenerantes In primis gloriose semperque uirginis marie genitricis eiusdem dei et domini nostri iesu christi. sed/ [fo. 78. et beatorum apostolorum *et cetera.*

- 35 *Sequens prefatio cum suo cantu dicitur quotidie a die cineris usque ad dominicam in ramis palmarum. nisi in missa de festo si occurrerit.*

(*prephatio.*)

(⊕) <sup>3</sup>Eterne deus. Qui corporali ieiunio uitia comprimis. mentem eleuas. uirtutem largiris et premia. Per christum dominum nostrum. Per quem maiestatem.<sup>3</sup>

<sup>1</sup>—<sup>1</sup> From the word *Eterne* down to *glorie tue canimus sine fine dicentes*, the text is in lines placed widely apart. In the spaces the musical stave should have been inserted, but it is wanting.

<sup>2</sup>—<sup>2</sup> From *Eterne* to *Et ideo* there are empty spaces for the musical stave, which, however, are wanting, as above.

<sup>3</sup>—<sup>3</sup> From *Eterne deus* to *maiestatem* there are empty spaces between the lines for the musical stave, which is wanting.



*Sequens prefatio cum suo cantu dicitur quotidie a uigilia pasce usque ad octauam. et in solemnibus festis. et per omnes dominicas usque ad ascensionem. ubi non assignatur alia prefatio.*

5 (prephatio.)

(Θ) <sup>1</sup>Equum et salutare. Te quidem domine in omni tempore. sed in hac potissimum die gloriosius predicare. cum pasca nostrum immolatus est christus. Ipse enim uerus est agnus. qui abstulit peccata mundi. Qui mortem nostram  
10 moriendo destruxit. et uitam resurgendo reparauit. Et<sup>1</sup>  
[fo. 78b.]

(*Infra canonem.*)

COMMUNICANTES. et diem sacratissimum celebrantes. resurrectionis domini nostri iesu christi secundum carnem.  
15 Sed et memoriam uenerantes. In primis gloriose semperque uirginis marie genitricis eiusdem dei et domini nostri iesu christi. Sed et beatorum apostolorum *et cetera.*

(*Infra canonem.*)

20 HANC igitur oblationem seruitutis nostre: sed et cuncte familie tue quam tibi offerimus pro his quoque quos regenerare dignatus es ex aqua et spiritu sancto tribuens eis remissionem omnium peccatorum quesumus domine ut placatus accipias diesque nostros *et cetera.*

25 *Sequens prephatio cum suo cantu dicitur in die ascensionis et deinceps usque ad uigiliam pentecostes.*

<sup>2</sup>PER christum dominum nostrum. Qui post resurrectionem suam omnibus discipulis suis manifestus apparuit et ipsis cernentibus est eleuatus in celum ut nos diuinitatis sue tribueret esse participes.<sup>2</sup> Et ideo.

30 *Infra canonem.*

COMMUNICANTES et diem sacratissimum celebrantes quo dominus noster unigenitus filius tuus unitam sibi fragilitatis nostre substantiam in glorie tue dextera collocauit. Sed et memoriam uenerantes. In primis gloriose semperque uirginis  
35 marie genitricis eiusdem dei et domini nostri iesu christi. sed et beatorum apostolorum *et cetera.*

<sup>1—1</sup> From *Equum* to *reparauit*. *Et*. there is empty space for the musical stave, which is, however, wanting.

<sup>2—2</sup> From *Per Christum* to *esse participes* there is as before space unoccupied by the musical stave.

*Sequens prephatio cum suo cantu dicitur a uigilia pentecostes usque ad octauam.*

<sup>1</sup>PER christum dominum nostrum Qui ascendens super omnes celos sedensque ad dexteram tuam/ [fo. 79. promissum spiritum sanctum hodierna die in filios adoptionis effudit. Quapropter profusis gaudiis. totus in orbe terrarum mundus exultat. Sed et superne uirtutes atque angelice potestates hymnum glorie tue concinunt sine fine dicentes. Sanctus.<sup>1</sup>

10 (Infra canonem.)

COMMUNICANTES et diem sacratissimum pentecosten celebrantes. quo spiritus sanctus apostolis innumeris linguis apparuit. sed et memoriam *et cetera.*

(Infra canonem.)

15 HANC igitur oblationem seruitutis nostre. sed et cuncte familie tue quam tibi offerimus pro his quoque quos regenerare dignatus es ex aqua et spiritu sancto tribuens eis remissionem omnium peccatorum quesumus domine ut placatus accipias. *et cetera.*

20 *Sequens prephatio cum suo cantu dicitur in omnibus festis apostolorum et euangelistarum et per octauas eorum etiam si de alio festo infra illas octauas agatur. et hoc ubi alia non assignatur.*

(☩) <sup>2</sup>Equum et salutare. Te domine suppliciter exorare 25 ut gregem tuum pastor eterne non deseras. sed per beatos apostolos tuos continua protectione/ custodias. [fo. 79b. Ut hisdem rectoribus gubernetur quos operis tui uicarios eidem contulisti preesse pastores.<sup>2</sup> Et ideo.

30 *Sequens prephatio cum suo cantu dicitur in omnibus solemnitatibus beate marie uirginis. et infra octauas earum. Excepto festo purificationis. etiam si de alio festo infra octauas agatur. et similiter quando in diebus sabbati maior missa de beata uirgine celebratur.*

(☩) <sup>3</sup>Eterne deus. Et te in assumptione annuntiatione 35 natiuitate uisitatione ueneratione beate marie semper uirginis collaudare benedicere et predicare. Que et unigenitum tuum sancti spiritus obumbratione concepit et uirginitatis gloria permanente lumen eternum mundo effudit iesum christum dominum nostrum. Per quem.<sup>3</sup>

<sup>1</sup>—<sup>1</sup> From *Per Christum* to *Sanctus*, there is again space unoccupied.

<sup>2</sup>—<sup>2</sup> From *Equum* to *pastores* unoccupied space as before.

<sup>3</sup>—<sup>3</sup> From *Eterne* to *Per quem*, unoccupied space as before.

*Sequens prephatio cum suo cantu dicitur in solemnitatibus sancte crucis.*

(Θ) <sup>1</sup>Eterne deus. Qui salutem/ humani generis [fo. 80. in ligno crucis constituisti: ut unde mors oriebatur inde uita resurgeret. Et qui in ligno uincebat. in ligno quoque uinceretur. Per cristum dominum nostrum. Per quem.<sup>1</sup>

*Prephatio in sancta trinitate.*

(prephatio.)

(Θ) <sup>2</sup>Eterne deus. Qui cum unigenito filio tuo et spiritu  
10 sancto unus es deus. unus es. dominus. Non in unius singularitate persone sed in unius trinitate substantie. Quod enim de tua gloria reuelante te credimus. hoc de filio tuo. hoc de spiritu sancto. sine differentia discretionis sentimus. ut in confessione uere/ sempiternae deitatis et in personis proprietas. [fo. 80b.  
15 et in essentia unitas. et in maiestate adoretur equalitas. Quem laudant angeli. atque archangeli cherubin quoque ac seraphin. qui non cessant clamare quotidie una uoce dicentes. sanctus.<sup>2</sup>

*Sequens prephatio cum suo cantu dicitur in festis duplicibus et per octauas eorum. etiam si de alio festo infra illas agitur. Et*  
20 *in omnibus semiduplicibus et dominicis nisi proprium assignetur.*

*Prephatio generalis in cantu solemn.*

(prephatio.)

(V.) <sup>3</sup>PER omnia secula seculorum (R.) Amen.

25 (V.) dominus uobiscum (R.) Et cum spiritu tuo.

(V.) Sursum corda (R.) Habemus ad dominum.

(V.) Gratias agamus domino deo nostro (R.) Dignum et iustum est.

30 /U Ere dignum et iustum est equum et salutare. Nos [fo. 81. tibi semper et ubique gratias agere. domine sancte pater omnipotens eterne deus. Per christum dominum nostrum. Per quem maiestatem tuam laudant angeli adorant dominationes. tremunt potestates. Celi celorumque uirtutes ac beata seraphin sotia exsultatione concelebrant. Cum quibus et  
35 nostras uoces ut admitti iubeas deprecamur supplici confessione dicentes. sanctus.<sup>3</sup>

<sup>1</sup>—<sup>1</sup> From *Eterne* to *Per quem*, unoccupied space as before.

<sup>2</sup>—<sup>2</sup> From *Eterne* to *Sanctus* there is space for music but unoccupied.

<sup>3</sup>—<sup>3</sup> From *Per omnia* to *Sanctus* there is vacant space.

*Sequens prephatio cum suo cantu dicitur in festis simplicibus et diebus ferialibus nisi propria assignetur.*

<sup>1</sup>PER omnia secula seculorum (R.) Amen.

(V.) Dominus uobiscum (R.) Et cum spiritu tuo.

5 (V.) Sursum corda. (R.) Habemus ad dominum. [fo. 81b.

(V.) Gratias agamus domino deo nostro. (R.) Dignum et iustum est.

(*prephatio.*)

10 UERE dignum et iustum est equum et salutare. Nos tibi semper et ubique gratias agere. Domine sancte pater omnipotens eterne deus. Per christum dominum nostrum Per quem maiestatem tuam laudant angeli. adorant dominationes. tremunt potestates. Celi celorumque uirtutes ac beata seraphin socia exultatione concelebrant. Cum quibus et  
15 nostras uoces ut admitti iubeas deprecamur supplici confessione dicentes. sanctus.<sup>1</sup>

TE igitur clementissime pater per iesum christum [fo. 83.<sup>2</sup> filium tuum dominum nostrum supplices rogamus ac petimus. uti accepta habeas et benedicas. hec (✠) dona. hec [✠]<sup>3</sup>  
20 munera. hec (✠) sancta sacrificia illibata. In primis que tibi offerimus pro ecclesia tua sancta catholica. quam pacificare. custodire. adunare. et regere digneris. toto orbe terrarum. una cum famulo tuo papa nostro. N. et antistite nostro N. et omnibus orthodoxis. atque catholice et apostolice fidei cultoribus.

25 (*Oratio pro uiuis.*)

MEMENTO domine famulorum famularumque tuarum. N. et omnium circumstantium. quorum tibi fides cognita est et nota deuotio. pro quibus tibi offerimus uel qui offerunt hoc sacrificium laudis. pro se suisque omnibus. pro redemptione animarum suarum. pro spe salutis et incolumitatis sue  
30 tibi reddunt uota sua eterno deo uiuo et uero.

(*Infra canonem.*)

COMMUNICANTES et memoriam uenerantes. In primis  
35 gloriose semperque uirginis marie genitricis dei et domini nostri iesu christi. Sed et beatorum apostolorum. ac martirum tuorum. Petri. Pauli Andree Iacobi Ioannis Thome Iacobi Filippi Bartolomei Mathei Simonis Et

<sup>1</sup> —<sup>1</sup> From *Per omnia* to *Sanctus* there are vacant spaces as in preceding cases.

<sup>2</sup> fo. 82 is blank, but fo. 82b. is a whole page bearing the image of the Crucifix: the Cross with Our Lord fastened to it; Title of the Cross, J.N.R.Y. Under the cross a human skull traced in colours.

<sup>3</sup> A vacant space for the cross which has not been filled up.

thadei Lini Cleti Clementis Sixti Cornelii Cipriani Laurentii  
 Grisogoni Iohannis et Pauli Cosme et Damiani. Et omnium  
 sanctorum tuorum quorum meritis precibusque concedas. ut  
 in omnibus protectionis tue muniamur auxilio. Per eundem  
 5 christum dominum nostrum. Amen.

(*Infra actionem.*)

Hanc igitur oblationem seruitutis nostre. sed et cuncte  
 familie tue. quesumus domine ut placatus accipias.  
 diesque nostros in tua pace disponas. atque ab eterna damna-  
 10 tione nos eripi. et in electorum tuorum iubeas grege numerari.  
 Per christum dominum nostrum. amen.

Quam oblationem tu deus in omnibus quesumus bene(✠)  
 dictam. ascrip(✠)tam ra(✠)tam. rationabilem accepta-  
 bilemque facere digneris. ut nobis cor(✠)pus et san(✠)guis  
 5 fiat dilectissimi filii tui domini nostri iesu christi.

*Hic accipiat hostiam in manibus dicendo.*

Qui pridie quam pateretur accepit panem in sanctas ac  
 uenerabiles manus suas. et eleuatis oculis in celum ad te  
 deum patrem suum omnipotentem. tibi gratias agens bene(✠)  
 20 dixit. fregit. deditque discipulis suis dicens Accipite et man-  
 ducate ex hoc omnes.

HOC EST ENIM CORPUS MEUM.

*Hic deponat hostiam. et leuet calicem dicens.*

Simili modo postquam cenatum est accipiens et hunc pre-  
 25 clarum calicem in sanctas ac uenerabiles manus suas.  
 Item tibi/ gratias agens. bene(✠)dixit deditque dis- [fo. 83b.  
 cipulis suis dicens. Accipite et bibite ex eo omnes.

1 HIC EST ENIM CALIX SANGUINIS MEI NOUI  
 ET ETERNI TESTAMENTI MISTERIUM  
 10 FIDEI QUI PRO UOBIS ET PRO MULTIS  
 EFFUNDETUR IN REMISSIONEM PECCA-  
 TORUM. HEC QUOTIENSCUNQUE FECE-  
 RITIS IN MEI MEMORIAM FACIETIS.<sup>1</sup>

(*Hic deponit calicem.*)

Unde et memores domine nos serui tui. sed et plebs tua  
 sancta christi filii tui domini nostri tam beate passionis.

<sup>1</sup> — <sup>1</sup> The lines containing these words are at some distance from each other.

nec non et ab inferis resurrectionis. sed et in celos gloriose  
 ascensionis offerimus preclare maiestati tue de tuis donis ac  
 datis. hostiam [✠]<sup>1</sup> puram. hostiam (✠) sanctam. hostiam (✠)  
 5 immaculatam. panem [✠]<sup>1</sup> sanctum uite eterne. et cali(✠)cem  
 salutis perpetue.

(Oratio.)

SUPra que propitio ac sereno uultu respicere digneris et  
 accepta habere sicuti accepta habere dignatus es munera  
 pueri tui iusti abel. et sacrificium patriarce nostri abrae. et  
 10 quod tibi obtulit summus sacerdos tuus melchisedech sanctum  
 sacrificium immaculatam hostiam.

*Hic inclinet se et dicat.*

(Oratio.)

SUPplices te rogamus omnipotens deus iube hec perferri per  
 15 manus sancti angeli tui in sublime altare tuum in con-  
 spectu† diuine maiestatis tue. ut quotquot ex hac altaris parti-  
 cipatione sacrosanctum filii tui cor(✠)pus. et san(✠)guinem  
 sumpserimus omni bene(✠)dictione celesti et gratia repleamur.  
 Per eundem christum dominum nostrum amen.

(Oratio pro defunctis.)

20 MEmento etiam domine famulorum famularumque tuarum.  
 N. qui nos precesserunt cum signo fidei. et dormiunt  
 in somno pacis. ipsis domine et omnibus in christo quiescen-  
 tibus. locum refrigerii lucis et pacis. ut indulgeas deprecamur.  
 25 Per eundem christum dominum nostrum. amen.

*Hic percutiat pectus suum aliquantulum altius dicens.*

NObis quoque peccatoribus famulis tuis de multitudine  
 miserationum tuarum sperantibus partem aliquam et  
 societatem donare digneris. cum tuis sanctis apostolis et  
 30 martiribus. cum Ioanne Stephano Mathia Barnaba Ignatio  
 Alexandro Marcelino Petio Felicitate Perpetua Agata Lucia  
 Agnete Cecilia Anastasia Et omnibus sanctis tuis. intra  
 quorum nos consortium. non extimator† meriti sed uenie.  
 3 quesumus largitor admitte. Per christum dominum nostrum.

*Hic non dicitur. amen.*

35 PER quem hec omnia domine semper bona creas. sancti-  
 [✠]<sup>1</sup>ficas. uiui(✠)ficas. bene(✠)dicis et prestas nobis.  
 Per ip(✠)sum. et cum ip(✠)so. et in ip(✠)so. est tibi deo patri

<sup>1</sup> A space, but the cross has not been added.

omni(✠)potenti. in unitate spiritus [✠] sancti omnis honor et gloria. (✠)

*[Cantus sequens. Pater dicitur in omnibus festiuitatibus [fo. 84. duplicibus et per octauas eorum] et omnibus semiduplicibus et dominicis diebus.*

<sup>1</sup> Per omnia secula seculorum. (R.) Amen.

Oremus. Preceptis salutaribus moniti. et diuina institutione formati. Audemus dicere.

<sup>10</sup> Pater noster qui es in celis Sanctificetur nomen tuum. Adueniat regnum tuum. Fiat uoluntas tua. Sicut in celo et in terra. Panem nostrum quotidianum da nobis hodie. Et dimitte nobis debita nostra. Sicut et nos dimittimus debitoribus nostris. Et ne nos inducas in tentationem.

<sup>15</sup> (R.) Sed/ libera nos a malo. Amen.<sup>1</sup> [fo. 84b.  
*in diebus ferialibus et simplicibus festis.*

<sup>1</sup> Per omnia secula seculorum. Amen.

Oremus. Preceptis salutaribus moniti et diuina institutione formati audemus dicere.

<sup>20</sup> Pater noster qui es in celis Sanctificetur nomen tuum. Adueniat regnum tuum. Fiat uoluntas tua. Sicut in celo et in terra. Panem nostrum quotidianum da nobis hodie. Et dimitte nobis debita nostra. Sicut et nos dimittimus debitoribus nostris. Et ne nos inducas in tentationem. Sed  
<sup>25</sup> libera nos a malo amen.<sup>1</sup>

<sup>30</sup> / Libera nos quesumus domine ab omnibus malis [fo. 85. preteritis. presentibus et futuris. et intercedente beata et gloriosa semper uirgine dei genitrice maria. et beatis apostolis tuis petro et paulo atque andrea. et omnibus sanctis. Da propitius pacem in diebus nostris. ut ope misericordie tue adiuti. et a peccato simus semper liberi. et ab omni perturbatione securi.

*Hic frangit hostiam primo in duas partes dicens.*

<sup>35</sup> Per eundem dominum nostrum iesum christum filium tuum.

*Deinde frangit unam partem in duas partes dicens.*

Qui tecum uiuit et regnat in unitate spiritus sancti deus.

<sup>1—1</sup> From *Per omnia* to *malo. amen*, there is space between the lines for placing the musical stave which is, however, wanting as in preceding similar cases.

*Hic cleuet modicum tertiam partem cum calice dicens.*

<sup>1</sup>PER omnia secula seculorum [*R*] Amen.<sup>1</sup>

*Hic facit signum crucis super sanguinem dicens.*

<sup>2</sup>Pax [*✠*]<sup>3</sup> domini. sit [*✠*]<sup>3</sup> semper uobis [*✠*]<sup>3</sup> cum  
5 (*R.*) Et cum spiritu tuo.<sup>2</sup>

*Hic ponat particulam hostie in sanguine dicens.*

(*Oratio.*)

<sup>10</sup>Fiat commixtio et consecratio corporis et sanguinis domini nostri iesu christi. Accipientibus nobis uitam eternam amen.

*Sequitur.*

Agnus dei qui tollis peccata mundi. miserere nobis.

Agnus dei qui tollis peccata mundi. miserere nobis.

Agnus dei qui tollis peccata mundi. dona nobis pacem.

<sup>15</sup>*Hic inclinatur se ante corpus domini dicens.*

(*Oratio.*)

<sup>20</sup>Domine iesu christe. qui dixisti apostolis tuis pacem meam do uobis pacem relinquo uobis ne respicias peccata mea. sed fidem ecclesie tue. eamque secundum uoluntatem tuam pacificare. et coadunare dignare. Qui uiuis et regnas deus. per omnia secula seculorum amen.

*Hic deosculatur altare dicens.* Pax tecum.

(*R.*) Et cum spiritu tuo.

(*Oratio.*)

<sup>25</sup>Domine iesu christe fili dei uiui qui ex uoluntate patris cooperante spiritu sancto per mortem tuam mundum uiuificasti. libera me per hoc sacrificium corpus et sanguinem tuum. ab omnibus iniquitatibus meis et uniuersis malis. et fac me tuis semper inherere mandatis. et a te nunquam separari  
<sup>30</sup>permittas. Qui cum eodem deo patre et spiritu sancto uiuis et regnas in secula seculorum amen.

(*Oratio.*)

<sup>35</sup>Perceptio corporis tui domine iesu christe quam ego indignus sumere presumo. non michi proueniat in iudicium. et condemnationem. sed pro tua pietate prosit michi ad tutamentum mentis et corporis et ad [*fo. 85<sup>b</sup>*]. medelam percipiendam. Qui uiuis et regnas cum deo patre et cetera.

<sup>1</sup>—<sup>1</sup> There is space for musical stave.

<sup>2</sup>—<sup>2</sup> There is space for musical stave.

<sup>3</sup> Here there is a vacant space, but the cross has not been added.



(Oratio.)

*Hic accipitur patena cum corpore christi.*

PAnem celestem accipiam et nomen domini inuocabo.

*Hic percutiat ter pectus dicens.*

(Oratio.)

Domine non sum dignus ut intres sub tectum meum sed tantum dic uerbo et sanabitur anima mea.

*Hic sumat corpus reuerenter signans se illo dicens.*

(Oratio.)

Corpus domini nostri iesu christi custodiat animam meam in uitam eternam amen.

*Hic accipiat calicem et dicat.*

(Oratio.)

Quid retribuam domino pro omnibus que retribuit michi. Calicem salutaris accipiam et nomen domini inuocabo. Laudans inuocabo dominum et ab inimicis meis saluus ero.

*Hic sumat sanguinem dicens.*

(Oratio.)

Sanguis domini nostri iesu christi custodiat animam meam in uitam eternam amen.

*Post sumptionem sanguinis dicat.*

(Oratio.)

Quod ore sumpsimus domine. pura mente capiamus. et de munere temporali. fiat nobis remedium sempiternum amen.

*Hic dicit purificando.*

(Oratio.)

Corpus tuum domine quod sumpsi et sanguis quem potaui. adhereat uisceribus meis et presta. ut in me non remaneat scelerum macula quem pura et sancta refecerunt sacramenta. Qui uiuis.

*Finita missa et data benedictione inclinatur ante medium altaris et dicit hanc orationem. qua finita osculatur altare.*

(Oratio.)

Placeat tibi sancta trinitas obsequium seruitutis mee. et presta. ut sacrificium quod oculis tue maiestatis indignus† obtuli tibi sit acceptabile. michique et omnibus pro quibus illud obtuli. sit te miserante propitiabile. Per christum dominum nostrum amen.

## DOMINICA RESURRECTIONIS DOMINI.

*Statio ad sanctam mariam maiorem.**(Introitus.)*

5 **R**esurrexi et adhuc tecum sum. alleluia. posuisti super me  
manum tuam. alleluia mirabilis facta est scientia tua alleluia  
alleluia alleluia.

(Ps.) Domine probasti me et cognouisti me. tu cognouisti sessionem et resurrectionem meam. (V.) Gloria patri.

*(Oratio.)*

10 **D**eus qui hodierna die per unigenitum tuum. eternitatis  
nobis aditum deuicta morte reserasti. uota nostra que  
preueniendo aspiras: etiam adiuuando proseguere. Per  
eundem dominum nostrum.

*(Ad corinthios) [1 Cor. v. 7-8].*

15 **F**ratres expurgate uetus fermentum. ut sitis noua con-  
spersio sicut estis azimi. Et enim pasca nostrum.  
immolatus est christus. Itaque epulemur. non in fermento  
ueteri neque in fermento malitie et nequitie: sed in azimis  
sinceritatis et ueritatis.

20 *(Graduale.)* Hec dies quam fecit dominus exultemus. et letemur  
in ea. (V.) Confitemini domino quoniam bonus. quoniam in se-  
culum misericordia eius. alleluia. (V.) Pasca nostrum immolatus est  
cristus.

*(Sequentia.)*

25 **U**ictime pascali laudes. immolent christiani.

Agnus redemit oues christus innocens patri reconcili-/ [fo. 86.  
auit peccatores.

Mors et uita duello confluxere mirando. dux uite mortuus.  
regnat uiuus.

30 Dic nobis maria. quid uidisti in uia?  
Sepulcrum christi uiuentis. et gloriam uidi resurgentis.  
Dic nobis maria. Angelicos testes. sudarium et uestes.  
Dic nobis maria.

Surrexit christus spes mea. precedet uos in galileam.  
35 Credendum est magis soli marie ueraci. quam iudeorum  
turbe fallaci.

Scimus christum surrexisse. ex mortuis uere. tu nobis uictor  
rex miserere. amen.

(*Secundum marcum*) [Marc. xvi. 1-7].

IN illo tempore Maria magdalene et maria iacobi. et salome. emerunt aromata: ut uenientes ungerent iesum Et ualde mane una sabbatorum ueniunt ad monumentum. orto iam sole. Et dicebant ad inuicem. Quis reuoluet nobis lapidem ab hostio monumenti? Et respicientes. uiderunt reuolutum lapidem Erat quippe magnus ualde. Et introeuntes in monumentum. uiderunt iuuenem sedentem in dextris coopertum stola candida. et obstupuerunt. Qui dicit illis. Nolite expauescere. yesum queritis nazarenum crucifixum. surrexit. non est hic. Ecce locus: ubi posuerunt eum. Sed ite. dicite discipulis eius. et petro: quia precedet uos in galileam. Ibi eum uidebitis. sicut dixit uobis.

(*Offertorium.*) Terra tremuit et quieuit dum resurgeret in iudicio deus. alleluia.

(*Secreta.*)

UScipe quesumus domine preces populi tui cum oblationibus hostiarum. ut pascalibus initiata misteriis. ad eternitatis nobis medellam. te operante proficiant. Per.

(*Communio.*) Pasca nostrum immolatus est christus. alleluia. Itaque epulemur in azimis sinceritatis et ueritatis. alleluia. alleluia. alleluia.

(*Post communio.*)

SPIRITUM nobis domine tue caritatis infunde: ut quos sacramentis pascalibus satiasti. tua facias pietate concordēs. Per in unitate eiusdem.

*Infra octauam pasce non fit de aliquo festo. sed post octauam celebrantur.*

FERIA SECUNDA.

(*Statio ad sanctum petrum.*)

(*Introitus.*)

INTRODUXIT nos dominus in terram fluentem lac et mel. alleluia. et ut lex domini semper sit in ore uestro alleluia. alleluia.

(*Ps.*) Confitemini domino. et inuocate nomen eius. annuntiate inter gentes opera eius. (*V.*) Gloria.

(*Oratio.*)

DEUS qui solemnitate pascale mundo remedia contulisti. populum tuum quesumus celesti dono proseguere. ut et perfectam libertatem consequi mereatur. et ad uitam proficiat sempiternam. Per dominum nostrum.

(*lectio actuum apostolorum*) [Act. x. 37-43].

**I**N diebus illis. Stans petrus in medio plebis. dixit Uiri fratres. uos scitis quod factum est uerbum. per uniuersam iudeam incipiens enim a galilea post baptismum quod predicauit iohannes. iesum a nazareth quomodo unxit eum deus spiritu sancto et uirtute. qui pertransiuit benefaciendo. et sanando omnes oppressos a diabolo. quoniam deus erat cum illo. Et nos testes sumus omnium que fecit in regione iudeorum et ierusalem. quem occiderunt suspend- / [fo. 86b.  
 5 entes in ligno. Hunc deus suscitauit tertia die. et dedit eum manifestum fieri non omni populo. sed testibus preordinatis a deo. nobis qui manducauimus et bibimus cum illo. postquam surrexit a mortuis. Et precepit nobis predicare populo et testificari: quia ipse est qui constitutus est a deo iudex  
 10 uiuorum et mortuorum. Huic omnes prophete testimonium perhibent: remissionem peccatorum accipere per nomen eius omnes qui credunt in eum.

(*Graduale.*) Hec dies quam fecit dominus exultemus et letemur in ea. (V.) Dicat nunc israel quoniam bonus. quoniam in seculum  
 20 misericordia eius. alleluia. (V.) Angelus domini descendit de celo. et accedens reuoluit lapidem et sedebat super eum.

(*Secundum lucam*) [Luc. xxiv. 13-35].

**I**N illo tempore. Duo ex discipulis iesu. ibant ipsa die in castellum. quod erat in spatio stadiorum sexaginta ab  
 25 iernsalem† nomine emaus. et ipsi loquebantur adinuicem de omnibus his que acciderant. Et factum est dum fabularentur. et secum quererent: et ipse iesus apropinquans. ibat cum illis. Oculi autem eorum tenebantur: ne eum agnoscerent. Et ait ad illos. Qui sunt hi sermones quos confertis adinuicem  
 30 ambulantes. et estis tristes? Et respondens unus cui nomen cleophas dixit ei. Tu solus peregrinus es in ierusalem. et non cognouisti ea que facta sunt in illa. his diebus? Quibus ille dixit. Que? Et dixerunt ei de iesu nazareno. qui fuit uir propheta. potens in opere et sermone: coram deo: et  
 35 omni populo. Et quomodo tradiderunt eum summi sacerdotes et principes nostri. in damnationem mortis. et crucifixerunt eum. Nos autem sperabamus: quia ipse esset redempturus israel. Et nunc super hec omnia. tertia dies est hodie quod hec facta sunt. Sed et mulieres quedam ex  
 40 nostris terruerunt nos. que ante lucem fuerunt ad monumentum. et non inuento corpore eius. uenerunt dicentes. se etiam uisionem angelorum uidisse qui dicunt eum uiuere. Et abierunt quidam ex nostris ad monumentum: et ita inuenerunt sicut mulieres dixerunt. ipsum uero non inue-

nerunt. Et ipse dixit ad eos. O stulti. et tardi corde ad credendum in omnibus que locuti sunt prophete. Nonne hec oportuit pati christum: et ita intrare in gloriam suam. Et incipiens a moyse et omnibus prophetis: interpretabatur illis in omnibus scripturis que de ipso erant. Et ap-  
 5 quauerunt castello: quo ibant. Et ipse: finxit se longius ire. Et coegerunt illum dicentes. Mane nobiscum quoniam aduesperascit: et inclinata est iam dies. Et intrauit. cum illis Et factum est dum recumberet cum illis: accepit  
 10 panem et benedixit. ac fregit. et porrigebat illis. Et statim aperti sunt oculi eorum. et cognouerunt eum et ipse euauit ab oculis eorum. Et dixerunt ad inuicem. Nonne cor nostrum ardens erat in nobis. dum loqueretur in uia. et aperiret nobis scripturas? Et surgentes eadem/ hora. [fo. 87.  
 15 regressi sunt in ierusalem. et inuenerunt congregatos undecim. et eos qui cum ipsis erant dicentes quod surrexit dominus uere: et apparuit simoni. Et ipsi narrabant que gesta erant in uia: et quomodo cognouerunt eum in fractione panis.

(*Offertorium.*) Angelus domini descendit de celo. et dixit mulieribus. quem queritis. surrexit sicut dixit. alleluia.

(*Secreta.*)

**S**uscipe quesumus domine preces populi tui. cum oblationibus hostiarum. ut pascalibus initiata misteriis. ad eternitatis nobis medelam. te operante proficiant. per.

25 (*Communio.*) Surrexit dominus. et apparuit simoni petro. alleluia.

(*Post communio.*)

**S**piritum nobis domine tue caritatis infunde. ut quos sacramentis pascalibus satiasti: tua facias pietate concordēs  
 30 Per in unitate.

FERIA TERTIA.

*Statio ad sanctum paulum.*

(*Introitus.*)

35 **A**qua sapientie potauit eos. alleluia. firmabitur in illis. et non flectetur alleluia. et exaltauit eos in eternum. alleluia. alleluia.

(*Ps.*) Confitemini domino. et inuocate nomen eius. annuntiate inter gentes opera eius. (*V.*) Gloria.

(*Oratio.*)

40 **D**eus qui ecclesiam tuam nouo semper fetu multiplicas: concede famulis tuis: ut sacramentum uiuendo teneant. quod fide perceperunt. Per.

(*lectio actuum apostolorum*) [Act. xiii. 16, 26–33].

**I**N diebus illis: Surgens paulus et manu silentium indicns† ait. Uiri fratres. filii generis abraam. et qui in uobis timent deum. uobis uerbum salutis huius missum  
5 est. Qui enim habitant ierusalem et principes eius ignorantes iesum et uoces prophetarum. que per omne sabbatum leguntur. iudicantes impleuerunt. et nullam causam mortis inuenientes in eo: petierunt a pillato ut interficerent eum. Cumque consumassent omnia que de eo scripta erant.  
10 deponentes eum de ligno. posuerunt eum in monumento. deus uero suscitauit eum a mortuis tertia die. qui uisus est per dies multos. his qui simul ascenderant cum eo de galilea in ierusalem: qui usque nunc sunt testes eius ad plebem. Et nos uobis annuntiamus eam que ad patres nostros repromissio  
15 facta est quoniam hanc deus adimpleuit filiis uestris. resuscitans iesum christum dominum nostrum.

(*Graduale.*) Hec dies. (℟.) Dicant nunc qui redempti sunt a domino. quos redemit de manu inimici et de regionibus congregauit eos. alleluia. (℟.) Surrexit dominus de sepulcro. qui pro nobis  
20 pendit in ligno.

(*Secundam lucam*) [Luc. xxiv. 36–47].

**I**N illo tempore. Stetit iesus in medio discipulorum suorum et dixit eis. Pax uobis. Ego sum. Nolite timere. Conturbati uero et conterriti: existimabant se ipsum† uidere.  
25 Et dixit eis. Quid turbati estis. et cogitationes ascendunt in corda uestra? Uidete manus meas et pedes meos: quia ego ipse sum. Palpate et uidete. quia spiritus carnem et ossa non habet sicut me uidetis habere. Et cum hoc dixisset: ostendit eis manus et pedes. Adhuc autem illis non cre-  
30 dentibus. et mirantibus pre gaudio. dixit. Habetis hic aliquid quod manducetur. At illi/ obtulerunt ei [fo. 87b. partem piscis assi. et fauum mellis. Et cum manducasset coram eis: sumens reliquias dedit eis. et dixit ad eos. Hec sunt uerba que locutus sum ad uos. cum adhuc essem  
35 uobiscum. quoniam necesse est impleri omnia que scripta sunt in lege moysi. et prophetis. et psalmis de me. Tunc aperuit illis sensum. ut intelligerent scripturas. Et dixit eis quoniam sic scriptum est. Et sic oportebat pati cristum. et resurgere a mortuis die tertia. et predicari in nomine eius  
40 penitentiam in remissionem peccatorum. in omnes gentes.

(*Offertorium.*) Intonuit de celo dominus. et altissimus dedit uocem suam. et apparuerunt fontes aquarum. alleluia.

(Secreta.)

**S**uscipe domine fidelium preces cum oblationibus hostiarum. ut per hec pie placationis officia : ad celestem gloriam transeamus. Per.

5 (Communio.) Si consurrexistis cum christo. que sursum sunt querite. alleluia. ubi christus est in dextera dei sedens. que sursum sunt sapite. alleluia. alleluia.

(Post communio.)

10 **C**oncede quesumus omnipotens deus ut pascalis perceptio sacramenti. continua in nostris mentibus perseueret. Per.

FERIA QUARTA.

*Statio ad sanctum laurentium extra murum.*

(Introitus.)

15 **U**enite benedicti patris mei. percipite regnum alleluia. quod uobis paratum est ab origine mundi alleluia. alleluia. alleluia.  
(Ps.) Cantate domino canticum nouum. cantate domino omnis terra.  
(V.) Gloria patri.

(Oratio.)

20 **D**eus qui nos resurrectionis dominice annua solemnitate letificas : concede propitius ut per temporalia festa que agimus. peruenire ad gaudia eterna mereamur. Per eundem.

Ab hac die usque ad octauam post orationem diei dicitur  
5 oratio Ecclesie tue. uel Deus omnium fidelium.

(lectio actuum apostolorum) [Act. iii. 12-19].

**I**N diebus illis : Aperiens petrus os suum dixit. Uiri israelite : et qui timetis deum audite : Deus abraam et deus ysaac et deus iacob. deus patrum nostrorum : glorificauit  
30 filium suum iesum. quem uos quidem tradidistis et negastis ante faciem pillati iudicante illo dimitti. Uos autem sanctum et iustum negastis : et petistis uirum homicidam donari uobis. auctorem uero uite interfecistis. quem deus suscitauit a mortuis : cuius nos testes sumus. Et nunc fratres : scio  
35 quia per ignorantiam fecistis sicut et principes uestri. Deus autem qui prenuntiauit per os omnium prophetarum pati christum suum impleuit sic. Penitemini igitur : et conuertimini. ut deleantur uestra peccata.

(Graduale.) Hec dies quam fecit et cetera. (V.) Dextera domini fecit uirtutem. dextera domini exaltauit me. alleluia. (V.) Surrexit dominus uere. et aparuit petro.

(*Secundum Iohannem*) [Ioh. xxi. 1-14].

**I**N illo tempore : Manifestauit se iterum iesus discipulis suis.  
ad mare tiberiadis. Manifestauit autem sic. Erant  
autem simul simon petrus et thomas qui dicitur didimus : et  
5 nathanael qui erat a cana galilee. et filii zebedei. et alii  
ex discipulis eius duo. Dicit eis simon petrus. Uado piscari.  
Dicunt ei. Uenimus et nos/ tecum. Et exierunt. et [fo. 88.  
ascenderunt in nauim. et illa nocte nichil prendiderunt. Mane  
autem facto stetit iesus in litore non tamen cognouerunt  
10 discipuli : quia iesus est Dixit ergo eis iesus. Pueri. num-  
quid pulmentarium habetis? Responderunt ei. non. Et  
dixit eis. Mittite in dexteram nauigii rete : et inuenietis.  
Miserunt ergo : et iam non ualebant illud trahere. pre  
multitudine piscium. Dicit ergo discipulus ille. quem dili-  
15 gebat iesus. petro. Dominus est. Simon ergo petrus. cum  
audisset quia dominus est. tunica succinxit se. Erat enim  
nudus : et misit se in mare. Alii autem discipuli : nauigio  
uenerunt. Non enim longe erant a terra. sed quasi cubitis  
ducentis. trahentes rete piscium. Ut ergo descenderunt in  
20 terram : uiderunt prunas positas. et piscem superpositum  
et panem. Dicit eis iesus. Afferte de piscibus quos pren-  
didistis nunc. Ascendit autem simon petrus. et traxit rete in  
terram plenum magnis piscibus. centum quinquaginta tribus.  
Et cum tanti essent : non est scissum rete. Dixit eis iesus.  
25 Uenite. prandete. Et nemo audebat discumbentium inter-  
rogare eum. tu quis es. scientes : quia dominus est. Et uenit  
iesus : et accepit panem : et dedit eis. et piscem similiter.  
Hoc iam tertio manifestatus est iesus discipulis suis : cum  
surrexisset a mortuis.

30 (*Offertorium.*) Portas celi aperuit dominus. et pluit illis manna ut  
ederent. panem celi dedit eis. panem angelorum manducauit homo.  
alleluia.

(*Secreta.*)

35 **S**Acrificia domine pascalibus gaudiis immolamus : quibus  
mirabiliter pascitur ecclesia tua et nutritur. Per.

(*Communio.*) Christus resurgens ex mortuis iam non moritur.  
alleluia mors illi ultra non dominabitur. alleluia. alleluia.

(*Post communio.*)

40 **A**B omni nos quesumus domine uetustate purgatos. sacra-  
menti tui ueneranda perceptio. in nouam transferat  
creaturam. Qui.



## FERIA QUINTA.

*Statio ad sanctos xii apostolos.**(Introitus.)*

5 **U** Ictricem manum tuam domine laudauerunt pariter alleluia. quia sapientia aperuit os mutum. et linguas infantium fecit disertas. alleluia. alleluia.

(Ps.) Cantate domino canticum nouum : quia mirabilia fecit.  
(V.) Gloria.

*(Oratio.)*

10 **D** Eus qui diuersitatem gentium in confessione tui nominis adunasti. da ut renatis fonte baptismatis : una sit fides mentium. et pietas actionum. Per.

*(l[ectio] actuum apostolorum) [Act. viii. 26-40].*

15 **I** N diebus illis : Angelus domini locutus est ad philippum dicens. Surge et uade contra meredianum : ad uiam que descendit ab ierusalem in gazan hec est deserta. Et surgens abiit Et ecce uir ethiops eunucus potens candacis regine ethiopum qui erat super omnes gazas eius. uenerat adorare in ierusalem. Et reuertebatur sedens super currum suum :  
20 legensque ysayam prophetam. Dixit autem spiritus philippo. Accede : et adiunge te ad currum istum. Accurrens autem philippus : audiuit illum legentem ysayam prophetam. et dixit. Putas/ ne intelligis. que legis? Qui ait Et [fo. 88b. quomodo possum intelligere si aliquis non ostenderit michi?  
25 Rogauitque philippum ut ascenderet. et sederet secum. Locus autem scripture quem legebat hic erat. Tanquam ouis ad occisionem ductus est. et sicut agnus coram tondente se sine uoce. sic non aperuit os suum. In humilitate : iudicium eius sublatum est. Generationem eius quis enarrabit? Quoniam  
30 tolletur de terra uita ei[us]. Respondens autem eunucus philippo ait. Obsecro te. de quo propheta dicit hoc. de se an de aliquo alio? Aperiens autem philippus os suum et incipiens a scriptura ista : euangelizauit illi iesum. Et dum irent per uiam. uenerunt ad quandam aquam. Et ait eunucus.  
35 Ecce aqua. Quis prohibet me baptizari? Dixit autem philippus. Si credis ex toto corde : licet. Et respondens ait. Credo filium dei esse iesum cristum. Et iussit stare currum. Et descenderunt uterque in aquam. philippus et eunucus et baptizauit eum. Cumque ascendissent de aqua : spiritus  
45 domini rapuit philippum. et amplius non uidit eum eunucus. Ibat autem per uiam suam gaudens. Philippus autem inuentus est in azoto Et pertransiens euangelizabat ciuitatibus cunctis. donec uenirent cesaream : nomen domini nostri iesu christi.

(*Graduale.*) Hec dies *et cetera.* (*V.*) Lapidem† quem reprobauerunt edificantes hic factus est in caput anguli. a domino factum est istud. et est mirabile in oculis nostris alleluia. (*V.*) Surrexit christus qui creauit omnia et misertus est humano generi.

5 (*Secundum Iohannem*) [Ioh. xx. 11-18].

**I**N illo tempore. Maria stabat ad monumentum foris plorans : Dum ergo fleret inclinauit se : et respexit in monumentum. Et uidit duos angelos in albis sedentes. unum ad caput et unum ad pedes. ubi positum fuerat corpus iesu.  
 10 Dicunt ei illi. Mulier quid ploras? Dicit eis. Quia tulerunt dominum meum : et nescio ubi posuerunt eum : Hec cum dixisset. conuersa est retrorsum : et uidit iesum stantem. et nesciebat quia iesus est. Dicit ei iesus. Mulier quid ploras? Quem queris? Illa existimans quia ortulanus esset: Dicit ei.  
 15 Domine si tu sustulisti eum: dicito michi ubi posuisti eum: et ego eum tollam. Dicit ei iesus. Maria. Conuersa illa: dicit ei. Raboni: quod dicitur magister. dicit ei iesus. Noli me tangere: nondum enim ascendi ad patrem meum. Uade autem ad fratres meos: et dic eis. Ascendo ad patrem meum et  
 20 patrem uestrum. deum meum et deum uestrum. Uenit ergo maria magdalene. annuntians discipulis. quia uidi dominum: et hec dixit michi.

(*Offertorium.*) In die solemnitatis uestre dicit dominus. inducam uos in terram fluentem lac et mel. alleluia.

25 (*Secreta.*)

**S**Uscipe quesumus domine munera populorum propitius. ut in confessione tui nominis et baptismo renouati: sempiternam beatitudinem consequantur. Per.

(*Communio.*) Populus acquisitionis annuntiate uirtutes eius.  
 30 alleluia. qui uos/ de tenebris uocauit in admirabile lumen [fo. 89. suum. alleluia. alleluia. alleluia.

(*Post communio.*)

**E**Xaudi domine preces nostras: ut redemptionis nostre sacrosancta commertia. et uite nobis conferant presentis  
 35 auxilium: et gaudia sempiterna concilient. Per.

FERIA SEXTA.

*Statio ad sanctam mariam rotondam.*

(*Introitus.*)

**E**Duxit eos dominus infpe<sup>1</sup> alleluia. et inimicos eorum operuit  
 40 mare. alleluia. alleluia. alleluia.

(*Ps.*) Attendite popule meus legem meam inclinate aurem uestram in uerba oris mei. (*V.*) Gloria.

<sup>1</sup> Thus, for in spe.

(Oratio.)

OMnipotens sempiterne deus qui pascale sacramentum in reconciliationis humane federe contulisti: da mentibus nostris ut quod professione celebramus imitemur effectum. Per.

(epistola beati petri apostoli) [I Pet. iii. 18–20].

CARISSIMI: Christus semel pro peccatis nostris mortuus est. iustus pro iniustis: ut nos offerret deo. mortificatos quidem carne: uiuificatos autem spiritu. In quo et his qui in carcere erant spiritualiter ueniens predicauit: qui increduli fuerant aliquando quando expectabant dei patientiam. in diebus noe cum fabricaretur arca. in qua pauci idest octo anime salue facte sunt per aquam. Quod et uos nunc similis forme saluos facit baptisma: non carnis depositio sordium: sed conscientie bone. interrogatio in deum. per resurrectionem domini nostri iesu cristi qui est in dextera dei.

(Graduale.) Hec dies et cetera. (V.) Benedictus qui uenit in nomine domini deus dominus et illuxit nobis. alleluia. (V.) Dicite in nationibus: quia dominus regnauit a ligno.

(Secundum matheum) [Mat. xxviii. 16–20].

IN illo tempore: Undecim discipuli abierunt in galileam in montem ubi constituerat illis iesus Et uidentes eum. adorauerunt: quidam autem dubitauerunt. Et accedens iesus: locutus est eis dicens Data est michi omnis potestas in celo et in terra. Euntes ergo docete omnes gentes: baptizantes eos. in nomine patris. et filii et spiritus sancti. docentes eos seruare omnia quecunque mandauimus uobis. Et ecce ego uobiscum sum omnibus diebus: usque ad consumationem seculi.

(Offertorium.) Erit uobis hic dies memorabilis. alleluia et diem festum celebrabitis solemnem domino. in progenies uestras. legitimum sempiternum diem. alleluia. alleluia. alleluia.

(Secreta.)

HOSTIAS quesumus domine placatus† assume. quas et pro renatorum expiatione peccati deserimus†: et pro acceleratione celestis auxilii. Per.

(Communio.) Data est michi omnis potestas in celo et in terra. alleluia. euntes docete omnes gentes baptizantes eos. in nomine patris et filii. et spiritus sancti. alleluia. alleluia.

(Post communio.)

RESPICE quesumus domine populum tuum: et quem eternis dignatus es renouare misteriis. a temporalibus culpis dignanter absolue. Per.

## SABBATO IN ALBIS.

*Statio ad sanctum iohannem in laterano.**(Introitus.)*

5 **E**Duxit dominus populum suum in exultatione. alleluia. et electos suos in letitia. alleluia. alleluia.

(*Ps.*) Confitemini domino et inuocate nomen eius. annuntiate inter gentes opera eius. (*V.*) Gloria.

*/(Oratio.)*

[fo. 89b.]

10 **C**Oncede quesumus omnipotens deus : ut qui festa paschalia uenerando egimus. per hec contingere ad gaudia eterna mereamur. Per.

*(epistola beati petri apostoli) [I Pet. ii. 1-10].*

**C**Arissimi : Deponentes omnem malitiam. et omnem dolum. et simulationes et inuidias et omnes detractones : sicut  
 15 modo geniti infantes rationabiles sine dolo. lac concupiscite : ut in eo crescatis in salutem. Si tamen gustastis quam dulcis est dominus. Ad quem accendentes† lapidem uiuum ab hominibus quidem reprobatum a deo autem electum et honorificatum Et ipsi tamquam lapides uiui. superedifica-  
 20 mini domos spirituales sacerdotium sanctum offerre spirituales hostias acceptabiles deo per iesum christum. Propter quod continet scriptura. Ecce ponam in syon lapidem summum angularem. electum pretiosum. Et omnis qui crediderit in illum non confundetur. Uobis igitur honor credentibus. non  
 25 credentibus autem lapis quem reprobauerunt edificantes hic factus est in caput anguli. et lapis offensionis et petra scandali his qui offendunt uerbo. nec credunt in quo et positi sunt. Uos autem genus electum. regale sacerdotium. gens sancta populus acquisitionis. ut uirtutes annuntietis eius. qui de  
 30 tenebris uos uocauit in admirabile lumen suum. Qui aliquando non populus : nunc autem populus dei. Qui non consecuti misericordiam : nunc autem misericordiam consecuti.

*Ab hac die usque ad octauam pent[ecostes] dicuntur quottidie  
 35 duo alleluia in missa. Preter quam in uigilia pent[ecostes] et in offitio letaniarum in quibus non dicitur nisi unum alleluia. et preter quam in sabbato infra octauam pent[ecostes] in quo dicuntur quinque Aliis uero temporibus quando alleluia dicitur in missa unum tantum dicitur. alleluia.*

40 (*Graduale.*) Hec dies quam fecit dominus exultemus et letemur in ea. alleluia. (*V.*) Laudate pueri dominum. laudate nomen domini.

(*Secundum Iohannem*) [Ioh. xx. 1-9].

IN illo tempore : Una sabbati. maria magdalene uenit mane cum adhuc tenebre essent ad monumentum : et uidit lapidem sublatum a monumento. Cucurrit ergo et uenit ad simonem petrum et ad alium discipulum. quem diligebat iesus. et dixit eis. Tulerunt dominum de monumento : et nescio ubi posuerunt eum. Exiit ergo petrus. et ille alius discipulus et uenerunt ad monumentum. Currebant autem duo simul. et ille alius discipulus precucurrit citius petro. et uenit primus ad monumentum. Et cum se inclinasset. uidit lintheamina posita. non tamen introiuit. Uenit ergo simon petrus sequens eum : et introiuit in monumentum. Et uidit lintheamina posita et sudarium quod fuerat super caput eius. non cum lintheaminibus positum : sed separatim inuolutum in unum locum. Tunc ergo introiuit et ille discipulus qui uenerat primus ad monumentum : et uidit et credidit. Non-dum enim sciebant scripturas : quia oportebat eum a mortuis resurgere.

(*Offertorium.*) Benedictus qui uenit in nomine domini. benediximus uobis de domo domini. deus dominus et illu/xit nobis. [fo. 90. alleluia. alleluia.

(*Secreta.*)

CONcede quesumus domine semper nos per hec sacramentaria pascalia gratulari : ut continua nostre reparationis operatio. perpetue nobis fiat causa letitię. Per.

(*Communio.*) Omnes qui in christo baptizati estis. cristum induistis. alleluia.

(*Post communio.*)

REdemptionis nostre munere uegetati. quesumus domine ut hoc perpetue salutis auxilium. fides semper uera perficiat. Per.

DOMINICA IN OCTAUA PASCE.

*Statio ad sanctum pancratium.*

(*Introitus.*)

QUasi modo geniti infantes. alleluia rationabiles sine dolo lac concupiscite alleluia. alleluia. alleluia.

(*Ps.*) Exultate deo adiutori nostro. iubilate deo iacob. (*V.*) Gloria.

(*Oratio.*)

PREsta quesumus omnipotens deus ut qui pascalia festa peregrimus hec te largiente. moribus et uita teneamus. Per.

*Ab hac die usque ad ascensionem post orationem diei dicuntur orationes de beata uirgine. Concede nos famulos tuos. pro papa. Deus omnium fidelium.*

(*epistola b[cati] Iohannis apostoli*) [1 Ioh. v. 4-10].

- 5 **C**Arissimi: Omne quod natum est ex deo: uincit mundum. Et hec est uictoria que uincit mundum: fides nostra. Quis est autem qui uincit mundum, nisi qui credit quoniam iesus est filius dei? Hic est qui uenit per aquam et sanguinem iesus christus. Non in aqua solum sed in aqua et  
10 sanguine. Et spiritus est qui testificatur quoniam christus est ueritas. Quoniam tres sunt qui testimonium dant in celo pater uerbum. et spiritus sanctus et hi tres unum sunt. Et tres sunt qui testimonium dant in terra: spiritus. aqua. et sanguis. Si testimonium hominum accipimus: testimonium  
15 dei maius est. Quoniam hoc est testimonium dei quod maius est: quia testificatus est de filio suo. Qui credit in filium dei habet testimonium dei in se.

- (*Graduale.*) Alleluia. (*V.*) In die resurrectionis mee dicit dominus. precedam uos in galileam. alleluia. (*V.*) Post dies octo  
20 ianuis clausis stetit iesus in medio discipulorum suorum. et dixit pax uobis.

(*Secundum Iohannem*) [Ioh. xx. 19-31].

- I**N illo tempore. cum esset sero die illa una sabbatorum et fores essent clause. ubi erant discipuli congregati  
25 propter metum iudeorum Uenit iesus. et stetit in medio eorum. et dixit eis. Pax uobis. Et cum hoc dixisset: ostendit eis manus et latus. Gauisi sunt ergo discipuli: uiso domino. Dixit ergo eis iterum. Pax uobis. Sicut misit me pater. et ego mitto uos Hec cum dixisset: in-  
30 sufflauit. et dixit eis. Accipite spiritum sanctum quorum remiseritis peccata remittuntur eis. et quorum retinueritis retenta sunt. Thomas autem unus de duodecim qui dicitur didimus non erat cum eis quando uenit iesus. Dixerunt ergo ei: alii discipuli. Uidimus dominum. Ille autem dixit eis.  
35 Nisi uidero in manibus eius fixuram clauorum. et mittam digitum meum in locum clauorum et mittam manum meam in latus eius non credam. Et post dies octo: iterum erant discipuli eius intus. et thomas cum eis. Uenit iesus ianuis clausis. et stetit in medio. et dixit eis. Pax uobis [fo. 90b.  
40 Deinde dicit thome. Infer digitum tuum huc. et uide manus meas. et affer manum tuam. et mitte in latus meum. et noli esse incredulus sed fidelis. Respondit thomas: et dixit ei. Dominus meus. et deus meus. Dicit ei iesus. quia uidisti me thoma credidisti. beati qui non uiderunt et crediderunt: Multa

quidem et alia signa fecit iesus in conspectu discipulorum suorum que non sunt scripta in libro hoc Hec autem scripta sunt. ut credatis quia iesus est christus filius dei. Et ut credentes. uitam habeatis in nomine eius.

5 (*Offertorium.*) Angelus domini descendit de celo. et dixit mulieribus. quem queritis surrexit sicut dixit. alleluia.

(*Secreta.*)

10 **S**uscipe munera quesumus domine exultantis ecclesie. et cui causam tanti gaudii prestitisti perpetuum fructum concede letitie. Per.

(*Communio.*) Mitte manum tuam et cognosce loca clauorum. alleluia. et noli esse incredulus sed fidelis. alleluia. alleluia.

(*Post communio.*)

15 **Q**uesumus domine deus noster: ut sacrosancta misteria que pro reparationis nostre munimine contulisti: et presens nobis remedium esse facias et futurum. Per.

# DOMINICA SECUNDA POST PASCA.

(*Introitus.*)

20 **M**isericordia domini plena est terra. alleluia. uerbo domini celi firmati sunt alleluia. alleluia.

(*Ps.*) Exultate iusti in domino. rectos decet laudatio. (*V.*) Gloria.

(*Oratio.*)

25 **D**eus qui in filii tui humilitate iacentem mundum erexisti: fidelibus tuis perpetuam concede letitiam. ut quos perpetue mortis eripuisti casibus: gaudiis facias sempiternis perfrui. Per.

(*epistola beati petri apostoli*) [1 Pet. ii. 21-25].

30 **C**arissimi: Cristus passus est pro nobis. uobis relinquens exemplum: ut sequamini uestigia eius: Qui peccatum non fecit: nec inuentus est dolus in ore eius. Qui cum malediceretur: non maledicebat. Cum pateretur: non cominabatur. Tradebat autem iudicanti se iniuste: qui peccata nostra ipse pertulit in corpore suo super lignum: ut peccatis  
35 mortui iustitie uiuamus Cuius liuore sanati sumus. Eratis enim sicut oues errantes: sed conuersi estis nunc ad pastorem et episcopum animarum uestrarum.

alleluia. (*V.*) Cognouerunt discipuli dominum iesum in fractione panis. alleluia. (*V.*) Ego sum pastor bonus. et cognosco oues meas  
40 et cognoscunt me mee.

ROMAN.

Q

(*Secundum Iohannem*) [Ioh. x. 11-16].

**I**N illo tempore: Dixit iesus discipulis suis. Ego sum pastor bonus. Bonus pastor animam suam dat pro ouibus suis. Mercenarius autem et qui non est pastor. cuius  
 5 non sunt oues proprie: uidet lupum uenientem. et dimittit oues et fugit. et lupus rapit et dispergit oues. Mercenarius autem fugit quia mercenarius est: et non pertinet ad eum de ouibus. Ego sum pastor bonus: et cognosco meas et cognoscunt me mee. Sicut nouit me pater. et ego agnosco  
 10 patrem. et animam meam pono pro ouibus meis. Et alias oues habeo que non sunt ex hoc ouili: et illas oportet me adducere. et uocem meam audient. Et fiet unum ouile. et unus pastor.

(*Offertorium.*) Deus deus meus ad te de luce uigilo. et [fo. 91.  
 15 in nomine tuo leuabo manus meas. alleluia.

(*Secreta.*)

**B**enedictionem nobis domine conferat salutarem. sacra semper oblatio. ut quod agit misterio. uirtute perficiat. Per.

20 (*Communio.*) Ego sum pastor bonus. alleluia. et cognosco oues meas et cognoscunt me mee. alleluia. alleluia.

(*Post communio.*)

**P**resta nobis quesumus omnipotens deus: ut uiuificationis tue gratiam consequentes: in tuo semper munere gloriemur. Per.  
 25

# DOMINICA TERTIA POST PASCHA.

(*Introitus.*)

**I**ubilate deo omnis terra alleluia. psalmum dicite nomini eius. alleluia. date gloriam laudi eius. alleluia. alleluia.

30 (*Ps.*) Dicite deo quam terribilia sunt opera tua domine in multitudine uirtutis tue mentientur tibi inimici tui. (*V.*) Gloria.

(*Oratio.*)

**D**eus qui errantibus ut in uiam possint redire iustitie ueritatis tue lumen ostendis: da cunctis qui christiana professione censentur: et illa respuere que huic inimica sunt nomini: et ea que sunt apta sectari. Per.  
 35

(*epistola beati petri apostoli*) [1 Pet. ii. 11-19].

**C**arissimi: Obsecro uos tanquam aduenas et peregrinos abstinere uos a carnalibus desideriis. que militant  
 40 aduersus animam Conuersationem uestram inter gentes



habentes bonam: ut in eo quod detractant de uobis tanquam de malefactoribus. ex bonis operibus uos considerantes. glorificent deum in die uisitationis. Subiecti estote omni humane creature: propter deum. Siue regi quasi precel-  
 5 enti siue ducibus tanquam ab eo missis. ad uindictam malefactorum laudem uero bonorum. Quia sic est uoluntas dei: ut beneficientes obmutescere faciatis imprudentium hominum ignorantiam. Quasi liberi. et non quasi uelamen habentes malitie libertatem: sed sicut serui dei. Omnes honorate:  
 10 fraternitatem diligite. Deum timete: regem honorificate. Serui subditi estote in omni timore dominis. Non tantum bonis et modestis. sed etiam discolis. Hec est enim gratia In christo iesu domino nostro.

alleluia. (V.) Redemptionem misit dominus populo suo. alle-  
 15 luita. (V.) Oportebat pati christum et resurgere a mortuis. et ita intrare in gloriam suam.

(Secundum Iohannem) [Ioh. xvi. 16-22].

IN illo tempore. Dixit iesus discipulis suis. Modicum et  
 iam non uidebitis me. et iterum modicum et uidebitis  
 20 me: quia uado ad patrem. Dixerunt ergo ex discipulis eius ad inuicem. Quid est hoc quod dicit nobis. modicum et non uidebitis me. et iterum modicum et uidebitis me et quia uado  
 ad patrem. Dicebant ergo Quid est hoc quod dicit nobis modicum? Nescimus quid loquitur. Cognouit autem iesus.  
 25 quia uolebant eum interrogare. et dixit eis. De hoc queritis inter uos quia dixi modicum et non uidebitis me: et iterum modicum et uidebitis me. Amen amen dico uobis: quia plorabitis. et flebitis uos. mundus autem gaudebit. uos autem  
 contristabimini: sed tristitia uestra uertetur in gaudium.  
 30 Mulier autem cum parit tristitiam habet. quia/ [fo. 91b. uenit hora eius. Cum autem peperit puerum: iam non meminit pressure propter gaudium. quia natus est homo in mundum. Et uos igitur nunc quidem tristitiam habetis. Iterum autem uidebo uos. et gaudebit cor uestrum. Et  
 35 gaudium uestrum. nemo tolet a uobis.

(Offertorium.) Lauda anima mea dominum. laudabo dominum in uita mea. psalam deo meo quam diu ero. alleluia.

(Secreta.)

40 HIs nobis domine misteriis conferatur. quo terrena desideria mitigantes. discamus amare celestia. Per.

(Communio.) Modicum et non uidebitis me. alleluia. iterum modicum et uidebitis me. quia uado ad patrem. alleluia. alleluia.

(Post communio.)

Sacramenta que sumpsimus domine quesumus: spiritualibus nos instruant alimentis: et corporalibus tueantur auxiliis. Per.

5

DOMINICA QUARTA POST PASCA.

(Introitus.)

Cantate domino canticum nouum. alleluia. quia mirabilia fecit dominus. alleluia. ante conspectum gentium reuelauit iustitiam suam. alleluia. alleluia.

10 (Ps.) Saluauit sibi dextera eius. et brachium sanctum eius. (V.) Gloria.

(Oratio.)

Deus qui fidelium mentes unius efficis uoluntatis: da populis tuis id amare quod precipis. id desiderare  
15 quod promittis. ut inter mundanas uarietates ibi nostra fixa sint corda. ubi uera sint gaudia. Per.

(epistola beati Iacobi apostoli) [Iac. i. 17-21].

Carissimi. Omne datum optimum. et omne donum perfectum desursum est. Descendens a patre luminum: apud  
20 quem non est transmutatio nec uicissitudinis obumbratio. Uoluntarie enim genuit nos uerbo ueritatis: ut simus initium aliquod creature eius. Scitis fratres mei dilectissimi. Sit autem omnis homo uelox ad audiendum. tardus autem ad loquendum et tardus ad iram. Ira enim uiri iustitiam dei  
25 non operatur. Propter quod abicientes omnem immunditiam. et habundantiam malicie: in mansuetudine suscipite insitum uerbum: quod potest saluare animas uestras.

alleluia. (V.) Dextera domini fecit uirtutem dextera domini exaltauit me. alleluia. (V.) Christus resurgens ex mortuis iam non  
30 moritur mors illi ultra non dominabitur.

(Secundum Iohannem) [Ioh. xvi. 5-14].

In illo tempore: Dixit iesus discipulis suis. Uado ad eum qui me misit: et nemo ex uobis interrogat me quo uadis. Sed quia hec locutus sum uobis: tristitia impleuit cor uestrum.  
35 Sed ego ueritatem dico uobis: expedit uobis ut ego uadam. Si enim non abiero: paraclitus non ueniet ad uos. Si autem abiero: mittam eum ad uos. Et cum uenerit. ille arguet mundum de peccato et de iustitia. et de iudicio. De peccato quidem. quia non crediderunt in me. De iustitia uero: quia  
40 ad patrem uado: et iam non uidebitis me. De iudicio autem: quia princeps huius mundi iam iudicatus est. Ad

huc multa habeo uobis dicere: sed non potestis portare modo. Cum autem uenerit ille spiritus ueritatis: docebit uos omnem ueritatem. Non enim loquetur a semetipso: sed quecumque audiet loquetur/ et que uentura sunt [fo. 92.  
 5 annuntiabit. uobis. Ille me clarificabit: quia de meo accipiet. et annuntiabit uobis.

(*Offertorium.*)

**I**ubilate deo uniuersa terra. iubilate deo uniuersa terra. psalmum dicite nomini eius. Uenite et audite et narrabo uobis omnes  
 10 qui timetis deum. quanta fecit dominus anime mee. alleluia.

(*Secreta.*)

**D**eus qui nos per huius sacrificii ueneranda comertia. unius summeque diuinitatis participes esse fecisti. presta quesumus ut sicut tuam cognouimus ueritatem sic  
 15 eam dignis moribus assequamur. Per.

(*Communio.*) Cum uenerit paraclitus spiritus ueritatis ille arguet mundum de peccato et de iudicio et de iustitia. alleluia. alleluia.

(*Post communio.*)

**A**desto nobis domine deus noster: ut per hec que fideliter  
 20 sumpsimus. et purgemur a uitiiis. et a periculis omnibus exuamur. Per.

# DOMINICA QUINTA POST PASCA.

(*Introitus.*)

**U**ocem iocunditatis annuntiate. et audiatur. alleluia. nuntiate  
 25 usque ad extremum terre. alleluia. liberauit dominus populum suum. alleluia. alleluia.

(*Ps.*) Iubilate deo omnis terra psalmum dicite nomini eius. date gloriam laudi eius. (*V.*) Gloria.

(*Oratio.*)

**D**eus a quo bona cuncta procedunt largire supplicibus tuis:  
 0 ut cogitemus te inspirante que recta sunt: et te gubernante eadem faciamus. Per.

(*epistola beati Iacobi apostoli*) [Iac. i. 22-27].

**C**arissimi: Estote factores uerbi: et non auditores tantum  
 5 fallentes uos metipsos. quia si quis est auditor uerbi et non factor. hic comparabitur uiro consideranti uultum natiuitatis sue in speculo. Considerauit enim se et abiit: et statim oblitus est qualis fuerit. Qui autem perspexerit in lege perfecte libertatis et permanserit in ea. non auditor obliuiosus  
 0 factus. sed factor operis: hic beatus in facto suo erit. Si quis

autem putat se religiosum esse non refrenans linguam suam :  
sed seducens cor suum : huius uana est religio. Religio  
munda et immaculata apud deum et patrem hec est uisitare  
pupilos et uiduas in tribulatione eorum. et immaculatum se  
5 custodire ab hoc seculo.

alleluia. (*V.*) Surrexit christus et illuxit nobis quos redemit san-  
guine suo. alleluia. (*V.*) Exiui a patre et ueni in mundum. iterum  
relinquo mundum. et uado ad patrem.

(*Secundum Iohannem*) [Ioh. xvi. 23-30].

10 **I**N illo tempore : Dixit iesus discipulis suis. Amen amen  
dico uobis. si quid petieritis patrem in nomine meo.  
dabit uobis. Usque modo non petistis quidquam. in nomine  
meo. Petite et accipietis ut gaudium uestrum sit plenum.  
hec in prouerbiis locutus sum uobis. Uenit hora. cum iam  
15 non in prouerbiis loquar uobis. sed palam de patre meo  
annuntiabo uobis. Illo die in nomine meo petetis. Et  
nunc† dico uobis. quia ego rogabo patrem de uobis. Ipse  
enim pater amat uos. quia uos me amastis. et credidistis  
quia a deo exiui. Exiui a patre. et ueni in mundum.  
20 Iterum relinquo mundum et uado ad patrem. Dicunt ei  
discipuli eius. Ecce nunc palam loqueris et prouerbum  
nullum di/cis. Nunc scimus quia scis omnia et [fo. 92b.  
non opus est tibi ut quis te interroget. In hoc credimus.  
quia a deo existi.

25 (*Offertorium.*) Benedicite gentes dominum deum uestrum et  
obaudite uocem laudis eius. qui posuit animam meam ad uitam. et  
non dedit commoueri pedes meos benedictus dominus qui non  
amouit deprecationem meam. et misericordiam suam a me alleluia.

(*Secreta.*)

30 **S**Uscipe domine fidelium preces cum oblationibus hostiarum :  
ut per hec pie deuotionis offitia. ad celestem gloriam  
transeamus. Per.

(*Communio.*) Cantate domino alleluia. cantate domino et  
benedicite nomini eius. bene nuntiate de die in diem salutare eius.  
35 alleluia. alleluia.

(*Post communio.*)

**T**Ribue nobis domine celestis mense uirtute satiatis : et  
desiderare que recta sunt : et desiderata percipere. Per.

## IN LETANIIS MAIORIBUS.

*Statio ad sanctum Petrum.**(Introitus.)*

5 **E**Xaudiuit de templo sancto suo uocem meam. alleluia. et clamor meus in conspectu eius introiuit in aures eius alleluia.

(Ps.) Diligam te domine fortitudo mea. dominus firmamentum meum et refugium meum. et liberator meus. (V.) Gloria.

*In hoc offitio non dicitur Gloria in excelsis deo neque Credo.*

10 *Oratio.)*

**P**Resta quesumus omnipotens deus ut qui in afflictione nostra de tua pietate confidimus. contra aduersa omnia. tua semper protectione muniamur. Per.

*(epistola beati Iacobi apostoli)* [Iac. v. 16–20].

15 **C**arissimi: Confitemini alterutrum peccata uestra. et orate pro inuicem ut saluemini. Multum enim ualet. deprecatio iusti assidua. Helyas homo erat similis nobis passibilis: et oratione orauit: ut non plueret super terram et non pluit annos tres. et menses sex. Et rursum orauit: et celum dedit pluuiam et terra dedit fructum suum. Si quis autem ex uobis errauerit a ueritate. et conuerterit quis eum. scire debet quoniam qui conuerti fecerit peccatorem ab errore uie sue saluabit animam eius a morte. et operit multitudinem peccatorum.

25 alleluia. (V.) Confitemini domino quoniam bonus quoniam in seculum misericordia eius.

*(Secundum lucam)* [Luc. xi. 5–13].

**I**N illo tempore: Dixit iesus discipulis suis. Quis uestrum habebit amicum et ibit ad illum media nocte. et dicet illi. Amice accomoda michi tres panes. quoniam amicus meus uenit de uia ad me: et non habeo quod ponam ante illum. Et ille deintus respondens dicat noli michi molestus esse. Iam hostium meum clausum est. et pueri mei mecum sunt in cubili. non possum surgere et dare tibi. Et ille si perseuerauerit pulsans. dico uobis: et si non dabit illi surgens eo quod amicus eius sit: propter improbitatem tamen eius surget. et dabit illi. quotquot habet necessarios. Et ego dico uobis. Petite et dabitur uobis. querite et inuenietis pulsate et aperietur uobis. Omnis enim qui petit accipit et qui querit inuenit. et pulsanti aperietur. Quis autem ex uobis patrem petit panem: nunquid lapidem dabit illi? Aut piscem. nunquid pro

30

35

40

pisce/ dabit illi serpentem? Aut si petierit ouum : [fo. 93. nunquid porriget illi scorpionem? Si ergo uos cum sitis mali. nostis bona data dare filiis uestris. quanto magis pater uester de celo. dabit spiritum bonum petentibus se.

5 (Offertorium.)

COnfitebor domino nimis in ore meo. et in medio multorum laudabo eum. qui astitit ad dexteram pauperis ut saluam faceret a persequentibus animam meam. alleluia.

(Secreta.)

10 HEC munera quesumus domine et uincula nostre prauitatis absoluant. et tue nobis misericordie dona concilient. Per.

(Communio.) Petite et accipietis. querite et inuenietis. pulsate et aperietur uobis. omnis enim qui petit accipit. et qui querit inuenit et  
15 pulsanti aperietur. alleluia.

(Post communio.)

UOta nostra quesumus domine pio fauore proseguere : ut dum dona tua in tribulatione percipimus. de consolatione nostra in tuo amore crescamus. Per.

20 [IN VIGILIA ASCENSIONIS DOMINI.]


*In uigilia ascensionis domini officium misse et orationes dicuntur de dominica preterita preter epistolam et euangelium ut infra. Si uero in dicta uigilia fuerit aliquod festum simplex fit de ipso festo tantum commemoratio in missa. Quod si fuerit  
25 festum solenne missa dicitur de festo et fit commemoratio de uigilia. Si autem fuerit festum duplex. de eodem fit missa et nulla commemoratio de uigilia.*

*Epistola ad ephesios.*

Fratres unicuique uestrum. *Require in natiuitate pluri-*  
30 *morum apostolorum.* [p. 407.]

(Secundum iohannem) [Ioh. xvii. I-II].

I N illo tempore : Subleuatis iesus oculis in celum. dixit. Pater uenit hora. clarifica filium tuum : ut filius tuus clarificet te. Sicut dedisti ei potestatem omnis carnis : ut  
35 omne quod dedisti ei det eis uitam eternam. Hec est autem uita eterna. ut cognoscant te solum deum uerum. et quem misisti iesum christum. Ego te clarificaui super terram : opus consumaui quod dedisti michi ut faciam. Et nunc clarifica me. tu pater apud te metipsum. claritate quam habui priusquam mundus esset apud te. Manifestaui nomen tuum hominibus :



quos dedisti michi de mundo. tui erant. et michi eos dedisti : et sermonem tuum seruauerunt. Et nunc cognouerunt quia omnia que dedisti michi abs te sunt : quia uerba que dedisti michi dedi eis et ipsi acceperunt. et cognouerunt uere quia a te exiui. et crediderunt quia tu me misisti. Ego pro eis rogo. non pro mundo rogo : sed pro his quos dedisti michi. quia tui sunt. Et mea omnia tua sunt et tua mea sunt. et<sup>1</sup> clarificatus sum in eis. Et iam non sum in mundo et hi in mundo sunt. Et ego ad te uenio.

## IN FESTO ASCENSIONIS DOMINI.

(Introitus.)

Uiri galilei. quid admiramini aspicientes in celum. alleluia. quemadmodum uidistis eum ascendentem in celum ita ueniet. alleluia. alleluia. alleluia.

(Ps.) Cumque intuerentur in celum euntem illum. ecce duo uiri astiterunt iuxta illos in uestibus albis. qui et dixerunt. (V.) Gloria.

(Oratio.)

Concede quesumus omnipotens deus : ut qui hodierna die unigenitum tuum redemptorem nostrum/ ad [fo. 93b. celos ascendisse credimus : ipsi quoque mente in celestibus habitemus. Per eu[ndem]

(lectio actuum apostolorum) [Act. i. 1-11].

Primum quidem sermonem feci de omnibus o theophile que cepit iesus facere et docere. usque in diem qua precipiens apostolis per spiritum sanctum. quos elegit assumptus est. Quibus et prebuit seipsum uiuum post passionem suam. in multis argumentis per dies quadraginta apparens eis et loquens de regno dei : Et conuescens precepit eis. ab ierosolimis ne discederent : sed expectarent promissionem patris. quam audistis inquit per os meum. Quia iohannes quidem baptizauit aqua uos autem baptizabimini spiritu sancto. non post multos hos dies. Igitur qui conuenerant : interrogabant eum dicentes. Domine. si in tempore hoc restitues regnum israel? Dixit autem eis. Non est uestrum nosce tempora uel momenta. que pater posuit in sua potestate : sed accipietis uirtutem superuenientis spiritus sancti in uos. et eritis michi testes in ierusalem. et in omni iudea et samaria. et usque ad ultimum terre. Et cum hoc dixisset : uidentibus illis eleuatus est : et nubes suscepit eum ab oculis eorum. Cumque intuerentur in celum euntem illum. ecce duo uiri astiterunt iuxta illos in uestibus albis. qui et dixerunt. Uiri galilei quid statis aspicientes in celum? Hic iesus qui assumptus

<sup>1</sup> Thus, for et.

est a uobis in celum : sic ueniet quemadmodum uidistis eum. euntem in celum.

alleluia. (*V.*) Ascendit deus in iubilatione et dominus in uoce tube. alleluia. (*V.*) Dominus in sina in sancto. ascendens in altum  
5 captiuam duxit captiuitatem.

(*Secundum marcum*) [Mar. xvi. 14-20].

**I**N illo tempore: Recumbentibus undecim discipulis. apparuit illis iesus. et exprobrauit incredulitatem illorum et duritiam cordis : quia his qui uiderant eum resurrexisse a  
10 mortuis. non crediderant. Et dixit eis. Euntes in mundum uniuersum : predicate euangelium omni creature. Qui crediderit et baptizatus fuerit. saluus erit. Qui uero non crediderit : condemnabitur. Signa autem eos qui crediderint : hec  
15 sequentur. In nomine meo demonia eicient. linguis loquentur nouis serpentes tolent. Et si mortiferum quid biberint : non eis nocebit. Super egros manus imponent : et bene habebunt. Et dominus quidem iesus postquam locutus est eis : assumptus est in celum : et sedet a dexteris dei. Illi autem profecti :  
20 predicauerunt ubique domino cooperante : et sermonem confirmante. sequentibus signis.

(*Offertorium.*) Uiri galilei quid admiramini aspicientes in celum. hic iesus qui assumptus est a uobis in celum. sic ueniet quemadmodum uidistis eum ascendentem in celum alleluia.

(*Secreta.*)

25 **S**uscipe domine munera que pro filii tui gloriosa ascensione deferimus. et concede propitius : ut a presentibus periculis liberemur. et ad uitam perueniamus eternam. Per eundem.

*Prephatio.* Per christum dominum nostrum. Qui post resurrectionem suam. *Et dicitur cottidie [usque ad] fo. 94.*  
30 *uigiliam pentecosten exclusiue.*

*Infractionem†.* Communicantes. et diem sacratissimum. *et dicitur per octauam tantum.*

(*Communio.*) Psalite domino. qui ascendit super celos celorum ad orientem. alleluia.

(*Post communio.*)

35 **P**Resta quæsumus† omnipotens et misericors deus : ut que uisibilibus misteriis sumenda percepimus inuisibili consequamur effectum. Per.

*Infra octauam ascensionis quotidie dicatur missa de ascensione. nisi festum occurrat preter quam de dominica que*  
40 *infra occurrit.*



## DOMINICA INFRA OCTAVAM ASCENSIONIS.

(Introitus.)

**E**Xaudi domine uocem meam qua clamaui ad te. alleluia. tibi dixit cor meum. quesui uultum tuum uultum tuum domine requiram. ne auertas faciem tuam a me alleluia. alleluia.

(Ps.) Dominus illuminatio mea. et salus mea quem timebo. (V.) Gloria.

(Oratio.)

**O**Mnipotens sempiterne deus. fac nos tibi semper et deuotam gerere uoluntatem. et maiestati tue sincero corde seruire. Per.

(epistola beati petri apostoli) [I Pet. iv. 7-11].

**C**arissimi: Estote prudentes et uigilate in orationibus: ante omnia autem: mutuam in uobis metipsis caritatem continuam habentes: quia caritas operit multitudinem peccatorum. Hospitales inuicem sine murmuratione. Unusquisque sicut accepit gratiam. in alterutrum illam administrantes. sicut boni dispensatores multiformis gratie dei. Si quis loquitur quasi sermones dei. Si quis ministrat tamquam ex uirtute. quam administrat deus. ut in omnibus honorificetur deus. per iesum christum dominum nostrum.

alleluia. (V.) Regnauit deus super omnes gentes deus sedet super sedem sanctam suam. alleluia. (V.) Non uos relinquam orphanos uado et uenio ad uos. et gaudebit cor uestrum.

(Secundum Iohannem) [Ioh. xv. 26-xvi. 4].

**I**N illo tempore: Dixit iesus discipulis suis. Cum uenerit paraclitus quem ego mittam uobis a patre spiritum ueritatis. qui a patre procedit: ille testimonium perhibebit de me. Et uos testimonium perhibebitis: quia ab initio mecum estis. Hec locutus sum uobis. ut non scandalizemini. Absque sinagogis facient uos. Sed uenit hora: ut omnis qui interficit uos. arbitretur obsequium se prestare deo. Et hec facient uobis quia non nouerunt patrem neque me. Sed Hec locutus sum uobis ut cum uenerit hora eorum reminiscamini quia ego dixi uobis.

(Offertorium.) Ascendit deus in iubilatione. et dominus in uoce tube. alleluia.

(Secreta.)

**S**Acrificia nos domine immaculata purificent: et mentibus nostris superne gratie dent uigorem Per.

(Communio.) Pater cum essem cum eis ego seruabam eos quos dedisti michi. alleluia nunc autem ad te uenio. non rogo ut tollas eos de mundo. sed ut serues eos a malo. alleluia. alleluia.

(Post communio.)

**R**Epleti domine muneribus sacris: da quesumus. ut in gratiarum semper actione maneamus. Per.

*Die ueneris post octauam ascensionis si festum non fuerit*  
5 *missa agitur de dominica preterita.*

[IN VIGILIA PENTECOSTES.]

*In uigilia pentecostes post tertiam horam† competenti. Fratres conuenientes ad ecclesiam dicunt sextam. qua completa sacerdos et ministri induti. et facta reuerentia ante altare* [fo. 94b.  
10 *in locis suis sedens.†*

*Postea leguntur prophetie sine titulo. in fine prophetiarum dicuntur orationes sine flectamus genua. leuate. Prophetie omnes et tractus dicuntur de Sabbato sancto.*

*Prophetia prima. Temptauit deus abraam. Require in*  
15 *sabbato sancto. [p. 181.] qua finita sacerdos dicit. (Oremus.)*

(Oratio.)

**D**Eus qui in abrahe famuli tui opere: humano generi obediencie exempla prebuisti. concede nobis. et nostre uoluntatis prauitatem frangere. et tuorum preceptorum  
20 *rectitudinem. in omnibus adimplere. Per.*

*Prophetia secunda. Factum est in uigilia matutina.*  
[p. 182.]

*Tractus. Cantemus domino gloriose.*

(Oratio.)

25 **D**Eus qui primis temporibus impleta miracula noui testamenti luce reserasti: ut et mare rubrum forma sacri fontis existeret. et liberata plebs ab egiptiaca seruitute. cristiani populi sacramenta proferret. da ut omnes gentes israelitis priuilegium merito fidei consecute. spiritus tui par-  
30 *ticipatione regenerentur. Per.*

*Prophetia tertia. Scripsit moyses. [p. 187.]*

*Tractus. Attende celum.*

(Oratio.)

35 **D**Eus qui es glorificatio fidelium et uita iustorum. qui per moysen famulum tuum. nos quoque modulatione sacri carminis erudisti: uniuersis gentibus misericordie tue munus operare tribuendo beatitudinem auferendo terrorem. ut quod pronuntiatum est ad supplitium. in remedium transferatur eternum. Per.

*Prophetia quarta.* Apprehendent septem mulieres.  
[p. 186.]

*Tractus.* Uinea facta est.

(*Oratio.*)

5 **O**Mnipotens sempiterne deus: qui per unicum filium tuum ecclesie tue demonstrasti te esse cultorem: ut omnem palmitem fructum in eodem christo tuo qui uera uitis est afferentem. clementer excolens fructus afferat ampliores: fidelibus tuis quos uelut uineam ex egypto per fontem  
o baptismi transtulisti: nulle peccatorum spine preualeant ut spiritus tui sanctificatione muniti. perpetua fruge ditentur. Per. In unitate eiusdem.

*Prophetia sexta*†. Audi israel mandata uite. [p. 184.]

(*Oratio.*)

5 **D**Eus qui nobis per prophetarum ora precepisti temporalia relinquere atque ad eterna festinare: da famulis tuis: ut que a te iussa cognouimus. implere celesti inspiratione ualeamus. Per.

*Prophetia sexta.* Facta est super me manus domini. [p. 185.]

o (*Oratio.*)

**D**omine deus uirtutum qui collapsa reparas et reparata conseruas. auge populos tuos in tui nominis sanctificatione renouandos: ut omnes qui sacro baptismate dilluuntur. semper tua inspiratione dirigantur. Per.

5 *His finitis descendendo ad fontes cantatur tractus.* Sicut ceruus.

*Deinde ad fontes dicitur.* (V.) Dominus uobiscum. (R.) Et cum spiritu tuo.

(*Oratio.*)

o **C**oncede quesumus omnipotens deus ut qui solemnitate doni sancti spiritus colimus. celestibus desideriis accensi fontem uite eterne scitiamus. Per. in unitate eiusdem.

*Deinde proceditur ad benedictionem fontium.*

*ubi uero non fuerint fontes. Tractus et oratio et* [fo. 95.  
5 *benedictio fontium pretermittitur. sed finita oratione.* Domine deus uirtutum *Sacerdos casula deposita cum ministris ante altare procumbit. et fratres alii stant erecti. et cantatur letania a duobus fratribus in medio chori utroque choro ibidem simul respondente*

o *peruenito autem ad peccatores te rogamus audi nos sacerdos et ministri ad uestiarium reuertentes solemniter induuntur et luminaria circa altare accenduntur. Peruenit*

*autem ad Kyrieleyson letaniarum. Kyrieleyson pro missa solemniter incipitur. Quo incepto sacerdos de uestiario cum ministris rediens. facit confessionem debitam in loco consueto. Et ascendens postmodum ad altare finito kyrieleyson incipit*  
 5 *solemniter. Gloria in excelsis deo. Et campana pulsatur.*

(Oratio.)

PResta quesumus omnipotens deus ut claritatis tue super nos splendor efulget. et lux tue lucis corda eorum qui per gratiam tuam renati sunt. spiritus sancti illustratione  
 10 confirmet. Per. in unitate eiusdem

(lectio actuum apostolorum) [Act. xix. 1-8].

IN diebus illis. Cum apollo esset corinthi: et paulus peregratis† superioribus partibus ueniret in ephesum et inueniret quosdam de discipulis Dixit ad eos. Si spiritum  
 15 sanctum accepistis credentes? At illi dixerunt ad eum. Sed neque si spiritus sanctus est audiuius. Ille uero ait. in quo ergo baptizati estis? Qui dixerunt. In iohannis baptismo penitentie populum. dicens in eum qui nenturus† est post  
 20 ipsum. ut crederent in eum. Hoc est in iesum. His auditis. Baptizati sunt. in nomine domini iesu. Et cum imposuisset illis manus paulus. spiritus sanctus uenit super eos. et loquebantur uariis linguis et prophetabant. Erant autem omnes uiri fere dnodecim†. Introgressus autem paulus in sinagogam:  
 25 cum fidutia loquebatur per tres menses disputans et suadens de regno dei.

*Deinde a duobus fratribus dicitur. alleluia. et chorus repetit alleluia.*

*Postea sequitur.*

30 (V.) Confitemini domino quoniam bonus quoniam in seculum misericordia eius.

*Quo a duobus† fratribus predictis de cantato: non repetitur. alleluia.*

*Sed immediate dicitur. Tractus. Laudate dominum omnes gentes.*  
 35 *et collaudate eum omnes populi.*

(V.) Quoniam confirmata est super nos misericordia eius. et ueritas domini manet in eternum.

*Ad euangelium non portantur luminaria sed incensum tantum.*

40 (Secundum Iohannem) [Ioh. xiv. 15-21].

IN illo tempore: Dixit iesus discipulis suis. Si diligitis me mandata mea seruare. et ego rogabo patrem. et alium paraclitum dabit uobis: ut maneat uobiscum in eternum

spiritum ueritatis. quem mundus non potest accipere. quia non uidet eum: nec scit eum Uos autem cognoscetis eum. quia apud uos manebit. et in uobis erit. Non relinquam uos orphanos. ueniam ad uos. Adhuc modicum et mundus me iam non uidet. Uos autem uidetis me: quia ego uiuo. et uos uiuetis. In illo die uos cognoscetis quia ego sum in patre meo: et uos in me et ego in uobis Qui habet mandata mea et seruat ea: ille est qui diligit me Qui autem diligit me: diligetur a patre meo. Et ego diligam eum et/ mani- [fo. 98b. festabo ei meipsum.

(*Offertorium.*) Emitte spiritum tuum et creabuntur et renouabis faciem terre. sit gloria domini in secula. alleluia.

(*Secreta.*)

**M**Unera quesumus domine oblata sanctifica: et corda nostra sancti spiritus illustratione emunda. Per. in unitate eiusdem.

*Prephatio.* Per christum dominum nostrum. Qui ascendens super omnes celos.

*Infra actionem.* Communicantes et diem sacratissimum celebrantes.

*Alia infractionem.* Hanc igitur oblationem seruitutis nostre.

(*Communio.*) Ultimo festiuitatis die dicebat iesus qui in me credit flumina de uentre eius fluent aque uiue. hoc autem dixit de spiritu quem accepturi erant credentes in eum. alleluia. alleluia.

(*Post communio.*)

**S**Ancti spiritus domine corda nostra mundet infusio et suororis intima aspersione fecundet. Per. In unitate eiusdem.

*Et dicitur nona post missam.*

IN DIE PENTECOSTES.

*Statio ad sanctum petrum.*

(*Introitus.*)

**S**piritus domini repleuit orbem terrarum alleluia. et hoc quod continet omnia scientiam habet uocis. alleluia. alleluia. alleluia.

(*Ps.*) Omnium est enim artifex. omnem habens uirtutem omnia prospiciens. (*V.*) Gloria patri et filio.

(Oratio.)

**D**Eus qui hodierna die corda fidelium sancti spiritus illustratione docuisti. da nobis in eodem spiritu recta sapere: et de eius semper consolatione gaudere. Per in  
5 unitate eiusdem.

(lectio actuum apostolorum) [Act. ii. 1-11].

**I**N diebus illis: Dum complerentur dies pentecostes erant omnes discipuli pariter in eodem loco. Et factus est repente de cælo sonus. tanquam aduenientis spiritus uehementis  
10 et repleuit totum domum ubi erant sedentes. Et apparuerunt illis dispertite lingue tanquam ignis. seditque supra singulos eorum. et repleti sunt omnes spiritu sancto. et ceperunt loqui uariis linguis prout spiritus sanctus dabat eloqui illis Erant autem in yerusalem habitantes: iudei uiri religiosi: ex omni  
15 natione que sub cælo est. Facta autem hac uoce. conuenit multitudo et mente confusa est: quoniam audiebat unusquisque lingua sua illos loquentes. Stupebant autem omnes et mirabantur dicentes. Nonne ecce omnes isti qui loquuntur galilei sunt? Et quomodo nos audiuius unusquisque lin-  
20 guam nostram in qua nati sumus? Parthi et medi et elamite. et qui habitant mesopotamiam. iudeam et capadociam pontum. et asiam frigiam. et panphiliam egyptum. et partes libie que circa cyrenem. et aduene. romani. Iudei quoque et proseliti. cretes et arabes. Audiuius eos loquentes nostris linguis  
25 magnalia dei alleluia.

(*N.*) Emitte spiritum tuum et creabuntur. et renouabis faciem terre. alleluia. (*N.*) Ueni sancte spiritus reple tuorum corda fidelium. et tui amoris in eis ignem accende.

(Sequentia.)

30 **S**ANCTI spiritus assit nobis gratia :  
Que corda nostra sibi faciat habitacula.  
Expulsus†/ inde cunctis uitiiis spiritalibus. [fo. 96.  
Spiritus alme illustrator cordium.  
Horridas nostre mentis purga tenebras.  
35 Amator sancte sensatorum semper cogitatum.  
Infunde unctionem tuam. clemens nostris sensibus.  
Tu purificator omnium flagitiorum spiritus.  
Purifica nostri oculum interioris hominis.  
Ut uideri supremus genitor possit a nobis.  
40 Mundi cordis quem soli cernere possunt oculi.  
Prophetas tu inspirasti ut preconia christi precinuissent inclita.  
Apostolos confortasti uti tropheum christi per totum mundum ueherent.

Quando machinam per uerbum suum fecit deus celi terre  
marinm.†

Tu super aquas futurus† eas numen tuum expandisti  
spiritus.

5 Tu animabus uiuificandis aquas fecundas.

Tu aspirando das spirituales. esse homines.

Tu diuisum per linguas mundum et ritus adunasti domine.

Idolattras ad cultum dei reuocas magistrorum optime.

0 Ergo nos supplicantes tibi exaudi propitius sancte spiritus.

Sine quo preces omnes casse. creduntur. et in digne dei  
auribus.

Tu qui omnium seculorum sanctos. Tui numinis docuisti.  
instinctu amplectendef spiritus.

5 Ipse hodie apostolos christi. Donans munere insolito et  
cunctis in audito seculis.

hunc diem gloriosum fecisti amen.

[Alia] (Sequentia.)

Ueni sancte spiritus et emitte celitus lucis tue radium.

0 Ueni pater pauperum. ueni dator mu[n]erum ueni lumen  
cordium.

Consolator optime. dulcis hospes anime. dulce refrigerium.

In labore requies. in estu temperies. in fletu solatium.

O lux beatissima reple cordis intima tuorum fidelium.

Sine tuo numine nichil est in homine nichil est innoxium.

5 Laua quod est sordidum. riga quod est aridum. rege quod  
est deuium.

Flecte quod est rigidum. foue quod est frigidum sana  
quod est sautium.

Da tuis fidelibus in te confidentibus sacrum septenarium.

0 Da uirtutis meritum da salutis exitum da perenne gau-  
dium amen.

(Secundum Iohannem) [Ioh. xiv. 23-31].

IN illo tempore: Dixit iesus discipulis suis. Si quis diligit  
me sermonem meum seruabit Et pater meus diliget eum.  
et ad eum ueniemus. et mansionem apud eum faciemus. Qui  
non diligit me sermones meos non seruat. Et sermonem  
quem audistis non est meus sed eius qui nisit† me patris.  
Hec locutus sum uobis apud uos manens. Paraclitus autem  
spiritus sanctus quem mittet pater in nomine meo. ille uos  
docebit omnia. et suggeret uobis omnia quecunque dixero  
uobis. Pacem relinquo uobis: pacem meam do uobis. Non  
quomodo mundus dat: ego do uobis. Non turbetnr† cor  
uestrum: neque formidet. Audistis quia ego dixi uobis. uado  
et uenio ad uos. Si diligeretis me. gauderetis utique quia

uado ad patrem. quia pater maior me est. Et nunc dixi uobis priusquam fiat : ut cum factum fuerit credatis. Iam non multa loquar uobiscum. . . Uenit enim princeps mundi huius. et in me non /habet quidquam. Sed ut cognoscat mundus [fo. 96b.  
 5 quia diligo patrem et sicut mandatum dedit michi pater sic facio.

(*Offertorium.*) Confirma hoc deus quod operatus es in nobis. a templo tuo quod est in ierusalem tibi offerent reges munera. alleluia.

10 (Secreta.)

M Unera quesumus domine oblata sanctifica. et corde nostra sancti spiritus illustratione emunda. Per. in unitate eiusdem.

(*Communio.*) Factus est repente de celo sonus tanquam aduenientis spiritus uehementis. ubi erant sedentes. alleluia. et repleti sunt omnes spiritu sancto loquentes magnalia dei. alleluia. alleluia.

(*Post communio.*)

S Ancti spiritus domine corda nostra mundet infusio : et sui roris intima aspersione fecundet Per in unitate.  
 20 eiusdem.

*In octaua pentecostes non fit de alio aliquo festo sed post octauam celebrantur.*

#### FERIA SECUNDA.

*Statio ad sanctum petrum ad uincula.*

25 (*Introitus.*)

C Ibauit eos ex adipe frumenti alleluia et de petra melle saturauit eos alleluia. alleluia. alleluia.

(*Ps.*) Exultate deo adiutori nostro. iubilate deo iacob (*V.*) Gloria.

30 (*Oratio.*)

D Eus qui apostolis tuis sanctum dedisti spiritum. concede plebi tue pie petitionis effectum. ut quibus dedisti fidem largiaris et pacem. Per in unitate eiusdem.

(*lectio actuum apostolorum*) [Act. x. 40-45].

35 I N diebus illis : Aperiens petrus os suum. dixit. Uiri fratres et patres nobis precepit dominus predicare populo et testificari : quia ipse est qui constitutus est a deo iudex uiuorum et mortuorum. Huic omnes prophete testimonium perhibent remissionem peccatorum accipere per nomen eius  
 40 omnes qui credunt in eum. Adhuc loquente petro uerba



hec. cecidit spiritus sanctus super omnes qui audiebant uerbum Et obstupuerunt ex circumcisione fideles. qui uenerant cum petro: quia ct† in nationes gratia spiritus sancti effusa est. Audiebat† enim illos loquentes linguis  
 5 et magnificantes deum. Tunc respondit petrus. Nunquid aquam quis prohibere potest. ut non baptizentur hi qui spiritum sanctum acceperunt. sicut et nos? Et iussit eos baptizari in nomine domini iesu christi.

Alleluia. (V.) Loquebantur uariis linguis apostoli magnalia  
 10 dei. alleluia. (V.) Ueni sancte spiritus.

*Infra octauam quottidie dicitur sequentia. scilicet. Sancti spiritus. uel Ueni sancte spiritus.*

(*Secundum Iohannem*) [Ioh. iii. 16–21].

IN illo tempore: Dixit iesus discipulis suis. Sic deus dilexit  
 15 mundum. ut filium suum unigenitum daret. ut omnis qui credit in illum non pereat: sed habeat uitam eternam. Non enim misit deus filium suum in mundum: ut iudicet mundum: sed ut saluetur mundus per ipsum. Qui credit in eum non iudicatur. Qui autem non credit iam iudicatus est: quia  
 20 non credit in nomine unigeniti fili dei. Hoc est autem iudicium. quia lux uenit in mundum: et dilexerunt homines magis tenebras quam lucem. Erant enim eorum mala opera. Omnis enim qui male agit odit lucem: et non uenit ad lucem ut non arguantur opera eius. Qui autem facit ueritatem uenit  
 25 ad lucem./ ut manifestentur opera eius. quia in deo [fo. 97. sunt facta.

(*Offertorium.*) Intonuit de celo dominus et altissimus dedit uocem suam et apparuerunt fontes aquarum. alleluia.

(*Secreta.*)

PROpitius domine quesumus hec dona sanctifica. et hostie  
 0 spiritualis oblatione suscepta nos metipsos tibi perface munus eternum. Per.

(*Communio.*) Spiritus† sanctus docebit uos omnia. alleluia. quecumque dixerero uobis. alleluia. alleluia.

(*Post communio.*)

A Desto domine quesumus populo tuo. et quem misteriis  
 5 celestibus imbuisti ab hostium furore defende. Per.

FERIA TERTIA.

*Statio ad sanctum anastasium.†*

(*Introitus.*)

ACCipite iocunditatem glorie uestre alleluia. gratias agentes deo. alleluia. qui uos ad celestia regna uocauit. alleluia. alleluia. alleluia.

(Ps.) Attendite popule meus legem meam. inclinate aurem uestram in uerba oris mei. (V.) Gloria.

(Oratio.)

5 **A**Dsit nobis quesumus domine uirtutis† spiritus sancti. que et corda nostra clementer expurget. et ab omnibus tueatur aduersis†. Per. in unitate eiusdem.

(lectio actuum apostolorum) [Act. viii. 14–27].

**I**N diebus illis: Cum audissent apostoli qui erant yerosolimis: quia recepit samaria uerbum dei. miserunt ad eos petrum  
10 et iohannem. Qui cum uenissent. orauerunt pro ipsis: ut acciperent spiritum sanctum. Nundum† enim in quenquam illorum uenerat. Sed baptizati tantum erant in nomine domini iesu. Tunc imponebant manus super illos. et accipiebant spiritum sanctum.

15 Alleluia. (V.) Spiritus sanctus docebit uos omnia† quecunque dixero uobis omnia†. alleluia. (V.) Ueni sancte spiritus.

(Secundum Iohannem) [Ioh. x. 1–10].

**I**N illo tempore: Dixit iesus discipulis suis. Amen amen  
20 dico uobis. qui non intrat per hostium in ouile ouium: sed ascendit aliunde ille fur est et latro. Qui autem intrat per hostium. pastor est ouium huic hostiarius aperit: et oues uocem eius audiunt. Et proprias oues uocat nominatim. et educit eas. Et cum proprias oues emiserit. ante eas uadit: et oues illum sequuntur: quia sciunt uocem eis. Alienum  
25 autem non sequuntur: sed fugiunt ab eo. quia non nouerunt uocem alienorum hoc prouerbiu dixit eis iesus. Illi autem non cognouerunt: quid loqueretur eis. Dixit ergo eis iterum iesus. Amen amen. dico uobis quia ego sum hostium ouium. Omnes quot quot ante me uenerunt fures sunt et latrones:  
30 sed non audierunt eos oues. Ego sum hostium. Per me si quis introierit saluabitur et ingredietur et egredietur. et pascua inueniet. Fur non uenit nisi ut furetur. et mactet et perdat. Ego ueni ut uitam habeant. et abundantius habeant.

(Offertorium.) Portas celi aperuit dominus et pluit illis manna ut  
35 ederent. panem celi dedit eis. panem angelorum manducauit homo. alleluia.

(Secreta.)

**P**URificet nos quesumus domine muneris presentis oblatio et dignos sacra participatione efficiat. Per.

40 (Communio.) Spiritus qui a patre procedit. alleluia. ille me clarificabit. alleluia. alleluia.

(Post communio.)

Mentes nostras quesumus domine. spiritus sanctus  
 diuini replet sacramentis. quia ipse est [fo. 97b.  
 remissio omnium peccatorum. Per. in unitate eiusdem.

FERIA QUARTA.

*Statio ad sanctam mariam maiorem.*

(Introitus.)

DEus dum egredieris coram populo tuo. alleluia. iter faciens eis.  
 alleluia. habitans in illis. alleluia. alleluia.

(V.) Exurgat deus et discipentur inimici eius. et fugiant qui  
 oderunt eum a facie eius. (V.) Gloria.

Oremus et non dicitur flectamus genua leuate.

(Oratio.)

Mentes nostras quesumus domine paraclitus qui a te  
 procedit illuminet: et inducat in omnem sicut tuus  
 promissit filius ueritatem. Qui tecum in unitate eiusdem.

(lectio actuum apostolorum) [Act. ii. 14-21].

IN diebus illis: Stans petrus cum undecim. leuauit uocem  
 suam et locutus est eis. Uiri iudei et qui habitatis  
 yerusalem uniuersi: hoc notum uobis sit et auribus percipite  
 uerba mea. Non enim sicut uos estimatis: hi ebrii sunt: cum  
 sit hora diei tertia. Sed hoc est quod dictum est. per  
 prophetam ioel. Et erit in nouissimis diebus dicit dominus:  
 effundam de spiritu meo super omnem carnem et prophetabunt  
 filii uestri et filie uestre. Iuuenes uestri uisiones uidebunt. et  
 seniores uestri somnia somniabunt. Et quidem super seruos  
 meos. et super ancillas meas in diebus illis effundam de spiritu  
 meo et prophetabunt. Et dabo prodigia in celo sursum. et  
 signa in terra deorsum. sanguinem et ignem. et uaporem  
 fumi. Sol conuertetur in tenebras: et luna in sanguinem  
 ante quam ueniat dies domini magnus et manifestus. Et  
 erit omnis quicumque inuocauerit nomen domini saluus erit.

alleluia. (V.) Uerbo domini celi firmati sunt et spiritu oris  
 eius omnis uirtus eorum.

*Hic dicitur.* Gloria in excelsis deo.*Postea sequitur.* Dominus uobiscum.

(Oratio.)

PREsta quesumus omnipotens deus ut spiritus sanctus  
 adueniens templum nos glorie sue dignanter in habitando  
 perficiat. Per in unitate eiusdem.

*Ab hac die usque ad dominicam sequentem post orationem diei dicitur oratio. Ecclesie tue. uel Deus omnium fidelium.*

*(lectio actuum apostolorum)* [Act. v. 12–16].

IN diebus illis : Per manus autem apostolorum fiebant signa  
 5 et prodigia multa in plebe : et erant unanimiter omnes  
 in porticu salomonis. Ceterorum autem nemo audebat se  
 coniungere illis : sed magnificabat eos populus. Magis autem  
 augebatur credentium in domino multitudo uirorum ac  
 10 mulierum. ita ut in plateas eicerent infirmos et ponerent in  
 lectulis et grabatis ut ueniente petro saltem umbra illius  
 obumbraret quemquam illorum. et liberarentur ab infirmi-  
 tatibus suis. Concurrebant autem multitudo uicinarum  
 ciuitatum yerusalem : afferentes egros et uexatos a spiritibus  
 immundis : qui curabantur omnes.

15 alleluia. (V.) Ueni sancte spiritus.

*(Secundum Iohannem)* [Ioh. vi. 44–52].

IN illo tempore : Dixit iesus discipulis eius. Nemo potest  
 uenire ad me. nisi pater qui misit me traxerit eum : Et  
 ego resuscitabo eum in nouissimo die. Est /scriptum [fo. 98.  
 20 in prophetis. Et erunt omnes docibiles dei. Omnis qui  
 audiuit a patre. et didicit uenit ad me. Non quia patrem  
 uidit quisquam. nisi is qui est adeoꝝ. hic uidit patrem. Amen  
 amen dico uobis : qui credit in me habet uitam eternam.  
 Ego sum panis uite. Patres uestri. manducauerunt manna  
 25 in deserto et mortui sunt. hic est panis de celo descendens ut  
 si quis ex ipso manducauerit. non moriatur. Ego sum panis  
 uiuus : qui de celo descendi. Si quis manducauerit ex hoc  
 pane uiuet in eternum. Et panis quem ego dabo : caro mea  
 est. pro mundi uita.

30 (*Offertorium.*) Meditabor in mandatis tuis que dilexi ualde. et  
 leuabo manus meas ad mandata tua que dilexi.

*(Secreta.)*

Accipe quesumus domine munus oblatum et dignanter  
 operare : ut quod misteriis agimus piis effectibus cele-  
 35 brems. Per.

*(Communio.)* Pacem meam do uobis. alleluia. pacem relinquo  
 uobis. alleluia. alleluia.

*(Post communio.)*

40 Sumentes domine celestia sacramenta. quesumus clemen-  
 tiam tuam. ut quod ore temporaliter gerimus : eternis  
 gaudiis consequamur. Per.

## FERIA QUINTA.

*Statio ad sanctum laurentium.**Offitium misse et orationes resumuntur de die pentecostes.**(Introitus.)*

5 Spiritus domini.

*(Oratio.)*Deus qui hodierna die *et cetera.**(lectio actuum apostolorum)* [Act. viii. 5-9].

10 **I**N diebus illis : philippus descendens in ciuitatem samarie :  
 predicabat illis christum. Intendebant autem turbe his  
 que a philippo dicebantur unanimiter : audientes et uidentes  
 signa que faciebat. Multi enim eorum qui habebant spiritus  
 immundos. clamantes uoce magna. exhibant. Multi autem  
 paralitici et claudi : curati sunt. Factum est autem gaudium  
 15 magnum in illa ciuitate.

*(Secundum lucam)* [Luc. ix. 1-6].

**I**N illo tempore : Conuocatis iesus duodecim apostolis dedit  
 illis uirtutem et potestatem super omnia demonia : et ut  
 langores curarent. Et misit illos predicare regnum dei : et  
 20 sanare infirmos. Et ait ad illos. Nichil tuleritis in uia  
 neque uirgam neque peram. neque panem neque pecuniam.  
 neque duas tunicas habeatis Et in quamcumque domum  
 intraueritis. ibi manete et inde ne exeatis Et quicumque  
 non receperint uos. exeuntes de ciuitate illa. etiam puluerem  
 25 pedum uestrorum excutite in testimonium supra illos.  
 Egressi autem circuibant per castella : euangelizantes et  
 curantes ubique.

## FERIA SEXTA.

*Statio ad sanctos duodecim apostolos.**(Introitus.)*

0 **R**Epleatur os meum laude tua alleluia. ut possim cantare. alleluia.  
 gaudebunt labia mea dum cantauero tibi alleluia. alleluia.  
 (Ps.) In te domine speraui non confundar in eternum. in iustitia  
 tua. libera me et eripe me. (V.) Gloria.

*(Oratio.)*

5 **D**A quesumus ecclesie tue misericors deus : ut spiritu sancto  
 congregata. hostili nullatenus in cursione turbetur. Per  
 in unitate eiusdem.

(*lectio Iohelis prophete*) [Ioel ii. 23, 24, 26, 27].

**H**Ec dicit dominus deus. Exsultate filie syon. et letamini in domino deo uestro: quia dedit uobis doctorem iusticie. /et descendere faciet ad uos ymbrem matu- [fo. 98b.  
5 tinum et serotinum. sicut a principio. Et implebuntur ora uestra frumento. et redundabunt torcularia uino et oleo. Et comedetis uescentes et saturabimini. et laudabitis nomen domini dei uestri qui fecit uobiscum mirabilia. Et non confundetur populus meus in sempiternum: et sciatis quia  
10 in medio. ysrael ego sum. Et ego dominus deus uester: et non est amplius et non confundetur populus meus in eternum. Ait dominus omnipotens.

alleluia. (V.) O quam bonus et suauis est domine spiritus tuus in nobis. alleluia. (V.) Ueni sancte spiritus.

15 (*Secundum lucam*) [Luc. v. 17-26].

**I**N illo tempore. Factum est in una dierum et iesus sedebat docens. Et erant pharisei sedentes et legis doctores: qui uenerant ex omni castello iudee. et galilee. et yerusalem. et uirtus domini erat ad sanandum eos. Et ecce uiri portantes  
20 in lecto hominem qui erat paraliticus. et querebant eum inferre et ponere ante eum. Et non inuenientes qua parte illum inferrent pre turba: ascenderunt supra tectum: et per tegulas submiserunt illum. cum lecto in medium ante iesum. Quorum fidem ut uidit dixit: Homo remittuntur tibi peccata tua  
25 Et ceperunt cogitare scribe et pharisei dicentes. Quis est hic qui loquitur blasphemias? Quis potest dimittere peccata nisi solus deus? Ut cognouit autem iesus cogitationes eorum respondens dixit ad illos. Quid cogitatis mala in cordibus uestris? Quid est facilius dicere dimittuntur tibi peccata tua.  
30 an dicere. surge et ambula? Ut sciatis autem quia filius hominis habet potestatem in terra. dimittendi peccata: ait paralitico. Tibi dico surge. tolle lectum tuum et uade in domum tuam. Et confestim surgens coram illis. tulit lectum in quo iacebat: et abiit in domum suam magnificans deum  
35 Et stupor apprehendit omnes: et magnificabant deum. Et repleti sunt timore dicentes: quia uidimus mirabilia hodie.

(*Offertorium.*) Lauda anima mea dominum. laudabo dominum in uita mea. psallam deo meo quam diu ero. alleluia.

(*Secreta.*)

40 **S**acrificia domine tuis oblata conspectibus. ignis ille diuinus assumat: qui discipulorum christi filii tui per spiritum sanctum corda succendit. Per eundem. In unitate eiusdem.

(*Communio.*) Non uos relinquam orphanos ueniam ad uos iterum et gaudebit cor uestrum. alleluia. alleluia.

(Post communio.)

Sumpsimus domine sacri dona misterii. humiliter deprecantes: ut que in tui commemoratione nos facere precepisti: in nostre proficiant infirmitatis auxilium. Qui uiuis et.

SABBATO.

*Statio ad sanctum petrum.*

(Introitus.)

Caritas dei diffusa est in cordibus uestris alleluia. per inhabitantem spiritum eius in uobis. alleluia. alleluia.

(Ps.) Benedic anima mea domino et omnia que intra me sunt nomini sancto eius. (N.) Gloria.

*Orationes subscriptæ dicuntur sine* Flectamus genua le[uate].

(Oratio.)

Mentibus nostris quesumus domine spiritum sanctum benignus infunde. cuius et sapientia/ conditi [fo. 99.] sumus et prouidentia gubernamur. Per in unitate eiusdem.

*Prophetia prima.*

(lectio Iohelis prophete.) [Ioel ii. 28.]

Hec dicit dominus deus: Effundam de spiritu meo super omnem carnem et prophetabunt filii uestri et filie uestre. Senes uestri somnia somniabunt. et iuuenes uestri uisiones uidebunt. Sed et super seruos meos et ancillas meas in diebus illis effundam de spiritu meo et dabo prodigia in celo sursum. et signa in terra deorsum. sanguinem et ignem et uaporem fumi. Sol conuertetur in tenebras. et luna in sanguinem. ante quam ueniat dies domini magnus et horribilis et erit: Omnis quicumque inuocauerit nomen domini saluus erit.

Alleluia. (N.) Spiritus est qui uiuificat caro autem non prodest quicquam.

(Oratio.)

Ilo nos igne quesumus domine spiritus sanctus inflammet. quem dominus noster iesus christus misit in terram. et uoluit uehementer accendi. Qui tecum. In unitate eiusdem.

*Prophetia secunda.*

(Lectio libri leuitici) [Leuit. xxiii. 9-11, 15-17, 20, 21].

IN diebus illis: Locutus est dominus ad moysen dicens Loquere filiis ysrael: et dices ad eos. Cum ingressi fueritis terram quam dabo uobis: et messueritis segetem

feretis manipulos spicarum primitias messis uestre ad sacerdotem. Qui eleuabit fasciculum coram domino: ut acceptabile sit pro uobis altera die sabbati et sanctificabit illum. Numerabit ergo ab ipso die in quo obtulistis manipulos primitiarum  
 5 septem ebdomadas plenas. usque ad alterum diem expletionis ebdomade septime. et sic offereretis sacrificium nouum domino. ex omnibus habitaculis uestris. Panes primitiarum duos. de duabus decimis simile quos eleuabit sacerdos coram domino. Cumque eleuauerit eos sacerdos cum panibus primitiarum  
 10 coram domino. cedent in usum eius: et uocabitis hunc diem celeberrimum atque sanctissimum. Omne opus seruale non facietis in eo legiptimum† sempiternum erit in cunctis habitaculis et generationibus uestris. Dicit dominus omnipotens.

alleluia. (V.) Spiritus eius ornauit cclos.†

15 (Oratio.)

**D**Eus qui ad animarum medelam ieiunii deuotione castigari corpora precepisti: concede nobis propitius. et mente et corpore semper tibi esse deuotos. Per.

*Prophetia tertia.*

20 (lectio libri deuteronomij) [Deut. xxvi. 1-3, 7-11].

**I**N diebus illis: Dixit moyses. Audi ysrael que ego precipio tibi hodie. Cum intraueris terram quam dominus deus tuus tibi daturus est possidendam. et obtinueris eam atque habitaueris in ea. tolles de cunctis frugibus tuis  
 25 primitias. et pones in cartallo. pergesque ad locum quem dominus deus tuus elegerit: ut ibi inuocetur nomen eius. accedesque ad sacerdotem qui fuerit in diebus illis et dices ad eum. Profiteor hodie coram domino deo tuo. quia exaudiuit nos: et respexit humilitatem nostram et laborem atque  
 30 angustias et eduxit nos de egypto in manu forti et brachio extento/ ingentique pauore. insignis† atque portentis. [fo. 99b. et introduxit ad locum istum. et tradidit nobis terram lacte et melle manantem. Et idcircho† nunc offero primitias frugum terre quam dominus deus tuus dedit michi. Et dimittes  
 35 eas in conspectu domini dei tui: et adorato domino deo tuo. epulaberis in omnibus bonis. que dominus deus tuus dederit tibi.

alleluia. (V.) Dum complerentur dies pentecostes erant omnes pariter dicentes.

40 (Oratio.)

**P**Resta quesumus omnipotens deus ut salutaribus ieiuniis eruditi: ab omnibus etiam uiciis abstinentes propitiationem tuam facilius impetremus. Per.



*Prophetia quarta.**(lectio libri leuitici.)* [Leuit. xxvi. 3-12.]

**I**N diebus illis : Dixit dominus ad moysen. Si in preceptis  
 meis ambulaueritis et mandata mea custodieritis et  
 5 feceritis ea : dabo uobis pluuias temporibus suis et terra  
 gignet germen suum : et pomis arbores replebuntur. Appre-  
 hendet messium tritura uindemiam. et uindemia occupabit  
 sementem. Et comedetis panem uestrum in saturitate : et  
 absque pauore habitabitis in terra uestra. Dabo pacem in  
 10 finibus uestris. dormietis. et non erit qui exterreat. Auferam  
 malas bestias a uobis. et gladius non transibit terminos  
 uestros. Persequemini inimicos uestros : et corruent coram  
 uobis. Persequentur quinque de uestris centum alienos : et  
 centum ex uobis decemmilìa. Cadent inimici uestri : in  
 15 conspectu† uestro gladio. Respiciam uos et crescere faciam  
 Multiplicabimini : et firmabo pactum meum uobiscum. Et  
 comedetis uetustissima ueterum et nouis superuenientibus  
 uetera. proicietis Ponam tabernaculum in medio uestri : et  
 non abiciet uos ultra anima mea. Ambulabo inter uos et  
 20 ero uester deus. uosque eritis populus meus. Dicit dominus  
 omnipotens.

alleluia. (V.) Ueni sancte spiritus et cetera.

*(Oratio.)*

**P**Resta quesumus omnipotens deus : sic nos ab epulis carna-  
 5 libus abstinere : ut a uitiiis irruentibus pariter ieunemus.  
 Per.

*Prophetia quinta.**(lectio danielis prophete.)* [Dan. iii. 49.]

**I**N diebus illis Angelus domini descendit. *Require in*  
 0 *sabbato quattuor temporum de aduentu.* [p. 11.]

alleluia. (V.) Benedictus es domine deus patrum nostrorum et  
 laudabilis in secula.

*finito uersu dicitur.* Gloria in excelsis deo.

*sequitur.* Dominus uobiscum.

*(Oratio.)*

**D**Eus qui tribus pueris mittigasti flammam ignium : concede  
 propitius ut nos famulos tuos non exurat flamma  
 uitiorum. Per.

*(Ad romanos.)* [Rom. v. 1-5.]

**F**Ratres. Iustificati igitur ex fide : pacem habeamus ad  
 deum. per dominum nostrum iesum christum. per quem  
 et accessum habemus per fidem in gratiam istam in qua

stamus. et gloriamur in spe glorie filiorum dei. Non solum autem sed gloriamur in tribulationibus scientes quia tribulatio patientiam operatur. patientia autem probationem. probatio uero spem. Spes autem non confundit: quia caritas dei  
 5 diffusa est in cordibus uestris. Per/ spiritum sanc- [fo. 100.  
 tum qui datus est uobis.

(*Tractus.*)

**L** Audate dominum omnes gentes et collaudate eum omnes populi.  
 10 (*V.*) Quoniam confirmata est super nos misericordia eius. et ueritas domini manet in eternum.

*Postea sequitur sequentia.* Sancti spiritus.

(*Secundum lucam.*) In illo tempore: Surgens iesus de synagoga. *Require in feria quinta post dominicam tertiam quadragesime.* [p. 92.]

15 (*Offertorium.*) Domine deus salutis mee. in die clamaui et nocte coram te. intret oratio mea in conspectu tuo domine. alleluia.

(*Secreta.*)

**U**T accepta tibi sint domine nostra ieiunia. presta nobis quesumus huius munere sacramenti purificatum tibi  
 20 pectus offerre Per.

(*Communio.*) Spiritus ubi uult spirat. et uocem eius audis alleluia. sed nescis unde ueniat aut quo uadat. alleluia. alleluia.

(*Post communio.*)

25 **P**Rebeant nobis domine diuinum tua sancta feruorem quorum pariter et actu delectemur et gustu. Per.

(IN FESTO TRINITATIS.)

(*Introitus.*)

30 **B**enedicta sit sancta trinitas atque in diuisa unitas. confitebimur ei. quia fecit nobiscum misericordiam suam.

(*Ps.*) Benedicamus patrem et filium cum sancto spiritu. laudemus et super exaltemus eum in secula. (*V.*) Gloria.

(*Oratio.*)

35 **O**Mnipotens sempiterne deus qui dedisti famulis tuis in confessione uere fidei eterne trinitatis gloriam agnoscere. et in potentia maiestatis adorare unitatem quesumus: ut eiusdem fidei firmitate. ab omnibus semper muniamur aduersis. Per.

(*Ad corinthios*) [2 Cor. xiii. 11, 13].

**F**Ratres : Gaudete. Perfecti estote. exortamini idem sapite.  
pacem habete. et deus pacis erit uobiscum. Gratia  
domini nostri iesu christi. et caritas dei. et communicatio sancti  
5 spiritus. sit cum omnibus. uobis. Amen.

(*Graduale.*) Benedictus es domine qui intueris abyssos et sedes  
super cherubin. (*V.*) Benedictus es domine in firmamento celi†. et  
laudabilis in secula alleluia. (*V.*) Benedictus es domine deus patrum  
nostrorum. et laudabilis in secula. (*V.*) Qualis pater talis filius  
0 talis spiritus sanctus.

(*Oratio†.*)

**T**Rinitas unitas deitas  
summa  
maiestas potestas claritas eterna.  
5 Lapis mons petra. fons fluuium pons  
semina†.  
Sol lumen et numen cacumen et uite  
ianua.  
Tu uectes† et apes†  
0 legum lex. regum rex.  
tu es spes angelica.  
Tu theos et agios  
nitens flos diues pons†  
rege nos salua nos.  
5 produc nos ad thronos supernos.  
Tu deus. tu uerus.  
tu iustus tu sumus.  
tu bonus dominus  
tibi sit gloria  
0 in excelsis. Amen.

(*Secundum iohannem*) [Ioh. xvi. 4].

**I**N illo tempore: Dixit iesus discipulis suis. Cum uenerit  
paraclitus quem ego mittam uobis a patre. spiritum  
ueritatis. qui a patre procedit. ille testimonium perhibebit de  
5 me. Et uos testimonium perhibebitis quia ab initio mecum  
estis. Hec locutus sum uobis ut non scandalixemini†. absque  
synagogis facient uos. Sed uenit hora: ut omnis qui inter-  
ficit uos: arbitretur obsequium se prestare/ deo: [fo. 100b.  
Et hec facient uobis. quia non nouerunt patrem neque me  
0 Et hec locutus sum uobis: ut cum uenerit hora eorum remi-  
niscamini: quia ego dixi uobis.

(*Offertorium.*) Benedictus sit deus pater unigenitusque dei filius.  
sanctus quoque spiritus: quia fecit nobiscum misericordiam suam.

(Secreta.)

SANctifica quesumus domine deus noster per tui nominis inuocationem. huius oblationis hostiam : et per eam nos metipsos tibi perface munus eternum. Per.

5 *Prephatio.* Eterne deus. Qñ† cum unigenito.

*Communio.* Benedicimus deum celi et coram omnibus uiuentibus confitebimur ei quia fecit nobiscum† misericordiam suam.

(Post communio.)

10 PROFiciat nobis ad salutem corporis et anime domine deus noster huius sacramenti susceptio. et sempiterna sancte trinitatis eiusdemque in diuidue unitatis confessio. Per.

## DOMINICA PRIMA POST PENTECOSTEN.

(Introitus.)

15 DOMine in tua misericordia speraui exultauit cor meum in salutari tuo. cantabo domino qui bona tribuit michi.

(Ps.) Usque quo domine obliuisceris me in finem. usque quo auertis faciem tuam a me. (V.) Gloria patri et filio.

(Oratio.)

20 DEus in te sperantium fortitudo adesto propitius inuocationibus nostris : et quia sine te nichil potest mortalis infirmitas presta auxilium gratie tue : ut in exequendis mandatis tuis : et uoluntate tibi et actione placeamus. Per.

(Epistola beati Iohannis apostoli) [I Ioh. iv. 8-21].

25 CARissimi : Deus caritas est In hoc apparuit caritas dei in nobis. quoniam filium suum unigenitum misit deus in mundum. ut uiuamus per eum. In hoc est caritas. non quasi nos dilexerimus deum. sed quoniam ipse prior dilexit nos. et misit filium suum propitiationem pro peccatis nostris. Karissimi si sic deus dilexit nos et nos debemus inuicem  
30 diligere. Deum nemo uidit unquam. Si diligamus inuicem. deus in nobis manet. et caritas eius in nobis perfecta est. In hoc intelligimus qui(a)<sup>1</sup> in eo inanemus : et ipse in nobis quoniam de spiritu suo dedit nobis. Et nos uidimns† et testificamur. quoniam pater misit filium suum saluatorem  
35 mundi. Quisquis confessus fuerit. quoniam iesus est filius dei : deus in eo manet : et ipse in deo. Et nos cognouimus et credimus caritati : quoniam<sup>2</sup> habet deus in nobis. Deus caritas est. Et qui manet in caritate : in deo manet et deus in eo : In hoc perfecta est caritas dei nobiscum : ut fiduciam habea-

<sup>1</sup> The final a has been added by hand in black.

<sup>2</sup> Quoniam is printed but altered by hand to quam.

mus in die iudicii : quia sicut ille est. ita et nos sumus in hoc mundo. Timor non est in caritate : sed perfecta caritas foras mittit timorem. quoniam timor penam habet. Qui autem timet : non est perfectus in caritate. Nos ergo diligamus deum : quoniam deus prior dilexit nos. Si quis dixerit quoniam diligo deum : et fratrem suum oderit mendax est. Qui enim non diligit fratrem suum quem uidet deum quem non uidet quomodo potest diligere? Et hoc mandatum habemus a deo : ut qui diligit/ deum. diligit et [fo. 101. fratrem suum.

(*Graduale.*) Ego dixi domine miserere mei. sana animam meam quia peccaui tibi. [V.] Beatus uir qui diligit super egenum et pauperem. in die mala liberabit eum dominus

Alleluia. (V.) Uerba mea auribus percipe. domine. intellige clamorem meum.

(*Secundum lucam*) [Luc. vi. 36-42].

**I**N illo tempore : Dixit iesus discipulis suis. Estote misericordes : sicut et pater uester misericors est. Nolite iudicare et non iudicabimini. Nolite condemnare. et non condemnabimini. Dimittite : et dimittimini. Date : et dabitur uobis. Mensuram bonam et confertam. et coagitatam et super effluentem. dabunt in sinum uestrum. Eadem quippe mensura. qua mensi fueritis. remetietur uobis Dicebat autem illis : et similitudinem Nunquid potest cecus cecum ducere? Non ne ambo in foueam cadunt? Non est discipulus super magistrum. Perfectus autem omnis erit. si sit sicut magister eius. Quid autem uides festucam in oculo fratris tui trabem autem que in oculo tuo est non consyderas. Aut quomodo poteris dicere fratri tuo. frater sine eiciam festucam de oculo tuo. ipse trabem in oculo tuo non uides? Ypocrita eice primum trabem de oculo tuo et tunc perspicies. ut educas festucam de oculo fratris tui.

(*Offertorium.*) Intende uoci orationis mee rex meus et deus meus quoniam ad te orabo domine.

(*Secreta.*)

**H**ostias nostras domine tibi dicatas. quesumus placatus assume. et ad perpetuum nobis tribue prouenire subsidium. Per.

(*Communio.*) Narrabo omnia mirabilia tua domine letabor et exultabo in te psallam nomini tuo altissime.

(*Post communio.*)

**T**antis domine repleti muneribus : presta quesumus ut et salutaria dona capiamus. et a tua nunquam laude cessemus. Per.

(IN FESTO GLORIOSISSIMI CORPORIS CHRISTI

*Introitus.*)

**C**ibauit eos ex adipe frumenti alleluia. et de petra melle saturauit  
eos alleluia. alleluia. alleluia.

5 (Ps.) Exultate deo adiutori nostro. iubilate deo yacob. (V.)  
Gloria patri et filio et spiritui sancto.

*(Oratio.)*

**D**eus qui nobis sub sacramento mirabili. passionis tue  
memoriam reliquisti. tribue quesumus ita nos corporis  
10 et sanguinis tui sacra ministeria† uenerari. ut tue redemptionis  
fructum in nobis iugiter sentiamus. Qui uiuis.

*(Ad corinthios)* [I Cor. xi. 23–29].

**F**ratres. Ego accepi enim a domino quod et tradidi uobis.  
Quoniam dominus iesus christus in qua nocte tradebatur  
15 accepit panem. et gratias agens fregit et dixit. Accipite et  
manducate : hoc est corpus meum quod pro uobis tradetur. hoc  
facite in meam commemorationem. Similiter et calicem :  
postquam cenauit dicens. Hic calix nouum testamentum est  
in meo sanguine. hoc facite quotienscumque sumitis in  
20 meam commemorationem. Quotienscumque enim manduca-  
bitis panem hunc et calicem bibetis. mortem domini an-  
nuntiabitis donec ueniat. Itaque quicumque manducauerit  
panem/ hunc uel biberit calicem domini indigne. reus [fo. 101b.  
crit corporis et sanguinis domini. Probet autem seipsum  
25 homo. et sic de pane illo edat et de calice bibat. Qui enim  
manducat et bibit indigne : iudicium sibi manducat et bibit.  
non diiudicans corpus domini.

*(Graduale.)* Oculi omnium in te sperant domine et tu das escam  
illis in tempore opportuno. (V.) Aperis tu manum et imples omne  
30 animal benedictione. alleluia. (V.) Caro mea uere est cibus. et san-  
guis meus uere est potus. qui manducat meam carnem et bibit meum  
sanguinem in me manet et ego in eo.

*(Sequentia.)*

**L**auda syon saluatorem  
35 lauda ducem et pastorem  
in hymnis et canticis.  
Quantum potes tantum aude.  
quia maior omni laude :  
nec laudare sufficis.  
40 Laudis thema spetialis.  
panis uiuus et uitalis  
hodie proponitur.

Quem in sacre mensa cene.  
turbe fratrum duodene  
datum non ambigitur.  
Sit laus plena sit sonora.  
sit iocunda sit decora.  
mentis iubilatio.  
Dies enim sollemnis agitur.  
in qua mense prime recolitur.  
huius institutio.  
In hac mensa noui regis  
nouum pasca noue legis  
phassee uetus terminat.  
Uetustatem nouitas.  
umbram fugat ueritas  
noctem lux illuminat†.  
Quod in cena christus gessit  
faciendum hoc expressit  
in sui memoriam.  
Docti sacris institutis  
panem uiuum† in salutis  
consecramus hostiam.  
Dogma datur christianis.  
quod in carnem transit panis  
et uinum in sanguinem  
Quod non capis quod non uides.  
animosa firmat fides.  
preter rerum ordinem.  
Sub diuersis speciebus  
signis tantum et non rebus.  
latent res eximie.  
Caro cibus sanguis potus.  
manet tamen christus totus  
sub utraque specie.  
Assummente non concisus.  
non confractus nec diuisus  
integer accipitur.  
Sumit unus sumunt mille.  
quantum isti tantum ille  
nec sumptus consumitur.  
Sumunt boni sumunt mali  
sorte tamen inequali :  
uite uel interitus.  
Mors est malis uita bonis  
uide paris sumptionis  
quam sit dispar exitus.

Fracto demum sacramento  
 ne uacilles sed memento  
 tantum esse sub fragmento  
 quantum toto tegitur  
 5 Nulla rei fit scissura  
 signi tantum fit fractura.  
 qua nec status nec statura  
 signati minuitur.  
 10 Ecce panis angelorum  
 factus cibus uiatorum.  
 uere panis filiorum.  
 non mittendus canibus.  
 In figuris presignatur.  
 cum isaac immolatur.  
 15 agnus pasce deputatur  
 datur manna patribus  
 Bone pastor panis uere.  
 iesu nostri misere†  
 tu nos pasce nos tuere  
 20 tu nos bona fac uidere  
 in terra uiuentium.  
 Tu qui cuncta scis et uales  
 qui nos pascis hic mortales.  
 tu es† ibi comesales†  
 25 coheredes et sodales  
 fac sanctorum ciuium. Amen.

(*Secundum Iohannem*) [Ioh. vi. 56–59].

IN illo tempore: Dixit iesus discipulis suis. et turbis iudeorum. Caro mea uere est cibus et sanguis meus uere  
 30 est potus. Qui manducat meam carnem et bibit meum sanguinem. in me manet et ego in eo. Sicut misit me uiuens pater. et ego uiuo propter patrem Et qui manducat me ipse uiuit propter me. Hic est panis qui de celo/ descendit. [fo. 102.  
 Non sicut manducauerunt patres uestri manna et mortui sunt.  
 35 Qui manducat hunc panem uiuet in eternum:

(*Offertorium.*) Sacerdotes domini incensum et panes offerunt deo. et ideo sancti erunt deo suo. et non polluent nomen eius, alleluia.

(*Secreta.*)

40 ECclesie tue quesumus domine unitatis et pacis propitius  
 dona concede. que sub oblatiis muneribus mystice designantur. Per.

[*Prefatio.*] Quia per incarnati uerbi tui et cetera. Et dicitur usque per totam octauam inclusiue.



(*Communio.*) Quotiescumque manducabitis panem hunc et calicem bibetis mortem domini annuntiabitis donec ueniat. Itaque quicumque manducauerit panem hunc et biberit calicem domini indigne reus erit corporis et sanguinis domini. alleluia. alleluia.

(*Post communio.*)

**F**Ac nos quesumus domine diuinitatis tue sempiterna fruitione repleri : quam pretiosi corporis et sanguinis tui temporalis perceptio prefigurat. Qui uiuis et regnas.

DOMINICA SECUNDA POST PENTECOSTEN.

(*Introitus.*)

**F**Actus est dominus protector meus. et eduxit me in latitudinem saluum me fecit. quoniam uoluit me.

(*Ps.*) Diligam te domine fortitudo mea. dominus firmamentum meum et refugium meum et liberator meus. (*V.*) Gloria patri et filio.

(*Oratio.*)

**S**Ancti nominis tui domine timorem pariter et amorem. fac nos habere perpetuum : quia nunquam tua gubernatione destituis quos in soliditate tue dilectionis instituis. Per.

(*Epistola beati iohannis apostoli*) [I Ioh. iii. 13-18].

**C**Karissimi† : nolite mirari si odit uos mundus. Nos scimus quoniam translati sumus de morte ad uitam quoniam diligimus fratres. Qui non diligit : manet in morte. Omnis qui odit fratrem suum : homicida est. Et scitis : quoniam omnis homicida non habet uitam eternam in se manentem. In hoc cognouimus caritatem dei. quoniam ille pro nobis animam suam posuit et nos debemus pro fratribus animas ponere. Qui habuerit substantiam mundi huius. et uiderit fratrem suum necessitatem habere et clausit uiscera sua ab eo quomodo caritas dei manet in eo ? Filioli mei non diligamus uerbo neque lingua sed opere et ueritate.

(*Graduale.*) Ad dominum dum tribularer clamaui et exaudiuit me. (*V.*) Domine libera animam meam a labiis iniquis et a lingua dolosa. alleluia. (*V.*) Domine deus meus in te speraui saluum me fac ex omnibus persequentibus me libera me.

(*Secundam lucam*) [Luc. xiv. 16-24].

**I**N illo tempore dixit iesus discipulis suis paraoblam hanc Homo quidam fecit cenam magnam et uocauit multos. Et misit seruum suum hora cene : dicere inuitatis ut uenirent quia parata sunt omnia Et ceperunt omnes simul excusare. Primus dixit. Uillam emi et necesse habeo exire et uidere

illam. Rogo te habbe<sup>1</sup> me excusatum. Et alter dixit. Iuga boum emi quinque et eo probare illa. Rogo te habe me excusatum. Et alius dixit uxorem duxi: et ideo non possum uenire. Et reuersus seruus nuntiauit hec domino suo. Tunc  
 5 iratus pater familias: dixit seruo suo. Exi cito in plateas et uicos/ ciuitatis: et pauperes ac debiles. et cecos et [fo. 102b. claudos] introduc huc. Et ait seruus. Domine factum est ut imparasti† et ad[h]uc locus est. Et ait dominus seruo. Exi in uias et sepes. et compelle intrare ut impleatur domus mea:  
 10 Dico autem uobis: quod nemo uirorum illorum. qui uocati sunt gustabit cenam meam.

(*Offertorium.*) Domine conuertere et eripe animam meam et saluum me fac propter misericordiam tuam.

*Secreta.*

15 **O**blatio nos domine quesumus tuo nomini dicanda purificet et de die indiem ad celestis uite transferat actionem. Per.

(*Communio.*) Cantabo domino qui bona tribuit michi et psallam nomini domini a[l]tissimi.

(*Post communio.*)

20 **S**umptis muneribus sacris domine quesumus: ut cum frequentatione misterii crescat nostre salutis effectus. Per.

DOMINICA TERTIA POST PENTECOSTEN.

(*Introitus.*)

25 **R**espice in me et miserere mei domine. quoniam unicus et pauper sum ego uide humilitatem meam et laborem meum et dimitte omnia peccata mea deus meus.

(*Ps.*) Ad te domine leuaui animam meam deus meus in te confido non erubescam. (*V.*) Gloria patri et filio.

(*Oratio.*)

30 **P**rotector in te sperantium deus sine quo nichil est ualidum. nichil sanctum multiplica super nos misericordiam tuam: ut te rectore te duce. sic transeamus per bona temporalia: ut non amittamus eterna. Per.

(*epistola beati petri apostoli*) [I Pet. v. 6–11].

35 **C**arissimi: Humiliamini sub potenti manu dei. ut uos exaltet in tempore uisitationis. Omnem sollicitudinem uestram proicientes in eum quoniam ipsi cura est de uobis. Sobrii estote et uigilate: quia aduersarius uester diabolus tanquam leo rugiens: circuit querens quem deuoret. Cui

<sup>1</sup> Thus, for habe.

resistite fortes in fide. Scientes eandem passionem. ei que in mundo est uestre fraternitati fieri. Deus autem omnis gratie qui uocauit nos in eternam suam gloriam in christo iesu modicum passos. ipse perficiet. confirmabit solidabitque.

5 Ipsi gloria et imperium : in secula seculorum. Amen.

(*Graduale.*) Iacta cogitatum tuum in domino et ipse te enutriet.  
(*V.*) Dum clamarem ad dominum exaudiuit uocem meam ab his qui apropinquant michi. Alleluia. (*V.*) Deus iudex iustus fortis et patiens nunquid irascitur per singulos dies.

10 (*Secundam lucam*) [Luc. xv. 1-10].

**I**N illo tempore. Erant appropinquantes ad iesum publicani et peccatores. ut audirent illum. Et murmurabant pharisei et scribe dicentes. Quia hic peccatores recipit et manducat cum illis. Et ait ad illos parabolam istam dicens.  
15 Quis ex uobis homo qui habet centum oues. et si perdiderit unam ex illis. nonne dimittit nonaginta nouem in deserto. et uadit ad illam que perierat. donec inueniat illam? Et cum inuenerit eam: imponit in humeros suos gaudens. Et ueniens domum conuocat amicos et uicinos: dicens illis.  
20 Congratulamini michi. quia inueni ouem meam quam perdideram. Dico uobis quod ita gaudium erit in celo super uno peccatore penitentiam agente quam super nonaginta-nouem iustis qui non indigent penitentia. Aut que mulier habens dragmas/ decem. et si perdiderit dragmam [fo. 103.  
5 unam. nonne accendit lucernam et euertit domum et querit diligenter donec inueniat. Et cum inuenerit: conuocat amicas et uicinas dicens Congratulamini michi. quia inueni dragmam quam amiseram: Ita dico uobis. gaudium erit in celo coram angelis dei: super uno peccatore: penitentiam  
0 agente.

(*Offertorium.*) Sperent in te omnes qui uouerunt† nomen tuum domine. quoniam non derelinquis querentes te psallite domino qui habitat in syon quoniam non est oblitus orationem pauperum.

(*Secreta.*)

5 **R**espice domine quesumus munera supplicantis ecclesie et saluti credentium perpetua sanctificatione sumenda concede. Per.

(*Communio.*) Dico uobis gaudium est angelis dei super uno peccatore penitentiam agente.

(*Post communio.*)

**S**ancta tua nos domine sumpta uiuificent. et misericordie sempiternae preparent expiatis. Per dominum nostrum.

## DOMINICA QUARTA POST PENTECOSTEN.

(Introitus.)

**D**ominus illuminatio mea et salus mea quem timebo. dominus  
 15 defensor uite mee aquo† trepidabo. qui tribulant me inimici  
 mei infirmati sunt et ceciderunt.

(Ps.) Si consistent aduersum me castra non timebit cor meum.  
 (V.) Gloria.

(Oratio.)

**D**A nobis domine quesumus ut et mundi cursus pacifice  
 10 nobis tuo ordine dirigatur. et ecclesia tua tranquilla  
 deuotione letetur. Per.

(Ad Romanos) [Rom. viii. 18–23].

**F**Ratres. Existimo enim quod non sunt condigne passionēs  
 huius temporis : ad futuram gloriam. que reuelabitur in  
 15 nobis. Nam expectatio creature : reuelationem filiorum dei  
 expectat. Unitati enim creatura subiecta est non uolens :  
 sed propter eum qui subiecit eam in spe. Quia et ipsa  
 creatura liberabitur a seruitute corruptionis. in libertatem  
 glorie filiorum dei. Scimus enim quod omnis creatura  
 20 ingemiscit : et parturit usque ad huc. Non solum autem  
 illa : sed et nos ipsi primitias spiritus habentes. et ipsi intra  
 nos gemimus adoptionem filiorum dei expectantes redemp-  
 tionem corporis nostri. In christo iesu domino nostro.

(Graduale.) Propitius esto domine peccatis nostris. nequando  
 25 dicant gentes ubi est deus eorum. (V.) Adiuua nos deus deus  
 salutaris noster et propter honorem nominis tui domine libera nos.  
 alleluia. (V.) Deus qui sedes super tronum et iudicas equitatem.

(Secundum lucam) [Luc. v. 1–11].

**I**N illo tempore : Cum turbe irruerent in iesum ut audirent  
 30 uerbum dei : et ipse stabat secus stagnum genesareth.  
 Et uidit duas naues. stantes secus stagnum Piscatores  
 autem descenderant et lauabant retia. Ascendens autem in  
 unam nauim que erat symonis rogauit eum ut a terra  
 reduceret pusillum. Et sedens docebat de nauicula turbas.  
 35 Ut cessauit autem loqui : dixit ad symonem. Duc in altum.  
 et laxate retia uestra in capturam. Et respondens symon dixit  
 illi. Preceptor. per totam noctem laborantes nichil cepimus  
 in uerbo autem tuo laxabo rethe. Et cum hoc fecissent.  
 concluxerunt† piscium multitudinem copiosam. Rumpebatur  
 40 autem rethe eorum. /et annuerunt sociis qui erant in [fo. 103b.  
 alia naui ut uenirent et adiuuarent eos Et uenerunt et  
 impleuerunt ambas nauiculas : ita ut pene mergerentur.

Quod cum uideret symon petrus: procidit ad genua iesu  
 dicens. Exi a me. quia homo peccator sum domine: Stupor  
 enim† circumdederat eum: et omnes qui cum illo erant in  
 captura piscium quam ceperant. Similiter autem iacobum et  
 5 iohannem filios zebedei: qui erant socii symonis. Et ait ad  
 symonem iesus. Noli timere: ex hoc enim iam eris homines  
 capiens. Et subductis ad terram nauibus: relictis omnibus:  
 secuti sunt eum.

(*Offertorium.*) Illumina oculos meos ne unquam obdormiam in  
 10 morte. nequando dicat inimicus meus preualui aduersus eum

(*Secreta.*)

O Blationibus nostris quesumus domine placare susceptis  
 et ad te nostras etiam rebeles† compelle propitius  
 uoluntates Per.

15 (*Communio.*) Dominus firmamentum meum et refugium meum  
 et liberator meus. deus meus adiutor meus.

(*Post communio.*)

M isteria nos domine quesumus sumpta purificent et suo  
 munere tueantur. Per.

20 DOMINICA QUINTA POST PENTECOSTEN.

(*Introitus.*)

E Xaudi domine uocem meam qua clamaui ad te. adiutor meus  
 esto. ne derelinquas me neque despicias me deus salutaris  
 meus.

25 (*Ps.*) Dominus illuminatio mea et salus mea quem timebo.  
 (V.) Gloria patri et filio.

(*Oratio.*)

D Eus qui diligentibus te bona inuisibilia preparasti infunde  
 cordibus nostris tui amoris affectum: ut te in omnibus  
 30 et super omnia diligentes: promissiones tuas que omne  
 desiderium superant consequamur. Per.

(*epistola beati petri apostoli*) [1 Pet. iii. 8–15].

C Arissimi: Omnes unanimes in oratione estote compa-  
 tientes fraternitatis amatores. misericordes modesti.  
 35 humiles. Non redentes malum pro malo: uel maledictum  
 pro maledicto: sed e contrario benedicentes. Quia in hoc  
 uocati estis: ut benedictionem hereditate possideatis. Qui  
 enim uult uitam diligere et uidere dies bonos coerceat  
 linguam suam a malo. et labia eius ne loquantur dolum.  
 40 Declinet autem a malo. et faciat bonum. inquirat pacem. et

sequatur eam. Quia oculi domini super iustos et aures eius in preces eorum Uultus autem domini super facientes mala. Et quis est qui uobis noceat. si boni emulatores fueritis? Sed et si quid patimini propter iustitiam. beati. Timorem  
 5 autem eorum ne timueritis: ut non conturbemini? Dominum autem christum sanctificate in cordibus uestris.

(*Graduale.*) Protector noster aspice deus. et respice super seruos tuos. (*V.*) Domine deus uirtutum exaudi preces seruorum tuorum alleluia. (*V.*) Domine in uirtute tua letabitur rex et super salutare  
 10 tuum exultabit uehementer.

(*Secundum matheum*) [Mat. v. 20–24].

IN illo tempore. Dixit iesus discipulis suis. Amen dico uobis: nisi abundauerit iusticia uestra plusquam scribarum et phariseorum. non intrabitis in regnum celorum.  
 15 Audistis quia dictum est antiquis. Non occides. Qui autem occiderit. reus erit iudicio. Ego autem dico uobis: quia omnis/ qui irascitur fratri suo. reus erit iudicio. Qui [fo. 104. autem dixerit fratri suo racha. reus erit concilio Qui autem dixerit fatue. reus erit gehenne ignis. Si ergo offers munus  
 20 tuum ad altare. et ibi recordatus fueris quod frater tuus habet aliquid aduersum te. relinque ibi munus tuum ante altare: et uade prius reconciliari fratri tuo. Et tunc ueniens. offeres munus tuum.

(*Offertorium.*) Benedicam dominum qui tribuit michi intellectum. prouidebam dominum in conspectu meo semper. quoniam a dextris  
 25 est michi ne commouear.

(*Secreta.*)

PROPitiare domine supplicationibus nostris et has oblationes famulorum famularumque tuarum benignus assume:  
 30 ut quod singuli obtulerunt ad honorem nominis tui cunctis proficiat ad salutem Per.

(*Communio.*) Unam petii a domino hanc requiram ut in habitem† in domo domini omnibus diebus uite mee.

(*Post communio.*)

35 QUos celesti domine dono satiasti. presta quesumus: ut a nostris mundemur oculis et ab hostium liberemur insidiis. Per.

DOMINICA SEXTA POST PENTECOSTEN.

(*Introitus.*)

40 DOMinus fortitudo plebis sue. et protector saluationum christi sui est. saluum fac populum tuum domine et benedic hereditati tue et rege eos usque in seculum.

(*Ps.*) Ad te domine clamabo deus meus. ne sileas a me ne quando taceas a me. et assimilabor descendentibus in lacum. (*V.*) Gloria.

(*Oratio.*)

5 **D**Eus uirtutum cuius est totum quod est optimum inserere pectoribus nostris amorem tui nominis et presta in nobis religionis augmentum: ut que sunt bona nutrias ac pietatis studio que sunt nutrita custodias. Per.


(*Ad Romanos*) [Rom. vi. 3-11].

10 **F**Ratres: Quicumque baptizati sumus in christo iesu. in morte ipsius baptizati sumus. Consepulti enim sumus cum illo. per baptismum in mortem: ut quomodo surrexit christus a mortuis per gloriam patris. ita et nos in nouitate uite ambulemus. Si enim complantati facti sumus similitudinem mortis eius simul et resurrectionis erimus. Hoc  
15 scientes. quia uetus homo noster simul crucifixus est. ut destruat corpus peccati ut ultra non seruiamus peccato. Qui enim mortuus est. iustificatus est. a peccato Si autem mortui sumus cum cristo: credimus quia simul uiuemus cum  
20 ipso. Scientes quia christus resurgens a mortuis iam non moritur. mors illi ultra non dominabitur. Quod enim mortuus est peccato: mortuus est semel. Quod autem uiuit. uiuit deo. Ita et uos existimate uos mortuos quidem esse peccato. uiuentes autem deo. In christo iesu domino nostro.

25 (*Graduale.*) Conuertere domine aliquantulum. et deprecare super seruos tuos. (*V.*) Domine refugium factus es nobis a generatione et progenie. alleluia. (*V.*) In te domine speraui non confundar in eternum. in iusticia tua libera me et eripe me. inclina ad me aurem tuam accelera ut eripias me.

30 (*Secundum marcum*) [Mar. viii. 1-9].

**I**N illo tempore: Cum multa turba esset cum iesu. nec haberent quid manducarent. conuocatis discipulis ait illis Misereor super turbam: quia ecce iam triduo sustinet me nec habent quod manducent. Et si dimiserunt eos ieiunos [fo. 104b.  
35 in domum suam: deficient in uia. Quidam autem ex eis de longe uenerunt. Et responderunt ei discipuli sui. Unde istos poterit quis hic saturare panibus in solitudine? Et interrogauit eos. Quot panes habetis. Qui dixerunt. septem. Et precepit turbe. discumbere super terram. Et accipiens  
40 septem panes gratias agens fregit et dabat discipulis suis. ut apponerent. Et apposuerunt turbe. Et habebant pisciculos paucos: et ipsos benedixit et iussit apponi. Et manducauerunt: et saturati sunt: Et substulerunt quod superauerat de fragmentis septem sportas. Erant autem qui manducauerant. quasi quatuor millia: et dimisit eos.



(*Offertorium.*) Perfice gressus meos in semitis tuis. ut non moueantur uestigia mea. inclina aurem tuam et exaudi uerba mea. mirifica misericordias tuas qui saluos facis sperantes in te domine.

(*Secreta.*)

5 **P**ropitiare domine supplicationibus nostris. et has populi tui oblationes benignus assume. et ut nullius fit<sup>†</sup> irritum uotum nullius uacua postulatio. presta quesumus: ut quod fideliter petimus efficaciter consequamur.

(*Communio.*) Circuibo et immolabo in tabernaculo eius hostiam  
10 iubilationis cantabo et psalmum dicam domino.

(*Post communio.*)

**R**epleti domine muneribus tuis tribue quesumus. ut eorum emundemur effectum: et munia[mur] auxilio. Per.

#### DOMINICA SEPTIMA POST PENTECOSTEN.

15

(*Introitus.*)

**O**Mnes gentes plaudite manibus iubilate deo in uoce exultationis.

(*Ps.*) Quoniam dominus excelsus terribilis rex magnus super omnem terram. (*V.*) Gloria.

20

(*Oratio.*)

**D**eus cuius prouidentia in sui dispositione non fallitur te supplices exoramus: ut noxia cuncta submoueas. et omnia nobis profutura concedas. Per.

(*Ad Romanos*) [Rom. vi. 19–23].

25 **F**Ratres: Humanum dico. propter infirmitatem carnis uestre. Sicut enim exhibuistis membra uestra seruire immundicie et iniquitati ad iniquitatem: ita nunc exhibete membra uestra seruire iustitie in sanctificationem. Cum enim serui essetis peccati: liberi fuistis iustitie. Quem ergo fructum  
30 habuistis tunc in illis in quibus nunc erubescitis Nam finis illorum mors est. Nunc uero liberati a peccato: serui autem facti deo. habetis fructum uestrum in sanctificationem. finem uero uitam eternam. Stipendia enim peccati mors. Gratia autem dei uita eterna. in christo iesu domino nostro.

35 (*Graduale.*) Uenite filii audite me timorem domini docebo uos. (*V.*) Accedite ad eum et illuminamini et facies uestre non confundentur alleluia. (*V.*) Omnes gentes plaudite manibus iubilate deo in uoce exultationis.



(*Secundum matheum*) [Mat. vii. 15-21].

IN illo tempore : Dixit iesus discipulis suis. Atteudite† a falsis prophetis qui ueniunt ad uos in uestimentis ouium intrinsecus autem sunt lupi rapaces a fructibus eorum cognoscetis eos. Nunquid colligunt de spinis uuas aut de tribulis ficus. Sic omnis arbor bona fructus bonos facit. Mala autem arbor : fructus malos facit. Non potest arbor bona : fructus malos facere : neque arbor mala : fructus bonos facere. Omnis arbor que non facit fructum bonum exci- [fo. 105. detur et in ignem mittetur. Igitur ex fructibus eorum cognoscetis eos. Non omnis qui dicit michi domine domine : intrabit in regnum celorum. Sed qui facit uoluntatem patris mei qui in celis est ipse intrabit in regnum celorum.

(*Offertorium.*) Sicut in holocaustis arietum et thaurorum et sicut in milibus agnorum pinguum. sic fiat sacrificium nostrum in conspectu tuo hodie. ut placeat tibi quia non est confusio confidentibus in te domine.

(*Secreta.*)

DEus qui legalium differentiam hostiarum unius sacrificii perfectione sanxisti. accipe sacrificium a deuotis tibi famulis et pari benedictione sicut munera abel sanctifica : ut quod singuli obtulerunt ad maiestatis tue honorem. cunctis proficiat ad salutem. per.

(*Communio.*) Inclina aurem tuam accelera ut eruas me.

(*Post communio.*)

TUa nos domine medicinalis operatio : et a nostris peruersitatibus clementer expediat et ad ea que sunt recta perducatur. Per.

DOMINICA OCTAUA POST PENT[E]COSTEN.

(*Introitus.*)

SUScepimus deus misericordiam tuam in medio templi tui secundum nomen tuum deus ita et laus tua in fines terre iusticia plena est dextera tua.

(*Ps.*) Magnus dominus et laudabilis nimis in ciuitate dei nostri in monte sancto eius. (*V.*) Gloria.

(*Oratio.*)

LArgire nobis domine quesumus semper spiritum cogitandi que recta sunt propitius et agendi ut qui sine te esse non possumus : secundum te uiuere ualeamus. Per.

(*Ad Romanos*) [Rom. viii. 12-17].

**F**Ratres: Debitores sumus non carni: ut secundum carnem uiuamus. Si enim secundum carnem uixeritis moriemini. Si autem spiritu facta carnis mortificaueritis uiuetis. Quicumque [enim] spiritu dei aguntur. Hi filii dei sunt. Non enim accepistis spiritum seruitutis iterum in timore. sed accepistis spiritum adoptionis filiorum. in quo clamamus abba pater: Ipse enim spiritus testimonium reddit spiritui nostro. quod sumus filii dei. Si autem filii dei et heredes. Heredes quidem dei coheredes autem christi.

(*Graduale.*) Esto michi in deum protectorem et in locum refugii ut saluum me facias. (*V.*) Deus in te speraui domine non confundar in eterum† alleluia. (*V.*) Magnus dominus et laudabilis nimis in ciuitate dei nostri in monte sancto eius.

15 (*Secundum lucam*) [Luc. xvi. 1-9].

**I**N illo tempore: Dixit iesus discipulis suis parabolam hanc. Homo quidam erat diues qui habebat uillicum. et hic diffamatus est apud illum. quasi discipasset bona illius. Et uocauit illum: et ait illi. Quid hoc audio de te? Redde rationem uillicationis tue. Iam enim non poteris uillicare. Ait autem uillicus intra se. Quid faciam quia dominus meus aufert a me uillicationem? Fodere non ualeo. mendicare erubesco. Scio quid faciam ut cum amotus fuero a uillicatione recipiant me in domos suas. Conuocatis itaque singulis debitoribus domini sui: dicebat primo. Quantum debes domino meo? At ille dixit. Centum cados olei. Dixitque illi. Accipe cautionem tuam et sede cito et scribe† quinquaginta. Deinde alio dixit. Tu uero quantum [fo. 105b. debes? Qui ait. Centum choros tritici. Ait illi. Accipe litteras tuas et scribe octoginta. Et laudauit dominus uillicum iniquitatis: quia prudenter fecisset: quia filii huius seculi prudentiores filiis lucis in generatione sua sunt. Et ego dico uobis. Facite uobis amicos de mamona iniquitatis: ut cum defeceritis recipiant uos in eterna tabernacula.

35 (*Offertorium.*) Populum humilem saluum facies domine. et oculos superborum humiliabis. quoniam quis deus preter te domine.

(*Secreta.*)

**S**Uscipe munera quesumus domine. que tibi de tua largitate deferimus. ut hec sacrosancta misteria gratie tue operante uirtute. et presentis uite nos conuersatione sanctificent. et ad gaudia eterna perducant. Per.

(*Communio.*) Gustate et uidete quoniam suauis est dominus. beatus uir qui sperat in eo.

(Post communio.)

SIt nobis domine reparatio mentis et corporis celeste misterium: ut cuius exequimur actionem sentiamus effectum. Per.

DOMINICA OCTAUA<sup>1</sup> POST PENTECOSTEN.

(Introitus.)

E Cce deus adiuuat me. et dominus susceptor est anime mee auerte mala inimicis meis. et in ueritate tua disperde illos. protector meus domine.

(Ps.) Deus in nomine tuo saluum me fac. et in uirtute tua iudica me. (V.) Gloria.

(Oratio.)

P Ateant aures misericordie tue domine precibus supplicantium: et ut petentibus desiderata concedas: fac eos que tibi sunt placita postulare. Per.

(Ad corinthios) [I Cor. x. 6-13].

F Ratres: Non simus concupiscentes malorum sicut et illi concupierunt: neque ydolatre efficiamini. sic† quidam ex ipsis quemadmodum scriptum est. Sedit populus manducare et bibere: et surrexerunt ludere. Neque fornicemur sicut quidam ex ipsis fornicati sunt: ct† ceciderunt una die uigintitriamilia. Neque temptemus christum sicut quidam eorum temptauerunt et a serpentibus perierunt. Neque murmuraueritis: sicut quidam eorum murmurauerunt: et perierunt ab exterminatore. Hec autem omnia in figura contingebant illis. Scripta sunt autem ad correptionem nostram. in quos fiens† seculorum deuenerunt. Itaque qui se existimat stare: uideat ne cadat. Temptatio uos non apprehendat nisi humana. fidelis autem deus est: qui non patietur uos temptari: super id quod potestis Sed faciet cum temptatione etiam prouentum: ut possitis sustinere.

(Graduale.) Domine dominus noster quam admirabile est nomen tuum in uniuersa terra. (V.) Quoniam eleuata est magnificentia tua super celos alleluia. (V.) Eripe me de inimicis meis deus meus. et ab insurgentibus in me libera me.

(Secundum lucam) [Luc. xix. 41-47].

I N illo tempore: Cum appropinquaret iesus yerusalem: uidens ciuitatem fleuit super illam dicens. Quia si cognouisses† et tu: Et quidem in hac die tua. que ad pacem tibi. nunc autem abscondita sunt ab oculis tuis. Quia uenient dies

<sup>1</sup> Octaua altered by hand to Nona.

in te. et circundabunt te inimici tui uallo. Et circundabunt te. et coangustabunt te undique. et ad terram prosternent te et filios tuos qui in te sunt. Et non /relinquent in [fo. 106. te lapidem super lapidem: eo quod non cognoueris tempus  
 5 uisitationis tue. Et ingressus in templum: cepit eicere uendentes in illo: et ementes dicens illis Scriptum est: quia domus mea domus orationis est. Uos autem fecistis illam: speluncam latronum Et erat docens. cottidie in templo dei.

10 (*Offertorium.*) Iusticie domini recte letificantes corda et dulciora super mel et fauum. nam et seruus tuus custodiet ea.

(*Secreta.*)

COncede nobis hec quesumus domine digne frequentare  
 15 misteria: quia quotiens huius hostie commemoratio celebratur. opus nostre redemptionis exercetur. Per.

(*Communio.*) Qui manducat carnem meam et bibit sanguinem meum in me manet et ego in eo. dicit dominus.

(*Post communio.*)

20 TUi nobis domine communio sacramenti. et purificationem conferat. et tribuat unitatem. Per.

#### DOMINICA DECIMA POST PENTECOSTEN.

(*Introitus.*)

DUm clamarem ad dominum exaudiuit uocem meam. ab his qui  
 25 appropinquant michi et humiliauit eos. qui est ante secula et manet in eternum. iacta cogitatum tuum in domino et ipse te enutriet.  
 (*Ps.*) Exaudi deus orationem meam. et ne despexeris deprecationem meam. intende michi et exaudi me. (*V.*) Gloria.

(*Oratio.*)

30 D<sup>E</sup>us qui omnipotentiam tuam parcendo maxime et miserrando manifestas: multiplica super nos misericordiam tuam ut ad tua promissa currentes. celestium bonorum facias esse consortes. Per.

(*Ad corinthios*) [I Cor. xii. 2–11].

35 F<sup>R</sup>atres: Scitis quoniam cum gentes essetis ad simulacra muta. prout ducebamini euntes. Ideo notum uobis facio: quod nemo in spiritu dei loquens. dicit anathema iesu Et nemo potest dicere dominus iesus. nisi in spiritu sancto. Diuisiones uero gratiarum sunt. idem autem spiritus. Et diuisiones ministrationum sunt: idem autem dominus. Et  
 40 diuisiones operationum sunt. idem uero deus. qui operatur

omnia in omnibus. Unicuique autem datur manifestatio spiritus ad utilitatem. Alii quidem per spiritum datur sermo sapientie. Alii autem sermo scientie secundum eundem spiritum. Alii fides in eodem spiritu. Alii gratia sanitarum in uno spiritu. Alii operatio uirtutum. Alii prophetia: Alii discretio† spirituum: Alii genera linguarum. Alii interpretatio sermonum. Hec autem omnia operatur unus atque idem spiritus. diuidens singulis pro ut uult.

(*Graduale.*) Custodi me domine ut pupillam oculi. sub umbra alarum tuarum protege me. (*V.*) De uultu tuo iudicium meum prodeat. oculi tui uideant equitatem alleluia. (*V.*) Te decet hymnus deus in syon et tibi reddetur uotum in ierusalem.

(*Secundum lucam*) [Luc. xviii. 9-14].

IN illo tempore: Dixit iesus ad quosdam qui in se confidebant tanquam iusti: et aspernabantur ceteros parabolam istam. Duo homines ascenderunt in templum ut orarent. unus phariseus: et alter publicanus. Phariseus stans hec apud se orabat. Deus gratias ago tibi: quia non sum sicut ceteri hominum. raptores. iniusti. adulteri uelut etiam hic publicanus. Ieiuno bis in sabbato. Decimas do omnium que possideo/. Et publicanus a longe stans. [fo. 106b. nolebat nec oculos ad celum leuare sed percutiebat pectus suum dicens. Deus propitius esto michi peccatori. Amen dico uobis. descendit hic iustificatus in domum suam ab illo. Quia omnis qui se exaltat humiliabitur: et qui se humiliat exaltabitur.

(*Offertorium.*) Ad te domine leuavi animam meam deus meus in te confido non crubescam† neque irrideant me inimici mei et enim uniuersi qui te expectant non confundentur.

(*Secreta.*)

Tibi domine sacrificia dicata reddantur que sic ad honorem nominis tui deferenda tribuisti: ut eadem remedia fieri nostra prestares. Per.

(*Communio.*) Acceptabis sacrificium iusticie oblationes. et holocausta super altare tuum domine.

(*Post communio.*)

Quiesumus domine deus noster: ut quos diuinis reparare non desinis sacramentis: tuis non destituas benignus auxiliis. Per.

## DOMINICA UNDECIMA POST PENTECOSTEN.

(Introitus.)

**D**Eus in loco sancto suo deus qui inhabitare facit unanimes in domo ipse dabit uirtutem et fortitudinem plebi sue.

5 (Ps.) Exsurgat deus et discipentur† inimici eius et fugiant qui oderunt eum a facie eius. (V.) Gloria.

(Oratio.)

**O**Mnipotens sempiterne deus : qui abundantia pietatis tue : et merita supplicum excedis et uota effunde super nos  
10 misericordiam tuam ut dimittas que conscientia metuit et adicias quod oratio non presumit. Per.

(Ad corinthios) [1 Cor. xv. 1-10].

**F**Ratres. Notum uobis facio euangelium quod predicaui uobis. quod et accepistis in quo et statis. per quod et  
15 saluamini. Qua ratione predicauerim uobis si tenetis. nisi frustra credidistis. Tradidi enim uobis in primis quod et accepi : quoniam cristus mortuus est pro peccatis nostris secundum scripturas : et quia sepultus est : et quia resurrexit tertia die secundum scripturas. et quia uisus est cepbe† et  
20 post hec undecim. Deinde uisus est plusquam quingentis fratribus simul. ex quibus multi manent usque adhuc. quidam autem dormierunt Deinde uisus est iacobo. deinde apostolis omnibus. Nouissime autem omnium. tanquam ab ortiuo† uisus est et michi. Ego enim sum minimus apostolorum. qui non  
25 sum dignus uocari apostolus : quoniam persecutus sum ecclesiam dei. Gratia autem dei sum id quod sum et gratia eius : in me uacua non fuit.

(Graduale.) In deo sperauit cor meum et adiutus sum et re floruit caro mea. et ex uoluntate mea confitebor illi. (V.) Ad te domine clamaui deus meus ne scileas†. ne discedas a me. alleluia. (V.) Exultate deo adiutori nostro. iubilate deo iacob. sumite psalmum iocundum cum cythara.

(Secundum marcum) [Mar. vii. 31-37].

**I**N illo tempore : Exiens iesus de finibus tyri. uenit per  
35 syndonem† ad mare galilee : inter medios fines decapoleos. Et adducunt ei surdum et mutum et deprecabantur eum ut in ponat illi manum. Et apprehendens eum de turba seorsum. misit digitos suos in auriculas eius. et expuens tetigit linguam eius : Et suspiciens in celum : ingemuit. et/ ait illi. [fo. 107.  
40 effeta quod est ad aperire. Et statim aperte sunt aures eius et solutum est uinculum lingue eius et loquebatur recte. Et precepit illis : ne cui dicerent. Quanto autem eis precipiebat :

tanto magis plus predicabant: et eo amplius ammirabantur dicentes. Bene omnia fecit: et surdos fecit audire. et mutos loqui.

(*Offertorium.*) Exaltabo te domine. quoniam suscepisti me nec  
5 delectasti inimicos meos super me. domine clamaui ad te et sanasti me.

(*Secreta.*)

R Espice domine quesumus ad nostram propitius seruitutem :  
ut quod offerimus sit tibi munus acceptum. et sit nostre  
10 fragilitatis subsidium. Per.

(*Communio.*) Honora dominum de tua substantia et de primitiis  
frugum tuarum ut impleantur horrea tua saturitate. et uino torcularia  
redundabunt.

(*Post communio.*)

5 S Entiamus domine quesumus tui perceptione sacramenti.  
subsidium mentis et corporis. ut in utroque saluati celestis  
remedii plenitudine gloriemur. Per.

# DOMINICA DUODECIMA POST PENTECOSTEN.

(*Introitus.*)

20 D Eus in adiutorium meum intende domine ad adiuuandum me  
festina. confundantur et reuereantur inimici mei qui querunt  
animam meam.

(*Ps.*) Aduertantur† retrorsum et erubescant qui uolunt michi  
mala. (V.) Gloria patri et filio.

(*Oratio.*)

25 O Mnipotens et misericors deus de cuius munere uenit.  
ut tibi a fidelibus tuis digne et laudabiliter seruiatur :  
tribue nobis quesumus ut ad promissiones tuas sine offensione  
curramus : Per.

30 (*Ad corinthios*) [2 Cor. iii. 4-7].

F Ratres : Fiduciam talem habemus per christum. ad deum  
non quod sufficientes simus aliquid cogitare a nobis  
quasi ex nobis : sed sufficientia nostra ex deo est. Qui et  
ydoneos nos fecit ministros noui testamenti : non littera sed  
35 spiritu. Littera enim occidit : spiritus autem uiuificat. Quod  
si ministratio mortis litteris deformata in lapidibus fuit in  
gloria. ita ut non possent intendere filii ysrael in faciem moysi  
propter gloriam uultus eius que euacuatur quomodo non magis  
ministratio spiritus erit in gloria ? Nam si ministratio damna-  
40 tionis in gloria est. multo magis abundat. ministerium iustitie  
in gloria.

(*Graduale.*) Benedicam dominum in omni tempore semper laus eius in ore meo, (*V.*) In domino laudabitur anima mea audient mansueti et letentur. alleluia. (*V.*) Domine deus salutis mee. in die clamaui et nocte coram te.

5 (*Secundum lucam*) [Luc. x. 23-37].

**I**N illo tempore : Dixit iesus discipulis suis. Beati oculi qui uident que uos uidetis : Dico enim uobis : quia multi prophete et reges uoluerunt uidere que uos uidetis et non uiderunt et audire que auditis et non audierunt. Et ecce  
 10 quidam legisperitus surrexit temptans illum. et dicens Magister quid faciendo. uitam eternam possidebo ? At ille dixit ad eum. In lege quid scriptum est ? Quomodo legis ? Ille autem respondens dixit. Diliges dominum deum tuum ex toto corde tuo. et ex tota anima tua. et ex omnibus uiribus  
 15 tuis. et ex omni mente tua et proximum tuum sicut teipsum. Dixitque illi. Recte respondisti. /hoc fac et uiues : [fo. 107b. Ille autem uolens iustificare seipsum. dixit ad iesum Et quis est meus proximus ? Suspiciens autem iesus dixit. Homo quidam descendebat ab yerusalem in yericho : et incidit in  
 20 latrones. Qui etiam despoliauerunt eum : et plagis impositis abierunt semiuiuo relicto. Accidit autem ut sacerdos quidam descenderet eadem uia et uiso illo preteriit. Similiter et leuita cum esset secus locum. et uideret eum pertransiit. Samaritanus autem quidam iter faciens uenit secus eum : et  
 25 uidens eum misericordia motus est. Et approprians alligauit uulnera eius : infundens oleum et uinum. Et imponens illum in iumentum suum : duxit in stabulum. et curam eius egit. Et altera die protulit duos denarios. et dedit stabulario et ait. Curam illius habe : et quodcumque super erogaueris.  
 30 ego cum rediero reddam tibi. Quis horum trium uidetur tibi proximus fuisse ille. qui incidit in latrones ? At ille dixit. Qui fecit misericordiam in illum Et ait illi iesus. Uade : et tu fac similiter.

(*Offertorium.*) <sup>1</sup>Precatus est moyses in conspectu domini dei sui  
 35 et dixit.<sup>1</sup> Precatus est moyses in conspectu domini dei sui et dixit quare domine irasceris in populo tuo. parce ire anime tue. memento abraam ysaac et iacob. quibus iurasti dare terram fluentem lac et mel. et placatus factus est dominus de malignitate quam dixit facere populo suo.

40 (*Secreta.*)

**H**Ostias quesumus domine placatus intende : quas sacris altaribus exhibemus ut nobis indulgentiam largiendo tuo nomini dent honorem. Per.

<sup>1-1</sup> Thus, repeated.



(*Communio.*) De fructu operum tuorum domine satiabitur terra ut educas panem de terra. et uinum letificet cor hominis. ut exhilaret faciem in oleo et panis cor hominis confirmet.

(*Post communio.*)

5 **U**iuificet nos quesumus domine huius participatio sacramenti: et pariter nobis expiationem tribuat et munimen. Per.

## DOMINICA XIII POST PENTECOSTEN.

(*Introitus.*)

10 **R**espice domine in testamentum tuum et animas pauperum tuorum ne derelinquas in finem. exurge domine iudica causam tuam. et ne obliuiscaris uoces querentium te.

(*Ps.*) Ut quid deus repulisti in finem. iratus est furor tuus super oues pa[scue] tue. (*V.*) Gloria patri et filio.

(*Oratio.*)

15 **O**mnipotens sempiterne deus da nobis fidei. spei. et caritatis augmentum. et ut mereamur assequi quod promittis: fac nos amare quod precipis. Per dominum nostrum.

(*Ad gallathas*) [Gal. iii. 16-22].

20 **F**Ratres: Abrahe dicte sunt promissiones: et semini eius. Non dicit ex† seminibus quasi in multis: sed quasi in uno. et semini tuo qui est christus. Hoc autem dico testamentum confirmatum a deo quia post quadringentos et triginta annos facta est lex: non irritum facit ad euacuandam promissionem Nam si ex lege hereditas: iam non ex promissione.  
25 Abrahe autem per repromissionem donauit deus Quid igitur lex? Propter transgressionem posita est: donec ueniret semen cui repromiserat ordinata per angelos in manu mediatoris Mediator autem unius non est: deus autem unus est: lex ergo aduersus/ promissa dei: Absit. Si enim data [fo. 108.  
30 esset lex. que posset uiuificare uere ex lege esset iusticia: Sed conclusit scriptura omnia sub peccato. ut promissio ex fide iesu christi daretur credentibus.

(*Graduale.*) Respice domine in testamentum tuum et animas pauperum tuorum ne obliuiscaris in finem. (*V.*) Exurge domine et iudica causam meam. memor esto obprobrii seruorum tuorum. alleluia. (*V.*) Domine refugium factus es nobis a generatione et progenie.

(*Secundum lucam*) [Luc. xvii. 11-19].

40 **I**N illo tempore: Cum iret iesus in yerusalem: transibat per mediam samariam et galileam Et cum ingrederetur quoddam castellum: occurrerunt ei decem uiri leprosi. Qui

steterunt a longe : et leuauerunt uocem dicentes. Iesu preceptor miserere nostri. Quos ut uidit dixit. Ite. et ostendite uos sacerdotibus. Et factum est dum irent. mundati sunt. Unus autem ex illis ut uidit quia mundatus est. regressus est  
 5 cum magna uoce magnificans deum. Et cecidit in faciem ante pedes eius. gratias agens. Et hic erat samaritanus Respondens autem icsus. dixit. Nonne decem mundati sunt. et nouem ubi sunt? Non est inuentus qui rediret. et daret gloriam deo. nisi hic alienigena. Et ait illi. Surge et uade :  
 10 quia fides tua te saluum fecit.

(*Offertorium.*) In te domine speraui dixi tu es deus meus. in manibus tuis tempora mea.

(*Secreta.*)

15 **P**ROPITIARE domine populo tuo : propitiare muneribus ut hac oblatione placatus. et indulgentiam nobis tribuas et postulata concedas. Per.

(*Communio.*) Panem de celo dedisti nobis domine habentem omne delectamentum et omnem saporem suauitatis.

(*Post communio.*)

20 **S**UMPTIS domine celestibus sacramentis. ad redemptionis eterne quesumus proficiamus augmentum†. Per.

#### DOMINICA XIII POST PENTECOSTEN.

(*Introitus.*)

25 **P**ROTECTOR noster aspice deus. et respice in faciem christi tui. quia melior est dies una in atriis tuis super milia.

(*Ps.*) Quam dilecta tabernacula tua domine uirtutum concupiscit et defecit anima mea in atria domini. (*V.*) Gloria.

(*Oratio.*)

30 **C**USTODI domine quesumus ecclesiam tuam propitiatione perpetua : et quia sine te labitur humana mortalitas. tuis semper auxiliis et abstrahatur a noxiis : et ad salutaria dirrigatur. Per.

(*Ad gallatas*) [Gal. v. 16-24].

35 **F**RATRES. Spiritu ambulate : et desideria carnis non perficietis. Caro enim concupiscit aduersus spiritum spiritus autem aduersus carnem. Hec enim sibi inuicem aduersantur : ut non quecumque uultis illa faciat. Quod si spiritu ducimini : non estis sub lege. Manifesta autem sunt opera carnis. que sunt fornicatio et immundicia. luxuria. auaricia.  
 40 que est ydolorum seruitus. Ueneficia. inimicitie. contentiones. emulationes. ire. rixe. discensiones† secte. inuidie. homicidia.

ebrietates. commessiones et his similia que predico uobis sicut predixi : quoniam qui talia agunt. regnum† dei non consequentur. Fructus autem spiritus est. Caritas. gaudium. /pax. patientia. longanimitas. bonitas. benignitas. [fo. 108b.  
 5 mansuetudo. fides. spes. modestia. continentia castitas. Aduersus huiusmodi non est lex. Qui autem sunt christi : carnem suam crucifixerunt : cum uiciis et concupiscentiis.

(*Graduale.*) Bonum est confidere in domino quam confidere in homine. (*V.*) Bonum est sperare in domino quam sperare in principibus. Alleluia. (*V.*) Uenite exultemus domino iubilemus deo salutari nostro.

(*Secundum matheum*) [Mat. vi. 24-33].

**I**N illo tempore. Dixit iesus discipulis suis. Nemo potest duobus dominis seruire. Aut enim unum odio habebit et  
 15 alterum diliget. aut unum substinebit et alterum contempnet. Non potestis deo seruire et mammoni. Ideo dico uobis. ne solliciti sitis anime uestre. quid manducetis. neque corpori uestro quid induamini. Nonne anima plus est quam esca : et corpus plus quam uestimentum ? Respicite uolatilia celi.  
 20 quoniam non serunt. ueque† metunt. Neque congregant in horrea : et pater uester celestis pascit illa. Nonne uos magis pluris estis illis ? Quis autem uestrum cogitans potest adicere ad staturam suam cubitum unum ? Et de uestimento. quid solliciti estis ? Considerate lilia agri : quomodo crescunt.  
 25 non laborant. neque nent Dico autem uobis. quoniam nec salomon in omni gloria sua coopertus est. sicut unum ex istis. Si autem fenum agri quod hodie est et cras in clibanum mittitur : deus sic uestit. quanto magis uos minime fidei ? Nolite ergo solliciti esse : dicentes quid manducabimus. aut  
 30 quid bibemus. aut quo operiemur. hec enim omnia gentes inquirunt. Scit enim pater uester : quia his omnibus indigetis Querite ergo primum regnum dei et iusticiam eius : et hec omnia adicientur uobis.

(*Offertorium.*) In mittit angelus domini in circuitu timentium eum  
 35 et eripiet eos. gustate et uidete quoniam suauis est dominus.

(*Secreta.*)

**C**Oncede nobis domine quesumus. ut hec hostia salutaris et nostrorum fiat purgatio delictorum. et tue propitiatio potestatis. Per.

40 (*Communio.*) Primum querite regnum dei. et hec omnia addicientur uobis dicit dominus.

(*Post communio.*)

**P**urificent semper et muniant tua sacramenta nos deus : et ad perpetue nos ducant saluationis effectum. Per.

## DOMINICA DECIMA QUINTA POST PENTECOSTEN.

(Introitus.)

**I**Nclina domine aurem tuam ad me et exaudi me. saluum fac  
seruum tuum deus meus sperantem in te. miserere michi  
5 domine quoniam ad te clamaui tota die.

(Ps.) Letifica animam serui tui. quoniam ad te domine animam  
meam leuaui. (V.) Gloria.

(Oratio.)

**E**Cclesiam tuam domine miseratio. continuata mundet et  
10 muniat. et quia sine te non potest salua consistere : tuo  
semper munere gubernetur. Per.

(Ad gallatas) [Gal. v. 25 : vi. 1-10].

**F**Ratres si spiritu uiuimus : spiritu et ambulemus. Non  
efficiamur inanis glorie cupidi : inuicem prouocantes.  
15 inuicem inuidentes Fratres. et si preocupatus fuerit homo in  
aliquo delicto. uos qui spirituales estis huiusmodi† instruite in  
spiritu lenitatis. considerans te ipsum ne et tu tempteris.  
Alter alterius honora/ portate : et sic adimplebitis [fo. 109.  
legem christi : Nam si quis existimat se aliquid esse cum nichil  
20 sit ipse se seducit Opus autem suum probet unusquisque. et  
sic in semetipso tantum gloriam habebit. et non in altero.  
Unus quisque enim honus suum portabit. Communicet autem  
his† qui cathetizatur uerbo. ei qui se cathetizat in omnibus bonis.  
Nolite erare : deus non irridetur. Que enim seminauerit homo.  
25 hec et metet. Quoniam qui seminat in carne sua : de carne et  
metet corruptionem. Qui autem seminat in spiritu : de spiritu  
metet uitam eternam. Bonum autem facientes non deficiamus  
tempor[e] enim suo metemus non deficientes. Ergo dum tem-  
pus habemus operemur bonum. ad omnes maxime autem ad  
30 domesticos fidei.

(Graduale.) Bonum est confiteri domino et psallere nomini tuo  
altissime. (V.) Ad annuntiandum mane misericordiam tuam et  
ueritatem tuam per noctem. alleluia. (V.) Quoniam deus magnus  
dominus et rex magnus super omnem terram.

35 (Secundum lucam.)

**I**N illo tempore. Ibat iesus in ciuitatem que uocatur naim.  
Require in feria quinta post dominicam quartam in quad-  
ragesima. [p. 109.]

(Offertorium.) Expectans expectaui dominum et respexit me et  
40 exaudiuit deprecationem meam. et in misit in os meum canticum  
nouum ymnum deo nostro.

(Secreta.)

TUa nos domine sacramenta custodiant. et contra diabolicos tueantur semper incursus. Per.

(Communio.) Panis quem ego dederō caro mea est pro seculi  
5 uita.

(Post communio.)

MEntes nostras et corpora possideat quesumus domine doni celestis operatio: ut non noster sensus in nobis. sed iugiter eius preueniat effectus. Per.

DOMINICA DECIMA SEXTA. POST PENTECOSTEN.

(Introitus.)

Miserere michi domine quoniam ad te clamaui tota die. quia tu domine suavis ac mitises. et copiosus† in misericordia omnibus in uocantibus te.

15 (Ps.) Inclina domine aurem tuam. et exaudi me quoniam inops et pauper sum ego. (V.) Gloria.

(Oratio.)

TUa nos domine quesumus gratia semper preueniat et sequatur. ac bonis operibus iugiter prestet esse intentos.  
20 Per.

(Ad ephesios) [Eph. iii. 13-21].

Fratres: Obsecro uos: ne deficiatis in tribulationibus meis pro uobis: que est gloria uestra. huius rei gratia flecto genua mea ad patrem domini nostri iesu christi. ex quo omnis  
25 paternitas in celo et in terra nominatur. ut det uobis secundum diuitias glorie sue uirtutem corroborari. per spiritum eius in interiorē hominem habitare christum per fidem in cordibus uestris. In caritate radicati et fundati: ut possitis comprehendere cum omnibus sanctis: que sit latitudo longi-  
30 tudo. sublimitas et profundum. Scire etiam super eminentem scientie caritatem christi. ut impleamini in omnem plenitudinem dei. Ei autem qui potest omnia facere: superhabundanter quam petimus aut intelligimus. secundum uirtutem que operatur in nobis. Ipsi gloria in ecclesia: et in  
35 christo iesu. in omnes generationes seculi seculorum. Amen.

(Graduale.) Timebunt gentes nomen tuum domine. et omnes reges terre gloriam tuam. (V.) Quoniam edificauit dominus syon et uidebitur in maiestate sua. Alleluia. (V.) /Cantate [fo. 109b. domino canticum nouum. quia mirabilia fecit dominus.

(*Secundum lucam*) [Luc. xiv. 1-11].

**I**N illo tempore: Cum intraret iesus in domum cuiusdam principis phariseorum sabbato manducare panem. et ipsi obseruabant eum. Et ecce homo quidam ydropicus erat ante illum. Et respondens iesus. dixit ad legis peritos et phariseos dicens. Si licet sabbato curare? At illi tacuerunt. Ipse uero apprehensum sanauit eum: ac dimisit: Et respondens ad illos. dixit. Cuius uestrum asinus aut bos in puteum cadet. et non continuo extrahet illum die sabbati? Et non poterant ad hec respondere illi. Dicebat autem et ad inuitatos parabolam intendens. quomodo primos accubitus eligerent. dicens ad illos. Cum inuitatus fueris ad nuptias. non discumbas in primo loco. ne forte honoratior te sit inuitatus ab eo. et ueniens qui te et illum in uitauit dicat tibi. Da huic locum. Et tunc incipias cum rubore. nouissimum locum tenere. Sed cum uocatus fueris ad nuptias. uade et recumbe in nouissimo loco: ut cum uenerit qui te inuitauit dicat tibi. Amice. Ascende superius. Tunc erit tibi gloria. coram simul discumbentibus. Quia omnis qui se exaltat humiliabitur. et qui se humiliat: exaltabitur.

(*Offertorium.*) Domine in auxilium meum respice. confundantur et reuereantur qui querunt animam meam. ut auferant eam domine. in auxilium meum respice.

(*Secreta.*)

**M**unda nos domine quesumus. sacrificii presentis effectum. et perface miseratus in nobis. ut eius mereamur esse participes. Per.

(*Communio.*) Domine memorabor iusticie tue solius. deus docuisti me a iuuentute mea et usque in senectam et senium deus ne derelinquas me.

(*Post communio.*)

**P**urifica domine quesumus mentes nostras. benignus et renoua celestibus sacramentis. ut consequenter et corporum presens pariter et futurum capiamus auxilium. Per.

DOMINICA DECIMA SEPTIMA. POST PENTECOSTEN.

(*Introitus.*)

**I**ustus es domine et rectum iudicium tuum fac cum seruo tuo secundum misericordiam tuam.

(*Ps.*) Beati immaculati in uia qui ambulant in lege domini. (*V.*) Gloria patri et filio.

(*Oratio.*)

**D**A quesumus domine populo tuo diabolica uitare contagia. et te solum deum pura mente sectari. Per.

(*Ad ephesios*) [Eph. iv. 1-6].

**F**Ratres: Obsecro uos ego uinctus in domino. ut digne ambuletis. uocatione qua uocati estis. cum omni humilitate et mansuetudine. cum patientia subportantes inuicem in caritate. Solliciti seruare unitatem spiritus: uinculo pacis. Unum corpus. et unus spiritus. Sicut uocati estis in uua† spe uocationis uestre. Unus dominus. una fides. unum baptisma. Unus deus et pater omnium qui est super omnes: et per omnia et in omnibns† nobis. Qui est benedictus in seculis† snculorum†. Amen.

(*Graduale.*) Beata gens cuius est dominus deus eorum populus quem elegit dominus in hereditatem sibi. (*V.*) Uerbo domini celi firmati sunt et spiritu oris eius omnis uirtus eorum. /Alleluia. [fo. 110. (*V.*) Domine exaudi orationem meam et clamor meus ad te ueniat.

(*Secundum matheum*) [Mat. xxii. 35-46].

**I**N illo tempore: Accesserunt ad iesum scribe† pharisei: et interrogauit eum unus ex eis legis doctor. temptans eum et dicens Magister. quod est mandatum magnum in lege? Ait illi iesus. Diliges dominum deum tuum. ex toto corde tuo: et ex tota anima tua et ex tota mente tua. Hoc est maximum et primum mandatum. Secundum autem simile est huic. Diliges proximum tuum sicut te ipsum In his duobus mandatis: uniuersa lex pendet et prophete. Congregatis autem phariseis. interrogauit eos iesus dicens. Quid uobis uidetur de christo. cuius filius est? Dicunt ei. Daudid. Ait illis: Quomodo ergo dauid: in spiritu uocat eum dominum dicens. dixit dominus domino meo. sede a dextris meis. donec ponam inimicos tuos scabellum pedum tuorum. Si ergo dauid. uocat eum dominum. quomodo filius eius est? Et nemo poterat respondere ei uerbum. neque ausus fuit quisquam ex illa die amplius eum interrogare.

(*Offertorium.*) Oraui dominum meum ego daniel dicens. exaudi domine preces serui tui. illumina faciem tuam super sanctuarium tuum. et propitius intende populum istum. super quem inuocatum est nomen tuum deus.

(*Secreta.*)

**M**Aiestatem tuam domine suppliciter deprecamur: ut hec sancta que gerimus. et a preteritis delictis nos exuant. et futuris. Per.

(*Communio.*) Uouete et redite domino deo uestro omnes qui in circuitu eius affertis munera. terribili et ei qui aufert spiritum principum terribili apud omnes reges terre.

(Post communio.)

SAnctificationibus tuis omnipotens deus. et uicia nostra curentur et remedia nobis eterna proueniant. Per.

## FERIA QUARTA. QUATTUOR TEMPORUM.

5                   *Statio ad sanctam mariam maiorem.*

(Introitus.)

EXultate deo adiutori nostro iubilate deo iacob. sumite psalmum iocundum cum cythara canite initium mensis tuba. quia preceptum in ysrael est. et iudicium deo iacob.

10       (Ps.) Testimonium in yoseph. po[suit]. il[lud] est exi[ret].<sup>1</sup> de terra egypti. lin[guam] quam non. no[uerat] audiuit. (V.) Gloria.  
[Oremus] Flectamus genua. Leuate.

(Oratio.)

15       Miseri cordie tue remediis quesumus domine fragilitas nostra subsistat: ut que sua conditione atteritur. tua clementia reparetur. Per.

(lectio amos prophete) [Amos ix. 13-15].

HEc dicit dominus deus. Ccce<sup>2</sup> dies ueniunt: et comprehendet arator messorum: et calcator uue mittentem  
20 semen. Et stillabunt montes dulcedinem. et omnes colles culti erunt. Et conuertam captiuitatem populi mei ysrael: et edificabunt ciuitates desertas et inhabitabunt in eis. Et plantabunt uineas: et bibent uinum earum. Et facient ortos et comedent fructus eorum. Et plantabo eas super humum  
25 suam: et non euellam eos ultra de terra sua. quam dedi eis. Dicit dominus omnipotens.

(Graduale.) Quis est sicut dominus deus noster qui in altis habitat et humilia respicit in celo et in terra (V.) Sncitans† a terra in opem et de stercore erigens pauperem.

30       *Sequitur.* Dominus uobiscum. Sine. Fle[ctamus] genua.

/(Oratio.)

[fo. 110b.]

PREsta quesumus domine familie tue supplicanti: ut dum a cibis corporalibus se abstinet. a uitiiis quoque mente ieiunct. Per.

35                   *(lectio libri esdre)* [II. Esdrae viii. 1-10].

IN diebus illis: Congregatus est omnis populus quasi uir unus ad plateam que est ante portam aquarum. et dixit-

<sup>1</sup> It is contracted thus: po. il. ē. exi.

<sup>2</sup> Thus, for Ecce.



runt esdre scribe ut afferret librum legis moysi. quam precepit dominus ysraeli. Attulit ergo esdras sacerdos legem coram multitudine uirorum ac mulierum: cunctisque qui poterant intelligere. in die prima mensis septimi: et legit in eo in platea aperte qui erat ante portam aquarum. a mane usque ad medium diem in conspectu uirorum ac mulierum. et sapientium. et aures omnis populi erant erecte ad librum. Stetit autem esdras scriba super gradum ligneum quem fecerat ad loquendum et steterunt [leuite] iuxta eum. Et aperuit esdras librum coram omni populo. Et benedixit esdras domino deo magno. et respondit omnis populus Amen amen. Eleuans omnis populus manus suas et incuruati sunt et adorauerunt proni in terram. Porro leuite scilentium faciebant in populo ad audiendam legem Populus autem stabat in gradu suo Et legerunt in libro legis dei distincte et aperte ad intelligendum. Dixit autem neemias sacerdos. et esdras scriba: et leuite interpretantes uniuerso populo: Dies sanctificatus est domino deo nostro nolite lugere et nolite flere. Et dixit eis. Ite et comedite pinguia. et bibite mustum: et mittite partes eis qui non preparauerunt sibi quia sanctus dies domini est. Et nolite contristari. gaudium et enim domini est. fortitudo uestra.

(*Graduale.*) Beata gens cuius est dominus deus eorum populus quem elegit dominus in hereditatem sibi. (V.) Uerbo domini celi firmati sunt. et spiritu oris eius omnis uirtus eorum.

(*Secundum marcum*) [Mar. ix. 16–28].

**I**N illo tempore: Respondens unus de turba dixit ad iesum: Magister. attuli filium meum ad te habentem spiritum mutum qui ubicunque eum apprehenderit allidit eum. et spumat et stridet dentibus. et arescit. Et dixi discipulis tuis ut eicerent illum. et non potuerunt. Qui respondens dixit eis. O generatio incredula. quamdiu apud uos ero. quamdiu uos patiar? Afferte illum ad me. Et attulerunt eum. Et cum uidisset illum: statim spiritus conturbauit eum. et elisus in terra uoluptabatur† spumans. Et interrogauit patrem eius. Quantum temporis est ex quo ei hoc accidit. At ille ait. Ab infantia. Et frequenter eum et in ignem et in aquam misit. ut eum perderet. Sed si quid potes adiuua nos. misertus nostri. Iesus autem ait illi. Si potes credere omnia possibilia sunt credenti. Et continuo exclamans pater pueri: cum lacrimis aiebat. Credo domine adiuua incredulitatem meam. Et cum uideret iesus concurrentem turbam. comminatus est spiritui in mundo dicens illi. Surde et mute spiritus. ego tibi precipio exi ab eo. et amplius ne introeas in eum. /Et clamans et multum discerpens eum. exiit ab eo. [fo. III.

Et factus est sicut mortuus: ita ut multi dicerent. quia† mortuus est. Iesus autem tenens manum eius. eleuauit eum et surrexit. Et cum surrexit†. Et cum introisset in domum discipuli eius secreto interrogabant eum. Quare nos non  
5 potuimus eicere illum? Et dixit illis hoc genus in nullo potest exire: nisi in oratione et ieiunio.

(*Offertorium.*) Meditabor in mandatis tuis que dilexi ualde et leuabo manus meas ad mandata tua que dilexi.

(*Secreta.*)

10 HEC hostia domine quesumus emendet† nostra delicta. et ad sacrificium celebrandum subditorum tibi corpora mentesque sanctificet. Per.

(*Communio.*) Comedite pingua et bibite mustum. et mittite partes eis qui non preparauerunt sibi. sanctus enim dies domini est.  
15 nolite contristari. gaudium et enim domini est. fortitudo uestra.

(*Post communio.*)

SUMENTES domine dona celestia suppliciter deprecamur ut que sedula seruitute te donante gerimus. dignis sensibus. tuo munere capiamus. Per.

20

FERIA SEXTA.

*Statio ad sanctos duodecim apostolos.†*

(*Introitus.*)

L ETETUR cor querentium dominum querite dominum et confirmamini. querite faciem eius semper.  
25 (Ps.) Confitemini domino et inuocate nomen eius. annuntiate inter gentes opera eius. (V.) Gloria.

(*Oratio.*)

PRESTA quesumus omnipotens deus. ut obseruationes sacras annua deuotione recolentes. tibi et corpore placeamus et  
30 mente. Per.

(*lectio osee prophete*) [Osee xiv. 2-10].

HEC dicit dominus deus. Conuertere ysrael ad dominum deum tuum: quoniam corruisti [in] iniquitate tua. Tollite uobiscum uerba et conuertimini ad dominum et dicite  
35 ei. Omnem aufer iniquitatem. et accipe bonum: et reddemus. uitulos bonorum† nostrorum Assur non saluabit nos super equos non ascendemus†. nec dicemus ultra dii nostri opera manuumstrarum. quia eius qui in te est misereberis populi Sanabo contritiones eorum. diligam eos spontanee: quia  
40 auersus est furor meus ab eis. Ero quasi ros: ysrael ger-

minabit quasi lilium. Et erumpet radix eius. ut libani ibunt rami eius. Et erit quasi oliua gloria eius. et odor eius ut libani. Conuertentur sedentes in umbra eius. uiuent tritico et germinabunt quasi uinea. Memoriale eius sicut uinum libani. Ego exaudiam: et dirigam eum ego ut abietem uirentem. ex me fructus eius inuentus est. Quis sapiens et intelliget ista? Intelligens et sciet hec. Quia recte uie domini: et iusti ambulabunt in eis.

(*Graduale.*) Conuerte domine aliquantulum. et deprecare super seruos tuos. (V.) Domine refugium factus es nobis a generatione et progenie.

(*Secundum lucam.*)

**I**N illo tempore: Rogabat iesum quidam phariseus. *Require in quinta feria post dominicam de passione.* [p. 123.]

(*Offertorium.*) Benedic anima mea domino et noli obliuisci omnes retributiones eius et renouabitur sicut aquile iuuentus tua.

(*Secreta.*)

**A**Ccepta tibi sint domine que/sumus nostri dona [fo. 111b. ieiunii que et expiando nos tua gratia dignos efficiant. et ad sempiterna promissa perducant. Per.

(*Communio.*) Aufer a me obprobrium et contemptum quia mandata tua exquisiui domine nam et testimonia tua. meditatio mea est.

(*Post communio.*)

**Q**uesumus omnipotens deus: ut de perceptis muneribus gratias exhibentes: beneficia potiora sumamus. Per.

SABBATO.

*Statio ad sanctum petrum.*

(*Introitus.*)

**U**enite adoremus deum et procidamus ante dominum. ploremus ante eum qui fecit nos. quia ipse est dominus deus noster.

(Ps.) Uenite exultemus domino iubilemus deo salutari nostro (V.) Gloria.

Oremus. Flectamus ge[nua]. Leuate.

(*Oratio.*)

**O**mnipotens sempiterne deus. qui per continentiam salutarem corporibus mederis et mentibus. maiestatem tuam supplices exoramus: ut pia ieiunantium deprecatione placatus: et presentia nobis subsidia tribuas et uentura. Per.

*Prophetia prima (lectio libri leuitici)* [Lev. xxiii. 27–32].

IN diebus illis: Locutus est dominus ad moysen dicens  
 Decimo die mensis huius septimi dies expiationum erit  
 5 uestras in eo. et offeretis holocaustum domino. Omne opus  
 non facietis in tempore diei huius: quia dies propiciationis  
 est: ut propitietur uobis dominus deus uester. Omnis anima  
 que afflicta non fuerit die hoc: peribit de populis suis. Et  
 que operis quippiam fecerit. Delebo eam de populo suo.  
 10 Nichil ergo operis facietis in eo. legittimum sempiternum erit  
 uobis in cunctis generationibus et habitationibus uestris.  
 Sabbatum requietionis est. Affligetisque animas uestras.  
 Die nono mensis huius. a uespera. usque ad uesperam. cele-  
 brabitis sabbata uestra. Dicit dominus omnipotens.

15 (*Graduale.*) Propitius esto domine peccatis nostris. ne quando  
 dicant gentes ubi est deus eorum. (V.) Adiua nos deus salutaris  
 noster. et propter honorem nominis tui domine. libera nos.

Oremus. Flectamus genua. Leuate.

(*Oratio.*)

20 DA nobis quesumus omnipotens deus. ut ieiunando tua  
 gratia satiemur: et abstinendo cunctis efficiamur hosti-  
 bus fortiores. per.

*Prophetia secunda (lectio libri leuitici)* [Lev. xxiii. 39–43].

IN diebus illis: Locutus est dominus ad moysen dicens  
 25 Quintodecimo die mensis huius septimi. quando congre-  
 gaueritis omnes fructus terre uestre. celebrabitis ferias domini  
 septem diebus. Die primo et die octauo erit sabbatum id est  
 requies. Summetisque uobis die primo fructus arboris pul-  
 cherrime. spatulasque palmarum: et ramos ligni densarum  
 30 frondium. et salices de torrente. et letabimini coram domino  
 deo uestro. et celebrabitis sollemnitatem eius septem diebus  
 per annum. legittimum sempiternum erit uobis: in genera-  
 tionibus uestris. Mense septimo festa celebrabitis: et habit-  
 abitis in umbraculis septem diebus. Omnis qui/ [fo. 112.  
 35 de genere ysrael est. manebit in tabernaculis: ut discant  
 posterii uestri quod in tabernaculis habitare fecerim filios  
 ysrael. cum educerem eos de terra egypti. Ego dominus deus  
 uester.

(*Graduale.*) Protector noster aspice deus et respice in faciem  
 40 christi tui. (V.) Dominus deus uirtutum exaudi preces seruorum  
 tuorum.

Oremus. Flectamus genua. Leuate.

(*Oratio.*)

**T**Uere quesumus domine familiam tuam : ut salutis eterne remedia que te inspirante requirimus. te largiente consequamur. Per.

*Prophetia tertia (lectio michee prophete)*

[Mic. vii. 14, 16, 18, 20].

**D**omine deus noster pascere populum tuum. in uirga tua gregem hereditatis tue habitantes solos terram in saltu iuxta dies antiquos. Uidebunt gentes et confundentur super omni fortitudine sua. Quoniam quis deus similis tui. qui aufers iniquitatem et transfers peccatum reliquiarum hereditatis tue? Non immittet ultra furorem suum : quoniam uolens misericordiam est. et reuertetur et miserebitur nostri. Deponet omnes iniquitates nostras : et proiciet in profundum maris omnia peccata nostra. Dabis ueritatem iacob : misericordiam abraam que iurasti patribus nostris a diebus antiquis. Domine deus noster.

(*Graduale.*) Conuertere domine aliquantulum et deprecare super seruos tuos. (*V.*) Domine refugium factus es nobis a generatione et progenie.

Oremus. Flectamus genua. Leuate.

(*Oratio.*)

**P**Resta quesumus domine sic nos ab epulis abstinere carnalibus : ut a uitiis irruentibus pariter ieiunemus. Per.

*Prophetia quarta (lectio danielis prophete)*

[Zachar. viii. 1, 14-19].

**I**N diebus illis : Factum est uerbum domini ad me dicens. Hec dicit dominus deus exercituum. Sicut cogitavi : ut affligerem uos. cum ad iracundiam me prouocassent patres uestri et non sum misertus : sic conuersus cogitavi in diebus istis : ut benefaciam yerusalem. et domui iuda. Nolite timere. Hec sunt ergo uerba que facietis. Loquimini ueritatem unusquisque cum proximo suo. Ueritatem et iudicium pacis iudicate in portis uestris : et unusquisque malum contra amicum suum. non cogitetis in cordibus uestris. et iuramentum mendax non diligatis. Omnia enim hec sunt que odi dicit dominus. Et factum est uerbum domini exercituum ad me dicens : Hec dicit dominus exercituum. Ieiunium quarti et ieiunium quinti. et etiam ieiunium septimi. et ieiunium decimi erit domui iude in gaudium et letitiam et in solemnitates preclaras. Ueritatem tantum et pacem deligite : dicit dominus exercituum.

(*Graduale.*) Dirigatur oratio mea sicut incensum in conspectu tuo domine. (*V.*) Eleuatio manuum mearum sacrificium uespertinum.

Oremus. flectamus genua. Leuate.

5

(*Oratio.*)

UT nobis domine tribuis solemne tibi deferre ieiunium sic nobis quesumus indulgentie presta subsidium. Per.

*Prophetia quinta (lectio danielis prophete).* [Dan. iii. 42.]

10 / IN diebus illis: Angelus domini descendit cum [fo. 112b. azaria. *Require in sabbato quattuor temporum de aduentu.* [p. 12.]

*Ymnus.* Benedictus es domine deus patrum nostrorum. *Require in sabbato quattuor temporum de aduentu.* [p. 11.]

*Sequitur.* Dominus uobiscum. *sine* Flectamus genua.

15

(*Oratio.*)

DEUS qui tribus pueris mittigasti flammam ignium: concede propitius ut nos famulos tuos non exurat flamma uitiorum. Per.

(*Ad hebreos*) [Heb. ix. 2-12].

20 FRATRES: Tabernaculum factum est primum in quo erant candelabra et mensa et propositio panum que dicitur sancta. Post uellamentum autem secundum tabernaculum. quod dicitur sancta sanctorum aureum habens thurribulum. et archam testamenti circumtectam ex omni parte auro. 25 in qua erat urna aurea habens manna. et uirga aaron que fronduerat. et tabule testamenti. Superque erant cherubin glorie obumbrantia propitiatorium. de quibus modo non est dicendum per singula. His uero ita compositis. in priori quidem tabernaculo semper introibant sacerdotes sacrificiorum officia consumantes. In secundo uero semel in anno 30 solus pontifex. non sine sanguine quem offerret pro sua et populi ignorantia. Hoc significante spiritu sancto mundum propalatam esse sanctorum uiam adhuc priori tabernaculo habente statum. que parabola est temporis instantis. Iuxta 35 quam munera et hostie offeruntur. que non possunt iuxta conscientiam perfectum facere seruientem. solum modo in cibis et in potibus: et in uariis baptismatibus. et iustitiis carnis usque ad tempus correctionis impositis. Christus autem assistens pontifex futurorum bonorum per amplius et perfectius: tabernaculum non manufactum. idest non huius 40 creationis. neque per sanguinem yrcorum et uitulorum. sed per proprium sanguinem introiuit semel in sancta eterna redemptione inuenta.

(*Graduale.*) Laudate dominum omnes gentes et collaudate eum omnes populi. (*V.*) Quoniam confirmata est super nos misericordia eius. et ueritas domini manet in eternum.

(*Secundum lucam*) [Luc. xiii. 6-17].

5 **I**N illo tempore : Dicebat dominus iesus turbis similitudinem hanc. Arborem ficī habebat quidam plantatam in uinea sua et uenit querens fructum in illa. et non inuenit. Dicit autem ad cultorem uinee. Ecce anni tres sunt ex quo uenio querens fructum in ficulnea hac et non inuenio. Succide ergo  
 10 illam. ut quid etiam terram occupat? At ille respondens : dixit illi : Domine. dimitte illam et hoc anno. usque dum fodiam circa† illam et mittam stercora. Et si quidem fecerit fructum : sin autem in futurum succides eam. Erat autem docens in synagoga eorum sabbatis. Et ecce mulier que  
 15 habebat. spiritum infirmitatis annis decem et octo et erat inclinata : nec omnino poterat sursum respicere : Quam cum uideret iesus. uocauit eam. et ait illi. Mulier. dimissa es ab infirmitate tua. Et imposuit illi manus et confestim [fo. 113. erecta est. et glorificabat deum. Respondens autem archi-  
 20 sinagogus indignans. quia sabbato curasset iesus : dicebat turbe. Sex dies sunt. in quibus oportet operari. In his ergo uenite et curamini. et non in die sabbati. Respondens autem ad illum dominus dixit : Ypocrite : unusquisque uestrum sabbato non soluit bouem suum aut asinum a presepio. et  
 25 ducit adquare? Hanc autem filiam abrae quam alligauit sathanas : ecce decem et octo anni sunt nonne oportuit solui a uinculo isto die sabbati? Et cum hec diceret erubescabant omnes aduersarii eius. Et omnis populus gaudebat in uniuersis. que gloriose fiebant ab eo.

30 (*Offertorium.*) Domine deus salutis mee in die clamaui et nocte coram te intret oratio mea in conspectu tuo domine.

(*Secreta.*)

**C**ONcede quesumus omnipotens deus : ut oculis tue maiestatis munus oblatum et gratiam nobis pie deuotionis obtineat :  
 35 et effectum beate perhennitatis acquirat. Per.

(*Communio.*) Mense septimo festa celebrabitis cum in tabernaculis habitare fecerim filios ysrael. cum educerem eos de terra egypti ego dominus deus uester.

(*Post communio.*)

40 **P**ERficient in nobis domine quesumus tua sacramenta quod continent : ut que nunc spe gerimus : rerum ueritate capiamus. Per.

## DOMINICA DECIMA OCTAUA POST PENTECOSTEN.

(Introitus.)

DA pacem domine substinentibus te ut prophete tui fideles in-  
ueniantur exaudi preces serui tui ct̃ plebis tue ysrael.  
5 (Ps.) Letatus sum in his que dicta sunt michi in domum domini  
ibimus. (V.) Gloria.

(Oratio.)

DIRigat corda nostra quesumus domine tue miserationis.  
operatio : quia tibi sine te plac[e]re non possumus. Per.

10 (Ad corinthios) [I Cor. i. 4-8].

FRatres : Gratias ago deo meo semper pro omnibus uobis  
in gratia dei que data est uobis in christo iesu. Quia in  
omnibus diuites facti estis in illo in omni uerbo et in omni  
scientia sicut testimonium christi confirmatum est in uobis ita  
15 ut nichil uobis desit in ulla gratia. expectantibus reuelationem  
domini nostri iesu christi : Qui et confirmabit uos usque in  
finem sine crimine : in die aduentus domini nostri iesu christi.

(Graduale.) Letatus sum in his que dicta sunt michi in domum  
domini ibimus. (V.) Fiat pax in uirtute tua et abundantia in  
20 turibus tuis. Alleluia. (V.) Timebunt gentes nomen tuum domine.  
et omnes reges terre gloriam tuam.

(Secundum matheum) [Mat. ix. 1-8].

IN illo tempore. Ascendens iesus in nauculam transfretauit  
et uenit in ciuitatem suam. Et ecce offerebant ei para-  
25 liticum : iacentem in lecto. Et uidens iesus fidem illorum.  
Dixit paralitico. Confide fili. remittuntur tibi peccata tua.  
Et ecce quidam de scribis dixerunt intra se hic blasphematur.  
Et cum uidisset iesus cogitationes eorum. dixit. Ut quid  
cogitatis mala in cordibus uestris? Quid est facilius dicere  
30 remittuntur tibi peccata tua. an dicere surge et ambula? Ut  
sciatis autem quoniam filius hominis habet potestatem in terra  
dimittendi peccata : tunc ait /paralitico. Surge. [fo. 113b.  
tolle lectum tuum. et uade in domum tuam. Et surrexit.  
et abiit in domum suam. Uidentes autem turbe timuerunt.  
35 et glorificauerunt deum : qui dedit potestatem talem homini-  
bus.

(Offertorium.) Sanctificauit moyses altare domino. offerens  
super illud holocausta. et immolans uictimas fecit sacrificium uest-  
pertinum. in odorem suauitatis domino deo in conspectu filiorum  
40 ysrael.



(Secreta.)

**D**Eus qui nos per huius sacrificii ueneranda commertia  
unius summeque diuinitatis participes efficis: presta  
quesumus. ut sicut tuam cognoscimus ueritatem. sic eam dignis  
5 moribus assequamur. Per.

(Communio.) Tollite hostias et introite in atria eius. adorete  
dominum in aula sancta eius.

(Post communio.)

**G**Ratias tibi referimus domine sacro munere uegetati tuam  
10 misericordiam deprecantes. ut dignos nos eius partici-  
patione perficias. Per.

DOMINICA DECIMA NONA POST PENTECOSTEN.

(Introitus.)

**S**Alus populi ego sum dicit dominus de quacunque tribulatione  
15 clamauerint ad me exaudiam eos. et ero illorum dominus in  
perpetuum.

(Ps.) Attendite popule meus legem meam. inclinate aurem  
uestram in uerba oris mei. (V.) Gloria.

(Oratio.)

**O**Mnipotens et misericors deus. uniuersa nobis aduersantia  
20 propitiatus exclude: ut mente et corpore pariter ex-  
pediti: que tua sunt liberis mentibus exequamur. Per.

(Ad ephesios) [Eph. iv. 23-28].

**F**Ratres: Renouamini spiritu mentis uestre: et induite  
25 nouum hominem qui secundum deum creatus est. in  
iustitia et sanctitate ueritatis. Propter quod deponentes men-  
dacium. Loquimini ueritatem unusquisque cum proximo suo.  
quoniam sumus inuicem membra. Irascimini et nolite peccare.  
Sol non occidat super iracundiam uestram. Nolite locum  
30 dare diabolo. Qui furabatur iam non furetur. Magis autem  
laboret operando manibus suis quod bonum est ut habeat  
unde tribuat: necessitatem patienti.

(Graduale.) Dirigatur oratio mea sicut incensum in conspectu  
tuo domine. (V.) Eleuatio manuum mearum sacrificium uesper-  
35 tinum. Alleluia. (V.) Confitemini domino et inuocate nomen  
eius. annuntiate inter gentes opera eius.

(Secundum matheum) [Mat. xxii. 2-14].

**I**N illo tempore: Loquebatur dominus iesus principibus  
sacerdotum et phariseis in parabolis dicens. Simile  
10 factum est regnum celorum homini regi: qui fecit nuptias

filio suo. Et misit seruos suos uocare inuitatos ad nuptias :  
 et nolebant uenire. Iterum misit alios seruos dicens. Dicite  
 inuitatis. Ecce prandium meum parauit : tauri mei et altilia  
 occisa. et omnia parata sunt : uenite ad nuptias. Illi autem  
 5 neglexerunt. Et abierunt alius in uillam suam : alius uero  
 ad negotiationem suam. Reliqui uero tenuerunt seruos eius :  
 et contumeliis affectos occiderunt. Rex autem cum audisset  
 iratus est : et missis exercitibus suis perdidit homicidas illos : et  
 ciuitates illorum succendit. Tunc ait rex seruis suis. / [fo. 114.  
 10 Nuptie quidem parate sunt : sed qui inuitati erant non  
 fuerunt digni. Ite ergo ad exitus uiarum : et quosunque  
 inueneritis uocate ad nuptias. Et egressi serui eius in uias :  
 congregauerunt omnes quos inuenerunt malos et bonos et  
 implete sunt nuptie discumbentium. Intrauit autem rex. ut  
 15 uideret discumbentes : et uidit ibi hominem non uestitum  
 ueste nuptiali. et ait illi : Amice. quomodo huc intrasti. non  
 habens uestem nuptialem? At ille obmutuit. Tunc dixit  
 rex ministris. Ligatis pedibus eius et manibus mittite eum  
 in tenebras exteriores. Ibi erit fletus et stridor dentium.  
 20 Multi enim sunt uocati : pauci uero electi.

(*Offertorium.*) Si ambulauero in medio tribulationis uiuificabis  
 me domine et super iram inimicorum meorum extendisti manum  
 tuam et saluum me fecit dextera tua.

(*Secreta.*)

25 **H**Ec quesumus munera domine que oculis tue maiestatis  
 offerimus. salutaria nobis esse concede. Per.

(*Communio.*) Tu mandasti mandata tua custodiri nimis utinam  
 dirigantur uie mee : ad custodiendas iustificationes tuas.

(*Post communio.*)

30 **T**Ua nos quesumus domine medicinalis operatio. et a nostris  
 peruersitatibus clementer† expediat : et tuis faciat  
 semper inherere mandatis. Per do[minum].

DOMINICA XX POST PENTECOSTEN.

(*Introitus.*)

35 **O**Mnia que fecisti nobis domine. in uero iudicio fecisti : quia  
 peccauimus tibi. et mandatis tuis non obediuius. sed da  
 gloriam nomini tuo : et fac nobiscum secundum multitudinem  
 misericordie tue.

(*Ps.*) Beati immaculati in uia : qui ambulant in lege domini.  
 40 (*V.*) Gloria.

(Oratio.)

**L**Argire quesumus domine fidelibus tuis indulgentiam placatus et pacem : ut pariter ab omnibus mundemur et offensis : et segura tibi mente deseruiant. Per.

(Ad ephesios) [Eph. v. 15-21].

**F**Ratres : Uidete itaque quomodo caute ambuletis : non quasi insipientes. sed ut sapientes. Redimentes tempus : quoniam dies mali sunt. Propterea nolite fieri imprudentes : sed intelligentes que sit uoluntas dei. Et nolite inebriari uino in quo est luxuria : sed impleamini spiritu sancto loquentes uobis metipsis in psalmis et ymnis et canticis spiritalibus cantantes et psallentes in cordibus uestris domino. gratias agentes semper pro omnibus in nomine domini iesu christi deo et patri. subiecti inuicem : in timore christi.

(Graduale.) Oculi omnium in te sperant domine. et tu das escam illorum in tempore oportuno. (V.) Aperis tu manum tuam. et imples omne animal benedictione. alleluia. (V.) Paratum cor meum deus. paratum cor meum. cantabo et psallam tibi in gloria mea.

Secundum Iohannem [Ioh. iv. 46-53].

**I**N illo tempore. Erat quidam regulus cuius filius infirmabatur capharnaum. Hic cum audisset. quia iesus ueniret a iudea in galileam : abiit ad eum. et rogabat eum. ut descenderet et sanaret filium eius. incipiebat enim mori. Dixit ergo iesus ad eum. Nisi signa et prodigia uideritis non creditis. Dixit ad eum regulus. Domine descende prius- [fo. 114b. quam moriatur filius meus. Dicit ei iesus. Uade filius tuus uiuit. Credidit homo sermoni. quem dixit ei iesus. et ibat. Iam autem eo descendente. serui occurrerunt ei. et nuntiauerunt dicentes. quia filius eius uiueret. Interrogabat ergo horam ab eis in qua melius habuerat. Et dixerunt ei. quia heri hora septima reliquit eum febris. Cognouit ergo pater. quod illa hora erat in qua dixerat ei iesus filius tuus uiuit. Et credidit ipse : et domus eius tota.

(Offertorium.) Super flumina babilonis. illic sedimus et fleuimus dum recordaremur tui syon.

(Secreta.)

**C**Elestem nobis prebeant hec misteria quesumus domine medicinam et uitia nostri cordis expurgent. Per.

(Communio.) Memento uerbi tui seruo tuo domine in quo michi spem dedisti. hec me consolata est in humilitate mea.

(Post communio.)

UT sacris domine reddamur digni muneribus. fac nos tuis quesumus obedire mandatis. Per.

## DOMINICA. XXI. POST PENTECOSTEN.

5

(Introitus.)

IN uoluntate tua domine, uniuersa sunt posita. et non est qui possit resistere uoluntati tue tu enim fecisti omnia celum et terram et uniuersa que celi ambitu continentur dominus uniuersorum tu es.

10

(Ps.) Beati immaculati in uia qui ambulant in lege domini.  
(V.) Gloria.

(Oratio.)

FAMILIAM tuam quesumus domine continua pietate custodi. ut a cunctis aduersitatibus te protegente sit libera. et in bonis actibus tuo nomini sit deuota. Per.

(Ad ephesios) [Eph. vi. 10-17].

FRATRES. Confortamini in domino. et in potentia uirtutis eius. Induite uos armaturam dei. ut possitis stare aduersus insidias diaboli. Quoniam non est nobis colluctatio aduersus carnem et sanguinem. sed aduersus principes et potestates. aduersus mundi rectores tenebrarum harum contra spiritalia nequitiæ in celestibus. Propterea accipite armaturam dei: ut possitis resistere in die malo: et in omnibus perfecti stare. State ergo succinti lumbos uestros in ueritate: et induti lorica iustitiæ: et calciati pedes in preparatione euangelii pacis. In omnibus sumentes scutum fidei: in quo possitis omnia tela nequissimi ignea extinguere. Et galeam salutis assumite: et gladium spiritus sancti. quod est uerbum dei.

30

(Graduale.) Domine refugium factus es nobis a generatione et progenie. (V.) Priusquam montes fierent aut formaretur terra et orbis a seculo et usque in seculum tu es deus. alleluia. (V.) In exitu ysrael de egipto domus iacob de populo barbaro.

(Secundum matheum) [Mat. xviii. 23-35].

35

IN illo tempore. Dixit iesus discipulis suis parabolam hanc. Simile est regnum celorum homini regi. qui uoluit rationem ponere cum seruis suis. Et cum cepisset rationem ponere. oblatus est ei unus qui debebat ei decem milia talenta. Cum autem non haberet unde redderet: iussit eum dominus eius uenundari. et uxorem eius et filios. et omnia que habebat et/ reddi. Procidens autem seruus ille. rogabat eum [fo. 115.

40

dicens. Patientiam habe in me. et omnia reddam tibi. Misertus autem dominus serui illius dimisit eum et debitum dimisit ei. Egressus autem seruus ille. inuenit unum de conseruis suis qui debebat ei centum denarios et tenens suffocabat eum dicens Redde quod debes. et procidens conseruus eius. Rogabat eum dicens. Patientiam habe in me et omnia reddam tibi. Ille autem noluit sed abiit et misit eum in carcerem. donec redderet uniuersum† debitum. Uidentes autem conserui eius que fiebant contristati sunt ualde. et uenerunt et nuntiauerunt domino suo omnia que facta fuerant. Tunc uocauit illum dominus suus et ait illi. Serue nequam. omne debitum dimisi tibi: quoniam rogasti me. Non ne ergo oportuit et te misereri conserui tui. sicut et ego tui misertus sum? Et iratus dominus eius: tradidit eum tortoribus quo adusque redderet uniuersum debitum. Sic et pater meus celestis faciet uobis si non remiseritis unusquisque fratri suo. de cordibus uestris.

(*Offertorium.*) Uir erat in terra hus nomine iob simplex et rectus ac timens deum. quem sathan petiit ut temptaret. et data est ei potestas a domino. in facultate et in carne eius. perdiditque omnem substantiam ipsius et filios. carnem quoque eius graui ulcere uulnerauit.

(*Secreta.*)

5 **S**uscipe domine propitius hostias quibus et te placari uoluisti. et nobis salutem potenti pietate restitui. Per.

(*Communio.*) In salutari tuo anima mea et in uerbum tuum speraui quando facies de persequentibus me iudicium. iniqui persecuti sunt me adiuua me domine deus meus.

(*Post communio.*)

30 **I**N mortalitatis alimoniam consecuti quesumus domine ut quod ore percepimus. pura mente sectemur. Per.

DOMINICA XXII. POST PENTECOSTEN.

(*Introitus.*)

35 **S**I iniquitates obseruaueris domine domine quis sustinebit. quia aput te propitatio est deus ysrael.

(*Ps.*) Deprofundis clamaui ad te domine domine exaudi uocem meam. (*V.*) Gloria.

(*Oratio.*)

40 **D**eus refugium nostrum et uirtus adesto piis ecclesie tue precibus auctor ipse pietatis: et presta ut quod fideliter petimus. efficaciter consequamur. Per.

(*Ad ephesios*†) [Phil. i. 6-11].

**F**Ratres: Confidimus in domino iesu. quia qui cepit in  
uobis opus bonum perficiet usque in diem christi iesu.  
Sicut enim michi iustum est hoc sentire pro omnibus uobis. eo  
5 quod habeam uos in corde et in uinculis meis. et in deffensione  
et confirmatione euangelii socios gaudii mei omnes uos esse.  
Testis enim michi est deus. quomodo uos omnes cupiam in  
uisceribus christi iesu. Et hoc oro ut caritas uestra magis ac  
magis abundet in scientia et in omni sensu: ut probetis  
10 potiora. ut sitis sincerest† et sine offensa in diem christi iesu  
Repleti fructu iustitie. Per iesum cristum in gloriam et  
laudem dei.

(*Graduale.*) Ecce quam bonum et quam iocundum habitare  
fratres in unum. (*V.*) Sicut/ unguentum in capite quod [fo. 115b.  
15 descendit in barbam barbam aaron. Alleluia. (*V.*) Qui timent  
dominum sperent in eo adiutor et protector eorum est.

(*Secundum matheum*) [Mat. xxii. 15-21].

**I**N illo tempore. Abeuntes pharisei: consilium inierunt ut  
caperent iesum in sermone. Et mittunt ei discipulos  
20 suos cum herodianis dicentes. Magister scimus quia uerax  
es. et uiam dei in ueritate doces et non est tibi cura de aliquo.  
Non enim respicis personam hominum. Dic ergo nobis quid  
tibi uidetur. licet census dare cesari an. non? Cognita  
autem iesus nequitia eorum ait Quid me temptatis ypocrite?  
25 Ostendite michi numisma census. At illi obtulerunt ei  
denarium. Et ait illi† iesus. Cuius est ymago hec et super-  
scriptio? Dicunt ei. Cesaris. Tunc ait illis. Reddite ergo  
que sunt cesaris cesari: et que sunt dei deo.

(*Offertorium.*) Recordare mei domine dominans omni poten-  
30 tatui. et da sermonem rectum in os meum et bene sonantem. ut  
placeant uerba mea in conspectu principis.

(*Secreta.*)

**D**A misericors deus. ut hec salutaris oblatio. et apropiis†  
nos reatibus indesinenter expediat. et ab omnibus  
35 tueatur aduersis.

(*Communio.*) Ego clamaui quoniam exaudisti me deus inclina  
aurem tuam. michi et exaudi uerba mea.

(*Post communio.*)

**S**Umpsimum domine sacri dona misterii: humiliter depre-  
40 cantes: ut que in tui commemoratione nos facere pre-  
cepisti: in nostre proficiant in firmitatis auxilium. Qui uiuis.

## DOMINICA XXIII. POST PENTECOSTEN.

(Introitus.)

**D**icit dominus ego cogito cogitationes pacis et non afflictionis. inuocabitis me et ego exaudiam uos et reducam captiuitatem uestram de cunctis locis.

(Ps.) Benedixisti domine terram tuam auertisti captiuitatem iacob. (V.) Gloria.

(Oratio.)

**A**bsolue domine quesumus tuorum delicta populorum. et a peccatorum nostrorum nexibus que pro nostra fragilitate contraximus: tua benignitate liberemur. Per.

(Ad phylippenses) [Phil. iii. 17-iv. 3].

**F**Ratres: Imitatores mei estote. et obseruate eos qui ita ambulant. sicut habetis formam uestram†. Multi enim ambulant quos sepe dicebam uobis. nunc autem et flens dico inimicos crucis christi. quorum finis interitus quorum deus uenter est. et gloria in confusione ipsorum. qui terrena sapiunt. Nostra autem conuersatio in celis est. Unde etiam saluatorem expectamus. dominum nostrum iesum christum qui reformabit corpus humilitatis nostre. configuratum corpori claritatis sue secundum operationem qua possit etiam subicere sibi omnia. Itaque fratres mei karississimi et desideratissimi gaudium meum et corona mea. sic state in domino karissimi. Euchodiam rogo. et sinticem deprecor id ipsum sapere in domino. Etiam rogo et te germane compar. Adiuua illos qui mecum laborauerunt in euangelio. cum clemente. et ceteris coadiutoribus meis. Quorum nomina sunt in libro uite.

(Graduale.) Liberasti nos domine /ex. affligentibus [fo. 116. nos et eos qui nos oderunt confundisti. (V.) In deo laudabimur tota die et nomini tuo confitebimur in secula. Alleluia. (V.) De profundis clamaui ad te domine domine exaudi uocem meam.

(Secundum matheum) [Mat. ix. 18-26].

**I**N illo tempore: Loquente iesu ad turbas. ecce princeps unus accessit. et adorabat eum dicens. Domine filia mea. modo defuncta est: sed ueni impone manum tuam super eam et uiuet. Et surgens iesus sequebatur eum et discipuli eius. Et ecce mulier que sanguinis fluxum patiebatur annis duodecim accessit retro. et tetigit fimbriam uestimenti eius. Dicebat enim intra se. Si tetigero tantum uestimentum eius: salua ero. At iesus conuersus et uidens eam. dixit. Confide filia fides tua te saluam fecit. Et salua facta est mulier ex illa hora. Et cum uenisset iesus. in domum principis: et

uidisset tibicines : et turbam tumultuantem dicebat. Recedite non enim mortua est puella sed dormit. Et deridebant eum. Et cum eiecta esset turba. intrauit et tenuit manum eius Et surrexit puella. Et exiit fama hec : in uniuersam terram  
5 illam.

(*Offertorium.*) Deprofundis clamaui ad te domine. domine exaudi uocem meam.

(*Secreta.*)

10 **P**Ro nostre seruitutis augmento† sacrificium tibi domine laudis offerimus : ut quod inmeritis contulisti. propitius exequaris. Per.

(*Communio.*) Amen dico uobis quicquid orantes petitis. credite quia accipietis et fiet uobis.

(*Post communio.*)

15 **Q**uesumus omnipotens deus : ut quos diuina tribuis participatione gaudere : humanis non sinas subiacere periculis.  
Per.

#### DOMINICA XX QUARTA POST PENTECOSTEN.

(*Introitus.*)

20 *Officium resumitur de dominica preterita. Scilicet.*  
Dicit dominus ego cogito cogitationes pacis.

(*Oratio.*)

**E**Xcita domine quesumus tuorum fidelium uoluntates : ut diuini operis fructum propensius exequentes. pietatis  
25 tue remedia maiora percipiant. Per.

(*Ad collosenses*) [Col. i. 9-14].

**F**Ratres : Non cessamus pro uobis orantes et postulantes ut impleamini agnitione uoluntatis dei in omni sapientia et intellectu spiritali : ut ambuletis digne deo per omnia  
30 placentes in omni opere bono fructificantes. et crescentes in scientia dei. In omni uirtute confortati secundum potentiam claritatis eius. In omni patientia et longanimitate cum gaudio gratias agentes deo et patri qui dignos nos fecit in partem sortis sanctorum in lumine. Qui eripuit nos de potestate  
35 tenebrarum et transtulit in regnum filii dilectionis sue : in quo habemus redemptionem et remissionem peccatorum. In christo iesu domino nostro.

(*Secundum matheum*) [Mat. xxiv. 15-35].

40 **I**N illo tempore : Dixit iesus discipulis suis. Cum uideritis abominationem desolationis que dicta est a danielle.



propheta stantem in loco sancto qui legit intelligat. Tunc qui in iudea sunt fugiant ad montes et qui in/ tecto [fo. 116b. non descendat tollere aliquid de domo sua. et qui in agro non reuertatur tollere tunicam suam. Ue autem pregnantibus et untrientibus† in illis diebus. Orate autem: ut non fiat fuga uestra hyeme uel sabbato. Erit enim tunc tribulatio magna. qualis non fuit ab initio mundi usque modo neque fiet. Et nisi breuiati fuissent dies illi: non fieret salua omnis caro. Sed propter electos breuiabuntur dies illi. Tunc si quis uobis dixerit. ecce hic est christus. aut illic: nolite credere. Surgent enim pseudo christi. et pseudo prophete. et dabunt signa magna et prodigia. ita ut in errorem inducantur si fieri potest. etiam electi. Ecce predixi uobis. Si ergo dixerint uobis ecce in deserto est nolite exire. Ecce in penetralibus nolite credere. Sicut enim fulgur exit ab oriente et paret usque in occidentem: ita erit aduentus filii hominis. Ubicunque fuerit corpus illuc congregabuntur et aquile. Statim autem post tribulationem dierum illorum. sol obscurabitur. et luna non dabit lumen suum. et stelle cadent de celo. et uirtutes celorum commouebuntur. Et tunc apparebit signum filii hominis in celo. Et tunc plangent super se omnes tribus terre: et uidebunt signum filii hominis uenientis in nubibus celi cum uirtute magna et maiestate. Et mittet angelos suos cum tuba et uoce magna. et congregabunt electos eius a quatuor uentis. a summis celorum usque ad terminos eorum. Ab arbore autem fici discite parabolam. Cum iam ramus eius tener fuerit et folia nata: scitis quia prope est estas. Ita et uos cum uideritis hec omnia fieri. Scitote quia prope est in ianuis. Amen dico uobis quia non preteribit generatio hec donec omnia fiant. Celum et terra transibunt: uerba autem mea non transient.

(*Secreta.*)

**P**ROPITIUS esto domine supplicationibus nostris. et populi tui oblationibus precibusque susceptis omnium nostrorum ad te corda conuerte. ut a terrenis cupiditatibus liberi ad celestia desideria transeamus. Per dominum nostrum.

(*Post communio.*)

**C**ONCEDE nobis domine quesumus. ut per hec sacramenta que sumpsimus quicquid in nobis uiciosum est. ipsius medicationis dono curetur. Per dominum nostrum iesum cristum filium tuum qui tecum uiuit. Amen.

|(INCIPIT OFFITIUM PROPRIUM [fo. 118.  
SANCTORUM.)

IN UIGILIA SANCTI ANDREE APOSTOLI.

(*Pro sancto saturnino.*

5 *Oratio.)*

**D**Eus qui nobis beati saturnini martyris tui concedis  
natalitio perfrui eius nos tribue meritis adiuuari Per  
dominum.

(*Secreta.*)

10 **M**Unera tibi domine dicata sanctifica. et intercedente beato  
saturnino martire tuo per hec eadem nos placatus  
intende. Per dominum nostrum.

(*Post communio.*)

15 **S**Anctificet nos quesumus domine tui perceptio sacramenti  
et intercessione sanctorum tuorum tibi reddat acceptos.  
Per.

(PRO UIGILIA SANCTI ANDREE.

*Introitus.)*

20 **D**Ominus secus mare galilee uidit duos fratres petrum et andream  
et uocauit eos. uenite post me et faciam uos fieri piscatores  
hominum.

(*Ps.*) At illi relictis retibus et naui secuti sunt dominum. (*V.*)  
Gloria patri et filio.

(*Oratio.*)

25 **Q**Uesumus omnipotens deus. ut beatus andreas apostolus  
tuus pro nobis imploret auxilium ut a nostris reatibus  
absoluti. a cunctis etiam periculis exuamur. Per dominum.

*Epistola.* Benedictio domini. super caput iusti. *Require*  
*in comuni in uigilia unius apostoli.* [p. 403.]

30 (*Graduale.*) Nimis honorati sunt amici tui deus. nimis con-  
fortatus est principatus eorum. (*V.*) Dinumerabo eos et super  
arenam multiplicabuntur.

(*Secundum iohannem*) [Ioh. i. 35-51].

35 **I**N illo tempore. Stabat iohannes et ex discipulis eius duo.  
Et respiciens iesum ambulantiem dicit. Ecce agnus  
dei. Et audierunt eum discipuli loquentem et secuti sunt

iesum. Conuersus autem iesus et uidens eos sequentes se. dicit eis. Quid queritis? Qui dixerunt ei. Rabi. qui dicitur magister. Ubi habitas? Dicit eis iesus. uenite et uidete. Uenerunt et uiderunt ubi maneret. et apud eum manserunt  
 5 die illo. Hora autem erat quasi decima. Erat autem andreas frater symonis petri: unus ex duobus qui audierant a iohanne. et secuti fuerant eum. Inuenit hic. primum fratrem suum symonem. et dixit ei. Inuenimus messiam. quod est interpretatum christus. Et adduxit eum ad iesum. Intuitus autem  
 10 eum iesus. dicit. Tu es simon filius iohanna. tu uocaberis cephas quod interpretatur petrus. In crastinum autem uoluit exire in galileam. et inuenit philippum. et dixit ei iesus. Sequere me. Erat autem philippus. a bethsaida ciuitate andree et petri. Inuenit philippus nathanaelem. et dixit ei.  
 15 Quem scripsit moyses in lege et prophete. inuenimus iesum filium ioseph a nazareth. Et dixit ei nathanael. A nazareth potest aliquid boni esse? Dicit ei philippus. Ueni: et uide. Uidit iesus nathanaelem† uenientem ad se. et dicit de eo. Ecce uere israelita. in quo dolus non est. Dicit ei nathanael. Unde  
 20 me nosti? Respondit iesus. et dixit ei. Priusquam te philippus uocaret cum esses sub ficu uidi te. Respondit ei nathanael. / et ait. Rabi. tu es filius dei. tu es rex [fo. 118b. ysrael. Respondit iesus et dixit ei. Quia dixi tibi uidi te sub ficu. credis. maius his uidebis. Et dixit eis: Amen dico  
 25 uobis. Uidebitis celum apertum. et angelos dei ascendentes et descendentes. supra filium hominis.

(*Offertorium.*) Gloria et honore coronasti eum. et constituisti eum super opera manuum tuarum domine.

(*Secreta.*)

30 SACrandum tibi domine munus offerimus. quo beati andree solemnina recolentes. purificationem quoque nostris mentibus imploramus. Per.

(*Communio.*) Dixit andreas simoni fratri suo. inuenimus messiam qui dicitur christus. et adduxit eum ad iesum.

35 (*Post communio.*)

PERceptis domine sacramentis suppliciter exoramus. ut intercedente beato andrea apostolo tuo. que pro illius ueneranda gerimus passione. nobis proficiant ad medelam. Per.

40 (IN DIE SANCTI ANDREE APOSTOLI.

*Introitus.*)

M Ichi autem nimis honorati sunt amici tui deus nimis confortatu est principatus eorum.

(*Ps.*) Domine probasti me et cognouisti me. tu cognouisti sessionem meam et resurrectionem meam. (*V.*) Gloria.

(*Oratio.*)

5 **M**Aiestatem tuam domine suppliciter exoramus. ut sicut ecclesie tue beatus andreas apostolus extitit predicator et rector ita apud te sit pro nobis perpetuus intercessor. Per dominum.

(*Ad Romanos*) [Rom. x. 10-18].

10 **F**Ratres. Corde enim creditur ad iustitiam. ore autem confessio fit ad salutem. Dicit enim scriptura. Omnis qui credit in illum. non confundetur. Non enim est distinctio. iudei et greci. Nam idem dominus omnium. diues in omnes qui inuocant illum. Omnis enim quicumque inuocauerit nomen domini. saluus erit. Quomodo ergo inuocabunt in quem non  
15 crediderunt? Aut quomodo credent ei. quem non audierunt? Quomodo autem audient sine predicante[?] Quomodo uero predicabunt. nisi mittantur? sicut scriptum est. Quam speciosi pedes euangelizantium pacem. euangelizantium bona. Sed non omnes obediunt euangelio ysaïas enim  
20 dicit. Domine quis credidit auditui nostr[o?]. Ergo fides ex auditu. auditus autem per uerbum christi. Sed dico. Numquid non audierunt? Et quidem in omnem terram exiuit sonus eorum et in fines orbis terre uerba eorum.

(*Graduale.*) Constitues eos principes super omnem terram. 25 memores erunt nominis tui domine. (*V.*) Pro patribus tuis nati sunt tibi filii. propterea populi confitebuntur tibi Alleluia. (*V.*) Dilexit andream dominus. in odorem suauitatis.

(*Secundum matheum*) [Mat. iv. 18-22].

30 **I**N illo tempore: Ambulans iesus iuxta mare galilee uidit dnos† fratres. simonem qui uocatur petrus. et andream fratrem eius. mittentes rete in mare. Erant enim piscatores. Et ait illis iesus. Uenite post me: et faciam uos fieri pisca-  
tores hominum. At illi continuo relictis retibus et naui secuti sunt eum. Et procedens inde. uidit alios duos fratres.  
35 iacobum zebedei et iohannem fratrem eius in naui cum zebedeo/ patre eorum reficientes retia sua et [fo. 119. uocauit eos. Illi autem statim relictis retibus et patre. secuti sunt eum.

(*Offertorium.*) Michi autem nimis honorificati sunt amici tui 40 deus. nimis confortatus est principatus eorum.

(*Secreta.*)

Sacrificium nostrum tibi domine quesumus beati andree apostoli tui predicatio sancta conciliet. ut in cuius honore solemniter exhibetur. eius meritis efficiatur acceptum. Per.

5 (*Communio.*) Uenite post me faciam uos fieri piscatores hominum. at illi relictis retibus et naui. secuti sunt dominum.

(*Post communio.*)

10 Sumpsimus domine diuina misteria. beati andree apostoli festiuitate letantes. que sicut tuis sanctis ad gloriam. ita nobis quesumus ad ueniam prodesse perficias. Per dominum.

(IN SANCTI NYCOLAY CONFESSORIS. ✓ R

*Oratio.*)

15 Deus qui beatum nicholaum pontificem tuum innumeris decorasti miraculis. tribue quesumus. ut eius meritis et precibus a gehenne incendiis liberemur. Per dominum.

(*Secreta.*)

20 Sanctifica quesumus domine deus hec munera. que in solemnitate sancti antistitis tui nicholai offerimus. ut per ea uita nostra inter aduersa et prospera ubique dirigatur. Per.

(*Post communio.*)

Sacrificia que sumpsimus domine pro solemnitate sancti pontificis tui nicholai. sempiterna nos protectione conseruent. Per.

25 (IN SANCTI DAMASI CONFESSORIS.

*Oratio.*)

EXaudi domine preces nostras. et intercedente beato damaso confessore tuo atque pontifice. supplicationes nostras placatus intende. Per.

30 (*Secreta.*)

Accepta tibi sit quesumus domine sacrate plebis oblatio pro tuorum honore sanctorum. quorum se meritis percepisse de tribulatione cognoscit auxilium. Per.

(*Post communio.*)

35 DA quesumus domine fidelibus populis sanctorum tuorum semper ueneratione letari. et eorum perpetua supplicatione muniri. Per.

(IN SANCTE LUCIE. VIRGINIS. ET MARTYRIS.

*Introitus.*)

Dilexisti iusticiam et odisti iniquitatem. propterea unxit te deus  
deus tuus oleo letitie pre consortibus tuis.

5 (Ps.) Eructavit cor meum uerbum bonum dico ego opera mea  
regi. (V.) Gloria.

*(Oratio.)*

EXaudi nos deus salutaris noster. ut sicut de beate lutie  
festiuitate gaudemus. ita pie deuotionis erudiamur  
10 affectu. Per.

(Graduale.) Dilexisti iusticiam et odisti iniquitatem. (V.)  
Propterea unxit te deus deus tuus oleo letitie. alleluia. (V.) Diffusa  
est gratia in labiis tuis propterea benedixit te deus in eternum.

(Offertorium.) Offerentur regi uirgines post eam proxime eius  
15 offerentur tibi.

*(Secreta.)*

ACCEPTA sit tibi domine sacrate plebis oblatio pro tuorum  
honore sanctorum. quorum se meritis percepisse de  
tribulatione cognoscit auxilium. Per.

20 (Communio.) Diffusa est gratia in labiis tuis propterea bene-  
dixit te deus in eternum.

*(Post communio.)*

SATIasti domine familiam tuam muneribus sacris. eius  
quesumus interuentione nos refoue. cuius solemnia  
25 celebramus. Per.

(IN SANCTI THOME APOSTOLI.

*Introitus.*)

Michi autem nimis honorati sunt amici tui deus. [fo. 119b.  
nimis confortatus est principatus eorum.

30 (Ps.) Domine probasti me et cognouisti me. tu cognouisti  
sessionem meam et resurrectionem meam. (V.) Gloria.

*(Oratio.)*

DA nobis quesumus domine beati apostoli tui thome  
solemnitatibus gloriari. ut eius semper et patrociniis  
35 subleuemur et fidem congrua deuotione sectemur. Per.

*(Epistola.)*

*Require in uigilia sancte thome†.* Benedictio domini super  
caput. [p. 403.]

(Graduale.) Nimis honorati sunt amici tui deus. nimis con-  
40 fortatus est principatus eorum. (V.) Dinumerabo eos et super  
arenam multiplicabuntur alleluia. (V.) Gaudete iusti in domino  
rectos decet collaudatio.

(*Secundum Iohannem*) [Ioh. xx. 24-29].

IN illo tempore. thomas unus ex duodecim. qui dicitur didimus non erat cum illis. quando uenit iesus. Dixerunt ergo ei alii discipuli. Uidimus dominum. Ille autem dixit eis. Nisi uidero in manibus eius fixuram clauorum et mittam digitum meum in locum clauorum et mittam manum meam in latus eius non credam. Et post dies octo. iterum erant discipuli eius intus. et thomas cum eis. Uenit iesus ianuis clausis. et stetit in medio. et dixit eis. Pax uobis. Deinde dicit thome. Infer digitum tuum huc. et uide manus meas. et affer manum tuam. et mitte in latus meum. et noli esse incredulus. sed fidelis. Respondit thomas. et dixit ei. Dominus meus. et deus meus. Dixit ei iesus. Quia uidisti me thoma credidisti. beati qui non uiderunt et crediderunt.

(*Offertorium.*) In omnem terram exiuit sonus eorum. et in fines orbis terre uerba eorum.

(*Secreta.*)

DEbitum tibi domine nostre reddimus seruitutis. suppliciter exorantes. ut suffragiis beati thome apostoli tui. in nobis tua munera tuearis. cuius honoranda confessione laudis tibi hostias immolamus. Per.

(*Communio.*) Mitte manum tuam et cognosce loca clauorum alleluia. et noli esse incredulus sed fidelis. alleluia alleluia.

(*Post communio.*)

A Desto nobis quesumus misericors deus et intercedente pro nobis beato thoma apostolo tuo. tua circa nos propitiatus dona custodi. Per.

(IN SANCTI FELICIS IN PINCIS.

*Introitus.*)

OS iusti meditabitur sapientiam. et lingua eius loquetur iudicium lex dei eius in corde ipsius.

(*Ps.*) Noli emulari in malignantibus neque zelaueris facientes iniquitatem. (*V.*) Gloria.

(*Oratio.*)

COncede quesumus omnipotens deus ut ad meliorem uitam sanctorum tuorum exempla nos prouocent. quatenus quorum solemnita agimus. etiam actus imitemur. Per.

(*Graduale.*) Iurauit dominus et non penitebit eum. iu<sup>1</sup> es sacerdos tn<sup>2</sup> eternum secundum ordinem melchisedech. (*V.*) Dixit

<sup>1</sup> Thus, for tu.

<sup>2</sup> Thus, for in.

dominus domino meo sede a dextris meis alleluia. [V.] Disposui testamentum electis meis. iuravi dauid seruo meo.

(*Offertorium.*) Gloria et honore coronasti eum. et constituisti eum super opera manuum tuarum domine.

5 (Secreta.)

H Ostias tibi domine beati felicitis confessoris tui dicatas meritis benignus assume. et ad perpetuum nobis tribue peruenire subsidium. Per.

(*Communio.*) Posuisti domine in capite eius coronam de lapide  
10 pretioso.

(*Post communio.*)

Q Uesumus domine salutaribus/ repleti misteriis. [fo. 120. ut cuius solemnita celebramus. eius orationibus adiuu-  
mur. Per.

15 (IN SANCTI MARCELI PAPE ET MARTYRIS. N)

(*Introitus.*)

S Tatuit ei dominus. testamentum pacis et principem fecit eum. ut sit illi sacerdotii dignitas in eternum.

(*Ps.*) Memento domine dauid et omnis mansuetudinis eius.  
20 (V.) Gloria.

(*Oratio.*)

P Reces populi tui quesumus domine clementer exaudi. ut beati marcelli martiris tui atque pontificis meritis adiuu-  
mur. cuius passione letamur. Per.

25 (*Graduale.*) Inueni dauid seruum meum oleo sancto meo unxi eum. manus enim mea auxiliabitur ei et brachium meum confortabit eum. (V.) Nichil profitiet inimicus in eo. et filius iniquitatis non nocebit ei. alleluia. (V.) Tu es sacerdos in eternum secundum ordinem melchisedech.

30 (*Offertorium.*) Ueritas mea et misericordia mea cum ipso. et in nomine meo exaltabitur cornu eius.

(Secreta.)

S Uscipe quesumus domine munera dignanter oblata et beati marcelli suffragantibus meritis. ad nostre salutis auxilium  
35 prouenire concede. Per.

(*Communio.*) Domine quinque talenta tradidisti michi ecce alia quinque superlucratus sum. euge serue fidelis. quia in pauca fuisti fidelis supra multa te constituam. intra in gaudium domini tui.



(*Post communionem.*)

SAtiasti domine familiam tuam muneribus sacris. eius quesumus semper interuentione nos refoue. cuius solennia celebramus. Per.

(IN SANCTE PRISCE. UIRGINIS ET MARTIRIS.

(*Introitus.*)

L Oquebar de testimoniis tuis in conspectu regum et non confundebar. et meditabor in mandatis tuis. que dilexi nimis.

(*Ps.*) Beati immaculati in uia qui ambulant in lege domini. (*V.*) Gloria.

(*Oratio.*)

D A quesumus omnipotens deus. ut qui beate prisce martiris tue natalitia colimus. et annua sollemnitate letemur. et tante fidei proficiamus exemplo. Per.

(*Graduale.*) Specie tua et pulcritudine tua. intende prospere procede et regna. (*V.*) Propter ueritatem et mansuetudinem et iustitiam. et deducet te mirabiliter dextera tua. alleluia. (*V.*) Loquebar domine de testimoniis tuis in conspectu regum et non confundebar.

(*Offertorium.*) Filie regum in honore tuo. astitit regina a dextris tuis in uestitu de aurato circumdata uarietate.

(*Secreta.*)

H Ostia domine quesumus quam in sanctorum tuorum natalitiis recensentes offerimus. et uincula nostre prauitatis absoluat. et tue nobis misericordie dona conciliet. Per.

(*Communio.*) Feci iudicium et iustitiam domine. non calumnientur michi superbi ad omnia mandata tua dirigebar. omnem uiam iniquitatis odio habui.

(*Post communio.*)

Q Uesumus domine salutaribus repleti misteriis ut cuius solennia celebramus. eius orationibus adiuuemur. Per.

IN SANCTORUM MARTIRUM MAURITII MARTHE AUDIFAX  
ET ABBACUM.†

(*Introitus.*)

(*Oratio.*)

E Xaudi domine populum tuum cum sanctorum tuorum patrocinio supplicantem. ut temporalis uite nos tribuas pace gaudere. et eterne reperire subsidium. Per.

(*Secreta.*)

**P**Reces domine tuorum respice oblationesque fidelium ut tibi grata sint pro tuorum festiuitate sanctorum. et nobis conferant tue propitiationis auxilium. Per.

5 . (*Post communio.*)

**S**Anctorum tuorum intercessione domine placatus. presta quesumus. ut que tem/porali celebramus [fo. 120b. actione. perpetua saluatione capiamus. Per dominum nostrum.

10 (IN SANCTORUM MARTIRUM FABIANI ET SEBASTIANI.

*Introitus.*)

**I**Ntret in conspectu tuo domine gemitus compeditorum. redde uicinis nostris septuplum in sinu eorum. uindica sanguinem sanctorum tuorum qui effusus est.

15 (*Ps.*) Deus uenerunt gentes in hereditatem tuam. polluerunt templum sanctum tuum. posuerunt ierusalem in pomorum custodiam. (*V.*) Gloria patri.

(*Oratio.*)

20 **I**nfirmitatem nostram respice omnipotens deus. et quia pondus proprie actionis grauat. beatorum martirum tuorum fabiani et sebastiani. intercessio gloriosa nos protegat. Per.

(*Epistola.*)

25 **S**Ancti per fidem uicerunt regna. *Require in communi martirum.* [p. 424.]

(*Graduale.*) Gloriosus deus in sanctis suis. mirabilis in maiestate faciens prodigia. (*V.*) Dexter a tua domine glorificata est in uirtute. dextera manus tue confregit inimicos. alleluia. (*V.*) Sancti tui domine benedicent te. gloriam regni tui dicent.

30 (*euangelium.*)

Descendens iesus de monte stetit in loco campestri. *Require ut supra.* [p. 427.]

(*Offertorium.*) Letamini in domino et exultate iusti. et gloriamini omnes recti corde.

35 (*Secreta.*)

**H**ostias tibi domine beatorum martirum tuorum fabiani et sebastiani dicatas meritis benignus assume. et ad perpetuum nobis tribue prouenire subsidium. Per.

40 (*Communio.*) Multitudo languentium et qui uexabantur a spiritibus inmundis ueniebant ad eum. quia uirtus de illo exibat. et sanabat omnes.

(Post communio.)

**R**efecti participatione muneris sacri. quesumus domine deus noster. ut quorum exequimur cultum sentiamus effectum. Per.

(IN SANCTE AGNETIS. UIRGINIS ET MARTIRIS. N

(Introitus.)

**M**E expectauerunt peccatores ut perderent me. testimonia tua domine intellexi. omnis consumationis uidi finem. latum mandatum tuum nimis.

(Ps.) Beati immaculati in uia qui ambulant in lege domini.  
(V.) Gloria patri.

(Oratio.)

**O**Mnipotens sempiterne deus. qui infirma mundi elligis. ut fortia quoque confundas concede propitius. ut qui beate agnetis martiris tue solemnia colimus. eius apud te patrocinia sentiamus. Per dominum nostrum.

(epistola.)

**C**onfitebor tibi domine rex. (*Require in communi Uirginum*). [p. 444.]

(Graduale.) Diffusa† est gratia in labiis tuis. propterea benedixit te deus in eternum. (V.) Propter ueritatem et mansuetudinem et iusticiam. et deducet te mirabiliter dextera tua. alleluia. (V.) Quinque prudentes uirgines acceperunt oleum in uasis suis cum lampadibus. media autem nocte clamor factus est. ecce sponsus uenit exite obuiam cristo domino.

(Euangelium.)

(*Require ut supra*) Simile est regnum celorum decem uirginibus. [p. 445.]

(*Offertorium*.) Offerentur regi uirgines post eam. proxime eius offerentur tibi in letitia et exultatione. adducentur in templum regi domino.

(Secreta.)

**H**ostias domine quas tibi offerimus propitius suscipe. et intercedente beata agnete martire tua. uincula peccatorum nostrorum absolue. Per.

(*Communio*.) Quinque prudentes uirgines acceperunt oleum in uasis suis cum lampadibus. media autem nocte clamor factus est. ecce sponsus uenit exite obuiam christo domino.

(Post communio.)

**R**efecti cibo potuque celesti! deus noster. te sup- [fo. 121. plices exoramus. ut in cuius hec commemoratione percepimus. eius muniamur et precibus. Per.

(IN SANCTORUM MARTIRUM VINCENTII ET ANASTASII.

(Oratio.)

A Desto quesumus domine supplicationibus nostris. ut qui  
ex iniquitate nostra reos nos esse cognoscimus. beatorum  
5 martirum tuorum uicentii† et anastasio intercessionem liberemur.  
Per.

(Secreta.)

Muneribus nostris quesumus domine precibusque susceptis  
et celestibus nos munda misteriis et clementer exaudi.  
10 Per.

(Post communio.)

Quesumus omnipotens deus. ut qui celestia alimenta per-  
cepimus intercedentibus beatis martiribus tuis uicentio†  
et anastasio per hec contra omnia aduersa muniamur. Per.

15 *In festo sancte emerentiane uirginis et martiris offitium ut  
supra. In festo sancte prisce[silicet] Loquebar de testimoniis  
tuis. Orationes dicuntur de communi uirginum.*

*Notandum quod quandocunque aliquod festum apostolorum  
petri et pauli celebratur in dominica de qua fit commemoratio.  
20 commemoratio dominice semper precedit commemorationem  
alterius eorundem [tam] in utrisque uesperis quam in matutinis  
et missa.*

IN CONVERSIONE SANCTI PAULI.

(Introitus.)

25 S Cio cui credidi et certus sum. quia potens est depositum meum  
seruare in illum diem.

(Ps.) Domine probasti me et cognouisti me. tu cognouisti  
sessionem meam et resurrectionem meam. (V.) Gloria.

(Oratio.)

30 D Eus qui uniuersum mundum beati pauli apostoli pre-  
dicatione docuisti. da nobis quesumus. ut qui eius hodie  
conuersionem colimus. per eius ad te exempla gradiamur.  
Per.

*Sciendum quod quandocunque festum celebratur de sancto  
35 paulo fit commemoratio de sancto petro.*

(Oratio.)

D Eus qui beato petro. *Require in chatedra† sancti petri.*  
[p. 319.] *Similiter cum fit festum de sancto petro. fit  
etiam commemoratio de sancto paulo.*

(Oratio.)

**D**Eus qui multitudinem gentium. *Require in commemoratione sancti pauli.* [p. 348.]

*lectio actuum apostolorum* [Act. ix. 1–22].

**I**N diebus illis. Saulus ad huc spirans minarum et cedis in discipulos domini accessit ad principem sacerdotum. et petiit ab eo epistolas in damascum ad synagogas. ut si quos inueniret huius uie uiros ac mulieres. uinctos perduceret in yerusalem. Et cum iter faceret contigit ut appropinquaret damascho. Et subito circumfulsit eum lux de celo. et cadens in terram audiuit uocem dicentem sibi. saule. saule. quid me persequeris? Qui dixit. Quis es domine. Et ille. Ego sum iesus nazarenus. quem tu persequeris. Durum est tibi contra stimulum calcitrare. Et tremens ac stupens dixit. Domine. quid me uis facere? Et dominus ad eum. Surge et ingredere ciuitatem. et dicetur tibi quid te oporteat facere. Uiri autem illi qui comitabantur cum illo. stabant stupefacti. audientes quidem uocem. neminem autem uidentes. Surrexit autem saulus de terra apertisque oculis nichil uidebat. Ad manus autem illum trahentes introduxerunt damascum. Et erat ibi tribus diebus non uidens et non manducauit neque bibit. Erat autem quidam discipulus damasci nomine/ [fo. 121b. ananias. et dixit ad illum in uisu dominus. Annania.† At ille ait. Ecce ego domine. Et dominus ad illum. Surge et uade in uicum qui uocatur rectus. et quere in domo inde<sup>1</sup> saulum nomine tharsensem. Ecce enim orat. Et uidit uirum ananiam nomine introeuntem et imponentem sibi manum ut uisum recipiat. Respondit autem ananias. Domine. audiui a multis de uiro hoc. quanta mala fecerit sanctis tuis in yerusalem. Et hic habet potestatem a principibus sacerdotum alligandi omnes qui inuocant nomen tuum. Dixit autem ad eum dominus. Uade quoniam uas electionis est michi iste. ut portet nomeu† meum coram gentibus et regibus et filiis ysrael. Ego enim ostendam illi quanta oporteat eum pro nomine meo pati. Et abiit ananias. et introiuit in domum et imponens ei manum dixit. saule frater. Dominus iesus misit me qui apparuit tibi in uia qua ueniebas. ut uideas et implearis spiritu sancto. Et confestim ceciderunt ab oculis eius tanquam squame. et uisum recepit. Et surgens baptizatus est. Et cum accepisset cibum confortatus est. Fuit autem cum discipulis qui erant damasci per dies aliquot. Et continuo ingressus in synagogas. predicabat illis iesum quoniam hic est filius dei. Stupebant autem omnes qui eum audiebant et dicebant. Non ne hic est qui expugnabat in yerusalem eos

<sup>1</sup> Thus, for iude.

qui inuocabant nomen istud. Et huc ad hoc uenit. ut uinctos illos perduceret ad principes sacerdotum. Saulus autem multo magis conualescebat. et confundebat iudeos qui habitabant damasci affirmans quoniam hic est christus.

5 (*Graduale.*) Qui operatus est petro in apostolatum operatus est et michi inter gentes et cognouerunt gratiam dei que data est michi. (*V.*) Gratia dei in me uacua non fuit. sed gratia eius semper in me manet. alleluia. (*V.*) Tu es uas electionis sancte paule apostole ora pro nobis.

10 *Tractus sequens dicitur si hoc festum uenerit post dominicam septuagesime.*

*Tractus.* Tu es uas electionis sancte paule apostole. uere digne es glorificandus. (*V.*) Predicator ueritatis et doctor gentium in fide et ueritate. (*V.*) Per te omnes gentes cognouerunt gratiam  
15 dei. (*V.*) Intercede pro nobis ad deum qui te elegit.

(*cuangelium.*)

**D**ixit simon petrus ad iesum. Ecce nos relinquimus† omnia  
*Require in communi apostolorum.* [p. 409.]

(*Offertorium.*) Michi autem nimis honorificati sunt. amici tui  
20 deus. nimis confortatus est principatus eorum.

(*Secreta.*)

**A**postoli tui pauli precibus domine plebis tue dona sanctifica.  
ut que tibi tuo grata sunt instituto. gratiora fiant patrocini-  
cio supplicantis. Per.

25 (*Communio.*) Amen dico uobis quod uos qui reliquistis omnia et secuti estis me centuplum accipietis et uitam eternam possidebitis.

(*Post communio.*)

**S**anctificati domine salutare misterio. quesumus ut pro nobis  
30 eius non desit oratio. cuius nos donasti patrocini-  
gubernari. Per.

(IN SANCTE AGNETIS SECUNDO. N

*Introitus.*)

**U**ltum tuum deprecabuntur omnes diuites plebis. adducen-  
35 tur regi uirgines post eam. proxime eius adducentur tibi  
/in letitia et exultatione. [fo. 121\*]

*Ps.* Eructauit cor meum uerbum bonum dico ego opera mea regi. (*V.*) Gloria.

## (Oratio.)

DEus qui nos annua beate agnetis martiris tue solemnitate letificas. da quesumus ut quam ueneramur officio etiam pie conuersationis sequamur exemplo. Per.

(Graduale.) Specie tua et pulcritudine tua intende prospere procede et regna. (V.) Propter ueritatem et mansuetudinem et iustitiam. et deducet te mirabiliter dextera tua. Alleluia. (V.) Adducentur regi uirgines post eam proxime eius offerentur tibi in letitia et exultatione.

## Euangelium.

SIMILE est regnum celorum thesauro ab[scondito]. *Require in communi uirginum.* [p. 445.]

(Offertorium.) Diffusa est gratia in labiis tuis. propterea benedixit te deus in eternum et in seculum seculi.

## (Secreta.)

SUPER has quesumus domine hostias benedictio copiosa descendat. que et sanctificationem nobis clementer operetur. et de martirum nos solemnitate letificet. Per.

(Communio.) Simile est regnum celorum homini negotiatori querenti bonas margaritas inuenta una pretiosa margarita dedit omnia sua et comparauit eam.

## (Post communio.)

SUMPSIMUS domine celebritatis annue uotiuia sacramenta. presta quesumus ut temporalis nobis uite remedia prebeant et eterne. Per.

*Si festum sancte agnetis secundo uenerit in dominica fit officium de dominica cum commemoratione de festo.*

## [IN FESTO PURIFICATIONIS.]

*In festo purificationis finita tertia sacerdos indutus sine casula cum ministris indutis procedit ad benedicendum candelas in medio ante altare dicendo.*

Dominus uobiscum. (R.) Et cum spiritu tuo.

## (Oratio.)

DOMINE sancte pater omnipotens eterne deus. qui omnia ex nichilo creasti et iussu tuo per opera apum hunc liquorem ad perfectionem cerei uenire fecisti. et qui hodierna die petitionem iusti symeonis implesti te humiliter deprecamur ut has candelas ad usus hominum et sanitatem corporum et animarum. siue in terra siue in aquis. per inuocationem tui sanctissimi nominis. et per intercessionem beate marie semper

uirginis. cuius hodie festa deuote celebrantur. et per preces omnium sanctorum tuorum bene(✠)dicere et sancti(✠)ficare digneris. et huius plebis tue que illas honorifice in manibus portare desiderat teque cantando laudare. exaudias uoces de  
 5 celo sancto tuo. et de sede maiestatis tue. et propitius sis omnibus clamantibus ad te. quos redemisti pretioso sanguine filii tui. Qui tecum uiuit et regnat. (℞.) Amen.

(Oratio.)

√  
 10 **O**Mnipotens sempiterne deus qui hodierna die unigenitum tuum in ulnis sancti symeonis in templo sancto tuo suscipiendum presentasti. tuam supplices deprecamur clementiam ut has candelas quas nos famuli tui. in tui nominis magnificentia suscipientes. gestare cupimus luce accensas. bene(✠)dicere et sancti(✠)ficare. atque lumine superne bene-  
 15 dictionis accendere digneris. quatinus eas tibi domino deo nostro offerendo digni. et sancto igne tue dulcissime caritatis succensi in templo/ sancto glorie tue representari [fo. 121b.\* mereamur. Per eundem dominum nostrum. (℞.) Amen.

(Oremus.)

20 **D**omine iesu christe lux uera. qui illuminas omnem hominem uenientem in hunc mundum effunde bene(✠)dictionem tuam super hos cereos. et sancti(✠)fica eos lumine gratie tue et concede propitius ut sicut hec luminaria igne uisibili accensa nocturnas depellunt tenebras. ita corda nostra in-  
 25 uisibili igne. id est spiritus sancti splendore illustrata. omnium uitiorum cecitate careant: ut purgato mentis oculo. ea cernere possimus que tibi sunt placita et nostre saluti utilia. quatinus post huius seculi caliginosa discrimina ad lucem indeficientem peruenire mereamur. Per te iesu christe saluator mundi. qui  
 30 in trinitate perfecta uiuis et regnas deus. Per omnia secula seculorum. (℞.) Amen.

(Oremus.)

11  
 35 **O**Mnipotens sempiterne deus. qui per moysen famulum tuum. purissimum olei liquorem ad luminaria ante conspectum tuum iugiter concinanda preparari iussisti. bene(✠)dictionis tue gratiam super hos cereos benignus infunde: quatinus sic administrent lumen exterius ut te donante lumen spiritus tui nostris non desit mentibus interius. Per in unitate eiusdem. (℞.) Amen.

40

(Oremus.)

12  
**D**omine iesu christe qui hodierna die in nostre carnis substantia inter homines apparens. a parentibus in templo es presentatus. quem symeon uenerabilis senex lumine spiritus



tui irradiatus agnouit. suscepit et benedixit. presta propitius: ut eiusdem spiritus sancti gratia illuminati atque edocti. te ueraciter agnoscamus et fideliter diligamus: Qui cum deo patre in unitate eiusdem spiritus sancti. uiuis et regnas deus per omnia secula seculorum. (R.) Amen.

*Benedictione completa asperguntur candele aqua benedicta et adolentur incenso deinde duo fratres eas accensas fratribus in locis suis manentibus distribuunt et cum inceperint distribuere. a choro cantatur.*

*Antiphona.*

Lumen ad reuelationem gentium. et gloriam plebis tue ysrael.

(Ps.) Nunc dimittis.

*Et ita quod post quemlibet uersum ps[almi]. Nunc dimittis. post. Gloria patri et filio. et sicut erat. Repetitur tota antiphona.*

*his completis cantatur.*

*Antiphona.*

Exurge domine adiuua nos et libera nos propter nomen tuum.

(Ps.) Deus auribus nostris audiuius patres nostri annuntiauerunt nobis. (V.) Gloria patri.

*Item repetitur. (Antiphona.) Exurge domine.*

Deinde dicat sacerdos. Oremus. et diaconus. Flectamus genua. Leuate.

*(Oratio.)*

Exaudi quesumus domine plebem tuam. et que extrinsecus annua tribuis deuotione uenerari interius assequi gratie tue lumen concede. Per christum dominum nostrum. (R.) Amen.

*Deinde fit processio et cantatur. (Antiphona.)*

Aue gratia plena dei genetrix uirgo ex te enim ortus est sol iustitie. illuminans que in tenebris sunt. letare tu senior iuste suscipiens in ulnis liberatorem animarum nostrarum. donantem nobis resurrectionem.

*(Alia antiphona.)*

A Dorna thalamum tuum syon. et/ suscipe regem christum [fo. 122. amplectere mariam que est celestis porta. ipsa enim portat regem glorie. nouo lumine subsistit uirgo. adducens in manibus filium ante luciferum quem accipiens symeon in ulnis suis predicauit populis. uite et mortis dominum eum esse et saluatorem mundi.

*(Alia antiphona.)*

RESPONsum accepit symeon a spiritu sancto. non uisurum se mortem nisi uideret christum domini. et cum inducerent puerum in templo. accepit eum in ulnas suas. et benedixit deum et  
 5 dixit. Nunc dimittis seruum tuum domine in pace.

(R.) Obtulerunt pro eo domino par turturum. aut duos pullos columbarum. sicut scriptum est in lege domini.

(V.) Postquam autem impleti sunt dies purgationis marie secundum legem moysi. tulerunt illum in yerusalem. ut sisterent  
 10 eum domino. Sicut scriptum est. (V.) Gloria patri. Sicut scriptum est.

## (IN PURIFICATIONE BEATE MARIE

*Introitus.)*

SUSCEPIMUS deus misericordiam tuam in medio templi tui. secundum nomen tuum deus ita et laus tua in fines terre. iustitia  
 15 plena est dextera tua.

(Ps.) Magnus dominus et laudabilis nimis. in ciuitate dei nostri in monte sancto eius. (V.) Gloria patri.

*(Oratio.)*

OMNIPOTENS sempiternus deus. maiestatem tuam supplices exoramus: ut sicut unigenitus filius tuus hodierna die cum nostre carnis substantia in templo est presentatus: ita nos facias purificatis tibi mentibus presentari. Per eundem.

*(lectio malachie prophete)* [Mal. iii. 1-4].

HEC dicit dominus deus. Ecce ego mitto angelum meum. et preparabit uiam ante faciem meam et statim ueniet ad templum sanctum suum dominator quem uos queritis. et angelus testamenti quem uos uultis. Ecce uenit dicit dominus exercituum. Et quis poterit cogitare diem aduentus eius? Et  
 25 quis stabit ad uidendum eum? Ipse enim quasi ignis conflans et quasi herba fulonum. Et sedebit conflans et emundans argentum et purgabit filios leui. Et colabit eos quasi aurum et quasi argentum. et erunt domino offerentes sacrificia in iustitia. Et placebit domino sacrificium iuda. et yerusalem  
 30 sicut dies seculi. et sicut anni antiqui. Dicit dominus omnipotens.

(Graduale.) Suscepimus deus misericordiam tuam in medio templi tui secundum nomen tuum deus. ita et laus tua in fines terre. (V.) Sicut audiuius ita et uidimus in ciuitate dei nostri.  
 40 in monte sancto eius. Alleluia. (V.) Senex puerum portabat. puer autem senem regebat. Alleluia. (V.) Post partum uirgo inuiolata permansisti. dei genetrix intercede pro nobis.

*Tractus sequens dicitur. si hoc festum uenerit post dominicam septuagesime.*

(*Tractus.*) Nunc dimittis seruum tuum domine secundum uerbum tuum in pace. (V.) Quia uiderunt oculi mei salutare tuum. (V.) Quod parasti ante faciem omnium populorum. (V.) Lumen ad reuelationem gentium. et gloriam plebis tue ysrael.

(*Secundum lucam*) [Luc. ii. 22–32].

IN illo tempore. Postquam impleti sunt dies purgationis marie secundum legem moysi. tulerunt iesum in yerusalem ut sisterent eum domino. sicut scriptum est in lege domini. quia omne masclinum† adaperiens uuluam sanctum domino uocabitur. Et ut darent hostiam sicut dictum est [fo. 122b. in lege domini. par turturum. aut duos pullos columbarum. Et ecce homo erat in yerusalem cui nomen symeon. et homo iste iustus et timoratus. expectans consolationem ysrael et spiritus sanctus erat cum eo. Et responsum acceperat a spiritu sancto. non uisurum se mortem nisi prius uideret christum domini. Et uenit in spiritu in templum. Et cum inducerent puerum iesum parentes eius. ut facerent secundum consuetudinem legis pro eo. et ipse accepit eum in ulnas suas. et benedixit deum et dixit. Nunc dimittis seruum tuum domine. secundum uerbum tuum in pace. Quia uiderunt oculi mei salutare tuum. Quod parasti ante faciem omnium populorum. Lumen ad reuelationem gentium. et gloriam plebis tue ysrael.

(*Offertorium.*) Diffusa est gratia in labiis tuis. propterea benedixit te deus in eternum. et in seculum seculi.

(*Secreta.*)

EXaudi domine preces nostras et ut digna sint munera que oculis tue maiestatis offerimus subsidium nobis tue maiestatis impende. Per.

*Prephatio.* Require in natiuitate domini. Eterne deus. Quia per incar[nati].

(*Communio.*) Responsum accepit symeon a spiritu sancto. non uisurum se mortem nisi uideret christum domini.

(*Post communio.*)

Quesumus domine deus noster: ut sacrosancta misteria que pro reparationis nostre munimine contulisti. intercedente beata maria semper uirgine et presens nobis remedium esse facias et futurum. Per.

(IN SANCTE AGATHE VIRGINIS ET MARTYRIS.

*Introitus.*)

**G**Audeamus omnes in domino diem festum celebrantes sub  
honore agathe martiris. de cuius passione gaudent angeli  
et collaudant filium dei.

(*Ps.*) Eructavit cor meum uerbum bonum. dico ego opera mea  
regi. (*V.*) Gloria.

(*Oratio.*)

**D**Eus qui inter cetera potentie tue miracula etiam in sexu  
fragili uictoriam martirii contulisti. concede propitius. ut  
cuius natalitia colimus. per eius ad te exempla gradiamur.  
Per.

(*Graduale.*) Adiuuabit eam deus uultu suo. deus in medio eius  
non commouebitur. (*V.*) Fluminis impetus letificat ciuitatem dei  
sanctificauit tabernaculum suum altissimus.

(*Tractus.*) Qui seminant in lacrimis in gaudio metent. (*V.*)  
Euntes ibant et flebant mittentes semina sua. (*V.*) Uidentes autem  
uenient cum exultatione portantes manipulos suos.

(*Offertorium.*) Offerentur regi uirgines post eam proxime eius  
offerentur tibi.

(*Secreta.*)

**S**Uscipe domine munera. que in beate agathe martiris tue  
solemnitate deferimus. cuius nos confidimus patrocinio  
liberari. Per.

(*Communio.*) Qui me dignatus est ab omni plaga curare et  
mamillas meas meo pectori restituere ipsum inuoco deum uiuum.

(*Post communio.*)

**A**Uxilientur nobis domine sumpta misteria. et intercedente  
beata agatha martire tua sempiterna protectione con-  
firment. Per.

(IN SANCTI VALENTINI PRESBITERI ET MARTIRIS.

*Introitus.*)

**I**N uirtute tua domine letabitur iustus et super salutare tuum  
exultabit uehementer. desiderium anime eius tribuisti ei.

(*Ps.*) Quoniam preuenisti eum in benedictionibus dulcedinis.  
posuisti in capite/ eius coronam de lapide pretioso. (*V.*) [fo. 123.  
Gloria.

(*Oratio.*)

**P**RESTA quesumus omnipotens deus. ut qui beati ualentini  
martiris tui natalitia colimus. a cunctis malis imminenti-  
bus. eius intercessione liberemur. Per.

(*Graduale.*) Beatus uir qui timet dominum in mandatis eius cupit nimis. (*V.*) Potens in terra erit semen eius. generatio rectorum benedicetur.

(*Tractus.*) Desiderium anime eius tribuisti ei et uoluntate laborum eius non fraudasti eum. (*V.*) Quoniam preuenisti eum in benedictionibus dulcedinis. (*V.*) Posuisti in capite eius coronam de lapide pretioso.

(*Offertorium.*) In uirtute tua domine letabitur iustus. et super salutare tuum exultabit uehementer. desiderium anime eius tribuisti ei.

(*Secreta.*)

O Blatis quesumus domine placare muneribus. et intercedente beato ualentino martire tuo a cunctis nos defende periculis. Per.

(*Communio.*) Qui uult uenire post me abneget semetipsum et tollat crucem suam et sequatur me.

(*Post communio.*)

S It nobis domine reparatio mentis et corporis celeste misterium. ut cuius exequimur actionem sentiamus effectum. Per.

(IN CATHEDRA SANCTI PETRI

*Introitus.*)

S Tatuit ei dominus testamentum pacis. et principem fecit eum ut sit illi sacerdotii dignitas in eternum.

(*Ps.*) Memento domine dauid et omnis mansuetudinis eius. (*V.*) Gloria patri.

(*Oratio.*)

D Eus qui beato petro apostolo tuo collatis clauibus regni celestis: animas ligandi atque soluendi pontificium tradidisti. concede. ut intercessionis eius auxilio a peccatorum nostrorum nexibus liberemur. Qui te[cum].

*Et fit commemoratio de sancto paulo.* Deus qui multitudinem. [p. 348.]

(*Epistola beati petri apostoli*) [I Pet. i. 1-7].

P Etrus apostolus a iesu christi electus aduenis dispersionis ponti galatie. capadocie. asie. et bithinie secundum prescientiam dei patris in sanctificationem spiritus. in obedientia[m] et aspersionem sanguinis iesu christi. gratia uobis et pax a deo multiplicetur. Benedictus deus et pater domini nostri iesu christi. qui secundum magnam misericordiam suam. regenerauit nos in spem uiuam. per resurrectionem iesu christi ex mortuis. in hereditatem incorruptibilem. et immar-

cessibilem et incontaminatam. conseruatam in celis. in uobis qui in uirtute dei custodimini per fidem in salutem paratam reuelari in tempore nouissimo. In quo exultabitis. modicum nunc si oportet contristari. in uariis temptationibus ut probatio uestre fidei. multo pretiosior sit auro. quod per ignem probatur. Inueniatur in laudem et gloriam et honorem. et reuelationem domini nostri iesu christi.

(*Graduale.*) Exaltent eum in ecclesia plebis et in cathedra seniorum laudent eum. (*V.*) Confiteantur domino misericordie eius et mirabilia eius filiis hominum.

(*Tractus.*) Tu es petrus et super hanc petram edificabo ecclesiam meam. (*V.*) Et porte inferi non preualebunt aduersus eam. et tibi dabo clauces regni celorum. (*V.*) Quodcunque ligaueris super terram erit ligatum et in celis. (*V.*) Et quodcunque solueris super terram erit solutum et in celis.

(*Euangelium.*)

UENIT iesus in partes cesaree philippi. *Require in festo apostolorum/ petri et pauli.* [p. 348.] [fo. 123b.]

(*Offertorium.*) Tu es petrus et super hanc petram edificabo ecclesiam meam. et porte inferi non preualebunt aduersus eam et tibi dabo clauces regni celorum.

(*Secreta.*)

ECclesie tue quesumus domine preces et hostias beati petri apostoli tui commendet oratio. ut quod pro illius gloria celebramus nobis prosit ad ueniam. Per.

(*Communio.*) Tu es petrus et super hanc petram edificabo ecclesiam meam.

(*Post communio.*)

LETificet nos domine munus oblatum et sicut in apostolo tuo petro te mirabilem predicamus sic per illum tue sumamus indulgentie largitatem. Per dominum.

(IN SANCTI MATHIE APOSTOLI

*Oratio.*)

DEus qui beatum mathiam apostolorum tuorum collegio sociasti. tribue quesumus: ut eius interuentione tue circa nos pietatis semper uiscera sentiamus. Per.

(*lectio actuum apostolorum*) [Act. i. 15-26].

IN diebus illis. Exsurgens petrus in medio fratrum. dixit. Uiri fratres. oportet impleri scripturam. quam predixit spiritus sanctus per os dauid. de iuda qui fuit dux eorum qui comprehenderunt iesum. qui connumeratus erat in nobis. et

sortitus est sortem ministerii huius. Et hic quidem possedit agrum de mercede iniquitatis. et suspensus crepuit medius et diffusa sunt omnia uiscera eius. Et notum factum est omnibus habitantibus yerusalem ita ut appelleretur ager ille lingua eorum acheldemach. hoc est ager sanguinis. Scriptum est enim in libro psalmorum. Fiat habitatio eius deserta. et non sit qui inhabitet in ea. et episcopatum eius accipiat alter. Oportet ergo ex his uiris qui nobiscum sunt congregati in omni tempore quo intrauit et exiuit inter nos dominus iesus. incipiens a baptismo iohannis. usque in diem qua assumptus est a nobis. testem resurrectionis eius nobiscum fieri unum ex istis. Et statuerunt duos ioseph qui uocatur barsabas. qui cognominatus est iustus. et mathiam. Et orantes dixerunt tu domine qui corda nosti omnium. ostende quem elegeris ex his duobus unum. accipere locum ministerii huius et apostolatus. de quo preuaricatus est iudas. ut abiret in locum suum. Et dederunt sortes eis. et cecidit sors super mathiam. Et annumeratus est cum undecim apostolis.

(*euangelium.*)

CONFITEOR tibi domine pater celi et terre. *Require in communi plurimorum martirum.* [p. 428.]

(*Secreta.*)

HOSTIAS domine quas nomini tuo sacrandas offerimus. sancti mathie prosequatur oratio per quas nos et expiari facias et defendi. Per.

(*Post communio.*)

PRESTA quesumus omnipotens deus ut per hec sancta que sumpsimus interueniente beato mathia apostolo tuo. ueniam consequamur et pacem. Per dominum.

(IN SANCTARUM UIRGINUM ET MARTIRUM PERPETUE ET FELICITATIS.

*Oratio.*)

PRESTA quesumus omnipotens deus : ut qui gloriosos martires fortes in sua confessione cognouimus. pios apud te in nostra intercessionem sentiamus. Per.

(*Secreta.*)

SACRIFICIIS presentibus domine quesumus intende [fo. 124. placatus. et intercedentibus sanctis tuis deuotioni nostre proficiant et saluti. Per.

(*Post communio.*)

QUESUMUS omnipotens deus : ut illius salutaris capiamus effectum cuius per hec misteria pignus accepimus Per.

## (IN SANCTI GREGORII PAPE ET CONFESSORIS.

*Introitus.)*

Sacerdos† dei benedicite dominum sancti et humiles corde  
laudate deum.

5 (Ps.) Benedicite omnia opera domini domino. laudate et super-  
exaltate eum in secula. (V.) Gloria patri.

*(Oratio.)*

DEus qui anime famuli tui gregorii eterne beatitudinis  
premia contulisti. concede propitius: ut qui pecca-  
10 torum nostrorum pondere premimur. eius apud te precibus  
subleuemur. Per.

*(epistola.)*

TESTificor coram deo. *Require in communi confessorum.*  
[p. 431.]

15 (Graduale.) Iuravit dominus et non penitebit eum tu es  
sacerdos in eternum. secundum ordinem melchisedech. (V.)  
Dixit dominus domino meo. sede a dextris meis.

(Tractus.) Beatus uir qui timet dominum in mandatis eius  
cupit nimis. (V.) Potens in terra erit semen eius generatio  
20 rectorum benedicetur. (V.) Gloria et diuitie in domo eius et  
iustitia eius manet in seculum seculi.

*Iste tractus supradictus uel (Tractus.) Desiderium anime.*  
*Qui habetur supra in festo sancti ualentini. dicitur in festo*  
*unius sancti. a quadragesima usque ad quartam feriam maioris*  
25 *ebdomade nisi proprius assignetur. uel nisi sit festum alicuius*  
*sancte in quo dicitur. (Tractus.) Audi filia. Qui habetur supra*  
*in annuntiatione beate marie. In festo uero plurimorum*  
*martirum dicitur. (Tractus.) Qui seminant. Qui habetur in*  
*festis sancte agathe.*

30 *(euangelium.)*

UOs estis sal terre. *Require in communi unius confessoris*  
*pontificis.* [p. 434.]

(Offertorium.) Ueritas mea et misericordia mea cum ipso et in  
nomine meo exaltabitur cornu eius.

35 *(Secreta.)*

ANnue nobis quesumus domine ut intercessionem beati  
gregorii hec nobis prosit oblatio. quam immolando  
totius mundi tribuisti relaxari delicta. Per.

(Communio.) Fidelis seruus et prudens quem constituit  
40 dominus super familiam suam ut det illis in tempore tritici men-  
suram.



(*Post communio.*)

**D**Eus qui beatum gregorium pontificem tuum sanctorum tuorum meritis coequasti. concede propitius†: ut qui commemorationis eius festa percolimus. uite quoque imitemur exempla. Per.

(IN SANCTI BENEDICTI ABBATIS.

*Introitus.*)

**O**S iusti meditabitur sapientiam et lingua eius loquetur iudicium  
lex dei eius in corde ipsius.

(*Ps.*) Noli emulari in malignantibus. neque zelaueris facientes iniquitatem. (*V.*) Gloria.

(*Oratio.*)

**I**ntercessio nos quesumus domine beati benedicti abbatis commendet. ut quod nostris meritis non ualemus. eius patrociniū assequamur. Per.

(*Graduale.*) Domine preuenisti eum in benedictionibus dulcedinis posuisti in capite eius coronam de lapide pretioso. (*V.*) Vitam petiit a te tribuisti ei longitudinem dierum in seculum seculi. (*V.*)†

*Dictum graduale et tractus sequens non dicuntur si hoc festum post pascha celebratur. sed dicuntur duo. Alleluia. de communi unius sancti a pascha usque ad pentecosten.*

(*Tractus.*) Beatus uir qui timet dominum in mandatis eius cupit nimis. (*V.*) Potens in terra erit semen eius generatio/ [fo. 124b. rectorum benedicetur. (*V.*) Gloria et diuitie in domo eius et iustitia eius manet in seculum seculi.

(*Offertorium.*) In uirtute tua domine letabitur iustus. et super salutem tuam exultabit uehementer desiderium anime eius tribuisti ei.

(*S[e]creta.*)

**S**acris altaribus domine hostias superpositas sanctus benedictus quesumus in salutem nobis prouenire deponat. Per.

(*Communio.*) Amen dico uobis. quod uos qui reliquistis omnia et secuti estis me centuplum accipietis et uitam eternam possidebitis.

(*Post communio.*)

**P**rotegat nos domine cum tui perceptione sacramenti. beatus benedictus abbas pro nobis intercedendo: ut conuersationis eius experiamur insignia. Per.

*Notandum quod de festis que ueniunt post feriam quartam maioris ebdomade. usque ad feriam secundam post octauam pasce. nichil tunc fit sed post octauam celebrantur. et in fine cuiuslibet introitus. offerende et communionis adiungitur.*

5 Alleluia. *Et hoc idem observatur in omnibus festis. que celebrantur inter pasca et pentecosten.*

(IN ANNUNTIATIONE BEATE MARIE UIRGINIS.

*Introitus.)*

10 Uultum tuum deprecabuntur omnes diuites plebis adducentur regi uirgines post eam proxime eius adducentur tibi in letitia et exultatione.  
(Ps.) Eructauit cor meum uerbum bonum dico ergo opera mea regi. (V.) Gloria.

*(Oratio.)*

15 DEUS qui de beate marie uirginis utero uerbum tuum angelo nuntiante carnem suscipere uoluisti. presta supplicibus tuis: ut qui uere eam dei genitricem credimus eius apud te intercessionibus adiuuemur. Per eundem.

*(lectio ysaie prophete.)*

20 Locutus est dominus ad áchaz. *Require in quarta feria quatuor temporum de aduentu.* [p. 6.]

(Graduale.) Diffusa est gratia in labiis tuis propterea benedixit te deus in eternum. (V.) Propter ueritatem. et mansuetudinem et iustitiam et deducet te mirabiliter dextera tua. (V.)

25 *Dictum graduale et tractus sequens non dicuntur si hoc festum celebratur post pasca. sed dicuntur duo.* Alleluia. Alleluia. (V.) Ave maria gratia plena dominus tecum benedicta tu in mulieribus. Alleluia. (V.) Uirga iesse floruit uirgo deum et hominem genuit pacem deus reddidit in se reconcilians ima  
30 summis.

(Tractus.) Audi filia et uide et inclina aurem tuam. quoniam concupiuit rex speciem tuam. (V.) Uultum tuum deprecabuntur omnes diuites plebis filie regum in honore tuo. (V.) Adducentur regi uirgines post eam proxime eius offerentur tibi. (V.) Addu-  
35 centur in letitia et exultatione. adducentur in templum regis.

*(euangelium.)*

Missus est angelus gabriel. *Require in feria quarta quatuor temporum de aduentu.* [p. 7.]

(Offertorium.) Ave maria gratia plena dominus tecum. bene-  
40 dicta tu in mulieribus et benedictus fructus uentris tui.

(Secreta.)

IN mentibus nostris quesumus domine uere fidei sacramenta  
 confirma. ut qui conceptum de uirgine. deum uerum et  
 hominem confitemur. per eiusdem salutifere resurrectionis  
 5 potentiam. ad eternam mereamur peruenire letitiam. Per  
 eundem.

(Communio.) Ecce uirgo concipiet et pariet filium et uocabitur  
 nomen eius hemanuel.

(Post communio.)

10 GRATIAM tuam domine mentibus nostris infunde. ut qui  
 angelo nuntiante christi filii tui incarnationem cognoui-  
 mus. per passionem eius et crucem ad resurrectionis/ [fo. 125.  
 gloriam perducamur. Per eundem.

(IN SANCTORUM MARTIRUM TIBURTII VALERIANI ET  
 MAXIMI

15

Introitus.)

SANCTI tui domine benedicent te gloriam regni tui dicent alleluia.

(Ps.) Exaltabo te deus meus rex et benedicam nomini tuo in  
 seculum et in seculum seculi. (V.) Gloria patri.

20

(Oratio.)

PRESTA quesumus omnipotens deus: ut qui sanctorum  
 martirum tuorum tiburtii. ualeriani. et maximi solemnia  
 colimus. eorum etiam uirtutes imitemur. Per.

Alleluia. (V.) Gaudete iusti in domino rectos decet collau-  
 25 datio. Alleluia. (V.) Sancti tui domine floreant sicut lilium et  
 sicut odor balsami erunt ante te.

(Offertorium.) Letamini in domino et exultate iusti et gloria-  
 mini omnes recti corde. Alleluia.

(Secreta.)

30 HEC hostia quesumus domine. quam in sanctorum tuorum  
 natalitiis recensentes offerimus. et uincula nostre  
 prauitatis absoluat et tue nobis misericordie dona conciliet.  
 Per.

(Communio.) Gaudete iusti in domino. alleluia. rectos decet  
 35 collaudatio. alleluia.

(Post communio.)

SACRO munere satiati supplices te domine deprecamur. ut  
 quod debite seruitutis celebramus officio. saluationis tue  
 sentiamus augmentum.† Per.

40

Si predictum festum in quadragesima celebratur fit officium  
 ae communi martirum.

## (IN SANCTI GEORGII MARTIRIS

*Introitus.*)

**P**Rotexisti me deus a conuentu malignantium. alleluia. a  
 5 multitudine operantium iniquitatem. Alleluia. alleluia.  
 (Ps.) Exaudi deus orationem meam cum deprecor. a timore  
 inimici eripe animam meam. (V.) Gloria patri.

*(Oratio.)*

**D**Eus qui nos beati georgii martiris tui meritis et inter-  
 10 cessione letificas. concede propitius: ut qui eius bene-  
 ficia poscimus. dono tue gratie consequamur. Per.

Alleluia. (V.) Confitebuntur celi mirabilia tua domine et enim  
 ueritatem tuam in ecclesia sanctorum. Alleluia. (V.) Beatus uir  
 qui suffert temptationem. quoniam cum probatus fuerit. accipiet  
 coronam uite.

15 *(Offertorium.)* Confitebuntur celi mirabilia tua domine. et  
 ueritatem tuam in ecclesia sanctorum. alleluia. alleluia.

*(Secreta.)*

**M**Unera domine oblata sanctifica. et intercedente beato  
 20 georgio martire tuo nos per hec a peccatorum nostrorum  
 maculis emunda. Per.

*(Communio.)* Letabitur iustus in domino. et sperabit in eo et  
 laudabuntur omnes recti corde. Alleluia alleluia.

*(Post communio.)*

25 **S**upplices te rogamus omnipotens deus. ut quos tuis reficis  
 sacramentis. intercedente beato georgio martire tuo. tibi  
 etiam placitis moribus dignanter tribuas deservire. Per.

*Officium misse de letaniis ante uigiliam ascensionis positum  
 fiat eo tempore quo fit in terris in quibus fratres morantur.*

## (IN SANCTO MARCO EUANGELISTA

*Introitus.*)

30 **P**Rotexisti me deus. *Require infra in festo unius sancti inter  
 pasca et pentecosten.* [p. 417.]

*(Oratio.)*

35 **D**Eus qui beatum marcum euangelistam tuum euangelice  
 predicationis gratia sublimasti. tribue quesumus: eius  
 nos semper et eruditione proficere. et oratione defendi. Per.

*(epistola.)*

**S**imilitudo uultus. *Require in communi apostolorum.* [p. 408.]

(euangelium.)

DESIGNAUIT dominus. *Require in communi apostolorum.*  
[p. 410.]

(Secreta.)

5 / BEATI marci euangeliste tui solemnitate tibi domine [fo. 125.  
munera deferentes. quesumus. ut sicut illum predicatio  
euangelica fecit gloriosum. ita nos eius intercessio. et uerbo et  
opere tibi reddat acceptos. Per.

*Prephatio dicitur de apostolis uel de pasca.*

(Post communio.)

TRIBUANT nobis quesumus domine continuum tua sancta  
presidium: quo beati marci euangeliste tui precibus  
nos ab omnibus semper tueantur aduersis. Per.

(IN SANCTI VITALIS MARTIRIS

*Introitus.)*

PROTEXISTI me deus a conuentu malignantium. alleluia. a multi-  
tudine operantium iniquitatem. alleluia. alleluia.

(Ps.) Exaudi deus orationem meam cum deprecor. a timore  
inimici eripe animam meam. (V.) Gloria patri.

(Oratio.)

PRESTA quesumus omnipotens deus: ut intercedente beato  
uitale martire tuo et a cunctis aduersitatibus liberemur  
in corpore et a prauis cogitationibus mundemur in mente.  
Per.

5 ALLELUIA. (V.) Confitebuntur celi mirabilia tua domine. et  
enim ueritatem tuam in ecclesia sanctorum. Alleluia. (V.) Pos-  
uisti domine super caput eius coronam de lapide pretioso.

(Offertorium.) Repleti sumus mane misericordia tua exulta-  
uimus et delectati sumus alleluia.

(Secreta.)

ACCEPTA sit in conspectu tuo domine nostra deuotio. et eius  
nobis fiat supplicatione salutaris. pro cuius solemnitate  
defertur. Per.

5 (Communio.) Ego sum uitis uera et uos palmites qui manet in  
me et ego in eo. hic fert fructum multum. alleluia alleluia.

(Post communio.)

REFACTI participatione muneris sacri. quesumus domine deus  
noster: ut cuius exequimur cultum sentiamus effectum.  
Per.

## (IN SANCTORUM APOSTOLORUM PHYLIPPI ET IACOBI

*Introitus.*)

**E**Xclamauerunt ad te domine in tempore afflictionis sue et tu de celo exaudisti eos. alleluia. alleluia.

5 (Ps.) Exultate iusti in domino rectos decet collaudatio. (V.) Gloria patri.

*(Oratio.)*

**D**Eus qui nos annua apostolorum tuorum philippi et iacobi solemnitate letificas. presta quesumus: ut quorum  
10 gaudemus meritis instruamur exemplis. Per.

*(epistola.)*

**S**Tabunt iusti. *Require in communi martirum post pasca.*  
[p. 418.]

Alleluia. (V.) Confitebuntur celi mirabilia tua domine et enim  
15 ueritatem tuam in ecclesia sanctorum. Alleluia. (V.) Tanto tempore uobiscum sum et non cognouistis me. philippe qui uidet me uidet et patrem meum.

*(Secundum iohannem)* [Ioh. xiv. 1-13].

**I**N illo tempore. Dixit iesus discipulis suis. non turbetur  
20 cor uestrum: neque formidet. Creditis in deum. et in me credite. in domo patris mei mansiones multe sunt. Si quo minus dixissem uobis. quia uado parare uobis locum. Et si abiero et preparauero uobis locum iterum ueniam et accipiam uos ad meipsum. ut ubi sum ego et uos sitis. Et  
25 quo ego uado scitis et uiam scitis? Dicit ei thomas. Domine nescimus quo uadis? Et quomodo possumus uiam scire? Dixit ei iesus. Ego sum uia ueritas et uita. Nemo uenit ad patrem nisi per me. Si cognouissetis me. et patrem meum utique cognouissetis. et amodo cognoscetis eum/ et [fo. 126.  
30 uidistis eum. Dixit ei philippus. Domine. ostende nobis patrem. et sufficit nobis. Dixit ei iesus. Tanto tempore uobiscum sum. et non cognouistis me? Philippe. qui uidet me. uidet et patrem meum. Et quomodo tu dicis: ostende nobis patrem? Non credis quia ego in patre. et  
35 pater in me est? Uerba que ego loquor uobis. a meipso non loquor. Pater autem in me manens ipse facit opera. Non creditis quia ego in patre. et pater in me est? Alioquin propter opera ipsa credite. Amen amen dico uobis. quia qui credit in me. opera que ego facio ipse faciet. et maiora horum  
40 faciet. quia ego ad patrem uado. Et quodcumque petieritis patrem in nomine meo. hoc faciam.

*(Offertorium.)* Confitebuntur celi mirabilia tua domine. et ueritatem tuam in ecclesia sanctorum. alleluia. alleluia.

(*Secreta.*)

**M**Unera domine que pro apostolorum tuorum philippi et iacobi solemnitate deferimus. propitius suscipe et mala omnia que meremur auerte. Per.

5 *Prephatio dicitur de apostolis uel de pasca.*

(*Communio.*) Tanto tempore uobiscum sum et non cognouistis me. philippe qui uidet me. uidet et patrem meum alleluia. non credis quia ego in patre et pater in me est. alleluia. alleluia.

(*Post communio.*)

10 **Q**uesumus† domine salutaribus repleti misteriis ut quorum solemnia celebramus eorum orationibus adiuuemur.  
Per.

(IN INVENTIONE SANCTE CRUCIS)

(*Introitus.*)

15 **N**Os autem gloriari oportet in cruce domini nostri iesu christi. in quo est salus uita et resurrectio nostra. per quem saluati et liberati sumus. alleluia.

(*Ps.*) Deus misereatur nostri et benedicat nobis illuminet uultum suum super nos et misereatur nostri. (*V.*) Gloria patri.

20


(*Oratio.*)

**D**eus qui preclara salutifere crucis inuentione passionis tue miracula suscitasti. concede: ut uitalis ligni pretio. eterne uite suffragia consequamur. Qui uiuis.

(*Ad phylippenses*) [Phil. ii. 5-11].

25 **F**Ratres. Hoc enim sentite in uobis. quod et in christo iesu. Qui cum in forma dei esset. non rapinam arbitratus est. esse se equalem deo. sed semetipsum exinaniuit formam serui accipiens in similitudinem hominum factus et habitu inuentus ut homo. humiliauit semetipsum factus obediens usque ad  
30 mortem. mortem autem crucis. Propter quod et deus exaltauit illum. et donauit illi nomen quod est super omne nomen. Ut in nomine iesu. omne genu flectatur. celestium. terrestrium. et infernorum. Et omnis lingua confiteatur quia dominus noster iesus christus in gloria est dei patris.

35 [Alleluia.] (*V.*) Dicite in gentibus quia dominus regnauit a ligno. alleluia. (*V.*) Dulce lignum dulces clauos. dulcia ferens pondera. que sola fuisti digna sustinere regem celorum et dominum.



(*Secundum Iohannem*) [Ioh. iii. 1-15].

IN illo tempore. Erat homo ex phariseis nichodemus  
 nomine. princeps iudeorum. hic uenit ad iesum nocte.  
 et dixit ei. Rabi. scimus quia a deo uenisti magister. Nemo  
 5 enim potest hec signa facere que tu facis nisi fuerit/ [fo. 126b.  
 deus cum eo. Respondit iesus. et dixit ei. Amen amen dico  
 tibi nisi quis natus fuerit denuo non potest uidere regnum dei.  
 Dixit ad eum nichodemus. Quomodo potest homo nasci cum  
 sit senex? Nunquid potest in uentrem matris sue iterato  
 10 introire et renasci? Respondit iesus. Amen amen dico  
 tibi. nisi quis renatus fuerit ex aqua et spiritu sancto. non  
 potest introire in regnum dei. Quod natum est ex carne.  
 caro est. et quod natum est ex spiritu. spiritus est. Non  
 mireris quia ego dixi tibi. oportet uos nasci denuo. Spiritus  
 15 ubi uult spirat. et uocem eius audis. sed non scis unde ueniat.  
 aut quo uadat. Sic est omnis. qui natus est ex spiritu. Re-  
 spondit nichodemus. et dixit ei. Quomodo possunt hec fieri?  
 Respondit iesus. et dixit ei. Tu es magister in ysrael. et hec  
 ignoras? Amen amen dico tibi. quia quod scimus loquimur.  
 20 et quod uidimus testamur. et testimonium nostrum non  
 accipitis. Si terrena dixi uobis et non creditis: quomodo si  
 dixero uobis celestia credetis? Et nemo ascendit in celum.  
 nisi qui descendit de celo filius hominis qui est in celo. Et  
 sicut moyses exaltauit serpentem in deserto. ita exaltari  
 25 oportet filium hominis. ut omnis qui credit in ipsum non  
 pereat. sed habeat uitam eternam.

*et dicitur.* Credo.

(*Offertorium.*) Dexteram domini fecit uirtutem. dexteram domini  
 exaltauit me. non moriar sed uiuam. et narrabo opera domini.  
 30 alleluia.

(*Secreta.*)

Sacrificium domine quod tibi immolamus placatus intende.  
 ut ab omni nos eruat bellorum nequitia. et per uexillum  
 sancte crucis filii tui. ad conterendas aduersariorum insidias.  
 35 nos in tue protectionis securitate constituat. Per eundem.

*Prephatio.* Eterne deus. Qui salutem humani generis.

(*Communio.*) Per signum crucis de inimicis nostris libera nos  
 deus noster. alleluia.

(*Post communio.*)

40 REpleti alimonia celesti et spirituali poculo recreati. que-  
 sumus omnipotens deus. ut ab hoste maligno nos  
 defendas. quos per lignum sancte crucis filii tui armis iustitie  
 pro salute mundi triumphare iussisti. Per eundem.



IN SANCTORUM MARTIRUM ALEXANDRI. EUENTII.  
THEODORI ATQUE IUUENALIS.

IN SANCTI IOHANNIS ANTE PORTAM LATINAM.

(Introitus.)

5 **P**Rotexisti me deus. *Require in communi unius sancti inter pasca  
et pentecosten.* [p. 417.]

(Oratio.)

0 **D**eus qui conspicis quia nos undique mala nostra pertur-  
bant. presta quesumus : ut beati iohannis apostoli tui  
intercessio gloriosa nos protegat. Per.

(epistola.)

**S**Tabunt iusti. *Require in communi martirum post pasca.*  
[p. 418.]

(euangelium.)

5 **A**Ccessit ad iesum mater filiorum zebedei. *Require infra  
in festo sancti iacobi maioris.* [p. 356.]

(Secreta.)

0 **M**uneribus nostris. quesumus domine precibusque suscep-  
tis. et celestibus nos munda misteriis. et clementer  
exaudi. Per.

*Prephatio de apostolis uel de pasca.*

( Post communio.)

**R**Efecti domine pane celesti. ad uitam quesumus nutriamur  
eternam. Per.

5 *In inuentione sancti michaelis fit officium sicut in [fo. 127.  
dedicatione eiusdem. excepto quod pretermisso graduale dicuntur  
duo. Alleluia.*

(IN SANCTORUM MARTIRUM GORDIANI ET EPYMACHI

*Introitus.)*

0 **S**ancti tui domine benedicent te gloriam regni tui dicent.  
alleluia.

(Ps.) Exaltabo te deus meus rex. et benedicam nomini tuo in  
seculum et in seculum seculi. (V.) Gloria.

(Oratio.)

5 **D**A quesumus omnipotens deus : ut qui beatorum martirum  
tuorum gordiani atque epimachi solemnia colimus.  
eorum apud te intercessionibus adiuuemur. Per.

Alleluia. (V.) Exultabunt sancti in gloria letabuntur in cubilibus suis. alleluia. (V.) Pretiosa in conspectu domini mors sanctorum eius.

(*Offertorium.*) Mirabilis deus in sanctis suis deus ysrael ipse  
5 dabit uirtutem et fortitudinem plebi sue. benedictus deus. alleluia.

(*Secreta.*)

H Ostias tibi domine beatorum martirum tuorum gordiani atque epimachi dicatas meritis benignus assume. et ad perpetuum nobis tribue prouenire subsidium. Per.

10 (*Communio.*) Iustorum anime in manu dei sunt. et non tanget illos tormentum malitie. Uisi sunt oculis insipientium mori illi autem sunt in pace. Alleluia.

(*Post communio.*)

15 Q Uesumus omnipotens deus: ut qui celestia alimenta percipimus. intercedentibus sanctis tuis gordiano et epimacho. per hec contra omnia aduersa muniamur. Per.

*Notandum quod in festiuitatibus sequentibus usque ad festum sancti antonii que possunt cadere uel celebrari ante pentecosten uel post. si ante pentecosten celebrantur pretermisso graduali duo.*  
20 *alleluia. cantantur. Si autem post pentecosten celebrantur cum graduali dicitur unum alleluia. tantum quam uis in aliqua dictarum festiuitatum plura alleluia. ponantur.*

(IN SANCTORUM MARTIRUM NEREI ARCHILEI† ET  
PANCRATII.

25 (*Introitus.*)

E Cce oculi domini super timentes eum. sperantes in misericordia eius. alleluia. ut eripiat a morte animas eorum. quoniam adiutor et protector noster est. alleluia alleluia.

(Ps.) Exultate iusti in domino rectos decet laudatio. (V.)  
30 Gloria patri.

(*Oratio.*)

S Emper nos domine martirum tuorum nereï et archilei† atque pancratii. foueat quesumus beata solemnitas: et tuo dignos redat obsequio. Per.

35 Alleluia. (V.) Gaudete iusti in domino rectos decet collaudatio. alleluia. (V.) Te martirum candidatus laudat exercitus domine.

(*Offertorium.*) Confitebuntur celi mirabilia tua domine. et enim ueritatem tuam in ecclesia sanctorum. alleluia. alleluia.

(*Secreta.*)

S Anctorum tuorum quesumus domine nereï et archilei† atque  
pancratii. tibi grata sit confessio que et munera nostra  
commendet et tuam nobis indulgentiam semper imploret.  
5 Per.

(*Communio.*) Gaudete iusti in domino. alleluia. rectos decet  
collaudatio. alleluia.

(*Post communio.*)

10 Q Uesumus domine. ut beatorum martirum tuorum nereï et  
archilei† atque pancratii. deprecationibus sacramenta  
sancta que sumpsimus ad tue nobis proficiant placationis  
augmentum.† Per.

(IN SANCTE POTENTIANE UIRGINIS.

*Introitus.*)

15 D Illexisti iustitiam et odisti iniquitatem. propterea unxit te deus  
deus tuus oleo letitie preconsortibus† tuis.

(*Ps.*) Eructauit cor meum uerbum bonum. dico ego opera mea  
regi. (*V.*) Gloria.

(*Graduale.*) Specie tua et pulcritudine tua. intende prospere  
20 procede et regna. (*V.*) Propter ueritatem et/ mansuetu- [fo. 127b.  
dinem et iusticiam. et deducet te mirabiliter dextera tua alleluia.  
(*V.*) O quam pulcra est casta generatio cum claritate.

(*Offertorium.*) Offerentur regi uirgines post eam proxime eius  
offerentur tibi.

25 (*Communio.*) Diffusa est gratia in labiis tuis propterea bene-  
dixit te deus in eternum.

*In translatione sancti francisci fit officium sicut in natiuitate  
eiusdem excepto quod si hoc festum ante pentecosten celebratur.  
pretermisso graduale duo alleluia cantantur de beato uero urbano  
eodem die nichil fit sed in antea transfertur.*

(IN SANCTI URBANI PAPE ET MARTIRIS

*Introitus.*)

S Acerdotes tui domine induant iustitiam et sancti tui exultent  
propter dauid seruum tuum. non auertas faciem christi tui.  
35 (*Ps.*) Memento domine dauid et omnis mansuetudinis eius†.  
(*V.*) Gloria.

(Oratio.)

**D**A quesumus omnipotens deus. ut qui beati urbani martiris tui atque pontificis sollemnia colimus eius apud te intercessionibus adinuemur†. Per.

5 (Graduale.) Inueni dauid seruum meum oleo sancto meo unxi eum. (V.) Nichil proficiet inimicus in eo et filius iniquitatis non nocebit ei. alleluia. (V.) Memento domine dauid et omnis mansuetudinis eius.

(Offertorium.) Ueritas mea et misericordia mea cum ipso et in  
10 nomine meo exaltabitur cornu eius.

(Secreta.)

**H**Ec hostia domine quesumus emundet nostra delicta. et ad sacrificium celebrandum subditorum tibi corpora mentesque sanctificet. Per.

15 (Communio.) Fidelis seruus et prudens quem constituit dominus super familiam suam ut det illis in tempore tritici mensuram.

(Post communio.)

**R**Efecti participatione muneris sacri quesumus domine deus  
20 noster: ut cuius exequimur cultum sentiamus effectum.  
Per.

(IN SANCTORUM MARTIRUM MARCELINI ET PETRI  
ATQUE HERASMI

Introitus.)

25 **C**lamauerunt iusti et dominus exaudiuit eos. et ex omnibus tribulationibus eorum liberauit eos.

(Ps.) Benedicam dominum in omni tempore semper laus eius in ore meo. (V.) Gloria.

(Oratio.)

30 **D**Eus qui nos annua beatorum martirum tuorum marcelini et petri atque herasmi sollemnitate letificas. presta quesumus. ut quorum gaudemus meritis. prouocemur exemplis.  
Per.

(Graduale.) Clamauerunt iusti et dominus exaudiuit eos et ex omnibus tribulationibus eorum liberauit eos. (V.) Iuxta est  
35 dominus his qui tribulato sunt corde. et humiles spiritu saluabuntur alleluia. (V.) Ego uos elegi de mundo ut eatis et fructum afferatis et fructus uester maneat.

(Offertorium.) Letamini in domino et exultate iusti et gloriamini omnes recti corde.

(Secreta.)

H Ostia hec quesumus domine quam in sanctorum martirum  
 tuorum natalitiis recensentes offerimus. et uincula nostre  
 prauitatis absoluat. et tue nobis misericordie dona conciliet.  
 5 Per.

(Communio.) Iustorum anime in manu dei sunt et non tanget  
 illos tormentum malitie uisi sunt oculis insipientium mori illi autem  
 sunt in pace.

(Post communio.)

10 S Acro munere satiati supplices te domine deprecamur: ut  
 quod debite seruitutis celebramus officio saluationis tue  
 sentiamus augmentum.† Per.

(IN SANCTORUM MARTIRUM PRIMI ET FELICIANI

Introitus.)

15 S Apientiam sanctorum narrent populi et laudes eorum nuntiet  
 ecclesia nomina autem eorum uiuent in seculum seculi.  
 (Ps.) Exultate iusti in domino rectos decet laudatio. (V.)  
 Gloria.

(Oratio.)

20 / F Ac nos quesumus domine sanctorum martirum [fo. 128.  
 tuorum primi et feliciani semper festa sectari: quorum  
 suffragiis protectionis tue dona sentiamus. Per.

(Graduale.) Confitebuntur celi mirabilia tua domine. et enim  
 ueritatem tuam in ecclesia sanctorum. (V.) Misericordias domini  
 25 in eternum cantabo in generatione et progenie. alleluia. (V.) Con-  
 fitebuntur celi mirabilia tua domine. et enim ueritatem tuam in  
 ecclesia sanctorum.

(Offertorium.) Mirabilis deus in sanctis suis deus ysrael ipse  
 dabit uirtutem et fortitudinem plebi sue benedictus deus alleluia.

30 (Secreta.)

F lat tibi domine quesumus hostia sacrandae placabilis.  
 pretiosa celebritate martirum que et peccata nostra  
 purificet. et tuorum tibi uota conciliet famulorum. Per.

(Communio.) Ego uos elegi de mundo ut eatis et fructum  
 35. afferatis et fructus uester maneat.

(Post communio.)

Q Uesumus omnipotens deus. ut sanctorum martirum tuorum  
 celestibus misteriis celebrata solemnitatis indulgentiam  
 nobis tue propitiationis acquirat. Per.

## IN SANCTI BARNABE APOSTOLI.

*Officium require in communi apostolorum.* Michi autem nimis et cetera. [p. 406.]

(*Oratio.*)

5 **D**Eus qui nos beati barnabe apostoli tui meritis et intercessionem letificas. concede propitius. ut qui eius beneficia poscimus. dono tue gratie consequamur. Per.

(*Secreta.*)

10 **M**Unera domine oblata sanctifica. et intercedente beato barnaba apostolo tuo nos per hec a peccatorum nostrorum maculis emunda. Per.

*Prephatio de apostolis.*

(*Post communio.*)

15 **S**upplices te rogamus omnipotens deus: ut quos tuis reficis sacramentis intercedente beato barnaba apostolo tuo. tibi etiam placitis moribus dignanter tribuas deservire. Per.

(IN SANCTORUM MARTIRUM BASILIDIS CYRINI NABORIS ET NAZARII.

*Introitus.*)

20 **I**Ntret in conspectu tuo domine. gemitus compeditorum redde uicinis nostris septuplum in sinu eorum uindica sanguinem sanctorum tuorum qui effusus est.

(*Ps.*) Deus uenerunt gentes in hereditatem tuam polluerunt templum sanctum tuum posuerunt yerusalem in pomorum custodiam. (*V.*) Gloria patri.

(*Oratio.*)

**S**anctorum tuorum basilidis. cirini. naboris et nazarii. quesumus domine natalitia nobis uotiuua resplendeant. et quod illis contulit excelentia sempiterna. fructibus nostre  
30 deuotionis accrescat. Per.

(*Graduale.*) Uindica domine sanguinem sanctorum tuorum qui effusus est. (*V.*) Posuerunt mortalia seruorum tuorum domine escas uolatilibus celi carnes sanctorum tuorum bestiis terre alleluia. (*V.*) Corpora sanctorum in pace sepulta sunt. et uiuent nomina  
35 eorum in generatione et generationem.

(*Offertorium.*) Exultabunt sancti in gloria. letabuntur in cubilibus suis. exultationes dei in faucibus eorum.

(*Secreta.*)

40 **P**RO sanctorum basilidis. cirini naboris et nazarii sanguine uenerando hostias tibi domine solemniter immolamus.

tua mirabilia pertractantes. per quem talis est perfecta uictoria.  
Per.

(*Communio.*) Posuerunt mortalia seruorum tuorum domine  
escas uolati[li]bus celi carnes sanctorum tuorum bestiis terre  
5 secundum magnitudinem brachii/ tui posside filios morti† [fo. 128b.  
punitorum.

(*Post communio.*)

Semper domine sanctorum martirum basilidis. cirini. na-  
boris et nazarii solemnia celebrantes. presta quesumus.  
10 ut eorum patrocinia iugiter sentiamus. Per.

(IN SANCTI ANTONII CONFESSORIS.

*Introitus.*)

I N medio ecclesie aperuit os eius. et impleuit eum dominus spiritu  
sapientie et intellectus. stollam glorie induit eum. OS J

5 (*Ps.*) Bonum est confiteri domino. et psallere nomini tuo altis-  
sime. (*V.*) Gloria.

(*Oratio.*)

E Cclesiam tuam deus beati antonii confessoris tui solem-  
nitas uotiuua letificet: ut spiritualibus semper muniatur  
20 auxiliis et gaudiis perfrui mereatur eternis. Per.

(*lectio libri sapientie*) [Sapient. vii. 7-15].

O Ptaui et datus est michi sensus. et inuocaui et uenit in me  
spiritus sapientie. Et preposui illam regnis et sedibus:  
et diuitias nichil esse dixi in comparatione illius. Nec  
25 comparaui illi lapidem pretiosum. quoniam omne aurum in  
comparatione illius harena est exigua. Et tanquam lutum  
extimabitur argentum in conspectu illius. Super salutem et  
speciem dilexi eam. et proposui pro luce habere illam. quoniam  
inextinguibile est lumen illius. Uenerunt autem michi omnia  
30 bona pariter cum illa. et innumerabilis honestas per manus  
illius. Et letatus sum in omnibus quoniam antecedebat me  
ista sapientia. et ignorabam quoniam omnium bonorum mater  
est. Quam sine fictione didici. et sine inuidia communico. et  
honestatem illius non abscondo. Infinitus enim est thesaurus  
35 hominibus. Quo qui usi sunt participes facti sunt amicitie  
dei. propter discipline dona commendati. Michi autem dedit  
deus dicere ex scientia et presumere digna horum que michi  
dantur. quoniam ipse sapientie dux est: et sapientium  
emendator.

0 (*Graduale.*) Os iusti meditabitur sapientiam. et lingua eius  
loquetur iudicium. (*V.*) Lex dei eius in corde ipsius. et non

supplantabuntur gressus eius alleluia. (V.) Antoni compar inclite nostri condam† itineris tu nobis adhuc miseris in patria iam predite te glorioso comite nos ora frui superis. Alleluia. (V.) Iustus germinabit sicut lilium et florebit in eternum ante dominum.

5 (euangelium.)

UOs estis sal terre. *Require in communi unius confessoris pontificis.* [p. 434.]

(Offertorium.) Ueritas mea et misericordia mea cum ipso et in nomine meo exaltabitur cornu eius.

10 (Secreta.)

Presens oblatio fiat domine populo tuo salutaris. pro quo dignatus es patri tuo uiuentem hostiam immolare. Qui uiuis.

(Communio.) Domine quinque talenta tradidisti michi. ecce 15 alia quinque superlucratus sum. euge serue fidelis quia in pauca fuisti fidelis supra multa te constituam intra in gaudium domini tui.

(Post communio.)

20 Diuinis domine muneribus satiati quesumus. ut beati antonii confessoris tui meritis gloriosis salutaris uictime desideratum sentiamus effectum. Per.

*Infra octauam et ipso die octaue fit idem officium quod in die. De festo uero sancti siluerii quod in die octaua cadit nichil eodem die fit sed in ante transfertur.*

25 (IN SANCTORUM MARTIRUM VITI ET MODESTI ATQUE  
CRESC[ENTIE

*Oratio.)*

/DA ecclesie tue quesumus domine sanctis tuis uito [fo. 129. et modesto atque crescentia intercedentibus superbe 30 non sapere sed tibi placita humilitate proficere. ut proterua despiciens quecunque matura sunt libera exerceat caritate. Per.

(Secreta.)

35 Sicut gloriam diuine potentie munera pro sanctis oblata testantur. sic nobis effectum domine tue saluationis impendant. Per.

(Post communio.)

40 Refecti domine benedictione solemni. quesumus. ut per intercessionem sanctorum tuorum uiti modesti et crescentie: medicina sacramenti. et corporibus nostris prosit et mentibus. Per.



(IN SANCTORUM MARTIRUM MARCI ET MARCELLIANI

*Introitus.*)

**S**alus autem iustorum a domino et protector eorum est in tempore tribulationis.

(*Ps.*) Noli emulari in malignantibus neque zelaueris facientes iniquitatem. (*V.*) Gloria.

(*Oratio.*)

**P**resta quesumus omnipotens deus ut qui sanctorum martirum tuorum marci et marceliani natalitia colimus.

a cunctis malis imminentibus eorum intercessionibus libermur. Per.

(*Graduale.*) Iustorum anime in manu dei sunt et non tanget illos tormentum malitie. (*V.*) Uisi sunt oculis insipientium mori illi autem in pace. alleluia. (*V.*) Iusti epulentur. et exultent in conspectu dei [et] delectentur in letitia.

(*Offertorium.*) Anima nostra sicut passer erepta est de laqueo uenantium. laqueus contritus est et nos liberati sumus.

(*Secreta.*)

**M**unera tibi domine dicata sanctifica. et intercedentibus sanctis tuis martiribus marco et marceliano. per eadem nos placatus intende. Per.

(*Communio.*) Amen dico uobis quod uos qui reliquistis omnia et secuti estis me centuplum accipietis et uitam eternam possidebitis.

(*Post communio.*)

**S**alutaris tui domine munere satiati. supplices exoramus ut quorum letamur gustu renquemur effectu. Per.

(IN SANCTORUM MARTIRUM GERUASII. ET PROTASII

*Introitus.*)

**L**oquetur dominus pacem in plebem suam et super sanctos suos et in eos qui conuertentur ad ipsum.

(*Ps.*) Benedixisti domine terram tuam auertisti captiuitatem iacob. (*V.*) Gloria patri.

(*Oratio.*)

**D**eus qui nos annua sanctorum martirum tuorum geruasii et protasii solemnitate letificas. concede propitius: ut quorum gaudemus meritis accendamus exemplis. Per.

(*Graduale.*) Gloriosus deus in sanctis suis mirabilis in maiestate faciens prodigia. (*V.*) Dexter a tua domine glorificata est in uirtute. dextera manus tue confregit inimicos alleluia. (*V.*) Letamini in domino et exultate iusti. et gloriamini omnes recti corde.

(*Offertorium.*) Letamini in domino et exultate iusti et gloriamini omnes recti corde.

(*S[*e*]creta.*)

5 **O**Blatis quesumus domine placare muneribus et intercedentibus sanctis tuis. a cunctis nos defende periculis.  
Per.

(*Communio.*) Posuerunt mortalia seruorum tuorum domine escas uolatilibus celi carnes sanctorum tuorum bestiis terre. secundum magnitudinem brachii tui posside filios mortis† punitorum.

10 (*Post communio.*)

**H**Ec nos communio domine purget a crimine. et intercedentibus sanctis tuis. celestis remedii faciat esse consortes. Per.

/(IN UIGILIA SANCTI IOHANNIS BAPTISTE. [fo. 129b.

15 (*Introitus.*)

**N**E timeas zacharia exaudita est oratio tua. et elisabeth uxor tua pariet tibi filium et uocabis nomen eius iohannem. et erit magnus coram domino et spiritu sancto replebitur adhuc ex utero matris sue. et multi in natiuitate eius gaudebunt.

20 (*Ps.*) Domine in uirtute tua letabitur rex. et super salutare tuum exultabit uehementer. (*V.*) Gloria patri.

(*Oratio.*)

**P**Resta quesumus omnipotens deus. ut familia tua per uiam salutis incedat. et beati iohannis precursoris ortamenta  
25 sectando. ad eum quem predixit segura perueniat. dominum nostrum iesum christum.

(*lectio Ieremie prophete*) [Ierem. i. 4–10].

**I**N diebus illis. Factum est uerbum domini ad me dicens. Priusquam te formarem in utero noui te. et antequam  
30 exires de uulua sanctificaui te. et prophetam in gentibus dedi te. Et dixi. A. A. A. domine deus. ecce nescio loqui. quia puer ego sum. Et dixit dominus ad me. Noli dicere quia puer sum. quoniam. ad omnia que mittam te ibis. et uniuersa que mandauero tibi loqueris. Ne timeas a facie eorum : quia  
35 ego tecum sum et eruam te dicit dominus. Et misit dominus manum suam. et tetigit os meum : et dixit dominus ad me. Ecce dedi uerba mea in ore tuo. et ecce constitui te hodie super gentes et super regna : ut euellas et destruas. et disperdas. et dissipes. et edifices. et plantes. Dicit dominus  
40 omnipotens.

(*Graduale.*) Fuit homo missus a deo. cui nomen erat iohannes hic uenit. (*V.*) Ut testimonium perhiberet de lumine. parare domino plebem perfectam.

(*Secundum lucam*) [Luc. i. 5-17].

FUIT in diebus herodis regis iudee sacerdos quidam nomine zacharias de uice abia. et uxor illius de filiabus aaron : et nomen eius elisabeth. Erant autem iusti ambo ante dominum : incedentes in omnibus mandatis et iustificationibus domini sine querela. Et non erat illis filius eo quod elisabeth esset sterilis. et ambo processissent in diebus suis. Factum est autem. cum sacerdotio fungeretur zacharias in ordine uicis sue ante deum secundum consuetudinem sacerdotii sorte  
10 exiit ut incensum poneret. ingressus in templum domini. Et omnis multitudo populi erat orans foris. hora incensi. apparuit autem illi angelus domini stans a dextris altaris incensi. Et zacharias turbatus est uidens et timor irruit super eum. Ait autem ad illum angelus. Ne timeas zacharia : quoniam  
15 exaudita est deprecatio tua. Et uxor tua elisabeth pariet tibi filium et uocabis nomen eius ioannem Et erit tibi gaudium et exultatio. et multi in natiuitate eius gaudebunt. Erit enim magnus coram domino. et uinum et siceram non bibet. Et spiritu sancto replebitur adhuc ex utero matris  
20 sue. et multos filiorum ysrael conuertet ad dominum deum ipsorum. Et ipse precedet ante illum in spiritu et uirtute helye. ut conuertat corda patrum in filios et incredulos ad prudentiam iustorum. Parare domino /plebem per- [fo. 130. fectam.

25 (*Offertorium.*) Gloria et honore coronasti eum. et constituisti eum super opera manuum tuarum domine.

(*Secreta.*)

MUNERA domine oblata sanctifica. et intercedente beato iohanne baptista : nos per hec a peccatorum nostrorum  
30 maculis emunda. Per.

(*Communio.*) Magna est gloria eius in salutari tuo gloriam et magnum decorem impones super eum domine.

(*Post communio.*)

35 BEATI iohannis baptiste nos domine preclara comitetur oratio. et quem uenturum esse predixit. poscat nobis fore placatum. dominum nostrum iesum christum.

(IN NATIUITATE SANCTI IOHANNIS BAPTISTE

*Introitus.*)

40 DE uentre matris mee uocauit me dominus nomine meo. et posuit os meum ut gladium acutum sub tegmento manus sue protexit me. posuit me quasi sagittam electam.

(*Ps.*) Bonum est confiteri domino et psallere nomini tuo altissime. (*V.*) Gloria.

(Oratio.)

DEus qui presentem diem honorabilem nobis in beati iohannis natiuitate fecisti. da populis tuis spiritualium gratiam gaudiorum et omnium fidelium mentes dirige in uiam salutis eterne. Per.

(lectio ysaie prophete) [Isa. xlix. 1-3, 5, 6, 7]:

HEc dicit dominus deus. Audite insule et attendite populi de longe. Dominus ab utero uocauit me. De uentre matris mee recordatus est nominis mei. Et posuit os meum quasi gladium acutum in umbra manus sue protexit me. et posuit me sicut sagittam electam. In pharetra sua abscondit me: et dixit michi. Seruus meus es tu ysrael. quia in te gloriabor. Et nunc hec dicit dominus formans me ex utero seruum sibi. Dedi te in lucem gentium: ut sis salus mea. usque ad extremum terre Reges uidebunt et consurgent principes: et adorabunt dominum deum tuum et sanctum ysrael: qui elegit te.

(Graduale.) Priusquam te formarem in utero noui te. et antequam exires de uentre sanctificaui te. (V.) Misit dominus manum suam et tetigit os meum. et dixit michi. alleluia. (V.) Tu puer propheta altissimi uocaberis. preibis ante dominum parare uias eius. alleluia. (V.) Ne timeas zacharia. ne timeas quia exaudita est oratio tua.

(Secundum lucam) [Luc. i. 57-68].

HElisabeth impletum est tempus pariendi et peperit filium. Et audierunt uicini et cognati eius. quia magnificauit dominus misericordiam suam cum illa. et congratulabantur ei. Et factum est in die octauo uenerunt circumcidere puerum. et uocabant eum nomine patris sui zachariam. Et respondens mater eius dixit. Nequaquam: sed uocabitur iohannes. Et dixerunt ad illam. Quia nemo est in cogitatione tua: qui uocetur hoc nomine. Innuebant autem patri eius: quem uellet uocari eum. Et postulans pugillarem: scripsit dicens. Iohannes est nomen eius. Et mirati sunt uniuersi. Apertum est autem ilico os eius. et lingua eius et loquebatur benedicens deum. Et factus est timor super omnes uicinos eorum. et super omnia montana iudee. diuulgabantur omnia uerba hec. Et posuerunt omnes qui audierant in [fo. 130b. corde suo: dicentes. Quis putas puer iste erit? Et enim manus domini erat cum illo. Et zacharias pater eius impletus est spiritu sancto: et prophetauit dicens. Benedictus dominus deus ysrael: quia uisitauit et fecit. redemptionem plebis sue.

(*Offertorium.*) Iustus ut palma florebit sicut cedrus que in libano est multiplicabitur.

(*Secreta.*)

5 **T**Ua domine muneribus altaria cumulamur: illius natiuitatem honore debito celebrantes. qui saluatorem mundi et cecinit affuturum. et adesse monstrauit dominum nostrum iesum christum filium tuum. Qui tecum.

(*prephatio.*)

(**Θ**) Equum et salutare. Et hunc diem precursoris et prophete cum gaudio celebrare. Ipse est enim qui annuntiauit penitentiam et uiam salutis uniuerse terre predixit. Ipse est quem sacra tuba cecinit saluatoris. quia non surrexit quisquam inter natos mulierum maior iohanne baptista. O quam beata mater que talem genuit filium de celo promissum. Agnos-  
15 cimus natum ex uerbo preconem. qui predicauit omnium saluatorem. O quam due in ciuitate uirtutes. ubi due matres sterilis et uirgo. O quam mirum misterium. ubi utreque sunt honorate de celo. una premisit preconem alia iudicem. Elisabeth sterilis peperit precursorem: maria uirgo genuit  
20 magnificum redemptorem. Et ideo cum angelis. *et cetera.*

(*Communio.*)<sup>\*</sup> Tu puer propheta altissimi uocaberis. preibis enim ante faciem dei parare uias eius.

(*Post communio.*)

25 **S**umat ecclesia tua deus beati iohannis baptiste generatio<sup>†</sup> letitiam: per quem sue regenerationis cognouit actorem<sup>†</sup> dominum nostrum iesum christum filium tuum. Qui tecum.

*Infra octauam et ipsa die octaue fit idem officium quod in die.*

*Notandum quod de dominica que occurrit in festo uel infra octauam natiuitatis beati iohannis. nichil fit tunc. quia ante  
30 sequentem dominicam nulla occurrit feria in qua possit officium eius cantari. Sed de eadem dominica fit commemoratio tantum. ad uesperas. matutinum et missas in dominica sequenti que silicet<sup>†</sup> occurrerit post festum apostolorum. et prima feria que sequitur post octauam apostolorum cantatur officium misse  
35 eiusdem dominice de qua facta est commemoratio. Similiter fit de dominica que uenit in festo uel infra octauam sancti laurentii. in dominica que occurrerit post festum assumptionis. et prima feria post octauam assumptionis. si uero numerus ebdomadarum usque ad aduentum excedat numerum officiorum  
40 dominicalium officia dominicarum que occurrunt infra predictas quatuor octauas extenduntur totaliter post easdem octauas in ante per dominicas ut oportet. Si post octauas apostolorum et assumptionis beate marie uirginis contingat fieri officium feriale.*

*dicitur officium precedentis dominice. Et si officia superent ebdomadas. distribuuntur sicut dictum est de talibus post octauam epiphanie.*

(IN SANCTORUM MARTIRUM IOHANNIS ET PAULI

5 *Introitus.)*

Multe tribulationes iustorum et de his omnibus liberauit eos dominus. dominus custodit omnia ossa eorum unum ex his non conteretur.

(Ps.) Benedicam dominum in omni tempore semper laus eius  
10 in ore meo. (V.) Gloria patri.

(Oratio.)

Quesumus omnipotens deus: ut nos geminata [fo. 131.  
letitia hodiernae festiuitatis excipiat. que de beatorum  
iohannis et pauli glorificatione procedit: quos eadem fides et  
15 passio uere fecit esse germanos. Per.

(epistola.)

HI sunt uiri misericordie. *Require in communi plurimorum  
martirum.* [p. 423.]

(Graduale.) Ecce quam bonum et quam iocundum habitare  
20 fratres in unum. (V.) Sicut unguentum in capite quod descendit  
in barbam. barbam aaron. alleluia. (V.) Hec est uera fraternitas  
que uicit mundi crimina. christum secuta est inclita tenens regna  
celestia.

(euangelium.)

25 ATTendite a fermento phariseorum. *Require in communi  
plurimorum martirum.* [p. 427.]

(Offertorium.) Gloriabuntur in te omnes qui diligunt nomen  
tuum. quoniam tu domine benedices iusto. domine ut scuto bone  
uoluntatis tue coronasti nos.

30 (secreta.)

Hostias tibi domine sanctorum martirum tuorum iohannis  
et pauli dicatas meritis benignus assume et ad per-  
petuum tribue nobis prouenire subsidium. Per.

(Communio.) Et si coram hominibus tormenta passi sunt deus  
35 temptauit eos tanquam aurum in fornace probauit eos. et quasi  
holocausta accepit eos.

(Post communio.)

Sumpsimus domine sanctorum tuorum iohannis et pauli  
solemnia celebrantes sacramenta celestia. presta que-  
40 sumus: ut quod temporaliter gerimus. eternis gaudiis con-  
sequamur. Per.

(IN SANCTI LEONIS PAPE ET CONFESSORIS

*Oratio.*)

DEUS qui beatum leonem pontificem tuum sanctorum  
 tuorum meritis coequasti. concede propitius. ut qui  
 5 commemorationis eius festa percolimus. uite quoque imitemur  
 exempla. Per.

*(Secreta.)*

ANNUE nobis domine quesumus. ut intercessione beati  
 leonis hec nobis prosit oblatio. quam immolando totius  
 10 mundi tribuisti relaxari delicta. Per.

*(Post communio.)*

DEUS qui annue<sup>1</sup> famuli tui leonis eterne beatitudinis premia  
 contulisti. concede propitius: ut qui peccatorum nos-  
 trorum pondere premimur eius apud te precibus subleuemur.  
 15 Per.

*Si festum sancti leonis in dominica uenerit agitur de festo  
 cum commemoratione sancti iohannis.*

*Quocumque uero alio die uenerit. fit de ipso commemoratio in  
 missa uigilie.*

20 (IN UIGILIA APOSTOLORUM PETRI ET PAULI

*Introitus.*)

DICIT dominus petro cum esses iunior cingebas te et ambulabas  
 ubi uolebas. cum autem senueris extends manus tuas. et  
 alius te cinget et ducet quo tu non uis. hoc autem dixit significans  
 25 qua morte esset deum clarificaturus.

*(Ps.)* Celi enarrant gloriam dei. et opera manuum eius annuntiat  
 firmamentum. *(V.)* Gloria.

*(Oratio.)*

PRESTA quesumus omnipotens deus. ut nullis nos permittas  
 30 perturbationibus concuti. quos in apostolice confessionis  
 petra solidasti. Per.

*(lectio actuum apostolorum)* [Act. iii. 1-10].

IN diebus illis. Petrus et iohannes ascenderunt in templum  
 ad horam orationis nonam. Et quidam uir qui erat  
 35 claudus ex utero matris sue baiulabatur. quem ponebant  
 quotidie ad portam templi que dicitur speciosa: ut peteret  
 elemosinam ab introeuntibus in templum. Hic cum uidisset  
 petrum et iohannem incipientes introire in templum, rogabat  
 ut elemosinam acciperet. Intuens autem in eum [fo. 131b.

<sup>1</sup> Thus, for anime.

petrus cum iohanne dixit. Respice in nos. At ille intendebat in eos sperans aliquid se accepturum ab eis. Petrus autem dixit. Argentum et aurum non est michi. quod autem habeo. hoc tibi do. In nomine iesu christi nazareni. surge et ambula.

- 5 Et apprehensa manu eius dextra alleuauit eum. Et protinus consolidate sunt bases eius et plante. Et exiliens stetit et ambulabat. Et intrauit cum illis in templum. ambulans et exiliens et laudans deum. Et uidit omnis populus eum ambulantem et laudantem deum. Cognoscebant autem  
10 illum: quoniam ipse erat qui ad elemosinam sedebat ad speciosam portam templi. Et repleti sunt omnes timore et extasi: in eo quod contigerat illi.

- (*Graduale.*) In omnem terram exiuit sonus eorum et in fines orbis terre uerba eorum. (*V.*) Celi enarrant gloriam dei. et opera  
15 manuum eius annuntiat firmamentum.

(*Secundum Iohannem*) [Ioh. xxi. 15-19].

- IN illo tempore. Dixit iesus symoni petro. Symon iohannis diligis me plus his? Dicit ei. Etiam domine. tu scis quia amo te. Dicit ei. Pasce agnos meos. Dicit ei iterum. Symon iohannis diligis me? Ait illi. Etiam domine: tu scis quia amo te. Dicit ei. Pasce agnos meos. Dicit ei tertio. Symon iohannis amas me? Contristatus est petrus: quia dixit ei tertio amas me? Et dixit ei. Domine tu omnia nosti: tu scis quia amo te. Dicit ei. Pasce oues meas.  
25 Amen amen dico tibi. cum esses iunior cingebas te. et ambulabas ubi uolebas. Cum autem senueris: extends manus tuas. et alius te cinget. et ducet quo tu non uis. Hoc autem dixit: significans qua morte esset clarificaturus deum.

- (*Offertorium.*) Michi autem nimis honorificati sunt amici tui  
30 deus. nimis confortatus est principatus eorum.

(*Secreta.*)

MUnus populi tui quesumus domine apostolica intercessionem sanctifica. nosque a peccatorum nostrorum maculis emunda. Per.

- 35 (*Communio.*) Symon iohannis diligis me plus his domine tu omnia nosti. tu scis domine quia amo te.

(*Post communio.*)

Q Uos celesti domine dono† alimento satiasti. apostolicis intercessionibus ab omni aduersitate custodi. Per.



(IN DIE APOSTOLORUM PETRI ET PAULI

*Introitus.*)

Nunc scio uere quia misit dominus angelum suum et eripuit me de manu herodis et de omni expectatione plebis iudeorum.

(Ps.) Et petrus ad se reuersus dixit. (V.) Gloria.

*(Oratio.)*

Deus qui hodiernam diem apostolorum tuorum petri et pauli martirio consecrasti. da ecclesie tue eorum in omnibus sequi preceptum. per quos religionis sumpsit exordium. Per.

*Et non fit commemoratio de sancto paulo quia oratio communis est. hac die et sequenti non fit commemoratio de sancto iohanne.*

*(lectio actuum apostolorum)* [Act. xii. 1-11].

IN diebus illis. Misit herodes rex manus ut affligeret quosdam de ecclesia. Occidit autem iacobum fratrem/[fo. 132. iohannis gladio. Uidens autem quia placeret iudeis. apposituit apprehendere et petrum. Erant autem dies azimorum. Quem cum apprehendisset misit in carcerem. tradensque quatuor quaternionibus militum custodiendum uolens post pascha producere cum populo. Et petrus quidem seruabatur in carcere: oratio autem fiebat sine intermissione ab ecclesia ad deum pro eo. Cum autem producturus eum esset herodes: in ipsa nocte erat petrus dormiens inter duos milites. uinctus cathenis duabus et custodes ante hostium custodiebant carcerem. Et ecce angelus domini astitit et lumen refulsit in habitaculo carceris. Percussoque latere petri excitauit eum dicens. Surge uelociter. Et ceciderunt cathene de manibus eius. Dixit autem angelus ad eum. Precingere. et calcia te caligas tuas et fecit sic. Et dixit illi. Circunda tibi uestimentum tuum et sequere me. Et exiens sequebatur eum: et nesciebat quia uerum est quod fiebat per angelum. Extimabat autem se. uisum uidere. Transeuntes autem primam et secundam custodiam. uenerunt ad portam ferream que ducit ad ciuitatem que ultro aperta est eis. Et exeuntes processerunt uicum unum: et continuo discessit angelus ab eo. Et petrus ad se reuersus dixit. Nunc scio uere quia misit dominus angelum suum et eripuit me de manu herodis: et de omni expectatione plebis iudeorum.

*(Graduale.)* Constitues eos principes super omnem terram memores erunt nominis tui domine. (V.) Pro patribus tuis nati sunt tibi filii. propterea populi confitebuntur tibi alleluia. (V.) Tu es petrus et super hanc petram edificabo ecclesiam meam.

(*Secundum matheum*) [Mat. xvi. 13-19].

IN illo tempore. Uenit iesus in partes cesaree philippi: et interrogabat discipulos suos dicens. Quem dicunt homines esse filium hominis? At illi dixerunt. Alii iohannem baptis-  
 5 tam. Alii autem helyam. alii uero yeremiam: aut unum ex prophetis. Dicit illis iesus. Uos autem quem me esse dicitis? Respondens symon petrus. dixit. Tu es christus filius dei uiui. Respondens autem iesus. dicit ei. Beatus es symon bariona. quia caro et sanguis non reuelauit tibi. sed pater  
 10 meus qui est in celis. Et ego dico tibi. quia tu es petrus et super hanc petram edificabo ecclesiam meam. Et porte inferi: non preualebunt aduersus eam. Et tibi dabo claues regni celorum. Et quodcunque ligaueris super terram. erit ligatum et in celis. Et quodcunque solueris super terram  
 15 erit solutum et in celis.

(*Offertorium.*) Constitues eos principes super omnem terram memores erunt nominis tui in omni progenie et generatione.

(*Secreta.*)

20 HOSTIAS domine quas nomini tuo sacrandas offerimus apostolica prosequatur oratio. per quam nos expiari tribuas et defendi. Per.

*Prephatio de apostolis et dicitur per totam octauam.*

(*Communio.*) Tu es petrus et super hanc petram edificabo/ ecclesiam meam. [fo. 132b.]

25 (*Post communio.*)

Q UOS celesti domine alimento satiasti apostolicis intercessionibus ab omni aduersitate custodi. Per.

(IN COMMEMORATIONE SANCTI PAULI

*Introitus.*)

30 S CIO cui credidi et certus sum quia potens est depositum meum seruare in illum diem.

(*Ps.*) Domine probasti me et cognouisti me. tu cognouisti sessionem meam et resurrectionem meam. (*V.*) Gloria.

(*Oratio.*)

35 D EUS qui multitudinem gentium beati pauli apostoli predicatione docuisti. da nobis quesumus: ut cuius natalitia colimus. eius apud te patrocinia sentiamus. Per.

*Et fit commemoratio de beato petro. Require supra in cathedra sancti petri.*

(Oratio.)

DEus qui beato petro. [p. 319.]

(Ad gallatas) [Gal. i. 11-20].

FRatres. Notum uobis facio euangelium quod euangelizatum est a me. Quia non est secundum hominem. Neque enim ego ab homine accepi illud. neque didici : sed per reuelationem iesu christi. Audistis enim conuersationem meam aliquando in iudaysmo. Quoniam supramodum persequebar ecclesiam dei : et expugnabam illam et proficiebam in iudaysmo supra multos coetaneos meos in genere meo : habundantius emulator existens paternarum mearum traditionum. Cum autem placuit ei qui me segregauit ex utero matris mee : et uocauit per gratiam suam ut reuelaret filium suum in me : ut euangelizarem illum in gentibus : continuo non acquieui carni et sanguini. neque ueni yerosolimam ad antecessores meos apostolos. sed abii in arabiam. et iterum reuersus sum damascum. Deinde post annos tres ueni yerosolimam uidere petrum : et mansi apud eum dies quindecim. Alium autem apostolorum uidi neminem nisi iacobum fratrem domini. Que autem scribo uobis : ecce coram deo. quia non mentior.

(Graduale.) Qui operatus est petro in apostolatum operatus est et michi inter gentes. et cognouerunt gratiam dei que data est michi. (V.) Gratia dei in me uacua non fuit. sed gratia eius semper in me manet alleluia. (V.) Sancte paule apostole predicator ueritatis et doctor gentium intercede pro nobis.

(euangelium.)

DIxit symon petrus ad iesum. Ecce nos reliquimus omnia. *Require in communi apostolorum.* [p. 409.]

(Offertorium.) Michi autem nimis honorificati sunt amici tui deus. nimis confortatus est principatus eorum.

(Secreta.)

ECclesie tue quesumus domine preces et hostias apostolica commendet oratio. ut quod pro illorum gloria celebramus. nobis prosit ad ueniam. Per.

(Communio.) Amen dico uobis quod uos qui reliquistis omnia et secuti estis me centuplum accipietis et uitam eternam possidebitis.

(Post communio.)

PERceptis domine sacramentis. beatis apostolis interuenientibus deprecamur. ut que pro illorum celebrata sunt gloria nobis proficiant ad medellam. Per.

*Officium uisitationis marie. Require antequam  
infra octauam apostolorum omnia dicuntur ad missam de  
communi apostolorum preter orationem. Deus qui hodiernam  
diem. Cum sua secreta et post communionem.*

5 (IN SANCTORUM MARTIRUM/ PROCESSI ET [fo. 133.  
MARTINIANI

*Introitus.)*

IUDICANT sancti gentes et dominantur populis. regnabit dominus  
deus illorum in perpetuum.

10 (Ps.) Exultate iusti in domino rectos decet laudatio. (V.)  
Gloria.

*(Oratio.)*

DEUS qui nos sanctorum martirum tuorum processi et  
martiniani gloriosis confessoribus† circundas et protegis.  
15 da nobis et eorum imitatione proficere et intercessione gaudere.  
Per.

(Graduale.) Exultabunt sancti in gloria letabuntur in cubilibus  
suis. (V.) Cantate domino canticum nouum laus eius in ecclesia  
sanctorum alleluia. (V.) Iudicabunt sancti nationes et domina-  
20 buntur populis et regnabit illorum rex in eternum.

(Offertorium.) Gloriabuntur in te omnes qui diligunt nomen  
tuum. quoniam tu domine benedices iusto. domine ut scuto bone  
uoluntatis tue coronasti nos.

*(Secreta.)*

25 SUScipe domine preces et munera que ut tuo sint digna  
conspectui. sanctorum tuorum precibus adiuuemur. Per.

(Communio.) Anima nostra sicut passer erepta est de laqueo  
uenantium.

*(Post communio.)*

30 CORPORIS sacri et pretiosi sanguis repleti libamine quesumus  
domine deus noster. ut quod pia deuotione gerimus certa  
redemptione capiamus. Per eundem dominum.

(IN OCTAUA APOSTOLORUM PETRI ET PAULI

*Introitus.)*

35 SAPIENTIAM sanctorum narrent populi et laudes eorum nuntiet  
ecclesia. nomina autem eorum uiuent in seculum seculi.

(Ps.) Exultabunt iusti in domino rectos decet laudatio. (V.)  
Gloria.

(Oratio.)

**D**Eus cuius dextera beatum petrum ambulanti in fluctibus. ne mergeretur erexit: et coapostolum eius paulum tertio naufragantem de profundo pelli liberavit: exaudi nos propitius et concede: ut amborum meritis eternitatis gloriam consequamur. Qui uiuis.

(epistola.)

**H**I sunt uiri misericordie. *Require in communi plurimorum martirum.* [p. 423.]

(*Graduale.*) Iustorum anime in manu dei sunt et non tanget illos tormentum malitie. (V.) Uisi sunt oculis insipientium mori illi autem sunt in pace alleluia. (V.) Uos estis qui permansistis mecum in temptationibus meis, ego autem in medio uestrum sum sicut qui ministrat.

(Secundum matheum) [Mat. xiv. 29-33].

**I**N illo tempore. Iussit iesus discipulos. ascendere in nauiculam et precedere eum trans fretum: donec dimitteret turbas. Et dimissa turba: ascendit in montem solus orare. Uespere autem facto: solus erat ibi. Nauicula autem in medio mari iactabatur fluctibus: erat enim eis contrarius uentus. Quarta autem uigilia noctis. uenit ad eos ambulans supra mare. Et uidentes eum supra mare ambulanti. turbati sunt dicentes: quia fantasma est. Et pre timore clamauerunt. Statimque locutus est eis iesus dicens. Habete fiduciam. Ego sum: nolite timere. Respondens autem petrus dixit. Domine si tu es. iube me uenire ad te super aquas. At ipse ait. Ueni. Et descendens petrus de nauicula. ambulabat super aquam. ut ueniret ad iesum. Uidens uero uentum ualidum timuit. Et cum cepisset mergi. clamauit dicens. Domine saluum me fac. Et continuo extendens iesus manum /apprehendit eum. et ait illi. Modice [fo. 133b. fidei: quare dubitasti? Et cum ascendisset in nauiculam. cessauit uentus. Qui autem in nauicula erant: uenerunt et adorauerunt eum. dicentes. Uere dei filius es.

(*Offertorium.*) Exultabunt sancti in gloria letabuntur in cubilibus suis. exultationes dei in faucibus eorum.

(Secreta.)

**O**fferimus tibi domine preces et munera: que ut tuo sint digna conspectui apostolorum tuorum petri et pauli precibus adiuuemur. Per.

(*Communio.*) Iustorum anime in manu dei sunt et non tanget illos tormentum malitie. uisi sunt oculis insipientium mori. illi autem sunt in pace.

(*Post communio.*)

**P**Rotege domine populum tuum et apostolorum tuorum petri et pauli patrocinio confidentem perpetua defensione conserua. Per.

5 (IN SANCTORUM MARTIRUM SEPTEM FRATRUM  
ET SANCTARUM RUFINE MARTIRIS ET SECUNDE VIRGINIS

*Introitus.*)

**L**Audate pueri dominum. laudate nomen domini qui habitare facit sterilem in domo matrem filiorum letantem.

10 (*Ps.*) Sit nomen domini benedictum ex hoc nunc et usque in seculum. (*V.*) Gloria.

(*Oratio.*)

**P**Resta quesumus omnipotens deus. ut qui gloriosos martires fortes in sua confessione cognouimus: pios apud te in  
15 nostra intercessione sentiamus. Per.

(*lectio libri sapientie*) [Prov. xxxi. 10-31].

**M**ulierem fortem. quis inueniet? Procul et de ultimis finibus pretium eius. Confidit in ea cor uiri sui. et spoliis non indigebit. Reddet ei bonum et non malum  
20 omnibus diebus uite sue. Quesiuit lanam et linum: et operata est consilio manuum suarum. Facta est quasi nauis institoris de longe portans panem suum. Et de nocte surrexit. deditque predam domesticis suis. et cibaria ancillis suis. Considerauit agrum et emit eum. de fructu manuum suarum  
25 plantauit uineam. Accinxit fortitudine lumbos suos. et roborauit brachium suum. Gustauit et uidit quia bona est negotiatio eius. non extinguetur in nocte lucerna eius. Manum suam misit ad fortia et digiti eius† apprehenderunt fusum. Manum suam aperuit inopi et palmas suas extendit ad  
30 pauperem. Non timebit domui sue a frigoribus niuis. omnes enim domestici eius uestiti sunt dupplicibus. Stragulatam uestem fecit sibi bissus et purpura indumentum eius. Nobilis in portis uir eius. quando sederit cum senatoribus terre. Sindonem fecit et uendidit: et cingulum tradidit chananeo.  
35 Fortitudo et decor indumentum eius. et ridebit in die nouissimo. Os suum aperuit sapientie et lex clementie in lingua eius. Considerauit semitas domus sue et panem ociosa non comedit. Surrexerunt filii eius. et beatissimam predicauerunt. uir eius: et laudauit eam. Multe filie congregauerunt diuitias:  
40 sed tu supergressa est uniuersas. Fallax gratia et uana est pulcritudo: mulier timens deum ipsa laudabitur. Date ei de fructu manuum suarum. et laudent eam. in portis opera eius.

(*Graduale.*) Anima nostra sicut passer erepta est de laqueo uenantium. (*V.*) Laqueus contritus/ est et nos liberati [fo. 134. sumus. (*V.*) Adiutorium nostrum in nomine domini qui fecit celum et terram alleluia. (*V.*) Laudate pueri dominum. laudate nomen domini. (*V.*) Alleluia. (*V.*) Hec est uera fraternitas que uincit mundi crimina christum. secuta est inclita tenet regna celestia.

(*Secundum matheum*) [Mat. xii. 46-50].

**I**N illo tempore. Loquente iesu ad turbas. ecce mater eius. et fratres stabant foris. querentes loqui ei. Dixit autem ei quidam. Ecce mater tua. et fratres tui foris stant querentes te. At ipse respondens. dicenti sibi ait. Que est mater mea. et qui sunt fratres mei? Et extendens manum suam in discipulos suos. dixit. Ecce mater mea. et fratres mei. Quicunque enim fecerit uoluntatem patris mei qui est in celis. ipse meus frater et soror et mater est.

(*Offertorium.*) Anima nostra sicut passer erepta est de laqueo uenantium. laqueus contritus est et nos liberati sumus.

(*Secreta.*)

**S**acrificiis presentibus quesumus domine intende placatus et intercedentibus sanctis tuis. deuotioni nostre proficiant et saluti. Per.

(*Communio.*) Quicunque fecerit uoluntatem patris mei qui in celis est. ipse meus frater et soror et mater est dicit dominus.

(*Post communio.*)

**Q**uesumus omnipotens deus: ut illius salutaris capiamus effectum: cuius per hec misteria pignus accepimus. Per.

(IN SANCTORUM MARTIRUM NABORIS ET FELICIS

*Oratio.*)

**P**resta quesumus domine: ut sicut nos sanctorum martirum tuorum naboris et felicis. natalitia celebranda non deserunt: ita iugiter suffragiis comitentur. Per.

(*Secreta.*)

**M**unera plebis tue domine quesumus sanctorum martirum tuorum naboris et felicis fiant grata suffragiis: et quorum triumphis tuo nomini offeruntur ipsorum digna perficiantur et meritis. Per.

(*Post communio.*)

**N**atalitiis sanctorum domine et sacramenti munere uegetati. quesumus: ut bonis quibus per tuam gratiam nunc fouemur: perfruamur eternis. Per.

## (IN SANCTE PRAXEDIS VIRGINIS

*Introitus.*)

**L**Oquebar de testimoniis tuis in conspectu regum et non confundebam et meditabor in mandatis tuis que dilexi nimis.

5 (Ps.) Beati immaculati in uia qui ambulant in lege domini.  
(V.) Gloria.

(Graduale.) Dilexisti iustitiam et odisti iniquitatem. (V.)  
Propterea unxit te deus deus tuus oleo letitie alleluia. (V.)  
Specie tua et pulcritudine tua intende prospere procede et regna.

(Offertorium.) Diffusa est gratia in labiis tuis propterea benedixit te deus in eternum. et in seculum seculi.

(Communio.) Simile est regnum celorum homini negotiatori querenti bonas margaritas. inuenta una pretiosa margarita dedit omnia sua et comparauit eam.

15

## (IN SANCTE MARIE MAGDALENE

*Introitus.*)

**M**E expectauerunt peccatores ut perderent me testimonia tua domine intellexi. omnis consumationis uidi finem. latum mandatum tuum nimis.

20 (Ps.) Beati immaculati in uia qui ambulant in lege domini.  
(V.) Gloria patri.

*(Oratio.)*

**B**Eate marie magdalene quesumus domine suffragiis adiuuemur: cuius precibus exoratus: quatruiduanum fratrem uiuum ab inferis resuscitasti. Qui uiuis.

*(epistola.)*

**M**ulierem fortem quis inueniet. / *Require supra* [fo. 134b. in sanctorum septem fratrum. [p. 352.]

(Graduale.) Dilexisti iustitiam et odisti iniquitatem. (V.)  
30 Propterea unxit te deus deus tuus oleo letitie alleluia. (V.) Diffusa est gratia in labiis tuis propterea benedixit te deus in eternum.

*(euangelium.)*

**R**Ogabat iesum quidam phariseus. *Require in feria quinta post dominicam de passione.* [p. 123.]

35 (Offertorium.) Filie regum in honore tuo astitit regina a dextris tuis in uestitu de aurato circumdata uarietate.

*(Secreta.)*

**M**Unera nostra quesumus domine beate marie magdalene gloriosa merita tibi reddant accepta: cuius oblationis obsequium unigenitus filius tuus clementer suscepit impensum. Qui tecum.

40



(*Communio.*) Feci iudicium et iustitiam† domine non calumnientur michi superbi ad omnia mandata tua dirigebar omnem uiam iniquitatis odio habui.

(*Post communio.*)

5 **S**umpto domine unico ac salutari remedio corpore scilicet et pretioso sanguine tuo: ab omnibus malis quesumus sancte marie magdalene patrociniis exuamur. Qui uiuis.

(IN SANCTI APPOLINARIS EPISCOPI ET MARTIRIS

*Introitus.*)

10 **S**acerdotes dei benedicite dominum: sancti et humiles corde laudate deum.

(*Ps.*) Benedicite omnia opera domini domino. laudate et superexaltate eum in secula. (*V.*) Gloria.

(*Oratio.*)

15 **D**eus fidelium remunerator animarum quique hunc diem in beati apolinaris sacerdotis tui martirio consecrasti. tribue quesumus nobis famulis tuis. ut cuius uenerandam celebramus festiuitatem. precibus eius indulgentiam consequamur. Per.

20 (*Graduale.*) Inueni dauid seruum meum oleo sancto meo unxi eum manus enim mea auxiliabitur ei et brachium meum confortabit eum. (*V.*) Nichil proficiet inimicus in eo et filius iniquitatis non nocebit ei alleluia. (*V.*) Iurauit dominus et non penitebit eum tu es sacerdos in eternum secundum ordinem melchisedech.

25 (*Secundum lucam*) [Luc. xxii. 24-30].

**F**acta est contentio inter discipulos. quis eorum uideretur esse maior. Dixit autem eis iesus. Reges gentium dominantur eorum. et qui potestatem habent super eos benefici uocantur. Uos autem non sic. sed qui maior est in uobis fiat sicut minor. Et qui precessor est: sicut ministrator. Nam quis maior est. qui recumbit. an qui ministrat? Nonne qui recumbit? Ego autem in medio uestrum sum. sicut qui ministrat. Uos autem estis: qui permansistis. mecum in temptationibus meis. Et ego dispono uobis. sicut  
35 disposuit michi pater meus regnum. ut edatis et bibatis super mensam meam in regno meo: et sedeatis super thronos iudicantes duodecim tribus ysrael.

(*Offertorium.*) Ueritas mea et misericordia mea. cum ipso et in nomine meo. exaltabitur cornu eius.

(*Secreta.*)

**R**Espice domine propitius super hec munera que pro beati sacerdotis et martiris tui apolinaris commemoratione deferimus. et pro nostris offensionibus immolamus. Per.

5 (*Communio.*) Domine quinque talenta tradidisti michi. ecce alia quinque superlucratus sum euge serue fidelis quia in pauca fuisti fidelis supra multa te constituam intra in gaudium domini tui.

(*Post communio.*)

10 **T**Ua sancta sumentes quesumus /domine ut beati [fo. 135. apolinaris nos foueant continuata presidia: quia non desinis propitius intueri: quos talibus auxiliis concesseris adiuuari. Per.

(IN SANCTI IACOBI APOSTOLI

*Oratio.*)

15 **E**Sto domine plebi tue sanctificator et custos. ut apostoli tui iacobi munita presidiis: et conuersione tibi placeat. et segura mente deseruiat. Per.

(*epistola.*)

20 **B**ENEDICTUS deus et pater domini nostri iesu christi. *Re-quire in communi in uigilia plurimorum apostolorum.* [p. 404.]

(*Secundum matheum*) [Mat. xx. 20-23].

**I**N illo tempore. Accessit ad iesum mater filiorum zebedei cum filiis suis. adorans et petens aliquid ab eo. Qui  
25 dixit ei. Quid uis? Ait illi. Dic ut sedeant hi duo filii mei. unus ad dexteram tuam. et unus ad sinistram tuam: in regno tuo. Respondens autem iesus. dixit. Nescitis quid petatis. Potestis bibere calicem quem ego bibiturus sum? Dicunt ei. Possumus. Ait illis. Calicem quidem meum  
30 bibetis: sedere autem ad dexteram meam et sinistram non est meum dare uobis. sed quibus paratum est a patre meo.

(*Secreta.*)

**O**Blationes populi tui domine quesumus beati apostoli tui iacobi passio beata conciliet: et que nostris non apta  
35 sunt meritis fiant tibi placita eius deprecatione. Per.

(*Post communio.*)

**B**Eati apostoli tui iacobi in cuius hodie festiuitate corpore et sanguine filii tui nos refecisti quesumus domine intercessionem nos adiuua. pro cuius festiuitate percepimus tua  
40 sancta letantes. Per eundem.

(IN SANCTORUM MARTIRUM NAZARII ET CELSI. UICTORIS  
ET INNOCENTII

*Oratio.*)

5 SAnctorum martirum tuorum nos domine nazarii et celsi  
uictoris et innocentii: confessio beata communiat: et  
fragilitatis nostre subsidium dignanter exoret. Per.

*(Secreta.)*

0 COncede nobis omnipotens deus. ut his muneribus que pro  
sanctorum martirum tuorum nazarii et celsi. uictoris et  
innocentii honore deferimus et te placemus exhibitis et nos  
uiuificemur acceptis. Per.

*(Post communio.)*

5 SAnctorum martirum nazarii et celsi uictoris et innocentii  
domine intercessione placatus. presta quesumus. ut quod  
temporali celebramus actione. perpetua saluatione capiamus.  
Per.

(IN SANCTORUM MARTIRUM FELICIS SIMPLITII. FAUSTINI  
ET BEATRICIS.

*Oratio.*)

0 PResta quesumus domine: ut sicut populus christianus  
martirum tuorum felicit. simplitii. faustini. et beatricis  
temporali solemnitate congaudet. ita perfruatur eterna. et quod  
uotis celebrat comprehendat effectum. Per.

*(Secreta.)*

5 H Ostias tibi domine pro sanctorum martirum tuorum felicit  
simplitii faustini et beatricis commemoratione deferimus  
suppliciter deprecantes. ut et indulgentiam nobis pariter con-  
ferant et salutem.

*(Post communio.)*

0 PResta quesumus omnipotens deus: ut sanctorum martirum  
tuorum felicit. simplitii. faustini. et beatricis/ [fo. 135b.  
celestibus misteriis celebrata solemnitas. indulgentiam nobis  
tue propitiationis acquirat. Per.

(IN SANCTE MARTHE.

*Oratio.*)

0 Mnipotens clementissime deus. cuius filius in ede beate  
marthe hospitari dignatus est. da quesumus: ut eius  
meritis que illum placide suscepit in ede polorum miseri-  
corditer hospitari ualeamus. Per eundem.

(*Secreta.*)

DEus qui beatam martham hospitam tuam uirginitatis dono et pie hospitalitatis gratia decorasti. concede: ut eius meritis et intercessione celestem hospitalitatem consequi mereamur. Qui uiuis.

(*Post communio.*)

BEate marthe christi et apostolorum hospite domine precibus adiuuemur. ut que christo meruit ministrare in terris. eius precamur interuentu eidem ministremus in celis. Qui tecum.

10 (IN SANCTORUM MARTIRUM ABDON ET SENEN.

*Introitus.*)

INTret in conspectu tuo domine gemitus compeditorum redde uicinis nostris septuplum in sinu eorum. uindica sanguinem sanctorum tuorum qui effusus est.

15 (Ps.) Deus uenerunt gentes in hereditatem tuam. polluerunt templum sanctum tuum posuerunt yerusalem in pomorum custodiam. (V.) Gloria.

(*Oratio.*)

20 DEus qui sanctis tuis abdon et senen ad hanc gloriam ueniendi copiosum munus gratie contulisti: da famulis tuis suorum ueniam peccatorum ut sanctorum tuorum intercedentibus meritis ab omnibus mereamur aduersitatibus liberari. Per.

(*Graduale.*) Gloriosus deus in sanctis suis mirabilis in maiestate faciens prodigia. (V.) Dexter a tua domine glorificata est in uirtute. dextera manus tue† confregit inimicos alleluia. (V.) Iustorum anime in manu dei sunt et non tanget illos tormentum malitie.

(*Offertorium.*) Mirabilis deus in sanctis suis deus ysrael ipse dabit uirtutem et fortitudinem plebi sue benedictus deus alleluia.

30 (*Secreta.*)

HEc hostia quesumus domine quam in sanctorum tuorum natalitiis recensentes offerimus. et uincula nostre prauitatis absoluat et tue nobis misericordie dona conciliet. Per.

35 (*Communio.*) Posuerunt mortalia seruorum tuorum domine escas uolatilibus celi carnes sanctorum tuorum bestiis terre secundum magnitudinem brachii tui posside filios morti† punitorum.

(*Post communio.*)

40 PER huius domine operationem misterii: ei uitia nostra purgentur: et intercedentibus sanctis tuis abdon et senen iusta desideria compleantur. Per.

## (IN SANCTI PETRI AD VINCULA.

*Introitus.)*

Nunc scio vere quia misit dominus angelum suum et eripuit me de manu herodis et de omni expectatione plebis iudeorum.

(Ps.) Domine probasti me et cognouisti me. tu cognouisti sessionem meam et resurrectionem meam. (V.) Gloria.

*(Oratio.)*

Deus qui beatum petrum apostolum a uinculis absolutum. Iesum abire fecisti. nostrorum quesumus absolue uincula peccatorum et omnia mala a nobis propitiatus exclude. Per.

*Et fit commemoratio de sanctis.**(Oratio.)*

Fraterna nos domine martirum tuorum corona letificet. que et fidei nostre prebeat incrementa uirtutum. et multiplici nos/ suffragio consolemur.† Per. [fo. 136.

*Deinde fit commemoratio de sancto paulo**(epistola.)*

Misit herodes rex manus. *Require supra in festo apostolorum petri et pauli.* [p. 347.]

(Graduale.) Constitues eos princeps† super omnem terram. memores erunt nominis tui domine. (V.) Pro patribus tuis nati sunt tibi filii. propterea populi confitebuntur tibi alleluia. (V.) Solue iubente deo terrarum petre catenas. qui facis ut pateant celestia regna beatis.

*(evangelium.)*

Unxit iesus in partes cesaree philippi. *Require ab epistola.* [p. 348.]

(Offertorium.) Constitues eos principes super omnem terram. memores erunt nominis tui domine in omni progenie et generatione.

*(Secreta.)*

Oblatum tibi domine sacrificium intercedente beato petro apostolo tuo uiuificet nos semper et muniat. Per.

*(Alia secreta.)*

Iterata misteria domine pro sanctorum martirum tuorum commemoratione. deuota mente tractemus. quibus nobis et presidium crescat et gaudium. Per.

(Communio.) Tu es petrus et super hanc petram edificabo ecclesiam meam.

(*Post communio.*)

COrporis sacri et pretiosi sanguinis repleti libamine. quesumus domine deus noster: ut quod pia deuotione gerimus eterna redemptione capiamus. Per.

5 (*Alia post communio.*)

PResta quesumus omnipotens deus: ut quorum memoriam sacramenti participatione recolimus. fidem quoque proficiendo sectemur. Per.

(IN SANCTI STEPHANI PAPE ET MARTIRIS

10 *Introitus.*)

Sacerdotes eius induant salutare et sancti eius exultatione exultabunt.

(*Ps.*) Memento domine dauid et omnis mansuetudinis eius.  
(*V.*) Gloria patri.

15 (*Oratio.*)

D<sup>E</sup>us qui nos beati stephani martiris tui atque pontificis annua solemnitate letificas. concede propitius: ut cuius natalitia colimus de eiusdem etiam protectione gaudeamus. Per.

20 (*Graduale.*) Ecce sacerdos magnus qui in diebus suis placuit deo. (*V.*) Non est inuentus similis illi qui conseruaret legem excelsi alleluia. (*V.*) Tu es sacerdos in eternum secundum ordinem melchisedech.

(*Offertorium.*) Inueni dauid seruum meum oleo sancto unxi  
5 eum. manus enim mea auxiliabitur ei et brachium meum confortabit eum.

(*Secreta.*)


MUnera tibi domine dicata sanctifica. et intercedente beato stephano martire tuo atque pontifice. per eadem nos  
30 placatus intende. Per.

(*Communio.*) Domine quinque talenta tradidisti michi. ecce alia quinque superlucratus sum. euge serue fidelis quia in pauca fuisti fidelis. supra multa te constituam intra in gaudium domini tui.

(*Post communio.*)

35 H<sup>E</sup>c nos communio domine purget a crimine. et intercedente beato stephano martire tuo atque pontifice. celestis remedii faciat esse consortes. Per.

*In inuentione sancti stephani prothomartiris ad missam omnia dicuntur de natali eius.*



(IN SANCTI DOMINICI CONFESSORI.†

*Oratio.*)

DEus qui ecclesiam tuam beati dominici confessoris tui.  
illuminare dignatus es meritis et exemplis. concede. ut  
5 eius intercessione temporalibus non destituatur auxiliis et  
spiritualibus semper proficiat incrementis. Per.

*(Secreta.)*

MUnera tibi domine dicata sanctifica. ut meritis  
beati/ dominici confessoris tui. nobis pro- [fo. 136b.  
0 ficiant ad medellam. Per.

*(Post communio.)*

CONcede quesumus omnipotens deus: ut qui peccatorum  
nostrorum pondere premimur. beati dominici confessoris  
tui. patrocinio subleuemur. Per.

5 (IN SANCTORUM MARTIRUM SYXTI PAPE. ET FELICISSIMI  
ET AGAPITI.

*Introitus.*)

SAlus autem iustorum a domino et protector eorum est in tempore  
tribulationis.  
0 (Ps.) Noli emulari in malignantibus neque zelaueris facientes  
iniquitatem. (V.) Gloria patri.

*(Oratio.)*

DEus qui nos concedis sanctorum martirum tuorum sixti  
et felicissimi et agapiti natalitia colere. da nobis in eterna  
5 beatudine de eorum societate gaudere. Per.

(Graduale.) Clamauerunt iusti et dominus exaudiuit eos et ex  
omnibus tribulationibus eorum liberauit eos. (V.) Iuxta est  
dominus his qui tribulato sunt corde et humiles spiritu saluabuntur  
alleluia. (V.) Tradiderunt corpora sua propter deum ad supplicia.  
0 ideo coronantur et accipiunt palmam.

(Offertorium.) Exultabunt sancti in gloria letabuntur in cubi-  
libus suis. exultationes dei in faucibus eorum.

*(S[e]creta.)*

MUnera tibi domine nostre deuotionis offerimus. que et pro  
5 tuorum tibi grata sint honore iustorum: et nobis salu-  
taria te miserante reddantur. Per.

(Communio.) Gaudete iusti in domino alleluia rectos decet  
collaudatio alleluia.

(*Post communio.*)

**P**resta nobis domine quesumus. intercedentibus sanctis tuis. sexto felicissimo et agapito. ut que ore contigimus. pura mente capiamus. Per.

5 (IN SANCTI DONATI EPISCOPI ET MARTIRIS.

*Introitus.*)

**S**acerdotes dei benedicite dominum sancti et humiles corde laudate deum.

10 (Ps.) Benedicite omnia opera domini domino laudate et superexaltate eum in secula. (V.) Gloria.

(*Oratio.*)

**D**eus tuorum gloria sacerdotum. presta quesumus: ut sancti martiris tui et episcopi donati. cuius festa gerimus sentiamus auxilium. Per.

15 (*Graduale.*) Os iusti meditabitur sapientiam et lingua eius loquetur iudicium. (V.) Lex dei eius in corde ipsius et non supplantabuntur gressus eius. alleluia. (V.) Iustus non conturbabitur quia dominus firmat manum eius.

20 (*Offertorium.*) Inueni dauid seruum meum oleo sancto meo unxi eum. manus enim mea auxiliabitur ei et brachium meum confortabit eum.

(*Secreta.*)

**P**resta quesumus domine: ut sancti martiris tui et episcopi donati intercessione quem ad laudem nominis tui dicatis muneribus honoramus. pie nobis fructus deuotionis accrescat. Per dominum

(*Communio.*) Fidelis seruus et prudens quem constituit dominus super familiam suam. ut det illis in tempore tritici mensuram.

(*Post communio.*)

30 **O**mnipotens et misericors deus qui nos sacramentorum tuorum et participes efficis et ministros presta quesumus: ut intercedente beato donato martire tuo atque pontifice. eiusdem proficiamus et fidei consortio. et digno seruitio. Per.

35 (IN SANCTORUM MARTIRUM CYRIACI LARGI ET SMARAGDI

*Introitus.*)

**T**imete dominum omnes sancti eius. quoniam nichil deest timentibus eum. diuites eguerunt et esurierunt. inquirentes autem dominum non deficient omni bono.



(*Ps.*) Benedicam dominum in omni tempore semper laus eius  
in/ ore meo. (*V.*) Gloria. [fo. 137.

(*Oratio.*)

**D**Eus qui nos annua beatorum martirum tuorum ciriaci.  
largi et smaragdi solemnitate letificas. concede propitius :  
ut quorum natalitia colimus : uirtutem quoque passionis  
imitemur. Per.

(*Graduale.*) Timete dominum omnes sancti eius. quoniam  
nichil deest timentibus eum. (*V.*) Inquirentes autem dominum  
non deficient omni bono. alleluia. (*V.*) Fulgebunt iusti et tan-  
quam scintille in arundinetis discurrent in eternum.<sup>1</sup>

(*Secundum marcum*) [Marc. xvi. 15-18].

**I**N illo tempore. Dixit iesus discipulis suis. Euntes in  
mundum uniuersum. predicate euangelium omni creature.  
Qui crediderit. et baptizatus fuerit. saluus erit. Qui uero non  
crediderit condemnabitur. Signa autem eos qui crediderint.  
hec sequentur. In nomine meo demonia eicient. linguis  
loquentur nouis. serpentes tollent. Et si mortiferum quid  
biberint non eis nocebit. Super egros manus imponent et  
bene habebunt.

(*Offertorium.*) Letamini in domino et exultate iusti et gloria-  
mini omnes recti corde.

(*Secreta.*)

**A**Ccepta sit in conspectu tuo domine nostra deuotio : et  
eorum nobis fiat supplicatione salutaris : pro quorum  
solemnitate defertur. Per.

(*Communio.*) Signa eos qui in me credunt hec sequentur.  
demonia eicient super egros manus imponent et bene habebunt.

(*Post communio.*)

**R**Efecti participatione muneris sacri. quesumus domine  
deus noster : ut quorum exequimur cultum sentiamus  
effectum. Per.

(IN VIGILIA SANCTI LAURENTII MARTIRIS.

*Introitus.*)

**D**ispersit dedit pauperibus iustitia eius manet in seculum seculi.  
cornu eius exaltabitur in gloria.

(*Ps.*) Beatus uir qui timet dominum. in mandatis eius uolet  
nimis. (*V.*) Gloria patri.

<sup>1</sup> In margin there is added by hand : Sancti per fidem.

(Oratio.)

A Desto domine supplicationibus nostris et intercessione beati laurentii martiris tui. perpetuam nobis misericordiam benignus impende. Per.

5

(Epistola.)

C Onfitebor tibi domine rex. *Require in communi uirginum.*  
[p. 444.]

(Graduale.) Dispersit dedit pauperibus. iustitia eius manet in seculum seculi. (V.) Potens in terra erit semen eius generatio  
10 rectorum benedicetur.

(euangelium.)

S I quis uult uenire post me. *Require in communi unius martiris.* [p. 414.]

(Offertorium.) Oratio mea munda est. et ideo peto ut detur  
15 locus uoci mee in celo. quia ibi est iudex meus et conscius meus. in excelsis ascendat ad dominum deprecatio mea.

(Secreta.)

H Ostias domine quas tibi offerimus propitius respice. et  
intercedente beato laurentio martire tuo. uincula peccatorum  
20 nostrorum absolue. Per.

(Communio.) Qui uult uenire post me. abneget semetipsum. et tollat crucem suam et sequatur me.

(Post communio.)

D A quesumus domine deus noster. ut sicut beati laurentii  
25 martiris tui commemoratione temporali gratulamur officio. ita perpetuo letemur aspectu. Per.

(IN FESTO SANCTI LAURENTII MARTIRIS

Introitus.)

C Onfessio et pulcritudo in conspectu eius sanctitas et magni-  
30 centia in sanctificatione eius.

(Ps.) Cantate domino canticum nouum. cantate domino omnis terra. (V.) Gloria patri.

(Oratio.)

D A nobis quesumus omnipotens deus uitiorum nostrorum  
35 flammis/ extinguere. qui beato laurentio [fo. 137b. tribuisti tormentorum suorum incendia superare. Per.

(Ad corinthios) [II. Cor. ix. 6-10].

F Ratres. Qui parce seminat parce et metet. Et qui seminat in benedictionibus. de benedictionibus et metet.

Unusquisque prout destinauit in corde suo. non ex tristitia aut ex necessitate. Hylarem enim datorem diligit deus. Potens est autem deus omnem gratiam habundare facere in uobis : ut in omnibus semper omnem sufficientiam habentes habundetis in omne opus bonum. sicut scriptum est. Dispersit dedit pauperibus. iustitia eius manet in seculum seculi. Qui autem administrat semen seminanti. et panem ad manducandum prestabit. Et multiplicabit semen uestrum. et augebit incrementa frugum iustitie uestre.

(*Graduale.*) Probasti domine cor meum et uisitasti nocte. (V.) Igne me examinasti. et non est inuenta in me iniquitas alleluia. (V.) Leuita laurentius bonum opus operatus est. qui per signum crucis cecos illuminauit.

(*euangelium.*)

A Men dico uobis nisi granum frumenti. *Require in comuni unius martiris.* [p. 414.]

(*Offertorium.*) Confessio et pulcritudo in conspectu eius sanctitas et magnificentia in sanctificatione eius.

(*Secreta.*)

Accipe domine quesumus munera dignanter oblata. et beati laurentii suffragantibus meritis ad nostre salutis auxilium prouenire concede. Per.

(*Communio.*) Qui michi ministrat me sequatur. et ubi ego sum illic et minister meus erit.

(*Post communio.*)

Sacro munere satiati. supplices te domine deprecamur. ut quod debite seruitutis celebramus officio. intercedente beato laurentio martire tuo. saluationis tue sentiamus augmentum.† Per.

*Infra octauam sancti laurentii fit idem officium quod in die.*

(IN SANCTORUM MARTIRUM TIBURTII ET SUSANE

*Oratio.*)

BEatorum martirum tiburtii et susanne nos domine foucant continuata presidia. quia non desinis propitius intueri. quos talibus auxiliis concesseris adiuuari. Per.

(*Secreta.*)

A Desto domine precibus populi tui adesto muneribus. ut que sacris sunt oblata misteriis tuorum tibi placeant intercessionem sanctorum. Per.

(*Post communio.*)

Sumpsimus domine pignus redemptionis eterne. sit nobis quesumus. interuenientibus sanctis tuis martiribus. uite presentis auxilium pariter et future. Per.

5

(IN SANCTE CLARE UIRGINIS

*Oratio.*)

FAmulos tuos quesumus domine beate uirginis tue clare uotiuā natalitia recensentes. celestium gaudiorum sua facias interuentione participes. et simul in unum tui unigeniti  
10 coheredes. Qui tecum.

(*Secreta.*)

OBlata tibi domine quesumus dona sanctifica que maiestati tue accepta faciat beate uirginis tue clare intercessio ueneranda. Per.

15

(*Post communio.*)

PRotegant quesumus domine plebem tuam gloriose uirginis tue clare continuata presidia. et sumpta pro illius gloria corporis tui sacri et pretiosi sanguinis/ sacramenta. [fo. 138. Qui uiuis.

20

(IN SANCTORUM MARTIRUM YPOLITI ET CASSIANI.

*Introitus.*)

IUsti epulentur et exultent in conspectu dei. et delectentur in letitia.

(*Ps.*) Exurgat deus et dissipentur inimici eius. et fugiant qui  
25 oderunt eum a facie eius. (*V.*) Gloria.

(*Oratio.*)

DA nobis quesumus omnipotens deus. ut beatorum martirum tuorum ypoliti et cassiani. ueneranda solemnitatis. et deuotionem nobis augeat et salutem. Per.

30

(*Graduale.*) Iustorum anime in manu dei sunt et non tanget illos tormentum malitie. (*V.*) Uisi sunt oculis insipientium mori. illi autem sunt in pace. alleluia. (*V.*) Iusti epulentur et exultent in conspectu dei et delectentur in letitia.

(*Offertorium.*) Anima nostra sicut passer erepta est de laqueo  
35 uenantium. laqueus contritus est et nos liberati sumus.

(*Secreta.*)

**R**espice domine munera populi tui sanctorum festiuitate uotiuā. et tue testificatio ueritatis nobis proficiat ad salutem. Per.

(*Communio.*) Dico autem uobis amicis meis ne terreamini ab his que uos persequuntur.

(*Post communio.*)

**S**acramentorum tuorum domine communio sumpta nos saluet. et in tue ueritatis luce confirmet Per.

(IN SANCTI EUSEBII CONFESSORIS *communio* N)

(*Oratio.*)

**D**eus qui nos beati eusebii confessoris tui annua sollemnitate letificas. concede propitius: ut cuius natalitia colimus per eius ad te exempla gradiamur. Per.

(*Secreta.*)

**L**audis tue domine hostias immolamus in tuorum commemoratione sanctorum. quibus nos et presentibus exi malis confidimus et futuris. Per.

(*Post communio.*)

**R**efecti cibo potuque celesti deus noster. te supplices exoramus. ut in cuius hec commemoratione percepimus eius muniamur et precibus. Per.

(IN UIGILIA ASSUMPTIONIS BEATE MARIE UIRGINIS N)

(*Introitus.*)

**U**ltum tuum deprecabuntur omnes diuites plebis adducentur regi uirgines post eam proxime eius adducentur tibi in letitia et exultatione.

(*Ps.*) Eructauit cor meum uerbum bonum dico ego opera mea regi. (*V.*) Gloria patri.

(*Oratio.*)

**D**eus qui uirginalem aulam beate marie in qua habitares eligere dignatus es. da quesumus: ut sua nos defensione munitis iocundos facias sue interesse festiuitati. Qui uiuis.

*Et fit commemoratio de sancto laurentio.*

(*lectio libri sapientie*) [Eccli. xxiv. 23-31].

**E**Go quasi uitis fructificaui suauitatem odoris. et flores mei fructus honoris et honestatis. Ego mater pulcre dilec-

tionis. et timoris et magnitudinis. et sancte spei. In me omnis gratia uite et ueritatis in me omnis spes uite et uirtutis. Transite ad me omnes qui concupiscitis me. et a generationibus meis adimplemini. Spiritus autem meus super mel dulcis.  
 5 et hereditas mea super mel et fauum. Memoria mea in generatione seculorum. Qui edunt me adhuc esurient. et qui bibunt me adhuc sitient†. Qui audiunt me non confundentur. et qui operantur in me non peccabunt. Qui elucidant me uitam eternam habebunt.

10 (*Graduale.*) Benedicta et uenerabilis es uirgo maria. que sine tactu pudoris inuenta es mater/ saluatoris. (V.) Uirgo dei [fo. 138b. genetrix quem totus non capit orbis. in tua se clausit uiscera factus homo.

(*Secundum lucam*) [Luc. xi. 27, 28].

15 **I**N illo tempore. Loquente iesu ad turbas. extollens uocem quedam mulier de turba dixit illi. Beatus uenter qui te portauit. et ubera que suxisti. At ille dixit. Quin imo. Beati qui audiunt uerbum dei. et custodiunt illud.

(*Offertorium.*) Beata es uirgo maria que omnium portasti  
 20 creatorem. genuisti qui te fecit et in eternum permanes uirgo.

(*Secreta.*)

**M**Unera nostra domine apud clementiam tuam dei genitricis commendet oratio. quam idcirco de presenti seculo transtulisti. ut pro peccatis nostris apud te fidutialiter  
 25 intercedat. Per eundem.

(*Communio.*) Beata uiscera marie uirginis que portauerunt eterni patris filium.

(*Post communio.*)

30 **C**Oncede misericors deus fragilitati nostre presidium. ut qui sancte dei genitricis requiem celebramus intercessionis eius auxilio a nostris iniquitatibus resurgamus. Per eundem.

(IN ASSUMPTIONE BEATE UIRGINIS MARIE

*Introitus.*)

35 **G**Audeamus omnes in domino diem festum celebrantes sub honore marie uirginis. de cuius assumptione gaudent angeli et colaudant filium dei.

(*Ps.*) Eructauit cor meum uerbum bonum dico ego opera mea regi. (V.) Gloria patri.

(*Oratio.*)

40 **F**Amulorum tuorum quesumus domine delictis ignosce. ut qui tibi placere de actibus nostris non ualemus. genitricis filii tui domini nostri intercessione saluemur. Per eundem.

(*lectio libri sapientie*) [Eccli. xxiv. 11-13, 15-20].

IN omnibus requiem quesui. et in hereditate domini morabor. Tunc precepit et dixit michi creator omnium. et qui creauit me requieuit in tabernaculo meo. et dixit michi. In iacob inhabita. et in ysrael hereditare. et in electis meis mitte radices. Et sic in syon firmata sum. et in ciuitate sanctificata similiter requieui. et in yerusalem potestas mea. Et radicaui in populo honorificato. et in parte dei mei hereditas illius et in plenitudine sanctorum detentio mea. Quasi cedrus exaltata sum in libano. et quasi cypressus in monte syon. Quasi palma exaltata sum in cades. et quasi plantatio rose in yericho. Quasi oliua speciosa in campis. et quasi platanus exaltata sum iuxta aquas. In plateis sicut cynamomum et balsamum aromatizans odorem dedi. Quasi mirra electa. dedi suauitatem odoris.

(*Graduale.*) Propter ueritatem et mansuetudinem et iustitiam et deducet te mirabiliter dextera tua. (V.) Audi filia et uide et inclina aurem tuam. quia concupiuit rex speciem tuam. alleluia. (V.) Assumpta est maria in celum. gaudet exercitus angelorum.

(*Secundum lucam*) [Luc. x. 38-42].

IN illo tempore. Intrauit iesus in quoddam castellum. et mulier quedam martha nomine. excepit illum in domum suam. Et huic erat soror nomine maria. que etiam sedens secus pedes domini audiebat uerbum illius. Martha /autem [fo. 139. satagebat. circa frequens ministerium. Que stetit. et ait. Domine. non est tibi cure. quod soror mea reliquit me solam ministrare? Dic ergo illi ut me adiuuet. Et respondens dixit illi dominus. Martha. martha sollicita es. et turbaris erga plurima. Porro. unum est neccsarium†. Maria optimam partem elegit. que non auferetur ab ea.

(*Offertorium.*) Assumpta est maria in celum gaudent angeli collaudantes benedicunt dominum alleluia.

(*Secreta.*)

SUbueniat domine plebi tue dei genitricis oratio. quam et si pro condicione carnis migrasse cognoscimus in celesti gloria apud te pro nobis intercedere sentiamus. Per.

(*Communio.*) Optimam partem elegit sibi maria que non aufertur ab ea in eternum.

(*Post communio.*)

MEnse celestis participes effecti. imploramus clementiam tuam domine deus noster. ut qui festa dei genitricis colimus. a cunctis malis imminentibus eius intercessionibus liberemur. Per eundem.

*Infra octauam assumptionis beate uirginis. et die octaua fit idem officium quod in die. De festiuitatibus nero que infra octauam ueniunt. Nichil tunc agitur. sed post octauam celebrantur. sed de octaua sancti laurentii fit eodem die quo cadit.*

5

(IN OCTAUA SANCTI LAURENTII

*Introitus.)*

**P**Robasti domine cor meum. et uisitasti nocte igne me examinasti. et non est inuenta in me iniquitas.

(Ps.) Exaudi domine iustitiam meam: intende deprecationem meam. (V.) Gloria patri.

10

*(Oratio.)*

**E**Xcita domine in ecclesia tua spiritum cui beatus laurentius leuita seruiuit. et eodem nos replente studeamus amare quod amauit. et opere exercere quod docuit. Per in unitate.

*Epistola et euangelium sicut in natiuitate eiusdem.*

15

(Graduale.) Gloria et honore coronasti eum domine. (V.) Et constituisti eum super opera manuum tuarum. alleluia. (V.) Leuita laurentius bonum opus operatus est. qui per signum crucis cecos illuminauit.

(Offertorium.) In uirtute tua domine letabitur iustus et super  
20 salutare tuum exultabit uehementer desiderium anime eius tribuisti ei.

*(Secreta.)*

**S**Acrificium nostrum tibi domine quesumus beati laurentii precatio sancta conciliet. ut cuius honore solemniter  
25 exhibetur. eius meritis efficiatur acceptum. Per.

(Communio.) Qui uult uenire post me abneget semetipsum et tollat crucem suam et sequatur me.

*(Post communio.)*

**S**Upplices te rogamus omnipotens deus. ut quos donis  
30 celestibus satiasti. intercedente beato laurentio martire tuo perpetua protectione custodias. Per.

(IN SANCTI AGAPITI MARTIRIS.

*Introitus.)*

**L**Etabitur iustus in domino et sperabit in eo. et laudabuntur  
35 omnes recti corde.

(Ps.) Exaudi deus orationem meam cum deprecor. a timore inimici eripe animam meam. (V.) Gloria.



(*Oratio.*)

**L** Etetur ecclesia tua deus beati agapiti martiris tui confisa suffragiis atque eius precibus gloriosis. et deuota permaneat. et secunda consistat. Per.

5 (*Graduale.*) Iustus non conturbabitur. quia dominus firmat manum eius. (V.) Tota die miseretur et comodat et semen eius in benedictione erit. alleluia. (V.) Letabitur iustus in domino et sperabit in eo/ et laudabuntur omnes recti corde. [fo. 139b.

10 (*Offertorium.*) In uirtute tua domine letabitur iustus et super salutare tuum exultabit uehementer desiderium anime eius tribuisti ei.

(*Secreta.*)

**S**uscipe domine munera. que in eius tibi solemnitate deferimus. cuius nos confidimus patrocini liberari. Per.

15 (*Communio.*) Posuisti domine super caput eius coronam de lapide pretioso.

(*Post communio.*)

**S**atiasti domine familiam tuam muneribus sacris. eius quesumus semper interuentione nos refoue. cuius solemnia  
o celebramus. Per.

(IN SANCTI LUDOUICI CONFESSORIS

*Introitus.*)

**S**tatuit ei dominus testamentum pacis. et principem fecit eum ut sit illi sacerdotii dignitas in eternum.

5 (*Ps.*) Memento domine dauid et omnis mansuetudinis eius. (V.) Gloria.

(*Oratio.*)

**D**eus qui ecclesiam tuam dispositione mirabili. nouis semper illustras sanctorum splendoribus. tribue quesumus. ut  
o qui beati ludouici confessoris tui atque pontificis solemnibus gratulemur. ad eius consortium feliciter perducamur. Per.

5 (*Graduale.*) Ecce sacerdos magnus. qui in diebus suis placuit deo. (V.) Non est inuentus similis illi qui conseruaret legem excelsi. alleluia. (V.) Rosa uernans caritatis. lilium uirginitatis stella ludouicus uas sincere puritatis. riuus dulcis pietatis pater et amicus.

(*Offertorium.*) Inueni dauid seruum meum oleo sancto meo unxi eum manus enim mea auxiliabitur ei et brachium meum confortabit eum.

(*Secreta.*)

Sacrificia domine que in honore sancti ludouici confessoris tui atque pontificis. tue offerimus maiestati. nobis sint ad salutem efficacia. et tue placita pietati Per.

5 (*Communio.*) Beatus seruus quem cum uenerit dominus inuenerit uigilantem. amen dico uobis super omnia bona sua constituet eum.

(*Post communio.*)

10 Immensam clementiam tuam omnipotens deus suppliciter exoramus. ut intercedente beato ludouico confessore tuo atque pontifice. per hec sancta que sumpsimus. cuncta nobis aduersantia te adiuuante uincamus. Per.

(IN SANCTORUM MARTIRUM THYMOTEI YPOLITI ET SYMPHORIANI

*Introitus.*)

15 Salus autem iustorum a domino et protector eorum est in tempore tribulationis.

(*Ps.*) Noli emulari in malignantibus. neque zelaueris facientes iniquitatem. (*V.*) Gloria patri.

(*Oratio.*)

20 Auxilium tuum nobis domine quesumus placatus impende. et intercedentibus beatis martiribus tuis timotheo. ypolito et simphoriano. dexteram super nos tue maiestatis extende. Per.

(*Graduale.*) Pretiosa in conspectu domini mors sanctorum eius. 25 (*V.*) Credidi propter quod locutus sum ego autem humiliatus sum nimis. alleluia. (*V.*) Tradiderunt corpora sua propter deum ad supplicia ideo coronantur et accipiunt palmam.

(*Offertorium.*) Mirabilis deus in sanctis suis deus ysrael ipse dabit uirtutem et fortitudinem plebi sue benedictus deus alleluia.

30 (*Secreta.*)

Accepta tibi sit domine sacrate plebis oblatio pro tuorum honore sanctorum. quorum se meritis percepisse de tribulatione cognoscit auxilium. Per.

(*Communio.*) Ego uos elegi de mundo ut eatis et fructum afferatis. et fructus uester maneat. 35

(*Post communio.*)

40 Diuini muneris largitate satiati quesumus domine [fo. 140. deus noster. ut intercedentibus sanctis martiribus tuis timotheo. ypolito et simphoriano in eius semper participatione uiuamus. Per.

(IN SANCTI BARTHOLOMEI APOSTOLI

*Introitus.*)

**M**ichi autem nimis honorati sunt amici tui deus nimis confortatus est principatus eorum.

5 (Ps.) Domine probasti me et cognouisti me. tu cognouisti sessionem meam et resurrectionem meam. (V.) Gloria.

*(Oratio.)*

**O**mnipotens sempiterne deus. qui huius diei uenerandam sanctamque letitiam. in beati apostoli tui bartholomei  
10 festiuitate tribuisti. da ecclesie tue quesumus. et amare quod credidit. et predicare quod docuit. Per.

(Graduale.) Constitues eos principes super omnem terram. memores erunt nominis tui domine. (V.) Pro patribus tuis nati sunt tibi filii. propterea populi confitebuntur tibi. alleluia. (V.) Te  
15 gloriosus apostolorum chorus laudat domine.

(Offertorium.) Michi autem nimis honorati sunt amici tui deus. nimis confortatus est principatus eorum.

*(Secreta.)*

**B**Eati apostoli tui domine bartholomei cuius solemnia recensemus. quesumus. ut eius auxilio tua beneficia capiamus. pro quo tibi hostias laudis immolamus. Per.

(Communio.) Uos qui secuti estis me sedebitis super sedes iudicantes duodecim tribus ysrael dicit dominus.

*(Post communio.)*

25 **S**umpsimus domine pignus redemptionis eterne. sit nobis quesumus interueniente beato bartholomeo apostolo tuo. uite presentis auxilium pariter et future. Per.

(IN SANCTI AUGUSTINI EPISCOPI ET CONFESSORIS.

*Introitus.*)

30 **I**N medio ecclesie aperuit os eius. et impleuit eum dominus spiritu sapientie et intellectus stollam glorie induit eum.

(Ps.) Bonum est confiteri domino. et psallere nomini tuo altissime. (V.) Gloria.

*(Oratio.)*

35 **A**desto supplicationibus nostris omnipotens deus. ut quibus fidutiam sperande pietatis indulges. intercedente beato augustino confessore tuo atque pontifice. consuete misericordie tribue benignus effectum. Per.

(*Deinde pro sancto hermete*

*Oratio.*)

**D**Eus qui beatum hermetem martirem tuum. uirtute constantie in passione roborasti. ex eius nobis imitatione  
5 tribue pro amore tuo prospera mundi despicere. et nulla eius aduersa formidare. Per.

(*Graduale.*) Os iusti meditabitur sapientiam. et lingua eius loquetur iudicium. (*V.*) Lex dei eius in corde ipsius et non supplantabuntur gressus eius. alleluia. (*V.*) Inueni dauid seruum  
10 meum oleo sancto meo unxi eum.

(*Offertorium.*) Iustus ut palma florebit. sicut cedrus que in libano est multiplicabitur.

(*Secreta.*)

**S**ancti confessoris tui augustini nobis domine pia non desit  
15 oratio. que et munera nostra conciliet. et tuam nobis indulgentiam semper obtineat. Per.

(*Alia secreta.*)

**S**acrificium tibi domine laudis offerimus in. tuorum commemoratione sanctorum. da quesumus. ut quod illis contulit gloriam. nobis prosit ad salutem. Per.  
20

(*Communio.*) Fidelis seruus et prudens quem constituit dominus super familiam suam. ut det illis in tempore tritici mensuram.

(*Post communio.*)

**/U**T uobis domine tua sacrificia dent salutem. [fo. 140b.  
25 beatus confessor tuus et pontifex augustinus. quesumus precator accedat. Per.

(*Alia post communio.*)

**R**epleti domine benedictione celesti quesumus clementiam tuam. ut intercedente beato hermete martire tuo. que  
30 humiliter gerimus. salubriter sentiamus. Per.

(IN DECOLATIONE SANCTI IOHANNIS BAPTISTE

*Introitus.*)

**I**ustus ut palma florebit. sicut cedrus libani multiplicabitur. plantatus in domo domini in atriis domus dei nostri.  
35 (*Ps.*) Bonum est confiteri domino et psallere nomini tuo altissime. (*V.*) Gloria.

(*Oratio.*)

**S**ancti iohannis baptiste et martiris tui domine quesumus ueneranda festiuitas. salutaris auxilii nobis prestat  
40 effectum. Per.

(Deinde pro sancta sabina

Oratio.)

**D**Eus qui inter cetera potentie tue miracula etiam in sexu fragili uictoriam martirii contulisti. concede propitius :  
5 ut cuius natalitia colimus. per eius ad te exempla gradiamur.  
Per.

(epistola.)

**B**Eatus uir qui in sapientia morabitur. *Require in communium unius martiris pontificis.* [p. 412.]

10 (Graduale.) Iustus ut palma florebit sicut cedrus libani multiplicabitur in domo domini. (V.) Ad annuntiandum mane misericordiam tuam et ueritatem tuam per noctem. alleluia. (V.) Iustus germinabit sicut lilium et florebit in eternum ante dominum.

(Secundum marcum) [Marc. vi. 17-29].

15 **I**N illo tempore. Misit herodes rex ac tenuit iohannem. et uinxit eum in carcerem. propter herodiadem uxorem philippi fratris sui. quia duxerat eam. Dicebat autem iohannes herodi. Non licet tibi habere uxorem fratris tui. Herodias autem insidiabatur illi. et uolebat occidere eum. nec  
20 poterat. Herodes enim metuebat iohannem. sciens eum uirum iustum et sanctum. et custodiebat eum. Et audito eo multa faciebat. et libenter eum audiebat. Et cum dies opportunus accessisset. Herodes natalis sui cenam fecit principibus. et tribunis. et primis galilee. Cumque introisset  
25 filia ipsius herodiadis. et saltasset et placuisset herodi. simulque recumbentibus. rex ait puelle. Pete a me quod uis. et dabo tibi. Et iurauit illi. quia quicquid petieris dabo tibi licet dimidium regni mei. Que cum exisset dixit matri sue. Quid petam? At illa dixit ei. caput iohannis baptiste.  
30 Cumque introisset statim cum festinatione ad regem. petiuit dicens. Uolo ut protinus des michi in disco. caput iohannis baptiste. Et contristatus est rex propter iusiurandum. et propter simul discumbentes. noluit eam contristare. sed misso spiculatore. precepit afferri caput iohannis in disco. Et  
35 decolauit eum in carcere. Et attulit caput eius in disco. et dedit illud puelle et puella dedit matri sue. Quo audito discipuli eius uenerunt. et tulerunt corpus eius et posuerunt illud in monumento.

(Offertorium.) In uirtute tua domine letabitur iustus. et super  
40 salutare tuum exultabit uehementer. desiderium anime eius tribuisti ei.

(*Secreta.*)

MUnera tibi domine pro sancti /martiris tui [fo. 141  
iohannis baptiste passione deferimus. quia dum finitur  
in terris factus est celesti sede perpetuus. quesumus. ut eius  
5 obtentu nobis proficiat ad salutem. Per.

(*Alia secreta.*)

H Ostias tibi domine beate sabine martiris tue dicatas  
meritis benignus assume. et ad perpetuum nobis tribue  
peruenire subsidium. Per.

10 (*Communio.*) Posuisti domine in capite eius coronam de lapide  
pretioso.

(*Post communio.*)

C Onferat nobis domine sancti iohannis baptiste utraque  
solemnitas. ut et magnifica sacramenta que sumpsimus  
15 significata ueneremur. et in nobis potius edita gaudeamus.  
Per.

(*Alia post communio.*)

D iuini muneris largitate satiati. quesumus domine deus  
noster. ut intercedente beata sabina martire tua. in eius  
20 semper participatione uiuamus. Per.

(IN SANCTORUM MARTIRUM. FELICIS ET AUDACTI

*Introitus.*)

S Apientiam sanctorum narrent populi. et laudes eorum nuntiet  
ecclesia. nomina autem eorum uiuent in seculum seculi.  
25 (*Ps.*) Exultate iusti in domino rectos decet collaudatio. (*V.*)  
Gloria patri.

(*Oratio.*)

M Aiestatem tuam domine supplices deprecamur. ut sicut  
nos iugiter sanctorum tuorum commemoratione letificas.  
30 ita semper supplicatione defendas. Per.

(*Graduale.*) Iustorum anime in manu dei sunt. et non tanget  
illos tormentum malitie. (*V.*) Uisi sunt oculis insipientium mori.  
illi autem sunt in pace. alleluia. (*V.*) Fulgebunt iusti et tanquam  
scintille in arundinetis discurrent in eternum.

35 (*Offertorium.*) Letamini in domino et exultate iusti et gloriamini  
omnes recti corde.

(*Secreta.*)

H Ostias domine plebis tue intende. et quas in honore  
sanctorum tuorum deuota mente celebrant proficere  
40 sibi sentiant ad salutem. Per.

(*Communio.*) Quod dico uobis in tenebris dicite in lumine dicit dominus et quod in aure auditis predicate super tecta.

(*Post communio.*)

5 **R**epleti domine muneribus sacris quesumus intercedentibus sanctis tuis. in gratiarum tuarum semper actione maneamus. Per.

(IN SANCTORUM MARTIRUM XII. FRATRUM

*Introitus*†.

(*Oratio.*)

0 **F**raterna nos domine martirum tuorum corona letificet. que et fidei nostre prebeat incrementa uirtutum. et multiplici nos suffragio consoletur. Per.

(*Secreta.*)

5 **I**terata misteria domine pro sanctorum martirum tuorum commemoratione deuota mente tractemus. quibus nobis et presidium crescat et gaudium. Per.

(*Post communio.*)

0 **P**resta quesumus omnipotens deus. ut quorum memoriam sacramenti participatione recolimus. fidem quoque proficiendo sectemur. Per.

(IN NATIUITATE BEATE UIRGINIS MARIE.

*Introitus.*)

5 **S**alue sancta parens enixa puerpera regem. qui celum terranique regit in secula seculorum.

(*Ps.*) Virgo dei genitrix quem totus non capit orbis. in tua se clausit uiscera factus homo. (*V.*) Gloria patri.

(*Oratio.*)

0 **F**amulis tuis quesumus domine celestis gratie munus impartire. ut quibus beate uirginis/ partus [fo. 141b. extitit salutis exordium natiuitatis eius uotiuu solemnitas. pacis tribuat incrementum. Per.

(*lectio libri sapientie*) [Prov. viii. 22-35].

5 **D**ominus possedit me in initio uiarum suarum. ante quam quicquam faceret a principio. ab eterno ordinata sum et ex antiquis ante quam terra fieret. Nec dum crant abyssi. et ego iam concepta eram. Nec dum fontes aquarum eruperant. nec dum montes graui mole constiterant ante omnes colles ego parturiebar. Adhuc terram non fecerat et flumina et cardines orbis terre. Quando preparabat celos 0 aderam. quando certa lege et giro uallabat abyssos. Quando

ethera firmabat sursum. et librabat fontes aquarum quando  
 circumdabat mari terminum suum. et legem ponebat aquis  
 ne transirent fines suos. Quando appendebat fundamenta  
 terre. cum eo eram cuncta componens. et delectabar per singulos  
 5 dies ludens coram eo omni tempore. ludens in orbem terrarum.  
 et delitie mee esse cum filiis hominum. Nunc ergo filii audite  
 me. beati qui custodiunt uias meas. Audite disciplinam et  
 estote sapientes. et nolite abicere eam. Beatus uir qui audit  
 me. et qui uigilat ad fores meas quotidie. et obseruat ad postes  
 10 hostii mei. Qui me inuenerit inueniet uitam. et hauriet  
 salutem a domino.

(*Graduale.*) Benedicta et uenerabilis es uirgo Maria que sine  
 tactu pudoris inuenta es mater saluatoris. (V.) Uirgo dei genitrix  
 quem totus non capit orbis in tua se clausit uiscera factus homo.  
 15 alleluia. (V.) Felix nanque es sacra uirgo maria et omni laude  
 dignissima quia ex te ortus est sol iustitie. alleluia. (V.) Post  
 partum uirgo inuiolata permansisti dei genitrix intercede pro nobis.

(*Initium sancti euangelii Secundum matheum*) [Mat. i. 1-16].

20 **L**iber generationis iesu christi. filii dauid filii abraam.  
 Abraam autem genuit ysaac. Ysaac autem genuit  
 iacob. Iacob autem genuit iudam et fratres eius. Iudas  
 autem genuit phares et zaram de thamar. Phares autem  
 genuit efron. Efron autem genuit aram. Aram autem  
 genuit aminadab. Aminadab autem genuit naason. Naason  
 25 autem genuit salmon. Salmon autem genuit boom de raab.  
 Boom autem genuit obeth ex ruth. Obeth autem genuit iesse.  
 Iesse autem genuit dauid regem. Dauid autem rex genuit  
 salomonem ex ea que fuit urie. Salomon autem genuit  
 roboan. Roboan autem genuit abiam. Abias autem genuit  
 30 assa. Asa autem genuit iosaphat. Iossaphat autem genuit  
 ioram. Ioram autem genuit oziam. Ozias autem genuit  
 ioatham. Ioatham autem genuit acham. Aham autem genuit  
 ezechiam. Ezechias autem genuit manasem. Manases autem  
 genuit amon. Amon autem genuit iosiam. Iosias autem  
 35 genuit iechoniam et fratres eius in transmigratione babilonis.  
 Et post transmigrationem babilonis. iechonias genuit salathiel.  
 Salathiel autem genuit zorobabel. Zorobabel autem genuit  
 abiud. Abiud autem genuit eliachim. /Eliachim [fo. 142.  
 autem genuit azor. Azor autem genuit sadoch. Sadoch  
 40 autem genuit achim. Achim autem genuit eliud. Eliud  
 autem genuit eleazar. Eleazar autem genuit mathan.  
 Mathan autem genuit iacob. Iacob autem genuit ioseph  
 uirum marie. De qua natus est iesus. qui uocatur christus.

(*Offertorium.*) Beata es uirgo maria que dominum portasti



creatorem mundi genuisti qui te fecit. et in eternum permanes uirgo.

(*Aliud offertorium.*) Aue maria gratia plena dominus tecum. benedicta tu in mulieribus et benedictus fructus uentris tui.

(*Secreta.*)

UNigeniti tui domine nobis succurrat! humanitas. ut qui natus de uirgine matris integritatem non minuit sed sacravit. in natiuitatis eius solemniis a nostris nos piaculis exuens oblationem nostram sibi faciat acceptam. iesus christus dominus noster. Qui tecum.

(*Communio.*) Beata uiscera marie uirginis que portauerunt eterni patris filium.

(*Post communio.*)

Sumpsimus domine celebritatis annue uotiuia sacramenta. presta quesumus. ut et temporalis uite nobis remedia prebeant et eterne. Per.

(IN SANCTI GORGONII MARTYRIS.

*Introitus.*)

GLoria et honore coronasti eum domine. et constituisti eum super opera manuum tuarum.

(*Ps.*) Domine dominus noster quam admirabile est nomen tuum in uniuersa terra. (*V.*) Gloria.

(*Oratio.*)

SANctus tuus domine gorgonius sua nos intercessionem letificet. et pia faciat solemnitate gaudere. Per.

(*Graduale.*) Gloria et honore coronasti eum domine. (*V.*) Et constituisti eum super opera manuum tuarum alleluia. (*V.*) Posuisti domine super caput eius coronam de lapide pretioso.

(*Offertorium.*) Posuisti domine in capite eius coronam de lapide pretioso uitam petiit a te et tribuisti ei. alleluia.

(*Secreta.*)

GRata tibi sit domine nostre seruitutis oblatio. pro qua sanctus gorgonius martir interuentor existat. Per.

(*Communio.*) Posuisti domine in capite eius coronam de lapide pretioso.

(*Post communio.*)

FAMILIAM tuam domine suauitas eterna contingat et uegetet que in martire tuo gorgonio christi tui bono iugiter odore pascatur. Per eundem.

(IN SANCTORUM MARTIRUM. PROTHI ET IACINTI

*Introitus.*)

**I**udicant sancti gentes et dominantur populis. et regnabit dominus deus illorum in perpetuum.

5 (Ps.) Exultate iusti in domino rectos decet collaudatio. (V.) Gloria.

*(Oratio.)*

**B**eatorum prothi et iacinti nos domine foueat pretiosa confessio. et pia iugiter intercessio tueatur. Per.

10 (*Graduale.*) Exultabunt sancti in gloria letabuntur in cubilibus suis. (V.) Cantate domino canticum nouum. laus eius in ecclesia sanctorum. alleluia. (V.) Pretiosa in conspectu domini mors sanctorum eius.

(*Offertorium.*) Gloriabuntur in te omnes qui diligunt nomen tuum. quoniam tu benedices iusto domine ut scuto bone uoluntatis tue coronasti nos.

*(Secreta.)*

**P**ro sanctorum prothi et iacinti munera tibi domine commemoratione que debemus exoluimus. presta quesumus. 20 ut remedium nobis salutis operentur. Per.

(*Communio.*) Anima nostra sicut passer erepta est de laqueo uenantium.

*(Post communio.)*

25 **U**t percepta nos domine tua sancta purificent beatorum prothi et iacinti quesumus imploret/ oratio. Per. [fo. 142b.

(IN EXALTATIONE SANCTE CRUCIS

*Introitus*)

**N**os autem gloriari oportet in cruce domini nostri iesu cristi in quo est salus uita et resurrectio nostra. per quem saluati et 30 liberati sumus.

(Ps.) Deus misereatur nostri et benedicat nobis. illuminet uultum suum super nos et misereatur nostri. (V.) Gloria.

*(Oratio.)*

35 **D**eus qui nos hodierna die exaltationis sancte crucis annua solemnitate letificas. presta quesumus. ut cuius misterium in terra cognouimus eius redemptionis premia in celo mereamur. Per eundem.

*(Ad philippenses.)* [Phil. ii. 8-11].

40 **F**ratres. Christus factus est pro nobis obediens usque ad mortem. mortem autem crucis. Propter quod et deus

exaltauit illum et donauit illi nomen quod est super omne nomen: ut in nomine iesu omne genu flectatur. celestium terrestrium et infernorum. Et omnis lingua confiteatur. quia dominus noster iesus christus. in gloria est dei patris.

(*Graduale.*) Christus factus est pro nobis obediens usque ad mortem. mortem autem crucis. (*V.*) Propter quod et deus exaltauit illum et donauit illi nomen quod est super omne nomen. alleluia. (*V.*) Dulce lignum dulces clauos dulcia ferens pondera. que sola fuisti digna sustinere regem celorum et dominum. alleluia. (*V.*) Nos autem gloriari oportet in cruce domini nostri iesu christi.

(*Secundum Iohannem.*) [Ioh. xii. 31-36].

IN illo tempore. Dixit iesus turbis iudeorum. Nunc iudicium est mundi. nunc princeps mundi huius eicietur foras. Et ego si exaltatus fuero a terra. omnia traham ad meipsum. Hoc autem dicebat. significans qua morte esset moriturus. Respondit ei turba. nos audiuius ex lege. quia christus manet in eternum. Et quomodo tu dicis. oportet exaltari filium hominis. Quis est iste filius hominis? Dixit ergo eis iesus. Adhuc modicum lumen in uobis est. Ambulate dum lucem habetis. ut non tenebre uos comprehendant. Et qui ambulat in tenebris. nescit quo uadat. Dum lucem habetis. credite in lucem. ut filii lucis sitis.

(*Offertorium.*) Protege domine plebem tuam per signum sancte crucis ab omnibus insidiis inimicorum omnium. ut tibi gratam exhibeamus seruitutem et acceptabile tibi fiat sacrificium nostrum alleluia.

(*Secreta.*)

IESU christi domini nostri corpore et sanguine satiati per quem crucis est sanctificatum uexillum quesumus domine deus noster ut sicut adorare meruimus. ita peremnitatis eius glorie salutaris potiamur effectum. Per eundem.

(*prephatio.*) Eterne deus qui salutem humani generis.

(*Communio.*) Per signum crucis de inimicis nostris libera nos deus noster.

(*Post communio.*)

A Desto nobis domine deus noster. et quos sancte crucis letari fecisti honore. eius quoque perpetuis defende subsidiis. Per.

(IN SANCTORUM MARTIRUM CORNELII. ET CYPRIANI

*Oratio.*)

BEatorum martirum pariterque pontificum cornelii et cypriani nos quesumus domine festa tueantur et eorum. commendet oratio ueneranda. Per.

(Secreta.)

A Desto domine supplicationibus nostris quas/ in [fo. 143: sanctorum tuorum commemoratione deferimus ut qui nostre iustitie fiduciam non habemus eorum qui tibi placuerunt meritis adiuuemur. Per.

(Post communio.)

Q Uesumus domine salutaribus repleti misteriis. ut quorum sollemnia celebramus eorum orationibus adiuuemur. Per.

10

(IN SANCTI NICOMEDIS MARTIRIS.

Introitus.)

L Etabitur iustus in domino et sperabit in eo. et laudabuntur omnes recti corde.

(Ps.) Exaudi deus orationem meam cum deprecor. a timore inimici eripe animam meam. (V.) Gloria.

(Oratio.)

A Desto domine populo tuo ut beati nichomedis martiris tui merita preclara suscipiens. ad impetrandam misericordiam tuam semper eius patrocinis adiuuemur. Per.

20 (Graduale.) Posuisti domine super caput eius coronam de lapide pretioso. (V.) Desiderium anime eius tribuisti ei. et uoluntate laborum eius non fraudasti eum alleluia. (V.) Gloria et honore coronasti eum domine.

(Offertorium.) In uirtute tua domine letabitur iustus et super 25 salutare tuum exultabit uehementer. desiderium anime eius tribuisti ei.

(Secreta.)

S Uscipe domine munera propitius oblata. que maiestati tue beati nichomedis martiris commendet oratio. Per.

30 (Communio.) Qui uult uenire post me abneget semeipsum† et tollat crucem suam et sequatur me.

(Post communio.)

P Urificent nos domine sacramenta que sumpsimus. et intercedente beato nichomede martire tuo a cunctis efficiant. 35 uitii absolutos. Per.

(IN SANCTORUM MARTIRUM LUCIE ET GEMINIANI ET SANCTE EUPHEMIE.] *not. in 143*

Introitus.†

Oratio.)

40 P Resta domine precibus nostris cum exultatione prouentum. ut quorum diem passionis annua deuotione recolimus. etiam fidei constantiam subsequamur. Per.

(Secreta.)

Uta populi tui quesumus domine propitiatus intende. et quorum nos tribuis solemnia celebrare fac gaudere suffragiis. Per.

(Post communio.)

Exaudi domine preces nostras et sanctorum tuorum quorum festa solemniter celebramus. continuis foueamur auxiliis. Per.

(IN VIGILIA SANCTI MATHEI APOSTOLI ET EUANGELISTE

Introitus.)

Ego autem sicut oliua fructificaui in domo domini speraui in misericordia dei mei et expectabo nomen tuum quoniam bonum est in conspectu sanctorum tuorum.

(Ps.) Quid gloriaris in malitia qui potens es in iniquitate. (V.) Gloria patri.

(Oratio.)

DA nobis quesumus omnipotens deus. ut beati mathei apostoli tui et euangeliste. quam preuenimus ueneranda solemnitas et deuotionem nobis augeat et salutem. Per.

(Epistola.)

Beatus homo qui inuenit sapientiam. *Require in communi unius martiris pontificis.* [p. 412.]

(Graduale.) Iustus ut palma florebit sicut cedrus libani multiplicabitur in domo domini. (V.) Ad annuntiandum mane misericordiam tuam. et ueritatem tuam per noctem.

(Secundum lucam) [Luc. v. 27-32].

IN illo tempore. Uidit iesus publicanum nomine leui. sedentem ad theloneum. et ait illi. Sequere me. Et relictis omnibus surgens secutus est eum. Et fecit ei conuiuium magnum leui in domo sua. Et erat turba multa/ [fo. 143b. publicanorum et aliorum qui cum illis erant discumbentes. Et murmurabant pharisei et scribe eorum dicentes ad discipulos eius. Quare cum publicanis et peccatoribus manducatis et bibitis? Et respondens iesus. dixit ad illos. Non egent qui sani sunt medico. sed qui male habent. Non enim ueni uocare iustos. sed peccatores ad penitentiam.

(Offertorium.) Gloria et honore coronasti eum et constituisti eum super opera manuum tuarum domine.

(Secreta.)

Apostolice reuerentie culmen offerimus sacris misteriis imbuendum. presta quesumus domine. ut beati mathei

euangeliste suffragiis cuius natalitia preimus hec plebs tua semper et sua uota depromat. et desiderata percipiat. Per.

(*Communio.*) Posuisti domine in capite eius coronam de lapide pretioso.

5

(*Post communio.*)

**B**Eati mathei euangeliste quesumus domine supplicatione placatus. et ueniam nobis tribue et remedia sempiterna concede. Per.

(IN FESTO SANCTI MATHEI APOSTOLI ET EUANGELISTE

10

*Introitus.*)

**O**S iusti meditabitur sapientiam et lingua eius loquetur iudicium. lex dei eius in corde ipsius.

(*Ps.*) Noli emulari in malignantibus neque zelaueris facientes iniquitatem. (*V.*) Gloria.

15

(*Oratio.*)

**B**Eati euangeliste mathei domine precibus adiuuemur. ut quod possibilitas nostra non obtinet. eius nobis intercessionem donetur. Per.

(*epistola.*)

20

**S**imilitudo uultus quatuor. *Require in communi apostolorum.* [p. 408.]

(*Graduale.*) Beatus uir qui timet dominum in mandatis eius cupit nimis. (*V.*) Potens in terra erit semen eius. generatio rectorum benedicetur. alleluia. (*V.*) Te gloriosus apostolorum chorus laudat

25 domine.

(*Secundum matheum*) [Mat. ix. 9-13.]

**I**N illo tempore. Uidit iesus hominem sedentem in theloneo matheum nomine et ait illi. Sequere me. Et surgens secutus est eum. Et factum est discumbente eo in domo.

30 ecce multi publicani et peccatores uenientes. discumbebant cum iesu et discipulis eius. Et uidentes pharisei. dicebant discipulis eius. Quare cum publicanis et peccatoribus manducat magister uester? At iesus audiens. ait. Non est opus ualentibus medicus. sed male habentibus. Euntes autem  
35 discite. quid est misericordiam uolo. et non sacrificium. Non enim ueni uocare iustos. sed peccatores.

(*Offertorium.*) Posuisti domine super caput eius coronam de lapide pretioso. uitam petiit a te. et tribuisti ei. alleluia.

(*S[e]creta.*)

**S**upplicationibus apostolicis beati mathei euangeliste quesumus domine ecclesie tue commendetur oblatio. cuius magnificis predicationibus eruditur. Per.

(*Communio.*) Magna est gloria eius in salutari tuo gloriam et magnum decorem impones super eum domine.

(*Post communio.*)

**P**erceptis domine sacramentis. beato matheo apostolo tuo et euangelista interueniente deprecamur. ut que pro eius celebrata sunt gloria. nobis proficiant ad medelam. Per.

(IN SANCTORUM MARTIRUM MAURITII ET SOTIORUM

*Oratio.*)

**A**nnue quesumus omnipotens deus ut sanctorum martirum tuorum/ mauritii et sotiorum eius nos letificet [fo. 144. festiua solemnitas. ut quorum suffragiis nitimur. eorum natalitiis gloriemur. Per.

(*S[e]creta.*)

**R**espice quesumus domine munera que in sanctorum martirum tuorum mauritii et sotiorum eius commemoratione deferimus. et presta. ut quorum honore sunt grata. eorum nobis fiant intercessione perpetua. Per.

(*Post communio.*)

**C**elestibus refecti sacramentis et gaudiis. supplices te rogamus domine. ut quorum gloriamur triumphis. protégamur auxiliis. Per.

(IN SANCTORUM MARTIRUM CYPRIANI ET IUSTINE

*Oratio.*)

**B**eatorum martirum cipriani et iustine nos domine foueant continuata presidia. quia non desinis propitius intueri. quos talibus auxiliis concesseris adiuuari. Per.

(*Secreta.*)

**M**unera tibi domine nostre deuotionis offerimus. que et pro tuorum tibi grata sint honore iustorum. et nobis salutaria te miserante reddantur. Per.

(*Post communio.*)

**P**resta nobis domine quesumus intercedentibus sanctis tuis. cipriano et iustina. ut que ore contingimus. pura mente capiamus. Per.

(IN SANCTORUM MARTIRUM COSME ET DAMIANI

*Introitus.*)

Sapientiam sanctorum narrent populi et laudes eorum nuntiet  
ecclesia nomina autem eorum uiuent in seculum seculi.

5 (Ps.) Exultate iusti in domino rectos decet collaudatio. (V.)  
Gloria patri.

*(Oratio.)*

PResta quesumus omnipotens deus. ut qui sanctorum tuorum  
cosme et damiani natalitia colimus a cunctis malis  
10 imminentibus eorum intercessionibus liberemur. Per.

(Graduale.) Clamauerunt iusti et dominus exaudiuit eos. et ex  
omnibus tribulationibus eorum liberauit eos. (V.) Iuxta est  
dominus his qui recto sunt corde et humiles spiritu saluabuntur  
alleluia. (V.) Hec est uera fraternitas que uincit mundi crimina.  
15 christum secuta est inclita. tenens regna celestia.

(Offertorium.) Gloriabuntur in te omnes qui diligunt nomen  
tuum. quoniam tu benedices iusto. domine ut scuto bone uoluntatis  
tue coronasti nos.

*(Secreta.)*

20 SANCTORUM tuorum nobis domine pia non desit oratio. que  
et munera nostra conciliet. et tuam nobis indulgentiam  
semper obtineat. Per.

(Communio.) Posuerunt mortalia seruorum tuorum domine escas  
uolatilibus celi carnes sanctorum tuorum bestiis terre secundum  
25 magnitudinem brachii tui posside filios morti punitorum.

*(Post communio.)*

PROtegat domine quesumus populum tuum. et participatio  
celestis indulta conuiuii. et deprecatio collata sanctorum.  
Per.

30 (IN DEDICATIONE SANCTI MICHAELIS

*Introitus.*)

Benedicite dominum omnes angeli eius potentes uirtute qui facitis  
uerbum eius ad audiendam uocem sermonum eius.

(Ps.) Benedic anima mea domino et omnia que intra me sunt  
35 nomini sancto eius. (V.) Gloria patri.

*(Oratio.)*

DEus qui miro ordine angelorum ministeria hominumque  
dispensas. concede propitius. ut quibus tibi minis-  
trantibus in celo semper assistitur. ab his in terra nostra uita  
40 muniatur. Per.



(*lectio libri apochalipsis beati Iohannis apostoli*)

[Apocal. i. 1-5].

**I**N diebus illis. Significauit /deus que oportet fieri [fo. 144<sup>b</sup>. cito. loquens per angelum suum seruo suo iohanni. qui testimonium perhibuit uerbo dei. et testimonium iesu christi quecunque uidit. Beatus qui legit et qui audit uerba prophetie huius. et seruat ea que in ea scripta sunt. Tempus enim prope est. Iohannes septem ecclesiis. que sunt in asia. gratia uobis et pax ab eo qui est. et qui erat. et qui uenturus est. Et a septem spiritibus qui in conspectu throni eius sunt. et a iesu christo qui est testis fidelis primogenitus mortuorum. et princeps regum terre. Qui dilexit nos. et lauit nos a peccatis nostris. in sanguine suo.

(*Graduale.*) Benedicite dominum omnes angeli eius. potentes uirtute qui facitis uerbum eius. (V.) Benedic anima mea domino. et omnia interiora mea nomen sanctum eius. alleluia. (V.) Sancte michael archangele defende nos in prelio. ut non pereamus in tremendo iudicio. alleluia. (V.) Concussum est mare et contremuit terra. ubi archangelus michael descendebat de celo. alleluia. (V.) Qui facit angelos suos spiritus. et ministros suos flammam ignis.

(*Secundum matheum*) [Mat. xviii. 1-10].

**I**N illo tempore. Accesserunt discipuli ad iesum. dicentes. Quis putas maior est in regno celorum? Et aduocans iesus paruulum. statuit eum in medio eorum et dixit. Amen dico uobis. Nisi conuersi fueritis et efficiamini sicut paruuli. non intrabitis in regnum celorum. Quicumque ergo humiliauerit se sicut paruulus iste. hic maior est in regno celorum. Et qui susceperit unum paruulum talem in nomine meo. me suscipit. Qui autem scandalizauerit unum de pusilis istis qui in me credunt. expedit ei ut suspendatur mola asinaria in collo eius. et demergatur in profundum maris. Ue mundo a scandalis. Necesse est enim ut ueniant scandala. Uerumtamen. ue homini illi per quem scandalum uenit. Si autem manus tua uel pes tuus scandalizat te. abscide eum et proice abs te. Bonum est tibi ad uitam ingredi debilem uel claudum quam duas manus uel duos pedes habentem. mitti in ignem eternum. Et si oculus tuus scandalizat te erue eum et proice abs te. Bonum est tibi cum uno oculo in uitam intrare. quam duos oculos habentem mitti in gehennam ignis. Uidete: ne contemnatis unum ex his pusilis. Dico enim uobis quia angeli eorum semper uident faciem patris mei. qui in celis est.

(*Offertorium.*) Stetit angelus iuxta aram templi habens turibulum aureum in manu sua. et data sunt ei incensa. multa et ascendit fumus aromatum in conspectu dei alleluia.

(Secreta.)

**H**Ostias tibi domine laudis offerimus. suppliciter deprecantes. easdem angelico pro nobis interueniente suffragio. et placatus accipias. et ad salutem nostram peruenire concedas.

5 Per.

(Communio.) Benedicite omnes angeli domini dominum hymnum dicite et superexaltate eum in secula.

(Post communio.)

**B**Eati archangeli tui michaelis intercessione suffulti. supplices te domine deprecamur. ut quod ore prosequimur contingamus. et mente. Per.

/(IN SANCTI IERONIMI PRESBITERI [fo. 145.

Oratio.)

**D**Eus qui ecclesie tue in exponendis sacris scripturis. beatum ieronimum gloriosum confessorem tuum doctorem maximum et electum prouidere dignatus es. presta quesumus. ut eiusdem suffragantibus meritis. quod ore simul et opere docuit. te adiuuante exercere ualeamus. Per.

(Secreta.)

**D**ONIS celestibus quesumus domine libera nos tribue mente inseruire. ut munera que deferimus intercedente beato ieronimo confessore tuo et medelam nobis operentur et gloriam. Per.

(Post communio.)

**R**Epleti alimonia celesti quesumus domine ut interueniente beato ieronimo confessore tuo. misericordie tue gratiam consequi mereamur. Per.

(IN SANCTI FRANCISCI CONFESSORIS

Introitus.)

**G**Audeamus omnes in domino diem festum celebrantes sub honore sancti francisci de cuius solemnitate gaudent angeli et collaudant filium dei.

(Ps.) Exultate iusti in domino rectos decet collaudatio. (V.) Gloria patri.

35

(Oratio.)

**D**Eus qui ecclesiam tuam beati francisci meritis fetu noue prolis amplificas. tribue nobis quesumus ex eius imitatione terrena despicere. et celestium donorum semper participatione gaudere. Per.

(*Ad gallatas*) [Galat. vi. 14-18].

FRatres. Michi autem absit gloriari nisi in cruce domini nostri iesu christi. per quem michi mundus crucifixus est. et ego mundo. In christo enim iesu. neque circumcisio aliquid  
5 ualeat neque preputium. sed noua creatura. Et quicumque hanc regulam secuti fuerint. pax super illos et misericordia et super ysraal† dei. De cetero nemo michi molestus sit. ego enim stigmata domini nostri iesu christi in corpore meo porto. Gratia domini nostri iesu christi. cum spiritu uestro fratres.  
10 Amen.

(*Graduale.*) Os iusti meditabitur sapientiam. et lingua eius loquetur iudicium. (V.) Lex dei eius in corde ipsius. et non supplantabuntur gressus eius. alleluia. (V.) O patriarcha pauperum. francisce tuis precibus auge tuorum numerum in caritate christi.  
15 quos cancellatis manibus cecutiens ut moriens iacob benedixisti. alleluia. (V.) Hic franciscus pauper et modicus. celum diues. ingreditur. hymnis celestibus honoratur.

(*Secundum matheum.*)

IN illo tempore. Respondens iesus dixit. Confiteor tibi pater  
20 domine celi et terre. *Require in communi plurimorum martirum* [p. 428].

(*Offertorium.*) Ueritas mea et misericordia mea cum ipso et in nomine meo exaltabitur cornu eius.

(*Secreta.*)

25 MUNera tibi domine dicata sanctifica. et intercedente beato francisco. ab omni nos culparum labe purifica. Per.

(*Communio.*) Fidelis seruus et prudens quem constituit dominus super familiam suam. ut det illis in tempore tritici mensuram.

(*Post communio.*)

30 ECclesiam tuam domine quesumus gratia celestis amplifcet. quam beati francisci illuminare uoluisti gloriosis meritis et exemplis. Per.

(IN SANCTORUM MARTIRUM SERGII BACCHI MARCELLI ET  
APPULEII

35 *Oratio.*)

SANctorum tuorum nos domine sergii. bachi. marcelli. et apulei beata merita prosequantur. / et tuo semper [fo. 145b. faciant amore feruentes. Per.

*Et fit commemoratio de sancto marco.*

40 *(Alia oratio.)*

EXaudi domine preces nostras et intercedente beato marco confessore tuo atque pontifice. supplicationes nostras placatus intende. Per.

(*Secreta.*)

**M**Aiestatem tuam nobis domine quesumus hec hostia reddat immolanda placatam. tuorum digna postulatione sanctorum. Per.

5 (*alia secreta.*)

**A**Ccepta tibi sit domine sacrate plebis oblatio. pro tuorum honore sanctorum. quorum se meritis percepisse de tribulatione cognouit auxilium. Per.

(*Post communio.*)

10 **S**Acramentis domine muniamur acceptis. et sanctorum tuorum. sergii. marcelli et apulei intercessionem contra omnes nequitias irruentes. armis celestibus protegamur. Per.

(*Alia post communio.*)

15 **D**A quesumus domine fidelibus populis sanctorum tuorum semper ueneratione letari. et eorum perpetua supplicatione muniri. Per.

(IN SANCTORUM MARTIRUM DIONISII RUSTICI ET  
ELEUTERII.

*Oratio.*)

20 **D**Eus qui hodierna die beatum dionisium martirem tuum uirtute constantie in passione roborasti. quique illi ad predicandum gentibus gloriam tuam rusticum et eleuterium sociare dignatus es. tribue nobis. quesumus. ex eorum imitatione pro amore tuo prospera mundi despiciere. et nulla eius  
25 aduersa formidare. Per.

(*Secreta.*)

**O**Blata tibi domine munera populi tui pro tuorum honore sanctorum martirum dionisii rustici et eleuterii suscipe propitius quesumus. et eorum nos intercessionem sanctifica.  
30 Per.

(*Post communio.*)

**S**Umpsis domine sacramentis quesumus. ut intercedentibus beatis martiribus tuis. dionisio. rustico et eleuterio ad redemptionis eterne proficiamus augmentum. Per.

35 (IN SANCTI CALIXTI PAPE ET MARTIRIS.

*Introitus.*)

**S**Acerdotes dei benedicite dominum. sancti et humiles corde laudate deum.

(Ps.) Benedicite omnia opera domini domino. laudate et superexaltate eum in secula. (V.) Gloria.

(Oratio.)

5 D Eus qui nos conspicias ex nostra infirmitate deficere. ad  
amorem tuum nos misericorditer per sanctorum tuorum  
exempla restaura. Per.

(Graduale.) Inueni dauid seruum meum oleo sancto meo  
unxi eum. manus enim mea auxiliabitur ei et brachium meum  
confortabit eum. (V.) Nichil proficiet inimicus in eo. et filius  
iniquitatis non nocebit ei. alleluia. (V.) Amauit eum dominus. et  
ornauit eum. stollam glorie induit eum.

(Offertorium.) Ueritas mea et misericordia mea cum ipso. et in  
nomine meo exaltabitur cornu eius.

(Secreta.)

5 M Istica nobis domine prosit oblatio que nos et a reatibus  
nostris expediat. et perpetua saluatione confirmet.  
Per.

(Communio.) Beatus seruus quem cum uenerit dominus. inuen-  
erit uigilantem. amen dico uobis super omnia bona sua constituet  
eum.

(Post communio.)

Q Uesumus omnipotens deus. ut reatum nostrum munera  
sacrata purificent et recte uiuendi nobis operentur  
effectum. Per.

5 [IN SANCTI LUCE EUANGELISTE.

Oratio.]

/ I Nterueniat pro nobis quesumus domine sanctus [fo. 146.  
tuus lucas euangelista. qui crucis mortificationem iugiter  
in suo corpore pro tui nominis honore portauit. Per.

(epistola.)

S Imilitudo uultus quatuor animalium. *Require in communi  
apostolorum.* [p. 408.]

(euangelium.)

D Esignauit dominus. *Require ubi epistola.* [p. 410.]

(Secreta.)

5 D Onis nos celestibus da quesumus domine libera mente  
seruire. ut munera que deferimus. interueniente beato  
euangelista tuo luca. et medelam nobis operentur et gloriam.  
Per.

*Prephatio de apostolis.**(Post communio.)*

PREsta quesumus omnipotens deus. ut quod de sancto altari  
tuo accepimus. precibus beati euangeliste tui luce  
5 sanctificet animas nostras per quod tuti esse possimus. Per.

(IN SANCTORUM MARTIRUM GRISANTI ET DARIE.

*Oratio.)*

BEatorum martirum tuorum domine grisanti et darie  
quesumus adsit nobis oratio. ut quos ueneramur obsequio.  
10 eorum pium iugiter experiamur auxilium. Per.

*(Secreta.)*

POpuli tui quesumus domine tibi grata sit hostia. que in  
natalitiis sanctorum martirum tuorum grisanti et darie.  
solemnitatibus immolatur. Per.

15 *(Post communio.)*

MIsticis domine repleti sumus uotis et gaudiis. presta  
quesumus. ut intercessionibus sanctorum martirum  
tuorum. grisanti et darie. que temporaliter agimus spiritualiter  
consequamur. Per.

20 (IN VIGILIA APOSTOLORUM SYMONIS ET IUDE

*Introitus.)*

INTret in conspectu tuo domine gemitus compeditorum. redde  
uicinis nostris septuplum in sinu eorum uindica sanguinem  
sanctorum tuorum qui effusus est.

25 *(Ps.)* Deus uenerunt gentes in hereditatem tuam polluerunt  
templum sanctum tuum posuerunt ierusalem in pomorum custodiam.  
*(V.)* Gloria.*(Oratio.)*30 

CONcede quesumus omnipotens deus. ut sicut apostolorum  
tuorum symonis et iude gloriosa natalitia preuenimus.  
sic ad tua beneficia promerenda. maiestatem tuam pro nobis  
ipsi preueniant Per.

35 *(Graduale.)* Uindica domine sanguinem sanctorum tuorum qui  
effusus est. *(V.)* Posuerunt mortalia seruorum tuorum. escas uolati-  
libus celi carnes sanctorum tuorum bestiis terre.*(Offertorium.)* Exultabunt sancti in gloria. letabuntur in cubilibus  
suis. exultationes dei in faucibus eorum.

(*Secreta.*)

Muneribus nostris domine apostolorum symonis et iude festa precedimus. te suppliciter deprecantes. ut que conscientie nostre prepediuntur obstaculis illorum meritis grata reddantur. Per.

(*Communio.*) Posuerunt mortalia seruorum tuorum domine. escas uolatilibus celi carnes sanctorum tuorum bestiis terre. secundum magnitudinem brachii tui. posside filios morti punitorum.

(*Post communio.*)

Sumpto domine sacramento suppliciter deprecamur. ut intercedentibus beatis apostolis tuis. quod temporaliter gerimus. ad uitam capiamus eternam. Per.

(IN FESTO APOSTOLORUM SYMONIS ET IUDE

*Introitus.*)

Michi autem nimis honorati sunt amici tui deus nimis confortatus est principatus eorum.

(*Ps.*) Domine probasti me et cognouisti me. tu cognouisti sessionem meam et resurrectionem meam. (*V.*) Gloria.

(*Oratio.*)

Deus qui nos per beatos/ apostolos tuos symonem [fo. 146b. et iudam ad agnitionem tui nominis uenire tribuisti. da nobis gloriam eorum sempiternam. et proficiendo celebrare. et celebrando proficere. Per.

(*Graduale.*) Constitues eos principes super omnem terram. memores erunt nominis tui domine. (*V.*) Pro patribus tuis nati sunt tibi filii. propterea populi confitebuntur tibi alleluia. (*V.*) Nimis honorati sunt amici tui deus: nimis confortatus est principatus eorum.

(*Offertorium.*) In omnem terram exiuit sonus eorum et in fines orbis terre uerba eorum.

(*Secreta.*)

Gloriam domine sanctorum apostolorum tuorum perpetuam uenerantes. quesumus. ut eam sacris misteriis expiati. dignius celebremus. Per.

(*Communio.*) Uos qui secuti estis me sedebitis super sedes iudicantes duodecim tribus ysrael.

(*Post communio.*)

Perceptis domine sacramentis suppliciter exoramus. ut intercedentibus beatis apostolis tuis symone et iuda. que pro illorum ueneranda gerimus passione nobis proficiant ad medelam. Per.

## (IN VIGILIA OMNIUM SANCTORUM

*Introitus.*)

IUDICANT sancti gentes et dominantur populis. et regnabit dominus deus illorum in perpetuum.

5 (Ps.) Exultate iusti in domino rectos decet collaudatio. (V.)  
Gloria patri.

*(Oratio.)*

DOMINE deus noster multiplica super nos gratiam tuam. et  
quorum preuenimus gloriosa solemnia. tribue subsequi  
10 in sancta professione letitiam. Per.

(lectio libri apocalipsis beati iohannis apostoli)

[Apocal. v. 6-12].

IN diebus illis. Ecce ego iohannes uidi in medio throni. et  
quatuor animalium et in medio seniorum agnum stantem  
15 tanquam occisum. habentem cornua septem et oculos septem  
qui sunt septem spiritus dei missi in omnem terram. Et uenit  
et accepit librum de dextera sedentis in throno. Et cum  
aperuisset librum. quatuor animalia. et uigintiquatuor seniores  
cecidissent coram agno. habentes singuli cytharas. et phylas  
20 aureas plenas odoramentorum. que sunt orationes sanctorum.  
Et cantabant canticum nouum dicentes. Dignus es domine  
accipere librum et soluere signacula eius. quoniam occisus es.  
et redemisti nos deo in sanguine tuo. ex omni tribu et lingua.  
et populo et natione. et fecisti nos deo nostro regnum et  
25 sacerdotes. et regnabunt super terram. Et uidi et audiui  
uocem angelorum multorum in circuitu throni et seniorum et  
quatuor animalium. Et erat numerus eorum millia millium  
uoce magna dicentium. Dignus est agnus qui occisus est.  
accipere uirtutem. et diuinitatem et sapientiam. et fortitu-  
30 dinem et honorem et gloriam. et benedictionem. in secula  
seculorum amen.

(Graduale.) Exultabunt sancti in gloria. letabuntur in cubilibus  
suis. (V.) Cantate domino canticum nouum. laus eius in ecclesia  
sanctorum.

35

*(euangelium.)*

DESCENDENS iesus de monte. stetit in loco campestri.  
Require in communi plurimorum martirum. [p. 427.]

(Offertorium.) Exultabunt sancti in gloria. letabuntur in cubilibus  
suis exultationes dei in faucibus eorum.



(*Secreta.*)

**A**ltare tuum domine deus muneribus cumulamus oblati quesumus: ut ad salutem nostram/ omnium [fo. 147. sanctorum tuorum precatione proficiant. quorum solemnia uentura precurrimus. Per.

(*Communio.*) Iustorum anime in manu dei sunt et non tanget illos tormentum malitie uisi sunt oculis insipientium mori illi autem sunt in pace.

(*Post communio.*)

**S**acramentis domine. et gaudiis optata celebritate expletis. quesumus. ut eorum precibus adiuuemur. quorum recordationibus exhibentur. Per.

(IN FESTO OMNIUM SANCTORUM

*Introitus.*)

**G**Audeamus omnes in domino diem festum celebrantes sub honore sanctorum omnium de quorum solemnitate gaudent angeli et collaudant filium dei.

(*Ps.*) Exultate iusti in domino rectos decet collaudatio. (*V.*) Gloria.

(*Oratio.*)

**O**Mnipotens sempiterne deus. qui nos omnium sanctorum tuorum merita. sub una tribuisti celebritate uenerari. quesumus. ut desideratam nobis tue propitiationis habundantiam. multiplicatis intercessoribus largiaris. Per.

(*lectio libri apochalipsis beati Iohannis apostoli.*)

[Apocal. vii. 2-12.]

**I**N diebus illis. Ecce ego iohannes uidi alterum angelum ascendentem ab ortu solis. habentem signum dei uiui. Et clamauit uoce magna quatuor angelis. quibus datum est nocere terre et mari dicens. Nolite nocere terre et mari. neque arboribus quoadusque signemus seruos dei nostri in frontibus eorum. Et audiui numerum signatorum. centum-quadragintaquatuormillia signati. ex omni tribu filiorum israel. Ex tribu iuda duodecim milia signati. Ex tribu reuben. duodecimmillia signati. Ex tribu gaad duodecimmillia signati. Ex tribu asser. duodecimmillia signati. Ex tribu neptalim. duodecimmillia signati. Ex tribu manasse. duodecimmillia signati. Ex tribu symeon. duodecimmillia signati. Ex tribu leui. duodecimmillia signati. Ex tribu ysachar. duodecimmillia signati. Ex tribu zabulon. duodecimmillia signati. Ex tribu yoseph. duodecimmillia signati.

Ex tribu beniamin. duodecimmillia signati. Post hec uidi turbam magnam. quam dinumerare nemo poterat. ex omnibus gentibus. et tribubus. et populis. et linguis. stantes ante thronum. in conspectu agni amicti stolis albis. et palme in  
 5 manibus eorum. Et clamabant uoce magna dicentes. Salus deo nostro. qui sedet super thronum et agno. Et omnes angeli stabant in circuitu throni. et seniorum. et quatuor animalium. Et ceciderunt in conspectu throni in facies suas. et adorauerunt deum dicentes amen. Benedictio et claritas.  
 10 et sapientia et gratiarum actio. honor uirtus et fortitudo deo nostro. in secula seculorum amen.

(*Graduale.*) Timete dominum omnes sancti eius. quoniam nichil deest timentibus eum. (*V.*) Inquirentes autem dominum non deficient omni bono. alleluia. (*V.*) Uenite ad me omnes qui  
 15 laboratis et onerati estis. et ego reficiam uos. alleluia. (*V.*) Hec est uera fraternitas qui uincit mundi crimina. christum secuta est. inclita tenet regna celestia :

(*euangelium.*)

[fo. 147b.]

20 **U**Idens iesus turbas ascendit in montem. *Require in communi plurimorum martirum.* [p. 426.]

(*Offertorium.*) Iusterum anime in manu dei sunt et non tanget illos tormentum mortis. uisi sunt oculis insipientium mori illi autem sunt in pace.

(*Secreta.*)

25 **M**Unera tibi domine nostre deuotionis offerimus que et pro cunctorum tibi grata sint honore iustorum. et nobis salutaria te miserante reddantur. Per.

(*Communio.*) Beati mundo corde quoniam ipsi deum uidebunt beati pacifici quoniam filii dei uocabuntur beati qui persecutionem  
 30 patiuntur propter iustitiam quoniam ipsorum est regnum celorum.

(*Post communio.*)

**D**A quesumus domine fidelibus populis omnium sanctorum tuorum semper ueneratione letari. et eorum perpetua supplicatione muniri. Per.

35

(IN SANCTI CESARII.

*Oratio.*)

**D**Eus qui nos beati cesarii martiris tui annua solemnitate letificas. concede propitius. ut cuius natalitia colimus etiam actiones imitemur. Per.

40

(*Secreta.*)

**H**Ostias tibi domine beati cesarii martiris tui dicatas meritis benignus assume. et ad perpetuum nobis tribue prouenire subsidium. Per.

(*Post communio.*)

**Q**uesumus omnipotens deus. ut qui celestia alimenta percipimus intercedente beato cesario martire tuo per hec contra omnia aduersa muniamur. Per.

(IN SANCTORUM MARTIRUM QUATTUOR CORONATORUM.

*Introitus.*)

**I**ntret in conspectu tuo domine gemitus compeditorum. redde uicinis nostris septuplum in sinu eorum. uindica sanguinem sanctorum tuorum qui effusus est.

(*Ps.*) Deus uenerunt gentes in hereditatem tuam. poluerunt templum sanctum tuum posuerunt ierusalem in pomorum custodiam. (*V.*) Gloria.

(*Oratio.*)

**P**resta quesumus omnipotens deus. ut qui gloriosos martires claudium. nichostratum. castorium. simphorianum atque simplitium fortes in sua confessione cognouimus. pios apud te in nostra intercessione sentiamus. Per.

(*Graduale.*) Uindica domine sanguinem sanctorum tuorum qui effusus est. (*V.*) Posuerunt mortalia seruorum tuorum escas uolatilibus celi carnes sanctorum tuorum bestiis terre. alleluia. (*V.*) Laudate dominum in sanctis eius. laudate eum in firmamento uirtutis eius.

(*Offertorium.*) Anima nostra sicut passer erepta est de laqueo uenantium. laqueus contritus est et nos liberati sumus.

(*Secreta.*)

**B**enedictio tua domine larga descendat. que et munera nostra deprecantibus sanctis tuis tibi reddat accepta. et nobis sacramentum redemptionis efficiat. Per.

(*Communio.*) Posuerunt mortalia seruorum tuorum domine escas uolatilibus celi carnes sanctorum tuorum bestiis terre secundum magnitudinem brachii tui posside filios morti punitorum.

(*Post communio.*)

**C**elestibus refecti sacramentis et gaudiis. supplices te domine deprecamur ut quorum gloriamur triumphis protegamur auxiliis. Per.

(IN SANCTI THEODORI MARTIRIS.

*Oratio.*)

**D**eus qui nos beati theodori martiris tui confessione gloriosa circumdas et protegis. presta nobis ex eius imitatione proficere. et oratione fulciri. Per.

(Secreta.)

5 **S**Uscipe domine fidelium preces cum oblationibus hostiarum  
et intercedente beato theodoro/ martire tuo. per [fo. 148.  
hec pie deuotionis officia ad celestem gloriam transeamus.  
Per.

(Post communio.)

**P**RESTa nobis domine quesumus. intercedente beato theo-  
doro martire tuo. ut que ore contingimus pura mente  
capiamus. Per.

10

(IN SANCTI MARTINI CONFESSORIS.

Introitus.)

**S**Tatuit ei dominus testamentum pacis. et principem fecit eum. ut  
sit illi sacerdotii dignitas in eternum.  
(Ps.) Memento domine dauid et omnis mansuetudinis eius.  
15 (V.) Gloria.

(Oratio.)

**D**Eus qui conspicias quia ex nulla nostra uirtute subsis-  
timus. concede propitius. ut intercessionem beati martini  
confessoris tui atque pontificis. contra omnia aduersa muni-  
20 amur. Per.

(Graduale.) Ecce sacerdos magnus qui in diebus suis placuit  
deo. (V.) Non est inuentus similis illi qui conseruaret legem  
excelsi. alleluia. (V.) Beatus uir sanctus martinus urbis turonis  
requieuit quem susceperunt angeli atque archangeli throni et domina-  
25 tiones et uirtutes.

(Offertorium.) Ueritas mea et misericordia mea cum ipso et in  
nomine meo exaltabitur cornu eius.

(Secreta.)

30 **D**A misericors deus. ut hec nos salutaris oblatio et a pro-  
priis reatibus indesinenter expediat. et ab omnibus  
tueatur aduersis. Per.

(Communio.) Beatus seruus quem cum uenerit dominus inue-  
nerit uigilantem amen dico uobis. super omnia bona sua constituet  
eum.

35

(Post communio.)

**P**RESTa quesumus domine deus noster. ut quorum festiuitate  
uotiuia sunt sacramenta. eorum nobis salutaria interces-  
sione reddantur. Per.

(IN SANCTI MENE

*Oratio.*)

DA quesumus omnipotens deus. ut qui beati menne martiris tui natalitia colimus. intercessione eius in tui nominis amore roboremur. Per.

*(Secreta.)*

MUneribus nostris quesumus domine precibusque susceptis et celestibus nos munda misteriis et clementer exaudi. Per.

*(Post communio.)*

DA quesumus domine deus noster. ut sicut tuorum commemoratione sanctorum. temporali gratulamur officio. ita perpetuo letemur aspectu. Per.

(IN SANCTE HELYSABETH

*Oratio.*)

TUorum corda fidelium deus miserator illustra. et beate elysabeth precibus gloriosis. fac nos prospera mundi despiciere. et celesti semper consolatione gaudere. Per.

*(Secreta.)*

MUnera domine nostre deuotionis offerimus. ut tibi grata et nobis salutaria beate elysabeth pia supplicatione reddantur. Per.

*(Post communio.)*

Quesumus omnipotens deus. ut quos salutaribus dignatus es erudire misteriis. beate elysabeth intercessio gloriosa reficiat celestibus alimentis. Per.

(IN SANCTE CECILIE UIRGINIS ET MARTIRIS.

*Introitus.*)

LOquebar de testimoniis tuis in conspectu regum et non confundebar. et meditabor in mandatis tuis que dilexi nimis.

(Ps.) Beati immaculati in uia qui ambulant in lege domini.  
(V.) Gloria.

*(Oratio.)*

DEus qui nos annua beate cecilie martiris tue solemnitate letificas. da ut quam ueneramur officio. etiam pie conuersationis sequamur exemplo. Per.

(Graduale.) /Audi filia et uide. et inclina aurem tuam [fo. 148b. quia concupiuit rex speciem tuam. (V.) Specie tua et pulcritudine

tua. intende prospere procede et regna. alleluia. (*V.*) Quinque prudentes uirgines acceperunt oleum in uasis suis cum lampadibus media autem nocte clamor factus est. ecce sponsus uenit exite obuiam christo domino.

5 (*Offertorium.*) Offerentur regi uirgines post eam proxime eius offerentur tibi.

(*Secreta.*)

10 **H**Ec hostia domine placationis et laudis. quesumus. ut intercedente beata cecilia martire tua. nos propitiatione tua dignos semper efficiat. Per.

(*Communio.*) Confundantur superbi quia iniuste iniquitatem fecerunt in me. ego autem in mandatis tuis exercebor in tuis iustificationibus. ut non confundar.

(*Post communio.*)

15 **S**Atiasti domine familiam tuam muneribus sacris eius quesumus interuentione nos refoue. cuius solemnia celebramus. Per.

(IN SANCTI CLEMENTIS PAPE ET MARTIRIS

*Introitus.*)

20 **D**Icit dominus sermones mei quos dedi in os tuum non deficient de ore tuo adest enim nomen tuum et munera tua accepta erunt super altari meo.

(*Ps.*) Beatus uir qui timet dominum. in mandatis eius uolet nimis. (*V.*) Gloria.

25

(*Oratio.*)

**D**Eus qui nos annua beati clementis martiris tui atque pontificis solemnitate letificas. concede propitius. ut cuius natalitia colimus uirtutem quoque passionis imitemur. Per.

30

(*Graduale.*) Iurauit dominus et non penitebit eum. tu es sacerdos in eternum secundum ordinem melchisedech. (*V.*) Dixit dominus domino meo sede a dextris meis. alleluia. (*V.*) Hic est sacerdos quem coronauit dominus.

35 (*Offertorium.*) Ueritas mea et misericordia mea cum ipso. et in nomine meo exaltabitur cornu eius.

(*Secreta.*)

**M**Unera domine oblata sanctifica et intercedente beato clemente martire tuo. per hec nos a peccatorum nostrorum maculis emunda. Per.

40

(*Communio.*) Beatus seruus quem cum uenerit dominus inuenit uigilantem amen dico uobis super omnia bona sua constituet eum.

(*Post communio.*)

COrporis sacri et pretiosi sanguinis repleti libamine. quesumus domine deus noster. ut quod pia deuotione gerimus. certa redemptione capiamus. Per.

(IN SANCTE FELICITATIS MARTIRIS

*Oratio.*)

PResta quesumus omnipotens deus. ut beate felicitatis martiris tue solemnna recensentes. meritis ipsius protegatur et precibus. Per.

(*Secreta.*)

UOta populi tui domine propitiatus intende. ut quorum nos tribuis solemnna celebrare. fac gaudere suffragiis. Per.

(*Post communio.*)

SUpplikes te rogamus omnipotens deus ut intercedentibus sanctis tuis et ut tua in nobis dona multiplices. et tempora nostra disponas. Per.

(IN SANCTI CHRYSOGONI MARTIRIS

*Oratio.*)

A Desto domine supplicationibus nostris. ut qui ex iniquitate nostra reos nos esse cognoscimus. beati chrysogoni martiris tui intercessione liberemur. Per.

(*Secreta.*)

OBlatis quesumus domine placare muneribus. et intercedente beato chrysogono martire tuo. a cunctis nos defende periculis. Per.

(*Post communio.*)

TUi domine perceptione [<sup>1</sup>sacramenti. et a nostris mundemur occultis. et ab hostium liberemur insidiis. Per.

IN SANCTE KATHERINE VIRGINIS ET MARTIRIS :

*Introitus.*

UOx de celis katherine redditur. ueni sponsa gloriosa: ueni sanctissima uirgo accipe premium tui certaminis inter choros angelorum.

Ps. Hec audiens beata katherina: leta surrexit ab oratione et decolata est. *℟.* Gloria patri.

<sup>1</sup> N.B. The part between square brackets is not in 74, folio 149 being missing. The text given is from 80. That of 74 is resumed on p. 405.

*Oratio.*

**D**Eus qui dedisti legem moisi in summitate montis sinai et in eodem loco per angelos tuos corpus beate katerine uirginis et martiris tue mirabiliter collocasti. tribue  
 5 quesumus: ut eius meritis et intercessione ad montem qui christus est ualeamus peruenire. Per eundem.

*Epistola de communi uirginum.*

*Graduale.* Percussa gladio: dat lac pro sanguine: collo quam manus angelica sepeliuit uertice syna. *V.* Membris uirgineis olei  
 10 fluit unda salubris. Alleluia. *V.* Katerina flos rosarum consolatrix animarum: tue precis interuentu angelorum: nos contentu fac gaudere iugiter.

*Euangelium de communi uirginum.*

(*Offertorium.*) Prudens et uigilans uirgo. qualis es cum sponso  
 15 illo. qui te elegit de mundo: quam pulcra: quam mirabilis: quanta luce spectabilis inter sion iuuenclas et ierusalem filias: thalamo gaudens regio dei coniuncta filio.

*Secreta.*

**M**Unera domine sacrificii presentis que tibi offerimus in  
 20 honore sancte katerine† uirginis et martiris: fiant nobis eius precibus uita perpetua et salus infinita. Per.

*Communio.* Aue uirginum gemma katerina aue sponsa regis regum gloriosa aue uiua christi hostia: tua uenerantibus patrocinia impetrata non deneges suffragia.

25 *Post communio.*

**S**Umpsis domine salutis eterne misteriis: suppliciter deprecamur: ut sicut liquor qui de membris beate katerine uirginis et martiris: iugiter manat languidorum corpora sanat: sic eius oratio cunctas a nobis iniquitates expellat. Per  
 30 dominum.

All this page with pp. 403, 404, and part of 405, is printed from 80, the corresponding part of 74 being lost.



INCIPIT COMMUNE SANCTORUM.  
IN UIGILIA UNIUS APOSTOLI.

*Introitus.*

**[E]** Go autem sicut oliua fructicaui in domo domini† : speraui in misericordia dei mei: et expectabo nomen tuum : quoniam bonum est ante conspectum sanctorum tuorum.

*Ps.* Quid gloriaris in malitia qui potens es in iniquitate. *V.* Gloria.

*Oratio.*

**D**A quesumus omnipotens deus. ut beati *N.* apostoli tui quam preuenimus ueneranda solennitas : et deuotionem nobis augeat et salutem. *Per.*

*Lectio libri sapientie.* [Ecclus. xlv. 5–xlv. 9.]

**B**enedictio domini super caput iusti. Ideo dedit illi dominus hereditatem et diuisit ei partem in tribubus duodecim. et inuenit gratiam in conspectu omnis carnis. Et magnificauit eum in timore inimicorum : et in uerbis suis monstra placauit. Glorificauit eum in conspectu regum : et ostendit illi gloriam suam. In fide et lenitate ipsius sanctum fecit illum : et elegit eum ex omni carne. Et dedit cor ad precepta et legem uite et discipline : et excelsum fecit illum. Statuit illi testamentum eternum : et circumcinxit eum zona iustitie. Et induit eum dominus coronam glorie.

*Graduale.* Iustus ut palma florebit : sicut cedrus libani multiplicabitur in domo domini. *V.* Ad annuntiandum mane misericordiam tuam : et ueritatem tuam per noctem.

*Secundum iohannem.* [Ioh. xv. 12–16.]

**I**N illo tempore. Dixit iesus discipulis suis. Hoc est preceptum meum : ut diligatis inuicem sicut dilexi uos : maiorem hac dilectionem nemo habet : ut animam suam ponat quis pro amicis suis. Uos amici mei estis : si feceritis que ego precipio uobis. Iam non dicam uos seruos : quia seruus nescit quid faciat dominus eius. Uos autem dixi amicos : quia omnia quecunque audiui a patre meo : nota feci uobis. Non uos me elegistis : sed ego elegi uos : et posui uos ut eatis et fructum afferatis : et fructus uester maneat. Ut quodcunque petieritis patrem in nomine meo det uobis.

*Offertorium.* Gloria et honore coronasti eum : et constituisti eum super opera manuum tuarum. domine.

*Secreta.*

A Postolici reuerentia culminis offerentes tibi sacra misteria : quesumus domine. ut beati apostoli tui [.N.] suffragiis cuius natalitia preimus. hec plebs tua semper et sua uota  
 5 depromat : et desiderata percipiat. Per.

*Communio.* Magna est gloria eius in salutari tuo : gloriam et magnum decorem impones super eum domine.

*Post communio.*

S Ancti apostoli tui .N. quesumus domine supplicatione  
 10 placatus : et ueniam nobis tribue et remedia sempiterna concede. Per.

## IN UIGILIA PLURIMORUM APOSTOLORUM.

*Introitus.*

I Ntret in conspectu tuo. domine gemitus compeditorum : redde  
 15 uicinis nostris septuplum in sinu eorum. uindica sanguinem sanctorum tuorum qui effusus est.

*Ps.* Deus venerunt gentes in hereditatem tuam : poluerunt templum sanctum tuum. posuerunt ierusalem in pomorum custodiam.  
*N.* Gloria patri.

20

*Oratio.*

C Oncede quesumus omnipotens deus. ut sicut apostolorum tuorum .N. et .N. gloriosa natalitia preuenimus. sic ad tua beneficia promerenda. maiestatem tuam pro nobis ipsi preueniant. Per.

25

*Lectio actuum apostolorum.* [Act. v. 12-16.]

I N diebus illis. Per manus autem apostolorum fiebant  
 signa et prodigia multa in plebe. Et erant unanimiter omnes in porticu salomonis. Ceterorum autem nemo se audebat coniungere illis : sed magnificabat eos populus. Magis  
 30 autem augebatur credentium in domino multitudo uirorum ac mulierum. ita ut in plateis eicerent infirmos et ponerent in lectulis et grabatis : ut ueniente petro saltem umbra illius obumbraret quemquam illorum et liberarentur ab infirmitatibus suis. Concurrebat autem multitudo uicinarum ciuitatum in ierusalem afferentes egros et uexatos a spiritibus  
 35 immundis qui curabantur omnes.

*Ad ephesios.* [Ephes. i. 3-8.]

F Ratres. Benedictus deus et pater domini nostri iesu christi : qui benedixit nos in omni benedictione spirituali  
 40 in celestibus in christo : sicut elegit nos in christo ante mundi constitutionem : ut essemus sancti et immaculati in conspectu

eius in caritate. Qui predestinauit nos in adoptionem filiorum per iesum christum in ipsum secundum propositum uoluntatis sue: in laudem glorie sue: in qua gratificauit nos in dilecto filio suo. In quo habemus redemptionem per sanguinem ipsius remissionem peccatorum: secundum diuitias gratie eius: que superhabundauit in nobis.

*Ad corinthios.* [1. Cor. iv. 9-14.]

**F**Ratres. Spectaculum facti sumus mundo. angelis et hominibus. Nos stulti propter christum uos autem prudentes in christo. Nos infirmi. uos autem fortes. Uos nobiles. nos autem ignobiles. Usque in hanc horam et esurimus: et sitimus: et nudi sumus: et colaphis cedimur: et instabiles sumus: et laboramus operantes manibus nostris Maledicimur:]<sup>1</sup> et benedicimus. Persecutionem patimur. [fo. 150. et sustinemus. Blasfemamur. et obsecramus. Tamquam purgamenta huius mundi facti sumus omnium perips[i]ma usque adhuc. Non ut confundam uos hec scribo. sed ut filios meos karissimos moneo. in christo iesu domino nostro.

(*Graduale.*) Uindica domine sanguinem sanctorum tuorum qui effusus est. (*V.*) Posuerunt mortalia seruorum tuorum escas uolatilibus celi. carnes sanctorum tuorum bestiis terre.

(*Secundum Iohannem*) [Ioh. xv. 1-7].

**I**N illo tempore. Dixit iesus discipulis suis. Ego sum uitis uera. et pater meus agricola est. Omnem palmitem in me non ferentem fructum tollet eum. et omnem qui fert fructum purgabit eum. ut fructum plus afferat. Iam uos mundi estis. propter sermonem quem locutus sum uobis. Manete in me. et ego in uobis. Sicut palmes non potest ferre fructum a semetipso. nisi manserit in uite. sic nec uos nisi in me manseritis. Ego sum uitis. uos palmites. Qui manet in me et ego in eo. hic fert fructum multum. quia sine me nichil potestis facere. Si quis in me non manserit. mittetur foras sicut palmes et arescet. et colligent eum. et in ignem mittent et ardet. Si manseritis in me. et uerba mea in uobis manserint. quodcunque uolueritis petetis. et fiet uobis.

(*Offertorium.*) Exultabunt sancti in gloria. letabuntur in cubilibus suis. exultationes dei in faucibus eorum.

(*Secreta.*)

**M**uneribus nostris domine sanctorum apostolorum tuorum. N. et A.† festa precedimus te suppliciter deprecantes.

<sup>1</sup> Here 74 resumes.

ut que conscientie nostre prepediuntur obstaculis. illorum meritis grata reddantur. Per.

(*Communio.*) Posuerunt mortalia seruorum tuorum domine escas uolatilibus celi. carnes sanctorum tuorum bestiis terre.  
5 secundum magnitudinem brachii tui. posside filios morti punitorum.

(*Post communio.*)

SUmpto domine sacramento suppliciter deprecamur. ut intercedentibus beatis apostolis tuis .N. et N. quod temporaliter gerimus. ad uitam capiamus eternam. Per.

10

(IN NATALI APOSTOLORUM

*Introitus.*)

MIch i autem nimis honorati sunt amici tui deus nimis confortatus est principatus eorum.

(*Ps.*) Domine probasti me et cognouisti me. tu cognouisti  
15 sessionem meam et resurrectionem meam. (*V.*) Gloria.

(*Oratio.*)

Quesumus omnipotens deus. ut beatus apostolus tuus .N. tuum pro nobis imploret auxilium. ut a nostris reatibus absoluti. a cunctis etiam periculis exuamur. Per.

20

(*Secreta.*)

SACrandum tibi domine munus offerimus. quo beati .N. solemnia recolentes purificationem quoque nostris mentibus imploramus. Per.

(*Post communio.*)

25 PErceptis domine sacramentis suppliciter exoramus. ut intercedente beato .N. apostolo tuo que pro illius ueneranda gerimus solemnitate. nobis proficiant ad medelam. Per.

(IN NATALI PLURIMORUM APOSTOLORUM

30

*Oratio.*)

D<sup>E</sup>us qui nos annua apostolorum tuorum .N. et N. /solemnitate letificas. presta quesumus. ut [fo. 150b. quorum gaudemus meritis instruamur exemplis. Per.

(*Secreta.*)

35

MUnera domine que pro apostolorum tuorum .N. et N. solemnitate deferimus. propitius suscipe. et mala omnia que iuste meremur. auerte. Per.

(Post communio.)

Quesumus domine salutaribus repleti misteriis. ut quorum  
solemnia celebramus. eorum orationibus adiuuemur.  
Per.

(Ad ephesios) [Eph. ii. 19-22].

5 **F**Ratres. Iam non estis hospites et aduene. sed estis ciues  
sanctorum et domestici dei. superedificati supra funda-  
mentum apostolorum et prophetarum. Ipso summo angulari  
lapide christo iesu. in quo omnis edificatio constructa crescit in  
10 templum sanctum in domino. In quo et uos coedificamini in  
habitaculum dei in spiritu sancto.

(Ad ephesios) [Eph. iv. 7-13].

**F**Ratres. Unicuique uestrum data est gratia. secundum  
mensuram donationis christi. Propter quod dicit. As-  
cendens christus in altum captiuam duxit captiuitatem. dedit  
15 dona omnibus†. Quod autem ascendit quid est. nisi quia et  
descendit primum in inferiores partes terre. Qui descendit.  
ipse est et qui ascendit super omnes celos ut adimpleret omnia.  
Et ipse dedit quosdam quidem apostolos quosdam autem  
20 prophetas. alios uero euangelistas. alios autem pastores et  
doctores. ad consumationem sanctorum. in opus ministerii in  
edificatione† corporis christi. donec occurramus omnes in uni-  
tatem fidei. et agnitionis filii dei. in uirum perfectum. in  
mensuram etatis plenitudinis christi.

(Ad Romanos) [Rom. viii. 28-39].

25 **F**Ratres. Scimus quoniam diligentibus deum omnia co-  
operantur in bonum. his qui secundum propositum uocati  
sunt sancti. Nam quos presciuit: et predestinauit conformes  
fieri imagini filii sui: ut sit ipse primogenitus in multis†  
30 fratribus. Quos autem predestinauit: hos et uocauit. Et  
quos uocauit. hos et iustificauit. Quos autem iustificauit. hos et  
magnificauit. Quid ergo dicemus ad hec? Si deus est pro  
nobis. quis contra nos. Qui etiam proprio filio suo non  
pepercit. sed pro nobis omnibus tradidit illum. Quomodo  
35 non etiam cum illo omnia nobis donauit? Quis accusabit  
aduersus electos dei? Deus qui iustificat. quis est qui  
condemnet. Christus iesus qui mortuus est. imo et qui resur-  
rexit. qui est ad dexteram dei. qui etiam interpellat pro nobis.  
Quis ergo nos separabit a caritate christi? Tribulatio an  
40 angustia. an persecutio. an fames. an nuditas. an periculum. an  
gladius. Sicut scriptum est. Quia propter te mortificamur  
tota die. extimati sumus ut oues occisionis. Sed in his  
omnibus superamus propter eum qui dilexit nos. Certus sum

enim. quia neque mors. neque uita. neque angeli. neque principatus. neque potestates. neque uirtutes. neque instantia. neque fortitudo. neque altitudo/ neque profundum. [fo. 151. Neque creatura alia poterit nos separare a caritate dei. que  
5 est in christo iesu domino nostro.

*Subscripta epistola dicitur tantum in euangelistis.*

(*lectio ezechielis prophete*) [Ezech. i. 10-14].

**S**imilitudo uultus quatuor animalium facies hominis. et facies leonis. a dextris ipsorum quatuor. Facies autem  
10 bouis a sinistris ipsorum quatuor. Et facies aquile† desuper ipsorum quatuor. Et facies eorum et penne eorum extente desuper. Due penne singulorum iungebantur. et due tegebant corpora eorum. Et unumquodque eorum. coram facie sua ambulabat. Ubi erat impetus spiritus illuc gradiebantur.  
15 nec reuertebantur cum ambularent. Et similitudo animalium et aspectus eorum. quasi carbonum ignis ardentium. et quasi aspectus lampadarum. Hec erat uisio discurrens in medio animalium. splendor ignis. et de igne fulgur egrediens. Et animalia ibant et reuertebantur in similitudinem fulgoris  
20 corruscantis.

(*Graduale.*) Constitues eos principes super omnem terram memores erunt nominis tui domine. (*V.*) Pro patribus tuis nati sunt tibi filii. propterea populi confitebuntur tibi. (*V.*) Nimis honorati sunt amici tui deus. nimis confortatus est principatus  
25 eorum. (*V.*) Dinumerabo eos. et super arenam multiplicabuntur.

(*Graduale.*) In omnem terram exiuit sonus eorum et in fines orbis terre uerba eorum. (*V.*) Celi enarrant gloriam dei et opera manuum eius annuntiat firmamentum alleluia. (*V.*) Ego uos elegi de mundo ut eatis et fructum afferatis. et fructus uester maneat.  
30 alleluia. (*V.*) Nimis honorati sunt amici tui deus nimis confortatus est principatus eorum. alleluia. (*V.*) Uos estis qui permansistis mecum in temptationibus meis. ego autem in medio uestrum sum sicut qui ministrat. alleluia. (*V.*) Te gloriosus apostolorum chorus laudat domine.

35 (*euangelium.*)

**H**Oc est preceptum meum. *Require supra in uigilia unius apostoli.* [p. 403.]

(*Secundum Iohannem*) [Ioh. xv. 17-25].

**I**N illo tempore. Dixit iesus discipulis suis. Hec mando  
40 uobis. ut diligatis inuicem. Si mundus uos odit. scitote quia me priorem uobis odio habuit. Si de mundo fuissetis mundus quod suum erat diligeret. Quia uero de mundo non

estis. sed ego elegi uos de mundo. propterea odit uos mundus. Mementote sermonis mei. quem ego dixi uobis. Non est seruus maior domino suo. Si me persecuti sunt. et uos persequuntur. Si sermonem meum seruauerunt. et uestrum seruabunt. Sed hec omnia facient uobis propter nomen meum. quia nesciunt eum qui me misit. Si non uenissem et locutus eis non fuisset. peccatum non haberent. Nunc autem excusationem non habent de peccato suo. Qui me odit. et patrem meum odit. Si opera non fecissem in eis. que nemo alius fecit. peccatum non haberent. Nunc autem et uiderunt et oderunt me. et patrem meum. Sed ut impleatur sermo. qui in lege eorum scriptus est. Quia odio habuerunt me gratis.

(*euangelium.*)


**E**Go sum uitis uera. *Require in uigilia plurimorum apostolorum.* [p. 405.]

(*Secundum matheum*) [Mat. x. 16-22].

**I**N illo tempore. Dixit iesus discipulis suis. Ecce ego mitto uos. sicut oues in/ medio luporum. [fo. 151b. Estote ergo prudentes sicut serpentes. et simplices sicut columbe. Cauete autem ab hominibus. Tradent enim uos in consiliis. et in sinagogis suis flagelabunt† uos. et ad reges et presides ducemini propter me. in testimonium illis et gentibus. Cum autem tradent uos. nolite cogitare quomodo aut quid loquamini. Dabitur enim uobis in illa hora quid loquamini. Non enim uos estis qui loquimini. sed spiritus patris uestri qui loquitur† in uobis. Tradet autem frater fratrem in mortem. et pater filium. Et insurgent filii in parentes. et morte eos afficient. Et eritis odio omnibus hominibus. propter nomen meum. Qui autem perseuerauerit usque in finem hic saluus erit.

(*Secundum matheum*) [Mat. xix. 27-29].

**I**N illo tempore. Dixit symon petrus ad iesum. Ecce nos reliquimus omnia et secuti sumus te. Quid ergo erit nobis? Iesus autem dixit illis. Amen dico uobis. quod uos qui secuti estis me. in regeneratione cum sederit filius hominis in sede maiestatis sue. sedebitis et uos super sedes duodecim. iudicantes duodecim tribus ysrael. Et omnis qui relinquerit domum uel fratres aut sorores. aut patrem. aut matrem aut uxorem. aut filios. aut agros. propter nomen meum. centuplum accipiet. et uitam eternam possidebit.



*Subscriptum euangelium dicitur tantum in euangelistis.*

*(Secundum lucam)* [Luc. x. 1-9].

**I**N illo tempore. Designauit dominus et alios septuaginta-  
 duos. et misit illos binos ante faciem suam. in omnem  
 5 ciuitatem et locum. quo erat ipse uenturus. Et dicebat illis.  
 Messis quidem multa. operarii autem pauci. Rogate ergo  
 dominum messis ut mittat operarios in messem suam. Ite.  
 Ecce ego mitto uos. sicut agnos inter lupos. Nolite portare  
 saculum. neque peram. neque calciamenta. et neminem per  
 10 uiam salutaueritis. In quamcunque domum intraueritis.  
 primum dicite. Pax huic domui. Et si ibi fuerit filius pacis.  
 requiescet super illum pax uestra. Sin autem ad uos reuer-  
 tetur. In eadem autem domo manete. edentes et bibentes  
 que apud illos sunt. Dignus est enim operarius mercede sua.  
 15 Nolite transire de domo in domum. Et in quamcunque  
 ciuitatem intraueritis et susceperint uos. manducate que ap-  
 ponuntur uobis. Et curate infirmos qui in illa sunt. et dicite  
 illis. Appropinquauit in uos regnum dei.

*(Offertorium.)* Michi autem nimis honorificati sunt amici tui  
 20 deus. nimis confortatus est principatus eorum.

*(Offertorium.)* Constitues eos principes super omnem terram.  
 memores erunt nominis tui domine in omni progenie et generatione.

*(Offertorium.)* In omnem terram exiuit sonus eorum. et in fines  
 orbis terre uerba eorum.

25 *(Communio.)* Ego sum uitis uera et uos palmites. qui manet in  
 me et ego in eo. hic fert fructum multum. alleluia. alleluia.

*(Communio.)* Ego uos elegi de mundo ut eatis et fructum  
 afferatis. et fructus uester maneat.

*(Communio.)* Amen dico uobis quod uos qui reliquistis omnia  
 30 et secuti estis me centuplum accipietis. et uitam eternam/ [fo. 152.  
 possidebitis.

*(Communio.)* Uos qui secuti estis me sedebitis super sedes  
 iudicantes duodecim tribus ysrael.

#### (IN FESTO UNIUS MARTIRIS PONTIFICIS)

35

*Introitus.)*

**S**Tatuit ei dominus testamentum pacis et principem fecit eum. ut  
 sit illi sacerdotii dignitas in eternum.

*(Ps.)* Memento domine dauid et omnis mansuetudinis eius.  
*(V.)* Gloria.

40

*(Introitus.)*

**S**Acerdotes dei benedicite dominum. sancti et humiles corde  
 laudate deum.

*(Ps.)* Benedicite omnia opera domini domino. laudate et super-  
 exaltate eum in secula. *(V.)* Gloria.



(Oratio.)

**I**nfirmitatem nostram respice omnipotens deus. et quia pondus proprie actionis grauat beati .N. martiris tui atque pontificis. intercessio gloriosa nos protegat. Per.

(Secreta.)

**H**ostias tibi domine beati .N. martiris tui atque pontificis dicatas meritis benignus assume. et ad perpetuum nobis tribue prouenire subsidium. Per.

(Post communio.)

**R**efecti participatione muneris sacri quesumus domine deus noster. ut cuius exequimur cultum. sentiamus effectum. Per.

(Oratio.)

**D**eus qui nos beati .N. martiris tui atque pontificis. annua solemnitate letificas. concede propitius. ut cuius natalitia colimus. de eiusdem etiam protectione gaudeamus. Per.

(Secreta.)

**M**unera tibi domine dicata sanctificia. et intercedente beato .N. martire tuo atque pontifice. per eadem nos placatus intende. Per.

(Post communio.)

**H**ec nos communio domine purget a crimine. et intercedente beato .N. martire tuo atque pontifice. celestis remedii faciat esse consortes. Per.

(lectio libri sapientie) [Eccli. xxxix. 6-13].

**I**ustus cor suum tradidit ad uigilandum diluculo. ad dominum qui fecit illum. et in conspectu altissimi deprecabitur. Aperiet os suum in oratione et pro delictis suis deprecabitur. Si enim dominus magnus uoluerit spiritu intelligentie replebit illum. Et ipse tanquam imbres mittet eloquia sapientie sue. et in oratione confitebitur domino. Et ipse diriget consilium eius et disciplinam. et in absconditis suis consiliabitur. Et ipse palam faciet disciplinam doctrine sue. et in lege testamenti domini gloriabitur. Collaudabunt multi sapientiam eius. et usque in seculum non delebitur. Non recedet memoria eius. et nomen eius requiretur. a generatione in generationem.

(lectio libri sapientie) [Eccli. xxxi. 8-11].

**B**eatius uir qui inuentus est sine macula. et qui post aurum non abiit. nec sperauit in pecunie thesauris. Quis est

hic. et laudabimus eum? Fecit enim mirabilia. in uita sua. Qui probatus est in illo. et perfectus inuentus est: et erit illi gloria eterna. Qui potuit transgredi et non est transgressus: facere mala et non fecit. Ideo stabilita sunt bona illius in  
 5 domino. et elemosinas illius enarrabit omnis ecclesia sanctorum.

(*lectio libri sapientie*) [Prov. iii. 13–20].

**B**Eatus homo qui inuenit sapientiam. et qui affluit prudentia. Melior est acquisitio eius negotiatione argenti et auri.  
 10 primi et/ purissimi. Fructus eius pretiosior est [fo. 152b. cunctis opibus et omnia que desiderantur. huic non ualent comparari. Longitudo dierum in dextera eius. et in sinistra illius diuitie et gloria. Uie eius uie pulcre. et omnes semites illius pacifice. Lignum uite est his qui apprehenderint eam.  
 15 et qui tenuerit eam beatus. Dominus sapientia fundauit terram. stabiliiuit celos prudentia. Sapientia illius eruperunt abissi et nubes rore concrescunt.

(*lectio libri sapientie*) [Eccli. xiv. 22, xv. 3, 4, 6].

**B**Eatus uir qui in sapientia morabitur. et qui in iustitia  
 20 meditabitur. et in sensu cogitabit circumspectionem dei. Cibabit illum dominus pane uite et intellectus, et aqua sapientie salutaris potabit illum. Et firmabitur in illo et non flectetur. et continebit illum et non confundetur. et exaltabit illum apud proximos suos. Et nomine eterno hereditabit  
 25 illum. dominus deus noster.

(*lectio libri sapientie*) [Sapient. x. 10–14].

**I**ustum deduxit dominus per uias rectas. et ostendit illi regnum dei. Et dedit illi scientiam sanctorum. honestauit illum in laboribus. et compleuit labores illius. In fraude  
 30 circumuenientium illi affuit. et honestum fecit illum. Custodiuit eum ab inimicis et a seductoribus tutauit illum. Et certamen forte dedit illi ut uinceret. et sciret quoniam omnium potentior est sapientia. Hec uenditum iustum non dereliquit. sed a peccatoribus liberauit eum. Descenditque cum illo in  
 35 foueam et in uinculis non dereliquit eum. donec afferret illi sceptrum regni. et potentiam aduersus eos qui eum deprimebant. Et mendaces ostendit. qui maculauerunt eum. Et dedit illi claritatem eternam. dominus deus noster.

(*Ad corinthios*) [II. Cor. i. 3–7].

**F**Ratres. benedictus deus et pater domini nostri iesu christi.  
 40 pater misericordiarum. et deus totius consolationis. qui consolatur nos in omni tribulatione nostra. ut possimus et ipsi

consolari eos qui in omni pressura sunt. per exortationem qua exortamur et ipsi a deo. Quoniam sicut abundant passiones christi in uobis. ita et per christum abundat consolatio nostra. Siue autem tribulamur pro uestra exortatione et salute. siue consolamur. pro uestra consolatione et salute Siue exortamur. pro uestra exortatione et salute. que operatur tolerantiam eorundem passionum quas et nos patimur. Et spes nostra firma est pro uobis. scientes quoniam sicut sotii estis. sic eritis et consolationis. In christo iesu domino nostro.

(*Ad thymoteum*) [II. Tim. ii. 8-10, III. 10-12].

CARISIME. memor esto dominum nostrum iesum christum resurrexisse a mortuis. ex semine dauid secundum euangelium meum in quo laboro usque ad uincula quasi male operans. sed uerbum dei non est alligatum. Ideo omnia sustineo propter electos dei. ut et ipsi salutem consequantur. que est in christo iesu. cum gloria celesti. Tu autem assecutus es meam doctrinam. institutionem propositum fidem. / longanimitatem. dilectionem. patien- [fo. 153. tiam. persecutiones. passiones. qualia michi facta sunt antiochie yconio. listris. quales persecutiones sustinui. et ex omnibus eripuit me dominus. Et omnes qui uolunt pie uiuere in christo iesu. persecutiones patiuntur.

(*Graduale.*) Inueni dauid seruum meum oleo sancto meo unxi eum. manus enim mea auxiliabitur ei. et brachium meum confortabit eum. (V.) Nichil proficiet inimicus in eo. et filius iniquitatis non nocebit ei.

(*Graduale.*) Iustus ut palma florebit sicut cedrus libani multiplicabitur in domo domini. (V.) Ad annuntiandum mane misericordiam tuam et ueritatem tuam per noctem. alleluia. (V.) Tu es sacerdos in eternum secundum ordinem melchisedech. alleluia. (V.) Hic est sacerdos quem coronauit dominus. alleluia. (V.) Iustus ut palma florebit sicut cedrus libani multiplicabitur.

(*Secundum matheum*) [Mat. x. 34-42].

IN illo tempore. Dixit iesus discipulis suis. Nolite arbi- trari quia uenerim pacem mittere in terram. Non ueni pacem mittere. sed gladium. Ueni enim separare hominem aduersus patrem suum. et filiam aduersus matrem suam. et nurum aduersus socrum suam. et inimici hominis domestici eius. Qui amat patrem aut matrem plusquam me. non est me dignus. Et qui amat filium aut filiam super me. non est me dignus. Et qui non accipit crucem suam et sequitur me. non est me dignus. Qui inuenit animam suam. perdet eam. Et qui perdiderit animam suam propter me inueniet eam.

Qui recipit uos. me recipit. Et qui me recipit. recipit eum qui me misit. Qui recipit prophetam in nomine prophete. mercedem prophete accipiet. Et qui recipit iustum in nomine iusti. mercedem iusti accipiet. Et quicumque dederit potum  
 5 uni ex minimis istis calicem aque frigide tantum in nomine discipuli amen dico uobis. non perdet mercedem suam.

(*Secundum matheum*) [Mat. xvi. 24–28].

**I**N illo tempore. Dixit iesus discipulis suis. Si quis uult  
 10 uenire post me. abneget semetipsum et tollat crucem suam et sequatur me. Qui enim uoluerit animam suam saluam facere. perdet eam. Qui autem perdiderit animam suam propter me. inueniet eam. Quid enim prodest homini si uniuersum mundum lucretur. anime uero sue detrimentum  
 15 patiatur? Aut quam dabit homo commutationem pro anima sua? Filius enim hominis uenturus est in gloria patris sui cum angelis suis. et tunc reddet unicuique secundum opera sua. Amen dico uobis. sunt quidam de hic stantibus qui non gustabunt mortem. donec uideant filium hominis uenientem in regno suo.

20 (*Secundum Iohannem*) [Ioh. xii. 24–26].

**I**N illo tempore. Dixit iesus discipulis suis. Amen amen  
 dico uobis. nisi granum frumenti cadens in terra mortuum fuerit. ipsum solum manet. Si autem mortuum fuerit. multum  
 25 fructum affert. Qui amat animam suam perdet eam. Et qui odit animam suam in hoc mundo. in uitam eternam custodit eam. Si quis michi ministrat. me sequatur. Et ubi sum ego. illic et minister meus erit. /Si quis michi minis- [fo. 153b.  
 trauerit. honorificabit eum pater meus. qui est in celis.

(*Secundum matheum*) [Mat. x. 26–32].

30 **I**N illo tempore. Dixit iesus discipulis suis. Nichil opertum quod non reueletur. et occultum quod non sciatur. Quod dico uobis in tenebris. dicite in lumine. Et quod in aure  
 auditis. predicate super tecta. Et nolite timere eos qui occidunt corpus. animam autem non possunt occidere. Sed  
 35 potius eum timete. qui potest animam et corpus perdere in gehennam. Nonne duo passeret asse ueneunt et unus ex illis non cadet super terram. sine patre uestro? Uestri autem et capilli capitis. omnes numerati sunt. Nolite ergo timere. multis passeribus meliores estis uos. Omnis ergo qui con-  
 40 fitebitur me coram hominibus. confitebor et ego eum coram patre meo. qui est in celis.

(*Secundum lucam*) [Luc. xiv. 26–33].

**I**N illo tempore. Dixit iesus discipulis suis. Si quis uenit ad me. et non odit patrem suum et matrem. et uxorem. et filios. et fratres. et sorores. adhuc autem et animam suam. non potest meus esse discipulus. Et qui non baiulat crucem suam et uenit post me. non potest meus esse discipulus. Quis enim ex uobis uolens turrin edificare. nonne prius sedens computat sumptus qui necessarii sunt. si habet ad perficiendum? Ne postea quam posuerit fundamentum. et non potuerit perficere. omnes qui uident incipiant illudere ei dicentes quia hic homo cepit edificare et non potuit consummare? Aut quis rex iturus comittere bellum aduersus alium regem. non sedens prius cogitat si possit cum decemmilibus occurrere ei. qui cum uigintimilibus uenit ad se? Alioquin adhuc illo longe agente. legationem mittens. rogat ea que pacis sunt. Sic ergo omnis ex uobis. qui non renuntiat omnibus que possidet. non potest meus esse discipulus.

(*Offertorium.*) Ueritas mea et misericordia mea cum ipso et in nomine meo exaltabitur cornu eius.

(*Offertorium.*) Inueni dauid seruum meum oleo sancto meo unxi eum. manus enim mea auxiliabitur ei. et brachium meum confortabit eum.

(*Communio.*) Domine quinque talenta tradidisti michi. ecce alia quinque superlucratus sum. euge serue fidelis quia in pauca fuisti fidelis supra multa te constituam intra in gaudium domini tui.

(*Communio.*) Semel iuraui in sancto meo semen eius in eternum manebit. et sedes eius sicut sol in conspectu meo et sicut luna perfecta in eternum et testis in celo fidelis.

(*Communio.*) Posuisti domine in capite eius coronam de lapide pretioso.

## (IN FESTO UNIUS MARTIRIS NON PONTIFICIS)

(*Introitus.*)

**I**N uirtute tua domine letabitur iustus et super salutare tuum exultabit uehementer. desiderium anime eius tribuisti ei.

(*Ps.*) Quoniam preuenisti eum in benedictionibus dulcedinis posuisti in capite eius coronam de lapide pretioso. (*V.*) Gloria.

(*Introitus.*)

**L**etabitur iustus in domino et sperabit in eo et laudabuntur omnes recti corde.

(*Ps.*) Exaudi deus orationem meam cum deprecor. a timore inimici eripe animam meam. (*V.*) Gloria.

*(Introitus.)*

**I**ustus non conturbabitur. quia dominus firmat manuum eius. tota die miseretur/ et commodat. et semen eius in benedictione erit et in eternum conseruabitur. [fo. 154.]

5 *(Ps.)* Noli emulari in malignantibus. neque zelaueris facientes iniquitatem. *(V.)* Gloria.

*(Introitus.)*

**G**loria et honore coronasti eum et constituisti eum super opera manuum tuarum.

10 *(Ps.)* Domine dominus noster quam admirabile est nomen tuum in uniuersa terra. *(V.)* Gloria patri.

*(Oratio.)*

**P**resta quesumus omnipotens deus. ut qui beati .N. martiris tui natalitia colimus. intercessione eius in tui nominis amore roboremur. Per.

15 *(Secreta.)*

**M**uneribus nostris quesumus domine precibusque susceptis et celestibus nos munda misteriis et clementer exaudi. Per.

*(Post communio.)*

20 **D**A quesumus domine deus noster. ut sicut tuorum commemoratione sanctorum temporali gratulamur officio. ita perpetuo letemur aspectu. Per.

*(Oratio.)*

25 **P**resta quesumus omnipotens deus. ut intercedente beato .N. martire tuo. et a cunctis aduersitatibus liberemur in corpore. et a prauis cogitationibus mundemur in mente. Per.

*(Secreta.)*

30 **A**ccepta sit in conspectu tuo domine nostra deuotio. et eius nobis fiat supplicatione salutaris. pro cuius solemnitate defertur. Per.

*(Post communio.)*

35 **R**efecti participatione muneris sacri quesumus domine deus noster. ut cuius exequimur cultum sentiamus effectum Per.

*Epistole ut supra in communi unius martiris pontificis.*

*(Graduale.)* Beatus uir qui timet dominum in mandatis eius cupit nimis. *(V.)* Potens in terra erit semen eius. generatio rectorum benedicetur.

(*Graduale.*) Gloria et honore coronasti eum. (V.) Et constituisti eum super opera manuum tuarum domine.

(*Graduale.*) Iustus non conturbabitur. quia dominus firmat manum eius. (V.) Tota die miserebitur et commodat. et semen eius in benedictione erit.

(*Graduale.*) Posuisti domine super caput eius coronam de lapide pretioso. (V.) Desiderium anime eius tribuisti ei et uoluntate labiorum eius non fraudasti eum. alleluia. (V.) Beatus uir qui timet dominum in mandatis eius cupit nimis alleluia. (V.) Posuisti domine super caput eius coronam de lapide pretioso. alleluia. (V.) Iustus non conturbabitur quia dominus firmat manum eius. alleluia. (V.) Qui sequitur me non ambulat in tenebris sed habebit lumen uite eterne. alleluia. (V.) Letabitur iustus in domino et sperabit in eo et laudabuntur omnes recti corde alleluia. (V.) Gloria et honore coronasti eum domine.

*Euangelia dicuntur ut supra in communi unius martiris pontificis.*

(*Offertorium.*) In uirtute tua domine letabitur iustus et super salutare tuum exultabit uehementer. desiderium anime eius tribuisti ei.

(*Offertorium.*) Gloria et honore coronasti eum et constituisti eum super opera manuum tuarum domine.

(*Offertorium.*) Desiderium anime eius tribuisti ei domine et uoluntate labiorum eius non fraudasti eum. posuisti in capite eius coronam de lapide pretioso.

(*Offertorium.*) Posuisti domine in capite eius coronam de lapide pretioso. uitam petiit a te et tribuisti ei. alleluia.

(*Communio.*) Qui uult uenire post me abneget semetipsum. et tollat crucem suam et sequatur me.

(*Communio.*) Magna est gloria eius in salutari tuo gloriam et magnum decorem impones super eum domine.

(*Communio.*) Qui michi ministrat me sequatur et ubi sum ego illic et minister meus erit.

(*Communio.*) Posuisti domine super caput eius coronam de lapide pretioso.

(*Communio.*) Letabitur iustus in domino. et/ sperabit [fo. 154b. in eo. et laudabuntur omnes recti corde. alleluia.

(IN FESTO UNIUS SANCTI A PASCHA USQUE PENTECOSTEN  
UBI ALIUS NON ASSIGNATUR

*Introitus.)*

**P**Rotexisti me deus a conuentu malignantium. alleluia. a multitudine operantium iniquitatem. alleluia alleluia.

(Ps.) Exaudi deus orationem meam cum deprecor. a timore inimici eripe animam meam. (V.) Gloria.

*Oratio competens.**(lectio libri sapientie)* [Sapient. v. 1-5.]

STabunt iusti in magna constantia. aduersus eos qui se angustiauerunt. et qui abstulerunt labores eorum. Uidentes turbabuntur timore horribili. et mirabuntur in subitane  
 5 tatione insperate salutis. dicentes intra se penitentiam agentes. et pre angustia spiritus gementes. Hi sunt quos aliquando habuimus in derisum. et in similitudinem improperii Nos insensati. uitam illorum extimabamus insaniam.  
 10 et finem illorum sine honore. Ecce quomodo computati sunt inter filios dei. et inter sanctos. sors illorum est.

Alleluia. (V.) Confitebuntur celi mirabilia tua domine et enim ueritatem tuam in ecclesia sanctorum. alleluia. (V.) Posuisti domine super caput eius coronam de lapide pretioso. alleluia. (V.)  
 15 Iustus ut palma florebit et sicut cedrus libani multiplicabitur. alleluia. (V.) Iustus germinabit sicut lilium et florebit in eternum ante dominum.

*(euangelium.)*

EGO sum uitis uera. *Require supra in uigilia plurimorum apostolorum* [p. 405.]  
 20

*(Secundum Iohannem)* [Ioh. xv. 5-11].

IN illo tempore. Dixit iesus discipulis suis. Ego sum uitis uos palmites. Qui manet in me et ego in eo. hic fert fructum multum. quia sine me nichil potestis facere.  
 25 Si quis in me non manserit mittetur foras sicut palmes et arescet. et colligent eum. et in ignem mittent et ardet. Si manseritis in me et uerba mea in uobis manserint. quodcumque uolueritis petetis et fiet uobis. In hoc clarificatus est pater meus. [ut] fructum plurimum afferatis. et efficiamini  
 30 mei discipuli. Sicut dilexit me pater. et ego dilexi uos. Manete in dilectione mea. Si precepta mea seruaueritis. manebitis in dilectione mea. sicut ego precepta patris mei seruau. et maneo in eius dilectione. Hec locutus sum uobis. ut gaudium meum in uobis sit. et gaudium uestrum impleatur.  
 35

*(Offertorium.)* Confitebuntur celi mirabilia tua domine et enim ueritatem tuam in ecclesia sanctorum. alleluia. (V.) alleluia.

*(Communio.)* Letabitur iustus in domino et sperabit in eo et laudabuntur omnes recti corde. alleluia. alleluia.



(IN NATALITIIS PLURIMORUM MARTIRUM A PASCA USQUE  
PENTECOSTEN UBI ALIUS SPETIALIS NON  
ASSIGNATUR

*Introitus.*)

5 S Ancti tui domine benedicent te gloriam regni tui dicent. alleluia.

(*Ps.*) Exaltabo te deus meus rex benedicam nomini tuo in seculum  
seculi. (*V.*) Gloria.

*oratio competens.*

*(lectio libri sapientie.)*

0 S Tabunt iusti in magna constantia. *Require supra in com-*  
*muni unius sancti a pasca usque pentecosten.* [p. 418.]

Alleluia. (*V.*) Sancti tui domine florebut sicut lilium et sicut  
odor balsami erunt ante te. alleluia. (*V.*) Stabunt iusti in  
magna constantia aduersus eos qui se angustiauerunt. et qui ab-  
5 stulerunt labores eorum. alleluia. (*V.*) Pretiosa in conspectu  
domini mors sanctorum eius. alleluia. (*V.*) Mirabilis deus noster  
in sanctis suis.

*(euangelium.)*

0 E Go/ sum uitis uera. *Require supra in uigilia* [fo. 155.  
*plurimorum apostolorum.* [p. 405.]

*(euangelium.)*

E Go sum uitis et uos palmites. *Require supra in communi*  
*unius sancti a pasca usque ad pentecosten.* [p. 418.]

5 (*Offertorium.*) Letamini in domino. et exultate iusti. et gloria-  
mini omnes recti corde. alleluia.

(*Communio.*) Gaudete iusti in domino alleluia rectos decet  
collaudatio alleluia.

(IN NATALITIIS PLURIMORUM MARTIRUM

*Introitus.*)

0 I Ntret in conspectu tuo domine gemitus compeditorum. redde  
uicinis nostris septuplum in sinu eorum. uindica sanguinem  
sanctorum tuorum qui effusus est.

(*Ps.*) Deus uenerunt gentes in hereditatem tuam poluerunt  
templum sanctum tuum posuerunt ierusalem in pomorum custodiam.  
5 (*V.*) Gloria patri.

*(Introitus.)*

S Apientiam sanctorum narrent populi et laudes eorum nuntiet  
ecclesia. nomina autem eorum uiuent in seculum seculi.

0 (*Ps.*) Exultate iusti in domino rectos decet laudatio. (*V.*)  
Gloria patri.

(Introitus.)

Salus autem iustorum a domino et protector eorum est in tempore tribulationis.

(Ps.) Noli emulari in malignantibus neque zelaueris facientes  
5 iniquitatem. (V.) Gloria.

(Introitus.)

Clamauerunt iusti et dominus exaudiuit eos et ex omnibus tribulationibus eorum liberauit eos.

(Ps.) Benedicam dominum in omni tempore semper laus eius in  
10 ore meo. (V.) Gloria.

(Introitus.)

Multe tribulationes iustorum et de his omnibus liberauit eos dominus. dominus custodit omnia ossa eorum unum ex his non conteretur.

(Ps.) Benedicam dominum in omni tempore semper laus eius in  
15 ore meo. (V.) Gloria.

(Introitus.)

Ecce oculi domini super timentes eum sperantes in misericordia eius alleluia. ut eripiat a morte animas eorum. quoniam  
20 adiutor et protector eorum est alleluia. alleluia.

(Ps.) Exultate iusti in domino rectos decet laudatio. (V.)  
Gloria.

(Introitus.)

Loquetur dominus pacem in plebem suam et super sanctos suos.  
25 et in eos qui conuertuntur ad ipsum.

(Ps.) Benedixisti domine terram tuam auertisti captiuitatem  
iacob. (V.) Gloria.

(Introitus.)

Iudicant sancti gentes. et dominantur populis regnabit dominus  
30 deus illorum in perpetuum.

(Ps.) Exultate iusti in domino. rectos decet collaudatio. (V.)  
Gloria patri.

(Introitus.)

Laudate pueri dominum laudate nomen domini. qui habitare  
35 facit sterilem in domo matrem filiorum letantem.

(Ps.) Sit nomen domini benedictum. ex hoc nunc et usque in  
seculum. (V.) Gloria patri.

(Introitus.)

Timete dominum omnes sancti eius. quoniam nichil deest timen-  
40 tibus eum. diuites eguerunt. et esurierunt inquirentes autem  
dominum non deficient omni bono.

(Ps.) Benedicam dominum in omni tempore. semper laus eius in  
ore meo. (V.) Gloria patri et filio.

(Introitus.)

Iusti epulentur et exultent in conspectu dei et delectentur in letitia.

(Ps.) Exurgat deus et discipentur† inimici eius et fugiant qui oderunt eum a facie eius. (V.) Gloria patri.

(Oratio.)

Deus qui nos concedis sanctorum martirum tuorum .N. et .N. natalitia colere. da nobis in eterna beatitudine. de eorum sotietate gaudere. Per.

(Secreta.)

Munera tibi domine nostre deuotionis offerimus. que et pro tuorum tibi grata sint honore iustorum. et nobis salutaria te miserante reddantur. Per.

(Post communio.)

Presta nobis quesumus domine intercedentibus sanctis tuis .N. et .N. ut quod ore contingimus pura mente capiamus./ Per. [fo. 155b.

(Oratio.)

Deus qui nos annua sanctorum martirum tuorum .N. et .N. solemnitate letificas. concede propitius: ut quorum gaudemus meritis instruamur exemplis. Per.

(Secreta.)

Obatis quesumus domine placare muneribus et intercedentibus sanctis tuis. N. et N. a cunctis nos defende periculis. Per.

(Post communio.)

Hec nos communio domine purget a crimine. et intercedentibus sanctis tuis .N. et .N. celestis remedii faciat esse consortes. Per.

Si fuerint utrique pontifices.

(Oratio.)

Santium<sup>1</sup> martirum tuorum pariterque pontificum. N. et N. nos quesumus domine festa tueantur. et eorum commendet oratio ueneranda. Per.

(Secreta.)

Adesto domine supplicationibus nostris quas in sanctorum tuorum commemoratione deferimus. ut qui nostre ius-

<sup>1</sup> This word was first printed Entorum, to which a capital S was added in red by hand; a little later, the capital E was altered by hand into a red A, thus leaving the word as above.

titie fiduciam non habemus. eorum qui tibi placuerunt meritis adiuuemur. Per.

(*Post communio.*)

5 **Q**uesumus domine salutaribus repleti misteriis. ut quorum  
solemnia celebramus eorum orationibus adiuuemur.  
Per.

(*lectio libri sapientie*) [Prov. xv. 2-4, 6-9].

**L**ingua sapientium ornat scientiam. os fatuorum ebullit  
stultitiam. In omni loco oculi domini contemplantur  
10 bonos et malos. Lingua placabilis lignum uite. que autem  
immoderata est conteret spiritum. Domus iusti plurima  
fortitudo. et in fructibus impii conturbatio. Labia sapien-  
tium disseminabunt scientiam. cor stultorum dissimile erit.  
Uictime impiorum abhominabiles domino. uota iustorum  
15 placabilia. Qui consequitur iustitiam diligetur a domino.

(*lectio libri sapientie*) [Sapient. v. 16-20, 22].

**I**usti autem in perpetuum uiuent. et apud dominum est  
merces eorum. et cogitatio eorum apud altissimum.  
Ideo accipient regnum decoris. et diadema speciei de manu  
20 domini. Quoniam dextera sua teget eos. et brachio suo  
defendet illos. Accipiet armaturam zeli illius. et armabit  
creaturam ad ultionem inimicorum. Induet pro thorace  
iustitiam. et accipiet pro galea iudicium certum. Sumet  
scutum inexpugnabile equitatem. ibunt directe promissiones.  
25 Et ad certum locum deducet illos dominus deus noster.

(*lectio libri sapientie*) [Sapient. iii. 1-8].

**I**ustorum anime in manu dei sunt et non tanget eos tor-  
mentum mortis. Uisi sunt oculis insipientium mori. et  
estimata est afflictio exitus illorum et quod a nobis est iter  
30 exterminii. illi autem sunt in pace. Et si coram hominibus  
tormenta passi sunt spes illorum immortalitate plena est.  
In paucis uexati in multis bene disponentur quoniam deus  
temptauit eos. et inuenit eos dignos se. Tanquam aurum in  
fornace probauit illos et quasi holocausta hostie accepit illos.  
35 et in tempore erit respectus illorum. Fulgebunt iusti et  
tanquam scintille in arundinetis discurrent. Iudicabunt  
nationes et dominabuntur populis. / et regnabit domi- [fo. 156.  
nus illorum in perpetuum.

(*lectio libri sapientie*) [Prov. x. 28-32, xi. 3-6, 8-11].

40 **E**xpectatio iustorum letitia spes autem impiorum peribit.  
Fortitudo simplicis uia domini et pauor his qui oper-

antur malum. Iustus in eternum non commouebitur. impii autem non habitabunt in terra. Os iusti parturit sapientiam. lingua prauorum peribit. Labia iusti considerant placita. os impiorum peruersa. Simplicitas iustorum dirigit eos et supplantatio peruersorum uastabit illos. Non proderunt diuitie in die ultionis iustitia autem liberabit a morte. Iustitia simplicis dirigit uiam eius et in impietate sua corruet impius. Iustitia rectorum liberabit eos. et in insidiis suis capientur iniqui. Iustus de angustia liberatus est. et tradetur impius pro eo. Simulator ore decipit amicum suum. iusti autem liberabuntur scientia. In bonis iustorum exaltabitur ciuitas. et in perditione impiorum erit laudatio. In benedictione iustorum. exaltabitur ciuitas.

(*lectio libri sapientie*) [Sap. x. 17-21].

**R**eddet deus mercedem laborum sanctorum suorum. et deducet illos in uia mirabili. Et fuit illis in uellamento† diei. et in luce stellarum nocte. Transtulit illos per mare rubrum et transuexit illos per aquam nimiam. Inimicos autem illorum demersit in mare. et ab altitudine inferorum eduxit illos. Ideo iusti tulerunt spolia impiorum. et decantauerunt domine nomen sanctum tuum. Et uitricem† manum tuam laudauerunt pariter domine deus noster.

(*lectio libri sapientie*) [Eccli. xliv. 10-15].

**H**i sunt uiri misericordie. quorum iustitie obliuionem non acceperunt. Cum semine eorum permanent bona. hereditas sancta nepotes eorum. Et in testamentis stetit semen eorum. et filii eorum propter eos in eternum manent. Generatio eorum et gloria eorum non derelinquetur. Corpora eorum in pace sepulta sunt. et nomina eorum uiuent in secula. Sapientiam eorum narrent omnes populi. et laudem eorum pronuntiet omnis ecclesia sanctorum.

(*lectio libri sapientie*) [Eccli. ii. 18-21].

**Q**ui timent dominum non erunt increduli uerbo illius. et qui diligunt illum conseruabunt uiam illius. Qui timent dominum inquirent que bene placita sunt illi. et qui diligunt illum replebuntur lege ipsius. Qui timent dominum preparabunt corda sua. et in conspectu ipsius sanctificabunt animas suas. Qui timent dominum custodient mandata illius et patientiam habebunt usque ad circumspectionem illius.

(*lectio libri sapientie*) [Eccli. xxxix. 1-5].

**S**apientiam antiquorum exquiret sapiens. et in prophetis uacabit. Narrationem uirorum nominatorum conseruabit.

et in uersutias parabolarum simul introibit. Occulta pro-  
uerbiorum exquiret. et in absconditis parabolarum conuersa-  
bitur. In medio magnatorum ministrabit et in conspectu  
presidis apparebit. et in terram alienarum gentium pertransiet.  
5 Bona enim et mala in omnibus temptauit.

(*lectio libri sapientie*†) [I Pet. i. 3–7, iv. 1, 2].

/Benedictus deus et pater domini nostri iesu christi [fo. 156b.  
qui secundum magnam misericordiam suam. regene-  
rauit nos in spem uiuam per resurrectionem iesu christi ex  
10 mortuis. in hereditatem incorruptibilem. et incontaminatam  
et inmaresibilem† conseruatam in celis. in uobis qui in uirtute  
dei custodimini per fidem. in salutem paratam reuelari in  
tempore nouissimo. In quo exultabitis. modicum nunc si  
oportet contristari in uariis temptationibus. ut probatio uestre  
15 fidei multo pretiosior sit auro. quod per ignem probatur.  
Christo igitur passo in carne. et uos eadem cogitatione arma-  
mini. Quia qui passus est in carne desiit a peccatis. ut iam  
non hominum desideriis sed uoluntate dei quod reliquum  
est in carne uiuat temporis.

20 (*Ad hebreos*) [Heb. x. p. 32–38].

F Rares. Rememoramini pristinos dies. in quibus illumi-  
nati magnum certamen sustinuistis passionum. In  
altero quidem obprobriis et tribulationibus spectaculum facti.  
in altero autem sotii taliter conuersantium effecti. Nam et  
25 uinctis compassi estis. et rapinam bonorum uestrorum cum  
gaudio suscepistis cognoscentes uos habere meliorem et  
manentem substantiam. Nolite itaque amittere confidentiam  
uestram. que magnam habet remunerationem. Patientia  
enim uobis necessaria est. ut uoluntatem dei facientes reportetis.  
30 repromissionem. Adhuc enim modicum aliquantulum qui  
uenturus est ueniet et non tardabit. Iustus autem ex fide  
uiuuit.

(*Ad hebreos*) [Heb. xi. 33–39].

35 F Rares. Sancti per fidem uicerunt regna operati sunt  
iustitiam. adepti sunt repromissiones. Obturauerunt  
ora leonum. extinxerunt impetum ignis effugauerunt atiem  
gladii. conualuerunt de infirmitate fortes facti sunt in bello.  
Castra uerterunt ext[er]orum. acceperunt mulieres de resur-  
rectione mortuos suos. Alii autem distenti sunt. non sus-  
40 cipientes redemptionem. ut meliorem inuenirent resur-  
rectionem. Alii uero ludibria et uerbera experti. insuper et  
uincula et carceres. Lapidati sunt. secti sunt. temptati sunt.  
in occisione gladii mortui sunt. Circuierunt in melotis et in

pellibus caprinis. egentes. angustiati. afflicti quibus dignus non erat mundus. In solitudinibus errantes et in montibus et in speluncis et in cauernis terre. Et hi omnes testimonio fidei probati inuenti sunt. In christo iesu domino nostro.

5 (*Graduale.*) Gloriosus deus in sanctis suis mirabilis in maiestate faciens prodigia. (*V.*) Dexter a tua domine glorificata est in uirtute. dextera manus tue confregit inimicos.

0 (*Graduale.*) Confitebuntur celi mirabilia tua domine. et ueritatem tuam in ecclesia sanctorum. (*V.*) Misericordias tuas domine in eternum cantabo in generatione et progenie.

(*Graduale.*) Anima nostra sicut passer erepta est de laqueo uenantium. (*V.*) Laqueus contritus est et nos liberati sumus. adiutorium nostrum in nomine domini qui fecit celum et terram.

5 (*Graduale.*) Clamauerunt iusti et dominus exaudiuit eos. et ex omnibus tribulationibus eorum liberauit eos. (*V.*) Iuxta est dominus his qui tribulato sunt corde et humiles/ spiritu [fo. 157. saluabuntur.

0 (*Graduale.*) Ecce quam bonum et quam iocundum habitare fratres in unum. (*V.*) Sicut unguentum in capite quod descendit in barbam. barbam aaron.

(*Graduale.*) Iustorum anime in manu dei sunt et non tanget illos tormentum malitie. (*V.*) Uisi sunt oculis insipientium mori. illi autem sunt in pace.

5 (*Graduale.*) Uindica domine sanguinem sanctorum tuorum qui effusus est. (*V.*) Posuerunt mortalia seruorum tuorum escas uolatilibus celi carnes sanctorum tuorum bestiis terre.

(*Graduale.*) Exultabunt sancti in gloria letabuntur in cubilibus suis. (*V.*) Cantate domino canticum nouum laus eius in ecclesia sanctorum.

0 (*Graduale.*) Timete dominum omnes sancti eius quoniam nichil deest timentibus eum. (*V.*) Inquirentes autem dominum non deficient omni bono.

(*Graduale.*) Pretiosa in conspectu domini mors sanctorum eius. (*V.*) Credidi propter quod locutus sum ego autem humiliatus sum nimis. alleluia. (*V.*) Sancti tui domine benedicent te gloriam regni tui dicent. alleluia. (*V.*) Laudate pueri dominum. laudate nomen domini. alleluia. (*V.*) Gaudete iusti in domino rectos decet collaudatio. alleluia. (*V.*) Mirabilis dominus noster in sanctis suis. alleluia. (*V.*) Exultabunt sancti in gloria letabuntur in cubilibus suis. alleluia. (*V.*) Corpora sanctorum in pace sepulta sunt et uiuent nomina eorum in generatione et generationem. alleluia. (*V.*) Iusti epulentur et exultent in conspectu dei et delectentur in letitia. alleluia. (*V.*) Fulgebunt iusti et tanquam sintille† in arundinetis discurrent in eternum. alleluia. (*V.*) Te martirum candidatus laudat exercitus domine. alleluia. (*V.*) Pretiosa in conspectu domini mors sanctorum eius. alleluia. (*V.*) Letamini in domino et exultate

iusti et gloriamini omnes recti corde. alleluia. (V.) Hec est uera fraternitas que uincit mundi crimina. christum secuta est inclita tenens regna celestia alleluia. (V.) Iudicabunt sancti nationes et dominabuntur populis et regnabit illorum rex in eternum. alleluia.

- 5 (V.) Iustorum anime in manu dei sunt et non tanget illos tormentum malitie. alleluia. (V.) Tradiderunt corpora sua propter deum ad supplitia ideo coronantur et accipiunt palmam alleluia. (V.) Laudate dominum in sanctis eius laudate eum in firmamento uirtutis eius.

10

(*Secundum matheum*) [Mat. v. 1-12].

- I**N illo tempore. Uidens iesus turbas ascendit in montem. Et cum sedisset. accesserunt ad eum discipuli eius. Et aperiens os suum docebat eos dicens. Beati pauperes spiritu. quoniam ipsorum est regnum celorum. Beati mites. quoniam  
15 ipsi possidebunt terram. Beati qui lugent. quoniam ipsi consolabuntur. Beati qui esurierunt et sitiunt iustitiam. quoniam ipsi saturabuntur. Beati misericordes. quoniam ipsi misericordiam consequentur. Beati mundo corde quoniam ipsi deum uidebunt. Beati pacifici. quoniam filii dei uoca-  
20 buntur. Beati qui persecutionem patiuntur propter iustitiam. quoniam ipsorum est regnum celorum. Beati estis cum maledixerint uobis homines et persecuti uos fuerint. et dixerint omne malum aduersus uos mentientes propter me. Gaudete et exultate quoniam merces uestra copiosa est in  
25 celis.

(*Secundum matheum*) [Mat. xxiv. 3-13].

- I**N illo tempore. Sedente iesu super montem oliueti. accesserunt ad eum discipuli eius secreto dicentes. Dic nobis quando hec erunt. et quod erit signum aduentus tui et  
30 consumationis seculi. Et respondens iesus dixit eis. Uidete ne quis/ uos seducat. Multi enim uenient in nomine [fo. 157b. meo dicentes ego sum christus. et multos seducent. Audituri enim estis prelia et opiniones preliorum. Uidete ne turbe  
35 mini. oportet enim hec fieri. sed nondum est finis. Consurget enim gens in gentem et regnum in regnum. et erunt pestilentie et fames. et terre motus per loca. Hec autem omnia initia sunt dolorum. Tunc tradent uos in tribulationem et occident uos et eritis odio omnibus hominibus propter nomen  
40 meum. et tunc scandalizabuntur multi et inuicem tradent et odio habebunt ad inuicem. Et multi pseudo prophete surgent. et seducent multos. Et quoniam habundabit iniquitas: refrigescet caritas multorum. Qui autem perseuerauerit usque in finem hic saluus erit.



(*Secundum lucam*) [Luc. xii. 1-8].

**I**N illo tempore. Dixit iesus discipulis suis. Attendite a fermento phariseorum quod est ypocrisis. Nichil operum quod non reueletur neque absconditum quod non sciatur. Quoniam que in tenebris dixistis in lumine dicentur. et quod in aure locuti estis in cubiculis. predicabitur in tectis. Dico autem uobis amicis meis ne terreamini ab his qui occidunt corpus. et post hec non habent amplius quid faciant. Ostendam autem uobis quem timeatis. Timete eum qui postquam occiderit. habet potestatem mittere in gehennam. Ita dico uobis. hunc timeate. Nonne quinque passeress ueneunt dipondio et unus ex his non est in obliuione coram deo? Sed et capilli capitis uestri. omnes numerati sunt. Nolite ergo timere multis passeribus pluris estis uos. dico autem uobis. Omnis quicumque confessus fuerit me coram hominibus. et filius hominis confitebitur eum coram angelis dei.

(*Secundum lucam*) [Luc. vi. 17-23].

**I**N illo tempore. Descendens iesus de monte. stetit in loco campestri. et turba discipulorum eius et multitudo copiosa plebis ab omni iudea et ierusalem et maritima et tiri et sidonis. qui uenerant ut audirent eum et sanarentur a langoribus suis. Et qui uexabantur a spiritibus immundis curabantur. Et omnis turba querebat eum tangere. quia uirtus de illo exibat et sanabat omnes. Et ipse eleuatis oculis in discipulos suos dicebat. Beati pauperes. quoniam uestrum est regnum dei. Beati qui nunc esuritis. quoniam saturabimini. Beati qui nunc fletis. quia ridebitis. Beati eritis cum uos oderint homines et cum separauerint uos et exprobrauerint et eiecerint nomen uestrum tanquam malum propter filium hominis. Gaudete in illa die et exultate. ecce enim merces uestra multa est in celis.

(*Secundum matheum*†) [Luc. xi. 47-54].

**I**N illo tempore. Dicebat iesus turbis iudeorum et principibus sacerdotum. Ue uobis qui edificatis monumenta prophetarum. Patres uestri occiderunt illos. Profecto testificamin† quod consentitis operibus patrum uestrorum. quoniam ipsi eos quidem/ occiderunt. Uos autem edificatis [fo. 158. eorum sepulcra. Propterea et sapientia dei dixit. Mittam ad illos prophetas et apostolos et ex illis occident et persequentur. ut inquiratur sanguis omnium prophetarum qui effusus est a constitutione mundi a generatione ista. a sanguine abel usque ad sanguinem zacharie. qui periit inter altare et edem. Ita dico uobis requiretur ab hac generatione.

Ue uobis legisperitis qui tulistis clauem scientie. ipsi non. introistis. et eos qui introibant proibuistis. Cum hec ad illos diceret ceperunt pharisei et legisperiti grauiter insistere. et os eius opprimere. de multis insidiantes ei et querentes capere  
 5 aliquid ex ore eius ut accusarent eum.

(*Secundum lucam*) [Luc. xxi. 9-19].

**I**N illo tempore. Dixit iesus discipulis suis. Cum audieritis prelia et seditiones nolite terreri. oportet hec primum fieri sed nondum statim finis. Tunc dicebat illis. Surget  
 10 gens contra gentem. et regnum aduersus regnum. et terremotus magni erunt per loca. et pestilentie. et fames. terror-  
 esque de celo et signa magna erunt. Sed ante hec omnia initient uobis manus suas et persequentur. tradentes in syna-  
 15 gogas et custodias trahentes ad reges et presides propter  
 nomen meum. Continget autem uobis in testimonium. Ponite ergo in cordibus uestris non premeditari quemad-  
 modum respondeatis. Ego enim dabo uobis os et sapientiam cui non poterunt resistere et contradicere omnes aduersarii  
 20 et amicis et morte afficient ex uobis. Et eritis odio omnibus  
 hominibus propter nomen meum. Et capillus de capite uestro non peribit. In patientia uestra possidebitis animas  
 uestras.

(*Secundum lucam*) [Luc. x. 16-20].

**I**N illo tempore. Dixit iesus discipulis suis. Qui uos audit  
 25 me audit. et qui uos spernit me spernit. Qui autem me  
 spernit. spernit eum qui me misit. Reuersi sunt autem  
 septuaginta duo cum gaudio dicentes. Domine etiam  
 demonia in nomine tuo subiciuntur nobis. Et ait illis.  
 30 Uidebam sathanam sicut fulgur de celo cadentem. Ecce  
 dedi uobis potestatem calcandi supra serpentes et scorpiones  
 et supra omnem uirtutem inimici et nichil uobis nocebit.  
 Uerumtamen in hoc nolite gaudere quia spiritus subiciuntur  
 uobis. Gaudete autem quia nomina uestra scripta sunt in  
 35 celis.

(*Secundum matheum*) [Mat. xi. 25-30].

**I**N illo tempore. Respondens iesus dixit. Confiteor tibi  
 domine pater celi et terre quia abscondisti hec a sapien-  
 tibus et prudentibus et reuelasti ea paruulis. Ita pater  
 40 quoniam sic placitum fuit ante te. Omnia michi tradita  
 sunt a patre meo. Et nemo nouit filium nisi pater. neque  
 patrem quis nouit nisi filius. et cui uoluerit filius reuelare.  
 Uenite ad me omnes qui laboratis et onerati estis. et ego

reficiam uos. Tollite iugum meum super uos. et discite a me quia mitis sum et humilis corde/ et inuenietis [fo. 158b. requiem animabus uestris. Iugum enim meum suaue est. et onus meum leue est.

5 (*Offertorium.*) Anima nostra sicut passer erepta est de laqueo uenantium. laqueus contritus est et nos liberati sumus.

(*Offertorium.*) Repleti sumus mane misericordia tua et exultauimus et delectati sumus. alleluia.

0 (*Offertorium.*) Mirabilis deus in sanctis suis deus ysrael ipse dabit uirtutem et fortitudinem plebi sue benedictus deus alleluia.

(*Offertorium.*) Exultabunt sancti in gloria letabuntur in cubilibus suis exultationes dei in faucibus eorum.

5 (*Offertorium.*) Gloriabuntur in te omnes qui diligunt nomen tuum. quoniam tu benedices iustos domine ut scuto bone uoluntatis tue coronasti nos.

(*Offertorium.*) Iustorum anime in manu dei sunt et non tanget illos tormentum mortis uisi sunt oculis insipientium mori illi autem sunt in pace alleluia.

0 (*Offertorium.*) Letamini in domino et exultate iusti et gloriamini omnes recti corde.

(*Communio.*) Multitudo languentium et qui uexabantur a spiritibus immundis ueniebant ad eum quia uirtus de illo exibat et sanabat omnes.

5 (*Communio.*) Iustorum anime in manu dei sunt et non tanget illos tormentum malitie uisi sunt oculis insipientium mori illi autem sunt in pace.

(*Communio.*) Beati mundo corde quoniam ipsi deum uidebunt. beati pacifici quoniam filii dei uocabuntur. beati qui persecutionem patiuntur propter iustitiam quoniam ipsorum est regnum celorum.

0 (*Communio.*) Gaudete iusti in domino rectos decet collaudatio. alleluia.

(*Communio.*) Posuerunt mortalia seruorum tuorum domine escas uolatilibus celi carnes sanctorum tuorum bestiis terre secundum magnitudinem brachii tui posside filios morti punitorum.

5 (*Communio.*) Quicumque fecerit uoluntatem patris mei qui in celis est. ipse meus frater et soror et mater est dicit dominus.

(*Communio.*) Et si coram hominibus tormenta passi sunt deus temptauit eos tanquam aurum in fornace probauit eos dominus et quasi holocausta accepit eos.

0 (*Communio.*) Anima nostra sicut passer erepta est de laqueo uenantium.

(*Communio.*) Signa eos qui in me credent hec sequentur demonia eicient. super egros manus imponent et bene habebunt.

(*Communio.*) Dico autem uobis amicis meis ne terreamini ab his qui uos persequuntur.

(*Communio.*) Quod dico uobis in tenebris. dicite in lumine. dicit dominus et quod in aure auditis predicate super tecta.

## 5 (IN NATALITIIS UNIUS CONFESSORIS PONTIFICIS

*Introitus.*)

**S**Tatuit ei dominus testamentum pacis et principem fecit eum ut sit illi sacerdotii dignitas in eternum.

(*Ps.*) Memento domine dauid et omnis mansuetudinis eius.  
10 (*V.*) Gloria.

*(Introitus.)*

**S**Acerdotes tui domine induant iustitiam et sancti tui exultent propter dauid seruum tuum non auertas faciem christi tui.

(*Ps.*) Memento domine dauid et omnis mansuetudinis eius.  
15 (*V.*) Gloria.

*(Introitus.)*

**S**Acerdotes eius induant salutari. et sancti eius exultatione exultabunt.

(*Ps.*) Memento domine dauid et omnis mansuetudinis eius.  
20 (*V.*) Gloria.

*(Introitus.)*

**S**Acerdotes dei benedicite dominum sancti et humiles corde laudate deum.

(*Ps.*) Benedicite omnia opera domini domino. laudate et super-  
25 exaltate eum in secula. (*V.*) Gloria.

*(Introitus.)*

**I**ustus ut palma florebit sicut cedrus libani multiplicabitur plantatus in domo domini in atriis domus dei nostri.

(*Ps.*) Bonum est confiteri domino et psallere nomini tuo altissime. (*V.*) Gloria.  
30

*(Oratio.)*

**D**A quesumus omnipotens deus. ut beati. N. confessoris tui atque pontificis ueneranda solennitas. et deuotionem nobis augeat et salutem. Per.

35 (*Secreta.*)

**S**ancti tui domine quesumus nos ubique letificent. ut dum /eorum merita recolimus patrocinia sentiamus. [fo. 159. Per.

(Post communio.)

PResta quesumus omnipotens deus. ut de perceptis muneribus gratias exhibentes intercedente beato. N. confessore tuo atque pontifice beneficia potiora sumamus. Per.

(Alia oratio.)

EXaudi quesumus domine preces nostras quas in beati. N. confessoris tui atque pontificis solemnitate deferimus. ut qui tibi digne meruit famulari eius intercedentibus meritis ab omnibus nos absolue peccatis. Per.

(Secreta.)

SAncti. N. confessoris tui atque pontificis quesumus domine annua solemnitas pietati tue nos reddat acceptos. ut per hec pie placationis officia et illum beata retributio committetur et nobis gratie tue dona conciliet. Per.

(Post communio.)

DEus fidelium remunerator animarum. presta. ut beati. N. confessoris tui atque pontificis cuius uenerandam celebramus festiuitatem. precibus eius indulgentiam consequamur. Per.

*Subscripta epistola dicitur tantum in doctoribus.*

(Ad titum†) [II. Tim. iv. 1-8].

CArissime. Testificor coram deo et christo iesu. qui iudicaturus est uiuos et mortuos. per aduentum ipsius et regnum eius. Predica uerbum insta oportune importune. argue. obseca. increpa. in omni patientia et doctrina. Erit enim tempus cum sanam doctrinam non substinebunt. sed ad sua desideria coaceruabunt sibi magistros prurientes auribus. Et a ueritate quidem auditum auertent ad fabulas autem conuertentur. Tu uero uigila. in omnibus labora opus fac euangeliste. mi[ni]sterium tuum imple sobrius esto. Ego enim iam delibor et tempus mee resolutionis instat. Bonum certamen certauī. cursum consumaui. fidem seruaui. In reliquo reposita est michi corona iustitie. quam reddet michi dominus in illa die iustus iudex. Non solum autem michi. sed et his qui diligunt aduentum eius.

(lectio libri sapientie) [Eccli. xlv. 1-6].

DIllectus deo et hominibus cuius memoria in benedictione est. Similem illum fecit in gloria sanctorum et magnificauit eum in timore inimicorum. et in uerbis suis monstra placuit. Glorificauit eum in conspectu regum. et unxit illum coram populo suo et ostendit illi gloriam suam. In fide et

lenitate ipsius sanctum fecit illum. et elegit eum ex omni carne. Audiuit enim uocem ipsius. et induxit illum in nube. Et dedit illi cor ad precepta et legem uite et discipline.

(*lectio libri sapientie*) [Eccli. xlvii. 9-13, xxiv. 1-4].

5 **D**Edit dominus confessionem sancto suo. et excelso in uerbo glorie. De omni corde suo laudauit dominum. et dilexit deum qui fecit illum. Et dedit illi contra inimicos potentiam. et stare fecit cantores contra altare. et in sono eorum dulces fecit modos. Et dedit in celebrationibus decus et ornaui  
10 tempora usque ad consumationem uite. Christus purgauit peccata ipsius et exaltauit in eternum cornu ipsius. /Sapientia laudabit animam suam. et in deo [fo. 159b. honorabitur. et in medio populi sui gloriabitur. Et in ecclesiis altissimi aperiet os suum. et in conspectu uirtutis  
15 illius gloriabitur. In medio populi sui exaltabitur. et in plenitudine sancta admirabitur et in multitudine electorum habebit laudem. et inter benedictos benedicetur.

(*lectio libri sapientie*) [Sapient. iv. 7-11, 13-15].

20 **I**ustus si morte preoccupatus fuerit in refrigerio erit. Senectus enim uenerabilis est non diuturna neque numero annorum computata. Cani enim sunt sensus hominis. et etas senectutis uita immaculata. Placens deo factus est dilectus et uiuens inter peccatores translatus est. Raptus  
25 est ne malitia mutaret intellectum eius. aut ne fictio deciperet animam illius. Consumatus in breui expleuit tempora multa placita enim erat deo anima illius. Propter hoc properauit educere illum de medio iniquitatum. quoniam gratia dei et misericordia est in sanctos eius. et respectus in electos illius.

30 (*epistola.*)

**B**enedictus deus et pater domini nostri ihesu christi. *Require supra in uigilia plurimorum apostolorum.* [p. 404.]

(*Ad hebreos*) [Heb. xiii. 9-16].

35 **F**Ratres. Doctrinis uariis et peregrinis nolite abduci. Optimum est enim gratia stabilire cor non escis que non profuerunt ambulantibus in eis. Habemus altare de quo edere non habent potestatem qui tabernaculo deseruunt.† Quorum enim animalium infertur sanguis pro peccato. in sancta per pontificem. horum corpora cremantur extra castra. Prop-  
40 ter quod et iesus ut sanctificaret per suum sanguinem populum. extra portam passus est. Exeamus igitur ad eum extra castra in properium eius portantes. Non enim habemus hic manen-

tem ciuitatem. sed futuram inquirimus. Per ipsum ergo offeramus hostiam laudis semper deo. idest fructum labiorum confitentium nomini eius. Beneficentie autem et communionis nolite obliuisci. Talibus enim hostiis promeretur deus.

(*Ad hebreos*) [Heb. vii. 23-27].

**F**Ratres. Plures facti sunt sacerdotes secundum legem. Idcirco quod morte prohiberentur permanere. Iesus autem eo quod maneat [in] eternum sempiternum habet sacerdotium. Unde et saluare in perpetuum potest accedens per semetipsum ad deum. semper uiuens ad interpellandum pro nobis. Talis enim decebat ut nobis esset pontifex. sanctus. innocens. impolutus. segregatus a peccatoribus. et excelsior celis factus. qui non habet quotidie necessitatem quemadmodum sacerdotes. prius pro suis delictis hostias offerre. deinde pro populo. hoc enim fecit semel se offerendo. dominus noster iesus christus.

(*lectio libri sapientie*) [Eccli. xlv. 20, 22, 25, xlv. 3].

**E**Cce sacerdos magnus qui in diebus suis placuit deo et inuentus est iustus. et in tempore iracundie† factus est reconciliatio. Non est inuentus similis illi. qui conseruaret legem excelsi. Ideo iureiurando fecit illum dominus /crescere in plebem suam. Benedictionem omnium [fo. 160. gentium dedit illi. et testamentum suum confirmauit super caput eius. Cognouit eum in benedictionibus suis. et conseruauit illi misericordiam suam. et inuenit gratiam coram oculis domini. Magnificauit eum in conspectu regum. et dedit illi coronam glorie. Statuit illi testamentum sempiternum. et dedit illi sacerdotium magnum. et beatificauit illum in gloria. Fungi sacerdotio. et habere laudem in nomine ipsius. et offerre illi incensum dignum. in odorem suauitatis.

(*epistola.*)

**F**Ratres. Spectaculum facti sumus. *Require in uigilia plurimorum apostolorum.* [p. 405.]

(*Lectio libri sapientie*) [Eccli. xxiv. 1-5, 21-22].

**S**APientia laudauit animam suam et in domino honorabitur. et in medio populi sui gloriabitur. Et in excelsis altissimi aperiet os suum. et in conspectu uirtutis illius gloriabitur. In medio populi sui exaltabitur. et in plenitudine sancta admirabitur et in multitudine electorum. habebit laudem. et inter benedictos benedicetur dicens. Ego ex ore altissimi prodii. primogenita ante omnem creaturam. Ego quasi libanus non incisus. uaporaui habitationem meam. et quasi balsamum non

mixtum odor meus. Ego quasi terrebintus extendi ramos meos. et rami mei honoris et gratie.

(*Graduale.*) Ecce sacerdos magnus qui in diebus suis placuit deo. (*V.*) Non est inuentus similis illi qui conseruaret legem  
5 excelsi.

(*Graduale.*) Sacerdotes eius induant salutari et sancti eius exultatione exultabunt. (*V.*) Illuc producam cornu dauid paraui lucernam christo meo.

(*Graduale.*) Iurauit dominus et non penitebit eum tu es  
10 sacerdos in eternum secundum ordinem melchisedech. (*V.*) Dixit dominus domino meo sede a dextris meis.

(*Graduale.*) Inueni dauid seruum meum oleo sancto meo unxi eum. manus enim mea auxiliabitur ei et brachium meum confortabit eum. (*V.*) Nichil proficiet inimicus in eo et filius iniquitatis non  
15 nocebit ei.

(*Graduale.*) Iustus ut palma florebit sicut cedrus libani multiplicabitur in domo domini. (*V.*) Ad annuntiandum mane misericordiam tuam et ueritatem tuam per noctem. alleluia. (*V.*) Tu es sacerdos in eternum secundum ordinem melchisedech. alleluia. (*V.*)  
20 Hic est sacerdos quem coronauit dominus. alleluia. (*V.*) Iustus ut palma florebit et sicut cedrus libani multiplicabitur. alleluia. (*V.*) Inueni dauid seruum meum oleo sancto meo unxi eum. alleluia. (*V.*) Disposui testamentum electis meis iuraui dauid seruo meo. alleluia. (*V.*) Memento domine dauid et omnis mansuetudinis  
25 eius. alleluia. (*V.*) Iustus germinabit sicut lilium. et florebit in eternum ante dominum. alleluia. (*V.*) Domine quinque talenta tradidisti michi ecce alia quinque superlucratus sum. alleluia. (*V.*) Iurauit dominus et non penetebit eum tu es sacerdos in eternum secundum ordinem melchisedech. alleluia. (*V.*) Amauit eum  
30 dominus et ornauit eum stollam glorie induit eum.

*Subscriptum euangelium dicitur tantum in doctoribus.*

(*Secundum matheum*) [Mat. v. 13-19].

**I**N illo tempore. Dixit iesus discipulis suis. Uos estis sal  
terre. Quod si sal euanuerit. in quo salietur? Ad  
35 nichilum ualet ultra nisi ut mittatur foras. et conculcetur ab hominibus. Uos estis lux mundi. Non potest ciuitas abscondi supra montem posita. neque accendunt lucernam/ et [fo. 160b. ponunt eam sub modio. sed super candelabrum. ut luceat omnibus qui in domo sunt. Sic luceat lux uestra coram  
40 hominibus. ut uideant uestra bona opera et glorificent patrem uestrum qui in celis est. Nolite putare quoniam ueni soluere legem aut prophetas. Non enim ueni soluere legem. sed adimplere. Amen quippe dico uobis donec transeat celum et terra iota unum aut unus apex non preteribit a lege donec  
45 omnia fiant. Qui ergo soluerit unum de mandatis istis



minimus† et docuerit sic homines. minus† uocabitur in regno celorum. Qui autem fecerit et docuerit. hic magnus uocabitur in regno celorum.

(*Secundum matheum*) [Mat. xxiv. 42–47].

**I**N illo tempore. Dixit iesus discipulis suis. Uigilate quia nescitis qua hora dominus uester uenturus sit. Illud autem scitote quoniam si sciret pater familias qua hora fur ueniret. uigilaret utique et non sineret perfodi domum suam. Ideoque et uos estote parati. quia nescitis qua hora filius hominis uenturus sit. Quis putas est fidelis seruus et prudens quem constituit dominus super familiam suam. ut det illis cibum in tempore? Beatus ille seruus quem cum uenerit dominus eius. inuenerit sic faciendum. Amen dico uobis. quoniam super omnia bona sua constituet eum.

(*Secundum matheum*) [Mat. xxv. 14–23].

**I**N illo tempore. Dixit iesus discipulis suis parabolam hanc. Homo quidam peregre proficiscens uocauit seruos suos et tradidit illis bona sua. Et uni dedit quinque talenta. alii autem duo. alii uero unum. Unicuique secundum propriam uirtutem. et profectus est statim. Abiit autem qui quinque talenta acceperat. et operatus est in eis et lucratus est alia quinque. Similiter autem et qui duo talenta acceperat lucratus est alia duo. Qui autem unum acceperat. abiens fodit in terram et abscondit pecuniam domini sui. Post multum uero temperis† uenit dominus seruorum illorum. et posuit rationem cum eis. Et accedens qui quinque talenta acceperat. obtulit alia quinque talenta dicens. Domine quinque talenta tradidisti michi. ecce alia quinque superlucratus sum. Ait illi dominus eius. Euge serue bone et fidelis quia in pauca fuisti fidelis. supra multa te constituam. intra in gaudium domini tui. Accessit autem et qui duo talenta acceperat. et ait. Domine duo talenta tradidisti michi. ecce alia duo superlucratus sum. Ait illi dominus eius. Euge serue bone et fidelis. quia super pauca fuisti fidelis. supra multa te constituam. Intra in gaudium domini tui.

(*Secundum lucam*) [Luc. xii. 35–40].

**I**N illo tempore. Dixit iesus discipulis suis. Sint lumbi uestri precincti. et lucerne ardentes in manibus uestris. Et uos similes hominibus expectantibus dominum suum quando reuertatur a nuptiis. ut cum uenerit et pulsauerit confestim aperiant ei. Beati serui illi quos cum uenerit dominus eius inuenerit uigilantes. Amen/ dico uobis quod [fo. 161. precinget se et faciet eos discumbere. et transiens ministrabit

illis. Et si uenerit in secunda uigilia et si in tertia uigilia uenerit et ita inuenerit. beati sunt serui illi. Hoc autem scitote quoniam si sciret pater familias qua hora fur ueniret. uigilaret utique et non sineret perfodi domum suam. Ideo  
 5 et uos estote parati. quia qua hora non putatis. filius hominis ueniet.

(*Secundum lucam*) [Luc. xi. 33–36].

IN illo tempore. Dixit iesus discipulis suis. Nemo accendit  
 10 lucernam et in abscondito ponit neque sub modio sed super candelabrum. ut qui ingrediuntur. lumen uideant. Lucerna corporis tui est oculus tuus. Si oculus tuus simplex fuerit. totum corpus tuum lucidum erit. Si autem nequam fuerit. etiam corpus tuum tenebrosus erit. Uide ergo ne lumen quod in te est tenebre sint. Si ergo totum corpus tuum  
 15 lucidum fuerit. et non habens aliquam partem tenebrarum erit lucidum totum. Et sicut lucerna fulgoris illuminabit te.

(*Secundum marcum*) [Marc. xiii. 33–37].

IN illo tempore. Dixit iesus discipulis suis. Uidete uigilate  
 20 et orate. Nescitis enim quando tempus sit. Sicut homo qui peregre profectus est reliquit domum suam et dedit seruis suis potestatem cuiusque operis et ianitori precepit ut uigilet. Uigilate ergo nescitis enim quando dominus domus ueniat. sero an. media nocte. an galli cantu. an mane. ne cum uenerit repente inueniat uos dormientes. Quod autem uobis dico  
 25 omnibus dico uigilate.

(*Secundum lucam*) [Luc. xii. 32–34].

IN illo tempore. Dixit iesus discipulis suis. Nolite timere  
 pusillus grex quia complacuit patri uestro dare uobis regnum. Vendite que possidetis et date elemosinam.  
 30 Facite uobis saculos qui non ueterescunt† thesaurum non deficientem in celis. quo fur non appropriat. neque tinea non corrumpit. Ubi enim est thesaurus tuus ibi et cor tuum erit.

(*Secundum lucam*) [Luc. xix. 12–26].

IN illo tempore. Dixit iesus discipulis suis. Homo quidam  
 35 nobilis abiit in regionem longinquam. accipere sibi regnum. et reuerti. Uocatis autem decem seruis suis dedit illis decem mnas. et ait ad illos. Negotiamini dum uenio. Ciues autem eius oderant illum. et miserunt legationem post illum. dicentes. Nolumus hunc regnare super nos. Et factum est  
 40 cum rediret accepto regno iussit uocari seruos suos quibus dedit pecuniam. ut sciret quantum quisque negotiatus esset. Uenit autem primus dicens. Domine mna tua decem mnas

acquiſiuit. Et ait illi : Euge ſerue bone. quia in pauca fuiſti fidelis. eris poteſtatem habens ſuper decem ciuitates. Et alter uenit dicens. Domine mna tua fecit quinque mnas. Et huic ait. Et tu eſto ſuper quinque ciuitates. Et alter uenit dicens. Domine mna tua quam habui. ecce repositam in ſudario. Timui enim te quia homo austerus es. tollis quod non poſuiſti et metis/ quod non ſeminasti. Dicit [fo. 161b. illi. De ore tuo te iudico ſerue nequam. Sciebas quod homo austerus ſum. tollens quod non poſui. et metens quod non ſeminaui. Et quare non dedisti pecuniam meam ad mensam. et ego ueniens utique cum uſuris exegiſſem illam. Et aſtantibus dixit. Auferte ab illo mnam. et date illi qui decem mnas habet. Et dixerunt ei. Domine. Habet decem mnas. Dico autem uobis. quia omni habenti dabitur. et abundabit ab eo autem qui non habet. et quod uidetur habere auferetur ab eo.

(*euangelium.*)

Ecce nos relinquimus omnia. *Require ſupra in communi apoſtolorum.* [p. 409.]

(*Offertorium.*) Inueni dauid ſeruum meum oleo ſancto meo unxi eum manus enim mea auxiliabitur ei et brachium meum confortabit eum.

(*Offertorium.*) Ueritas mea et miſericordia mea cum ipſo et in nomine meo exaltabitur cornu eius.

(*Offertorium.*) Iuſtus ut palma florebit ſicut cedrus libani multiplicabitur.

(*Offertorium.*) In uirtute tua domine letabitur iuſtus et ſuper ſalutare tuum exultabit uehementer deſiderium anime eius tribuiſti ei.

(*Communio.*) Beatus ſeruus quem cum uenerit dominus inuenit uiſilantem amen dico uobis ſuper omnia bona ſua conſtituet eum.

(*Communio.*) Domine quinque talenta tradidiſti michi ecce alia quinque ſuperlucratus ſum euge ſerue bone et fidelis quia in pauca fuiſti fidelis ſupra multa te conſtituam intra in gaudium domini tui.

(*Communio.*) Fidelis ſeruus et prudens quem conſtituit dominus ſuper familiam ſuam ut det illis in tempore tritici meſuram.

(*Communio.*) Semel iuraui in ſancto meo ſemen eius in eternum manebit et ſedes eius ſicut ſol in conſpectu meo et ſicut luna perfecta in eternum et teſtis in celo fidelis.

(*Communio.*) Amen dico uobis quod uos qui reliquiſtis omnia et ſecuti eſtis me. centuplum accipietis et uitam eternam poſſidebitis.

(IN NATIUITATE UNIUS CONFESSORIS NON PONTIFICIS.

*(Introitus.)*

OS iusti meditabitur sapientiam et lingua eius loquetur iudicium  
lex dei eius in corde ipsius.

5 (Ps.) Noli emulari in malignantibus neque zelaueris facientes  
iniquitatem. (V.) Gloria.

*(Introitus.)*

Iustus ut palma florebit sicut cedrus libani multiplicabitur plan-  
tatus in domo domini in atriis domus dei nostri. (V.) Bonum  
10 est confiteri domino. et psallere nomini tuo altissime. (V.) Gloria.

*(Oratio.)*

DEus qui nos beati. N. confessoris tui annua solemnitate  
letificas. concede propitius. ut cuius natalitia colimus  
etiam actiones imitemur. Per.

15 *(Secreta.)*

LAudis tue domine hostias immolamus in tuorum com-  
memoratione sanctorum. quibus nos et presentibus exui-  
malis confidimus et futuris. Per.

*(Post communio.)*

20 REfecti cibo potuque celesti domine deus noster te sup-  
plices exoramus. ut in cuius hec commemoratione  
percepimus. eius muniamur et precibus. Per.

*(Oratio.)*

25 Adesto domine supplicationibus nostris quesumus [quas]  
in beati. N. confessoris tui solemnitate deferimus. ut qui  
nostre iustitie fidutiam non habemus. eius qui tibi placuit  
precibus adiuuemur. Per.

*(Secreta.)*

30 PREsta nobis quesumus omnipotens deus. ut nostre humili-  
tatatis† oblatio. et pro tuorum tibi grata sit honore  
sanctorum. et nos corpore pariter et mente purificet. Per.

*(Post communio.)*

35 Quesumus omnipotens deus. ut qui celestia ali- [fo. 162.  
menta percepimus intercedente beato. N. confessore  
tuo per hec contra omnia aduersa muniamur. Per.

*Si fuerit abbas.*

*(Oratio.)*

INTERcessio nos quesumus domine beati. N. abbatis commendet ut quod nostris meritis non ualemus eius patrocinio assequamur. Per.

*(Secreta.)*

SACris altaribus domine hostias superpositas sanctus .N. abbas quesumus in salutem nobis prouenire deposcat. Per.

*(Post communio.)*

PROtegat nos domine cum tui perceptione sacramenti beatus .N. abbas pro nobis intercedendo ut conuersationis eius experiamur insignia. Per.

*(epistola.)*

Si fuerit doctor. Testificor coram deo. [p. 431.]

*(epistola.)*

Dilectus deo et hominibus. [p. 431.]

*(epistola.)*

Dedit dominus confessionem sancto suo. [p. 432.]

*(epistola.)*

Iustus si morte preoccupatus fuerit. *Require in communi unius confessoris pontificis.* [p. 432.]

*(epistola.)*

Benedictus deus. [p. 404.]

*(epistola.)*

Spectaculum facti sumus. *Require in uigilia plurimorum apostolorum.* [p. 405.]

*(epistola.)*

Sapientia laudabit animam suam. *Require in communi unius confessoris pontificis.* [p. 433.]

*(Graduale.)* Domine preuenisti eum in benedictionibus dulcedinis posuisti in capite eius coronam de lapide pretioso. (V.) Vitam petiit a te et tribuisti ei longitudinem dierum in seculum seculi.

*(Graduale.)* Iustus ut palma florebit sicut cedrus libani multiplicabitur in domo domini. (V.) Ad annuntiandum mane misericordiam tuam et ueritatem tuam per noctem.

(*Graduale.*) Os iusti meditabitur sapientiam et lingua eius loquetur iudicium. (*V.*) Lex dei eius in corde ipsius. et non supplantabuntur gressus eius. alleluia. (*V.*) Beatus uir qui suffert temptationem quoniam cum probatus fuerit accipiet coronam uite. 5 alleluia. (*V.*) Beatus uir qui timet dominum in mandatis eius cupit nimis. alleluia. (*V.*) Amauit eum dominus et ornauit eum stollam glorie induit eum. alleluia. (*V.*) Iustus ut palma florebit sicut cedrus libani multiplicabitur. alleluia. (*V.*) Iustus germinabit sicut lilium et florebit in eternum ante dominum.

10 (*euangelium.*)

*Si fuerit doctor.* Uos estis sal terre. [p. 434.]

(*euangelium.*)

Uigilate quia nescitis. [p. 435.]

(*euangelium.*)

15 Sint lumbi uestri precincti. [p. 435.]

(*euangelium.*)

Nemo accendit lucernam. [p. 436.]

(*euangelium.*)

Uidete uigilate et orate. [p. 436.]

20 (*euangelium.*)

Nolite timere pusilus grex. [p. 436.]

(*euangelium.*)

Homo quidam nobilis. [p. 436.]

omnia suprascripta *Require in communi unius confessoris*  
25 *pontificis.*

(*euangelium.*)

Ecce nos relinquimus omnia. *Require in communi apostolorum.* [p. 409.]

30 (*Offertorium.*) Ueritas mea et misericordia mea cum ipso et in nomine meo exaltabitur cornu eius.

(*Offertorium.*) In uirtute tua domine letabitur iustus et super salutare tuum exultabit uehementer desiderium anime eius tribuisti ei.

35 (*Offertorium.*) Desiderium anime eius tribuisti ei domine et uoluntate labiorum eius non fraudasti eum posuisti in capite eius coronam de lapide pretioso.

(*Communio.*) Beatus seruus quem cum uenerit dominus eius inuenerit uigilantem amen dico uobis super omnia bona sua constituet eum.

(*Communio.*) Amen dico uobis quod uos qui reliquistis omnia et secuti estis me centuplum accipietis et uitam eternam possidebitis.

(*Communio.*) Fidelis seruus et prudens quem constituit dominus super familiam suam ut det illis in tempore tritici mensuram.

## (IN NATALITIIS UIRGINUM

*Introitus.*)

**D**illexisti iustitiam et odisti iniquitatem propterea unxit te deus. deus tuus oleo letitie pre consortibus tuis.

(*Ps.*) Eructauit/ cor meum uerbum bonum dico ego [fo. 162b. opera mea regi. (*V.*) Gloria.

*(Introitus.)*

**U**ltum tuum deprecabuntur omnes diuites plebis adducentur regi uirgines post eam proxime eius adducentur tibi in letitia et exultatione.

(*Ps.*) Eructauit cor meum uerbum bonum dico ego opera mea regi. (*V.*) Gloria.

*(Introitus.)*

**C**ognoui domine quia equitas iustitia tua et in ueritate tua humiliasti me. et confige timore tuo carnes meas a mandatis tuis non me repellas.

(*Ps.*) Beati immaculati in uia qui ambulant in lege domini. (*V.*) Gloria patri.

*(Introitus.)*

**L**oquebar de testimoniis tuis in conspectu regum et non confundebam. et meditabor in mandatis tuis que dilexi nimis.

(*Ps.*) Beati immaculati in uia qui ambulant in lege domini. (*V.*) Gloria.

*(Introitus.)*

**M**E expectauerunt peccatores ut perderent me testimonia tua domine intellexi omnis consumationis uidi finem latum mandatum tuum nimis.

(*Ps.*) Beati immaculati in uia qui ambulant in lege domini. (*V.*) Gloria patri.

*(Oratio.)*

**D**eus qui inter cetera potentie tue miracula etiam in sexu fragili uictoriam martirii contulisti. concede propitius. ut qui beate. N. natalitia colimus per eius ad te exempla gradiamur. Per.

*(Secreta.)*

**S**uscipe domine munera que in beate. N. martiris tue sollemnitate deferimus. cuius nos confidimus patrocini liberari. Per.

(*Post communio.*)

AUxilientur nobis domine sumpta misteria. et intercedente beata. N. martire tua sempiterna faciant protectione gaudere. Per.

5

(*Oratio.*)

INDulgentiam nobis quesumus domine beata. N. uirgo et martir imploret. que tibi grata semper extitit et merito castitatis et tue professione uirtutis. Per.

(*Secreta.*)

10

HOSTias tibi domine beate. N. martiris tue dicatas meritis benignus assume. et ad perpetuum nobis tribue prouenire subsidium. Per.

(*Post communio.*)

15

DIuini muneris [largitate] satiati quesumus domine deus noster. ut intercedente beata. N. martire tua in eius semper participatione uiuamus. Per.

(*Oratio.*)

20

EXaudi nos deus salutaris noster. ut sicut de beate. N. festiuitate gaudemus. ita pie deuotionis erudiamur affectu. Per.

(*Secreta.*)

ACcepta tibi sit domine sacrate plebis oblatio pro tuorum honore sanctorum. quorum se meritis percepisse de tribulatione cognoscit auxilium. Per.

25

(*Post communio.*)

SATIasti domine familiam tuam muneribus sacris. eius quesumus interuentione nos refoue. cuius solemnia celebramus. Per.

*Si plures fuerint.*

30

(*Oratio.*)

DA nobis quesumus domine deus noster sanctarum uirginum et martirum tuarum. N. et N. palmas incessabili ueneratione uenerari. ut quas digna mente non possumus celebrare. humilibus saltem frequentemus obsequiis. Per.

35

(*Secreta.*)

INTende domine quesumus munera altaribus tuis pro sanctarum tuarum. N. et N. commemoratione/ pre- [fo. 163. posita] it sicut per hec beata misteria illius† gloriam contulisti. ita nobis indulgentiam largiaris. Per.



(*Post communio.*)

**P**Resta nobis domine quesumus intercedentibus sanctis tuis. ut quod ore contingimus pura mente capiamus. Per.

(*lectio libri sapientie*) [Eccli. li. 13-17].

**D**omine deus meus exaltasti super terram habitationem meam. et pro morte defluenti deprecata sum. Inuocaui dominum patrem domini mei. ut non derelinquat me in die tribulationis mee. et in tempore superbiorum sine adiutorio. Laudabo nomen tuum assidue. et collaudabo illud in confessione. et exaudita est oratio mea. liberasti me de perditione. et eripuisti me de tempore iniquo. Propterea confitebor tibi et laudem dicam nomini tuo. domine deus noster.

(*Ad corinthios*) [II. Cor. x. 17-xi. 2].

**F**Ratres. Qui gloriatur in domino gloriatur. Non enim qui seipsum commendat ille probatus est. sed quem deus commendat. Utinam sustineretis modicum quid insipientie mee. sed et supportate me. Emulor enim uos. dei emulatione. Despondi enim uos uni uiro. uirginem castam. exhibere christo.

(*Ad corinthios*) [I. Cor. vii. 25-34].

**F**Ratres. De uirginibus preceptum domini non habeo. consilium† autem do tanquam misericordiam consecutus a deo. ut sim fidelis. Existimo enim hoc bonum esse propter instantem necessitatem. quoniam bonum est homini sic esse. Alligatus es uxori. noli querere solutionem. Solutus es ab uxore. noli querere uxorem. Si autem acceperis uxorem. non peccasti. Et si nupserit uirgo non peccauit. Tribulationem tamen carnis. habebunt huiusmodi. Ego autem uobis parco. Hoc itaque dico fratres tempus breue est. Reliquum est. ut qui habent uxores tanquam non habentes sint. et qui flent tanquam non flentes. et qui gaudent tanquam non gaudentes. et qui emunt tanquam non possidentes. et qui utuntur hoc mundo. tanquam non utantur. Preterit enim figura huius mundi uolo autem uos sine solitudine esse. Qui sine uxore est sollicitus est que domini sunt quomodo placeat deo. Qui autem cum uxore est. sollicitus est que sunt mundi. quomodo placeat uxori et diuisus est. Mulier innupta et uirgo. cogitat que domini sunt. ut sit sancta et corpore et spiritu. In christo iesu domino nostro.

(*lectio libri sapientie*) [Prov. viii. 22-35].

**D**ominus possedit me in initio uiarum suarum. antequam quicquam faceret a principio. Ab eterno ordinata sum

et ex antiquis. ante quam terra fieret. Nec dum erant abissi et ego iam concepta eram. Nec dum fontes aquarum eruperant. nec dum montes graui mole constiterant ante omnes colles ego parturiebar. Adhuc terram non fecerat.  
 5 et flumina et cardines orbis terre. Quando preparabat celos aderam. quando certa lege et giro uallabat abissos: quando ethera firmabat sursum et librabat fontes aquarum. Quando/ circundabat mari terminum suum. et [fo. 163b. legem ponebat aquis ne transirent fines suos. Quando  
 10 appendebat fundamenta terre cum eo eram cuncta componens. et delectabar per singulos dies ludens coram eo omni tempore. ludens in orbem terrarum. et delitie mee esse cum filiis hominum. Nunc ergo filii audite me. beati qui custodiunt uias meas. Audite disciplinam et estote sapientes  
 15 et nolite abicere eam. Beatus uir qui audit me. et qui uigilat ad fores meas quotidie et obseruat ad postes hostii mei. Qui me inuenerit inueniet uitam et auriem salutem a domino.

(*lectio libri sapientie*) [Eccli. li. 1-8, 12].

20 **C**onfitebor tibi domine rex. et collaudabo te deum saluatorem meum. Confitebor nomini tuo quoniam adiutor et protector factus es michi. et liberasti corpus meum a perditione. A laqueo lingue inique. et a labiis operantium mendatum. et in conspectu persequentium factus es michi  
 25 adiutor. Et liberasti me secundum multitudinem misericordie nominis tui. a rugientibus preparatis ad escam de manibus querentium animam meam. et de multis tribulationibus que circumdederunt me. A pressura flamme que circumdedit me. et in medio ignis non sum estuata. De altitudine uentris  
 30 inferi et a lingua coinquinata. et a uerbo mendatii. A rege iniquo et a lingua iniusta liberasti me. Laudabit usque ad mortem anima mea dominum. quoniam eruis sustinentes te. et liberas eos de manu angustie. domine deus noster.

(*Graduale.*) Dilexisti iustitiam et odisti iniquitatem. (*V.*) Propterea unxit te deus deus tuus oleo letitie.  
 35

(*Graduale.*) Specie tua et pulcritudine tua intende prospere procede et regna. (*V.*) Propter ueritatem et mansuetudinem et iustitiam et deducet te mirabiliter dextera tua.

(*Graduale.*) Adiuuabit eam deus uultu suo. deus in medio eius  
 40 non commouebitur. (*V.*) Fluminis impetus letificat ciuitatem dei. sanctificauit tabernaculum suum altissimus.

(*Graduale.*) Concupiuit rex decorem tuum quoniam ipse est.

(*Graduale.*) Diffusa est gratia in labiis tuis propterea benedixit te deus in eternum. (*V.*) Propter ueritatem et mansuetudinem et

iusticiam et deducet te mirabiliter dextera tua. dominus deus tuus. (V.) Audi filia et uide et inclina aurem tuam.

(Graduale.) Audi filia et uide et inclina aurem tuam quia concupiuit rex speciem tuam. (V.) Specie tua et pulcritudine tua intende prospere procede et regna.

(Graduale.) Propter ueritatem et mansuetudinem et iustitiam et deducet te mirabiliter dextera tua. (V.) Audi filia et uide et inclina aurem tuam quia concupiuit rex speciem tuam. alleluia. (V.) Diffusa est gratia in labiis tuis propterea benedixit te deus in eternum. alleluia. (V.) Loquebar de testimoniis tuis in conspectu regum et non confundebam. alleluia. (V.) Quinque prudentes uirgines acceperunt oleum in uasis suis cum lampadibus media autem nocte clamor factus est. ecce sponsus uenit exite obuiam christo domino. alleluia. (V.) Adducentur regi uirgines post eam proxime eius offerentur tibi in letitia. alleluia. (V.) Specie tua et pulcritudine tua intende prospere procede et regna. alleluia. (V.) Hec est uirgo sapiens et una de numero prudentum. alleluia. (V.) O quam pulcra est casta generatio cum claritate.

(Secundum matheum) [Mat. xiii. 44-52].

IN illo tempore. Dixit iesus discipulis suis para- [so. 164. bolam hanc. Simile est regnum celorum thesauro abscondito in agro quem qui inuenit homo abscondit. et pre gaudio illius uadit et uendit uniuersa que habet et emit agrum illum. Iterum simile est regnum celorum homini negotiatori querenti bonas margaritas. Inuenta autem una pretiosa margarita. abiit et uendidit uniuersa que habuit et emit eam. Iterum simile est regnum celorum sagene misse in mare. et ex omni genere piscium congreganti. Quam cum impleta esset educentes. et secus littus sedentes elegerunt bonos in uasa sua. malos autem foras miserunt. Sic erit in consumatione seculi. Exibunt angeli et separabunt malos de medio iustorum. Et mittent eos in caminum ignis. Ibi erit fletus. et stridor dentium. Intellexistis hec omnia? Dicunt ei. Etiam. Ait illis. Ideo omnis scribe doctus in regno celorum. similis est homini patri familias. qui profert de thesauro suo noua et uetera.

(Secundum matheum) [xxv. 1-13].

IN illo tempore. Dixit iesus discipulis suis. parabolam hanc. Simile est regnum celorum decem uirginibus. que accipientes lampadas suas exierunt obuiam sponso et sponse. Quinque autem ex eis erant fatue. et quinque prudentes. Sed quinque fatue. acceptis lampadibus non sumpserunt oleum secum. Prudentes uero acceperunt oleum in uasis suis. cum lampadibus. Moram autem faciente sponso

dormitauerunt omnes et dormierunt. Media autem nocte clamor factus est. ecce sponsus uenit. exite obuiam ei. Tunc surrexerunt omnes uirgines ille. et ornauerunt lampades suas. Fatue autem sapientibus dixerunt. Date nobis de oleo  
 5 uestro. quia lampades nestre† extinguntur. Responderunt prudentes dicentes. Ne forte non sufficiat nobis et uobis ite potius ad uendentes et emite uobis. Dum autem irent emere uenit sponsus. et que parate erant intrauerunt cum eo ad nuptias. et clausa est ianua. Nouissime uero uenerunt  
 10 et relique uirgines dicentes. Domine domine. aperi nobis. At ille respondens. ait. Amen dico uobis nescio uos. Uigilate itaque. quia nescitis diem neque horam.

(*Offertorium.*) Offerentur regi uirgines post eam proxime eius offerentur tibi.

15 (*Offertorium.*) Diffusa est gratia in labiis tuis propterea benedixit te deus in eternum et in seculum seculi.

(*Offertorium.*) Filie regum in honore tuo astitit regina a dextris tuis in nestitu† de aurato† circumdata uarietate.

(*Offertorium.*) Offerentur regi uirgines post eam proxime eius  
 20 offerentur tibi in letitia et exultatione. adducentur in templum regi domino.

(*Communio.*) Diffusa est gratia in labiis tuis propterea benedixit te deus in eternum.

(*Communio.*) Feci iudicium et iustitiam domine non calum-  
 25 nientur michi superbi ad omnia mandata tua dirrigebar omnem uiam iniquitatis odio habui.

(*Communio.*) Quinque prudentes uirgines acceperunt oleum in uasis suis cum lampadibus. media autem nocte clamor factus est ecce sponsus uenit. exite obuiam christo domino.

30 (*Communio.*) Simile est regnum celorum homini negotiatori querenti bonas/ margaritas inuenta una pretiosa margarita [fo. 164b. dedit omnia sua et comparauit eam.

(*Communio.*) Confundantur superbi quia iniuste iniquitatem fecerunt in me. ego autem in mandatis tuis exercebor in tuis  
 35 iustificationibus ut non confundar.

(*Communio.*) Dilexisti iustitiam et odisti iniquitatem propterea unxit te deus deus tuus.

(*Communio.*) Principes persecuti sunt me gratis et a uerbis tuis formidauit cor meum. letabor ego super eloquia tua quasi qui  
 40 inuenit spolia multa. concupiuit anima mea testimonia tua domine et dilexit ea uehementer.

## [IN DEDICATIONE ECCLESIE.]

*In ipsa die dedicationis ecclesie totum officium agitur ut infra in anniversario dedicationis ecclesie. preter orationes loco quarum dicuntur orationes sequentes.*

(*Oratio.*)

**D**Eus qui inuisibiliter omnia continet et tamen pro salute humani generis signum tue potentie uisibiliter ostendis. templum hoc potentie tue inhabitationis illustra ut omnes qui huc deprecaturi conueniunt. ex quacunque tribulatione ad te clamauerint consolationis tue beneficia consequantur. Per.

(*Secreta.*)

**D**Eus qui sacrandorum auctor es munerum. effunde super hanc orationis domum tuam benedictionem. ut ab omnibus inuocantibus nomen tuum. defensionis tue auxilium sentiat. Per.

(*Post communio.*)

**M**ultiplica quesumus domine per hec sancta que sumpsi-  
mus in animabus nostris ueritatem tuam. ut in templo  
sancto tuo iugiter adoremus. et in conspectu tuo cum sanctis  
omnibus gloriemur. Per.

(IN ANNIUERSARIO DEDICATIONIS ECCLESIE.

*Introitus.*)

**T**erribilis est locus iste. hic domus dei est et porta celi. et  
uocabitur aula dei.

(*Ps.*) Quam dilecta tabernacula tua domine uirtutum. concupiscit et defecit anima mea in atria domini. (*V.*) Gloria.

(*Oratio.*)

**D**Eus qui nobis per singulos annos huius sancti templi tui  
consecrationis reparas diem et sacris semper misteriiis  
representas incolumes. exaudi preces populi tui. et presta. ut  
quisquis hoc templum beneficia petiturus ingreditur. cuncta  
se impetrasse letetur. Per.

(*lectio libri apochalipsis beati Iohannis apostoli*)

[Apoc. xxi. 2-5].

**I**N diebus illis. Uidi ciuitatem sanctam yerusalem nouam  
descendentem de celo a deo paratam sicut sponsam

ornatam uiro suo. Et audiui uocem magnam de throno dicentem. Ecce tabernaculum dei cum hominibus. et habitabit cum eis. Et ipsi populus eius erunt. et ipse deus cum eis erit eorum deus. Et absterget deus omnem lacrimam  
 5 ab oculis eorum. et mors ultra non erit. neque luctus. neque clamor. neque dolor erit ultra. que prima abierunt. Et dixit qui sedebat in throno. Ecce noua facio omnia.

(*Graduale.*) Locus iste a deo factus est inextimabile sacramentum irreprehensibilis est. (*V.*) Deus cui astat angelorum  
 10 chorus exaudi preces seruorum tuorum. alleluia. (*V.*) Adorabo ad templum sanctum tuum et confitebor nomini tuo. alleluia. (*V.*) Bene fundata est domus domini supra firmam petram.

(*Secundum lucam*) [Luc. xix. 1–10].

15 **I**N illo tempore. Egressus iesus perambulabat ierico. Et ecce uir nomine zacheus. et hic erat princeps publicanorum et ipse diues. Et querebat uidere iesum quis esset. et non poterat pre turba. quia statura pusillus erat. /Et precurrens ascendit in arborem sicomorum. ut [fo. 165. uideret illum. quia inde erat transiturus. Et cum uenisset  
 20 ad locum. suspiciens iesus uidit illum. et dixit ad eum. Zachee festinans descende. quia hodie in domo tua oportet me manere. Et festinans descendit et excepit illum gaudens. Et cum uiderent omnes murmurabant dicentes. quod ad hominem peccatorem diuertisset. Stans autem zacheus dixit  
 25 ad iesum. Ecce dimidium bonorum meorum domine do pauperibus. et si quid aliquem difraudaui reddo quadruplum. Ait iesus ad eum. Quia hodie salus domui huic facta est eo quod et ipse sit filius abrae. Uenit enim filius hominis querere et saluum facere quod perierat.

30 (*Offertorium.*) Domine deus in simplicitate cordis mei letus obtuli uniuersa et populum tuum qui repertus est uidi cum ingenti gaudio. deus ysrael custodi hanc uoluntatem domine deus.

(*Secreta.*)

35 **A**Nnue quesumus domine precibus nostris. ut quicumque intra templum huius. cuius anniuersarium dedicationis diem celebramus ambitu continentur. plena tibi atque perfecta. corporis et anime deuotione placeamus. ut dum hec uota presentia reddimus. ad eterna premia te adiuuante peruenire mereamur. Per.

40 (*Communio.*) Domus mea domus orationis uocabitur dicit dominus. in ea omnis qui petit accipit et qui querit inuenit et pulsanti aperietur.

(*Post communio.*)

**D**Eus qui de uiuis et electis lapidibus eternum maiestati tue preparas habitaculum. auxiliare populo tuo supplicanti. ut quod ecclesie tue proficit corporalibus spaciis. spiritualibus amplificetur augmentis. Per.

*In ipsa die dedicationis altaris totum officium agitur ut supra in anniuersario dedicationis ecclesie preter orationes loco quarum dicuntur orationes sequentes.*

(*Oratio.*)

**D**Eus qui ex omni coaptatione sanctorum eternum tibi condis habitaculum. da edificationi tue incrementa celestia. ut quorum hic reliquias pro amore complectimur. eorum semper meritis adiuuemur. Per.

(*Secreta.*)

**O**Mnipotens sempiterne deus altare hoc nomini tuo edificatum celestis uirtutis benedictione sanctifica. et omnibus in te sperantibus auxilii tui munus ostende. ut et hic sacramentorum uirtus et uotorum obtineatur effectus. Per.

(*Post communio.*)

**Q**uesumus omnipotens deus ut in hoc loco nomini tuo dedicato cunctis petentibus aures tue pietatis accommodes. Per.

MISSA IN HONORE SANCTORUM QUORUM CORPORA  
HABENTUR.

(*Oratio.*)

**P**Ropitiare nobis quesumus domine famulis tuis. pro[<sup>pter</sup>] horum sanctorum martirum tuorum. N. et N. atque aliorum qui in presenti requiescunt ecclesia merita gloriosa. ut eorum pia intercessione. ab omnibus semper protegatur aduersis. Per.

(*Secreta.*)

**S**uscipiat clementia tua domine quesumus de manibus nostris munus oblatum. et per horum sanctorum martirum tuorum. N. et N. atque aliorum qui in presenti/[fo. 165b. requiescunt ecclesia merita gloriosa. ab omnibus nos emunda peccatis. Per.

(*Post communio.*)

**D**Iuina domine libantes misteria que pro horum sanctorum martirum tuorum. N. et N. atque aliorum qui in presenti requiescunt ecclesia ueneratione tue obtulimus maiestati. presta quesumus. ut per ea ueniam mereamur peccatorum. et celestis gratie donis reficiamur. Per.

## (MISSA IN HONORE SANCTE TRINITATIS

*Introitus.*)

Benedicta sit sancta trinitas atque indiuisa unitas confitebimur ei  
quia fecit nobiscum misericordiam suam.

5 (Ps.) Benedicamus patrem et filium cum sancto spiritu. laudemus et superexaltemus eum in secula. (V.) Gloria.

*(Oratio.)*

OMnipotens sempiterne deus. qui dedisti famulis tuis in  
confessione uere fidei. eterne trinitatis gloriam agnos-  
10 cere. et in potentia maiestatis adorare unitatem. quesumus.  
ut eiusdem fidei firmitate ab omnibus semper muniamur  
aduersis. Per.

(*Ad corinthios*) [II. Cor. xiii. 11-13].

FRatres. Gaudete perfecti estote. exortamini idem sapite.  
15 pacem habete. et deus pacis erit uobiscum. Gratia  
domini nostri iesu christi. et caritas dei et communicatio sancti  
spiritus. sit cum omnibus uobis amen.

(*Graduale.*) Benedictus es domine qui intueris abissos et sedes  
super cherubin. (V.) Benedictus es domine in firmamento celi. et  
20 laudabilis in secula. alleluia. (V.) Benedictus es domine deus  
patrum nostrorum et laudabilis in secula.

(*Secundum Iohannem*) [Ioh. xv. 26-xvi. 4].

IN illo tempore. Dixit iesus discipulis suis. Cum uenerit  
paraclitus quem ego mittam uobis a patre spiritum  
25 ueritatis. qui a patre procedit ille testimonium perhibebit de  
me. Et uos testimonium perhibebitis quia ab initio mecum  
estis. Hec locutus sum uobis. ut non scandalizemini.  
Absque synagogis facient uos. Sed uenit hora ut omnis  
qui interficit uos. arbitretur se obsequium prestare deo. Et  
30 hec facient uobis quia non nouerunt patrem neque me. Sed  
hec loquutus sum uobis ut cum uenerit hora eorum reminiscami-  
mini. quia ego dixi uobis.

(*Offertorium.*) Benedictus sit deus pater unigenitusque dei  
filius sanctus quoque spiritus quia fecit nobiscum misericordiam  
35 suam.



(Secreta.)

SANctifica quesumus domine deus noster per tui sancti nominis inuocationem huius oblationis hostiam. et per eam nosmetipsos tibi perface munus eternum. Per.

(prephatio.) Qui cum unigenito.

(Communio.) Benedicimus deum celi et coram omnibus uiuentibus confitebimur ei quia fecit nobiscum misericordiam suam.

(Post communio.)

PROficiat nobis ad salutem corporis et anime domine deus noster huius sacramenti susceptio et sempiternae sancte trinitatis eiusdemque indiuidue unitatis confessio Per.

(MISSA DE SPIRITU SANCTO.)

(Introitus.)

SPIritus domini repleuit orbem terrarum alleluia. et hoc quod continet omnia scientiam habet uocis. alleluia. alleluia. alleluia.

(Ps.) Exurgat deus et discipentur inimici eius et fugiant qui oderunt eum a facie eius. (V.) Gloria.

(Alius Introitus a septuagesima usque ad resurrectionem.)

CUM sanctificatus fuero in uobis congregabo uos de uniuersis terris. et effundam super uos aquam mundam et [fo. 166. mundabimini ab omnibus inquinamentis uestris et dabo uobis spiritum nouum.

(Ps.) Benedicam dominum in omni tempore semper laus eius in ore meo. (V.) Gloria.

(Oratio.)

DEus qui corda fidelium sancti spiritus illustratione docuisti. da nobis in eodem spiritu recta sapere. et de eius semper consolatione gaudere. Per in unitate.

(Alia oratio.)

DEus cui omne cor patet et omnis uoluntas loquitur et quem nullum latet secretum. purifica per infusionem sancti spiritus cogitationes cordis nostri. ut te perfecte diligere. et digne laudare mereamur. Per in unitate eiusdem.

(Secreta.)

HEc oblatio domine quesumus cordis nostri maculas emundet. ut sancti spiritus digna efficiatur habitatio. Per in unitate eiusdem.

(*Post communio.*)

5 **C**Oncede quesumus omnipotens deus spiritum sanctum nos uotis promereri sedulis. quatenus eius gratia et ab omnibus liberemur temptationibus et peccatorum nostrorum indulgentiam mereamur accipere. Per in unitate eiusdem.

(*lectio actuum apostolorum*) [Act. viii. 14-17].

**I**N diebus illis. Cum audissent apostoli qui erant yerosolimis quia recepit samaria uerbum dei. miserunt ad eos petrum et iohannem. Qui cum uenissent orauerunt pro  
10 ipsis. ut acciperent spiritum sanctum. Nondum enim in quemquam illorum uenerat. sed baptizati tantum erant in nomine domini iesu. Tunc imponebant manus super illos. et accipiebant spiritum sanctum.

(*Graduale.*) Beata gens cuius est dominus deus eorum populus.  
15 quem elegit dominus in hereditatem sibi. (*V.*) Uerbo domini celi firmati sunt et spiritu oris eius omnis uirtus eorum. alleluia. (*V.*) Ueni sancte spiritus reple tuorum corda fidelium et tui amoris in eis ignem accende. alleluia. (*V.*) Emitte spiritum tuum et creabuntur et renouabis faciem terre.

20 (*Secundum Iohannem*) [Ioh. xiv. 23-31].

**I**N illo tempore. Dixit iesus discipulis suis. Si quis diligit me. sermonem meum seruabit. Et pater meus diligit eum. et ad eum ueniemus et mansionem apud eum faciemus. Qui non diligit me. sermones meos non seruat. Et sermonem  
25 quem audistis non est meus. sed eius qui misit me patris. Hec loquutus sum uobis. apud uos manens. Paraclitus autem spiritus sanctus. quem mittet pater in nomine meo. ille uos docebit omnia. et suggeret uobis omnia. quecumque dixero uobis. Pacem relinquo uobis. Pacem meam do uobis. Non  
30 quomodo hic mundus dat ego do uobis. Non turbetur cor uestrum. neque formidet. Audistis quia ego dixi uobis. uado et uenio ad uos. Si diligeretis me. gauderetis utique. quia uado ad patrem. quia pater maior me est. Et nunc dixi uobis priusquam fiat. ut cum factum fuerit credatis. Iam non  
35 multa loquar uobiscum. Uenit enim princeps mundi huius. et in me non habet quicquam. Sed ut cognoscat mundus quia diligo patrem. et sicut mandatum dedit michi pater. sic facio.

(*Offertorium.*) Con/firma hoc deus quod operatus es [fo. 166b.  
40 in nobis. a templo tuo quod est in yerusalem tibi offerent reges munera. alleluia.

(Secreta.)

MUnera quesumus domine oblata sanctifica. et corda nostra sancti spiritus illustratione emunda. Per in unitate eiusdem.

5 (Communio.) Factus est repente de celo sonus aduenientis spiritus uehementis. ubi erant sedentes. alleluia. et repleti sunt omnes spiritu sancto loquentes magnalia dei. alleluia. alleluia.

(Post communio.)

0 Sancti spiritus domine corda nostra mundet infusio. et sui roris intima aspersione fecundet. Per in unitate eiusdem.

(MISSA IN HONORE SANCTE CRUCIS

Introitus.)

15 N Os autem gloriari oportet in cruce domini nostri iesu christi. in quo est salus uita et resurrectio nostra. per quem saluati et liberati sumus.

(Ps.) Deus misereatur nostri et benedicat nobis. illuminet uultum suum super nos et misereatur nostri. (V.) Gloria.

(Oratio.)

20 D Eus qui unigeniti filii tui pretioso sanguine uiuifice crucis uexillum sanctificare uoluisti. concede quesumus. eos qui eiusdem sancte crucis gaudent honore. tua quoque ubique protectione gaudere. Per.

(Ad phylippenses) [Phil. ii. 8-11].

25 F Ratres. Christus factus est pro nobis obediens usque ad mortem. mortem autem crucis. Propter quod et deus exaltauit illum et donauit illi nomen quod est super omne nomen. ut in nomine iesu. omne genu flectatur celestium. terrestrium. et infernorum. Et omnis lingua confiteatur. quia 30 dominus iesus christus. in gloria est dei patris.

(Graduale.) Christus factus est pro nobis obediens usque ad mortem. mortem autem crucis. (V.) Propter quod et deus exaltauit illum et dedit illi nomen quod est super omne nomen. alleluia. (V.) Dulce lignum dulces clauos dulcia ferens pondera que sola fuisti 35 digna sustinere regem celorum et dominum. alleluia. (V.) Dicite in gentibus quia dominus regnauit a ligno.

(Secundum matheum) [Matt. xx. 17-19].

I N illo tempore. Assumpsit iesus duodecim discipulos suos secreto. et ait illis. Ecce ascendimus yerosolimam. et 40 filius hominis tradetur principibus sacerdotum et scribis et

condemnabunt eum morte. Et tradent eum gentibus. ad illudendum. et flagellandum. et crucifigendum. Et tertia die resurget.

(*Offertorium.*) Protege domine plebem tuam. per signum sancte  
 5 crucis ab omnibus insidiis inimicorum omnium ut tibi gratam exhibeamus seruitutem et acceptabile tibi fiat sacrificium nostrum. alleluia.

(*Secreta.*)

10 **H**Ec oblatio nos quesumus domine ab omnibus purget offensis. que in ara crucis immolata etiam totius mundi tulit offensam. Per.

(*Communio.*) Per signum crucis de inimicis nostris libera nos deus noster.

(*Post communio.*)

15 **A**Desto nobis domine deus noster. et quos sancte crucis letari facis honore eius quoque perpetuis defende subdiis. Per.

(MISSA IN COMMEMORATIONE BEATE UIRGINIS MARIE AB  
 ADUENTU USQUE AD NATIUITATEM)

20 (*Introitus.*)

**R**orate celi desuper et nubes pluant iustum aperiatur terra et germinet saluatorem.

(*Ps.*) Et iustitia oriatur simul ego dominus creau i eum. (*V.*) Gloria.

25 (*Oratio.*)

**D**Eus qui de beate marie/ uirginis utero uerbum [fo. 167. tuum angelo nuntiante carnem suscipere uoluisti. presta supplicibus tuis. ut qui uere eam genitricem dei credimus eius apud te intercessionibus adiuuemur. Per eundem.

30 (*epistola.*)

Locutus est dominus ad achaz. *Require in feria quarta quatuor temporum de aduentu.* [p. 6.]

(*Graduale.*) Tollite portas principes uestras et eleuamini porte  
 35 eternales et introibit rex glorie. (*V.*) Quis ascendet in montem domini aut quis stabit in loco sancto eius innocens manibus et mundo corde. alleluia. (*V.*) Ave maria gratia plena dominus tecum benedicta tu in mulieribus.

(*euangelium.*)

Missus est gabriel. *Require ubi supra.* [p. 7.]

40 (*Offertorium.*) Ave maria gratia plena dominus tecum benedicta tu in mulieribus et benedictus fructus uentris tui.

*(Secreta.)*

IN mentibus nostris quesumus domine uere fidei sacramenta  
confirma. ut qui conceptum de uirgine deum uerum et  
hominem confitemur. per eiusdem salutifere resurrectionis  
5 potentiam. ad eternam mereamur peruenire letitiam. Per  
eundem.

*(Communio.)* Ecce uirgo concipiet et pariet filium et uocabitur  
nomen eius hemanuel.

*(Post communio.)*

GRatiam tuam quesumus domine mentibus nostris infunde.  
ut qui angelo nuntiante christi filii tui incarnationem  
cognouimus. per passionem eius et crucem. ad resurrectionis  
gloriam perducamur. Per eundem.

## (A NATIUITATE USQUE AD PURIFICATIONEM

*Introitus.)*

ULTum tuum deprecabuntur omnes diuites plebis adducentur  
regi uirgines post eam proxime eius adducentur tibi in letitia  
et exultatione.

*(Ps.)* Eructauit cor meum uerbum bonum dico ego opera mea  
20 regi. *(V.)* Gloria.

*(Oratio.)*

DEus qui salutis eterne beate marie uirginitate fecunda  
humano generi premia prestitisti. tribue quesumus. ut  
ipsam pro nobis intercedere sentiamus. per quem† meruimus  
25 auctorem uite suscipere dominum nostrum iesum christum  
filium tuum. Qui tecum.

*(Ad titum)* [Tit. iii. 4-7].

CARissime. Apparuit benignitas et humanitas saluatoris  
nostri dei. non ex operibus iustitie que fecimus nos.  
30 sed secundum suam misericordiam saluos nos fecit. Per  
lauacrum regenerationis et renouationis spiritus sancti. quem  
effudit in nos abunde. per iesum christum saluatorem nostrum.  
Ut iustificati gratia ipsius heredes simus secundum spem uite  
eterne. In christo iesu domino nostro.

*(Graduale.)* Speciosus forma pre filiis hominum diffusa est gratia  
in labiis tuis. *(V.)* Eructauit cor meum uerbum bonum dico ego  
opera mea regi. lingua mea calamus scribe uelociter scribentis.  
alleluia. *(V.)* Post partum uiro† inuiolata permansisti. dei genitrix  
intercede pro nobis.

(*euangelium.*)

Pastores loquebantur ad inuicem. *Require in secunda missa natiuitatis domini.* [p. 18.]

(*Offertorium.*) Felix namque es sacra uirgo maria et omni laude  
5 dignissima. quia ex te ortus est sol iustitiae christus deus noster.

(*Secreta.*)

Muneribus nostris quesumus domine precibusque susceptis.  
et celestibus nos munda misteriis. et clementer exaudi.  
Per.

10 (*Communio.*) Beata uiscera marie uirginis que portauerunt  
eterni patris filium.

(*Post communio.*)

Hec nos communio domine/ purget a crimine. et [fo. 167b.  
intercedente beata dei genitrice maria. celestis remedii  
15 faciat esse consortes. Per eundem.

(A PURIFICATIONE USQUE AD PASCHA.

*Introitus.*)

Salue sancta parens enixa puerpera regem. qui celum terramque  
regit in secula seculorum.

20 (*Ps.*) Virgo dei genitrix quem totus non capit orbis. in tua se  
clausit uiscera factus homo. (V.) Gloria.

(*Oratio.*)

Concede nos famulos tuos quesumus domine deus. perpetua  
mentis et corporis sanitate gaudere. et gloriosa beate  
25 marie semper uirginis intercessionem. a presenti liberari tristitia  
et eterna perfrui letitia. Per.

(*lectio libri sapientie*) [Eccli. xxiv. 14-16].

Ab initio et ante secula creata sum. et usque ad futurum  
seculum non desinam et in habitatione sancta coram  
30 ipso ministraui. Et sic in syon firmata sum et in ciuitate  
sanctificata similiter requieui. et in iherusalem potestas mea.  
Et radicaui in populo honorificato. et in partes dei mei hereditas  
illius. Et in plenitudine sanctorum detentio mea.

(*Graduale.*) Benedicta et uenerabilis [es] uirgo maria que sine  
35 tactu pudoris inuenta es mater saluatoris. (V.) Virgo dei genitrix  
quem totus non capit orbis. in tua se clausit uiscera factus homo.  
alleluia. (V.) Virga iesse floruit. uirgo deum et hominem genuit.  
pacem deus reddidit in se reconcilians ima summis.

*Post septuagesima dicitur.*

(*Tractus.*) Gaude maria uirgo cunctas hereses sola interemisti.  
 (V.) Que gabrielis archangeli dictis credidisti. (V.) Dum uirgo  
 deum et hominem genuisti. et post partum uirgo inuiolata per-  
 mansisti. (V.) Dei genitrix intercede pro nobis.

(*Secundum lucam*) [Luc. xi. 27, 28].

IN illo tempore. Loquente iesu ad turbas. extollens uocem  
 quedam mulier de turba dixit illi. Beatus uenter qui te  
 portauit. et ubera que suxisti. At ille dixit. Quin ymo?  
 Beati qui audiunt uerbum dei. et custodiunt illud.

(*Offertorium.*) Felix namque es sacra uirgo maria. et omni laude  
 dignissima. quia ex te ortus est sol iustitie christus deus noster.

(*Secreta.*)

TUa domine propitiatione. et beate marie semper uirginis  
 intercessione. ad perpetuam atque presentem. hec oblatio  
 nobis proficiat ad† prosperitatem et pacem. Per.

(*Communio.*) Beata uiscera marie uirginis que portauerunt  
 eterni patris filium.

(*Post communio.*)

SUMPTIS domine salutis nostre presidiiis. da quesumus beate  
 marie semper uirginis patrociniiis nos ubique protegi. in  
 cuius ueneratione hec tue obtulimus maiestati. Per.

(A PASCHA USQUE PENTECOSTEN.

*Introitus.*)

Salue sancta parens.

(*Oratio.*)

Concede nos.

(*epistola.*)

Ab initio.

alleluia (V.) Uirga iesse. alleluia. (V.) Aue maria.

(*Secundum Iohannem*) [Ioh. xix. 25-27].

IN illo tempore. Stabant iuxta crucem iesu mater eius. et  
 soror matris eius maria cleophe et maria magdalene.  
 Cum uidisset ergo iesus matrem et discipulum stantem quem  
 diligebat. dicit matri sue. Mulier ecce filius tuus. Deinde  
 dicit discipulo. [Ecce mater tua.] Et ex illa hora accepit  
 eam discipulus in suam.

(*Offertorium.*) Beata es uirgo maria que omnium portasti creatorem genuisti qui te fecit et in eternum permanes [uirgo]. alleluia.

(/ *Secreta.*)

[fo. 168.

Tua domine propitiatione.

5 (*Communio.*) Beata uiscera.

(*Post communio.*)

Sumptis domine.

(A PENTECOSTE USQUE AD ADUENTUM.

*Introitus.*)

10 Salve sancta parens.

(*Oratio.*)

Concede nos famulos.

(*epistola.*)

Ab initio.

15 (*Graduale.*) Benedicta et uenerabilis. (V.) Uirgo. Alleluia.  
(V.) Post partum.

(*Euangelium.*)

Loquente iesu ad turbas.

(*Offertorium.*) Aue maria. (*offertorium.*) Felix namque.

20 (*Secreta.*)

Tua domine.

(*Communio.*) Beata uiscera.

(*Post communio.*)

Sumptis domine.

25 (MISSA IN HONOREM ANGELORUM.

*Oratio.*)

30 **D**Eus qui miro ordine angelorum ministeria hominumque dispensas. concede propitius. ut quibus tibi ministrantibus in celo semper assistitur. ab his in terra uita nostra muniatur. Per.

(*Secreta.*)

35 **H**ostias tibi domine laudis offerimus suppliciter deprecantes. ut easdem angelico pro nobis interueniente suffragio et placatus accipias. et ad salutem nostram prouenire concedas. Per.



*(Post communio.)*

**R**epleti domine benedictione celesti. suppliciter imploramus. ut quod fragili celebramus officio. sanctorum angelorum atque archangelorum nobis prodesse sentiamus auxilio. Per.

5 (MISSA IN HONOREM APOSTOLORUM PETRI ET PAULI.

*(Oratio.)*

**D**eus cuius dextera beatum petrum ambulanti in fluctibus ne mergeretur erexit. et coapostolum eius paulum tertio naufraganti de profundo pelagi liberauit. exaudi nos propitius et concede. ut amborum meritis. eternitatis gloriam consequamur. Qui uiuis.

*(Secreta.)*

**O**fferimus tibi domine preces et munera. que ut tuo sint digna conspectui. apostolorum tuorum petri et pauli precibus adiuuemur. Per.

*(Post communio.)*

**P**rotege domine populum tuum et apostolorum tuorum petri et pauli patrocinio confidentem. perpetua defensione conserua. Per.

0 (MISSA AD POSCENDA SUFFRAGIA SANCTORUM.

*(Oratio.)*

**C**oncede quesumus omnipotens deus. ut intercessio nos sancte dei genitricis marie. sanctorumque omnium apostolorum martirum. confessorum. atque uirginum et omnium electorum tuorum ubique letificet. ut dum eorum merita recolimus patrocinia sentiamus. Per eundem.

*(Secreta.)*

**O**blatis domine placare muneribus. et intercedentibus omnibus sanctis tuis. a cunctis nos defende periculis. Per.

*(Post communio.)*

**S**umpsimus domine beate marie semper uirginis. et omnium sanctorum tuorum memoriam recolentes. sacramenta celestia. presta quesumus. ut quod temporaliter gerimus. eternis gaudiis consequamur. Per.

(ALIA MISSA AD POSCENDA SUFFRAGIA SANCTORUM QUAM  
FECIT DOMINUS INNOCENTIUS PAPA.

*Oratio.*)

5 **A** Cunctis nos quesumus domine mentis et corporis defende  
periculis. et intercedente beata et gloriosa uirgine dei  
genitrice maria cum beatis apostolis tuis petro et paulo atque  
beato. N. et omnibus sanctis. salutem nobis tribue benignus  
et pacem. ut destructis aduersitatibus et erroribus uniuersis  
ecclesia tua segura/ tibi seruiat libertate. Per [fo. 168b.  
10 eundem.

*(Secreta.)*

**E**Xaudi nos deus salutaris noster. ut per huius sacramenti  
uirtutem. a cunctis nos mentis et corporis hostibus  
tuearis. gratiam tribuens in presenti et gloriam in futuro.  
15 Per.

*(Post communio.)*

**M**undet et muniat nos quesumus domine diuini sacramenti  
munus oblatum. et intercedente beata uirgine dei geni-  
trice maria. cum beatis apostolis tuis petro et paulo atque  
20 beato. N. et omnibus sanctis. a cunctis nos reddas et peruersi-  
tatibus expiatis et aduersitatibus expeditos. Per eundem.

(MISSA CONTRA PERSECUTIONES ECCLESIE

*Oratio.*)

25 **E**Cclesie tue quesumus domine preces placatus admitte. ut  
destructis aduersitatibus et erroribus uniuersis. segura  
tibi seruiat libertate. Per.

*(Secreta.)*

**P**Rotege nos domine tuis misteriis seruientes. ut diuinis  
rebus inherentes et corpore tibi famulemur et mente.  
30 Per.

*(Post communio.)*

**Q**uesumus domine deus noster ut quos diuina tribuis par-  
ticipatione gaudere. humanis non sinas subiacere peri-  
culis. Per.

35

(MISSA PRO PACE.

*Oratio.*)

**D**Eus a quo sancta desideria recta consilia† et iusta sunt  
opera. da seruis tuis illam quam mundus dare non

potest pacem. ut et corda nostra mandatis tuis dedita. et hostium sublata formidine tempora sint tua protectione tranquilla. Per.

(*Secreta.*)

5 **D**Eus qui credentes in te populos nullis sinis concuti terroribus. dignare preces et hostias dicat tibi plebis suscipere. ut pax a tua pietate concessa christianorum fines ab omni hoste faciat esse securos. Per.

(*Post communio.*)

0 **D**Eus auctor pacis et amator. quem nosce uiuere. cui seruire regnare est protegere ab omnibus impugnationibus supplices tuos. ut qui in defensione tua confidimus. nullius hostilitatis arma timeamus. Per.

(MISSA PRO PAPA

*Oratio.*)

5 **D**Eus omnium fidelium pastor et rector. famulum tuum. N. quem pastorem ecclesie tue preesse uoluisti. propitius respice. da ei quesumus. uerbo et exemplo quibus preest proficere. ut ad uitam una cum grege sibi credito. perueniat  
10 sempiternam. Per.

(*Secreta.*)

**O**blatis quesumus domine placare muneribus et famulum tuum. N. quem pastorem ecclesie tue esse uoluisti. assidua protectione gubernare. Per.

25 (*Post communio.*)

**H**Ec nos quesumus domine sacramenti perceptio protegat. et famulum tuum. N. quem pastorem ecclesie tue esse uoluisti. una cum commisso sibi grege saluet semper et muniat. Per.

30 (MISSA PRO ITER AGENTIBUS.

*Oratio.*)

**A**desto domine supplicationibus nostris. et uiam famulorum  
35 tuorum in salutis tue prosperitate dispone. ut inter omnes uie et uite huius uarietates tuo semper protegantur auxilio. Per.

(*Secreta.*)

**P**ropitiare supplicationibus nostris domine. et has [fo. 169. oblationes quas tibi offerimus pro famulis tuis benignus

assume. ut uiam illorum et precedente gratia tua dirigas et subsequente commitari digneris ut de actu atque eorum in columitate secundum misericordie tue presidia gaudeamus. Per.

(*Post communio.*)

5 **T**Ua domine famulos tuos sperantes in te que sumpsimus sacramenta custodiant. et contra omnes aduersos tueantur semper incursus. Per.

(ALIA MISSA UT SUPRA.

*Oratio.*)

10 **D**Eus qui diligentibus te misericordiam† tuam semper impendis. et a seruientibus tibi in nulla es regione longinquus. dirige uiam famulorum tuorum in uoluntate tua. ut te protectore te duce per iustitie semitas sine offensione gradientur. Per.

15 (*Secreta.*)

**P**ROPITIARE domine supplicationibus nostris. et has oblationes quas offerimus pro famulis tuis benignus assume. ut uiam illorum et precedente gratia tua dirigas. et subsequente committare digneris. ut de actu atque in columitate  
20 eorum sed† misericordie tue presidia gaudeamus. Per.

(*Post communio.*)

**D**EUS infinite misericordie et maiestatis uocatur nichil difficultatis obsistat. cuncta sint prospera et sub ope misericordie tue quicquid iusto expedierunt desiderio celeri  
25 consequantur effectui. Per.

(MISSA PRO INFIRMIS.

*Oratio.*)

**O**MNIPOTENS sempiternus deus. salus eterna credentium. exaudi nos pro famulis tuis infirmis. pro quibus misericordie imploramus auxilium. ut reddita sibi sanitate. gratiarum  
30 tibi in ecclesia tua referant actiones. Per.

(*Secreta.*)

**D**EUS sub cuius nutibus uite nostre momenta decurrunt. suscipe preces et hostias famulorum tuorum pro quibus  
35 misericordiam tuam egrotantibus imploramus. ut de quorum periculo metuimus. de eius† salute letemur. Per.

(*Post communio.*)

**D**EUS infirmitatis humane singulare presidium. auxilii tui super infirmos famulos tuos ostende uirtutem. ut ope

misericordie tue adiuti. ecclesie tue sancte incolumes representari mereantur. Per.

(MISSA PRO ANNIUERSARIO PONTIFICIS.

*Oratio.*)

**D**Eus qui licet sis magnus in magnis. mirabilia tamen gloriosius operaris in minimis. concede michi famulo tuo. sacris conuenienter seruire misteriiis. atque in omnibus tua misericordia protegat. quem conscientie reatus accusat. Per.

*(Secreta.)*

**H**ostias tibi domine laudis exsoluentes suppliciter imploramus. ut quod nobis in meritis contulisti. intercedente beato petro apostolo tuo. propitius exequaris. Per.

*(Post communio.)*

**C**orporis sacri et pretiosi sanguinis repleti muneribus. quesumus domine deus noster. ut gratie tue munus quod nobis in meritis contulisti. intercedente beato petro apostolo tuo. propitius muniendo custodias. Per.

(MISSA PRO SEIPSO SACERDOTE.

*Oratio.*)

**S**uppliciter te deus pater omnipotens/ qui es [fo. 169b. creator omnium rerum deprecor. ut dum me famulum tuum coram omnipotentia maiestatis tue grauiter deliquisse confiteor. manum misericordie tue michi porrigas. quatenus dum hanc oblationem tue pietati pro peccatis meis offero. quod nequiter commisi. tu clementissime digneris absoluere. Per.

*(Secreta.)*

**D**Eus misericordie deus pietatis. deus indulgentie. indulgesco et miserere mei. et sacrificium quod humiliter tue pietati offero. benigne digneris suscipere. ut peccata que labentibus uitiis contraxi. pius ac propitius et miseratus indulgeas. ut loco penitentiae ac flumine lacrimarum concesso. ueniam a te merear accipere omnium delictorum. Per.

*(Post communio.)*

**D**Eus uiuorum saluator omnium qui non uis mortem peccatorum. nec letaris in perditione morientium. te suppliciter deprecor. ut concedas michi ueniam delictorum.

ut et admissa defleam et ea postmodum non admittam. ut cum michi extrema dies finisque uite mee aduenerit emundatum delictis omnibus. me angelus sanctitatis suscipiat. Per.

5 (ALIA MISSA UT SUPRA.

*Oratio.*)

**O**Mnipotens sempiterne deus. tue gratie pietatem supplici deuotione deponco. ut omnium malorum meorum uincula soluas. cunctisque meis malis et peccatis clementer ignoscas. et quia me indignus et peccatorem ad ministerium tuum  
10 uocare dignatus es. sic me ydoneum tibi ministrum efficias ut sacrificium de manibus meis placide ac benigne suscipias. electorumque sacerdotum me participem facias. et de preceptis tuis in nullo me oberrare permittas. Per.

15 (*Secreta.*)

**D**Eus qui te precipis a peccatoribus exorari. tibi que sacrificium contriti cordis offeri. hoc sacrificium quod indignus manibus meis offero acceptare dignare. et ut ipse tibi hostia et sacrificium esse merear miseratus concede.  
20 quatenus per misterii huius exhibitionem omnium peccatorum percipiam remissionem. Per.

(*Post communio.*)

**H**uius michi domine perceptio sacramenti. sit peccatorum meorum remissio. et tue pietatis optata propitiatio.  
25 ut per hec te opitulante efficiar sacris misteriis dignus. que de tua pietate confisus. frequentare presumo indignus. Per.

(ALIA MISSA UT SUPRA.

*Oratio.*)

**O**Mnipotens sempiterne deus. qui me peccatorem sacris  
30 altaribus astare uoluisti. et sancti nominis tui laudare potentiam. concede propitius per huius sacramenti misterium. meorum michi ueniam peccatorum. ut tue maiestati digne merear famulari. Per.

(*Secreta.*)

35 **D**A quesumus clementissime pater per huius sacramenti misterium. meorum michi ueniam peccatorum. ut non ad iudicium sed ad indulgentiam huius presbiteratus ordo michi proficiat sempiternam. Per.

(*Post communio.*)

Aures tue pietatis mitissime/ deus inclina precibus [fo. 170.  
meis. et gratia sancti spiritus illumina cor meum. ut tue  
maiestati digne ministrare teque eterna caritate diligere  
merear. Per in unitate eiusdem.

(MISSA PRO CONGREGATIONE)

(*Oratio.*)

Onnipotens sempiterne deus. qui facis mirabilia magna  
solus. pretende super famulum tuum. uel super famulos  
tuos. et super congregationes illi. uel illis commissas. spiritum  
gratie salutaris et ut in ueritate tibi placeant perpetuum eis  
rorem tue benedictionis infundè. Per.

(*Secreta.*)

Hostias domine famulorum tuorum placatus intende. et  
quas in honorem nominis tui deuota mente pro eis  
celebramus. proficere sibi sentiant ad salutem. Per.

(*Post communio.*)

Quos celesti recreas munere. perpetuo domine committare  
presidio. et quos fouere non desinis. dignos fieri sempi-  
terna redemptione concede. Per.

(MISSA PRO OMNI GRADU ECCLESIE.)

(*Oratio.*)

Onnipotens sempiterne deus cuius spiritu totum corpus  
ecclesie sanctificatur et regitur. exaudi nos pro uniuersis  
ordinibus supplicantes. ut gratie tue munere ab omnibus tibi  
gradibus fideliter seruiatur. Per in unitate eiusdem.

(*Secreta.*)

DA famulis tuis domine indulgentiam peccatorum. conso-  
lationem uite. gubernationem perpetuam. qui tibi  
seruientes ad tuam iugiter misericordiam peruenire mereantur.  
Per.

(*Post communio.*)

Libera quesumus domine a peccatis et hostibus tibi famulos  
supplicantes. ut in sancta conuersatione uiuentes. nullis  
afficiantur aduersis. Per.

## (ALIA MISSA PRO CONGREGATIONE.

*Oratio.)*

**D**Efende quesumus domine beata maria semper uirgine  
intercedente. istam ab omni aduersitate familiam et  
5 toto corde tibi prostratam ab hostium propitius tuere  
clementer insidiis. Per.

*(Secreta.)*

**S**Uscipe quesumus clementer omnipotens deus oblationem  
nostre deuotionis. et per uirtutem huius sacramenti.  
10 famulos tuos a cunctis protege aduersitatibus. Per.

*(Post communio.)*

**S**Umpsis redemptionis nostre muneribus. presta quesumus  
misericors deus. eorum nobis celebratione tue protectionis  
contra omnes aduersitates subsidium. Per.

## 15 (ALIA MISSA PRO CONGREGATIONE

*Oratio.)*

**D**Eus qui nos a seculi uanitate conuersos. ad brauium  
superne uocationis accendis. pectoribus nostris puri-  
ficandis illabere. et gratiam nobis qua in te perseueremus  
20 infunde. ut protectionis tue muniti presidiis. quod te donante  
promisimus impleamus. et nostre professionis executores efecti.†  
ad ea que perseuerantibus in te promittere dignatus es per-  
tingamus. Per.

*(S[e]creta.)*

25 **T**Ibi domine deus. nostre deuotionis hostiam immo-  
lantes. humiliter petimus. ut nos sacrificium tuum  
mortificatione uite carnalis accipias. ac moribus quibus pro-  
fessionis nostre congruamus instituas. et quos sancte/ [fo. 170b.  
compunctionis ardore ab hominum ceterorum proposito  
30 separasti. et a conuersatione carnali. et ab immunditia terre-  
norum actuum infusa nobis celitus sanctitate discernas. Per.

*(Post communio.)*

**D**Eus qui renuntiantibus seculo mansiones paras in celo.  
dilata fratrum nostrorum corda celestibus bonis. ut  
35 fraterna teneantur compagine caritatis unanimes precepta  
custodiat† sobrii. simplices et quieti. gratis sibi datam sue  
professionis gratiam fuisse cognoscant. concordet illorum uita  
cum nomine professio sentiantur† in opere. Per.



## (MISSA PRO CONCORDIA FRATRUM

*Oratio.*)

**D**Eus largitor pacis et amator caritatis. da famulis tuis  
ueram cum tua uoluntate concordiam ut ab omnibus  
5 que nos pulsan temptacionibus liberemur. Per.

*(Secreta.)*

**H**IS sacrificiis domine quesumus concede placatus. ut qui  
propriis oramus absolui delictis non grauemur externis.  
Per.

*(Post communio.)*

**S**PIRITUM nobis tue domine caritatis infunde. et quos uno  
pane satiasti. tua facias pietate concordēs. Per in  
unitate.

## (MISSA PRO TEMPTATIONE CARNIS

*Oratio.*)

**U**RE igne sancti spiritus renes nostros et cor nostrum  
domine. ut tibi casto corpore. seruiamus. et mundo  
corde placeamus. Per in unitate.

*(Secreta.)*

**D**IRUMPE domine uincula peccatorum nostrorum. ut sacri-  
ficare tibi hostiam laudis absoluta libertate possimus  
retribue que ante tribuisti et salua nos per indulgentiam quos  
saluare dignatus es per gratiam. Per.

*(Post communio.)*

**D**OMINE adiutor et protector noster adiuua nos. et refloreat  
caro nostra uigore pudicitie et sanctimonie nouitate.  
ereptamque de manu tartari. in resurrectionis gaudium iubeas  
presentari. Per.

## (MISSA PRO PECCATIS

*Oratio.*)

**E**XAUDI quesumus domine supplicum preces. et confi-  
tentium tibi parce peccatis. ut pariter nobis indulgentiam  
tribuas benignus et pacem. Per.

*(Secreta.)*

**H**OSTIAS tibi domine placationis offerimus. ut et delicta  
nostra miseratus absoluas. et nutantia corda tu dirigas.  
Per.

(Post communio.)

**P**Resta nobis eterne saluator. ut percipientes hoc munere  
ueniam peccatorum deinceps peccata uitemus. Per.

(MISSA PRO TRIBULATIONIBUS PECCATORUM

5

*Oratio.*)

**I**N effabilem misericordiam tuam nobis domine clementer  
ostende. ut simul nos et a peccatis omnibus exuas. et a  
penis quas pro his meremur eripias. Per.

(Secreta.)

<sup>10</sup> **P**urificet nos quesumus domine muneris presentis oblatio.  
et dignos sacra participatione perficiat. Per.

(Post communio.)

**P**Resta quesumus domine. ut terrenis affectibus expiati.  
ad superni plenitudinem sacramenti. cuius libauimus  
<sup>15</sup> sancta tendamus. Per.

(MISSA PRO REMISSIONE PECCATORUM†

*Oratio.*)

**D**Eus qui nullum respuis. sed quam uis peccantibus per  
penitentiam pia miseratione placaris/ respice [fo. 171.  
<sup>20</sup> propitius ad preces humilitatis nostre. et illumina corda nostra.  
ut tua ualeamus implere precepta. Per.

(Secreta.)

**P**Resens sacrificium domine quod tibi pro delictis nostris  
offerimus. sit tibi munus acceptum. et tam uiuentibus  
<sup>25</sup> quam defunctis proficiat ad salutem. Per.

(Post communio.)

**E**Xaudi preces familie tue omnipotens deus. et presta. ut  
sancta hec que a te sumpsimus. incorrupta in nobis te  
donante seruentur. Per.

<sup>30</sup> (MISSA AD REPELLENDUM MALAS COGITATIONES*Oratio.*)

**O**Mnipotens et mitissime deus. respice propitius preces  
nostras. et libera corda nostra de malarum tempta-  
tionibus cogitationum. ut sancti spiritus dignum fieri habita-  
<sup>35</sup> culum mereamur. Per in unitate.

(*Secreta.*)

**H**As tibi domine offerimus oblationes pro salute nostra quatenus animas nostras ab immundis cogitationibus purges. illessasque† custodias. et sancti spiritus gratia illuminare digneris. Per in unitate.

(*Post communio.*)

**D**Eus qui illuminas omnem hominem uenientem in hunc mundum. illumina quesumus corda nostra gratie tue splendore. ut digne maiestati tue ministrare. teque eterna caritate diligere ualeamus. Per.

(MISSA PRO PETITIONE LACRIMARUM

*Oratio.*)

**O**Mnipotens et mitissime deus. qui sitiēti populo fontem uiuentis aque de petra produxisti. educ de cordis nostri duritia. compunctionis lacrimas. ut peccata nostra plangere ualeamus. remissionemque te miserante mereamur accipere. Per.

(*Secreta.*)

**H**Anc oblationem quesumus domine deus quam tue maiestati pro peccatis nostris offerimus. respice propitius. et produc de oculis nostris lacrimarum flumina. quibus debita flammarum incendia ualeant extingui. Per.

(*Post communio.*)

**G**Ratiam spiritus sancti domine deus cordibus nostris clementer infunde. que nos gemitibus lacrimarum efficiat maculas nostrorum dilluere peccatorum. atque optate nobis te largiente indulgentie prestant effectum. Per in unitate.

(MISSA PRO AMICO PECCATORE

*Oratio.*)

**D**Eus qui iustificas impium et non uis mortem peccatorum maiestatem tuam suppliciter deprecamur. ut famulum tuum de tua misericordia confidentem celesti protegas benignus auxilio. et assidua protectione conserua. ut tibi iugiter famuletur. et nullis temptationibus a te separetur. Per.

(*Secreta.*)

**H**Uius quesumus domine uirtute misterii. et a propriis nos munda delictis. et famulum tuum ab omnibus absolue peccatis. Per.

*(Post communio.)*

Purificent nos quesumus domine sacramenta que sump-  
simus. et famulum tuum ab omni culpa liberum esse  
concede. ut qui conscientie reatu constringitur. celestis remedii  
5 plenitudine glorietur. Per.

*(MISSA PRO AMICO UIUENTE.**Oratio.)*

Omnipotens sempiterne deus. miserere famulo tuo. N. et  
dirige eum secundum tuam clementiam/ in [fo. 171b.  
10 uiam salutis eterne. ut te donante tibi placita cupiat. et tota  
uirtute perficiat. Per.

*(Secreta.)*

Proficiat quesumus domine hec oblatio. quam tue supplices  
offerimus maiestati. ad salutem famuli tui. N. ut tua  
15 prouidentia eius uita inter aduersa et prospera ubique diri-  
gatur. Per.

*(Post communio.)*

Sumentes domine perpetua† salutis sacramenta. tuam depre-  
camur clementiam. ut per ea famulum tuum. N. ab omni  
20 aduersitate protegas. Per.

*(MISSA PRO SALUTE UIUORUM**Oratio.)*

Prehende domine fidelibus tuis dexteram celestis auxilii ut  
te toto corde perquirant. et que digne postulant consequi  
25 mereantur. Per.

*(Secreta.)*

Propitiare domine supplicationibus nostris. et has oblationes  
fidelium tuorum quas tibi pro incolumitate eorum  
offerimus. benignus assume. et ut nullius sit irritum uotum.  
30 nullius uacua postulatio. presta quesumus. ut quod fideliter  
petimus. efficaciter consequamur. Per.

*(Post communio.)*

DA famulis et famulabus tuis quesumus domine in tua  
fide et sinceritate constantiam. ut in caritate diuina  
35 firmati nullis temptationibus. ab eius integritate euellantur.  
Per.

(MISSA PRO DEUOTIS AMICIS.

*Oratio.)*

**D**Eus qui caritatis dona per gratiam sancti spiritus tuorum cordibus fidelium infudisti. da famulis et famulabus tuis pro quibus tuam deprecamur clementiam salutem mentis et corporis. ut te tota uirtute diligant. et que tibi placita sunt. tota dilectione perficiant. Per in unitate.

*(Secreta.)*

**M**iserere quesumus domine famulis et famulabus tuis. pro quibus hoc sacrificium laudis tue offerimus maiestati. ut per hec sancta superne benedictionis gratiam obtineant. et gloriam eterne felicitatis acquirant. Per.

*(Post communio.)*

**D**iuina libantes misteria. quesumus domine. ut hec salutaria sacramenta illis proficiant ad prosperitatem et pacem. pro quorum quarumque dilectione. hec tue obtulimus maiestati. Per.

(MISSA AD PLUVIAM PETENDAM.

*Oratio.)*

**D**Eus in quo uiuimus mouemur et sumus. pluuiam nobis tribue congruentem. ut presentibus subsidiis sufficienter adiuti sempiterna fiducialius appetamus. Per.

*(Secreta.)*

**O**blatis quesumus domine placare muneribus. et opportunum nobis tribue pluue sufficientis auxilium. Per.

*(Post communio.)*

**D**A nobis quesumus domine pluuiam salutarem. et aridam terre faciem. fluentis celestibus dignanter infunde. Per.

(MISSA AD SERENITATEM POSTULANDAM

*Oratio.)*

**A**D te domine nos clamantes exaudi. et aeris serenitatem nobis tribue supplicantibus. ut qui iuste pro peccatis nostris affligimur. misericordia tua preueniente clementiam sentiamus. Per.

*(Secreta.)*

**P**reueniat nos quesumus domine gratia tua semper/ [fo. 172. et subsequatur. et has oblationes quas pro peccatis

nostris nomini tuo consecrandas deferimus benignus assume. ut per intercessionem sanctorum tuorum cunctis nobis proficiant ad salutem. Per.

(*Post communio.*)

5 **Q**uesumus omnipotens deus clementiam tuam. ut inundantiam coherceas imbrium. et illaritatem† uultus tui nobis impartiri digneris. Per.

(MISSA CONTRA TEMPTATIONES<sup>1</sup>)

(*Oratio.*)

10 **A** Domo tua quesumus domine spiritales nequitie repellantur et aerearum discedat malignitas tempestatum. Per.

(*Secreta.*)

15 **O**fferimus tibi domine laudes et munera. pro concessis beneficiis gratias referentes. et pro concedendis semper suppliciter deprecantes. Per.

(*Post communio.*)

20 **O**mnipotens sempiterne deus. qui nos et castigando sanas. et ignoscendo conseruas. presta supplicibus tuis. ut et tranquillitatibus† huius optate consolationis letemur. et dono tue pietatis semper utamur. Per.

(MISSA GENERALIS SANCTI AUGUSTINI PRO UIUIS ET DEFUNCTIS)

(*Oratio.*)

25 **O**mnipotens sempiterne deus. qui uiuorum dominaris simul et mortuorum. omniumque misereris. quos tuos fide et opere futuros esse pregnoscis. te supplices exoramus. ut pro quibus effundere preces decreuimus. quosque uel presens seculum adhuc in carne retinet. uel futurum iam exutos  
30 corpore suscepit. intercedentibus omnibus sanctis tuis. pietatis tue clementia omnium delictorum suorum ueniam consequantur. Per.

(*Secreta.*)

35 **D**eus cui soli cognitus est numerus electorum in superna felicitate locandus. tribue quesumus. ut intercedentibus omnibus sanctis tuis uniuersorum quos in oratione commendatos suscepimus. et nomina omnium fidelium beate predestinationis liber ascripta retineat. Per.

<sup>1</sup> Thus for Tempestates.

(Post communio.)

PURificent nos quesumus omnipotens et misericors deus sacramenta que sumpsimus. et intercedentibus omnibus sanctis tuis. presta. ut hoc tuum sacramentum. non sit nobis reatus ad penam. sed intercessio salutaris adueniam† sit ablutio scelerum. sit fortitudo fragilium. sit contra omnia mundi pericula firmamentum. sit uiuorum atque mortuorum. fidelium remissio omnium delictorum. Per.

(MISSA PRO UIUIS ET DEFUNCTIS.)

(Oratio.)

PIetate tua quesumus domine nostrorum solue uincula peccatorum. et intercedente beata maria cum omnibus sanctis tuis nos famulos tuos atque loca nostra. in omni sanctitate custodi omnesque consanguinitate a finitate† ac familiaritate nobis coniunctos a uitiiis purga uirtutibus illustra pacem et salutem nobis tribue. hostes uisibiles et inuisibiles remoue. carnalia desideria repelle. aerem salubrem indulge. amicis et inimicis nostris caritatem largire. et omnibus fidelibus uiuis et defunctis. in terra uiuentium uitam et requiem eternam concede. Per.

(Secreta.)

DEus qui singulari corporis tui hostia totius/ [fo. 172b. mundi soluisti delicta. hac oblatione placatus maculas scelerum nostrorum absterge. et omnium christianorum uiuorum et mortuorum peccata dimitte. nobisque premia eterna concede. Per.

(Post communio.)

SUMpta quesumus domine sacramenta celestia. omnia crimina nostra detergant. omnemque prauitatem et infirmitatem seu hosticam rabiem. atque subitanam mortem meritis beate marie semper uirginis et omnium sanctorum a nobis procul repellant. et omnibus fidelibus uiuis et defunctis prosint adueniam.† pro quorum tibi sunt oblata salute. Per.

(MISSA CONTRA PAGANOS.)

(Oratio.)

OMnipotens sempiternus deus. in cuius manu sunt omnium potestates. et omnium iura regnorum respice in auxilium cristianorum. ut gentes paganorum. que in sua feritate confidunt. dextere tue potentia conterantur. Per.



(Secreta.)

**S**Acrificium domine quod immolamus intende. ut propugnatores tuos. ab omni exuas paganorum nequitia. et in tue protectionis securitate constituas. Per.

5

(Post communio.)

**P**Rotector noster aspice deus. et propugnatores tuos a paganorum defende periculis. ut ab omnibus perturbationibus semoti. liberis tibi mentibus seruiant. Per.

(MISSA PRO QUACUMQUE TRIBULATIONE

10

Oratio.)

**D**Eus qui non mortem sed penitentiam desideras peccatorum. populum tuum quesumus ad te conuerte propitius. ut dum tibi deuotus existit iracundie tue flagella ab eo amoveas. Per.

15

(Secreta.)

**S**Ubueniant† nobis quesumus domine sacrificii presentis operatio. que nos et ab erroribus uniuersis potenter absoluat. et a totius eripiat perditionis incursu. Per.

(Post communio.)

20

**T**Uere nos quesumus domine tua sancta sumentes. et ab omni propitius iniquitate defende. Per.

(ALIA MISSA UT SUPRA.

Oratio.)

25

**N**E despicias omnipotens deus populum tuum in afflictione clamantem. sed propter gloriam nominis tui tribulantis<sup>1</sup> succurre placatus. Per.

(Secreta.)

**S**Uscipe domine propitius hostias. quibus et te placari uoluisti. et nobis salutem potenti pietate restitui. Per.

(Post communio.)

**T**Ribulationem nostram quesumus domine propitius respice et iram indignationis. quam iuste meremur auerte. Per.

<sup>1</sup> Thus for tribulatis.



(MISSA PRO IMPERATORE.

*Oratio.*)

**D**Eus regnorum omnium et christiani maxime protector imperii. da seruo tuo imperatori nostro triumphum uirtutis tue scienter excolere. ut qui tua constitutione est princeps. tuo semper munere sit potens. Per.

*(Secreta.)*

**S**uscipe domine preces et hostias ecclesie tue pro salute famuli tui supplicantis. et in protectione fidelium populorum antiqua brachii tui operare miracula. ut superatis pacis inimicis. secura tibi seruiat christiana libertas. Per.

*(Post communio.)*

**D**Eus qui ad predicandum eterni regis euangelium [fo. 173. romanum imperium preparasti. pretende famulo tuo imperatori nostro arma celestia. ut pax ecclesiarum nulla turbetur tempestate bellorum. Per.

(MISSA PRO REGE.

*Oratio.*)

**Q**uesumus omnipotens deus ut famulus tuus rex noster. qui tua miseratione suscepit regni gubernacula. uirtutum etiam omnium percipiat incrementa. quibus decenter ornatus. et uitiorum monstra deuigare. et ad te qui uia ueritas et uita es. gratus ualeat peruenire. Per.

*(Secreta.)*

**M**unera quesumus domine oblata sanctifica. ut et nobis unigeniti tui corpus et sanguis fiant. et regi nostro ad optinendam anime corporisque salutem. et ad peragendum iniunctum officium te largiente usquequaque proficiant. Per eundem.

*(Post communio.)*

**H**Ec domine oblatio salutaris famulum tuum. N. ab omnibus. tueatur aduersis. quatenus ecclesiastice pacis obtineat tranquillitatem. et post istius temporis decursum ad eternam perueniat hereditatem. Per.

(MISSA PRO† PERSECUTORES ET MALE AGENTES

*Oratio.*)

**H**ostium nostrorum quesumus domine elide superbiam. et eorum contumaciam dextere tue uirtute prosterne. Per.

(Secreta.)

Huius domine uirtute misterii. et a propriis mundemur occultis. et ab inimicorum liberemur insidiis. Per.

(Post communio.)

5 P<sup>ro</sup>rotector noster aspice deus. et ab inimicorum nos defende periculis. ut omni turbatione semota. liberis tibi mentibus seruamus. Per.

(MISSA PRO NIMIIS PRESSURIS)

(Oratio.)

10 D<sup>e</sup>us qui contritorum non despicias gemitum. et merentium non spernis affectum adesto precibus nostris. quas tibi pro tribulatione nostra effundimus. easque clementer exaudi. ut quicquid contra nos diabolice atque humane moliuntur aduersitates ad nichilum redigatur. et consilio tue pietatis  
15 alidatur quatenus nullis aduersitatibus lesi. sed de omni tribulatione et angustia erepti. in ecclesia tua leti tibi gratias referamus. Per.

(Secreta.)

20 D<sup>e</sup>us qui tribulatos corde sanas. et mestificatos actu letificas. ad hanc propitius hostiam dignanter attende quam tibi pro nostra offerimus liberatione tu et hec benignus accipe. et nostra sana discrimina. tribulationum attende miseriam. et angustiarum nostrarum submoue presuram†. ut exuti omnibus que patimur malis. in tuis semper mereamur  
25 exultare iustitiis. Per.

(Post communio.)

D<sup>i</sup>mitte domine peccata nostra. et tribue nobis misericordiam quam precamur. ut humilitatem nostram attendas. uincula soluas. delicta deleas. tribulationem inspicias. aduersitatem repellas. effectumque petitionis nostre largiens. supplices  
30 tuos clementer exaudias. Per.

(MISSA IN TEMPORE BELLI.)

(Oratio.)

35 O<sup>m</sup>nipotens et misericors deus a/ bellorum nos [fo. 173b. quesumus turbine fac quietos. quia nobis bona cuncta prestabis. si pacem dederis mentis et corporis. Per.

(Secreta.)

S<sup>a</sup>cificium domine quod immolamus placatus intende. ut ab omni nos exuat bellorum nequitia. et in tue protectionis  
40 securitate constituat. Per.

(*Post communio.*)

Sacro sancti corporis et sanguinis domini nostri iesu christi refectione uegetati. supplices te rogamus omnipotens deus. ut hoc remedio singulari. ab omnium peccatorum nos contagione purifies. et a periculorum munias incursione cunctorum. Per eundem.

(MISSA PRO QUACUNQUE NECESSITATE

*Oratio.*)

DEus refugium nostrum et uirtus. adesto piis ecclesie tue precibus auctor ipse pietatis. et presta. ut quod fideliter petimus. efficaciter consequamur. Per.

(*Secreta.*)

DA misericors deus. ut hec salutaris oblatio. et a propriis nos reatibus indesinenter expediat. et ab omnibus tueatur aduersis. Per.

(*Post communio.*)

SUmpsimus domine sacri dona misterii humiliter deprecantes. ut que in tui commemoratione nos facere precepisti. in nostre proficiant infirmitatis auxilium. Qui uiuis.

(MISSA AD POSTULANDAM SAPIENTIAM

*Oratio.*)

DEus qui per coeternam tibi sapientiam hominem cum non esset condidisti. perditumque misericorditer reformasti. presta quesumus. ut eadem pectora nostra te inspirante amemus. et ad te toto corde curramus. Per.

(*Secreta.*)

SAnctificetur quesumus domine deus huius nostre oblationis munus tua cooperante sapientia. ut tibi placere possit ad laudem. et nobis proficere ad salutem. Per.

(*Post communio.*)

INfunde quesumus domine deus per hec sacramenta que sumpsimus. tue cordibus nostris lumen sapientie. ut te ueraciter agnoscamus et fideliter diligamus. Per.

(MISSA AD POSTULANDAM FIDEM SPEM ET CARITATEM.

*Oratio.*)

OMnipotens sempiterne deus qui iustitiam tue legis in cordibus credentium digito tuo scribis. da nobis fidei

spei. et caritatis augmentum. et ut mereamur asequi† quod promitis†. fac nos amare quod precipis. Per.

(*Secreta.*)

5 **E**Mitte quesumus domine spiritum sanctum qui et hec munera presentia tuum nobis efficiat sacramentum. et ad hoc percipiendum corda nostra purificet. Per in unitate.

(*Post communio.*)

10 **S**piritum nobis domine tue caritatis infunde. ut quos uno pane celesti satiasti. tua facias pietate concordēs. Per in unitate.

(*MISSA AD POSTULANDAM HUMILITATEM.*)

(*Oratio.*)

15 **D**Eus qui superbis resistis. et gratiam prestas humilibus. auge in nobis uere humilitatis uirtutem. cuius in se formam fidelibus unigenitus tuus exhibuit. ut nunquam indignationem tuam prouocemus elati sed potius semper pietatis tue capiamus dona subiecti. Per eundem.

(*Secreta.*)

20 **H**Ec oblatio domine deus nobis remissionem [fo. 174. omnium peccatorum et uere humilitatis obtineat gratiam simulque a cordibus nostris concupiscentiam carnis et oculorum atque ambitionem seculi auferas. quatenus coram te sobrie iuste pieque uiuentes premia consequamur eterna. Per.

25 (Post communio.)

**H**uius domine sacramenti perceptio peccatorum nostrorum maculas tergat. et nos per humilitatis exhibitionem ad celestia regna perducatur. Per.

(*MISSA AD POSTULANDAM CARITATEM*)

(*Oratio.*)

30 **D**Eus qui diligentibus te facis cuncta prodesse. da cordibus nostris inuiolabilem caritatis affectum. ut desideria de tua inspiratione concepta. nulla possint temptatione mutari. Per.

35 (Secreta.)

**D**Eus qui nos ad ymaginem tuam sacramentis renouas et preceptis perface gressus nostros in semitis tuis. ut caritatis donum quod fecisti a nobis sperari. per hec que offerimus sacrificia facias apprehendi. Per.

(Post communio.)

SAncti spiritus gratia quesumus domine corda nostra illuminet. et perfecte caritatis dulcedinis abundanter reficiat. Per in unitate.

(MISSA AD POSTULANDAM PATIENTIAM

Oratio.)

DEus qui unigeniti tui patientia. antiqui hostis contriuiisti superbiam. da nobis quesumus. que idem pie pro nobis pertulit digne recolere sicque exemplo eius nobis aduersantia equanimitèr tollerare. Per eundem.

(Secreta.)

MUnera nostre oblationis quesumus domine placatus suscipe. que ut nobis patientie donum condonare digneris. maiestati tue deuota offerimus actione. Per.

(Post communio.)

SACrosancta domine sumentes misteria. amissam nobis quesumus reconcilient gratiam. atque munus patientie in illatis omnibus semper et ubique protegendo† impartiantur. Per.

(MISSA PRO STABILITATE LOCI

Oratio.)

OMnipotens sempiterne deus edificator et custos yerusalem ciuitatis superne edifica et custodi locum istum cum habitatoribus suis. ut sit in eo domicilium stabilitatis et pacis. Per.

(Secreta.)

His sacrificiis quesumus domine placatus intende. ut qui propriis oramus absolui delictis. non grauemur externis. sed ab omnibus liberemur aduersis. Per.

(Post communio.)

SUScipe domine preces nostras. et muro custodie tue hunc locum cum habitantibus in eo circunda. ut omni aduersitate repulsa. sit semper in eo domicilium incolumitatis et pacis. Per.

(MISSA PRO CONFITENTE

Oratio.)

OMnipotens sempiterne deus confitenti tibi famulo tuo. N. pro tua pietate relaxa peccata. ut non plus ei noceat

conscientie reatus ad penam quam indulgentia tue propitiationis prosit adueniam†. Per.

(*Secreta.*)

5 **P**Resta quesumus omnipotens et misericors deus. ut hec salutaris/ oblatio famulum tuum. N. a pro- [fo. 174b. priis reatibus indesinenter expediat. et ab omnibus tueatur aduersis. Per.

(*Post communio.*)

10 **O**Mnipotens et misericors deus. qui omnem animam penitentem et confitentem tibi. magis uis emendare quam perdere. respice super hunc famulum tuum. N. et per hec sancta sacramenta que sumpsimus. auerte ab eo iram indignationis tue. et dimitte ei omnia peccata sua. Per.

(MISSA PRO INIMICIS.

15

*Oratio.*)

**D**Eus pacis caritatisque amator et custos. da omnibus inimicis nostris pacem caritatemque ueram cunctorumque eis remissionem tribue peccatorum nosque ab eorum insidiis potenter eripe. Per.

20

(*Secreta.*)

**O**blatis quesumus domine placare muneribus. et nos ab inimicis nostris clementer eripe. eisque indulgentiam tribue delictorum. Per.

(*Post communio.*)

25 **H**Ec nos communio domine exuat a delictis et ab inimicorum defendat insidiis. Per.

(MISSA PRO FACIENTIBUS NOBIS ELEMOSINAS.

*Oratio.*)

30 **D**Eus qui post baptismi sacramentum secundam ablutionem peccatorum elemosinis indidisti. respice propitius super famulos tuos pro quorum operibus tibi gratie referuntur. fac eos premio beatos. ut recipiant pro paruīs magna pro terrenis celestia. pro temporalibus sempiterna. Per.

(*Secreta.*)

35 **D**Eus qui tuorum corda fidelium. per elemosinam dixisti posse mundari. da famulis tuis qui pauperibus bona sua dederunt per huius sacramenti misterium. ut percipientes hoc munere ueniam peccatorum in tuorum censeantur sorte iustorum. Per.

(*Post communio.*)

PURificent nos quesumus domine sacramenta que sumpsimus. et famulos tuos propitius intende. qui diuina mandata recolentes opem indigentibus subministrant. et presta. ut sicut eorum deuotio nobis est necessaria ita sit semper tibi accepta. Per.

(MISSA PRO AMICO INCARCERATO.

*Oratio.*)

DEus qui beatum petrum a uinculis absolutum illesum abire fecisti. famuli tui in captione positi uincula absolue et eum ipsius meritis illesum abire concede. Per.

(*Secreta.*)

SUPER has quesumus domine hostias benedictio copiosa descendat. que captiui nostri uincula soluat. et de eius liberatione nos cito letificet. Per.

(*Post communio.*)

PREces nostras quesumus domine clementer exaudi. et per hec sacramenta que sumpsimus famulum tuum. N. a uinculis sue captiuitatis absolue. Per.

(MISSA PRO NAVIGANTIBUS

*Oratio.*)

DEus qui transtulisti patres nostros per mare rubrum. et transuexisti per aquam nimiam. laudem tui nominis decantantes. te suppliciter deprecamur. ut in naui famulos tuos repulsis aduersitatibus. portu semper optabili cursuque tranquillo tuearis. Per.

(*Secreta.*)

SUScipe domine quesumus preces famulorum tuorum cum oblationibus hostiarum et tua misteria/ cele- [fo. 175. brantes ab omnibus defende periculis. Per.

(*Post communio.*)

SANctificati diuino misterio. maiestatem tuam domine suppliciter deprecamur et petimus. ut quos donis facis celestibus interesse per lignum sancte crucis et a peccatis abstrahas. et a periculis cunctis miseratus eripias. Per.

(MISSA PRO SFERILITATE† TERRE.

*Oratio.*)

DA nobis quesumus domine pie supplicationis effectum. et  
 pestilentiam famemque propitiatus auerte. ut mortalium  
 5 corda cognoscant. et te indignante talia flagella prodire. et te  
 miserante cessare. Per.

*(Secreta.)*

DEus qui humani generis utramque substantiam presentium  
 munerum. et alimento uegetas. et renouas sacramento.  
 10 tribue quesumus. ut eorum et corporibus nostris subsidium  
 non desit et mentibus. Per.

*(Post communio.)*

GUberna quesumus domine temporalibus alimentis. quos  
 dignaris eternis informare misteriis. Per.

15 (MISSA PRO PESTE ANIMALIUM.

*Oratio.*)

DEus qui laboribus hominum etiam de mutis animalibus  
 solatia subrogasti. suppliciter te rogamus. ut sine quibus  
 non alitur humana conditio. nostris facias usibus non perire.  
 20 Per.

*(Secreta.)*

SACrificiis domine placatus oblati. opem tuam nostris tem-  
 poribus clementer impende. Per.

*(Post communio.)*

BENedictionem tuam domine populus fidelis accipiat. qua  
 corpore saluetur et mente. et congruam tibi semper  
 exhibeat seruitutem. et propitiationis tue beneficia semper  
 inueniat. Per.

(MISSA PRO MORTALITATE HOMINUM

*Oratio.*)

DEus qui non mortem sed penitentiam desideras pecca-  
 torum. populum tuum quesumus ad te conuerte pro-  
 pitius. ut dum tibi deuotus existit iracundie tue ab eo flagella  
 amoueas. Per.

*(Secreta.)*

SUBueniat nobis quesumus domine sacrificii presentis ope-  
 ratio que nos et ab erroribus uniuersis potenter absoluat.  
 et a totius eripiat perditionis incursu. Per.



(Post communio.)

**E**Xaudi nos deus salutaris noster. et intercedente beata maria semper uirgine. populum tuum ab iracundie tue erroribus<sup>1</sup> liberum. et misericordie tue fac largitate securum.

5 Per.

(MISSA PRO INFIRMO QUI PROXIMUS EST MORTI.

(Oratio.)

**O**Mnipotens sempiterne deus conseruator animarum. qui quos diligis corripis. et quos recipis pie ad emenda-  
 10 tionem coherces. te domine deprecamur. ut medellam tuam conferre digneris in animam famuli tui. N. qui in corpore patitur membrorum debilitatem. uim laboris stimulos infirmitatum. da ei domine gratiam et misericordiam tuam. ut in hora exitus illius de corpore. absque peccati macula. creatori pro-  
 15 prio. per manus sanctorum angelorum eius anima representari mereatur. Per.

(Secreta.)

**A**Desto domine supplicationibus nostris. et suscipe hostiam quam tibi offerimus pro/ famulo tuo. N. iacen- [fo. 175b.  
 20 tem† in grabato. salutem non solum corporis sed et anime sue petenti. presta ei omnipotens deus. indulgentiam omnium iniquitatum suarum per immensam clementiam tuam. et per intercessionem omnium sanctorum tuorum. ut per hoc quod sustinet flagellum. a sanctis angelis tuis suscipiatur. et per-  
 25 uenire mereatur ad glorie tue regnum. Per.

(Post communio.)

**G**Ratias agimus tibi domine [de] multiplicibus largitatibus tuis. ex quibus animas in te sperantium sanare consueuisti. et confisi de tua pietate. precamur ut misereri digneris  
 30 famulo tuo. ne preualeat aduersus eum aduersarius in hora exitus illius de corpore. sed transitum habere mereatur ad uitam perpetuam. Per.

(MISSA IN AGENDA MORTUORUM

Introitus.)

**R**equiem eternam dona eis domine et lux perpetua luceat eis.

(Ps.) Te decet hymnus deus in syon et tibi reddetur uotum in ierusalem. exaudi orationem meam. ad te omnis caro ueniet. (V.) Gloria patri non dicitur sed finito psalmo absolute repetitur.

<sup>1</sup> Thus for terroribus.

(*In die depositionis defuncti Oratio.*)

**D**Eus cui proprium est miserere semper et parcere te supplices exoramus pro anima famuli tui. N. quam hodie de hoc seculo migrare iussisti ut non tradas eam in manibus inimici.  
 5 neque obliuiscaris in finem : sed iubeas eam a sanctis angelis suscipi. et ad patriam paradisi perducī. ut quia in te sperauit et credidit : non penas eternas sustineat. sed gaudia sempiterna possideat. Per.

(*Ad corinthios*) [I. Cor. xv. 51–57].

10 **F**RATRES. Ecce misterium uobis dico. Omnes quidem resurgemus. sed non omnes immutabimur. In momento in ictu oculi : in nouissima tuba. Canet enim tuba : et mortui resurgent incorrupti et nos immutabimur. Oportet enim corruptibile hoc induere in corruptionem : et mortale hoc induere  
 15 immortalitatem. Cum autem mortale hoc induerit immortalitatem. tunc fiet sermo qui scriptus est. Absor[p]ta est mors in uictoria. Ubi est mors uictoria tua. Ubi est mors stimulus tuus? Stimulus autem mortis. peccatum est. Uirtus uero peccati lex. Deo autem gratias qui nobis dedit uictoriam : per  
 20 iesum christum dominum nostrum.

(*Ad thesalonicenses*) [I. Thess. iv. 12–17].

**F**RATRES. Nolumus uos ignorare de dormientibus. ut non contristemini sicut et ceteri qui spem non habent. Si enim credimus quod iesus mortuus est et resurrexit. ita et  
 25 deus eos qui dormierunt per iesum adducet cum eo. Hoc enim uobis dicimus in uerbo domini. quia nos qui uiuimus qui residui sumus in aduentu domini non preuenimus† eos qui dormierunt. Quoniam ipse dominus in iussu et in uoce archangeli et in tuba dei descendet de celo. et mortui qui in  
 30 christo sunt resurgent primi. Deinde nos qui uiuimus qui relinquimur simul rapiemur cum illis in nubibus obuiam christo in aera. et sic semper cum domino erimus. Itaque consolamini inuicem/ in uerbis istis. [fo. 176.]

(*lectio libri machabeorum*) [II. Machab. xii. 42–46].

35 **I**N diebus illis. Uir fortissimus iudas collatione facta duodecimmilia dragmas argenti misit yerosolimam offerri eas ibi pro peccatis mortuorum iuste et religiose de resurrectione cogitans. Nisi enim eos qui ceciderant resurrecturos speraret : superfluum uideretur et uanum orare pro  
 40 mortuis. Sed quia considerabat quod hi qui cum pietate dormitionem acceperant : optimam haberent repositam gratiam. Sancta ergo et salubris est cogitatio pro defunctis exorare ut a peccatis soluantur.

(*lectio apocalipsis beati Iohannis apostoli*) [Apoc. xiv. 13].

**I**N diebus illis. Audiui uocem de celo dicentem michi. Scribe. beati mortui qui in domino moriuntur. Amodo iam dicit spiritus. ut requiescant a laboribus suis. Opera enim illorum : secuntur illos.

(*Graduale.*) Requiem eternam dona eis domine et lux perpetua luceat eis. (*V.*) In memoria eterna erit iustus ab auditione mala non timebit.

(*Tractus.*) Absolve domine animas omnium fidelium defunctorum ab omni uinculo delictorum. (*V.*) Et gratia tua illis succurrente mereantur euadere iudicium ultionis. (*V.*) Et lucis eterne beatitudine perfrui.

(*Secundum Iohannem*) [Ioh. xi. 21-27].

**I**N illo tempore. Dixit martha ad iesum. Domine si fuisses hic : frater meus non fuisset mortuus. Sed et nunc scio. quia quecumque poposceris a deo. dabit tibi deus. Dicit ei iesus. Resurget frater tuus. Dicit ei martha. Scio quia resurget in resurrectione : in nouissimo die. Dicit ei iesus. Ego sum resurrectio et uita. Qui credit in me : etiam si mortuus fuerit uiuet. Et omnis qui uiuit et credit in me : non morietur in eternum. Credis hoc? Ait illi. Utique domine. Ego credidi. quia tu es christus filius dei uiui qui in hunc mundum uenisti.

(*Secundum Iohannem*) [Ioh. vi. 37-40].

**I**N illo tempore. Dixit iesus discipulis suis : et turbis iudeorum. Omne quod dat michi pater ad me ueniet : et cum qui uenit ad me non eiciam foras. Quia descendi de celo non ut faciam uoluntatem meam. sed uoluntatem eius qui misit me. Hec est autem uoluntas eius qui misit me patris : ut omne quod dedit michi. non perdam ex eo. sed resuscitem illud in nouissimo die. Hec est autem uoluntas patris mei qui misit me : ut omnis qui uidet filium et credit in eum. Habeat uitam eternam. Et ego resuscitabo eum in nouissimo die.

(*Secundum Iohannem*) [Ioh. v. 25-29].

**I**N illo tempore. Dixit iesus discipulis suis. et turbis iudeorum. Amen amen dico uobis. quia uenit hora et nunc est. quando mortui audient uocem filii dei et qui audierint uiuent. Sicut enim pater habet uitam in semetipso. sic dedit et filio uitam habere in semetipso. Et potestatem dedit ei iudicium facere. quia filius hominis est. Nolite mirari hoc : quia uenit hora in qua omnes qui in monumentis sunt

uocem filii dei audient. Et procedent qui bona fecerunt. in resurrectionem uite. Qui uero /mala egerunt: in [fo. 176b. resurrectionem iudicii.

(*Secundum Iohannem*) [Ioh. v. 51-55].

5 **I**N illo tempore. Dixit iesus discipulis suis. et turbis iudeorum. Ego sum panis uiuus qui de celo descendi. Si quis manducauerit ex hoc pane: uiuet in eternum. Et panis quem ego dabo. caro mea est pro mundi uita. Liti-  
 10 gabant ergo iudei ad inuicem dicentes. Quomodo potest hic nobis carnem suam dare ad manducandum? Dixit ergo eis iesus. Amen amen dico uobis. nisi manducaueritis carnem filii hominis et biberitis eius sanguinem. non habebitis uitam in uobis. Qui manducat meam carnem. et bibit meum sanguinem: habet uitam eternam. Et ego resuscitabo eum  
 15 in nouissimo die.

(*Offertorium.*) Domine iesu christe rex glorie libera animas omnium fidelium defunctorum de penis inferni et de profundo lacu libera eas de ore leonis. ne absorbeat eas tartarus. ne cadant in  
 20 obscurum. sed signifer sanctus michael representet eas in lucem sanctam. quam olim abrahe promisisti et semini eius. (V.) Hostias et preces tibi domine laudis offerimus tu suscipe pro animabus illis quarum hodie memoriam facimus. fac eas domine de morte transire ad uitam. (V.) Quam olim.

(*Secreta.*)

25 **P**ROPITIARE quesumus domine anime famuli tui. N. pro quo tibi hostiam laudis immolamus maiestatem tuam suppliciter deprecantes. ut per hec pie placationis officia peruenire mereatur ad requiem sempiternam. Per.

(*Communio.*) Lux eterna luceat eis domine cum sanctis tuis in  
 30 eternum quia pius es. (V.) Requiem eternam dona eis domine et lux perpetua luceat eis. Cum sanctis.

(*Post communio.*)

**P**RESTA quesumus omnipotens deus. ut anima famuli tui. que hodie de hoc seculo migravit. his sacrificiis purgata  
 35 et a peccatis expedita: indulgentiam pariter et uitam capiat sempiternam. Per.

(*Missa in die tertio septimo uel trigesimo depositionis defuncti Oratio.*)

40 **Q**UESUMUS domine ut anime famuli tui cuius depositionis diem tertium septimum uel trigesimum commemoramus. sanctorum atque electorum tuorum largiri digneris consortium: et rorem misericordie tue perhennem infundas. Per.

(Secreta.)

MUnera quesumus domine que tibi pro anima famuli tui offerimus placatus intende. ut remediis purgata celestibus in tua pietate requiescat. Per.

(Post communio.)

SUscipe domine preces nostras pro anima famuli tui. ut si que ei macule de terrenis contagiis adheserunt remissionis tue misericordia deleantur. Per.

(ALIA MISSA UT SUPRA

Oratio.)

A Desto quesumus domine anime famuli tui cuius in die depositionis sue tertio septimo *uel* trigesimo. officium commemorationis impendimus: ut si qua ei secularis macula inhesit aut uitium mondiale infecit: dono tue pietatis indulgeas et abstergas. Per.

(Secreta.)

A Desto domine supplicationibus nostris. et hanc oblationem quam tibi offerimus ob diem/ depositionis [fo. 177. tertium septimum *uel* trigesimum pro anima famuli tui. N. placidus ac benignus assume. Per.

(Post communio.)

OMnipotens sempiterne deus collocare dignare spiritum et animam famuli tui. N. cuius diem tertium septimum *uel* trigesimum depositionis commemoramus in sinibus abrae. ysaac. et iacob. ut cum dies agnitionis tue aduenerit: inter sanctos et electos tuos eum resuscitari precipias. Per.

(MISSA PRO EPISCOPO DEFUNCTO

Oratio.)

DA nobis domine ut animam famuli tui episcopi quam de seculi eduxisti laborioso certamine sanctorum tuorum cetui tribuas esse consortem. Per.

(Secreta.)

ANnue nobis domine ut anime famuli tui episcopi hec prosit oblatio: quam immolando totius mundi tribuisti relaxari delicta. Per.

(Post communio.)

His sacrificiis quesumus omnipotens deus purgata anima et spiritus famuli tui episcopi: ad indulgentiam et refrigerium sempiternum peruenire mereatur. Per.

(MISSA PRO EPISCOPIS ET SACERDOTIBUS.)

*Oratio.)*

**D**Eus qui inter apostolicos sacerdotes famulos tuos pontificali seu sacerdotali fecisti dignitate uigere. presta  
 5 quesumus : ut eorum quoque perpetuo aggregentur consortio. Per.

*(Secreta.)*

**S**uscipe domine quesumus pro anima famulorum tuorum pontificum seu sacerdotum quas offerimus hostias : ut  
 10 quas in hoc seculo pontificale seu sacerdotale donasti meritum : in celesti regno sanctorum tuorum iubeas coniungi consortio. Per.

*(Post communio.)*

**P**rosit quesumus domine animabus famulorum tuorum pontificum seu sacerdotum misericordie tue implorata  
 15 clementia : ut eius in quo sperauerunt et crediderunt : eternum capiant te miserante consortium. Per.

(MISSA PRO SACERDOTIBUS)

*Oratio.)*

**P**resta quesumus domine. ut anime famulorum tuorum sacerdotum quos in hoc seculo commorantes sacris  
 20 muneribus decorasti : in celesti sede gloriosa semper exultent. Per.

*(Secreta.)*

**S**uscipe quesumus domine pro animabus famulorum tuorum sacerdotum† quas offerimus hostias : ut quibus sacerdotale donasti meritum : dones et premium. Per.

*(Post communio.)*

**P**resta quesumus omnipotens deus. ut animas famulorum  
 30 tuorum sacerdotum in congregatione iustorum eterne beatitudinis iubeas esse consortes. Per.

(MISSA PRO UNO DEFUNCTO.)

*Oratio.)*

**I**ncлина domine aurem tuam ad preces nostras quibus  
 35 misericordiam tuam supplices deprecamur : ut animam famuli tui quam de hoc seculo migrare iussisti : in pacis ac lucis regione constituas. et sanctorum tuorum iubeas esse consortem. Per.

(Secreta.)

AN nue nobis quesumus domine: ut anime famuli tui hec  
prosit oblatio. quam immolando totius mundi tribuisti  
relaxari delicta. Per.

(Post communio.)

ABSolue quesumus domine/ animam famuli tui ab [fo. 177b.  
omni uinculo delictorum: ut in resurrectionis gloria  
inter sanctos et electos tuos resuscitatus respiret. Per.

(MISSA PRO UNA DEFUNCTA

Oratio.)

Quesumus domine pro tua pietate miserere anime famule  
tue. et a contagiis mortalitatis exutam: in eterne  
saluationis partem restitue. Per.

(Secreta.)

His sacrificiis domine quesumus anima famule tue a  
peccatis omnibus exuatur: sine quibus a culpa nemo  
liber extitit: ut per hec pie placationis officia perpetuam  
misericordiam consequatur. Per.

(Post communio.)

I Nueniat quesumus domine anima famule tue lucis eterne  
consortium cuius perpetue misericordie consecuta est  
sacramentum. Per.

(MISSA PRO DEFUNCTIS FRATRIBUS ET BENEFACTORIBUS

Oratio.)

DEus uenie largitor et humane salutis amator: quesumus  
clementiam tuam. ut nostre congregationis fratres  
propinquos et benefactores qui ex hoc seculo transierunt  
beata maria semper uirgine intercedente cum omnibus sanctis  
tuis: ad perpetue beatitudinis consortium peruenire concedas.  
Per.

(Secreta.)

DEus cuius misericordie non est numerus suscipe propitius  
preces humilitatis nostre: et animabus fratrum pro-  
pinquorum et benefactorum nostrorum quibus tui nominis  
dedisti confessionem per hec sacramenta salutis nostre  
cunctorum remissionem tribue peccatorum. Per.

(Post communio.)

PREsta quesumus omnipotens et misericors deus : ut anime  
fratrum propinquorum et benefactorum nostrorum pro  
quibus hoc sacrificium laudis tue obtulimus maiestati. per  
5 huius uirtutem sacramenti a peccatis omnibus expiate lucis  
perpetue te miserante recipiant beatitudinem. Per.

(MISSA PRO HIS QUI IN CIMITERIO REQUIESCUNT

Oratio.)

10 DEus cuius miseratione anime fidelium requiescunt. famulis  
et famulabus tuis omnibus hic et ubique in christo  
quiescentibus : da propitius ueniam peccatorum : ut a cunctis  
reatibus absoluti tecum sine fine letentur. Per.

(Secreta.)

15 PRO animabus famulorum famularumque tuarum. N. et  
omnium catholicorum hic et ubique in christo dormien-  
tium. hostiam domine suscipe benignus oblatam : ut hoc  
sacrificio singulari. uinculis horrende mortis exute uitam  
mereamur† eternam. Per.

(Post communio.)

20 DEus fidelium lumen animarum adesto supplicationibus  
nostris : et da famulis et famulabus tuis quorum  
corpora hic et ubique in christo requiescunt : refrigerii sedem.  
quietis beatitudinem. luminis claritatem. Per.

(MISSA IN ANNIUERSARIO.

Oratio.)

25 DEus indulgentiarum domine : da animabus famulorum  
famularumque tuarum quorum anniuersarium deposi-  
tionis diem commemorationis<sup>1</sup> refrigerii sedem quietis beati-  
tudinem. luminis claritatem. Per.

(Secreta.)

30 PROpitiare domine supplicationibus nostris pro animabus  
famulorum famularumque tuarum quorum/ [fo. 178.  
hodie annua dies agitur pro quibus tibi offerimus sacrificium  
laudis. ut eas sanctorum tuorum consortio sotiare digneris.  
35 Per.

<sup>1</sup> Of this word the last syllables tionis have been erased, and mus added by hand.



*(Post communio.)*

**P**Resta quesumus domine: ut anime famulorum famularumque tuarum quorum anniuersarium depositionis diem commemoramus his purgate sacrificiis. indulgentiam pariter et requiem capiant sempiternam. Per.

(MISSA PRO PATRE ET MATRE)

*(Oratio.)*

**D**Eus qui nos patrem et matrem honorare precipisti: miserere clementer animabus patris et matris mee eorumque peccata dimitte: meque eos in eterne claritatis gaudio fac uidere. Per.

*(Secreta.)*

**S**uscipe sacrificium domine. quod tibi pro animabus patris et matris mee offero: eisque gaudium sempiternum in regione uiuorum concede. meque cum illis felicitati sanctorum coniunge. Per.

*(Post communio.)*

**C**elestis participatio domine sacramenti animabus patris et matris mee requiem et lucem optineat perpetuam. meque cum illis gratia tua coronet eterna. Per.

(MISSA PRO OMNIBUS DEFUNCTIS)

*(Oratio.)*

**O**mnipotens sempiterne deus cui nunquam sine spe misericordie supplicatur propitiare animabus famulorum famularumque tuarum. ut qui de hac uita in tui nominis confessione decesserunt: sanctorum tuorum numero facias aggregari. Per.

*(Secreta.)*

**P**ropitiare quesumus domine animabus famulorum famularumque tuarum pro quibus tibi hostias placationis offerimus et quia in hac luce in fide manserunt catholica in futura uita eis retributio condonetur eterna. Per.

*(Post communio.)*

**P**Resta quesumus omnipotens deus. ut animas famulorum famularumque tuarum ab angelis lucis susceptas. in preparata habitacula deduci facias beatorum. Per.

(MISSA PLURALIS PRO DEFUNCTIS.

*Oratio.*)

**F**idelium deus omnium conditor. et redemptor animabus  
 famulorum famularumque tuarum remissionem cunc-  
 5 torum tribue peccatorum: ut indulgentiam quam semper  
 optauerunt piis supplicationibus consequantur. Qui uiuis.

*(Secreta.)*

**H**ostias quesumus domine quas tibi pro animabus famu-  
 lorum famularumque tuarum offerimus. propitiatus  
 10 intende: ut quibus fidei christiane. meritum contulisti: dones  
 et premium. Per.

*(Post communio.)*

**A**nimabus quesumus domine famulorum famularumque  
 tuarum oratio proficiat supplicantium. ut eas et a  
 15 peccatis omnibus exuas: et tue redemptionis facias esse  
 participes. Qui uiuis.

(MISSA PRO OMNIBUS DEFUNCTIS.

*Oratio.*)

**P**ropitiare quesumus domine. animabus famulorum famu-  
 20 larumque tuarum misericordia sempiterna: ut mortali-  
 tatis nexibus expeditas. lux eas eterna possideat. Per.

*(Secreta.)*

**H**ostias tibi domine humili deprecatione deferimus. ut  
 anime famulorum famularumque tuarum per hec pie  
 25 placationis officia tuam misericordiam consequantur. Per.

*(Post communio.)*

**/D**eus uita uiuentium. spes morientium. salus [fo. 178b.  
 omnium in te sperantium. presta propitius: ut anime  
 famulorum famularumque tuarum a nostre mortalitatis tene-  
 30 bris absolute: beata maria semper uirgine intercedente in  
 perpetua cum sanctis tuis luce letentur. Per.

(MISSA GENERALIS PRO FIDELIBUS DEFUNCTIS

*Oratio.*)

**D**eus cui proprium est misereri semper et parcere propitiare  
 35 animabus famulorum famularumque tuarum et omnia  
 eorum peccata dimitte: ut mortalitatis uinculis absolute.  
 transire increantur ad uitam. Per.

(Secreta.)

**A**Nnue nobis domine ut animabus famulorum famularumque tuarum hec prosit oblatio. quam immolando totius mundi tribuisti relaxari delicta. Per.

(Post communio.)

**D**Eus cui soli competit medicinam prestare post mortem : presta quesumus : ut anime famulorum famularumque tuarum terrenis exute contagiis in tue redemptionis parte numerentur. Per.

(ALIA MISSA UT SUPRA

Oratio.)

**A**Nimabus quesumus domine famulorum famularumque tuarum misericordiam concede perpetuam. ut eis proficiat in eternum. quod in te sperauerunt et crediderunt. Per.

(Secreta.)

**H**Is quesumus domine placatus intende muneribus. et quod ad laudem tui nominis supplicantes offerimus ad indulgentiam proficiat defunctorum. Per.

(Post communio.)

**S**upplices domine pro animabus famulorum famularumque tuarum. preces effundimus obsecrantes : ut quicquid conversatione contraxerunt humana et clementer indulgeas : et in tuorum sede letantium constituas. redemptorum. Per.

(MISSA PRO DEFUNCTO NUPER BAPTIZATO.

Oratio.)

**D**Eus qui ad celeste regnum non nisi renatis per aquam et spiritum sanctum pandis introitum. multiplica super animam famuli tui. N. misericordiam tuam. et cui donasti celestem et in contaminatum transistum† post baptismi sacramentum. da ei eternorum plenitudinem gaudiorum in unitate eiusdem. Per.

(Secreta.)

**P**ropitiare domine anime famuli tui. N. pro qua tibi offerimus sacrificium laudis. ut eam sanctorum tuorum consortio sociare digneris. Per.

(Post communio.)

**P**ropitiare domine anime famuli tui. N. ut quem in finem istius uite regenerationis fonte mundasti. ad celestis regni beatitudinem facias peruenire. Per.

(MISSA PRO DESIDERANTIBUS PENITENTIAM ORATIO.)

*Si quis penitentiam petens dum sacerdos uenerit officio lingue fuerit priuatus. constitum<sup>†</sup> est. ut si idonea testimonia hoc dixerint. et ipse per motus aliquos satisfacit. sacerdos*  
 5 *impleat omnia circa penitentem. ut mos est.*

(Oratio.)

Omnipotens et misericors deus in cuius humana conditio potestate consistit animam famuli tui. N. quesumus ab omnibus absolue peccatis : ut penitentie fructum. quem uolun-  
 10 tas eius optauit : preuentus morte non perdat. /Per. [fo. 179.

(Secreta.)

Satisfaciat tibi domine quesumus. pro anima famuli tui. N. presens oblatio : ut pariter ueniam quam quesuiuit inueniat. et quod officio lingue implere non potuit : desiderate penitentie  
 15 compensatione percipiat. Per.

(Post communio.)

Deus a quo inspiratur humano cordi omne quod bonum est : tribue per hec sancta que sumpsimus. ut sicut anime famuli tui. N. penitentiam uelle donasti. sic indulgentiam tribuas miseratus optatam. Per.

(MISSA PRO CUIUS ANIMA DUBITATUR.

Oratio.)

Omnipotens et misericors deus. inclina quesumus uenerabiles  
 25 aures tuas ad exiguas preces nostras. quas ante conspectum maiestatis tue pro anima famuli tui. N. humiliter fundimus. ut quia de qua lite<sup>1</sup> uite eius diffidimus : de abundantia pietatis tue consolemur. et si plenam ueniam anima ipsius obtinere non potest. saltem uel inter ipsa tormenta que forsitan patitur. refrigerium de abundantia miserationum  
 30 tuarum sentiat. Per.

(Secreta.)

Suscipe clementissime pater pro pia commemoratione famuli  
 35 tui. N. hostiam placationis et laudis : ut sacrificii presentis oblatio. ad refrigerium anime eius te miserante proueniat. Per.

(Post communio.)

Sumpsimus domine corporis et sanguinis tui deuote misteria. obsecrantes maiestatis tue clementiam. ut et uiuentibus sint tutela<sup>†</sup>. et defuncto famulo tuo optineant ueniam. Per.

<sup>1</sup> Thus for qualitate.

## (INCIPIUNT BENEDICTIONES

## AD FRUCTUS NOUOS.

*Oratio.*)

5 D Omine sancte pater omnipotens eterne deus. qui celum et  
 terram. mare et omnia creasti. respice quesumus. ut hunc  
 fructum nouum. bene(✠)dicere et sancti(✠)ficare digneris:  
 ut multiplicare abundanter offerentibus. ut repleas eorum  
 celaria cum multitudine frumenti et uini et letantes in eis  
 referant tibi deo omnipotenti laudes et gratias. Per.

## (AD BENEDICENDUM SYNDONEM.

*Oratio.*)

0 O Mnipotens deus trinitas inseparabilis manibus nostris.  
 opem tribue benedictionem infunde. ut per nostram  
 benedictionem hec syndon bene(✠)dicetur. et corporis christi  
 5 nouum sepulcrum sancti spiritus gratia perficiatur. Per  
 eundem.

## (AD BENEDICENDUM LINTEAMINA ALTARIS

*Oratio.*)

0 D Omine deus omnipotens qui ab initio hominibus utilia et  
 necessaria creasti. quemadmodum uestimenta pontifi-  
 calia. sacerdotibus et leuitis. ornamenta et lintheamina facere  
 famulum tuum moysen. per quadraginta dies docuisti. siue  
 etiam ea que maria texuit et fecit in usum et misterium  
 tabernaculi federis. sic sancti(✠)ficare bene(✠)dicere. con-  
 5 secrareque digneris hec lintheamina in usum altaris tui ad  
 tegendum inuoluendumque corpus et sanguinem filii tui  
 domini nostri iesu christi. Qui tecum.

(AD BENEDICENDUM LINTEAMINA ET INDUMENTA  
 ALTARIS ET ALIA UASA ET UTENSILIA*Oratio.*)

0 E Xaudi nos/ quesumus domine et lintheamina [fo. 179b.  
 aliaque indumenta. necnon et uasa sancta. omniaque  
 utensilia altari tuo atque ecclesie tue. cunctosque sancti misterii  
 in sui preparata. bene(✠)dicere et sancti(✠)ficare dignare.  
 5 Per.

(AD BENEDICENDUM STOLLAM UEL PLANETAM SEU  
MANIPULUM

*Oratio.*)

5 **D**Eus inuicte uirtutis triumphator. et omnium rerum creator  
ac sanctificator. intende propitius preces nostras et hanc  
stollam siue planetam. seu manipulum leuitice ac sacerdotalis  
glorie ministris tuis instruendam tuo propitio ore bene(✠)-  
dicere. et sancti(✠)ficare consecra(✠)reque digneris omni-  
potensque tuis intendentes officiis. tuisque misteriis aptos.  
10 et tibi deuote et amabiliter seruientes gratos tibi efficere  
concedas. et nunc et in futura secula seculorum. Amen.

(AD BENEDICENDUM QUODLIBET INDUMENTUM NOUUM,  
SIUE CILITIUM SIUE TUNICAM

*Oratio.*)

15 **O**Mnipotens et misericors deus. qui peccatoribus pietatis tue  
misericordiam tuam querentibus hoc indumento uestiri  
misericordiam tuam et ueniam tibi oramus clementiam tuam  
hoc indumentum quod uocatur cilitium uel tunicam. bene(✠)-  
dicere. et sancti(✠)ficare digneris. ubicunque ex eo peccatis  
20 suis indutus fuerit et misericordiam tuam implorauerit ueniam  
et indulgentiam tue sancte misericordie consequatur. Per.

(AD BENEDICENDUM UIRUM SIUE MULIEREM

*Oratio.*)

25 **S**piritus sanctus septiformis ueniat super te. et uirtus altissimi  
sit tecum. et a peccatis omnibus custodiat te. et omnis  
bene(✠)dictio que in scripturis sanctis scripta est. ueniat  
super te et confirmet te deus pater et filius et spiritus sanctus.  
Amen.

(AD BENEDICENDUM LINTEAMINA

*Oratio.*)

30 **C**lementissime domine cuius inenarrabilis uirtus. cuius mis-  
teria archanis miraculis celebrantur tribue quesumus ut  
hoc linteamen tue propitiationis bene(✠)dicere et sancti(✠)-  
ficare [digneris] ad consecrandum super illud corpus dei et  
35 domini nostri iesu christi filii tui. Qui tecum.

(AD BENEDICENDUM QUODLIBET OPUS. UEL QUAMLIBET  
REM QUAM SUPER SE ALIQUIS PORTAUERIT

*Oratio.*)

40 **D**omine iesu christe filius dei uiui qui recto itinere incedentes  
pius adiutor es. te suppliciter exoramus: ut hoc opus

tua bene(✠)dictione conseruare digneris: et presta piissime ac clementissime pater. ut hic famulus tuus *uel* famuli tui. N. et N. in hoc quod in humeris suis suspenderit uel manibus portauerit bene(✠)dictionis tue gratia repleatur. et hic et ubique deffensionis† tue auxilio muniatur. Per.

(AD BENEDICENDUM SPORTAM UEL PRO ITER AGENTIBUS

*Oratio.*)

5 **A** Ccipe hanc sportam itineris tui in nomine domini nostri iesu christi: ut protectione illius ab omnibus malis defensus ad locum destinatum peruenias: et opportunum temporis iteratu repetito ad propria reuertendo suffragii /eius adipisci merearis custodiam. Per.<sup>1</sup> [fo. 180.

(AD BENEDICENDUM BACULUM PRO ITER AGENTIBUS

*Oratio.*)

5 **A** Ccipe et hunc baculum itineris tui in nomine domini nostri iesu christi qui famulo suo tobie angelum suum ducem et preuium prestitit. ipseque tibi angelum pacis dirrigat. qui te ad loca destinata perducatur. sitque tibi committatus tuus iocundus. ut nullus uie tue subripiat inimicus. procul a te sint 0 malignorum accessus. et comes dignetur tibi esse uirtus spiritus sancti. Amen.

<sup>1</sup> The collect and heading are printed as in the original.

(IN FESTO TRANSFIGURATIONIS DOMINI NOSTRI IESU  
CHRISTI. ORATIO.*Introitus.)*

5 **U**iderunt ingressus tuos deus. ingressus dei mei. regis mei qui est  
in sancto.

(*Ps.*) Illuxerunt coruscationes tue orbi terre commota est et  
contremuit terra. (*V.*) Gloria patri.

*Et dicitur.* Gloria in excelsis.

*(Oratio.)*

10 **D**eus qui fidei sacramenta in unigeniti tui gloriosa trans-  
figuratione patrum testimonio roborasti. et adoptionem  
filiorum prophetica uoce delapsa in nube lucida mirabiliter  
presignasti. concede propitius. ut ipsius regis glorie nos  
coheredes efficias. et eiusdem glorie tribuas esse consortes.  
15 Per eundem.

*(Epistola beati petri apostoli) [II. Pet. i. 16–21].*

**C**arissimi. Non indoctas fabulas secuti. notam facimus  
uobis domini nostri iesu christi uirtutem. et prescientiam.  
sed speculatores facti illius magnitudinis. Accipiens enim a  
20 deo patre honorem et gloriam. uoce ad eum delapsa huius-  
modi a magnifica gloria. Hic est filius meus dilectus† in quo  
michi complacui ipsum audite. Et hanc uocem nos audiuius  
de celo allatam. cum essemus cum ipso in monte sancto. Et  
habemus firmiorem propheticum sermonem. cui benefacitis  
25 attendentes quasi lucerne lucenti in caliginoso loco. donec  
dies illucescat. et lucifer oriatur in cordibus uestris. Et hoc  
primum intelligentes. quod omnis prophetia scripture propria  
interpretatione non sit. Non enim uoluntate humana allata  
est aliquando prophetia. sed spiritu sancto inspirati. locuti  
30 sunt sancti dei homines.

(*Graduale.*) Cantate domino et benedicite nomini sancto eius  
annuntiate de die in diem salutare eius. (*V.*) Annuntiate inter  
gentes gloriam eius. in omnibus populis mirabilia eius. alleluia.  
(*V.*) Candor est lucis eterne. speculum sine macula. et imago  
35 bonitatis illius.

*(Euangelium.)*

Assumpsit iesus petrum. *Require in sabbato primo quadra-  
gesime.* [p. 69.]

(*Offertorium.*) Gloria et diuitie in domo eius. et iustitia eius  
40 manet in seculum seculi. alleluia.



(*Secreta.*)

O Blata quesumus domine munera gloriosa unigeniti tui  
transfiguratione sanctifica. nosque a peccatorum nos-  
trorum maculis. splendoribus ipsius illustrationis emunda.  
5 Per eundem.

*Prephatio de natiuitate domini.*

(*Communio.*) Uiderunt omnes fines terre salutare dei nostri.

(*Post communio.*)

10 P Resta quesumus omnipotens deus. ut sacrosancta trans-  
figurationis misteria. que solemni celebramus officio  
purificate mentis intelligentia consequamur. Per eundem.

|(Ad induendum puerum siue puellam habitum pro [fo. 18ob.  
uoto siue deuotione.)

(Versus.) Adiutorium nostrum in nomine domini.

(R.) Qui fecit celum et terram.

5 (V.) Domine exaudi orationem meam.

(R.) Et clamor meus ad te ueniat.

(V.) Dominus uobiscum.

(R.) Et cum spiritu tuo.

Oremus.

10 (Oratio.)

D Omine iesu christe qui nostra pro salute suscipiens  
humanam naturam. te uestimento carnis induere  
dignatus es. benedictione sancta tua. bene(✠)dic ista  
paruula uestimenta. que pro gratiis tibi exsoluendis. omni  
15 cum deuotione sanctoque uoto. ac ueneratione beatissime  
M. infans iste. siue puella ista super se suscepturus est. In-  
funde in eum quesumus tuam sanctam bene(✠)dictionem. ut  
cum primum induerit hoc religioni simile uestimentum.  
intercedente sancto. N. descendat super eum gratia tua que  
20 protegat illum ab omni malo mentis et corporis. Qui uiuis  
et cetera.

Deinde aspergat uestimenta. et illum siue illam. et adoleat  
incenso.

Cum uero exiit eum uel eam. dicat.

25 (Antiphona.)

E Rippiat dominus de corde tuo seculi pompas. quibus abrae†nun-  
tiasti dum baptismum susciperes.

(Ps.) Erripe me domine ab homine malo. a uiro iniquo erripe  
me. Erripe me de inimicis meis deus meus. et ab insurgentibus  
30 in me libera me. Erripe me de operantibus iniquitatem. et de uiris  
sanguinum salua me. Gloria patri. Sicut erat.

Postea induat eum capa. et scapulari antequam cingat. et  
dicat.

(Antiphona.)

35 I Mmitat in te dominus sanctus religionis amorem sanctoque feruore  
suscendaris. et ardeas celestium bonorum desiderio.

(Ps.) Laudate pueri. et cetera. Gloria patri. et cetera.

Postmodum cingat eum uel eam dicendo.

(Antiphona.)

**P**Recingat dominus te zona iustitie. ut immaculata conserues omnia mandata sua.

(Ps.) Laudate dominum in sanctis eius. laudate eum in firmamento uirtutis eius. *et cetera.*

*Deinde det ei candelam accensam et dicat.*

(V.) Domine exaudi orationem meam.

(R.) Et clamor meus ad te ueniat.

(V.) Dominus uobiscum.

(R.) Et cum spiritu tuo.

(Oratio.)

**D**omine iesu christe lux uera de uero lumine. quesumus clementiam tuam. ut per intercessionem beatissimi. N. mentem paruuli huius illumines. ut cum ad annos discretionis aduenerit. sancto tibi animo corporeque deseruiat Qui uiuis.

*Postea benedicat puerum uel puellam. offerendo eum uel eam super altari ac dicendo.* Confirma hoc deus in puero. *siue in puella.* quod in eo operare cepisti a templo sancto tuo. deducat eum spiritus tuus bonus in terram rectam. et bene(✠)dictio tua sit super eum semper.

*Deinde reddat illum uel illam parentibus. et conuersus ad omnes circumstantes dicat.* Bene[✠] dicat uos diuina maiestas. pater et filius. et spiritus sanctus. (R.) Amen.

(Ad exuendum puerum siue puellam habitum portatum pro uoto siue deuotione.)

(V.) Adiutorium nostrum in nomine domini.

(R.) Qui fecit celum et terram.

(V.) Domine exaudi orationem meam.

(R.) Et clamor meus ad te ueniat.

(V.) Dominus uobiscum.

(R.) Et cum spiritu tuo.

Oremus.

(Oratio.)

**D**omine sancte pater omnipotens /eterne deus. [fo. 181. a quo descendit omne bonum. et omne donum. tibi gratias refferimus. et expleta uota reddimus. suscipe uota nostra cum actionibus gratiarum. et intercedente beatissima uirgine maria sanctoque. N. huic infanti. *siue puelle.* de cetero presta salutem mentis et corporis. ut te creatorem recte fide colat. in te redemptore spem suam confirmet. teque summum bonum super omnia diligat atque sanctis mandatis tuis semper obediat. Per dominum.

*Deinde illum habitum exuendo dicat.*

(Antiphona.)

R Eddite uota uestra deo cum actionibus gratiarum.

(Ps.) Laudate dominum omnes gentes. *cum gloria patri.*

*Deinde ponat habitum super altari et dicat.*

5 (V.) Domine exaudi orationem meam.

(R.) Et clamor meus ad te ueniat.

(V.) Dominus uobiscum.

(R.) Et cum spiritu tuo.

(Oratio.)

10 S Uscipe sancte pater omnipotens eterne deus uota preces-  
que supplicum. et per intercessionem beatissime uirginis  
marie sanctique. N. presta nobis ita beneficia cognoscere. ut  
in gratiarum actione semper maneamus. Per dominum.

*Postea se uertat ad circumstantes eosque benedicendo dicat.*

15 Bene[✠]<sup>1</sup> dicat uos diuina maiestas. pater[✠]<sup>1</sup> et filius[✠]<sup>1</sup>  
et spiritus sanctus. (R.) Amen.

¶ Antoni patria parmensis gente zarotte

Primus missales imprimis arte libros.

Nemo repertorem nimium se iactet in. arte

20 Addere plus tantum quam peperisse ualet.

Mediolani. Mccccclxxiiii. die vi decembris finitum.

<sup>1</sup> The cross is wanting, space for it being left, but it has not been filled in by hand.



**E** igitur clemen  
tissime pater per  
fectum xpm filium  
tuum dominum no  
strum supplices  
rogamus ac peti  
mus. ut accepta habeas et bene

dicas. **hec** **¶** dona. **hec** **¶** sancta sacrificia  
amicta. **hec** **¶** sancta sacrificia  
illibata. In primis que tibi offe  
rimus pro ecclesia tua sancta ca  
tholica. quam pacificare. custo  
dire. adunare. et regere digne  
ris. toto orbe terrarum. una cum  
famulo tuo papa nro. **¶** et an  
tistite nro. **¶** et omnibus orto  
doxis. atq3 catholicis et aposto

licis **¶** Iohannis et **¶** Pauli  
Cosme et **¶** Damiani.

Et omniuz sanctorum tuorum quo  
rum meritis precibusq3 preceas.  
ut in omnibus protectionis tue  
mutemur auxilio. **¶** Per eundem  
xpm dominum nrm. Amen. **¶** Infelic

**N**unc igitur oblationes serui  
tutis nostre. sed et cuncte sa  
mule tue. quesumus domine ut pla  
catus accipias. dicisq3 nostros  
in tua pace disponas. atq3 ab e  
terna damnatione nos eripi. et  
in electorum tuorum iubeas grege  
numcrari. **¶** Per xpm dominum  
nostrum. amen.

**N**unc oblationem tuam

tibi fides cognita est et nota de  
uotio . pro quibus tibi offerim?  
uel qui offerunt hoc sacrificiis la  
udis . pro se suisq; omnibus . pro  
redemptione animar. suar. pro  
spe salutis et incolunitatis sue ti  
bi redunt uota sua . eterno deo  
uiuio et uero . iusticiam .

**Q**mmunicantes ⁊ memoria  
uenerates . In primis glori  
ose sempq; uirginis marie genit  
ricis dei et domini nostri iesu xpi .  
Sed et beator. apostolor. ac  
maritum tuorum . Petri

Pauli Silippi Cleti  
Andree Bartholomei Clemenis  
Jacobi alSathel Sixti  
Iohannis Simonis Cornelii  
Thome et iohatei Cipriani  
Jacobi Lini Laurentii


bis cor. **H**pus et san. **H**guis  
fiat dilectissimi filii tui domini no  
stri iesu xpi . Ille accipiat hostiam in  
manibus dicendo .

**Q**ui pridie quam pateret ac  
cepit panes in sanctas ac ue  
nezabiles manus suas . et eleua  
tis oculis in celum ad te deus pa  
trem suum omnipotentes . tibi gra  
tias agens bene **H**dixit . fre  
git . deditq; discipulis suis dices  
Accipite et manducate ex hoc  
omnes .

**H**oc est enim corpus meum .

Ille deponat hostia . ⁊ leuet calice dicens .

**H**simili modo postquam cena  
tum est accipiens ⁊ huic pre  
clarum calicem in sanctas ac ue  
nezabiles manus suas . Iter tibi





summus bonus super omnia diligat atq3 sanctis mandatis tuis semper obediat. Per dominum.

Deinde illum habitum exuendo dicat.

Mt. Reddite vota uestra deo cum actionibus gratiarum. Ps. Laudate dñs omnes gentes. cum gloria patri. Deinde ponat habitum super altari et dicat. V.


Dñe exaudi orationem meam. R. Et clamor meus ad te ueniat. V. Dñs uobiscum. R. Et cum spiritu tuo. Oratio.

**O** Ascipe sancte pater omnes eterne deus uota precesq3 supplicum. et per intercessionem beatissime uirgis marie sanctiq3.

M. p'sta nobis ita beneficia cognoscere. ut in gratiarum actione semper maneam. Per dominum.

Postea se uertat ad circumstantes eosq3 benedicendo dicat. Bene dicat uos diuina maiestas. pater et filius et spiritus sanctus. R. Amen.

**A**ntoni patria parmensis gente zarotte  
Primus missales imprimis arte libros.  
Nemo repositoꝝ nimius se iactet in arte  
Addere plus tantum quā pepisse ualeat.  
a1Sediolani. a1S cccclxxiiii. die  
vi decembris finitum.





LONDON :  
HARRISON AND SONS, PRINTERS IN ORDINARY TO HER MAJESTY,  
ST. MARTIN'S LANE,

# HENRY BRADSHAW SOCIETY,

## FOR EDITING RARE LITURGICAL TEXTS.

---

### PRESIDENT.

THE BISHOP OF SALISBURY.

### VICE-PRESIDENTS.

The Bishop of Durham.

The Bishop of Edinburgh.

The Bishop of Bristol.

The Dean of Carlisle.

Rev. F. Procter, M.A.

Monsieur Léopold Delisle.

The Lord Aldenham, F.S.A.

Whitley Stokes, Esq., C.S.I., C.I.E., D.C.L., F.S.A.

Sir Edward M. Thompson, K.C.B., LL.D., D.C.L., F.S.A.

### MEMBERS OF COUNCIL.

Dr. J. Wickham Legg, F.R.C.P., F.S.A., *Chairman.*

Rev. E. S. Dewick, M.A., F.S.A., *Hon. Treasurer.*

Rev. H. A. Wilson, M.A., *Hon. Secretary.*

Rev. John H. Bernard, D.D.

W. J. Birkbeck, Esq., M.A., F.S.A.

Rev. W. C. Bishop, M.A.

Rev. F. E. Brightman, M.A.

Rev. Walter Howard Frere, M.A.

W. H. St. John Hope, Esq., M.A.

M. R. James, Esq., Litt.D.

F. Jenkinson, Esq., M.A.

F. Madan, Esq., M.A.

J. T. Micklethwaite, Esq., V.P.S.A.

Rev. F. E. Warren, B.D., F.S.A.

Rev. Christopher Wordsworth, M.A.

*List of Works already issued.*

1891. I. MISSALE AD USUM ECCLESIAE WESTMONASTERIENSIS.  
fasc. i. Edited by Dr. J. WICKHAM LEGG, F.S.A. 8vo.  
[Dec. 1891.]
- III. THE MARTILOGE, 1526. Edited by the Rev. F. PROCTER,  
M.A., and the Rev. E. S. DEWICK, M.A., F.S.A. 8vo.  
[May, 1893.]
1892. II. THE MANNER OF THE CORONATION OF KING CHARLES  
THE FIRST, 1626. Edited by the Rev. CHR. WORDSWORTH,  
M.A. 8vo. [Dec. 1892.]
- IV. THE BANGOR ANTIPHONARIUM. Edited by the Rev.  
F. E. WARREN, B.D., F.S.A. Part I. containing complete  
facsimile in collotype, with historical and palæographical  
introduction. 4to. [Aug. 1893.]
1893. V. MISSALE AD USUM ECCLESIAE WESTMONASTERIENSIS,  
fasc. ii. Edited by Dr. J. WICKHAM LEGG, F.S.A. 8vo.  
[Aug. 1893.]
- VI. OFFICIUM ECCLESIASTICUM ABBATUM SECUNDUM USUM  
EVESHAMENSIS MONASTERII. Edited by the Rev.  
H. A. WILSON, M.A. 8vo. [Aug. 1893.]
1894. VII. TRACTS OF CLEMENT MAYDESTONE, viz.  
DEFENSORIUM DIRECTORII and CREDE MICH. Edited by the  
Rev. CHR. WORDSWORTH, M.A. 8vo. [Oct. 1894.]
- VIII. THE WINCHESTER TROPER. Edited by the Rev. W.  
HOWARD FRERE, M.A. 8vo. [Nov. 1894.]
1895. IX. THE MARTYROLOGY OF GORMAN. Edited by WHITLEY  
STOKES, D.C.L., Foreign Associate of the Institute of  
France. 8vo. [July, 1895.]
- X. THE BANGOR ANTIPHONARIUM, Part II. containing an  
amended text with liturgical introduction, and an appendix  
containing an edition of Harleian MS. 7653. Edited by the  
Rev. F. E. WARREN, B.D., F.S.A. 4to. [Nov. 1895.]

1896. XI. THE MISSAL OF ROBERT OF JUMIÈGES, BISHOP OF LONDON, A.D. 1044-1051, AND ARCHBISHOP OF CANTERBURY IN A.D. 1051. Edited from a MS. in the Public Library at Rouen, by the Rev. H. A. WILSON, M.A. 8vo. [July, 1896.]
- XII. MISSALE AD USUM ECCLESIE WESTMONASTERIENSIS, fasc. iii. Containing an appendix giving certain Offices from Westminster MSS. in the Bodleian Library and the British Museum, together with full indices, notes, and a liturgical introduction. Edited by Dr. J. WICKHAM LEGG, F.S.A. 8vo. [Nov. 1897.]
1897. XIII. THE IRISH LIBER HYMNORUM. Edited from MSS. in the Libraries of Trinity College, and the Franciscan Convent at Dublin by the Rev. JOHN H. BERNARD, D.D., and ROBERT ATKINSON, LL.D. Vol. I., Text and Glossary. XIV. Vol. II., Notes and Translations of the Irish Prefaces and Hymns. 8vo. [July, 1898.]
1898. XV. THE ROSSLYN MISSAL. An Irish manuscript in the Advocates' Library, Edinburgh. Edited by the Rev. H. J. LAWLOR, D.D. 8vo. [April, 1899.]
- XVI. THE CORONATION BOOK OF CHARLES V. OF FRANCE. Edited by the Rev. E. S. DEWICK, M.A., F.S.A., with reproductions in collotype of the miniatures which illustrate the ceremony. 4to. [In the Press.]
1899. XVII. MISSALE ROMANUM, Milan, 1474. (The first printed edition of the Roman Missal.) Edited by the Rev. ROBERT LIPPE, LL.D. Vol. I. Text. 8vo. [Oct. 1899.]
- XVIII. THE PROCESSIONAL OF THE NUNS OF ST. MARY AT CHESTER. With English rubrics. Edited by Dr. J. WICKHAM LEGG, F.S.A. 8vo. [Oct. 1899.]

The following Works are in preparation :

THREE ENGLISH CORONATION ORDERS : (1.) The Coronation Order of William III. and Mary II. (2.) An Anglo-French version of the English Coronation Order. (3.) A Pre-Norman Coronation Order. Edited by Dr. J. WICKHAM LEGG, F.S.A. 8vo. [In the Press.]

FACSIMILES OF HORÆ B.M.V., reproduced in collotype from English MSS. of the 11th Century. Edited by the Rev. E. S. DEWICK, M.A., F.S.A. 4to. [In the Press.]

THE HEREFORD BREVIARY. Edited by the Rev. W. HOWARD  
FRERE, M.A. 8vo. [In the Press.]

ABBOT WARE'S CONSUECUDINARY OF WESTMINSTER. Edited by  
Sir E. MAUNDE THOMPSON, K.C.B., LL.D., D.C.L., F.S.A. 8vo.  
[In the Press.]

CLEMENT MAYDESTONE'S DIRECTORIUM SACERDOTUM. Edited by  
(the late) Rev. Canon COOKE, M.A., and the Rev. CHRISTOPHER  
WORDSWORTH, M.A.

THE LITURGY OF ST. JAMES. Edited by the Rev. F. E. BRIGHT-  
MAN, M.A.

A MISCELLANEOUS VOLUME CONTAINING :

THE CANON OF THE MASS, AND ITS VARIANTS. Edited by the  
Rev. H. A. WILSON, M.A., and Dr. J. WICKHAM LEGG, F.S.A.

AN EDITION OF A BODLEIAN MS. (Wood MS. 17) Langforde's  
*Meditatyons for Goostly Exer cyse in the tyme of the Masse* Edited  
by Dr. J. WICKHAM LEGG, F.S.A.

A REPRINT OF *Instructio seu Alphabetum Sacerdotum*. Edited by  
Dr. J. WICKHAM LEGG, F.S.A.

*Ordinarium Missæ*. From an early 14th Century Sarum Missal  
formerly in the possession of the late Mr. WILLIAM MORRIS, F.S.A.

A MISCELLANEOUS VOLUME, containing facsimiles of early liturgical  
MSS., including an early copy of *Quicumque vult*, from an Irish MS. in  
the Ambrosian Library (O. 212, sup.). 4to.

THE BENEDICTIONAL OF ROBERT OF JUMIÈGES. Edited by the  
Rev. H. A. WILSON, M.A.

October, 1899.

\* \* Persons wishing to join the Society are requested to communicate with  
the Hon. Secretary, the Rev. H. A. WILSON, Magdalen College,  
Oxford; or with the Hon. Treasurer, the Rev. E. S. DEWICK, 26,  
Oxford Square, Hyde Park, London, W.

The books are issued to members in return for an annual subscription  
of one guinea, payable at the beginning of each year.







Catholic church. Liturgy                   BOT  
and ritual. Missal.                       4005  
    Missale romanum Mediolani, .H5  
1474.                                       v.17  
   IMS

LIBRARY

Pontifical Institute of Medieval Studies

113 ST. JOSEPH STREET

TORONTO, ONT., CANADA M5S 1H

